



July 1701  
124





21/7/2

*[Handwritten signature]*

Le Chancelier de Chiverny, qui avoit été élevé à cette charge sous le Regne de Henry III. estoit homme froid, dissimulé, et avisé; mais à ce qu'en disoient ses ennemis, il estoit meilleur praticien que bon Conseiller d'Etat. Pre. fixe Histoire de Henry. le Grand. p. m. 252. Ed. in 4.<sup>to</sup> Paris. 1662.

LES  
MEMOIRES  
D'ESTAT,

DE MESSIRE PHILIPPES  
HVRAVLT,

COMTE DE CHIVERNY,  
CHANCELIER DE FRANCE.

*Avec une Instruction à Monsieur son Fils;*

ENSEMBLE

*La Genealogie de la Maison des HVRAVLTS, dressée sur plusieurs  
Titres, Arrests des Cours Souveraines, Histoires,  
& autres bonnes preuves.*




A P A R I S,

Chez PIERRE BILLAINE, rue Saint Jacques, à la  
Bonne-Foy, deuant Saint Yues.

M. DC. XXXVI.

AVEC PRIVILEGE DV ROY.





DE VIRO AMPLISSIMO  
PHILIPPO HVRALTO,  
CEVERNII COMITE,  
GALLIÆ CANCELLARIO,  
ELOGIA.

EX LIBRO CXXIII. IACOBI AVGVSTI THVANI  
*Historiarum sui temporis, ad annum CIO. ID. XCIX.*



VM Rex Blœsis esset, PHILIPPVS HVRALTVS Cancellarius ad Ceuerniam arcem suam, in quâ natus erat, diuertit, mórque confluyente ad ipsum innumerâ nobilium gratulantium multitudine, venisse se dixit, vt ingenui leporis instar in cubili suo moreretur; quod ominosè dictum exitus comprobauit. Nam cùm optimè valere crederetur, nec opinatâ intestini conuulsione correptus paucis post diebus ibidem decessit iij. Kal. viii. id. annum ætatis septuagesimum secundum aliquot mensibus supergressus. Fuit vir ingenio, pruden-

tiâ , admirabilique in negotiis explicandis solertiâ ac diligentiâ præditus; tum præcipuè comitate & humanitate insignis, quâ fiebat, vt nemo à conspectu eius tristis discederet; in Regni arcanis prisce moris, quem in Senatu olim imbiberat, retinens, quibus per nouas leges ac instituta, tam in ciuili, quam in sacrâ disciplinâ quidquam derogari aut præiudicari, quantum in ipso fuit, toto Magistratu suo passus non est. Eum xx. annis tenuit, & per xxx. amplius in flagrantissima trium Regum gratia floruit, ab iisdem ad amplissimos honores & opes euectus. Ex Annâ Thuanâ Christophori Thuani filiâ plures liberos sustulit, HENRICVM Ceuernij Comitem, qui Franciscam Cabotiam, Helionori Comitum Carnij filiam duxit; PHILIPPVM Carnuti Episcopum designatum, & LVDOVICVM Limorosij Comitem. Tres item filias splendidissimis auctas matrimoniis; MARGARITAM, quæ Vido Lauallo Nigellæ Marchioni ad Euriacam pugnam fortiter pugnando interfecto primis nuptiis elocata est; dein Annæ Anglurio Giurio ad Laodunum Clauatum itidem cæso nupsit, ANNAM, quæ Gilberto Tremollio Roiani Marchioni; & CATHARINAM, quæ primum Virginali Escublæo Capellæ Comiti, dein eo in floreatatis mortuo, Antonio Aumontio famosi illius Ioannis E. T. filio ac præcipuo hæredi nupsit. Inualuerat iam multis ab hinc annis, vt non ex Regni Curiis, sicut olim fiebat, sed ex iis qui in comitatu Principis gratissimi vixissent, & maxima diu negotia tractassent, ad summum togæ magistratum assumerentur. Itaque quærenti successorem statim occurrit Pomponius Belleuræus multis publicis muneribus ac crebris legationibus cum prudentiæ famâ defunctus, qui assiduo obsequio &

longo æuo meruit, ne quis alius ex aulicis ipsi præferretur.



## Ex Libro V. Elogiorum

SCÆVOLÆ SAMMARTHANI.

PHILIPPVS HVRALTVS CEVERNIVS.



PHILIPPVM HVRALTVM Ceuernij Comitem ex Britannica nobilitate oriundum Belnea mater fœmina quoque nobilis vltimo partu posthumum edidit, cum RODVLPHVS pater aliquot ante mensibus Neapolitano bello periisset. Adolescentem excepit Academia Pictauiensis legum studio celeberrima; cui tamen ita se dedit, vt Historiarum interim & earum artium, quæ ad Imperij gubernacula pertinerent, aliquanto curiosior vnum ferè Tacitum aut Cominium, & alios eiusdem notæ scriptores haberet in manibus, eorumque diligenti & quotidianâ lectione mirificè delectaretur. Scilicet generosi adolescentis egregia iam tum indoles viam sibi ad intima Principum consilia, tanquam naturâ duce, per hæc studia parabat ac munebat. Nec tantæ spei postea defuit ad facilem euentum præfens & opportuna sortis occasio. Duxit enim vxorem PHILIPPVS Christophori Thuani Senatûs principis filiam, qui vir clarissi-

mus & in assiduâ tanti muneris functione occupatus, cum ab Henrico Regis fratre ad Cancellarij dignitatem inuitaretur, maluit eam ad generum suum deferri; vnde præcipuus illi deinceps patuit apud Regem futurum authoritatis & gratiæ locus. Cui demum absenti, & è Sarmatia reditum in Galliam, audito fratris funere, molienti sic adfuit, eiusque rationibus adeo cautè fidelitèrque prospexit, vt nusquam ingratus Princeps matris quidem authoritate, sed salutaribus HVRALTII consiliis assertum sibi & seruatum fuisse Imperium non obscure profiteretur; neque porrò conquireret, donec eum in supremo Togatæ militiæ gradu collocaret: lubrico illo quidem & ancipiti; sed in quo tamen vir incomparabili prudentiâ, vel inter medios aulæ fluctus, & latentes æmulorum insidias perstitit incolumis & in perpetuo prosperitatis tenore diu permansit; nullam instabilis & iniquæ Fortunæ vicem experturus, nisi optimus Princeps, qui detectâ multorum perfidiâ desertum se turpiter à suis & proditum sentiret, suspicionum ideo plenus omnes ferè quantumuis probatos & fideles ministros, atque in iis HVRALTVM ipsum Regiâ pepulisset ac summouisset. Verùm altero post anno reuocauit eum nouus Regni successor Henricus IV. & pristinæ dignitati restituit. Erat staturâ mediocri, specie decorâ, moribusque suauissimis: nulli se in accessu difficilem aut asperum, nulli morosum ostendebat, ea comitate vultûs, eâque blandi sermonis efficacia, vt etiam eos, qui repulsam paterentur, nunquam nisi lætos ac bene sperantes à se dimitteret. Nec eò minus grauitatem in Consiliis, & insignem totius rei Gallicæ peritiam, quodque miremur in tanta negotiorum multitudine & varietate paratam.



semper, & expeditam acerrimi iudicij vim præferebat. Sanè constat eius interitum Regi maximo & omnibus aulicis valde fuisse tristem & acerbum. Longe tamen acerbiorum futurum, nisi amplissimi viri Pomponij Belluræi successoris eo loco dignissimi admirabilis integritas cum singulari doctrinâ & longissimo rerum usu coniuncta huic faciliè desiderio modum adferrent. Vixit ad septuaginta duos annos, viuido semper ingenio & sensibus integerrimis, annóque tandem supra mille & quingentos vndecentesimo sextili mense apud Ceuernium suum, vbi natus erat, mortuus est, ac ibidem in maiorum conditorio iuxta parentis ossa, quæ Capuâ iusserat in Galliam asportari, tumulatus.



## EX GERMANI AVDEBERTI

*Aurelij libro cui titulus,*

PARTHENOPE.

AD PHILIPPVM HV RAL TVM

Vice-comitem Cheuernium, Aurel. Blef. &

Carnut. Prouinciarum Proregem, &

Galliæ Cancellarium.



*IRENIS celebri celebres de nomine muros*

*Euboicis canimus fundata ciuibus vrbis,*

*Aequora atque arces, extensa que brachia portus,*

*Et ductum caua Pausilypi per viscera montis,*

*Cæcum iter atque hortos veterum oblectamina Regum*

Deliolos versas Pompeij atque Herculis vrbes,  
Monstrâque Vesui ructantis in aëra flammâs,  
Tum geminam Capuam felicēsq; vberē glebas, &c.

Diua faue Vates, & grandibus annue votis;  
Da vocem ex adytis Phœbi veneranda Sacerdos,  
De tripode & lauro tua sancta oracla reclude  
Enthea labra mouens, animis teque insere nostris;  
Vt te digna loquar; magnôque Heroe PHILIPPO  
HYRALTO; iustas qui recto examine lances  
Sustinet, ac Themidis clauum per regna gubernat  
Gallica; & ex æquo Iuris moderatur habenas  
Inclutus, insidens folio spectabilis alto  
Iustitiæ, qui summus honos, summumque togatæ  
Gentis solstitium est, quod tendere non datur ultra.  
Mens refugit tantoque indigna offerre veretur  
Dona viro, partim ne in publica commoda peccemus,  
Et magnas regni versantem pectore curas  
Detineam nugis vano sermone molestus,  
Partim ne refricem conceptos morte parentis  
Luctus: ac monitu renouetur plaga recenti,  
Et velut obductum durus ruat unguis in vlcus.

Ille atavis proavisque ingens, ingentibus ortus,  
Antiquam Armorico numerans à sanguine prolem,  
Trans-alpina procul Campanâque castra secutus,  
Auspiciis, Lautrece, tuis, dux maxime Francûm,  
Vsq; tuo affixus lateri, tibi bella gerenti  
Fidus curarum consors atque alter Achates  
Pernigil, & duri pars non ingloria Maris.

Felix ô, cui Parthenopes sub manibus altis  
Rapta exposcebat cum sceptrâ potentibus armis,  
Ingentique urbem Rex obsidione premebat

Franciscus

Franciscus celebri virtute, ut nomine primus)  
 Contigit oppetere, atque animam pro laude pacisci;  
 Et signare suo virtutem sanguine: carum  
 Quod decus excelsæ menti supremæque laus est,  
 Nec tam mors veræ stabilis quam ianua vitæ:  
 Quâ nec splendidior, quâ nec generosior vlla,  
 Aeternis mandans illustria nomina fastis.  
 Rara repente cadunt, raris malus invidet Orcus,  
 Et nostris avidus damnis dite scit Olympus.

Sed de tam grandis patriæ virtutis aceruo  
 Nullum maius opus, magni fili inclyte patris,  
 Quàm quod te tandem felici è stipite firmum  
 Nutanti genuit columen faustissimus Orbi.  
 Hoc vno natum genitor superavit: & illi  
 Te Rex, te debet præfago Gallia fato. &c.



## Ex Libro Elegiarum NICOLAI RAPINI PICTONIS.

Ad amplissimum virum PHILIPPVM HVRAL-  
 TVM Franciæ Cancellarium.



**H**VRALTE inflexas regni qui ducis habenas,  
 Sceptraque prudenti Gallica mente regis;  
 Aspicere hæc placidone etiam dignabere vultu  
 Rustica Pictonici carmina vatis opus?  
 Nimirum tibi nunc debent sua fata Camæna,  
 Agnoscuntque à te quidquid honoris habent.

*Haftenus horruerat Splendentem Delius aulam,  
Et vagus obscuro penè latebat agro:  
Cum procul ad surgis, summâque infede locatus  
Ad meliora simul spemque animosque facis.  
Excipis hospitio palantes vrbibus Artes,  
Virtutemque super Regia signa vocas.  
Ipse Pierides intra aurea tecta receptæ  
Audent maternos iam sociare choros.  
Te monstrante viam, te concedente benignè  
Optima pro meritis pramia quisque refert.  
Hinc tibi iam totum consurgit fama per Orbem,  
Et tua laus facta est vatibus ampla seges.  
Nec te cognoscent miseranda hæc tempora tantum,  
Quæ nisi tu regeres, deteriora forent.  
Post tumulum cineresque tuos rediuiua manebit  
Gloria, & æternum per monumenta decus.  
Ipse tuum tradet ventura in secula nomen  
Hallanus Gallæ primus in historiâ,  
Aureliusque tuis non impar laudibus auctor  
Dum tua ab Armoricis stemmata ducit auis.  
Et Sammarthani docto cantaberis ore,  
Seu Latiam pulset, seu patriam arte chelyn.  
Et duraturos statuet Paschalis honores  
Victuristabulis atque tibi atque sibi.  
Quid referam Augusti pennata volumina fratris,  
In prædam rapidas qui modò ciuit aues?  
Nobilis ut claro miscet se sanguine sanguis,  
Fama etiam vobis iuncta duobus erit.  
His ego me decoris vestri præconibus addam,  
Postque alios longè verba iterata sequar.  
Et quia Martis opus, castrensiaque arma professum*

*Iamdudum Aonides deſeruere Deæ,  
Non ideo rudis & ſimplex oratio lader,  
Nunquam habet inſenſos hoſtia pura Deos,  
Obſequij nomen, deuotaꝫue peſtora geſto,  
Pars tanti viſiam quantulacunque gregis.*



## Priuilege du Roy.



LOUIS par la grace de Dieu Roy de France & de Nauarre: A nos amez & feaux Conſeillers les Gens tenans nos Cours de Parlement de Paris, Tholoſe, Rouen, Bourdeaux, Aix, Grenoble, Dijon, Rennes & Metz, Maîtres des Requeſtes ordinaires de noſtre Hoſtel, Preuoſt de Paris, Baillifs, Senefchaux, & tous autres nos Officiers & Juſticiers qu'il appartient, Salut: Noſtre bien amé I. D. M. S. D. L. M. l'un de nos Herauts d'armes nous a fait remonſtrer qu'il a recouuert vn liure intitulé, *Les Memoires de ſeu Meſſire Philippes Hurault Comte de Cheuerny, Chancelier de France: Enſemble trois Traictez ſervant d'Inſtruction à ſes enfans*, lequel liure il deſireroit faire imprimer: Mais il craint qu'apres qu'il aura fait de grands frais & deſpens pour l'impreſſion d'iceluy, quelques autres le vouluſſent entreprendre à ſon preiudice, ſ'il ne luy eſtoit pourueu de nos Lettres neceſſaires, qu'il nous a fait ſupplier luy vouloir accorder. A CES CAUSES, deſirant fauorablement traicter ledit expoſant, luy auons permis & octroyé, permettons & octroyons par ces preſentes d'imprimer ou faire imprimer par tel Imprimeur que bon luy ſemblera ledit liure, & ce durant le temps & eſpace de neuf ans, à compter du iour que ledit liure ſera acheué d'imprimer; faiſant deſſences à toutes perſonnes de quelque qualité qu'ils ſoient, d'imprimer ou faire imprimer iceluy, en quelque façon & maniere que ce ſoit, ſur peine de quatre mille liures d'a-

mende, applicable moitié à Nous, & l'autre moitié audit exposant, avec confiscation de tous les exemplaires qui se pourront trouver, despens, dommages & interets. Voulons & nous plaist, que tous les Libraires qui s'en trouveront saisis, soient condamnés en pareille amende comme s'ils les auoient imprimez ou fait imprimer : A la charge d'en mettre trois exemplaires; sçauoir deux en nostre Bibliotheque, à present gardée au Conuent des Cordeliers en nostre ville de Paris; & la troisieme en celle de nostre tres-cher & feal Cheualier, le sieur Seguier Garde des Seaux de France, auant que les exposer en vente, suivant nostre Reglement, à peine d'estre décheu dudit Priuilege. Si vous mandons que du contenu en ces presentes vous fassiez & souffriez ledit exposant, ou ceux qui auront droit de luy, iouir : Voulons qu'en mettant à chacun desdits exemplaires du liure, coppie du present Priuilege, ou extraict d'iceluy, il soit tenu pour signifié. CAR tel est nostre plaisir : Nonobstant clameur de Haro, chartre Normande, & lettres à ce contraires. Donnée à Paris le vij. iour de Iuillet, l'an de grace mil six cens trente-cinq : Et de nostre regne le vingt-sixiesme.

Par le Roy en son Conseil.

Signé,

DENIS.

*Acheué d'imprimer le 12. Feurier 1636.*

---

Ledit I. D. M. S. D. L. M. a cédé, & transporté les droits qu'il pretend auoir audit Priuilege, à PIERRE BILLAINE Marchand Libraire à Paris, pour en iouir le temps porté par iceluy.



# MEMOIRES D'ESTAT.

1586.



VIOVRD'HVY deuxiesmeiour  
de Novembre mil cinq cens  
quatrevingts six, me trouuant  
en quelquesiours de relasche &  
repos des affaires du monde,  
pendant les Festes de Toussaints  
& des Morts, en l'absence du  
Roy Henry III. mon Maistre,  
qui les est allé passer en ses deuo-  
tions au bois de Vincennes, m'estant représenté en moy  
mesme la briuereté de cette penible vie, & l'incertitude de  
nos iours; & combien souuent les maladies laissent peu  
de pouuoir & de relasche pour l'alteration qu'elles ap-  
portent à nos meilleurs sens & esprits, de declarer lors de  
nostre mort, & tesmoigner à nostre posterité quel a esté le  
cours de nostre vie, & quelles sont nos dernieres pen-  
sées & volontez.

A

Dieu m'a fait cette grace qu'ayant à present le corps & l'esprit sains, de me faire reloudre à mettre, & laisser par escrit cette presente declaration du succès de ma vie, & de mes intentions principales que ie luy offre, pour estre accomplies selon sa sainte volonté, laquelle declaration ie fais pure, naïfue & veritable, comme ne deuant sortir de ma famille & maison, pour la continuer iusques à ma mort, s'il luy plaist, y employant tout le temps que ie pourray sauuer des embarras & affaires publiques, auquel-les ie me suis tres-honorablement employé.

Premierement; Je remercie tres-humblement le grand Dieu de tant de graces & biens qu'il luy a pleu me departir, en telle sorte que ie ne sçauois iustement les comprendre & conter. M'ayant nourry, conduit, & esleué avec plus de commoditez, dignitez, rangs & honneurs en ce monde que ie n'en ay mérité, & deuois esperer, puis qu'il m'a ça bas edifié vne maison trop copieuse pour ma vie temporelle, & m'en promet là haut encores vne bien plus excellente, où nous deuons tous nous promettre & esperer vn eternal séjour & repos assuré pour nos ames; auquel ie le supplie vouloir recevoir la mienne quand il luy plaira d'en disposer.

Comme aussi i'implore la misericorde immense de ce mesme Dieu, mon Createur, à ce qu'il luy plaise me vouloir pardonner toutes les fautes & pechez que i'ay commis en ma vie; & pourray par mal-heur & imbecillité humaine commettre durât le reste d'icelle; me representant maintenant les pensées en nombre infiny comme le sable de la mer & les Estoilles du Ciel. Mais l'abyssme de mes pechez appelle & inuoque l'abyssme de sa misericorde & clemence, de laquelle il me fera, s'il luy plaist, ressentir l'ef-



fect & la vertu, en ce que ie puis auoir ingrattement vſé de ſes biens, & manqué de faire mon plein deuoir en ma charge de Chancelier de France, & autres que i'ay auparavant exercées, comme ie recognois & confeſſe qu'il y a eu trop à dire en toutes les parties de ma vie, de ce que i'ay fait, & pouuois mieux faire: & ſur ce i'apporte aux pieds de la Croix de mondit Sauueur Ieſus-Chriſt toutes mes fautes & pechez, & lourdes tranſgreſſions, leſquelles ſont à moy meſmes cachées, & ſurpaſſent mon chef; à ce qu'il luy plaiſe me les remettre & pardonner par les merites de cette ſienne tant heureuſe mort & Paſſion, qui eſt le refuge & remede de toutes pauures conſciences affligées & deſolées, & entr'autres de la mienne, en l'eſpoir & aſſurance de ce ſalutaire ſecours, iamais deſnié aux hommes, qui veritablement ſ'y conſient, & l'implorent ardamment cōmemoy. Je recommande dès à preſent, tant pour le paſſé, que pour l'aduenir le ſalut de mon âme à ce grand Dieu & Pere d'icelle; à ce qu'apres auoir heureuſement éuité les eſcueils de cette vie, & auoir eſté deliuré des liens de ce corps mortel, il la veuille receuoir & placer en ſon Royaume eternal, en la compagnie des bien-heureux, & laiſſer en depoſt mon corps en la terre, pour la garder & repreſenter au iour du dernier Iugement lors de la Reſurrection des morts, pour eſtre avec les bien-heureux, glorifié, ſ'il luy plaiſt, deuant noſtre Seigneur Ieſus-Chriſt; deſirant cependant que mondit corps, apres mon trefpas ſoit porté & laiſſé avec ceux de mes anceſtres, que i'ay eu le ſoin de mettre enſemble dedans la ſepulture expreſſément accommodée ſouz la Chappelle de mon Chateau de Cheuerny.

Je pardonne bien volontiers à ceux qui m'ont fait

A ij

quelque tort ou desplaisir, & prie Dieu qu'il leur fasse la mesme misericorde que ie leur desire pour moy, en nous faisant à tous la grace de nous amender; comme aussi ie supplie tres-humblement & instamment tous ceux que ie puis par mesgarde & mal-heur auoir offensez, de me pardonner semblablement mes fautes & offenses enuers eux; & croire que i'en ay vn tres-grand regret & desplaisir, & que ie les contenteray, & n'y retourneray iamais, tant que Dieu me donnera de vie, & qu'il sera en ma puissance.

Après ie veux & ordonne à mes enfans, d'acquitter & payer fidelement toutes les debtes qui se trouueront estre par moy deuës lors de mondit trespas, & tous les gages de mes seruiteurs, avec gratifications à ceux qui m'auront plus long temps & mieux seruy; afin qu'ils ne retiennent aucune chose du bien d'autrui, qui iustement ne leur peut ny à moy appartenir en bonne conscience.

Ie supplie Dieu qu'il luy plaise faire passer sa sainte benediction, qu'il a iusques icy trop heureusement estenduë sur moy, comme pere, à mesdits enfans, afin que pour vn pere mortel qu'ils perdront vn iour, il leur veuille deuenir pere eternal, & les retienne tousiours & conduise par les sentiers de sa iustice & de ses saints Commandemens.

Pour premier & principal heritage, ie desire laisser à mesdits enfans, que Dieu m'a donnez, au nombre de six, trois fils & trois filles, la mesme crainte & amour de Dieu que i'ay tousiours eue en ma vie, avec la meilleure nourriture & instruction que ie leur ay sceu donner & faire donner: & de plus la memoire honorable de leurs ancestres, & de la bienueillâce de quâtité d'amis que i'ay acquis

& conferuez pour eux au monde, & l'exemple domestique pour l'ensuiure en ce qui est bon, & le fuyr en ce qui y peut estre de mauuais & de blasnable.

Et pour plus grand & assuré bien qu'ils scauroient auoir, ie leur encharge & recommande de toute affection & puissance paternelle la paix & parfaite vnion entr'eux, avec l'amitié & concorde fraternelle qui les entreliera & conseruera: & pour les biens & moyens temporels, i'espere, avec l'aide de Dieu, de leur en laisser assez, s'ils sont gens de bien comme ie le desire, & trop s'ils sont autres; ce que Dieu ne veuille permettre.

Et d'autant que les exemples des peres peuvent grandement seruir aux bons enfans, comme i'estime les miens; & que cette declaration de mes intentions & dernieres volontez est chose domestique & secrette, que ie n'entens estre veuë que pareux apres ma mort, ou par les plus proches parens & meilleurs amis de ma maison; ie me suis resolu d'y employer fort sincerement & simplement les principales actions & progres de ma vie passée, & les continueray tant que ie pourray, pour seruir d'exemple à mesdits enfans, s'il y a quelque chose de bon, & laisser ce qui ne se doit imiter avec protestation: que ie seray bien aise d'estre surpassé par eux en toutes bonnes & louables actions, & que Dieu leur puisse faire la grace qu'ils fassent beaucoup mieux que ie n'ay fait, recognoissant m'auoir assez satisfait en moy mesme, en ce que i'ay tousiours désiré de pouuoir mieux faire pour la gloire de Dieu & conseruation de sa vraye Religion en cét Estat, de la grandeur du Roy mon maistre & de sa Couronne: & aduoiant neantmoins librement qu'il s'est passé beaucoup de choses durant ma vie, qui se peuuent mieux faire & conduire,

si les plus sages & gés de bien eussent tousiours esté creus : enquoy ie prie Dieu que mes enfans ayent plus d'heur que moy, qui ay tout fait avec incroyable peine & assiduité, comme ils le pourront plus aisément remarquer en la suite de ma vie.

Dieu m'a fait naistre en ce monde d'une bonne, noble & ancienne famille des Hurauts, yssus du pays de Bretagne, de laquelle il y a eu beaucoup de Cheualiers de marque & d'honneur, morts aux guerres de Bretagne, & mesme de celle qui fut entre Charles de Blois & le Comte de Montfort, faites pour la succession dudit Duché de Bretagne & dudit pays de Bretagne, durant laquelle vn de ladite famille des Hurauts vint demeurer avec le Comte de Blois, frere aîné dudit Charles de Blois, tué en la bataille d'Auray, où deux dudit nom & famille des Hurauts ayans rang & charge honorable, furent aussi tuez près ledit Charles de Blois.

Depuis est descédu de la tige des aînez de ladite famille la maison de Saint Denys, & d'un puisné les trois maisons & familles de Cheuerny, Vibraye & Heuricel; de laquelle sont yssus autres arrieres-puisnéz, qui sont les deux maisons de Marais & Verul, & des autres de Bel-esbat, le Fay & autres freres; celles de Boistaille & de Maïsse d'autres puisnéz : lesquels tous ont possédé de grands biens selon leur temps, & exercé force belles & honorables charges en cét Estat, le discours desquelles seroit icy trop long.

Et quant à celle de Cheuerny, mon bisayeul, nommé Raoul Huraut, seigneur de Cheuerny, la Grange & la Morliere, fut le premier puisné, & eut l'honneur d'estre grand Chambellan de Charles Duc d'Orleans, & fort

aimé & fauorisé de luy: Ledit Raoul laissa son fils aisné Jacques, qui fut depuis fauorablement employé par les Roys Louis XI. & XII. en grandes & honorables charges; & en fin fut fauorisé & recognu de son bon maistre Louis XII. Et pendant sa vie & la faueur ledit Jacques aduança fort deux de ses enfans en l'Eglise, & les fit employer en diuerfes Ambassades, laissant son fils aisné nommé Raoul, mon pere, seigneur du mesme lieu de Cheuerny, la Grange & la Morliere; & de plus de celle de Cour sur Loire en Blaisois, des seigneuries de Vibraye, Lamenay, Espuisé, la Chenaye & Beauchesne, au pays du Maine, & des Baronnies d'Huriet & de Cuicennes en Bourbonnois; & Iean, son puîné, seigneur de Vejul, du Marais & de Chateau-pere, avec trois filles mariées honorablement aux seigneurs de Valencé, Rochefort & de Limours.

Mondit pere, nommé Raoul, seigneur de Cheuerny, fut employé au mesme temps dudit Roy Louis XII. vers la fin de son regne, & depuis souz celui du Roy François I. en plusieurs guerres & voyages importants, avec Messieurs de la Trimoüille, Ducs de Bourbon & de Montmorency, pour les affaires principales du temps; & en fin lors que le seigneur de Lautrec fut enuoyé pour la conqueste de Naples, il le choisit & le desira avec luy; ce que ledit Roy François luy commanda de faire & de le suiure en ce voyage: Et en ce voyage il mourut au siege de Naples, laissant de luy & de Dame Marie de Beaune sa femme, & ma mere, sept enfans; à sçauoir cinq fils & deux filles, de tous lesquels ie fus le dernier: ma dite mere estât demeurée grosse de moy lors que mondit pere la laissa, & partit pour suiure ledit sieur de Lautrec en son voyage de Naples.

Je n'asquis donc par la grace de Dieu le vingt-cinquième de Mars, qui est le iour de la nostre-Dame, de l'an mil cinq cens vingt-huict; & mondit pere mourut audit Naples au mois d'Aoust ensuiuant audit an: lequel par son testament ordonna & pria que l'on fist deux ou trois de ses enfans d'Eglise, & ses deux filles, pour la crainte qu'il auoit que ses biens fussent trop diuisez & partagez, & qu'il n'y en eust assez honestement pour tous ses enfans apres que l'on auroit payé ses debtes ainsi qu'il l'ordonnoit, lesquelles il auoit faites pour seruir, tant audit voyage de Naples, qu'à autres occasions honorables où il auoit eu l'honneur d'estre employé.

Cela fut cause qu'au commencement de ma ieunesse, estant le dernier de tous mes freres, ie fus destiné pour estre d'Eglise; mais depuis Messieurs les Euesque d'Authun & Abbé de Marmonstier estans decedez, m'ayans laissé ieune & avec peu de Benefices, ie pris resolution de chercher, par peine & trauail, quelque plus aduantageuse fortune, selon le lieu dont i'estois yssu; & pour ce au retour des Vniuersitez de Poictiers & de Padouë, ma mere ayant desia deux autres de mes freres aussi d'Eglise, & mon aîné marié, n'ayant point d'enfans, desira comme moy, que ie'suiuisse vne autre profession; & en ce dessein disposa deslors à mon aduantage, de tout ce qu'elle pût, cognoissant que les coustumes des lieux où les biens de nostre maison estoient assis, m'estoient trop peu aduantageux pour me laisser du bien comme elle desiroit, me portant, comme elle l'a tesmoigné, vne plus grande affection qu'à mes freres, ayant prejugué, comme elle le disoit ordinairement, que ie pourrois mieux faire & paruenir que les autres, pour l'honneur de sa maison; ce qui m'a  
 toujours

touſiours faiſt croire que les intentions & iugemens des peres & meres ſont grandement conſiderables.

Or en cette bonne volonté de madite mere enuers moy, trouuant à mon retour deſdites Eſtudes que le Roy Henry II. alloit avec ſon armée en Allemagne, contre l'Empereur Charles V. ie deſiray ſuiure & accompagner audit voyage Monſeigneur l'Archeueſque de Tours mon couſin, qui y alloit avec ſa Maieſté, eſtant honorablement employé en ſon Conſeil & autres principales affaires du temps; & deſlois ie commençay à entendre & cognoiſtte le maniement des affaires de l'Eſtat, & l'ordre que l'on doit tenir en la conduite des armées: mais peu de temps apres le retour dudit voyage, Dieu ayant diſpoſé à mon grand regret dudit ſieur Archeueſque de Tours, par la faueur duquel i'eſtois auparauant à la ſuitte de la Cour, ie me reſolus, eſtant encore pour lors en l'aage de vingt-quatre ans, d'acquérir quelque ſuffiſance & experience dâs le Parlement de Paris, où i'auois recogneu que ſ'eſtoient fait de grands perſonnages. En cette intention ſe rencontra, par bonne fortune, que Meſſire Michel de l'Hôſpital, qui depuis fut Chancelier de France, ſe voulut démettre de ſon Eſtat de Conſeiller d'Egliſe audit Parlement, pour prendre la charge de Chancelier de Madame Marguerite de France ſœur du Roy Henry ſecond, laquelle depuis a eſté Duchefſe de Sauoye; ſi bien que ie fus pourueu par ſa reſignation dudit Eſtat de Conſeiller audit Parlement, par ledit Roy Henry, l'an mil cinq cens cinquante trois, où ie fus receu le 9. iour de Mars audit an, avec plus de teſmoignage d'honneur & d'amitié d'yn chacun que ie n'auois eſperé ny merité; ce. qui me donna d'autant plus d'enuie de pouuoir ſatisfaire à la

bonne opinion quel'on auoit deslors conçeuë de moy, en conseruant laquelle ie demeuray l'espace de neuf ans continuels, ou à peu pres, en l'exercice dudit Estat, tout autant qu'auoit fait ledit sieur Chancelier de l'Hospital, & arriua en ma personne ce qui est fort extraordinaire audit Parlement, qui est, que se faisant en ce temps là de rigoureuses recherches & poursuittes contre ceux que l'on soupçonnoit estre Huguenots, & force Conseillers dudit Parlement estans compris en ce mal-heur, & par le moyen des mercuriales sortis d'iceluy, ou par crainte, ou par commandement, i'aduançay en cette occasion mon rang: ie montay incontinent en la Grand' Chambre, comme les Conseillers d'Eglise y arriuent tousiours plustost que les autres, & fus en icelle pres de la moitié desdites neuf années, & taschay tousiours, en rendant la Iustice, de gratifier vn chacun, & obliger plus de personnes de qualité qu'il me fust possible.

Aussi ie passay lesdites neuf années audit Parlement, sans me diuertir ailleurs, iusques en l'année mil cinq cens soixante & deux, que me trouuant assez propre & courageux à faire dauantage, ie me fis pouruoir par le conseil & l'aide de nos amis d'un Estat de Maistre des Requestes ordinaires de l'Hostel du Roy, estant lors aagé d'environ trente troisans, & deslors me iettay dans les affaires du monde, & commençay à rendre grande subiectiõ & deuoir à ladite charge de Maistre des Requestes, & à me faire cognoistre dans la Cour, où incontinent i'eus le bon-heur que Monsieur le Cardinal de Lorraine, qui estoit lors grandement fauorisé & employé, me prit en affection, & m'employant en diuerses affaires dont il se contenta, i'eus l'honneur, par son moyen & credit, de



commencer à approcher de la Reine Catherine mere du Roy, qui auoit tout pouuoir en cét Estat; souz l'autorité & bonté de laquelle i'ay fait depuis, & pourfuiuy la plus part du reste de ma fortune dont i'ay, apres elle, la premiere obligation audit sieur Cardinal.

Au commencement ie fus employé par ladite Reine mere du Roy, entr'autres choses pour reduire & remettre doucement les habitans de Paris en l'obeïssance qu'ils deuoient au Roy, pour contenir vn chacun à l'obseruation de ses Edicts, & à delaisser les armes, où graces à Dieu ie seruy leurs Majestez à leur contentement, & à la satisfaction raisonnable de tous ceux avec lesquels ie traittay; ce qui commença à me mettre en toute sorte de creance parmy la Cour, où ie reconnus aussi tost, & ie m'en suis bien trouué depuis, que les Dames & fauoris peuuent tout ce qui leur plaist, & que les moindres Officiers de la Cour qui peuuent entrer dans leurs chambres & cabinets, doiuent estre craints & confidez, pour les bonnes ou mauuaises impressions qu'ils peuuent donner des plus grands du Royaume.

Bien tost apres le Roy Charles entreprit de faire vn grand voyage par tout son Royaume, que ie suiuis par son exprés commandement, & de ladite Reine sa mere, qui desia se seruoit & se confioit beaucoup de moy, & fus employé par leurs Maïestez en la pluspart des villes du Dauphiné, Prouence & Languedoc, à pacifier & composer vne infinité de querelles & differends, regler plusieurs plaintes & discords, suruenus entre les subiects du Roy, & dont les consequences estoient preiudiciables au bien de son seruice: Entr'autres ie fus chargé d'un grand differend qui se forma en Dauphiné entre Monsieur le Prin-

cede de la Roche-sur-Yon Gouverneur dudit païs, & Monsieur le Connestable, pour sçauoir qui presideroit & tiendrait au nom du Roy les Estats dudit païs; pour composer & terminer lequel, estans animez entr'eux, leurs Majestez me firent cét honneur de me nommer & ordonner pour assembler lesdits Estats en la ville de Montelimard, pour entendre toutes leurs plaintes & remonstrances, & depuis de continuer le mesme deuoir partoutes les villes où elles passèrent, iusques à la ville de Toulouze, d'où ie fus despesché pour venir trouuer la Reine de Nauarre à Vandosme, & de là aller à Paris pour acómoder le differend suruenu en ladite ville, entre mondit Sieur le Cardinal de Lorraine & Monsieur de Montmorency Gouverneur du païs.

En suite de cette Commission, où i'apportay tout ce qui estoit de mon deuoir & de ma charge, ie retournay trouuer la Cour en Poictou & Bretagne au retour de Bayonne: Et le grand voyage finy, pendant que leurs Majestez demeurerent à Fontaine-bleau, il se presenta deux Ambassades, l'une d'Angleterre, l'autre de Venise; de l'une desquelles ie pensois accepter la charge, mais la Reine mere de sa Maiesté ayant pris volonté de regarder aux appannages de Messieurs ses enfans, & iugeant bien que Monsieur le premier President de Paris, lors pourueu de l'Estat de Chancelier de Monsieur le Duc d'Orleans premier frere du Roy ne pouuant satisfaire à cette charge de Chancelier de mondit Sieur, & ensemble à l'occupation continuelle de son dit office de premier Presidét, voulut, & me commanda de prendre cette charge de Chancelier de mondit S<sup>r</sup>; ce que ie fus induit d'accepter par feu Monsieur de Carnaulet qui estoit Gouverneur de la person-

ne dudit Seigneur Duc d'Orleans, & qui m'estoit allié & intime amy; voyant d'ailleurs l'expres consentement & tres-bonne volóté en cela dudit sieur premier President.

¶ Incontinent apres que i'eus esté honoré de cette charge de Chancelier de Monsieur, il se fit vne Assemblée à Moulins de tous les Princes & Seigneurs de ce Royaume, pour aduiser le Roy des choses plus importantes de son Estat, en laquelle lesdits appannages de Monsieur, & de Monsieur le Duc d'Alençon son frere, furent par la bonté de leurs Maiestez, & par nos soins & diligences; ensemble de M<sup>rs</sup> l'Archeuesque de Bourges mon cousin, & fort particulier amy, aussi Chancelier de mondit Sieur d'Alençon, reglez & arrestez au contètement d'un chacun, & veritablement avec plus d'aduantages pour mesdits Sieurs qu'ils n'auoient iamais auparauant esté accordez; tous les benefices mesmes & offices ayans esté laissez en leur disposition dans leursdits appannages. Et dauantage, Orleans estant ville de consequence, & qui durant les troubles precedens auoit apporté beaucoup de peine & de mal, fut baillée à mondit Sieur en son lieu, pour pareil appannage du Duché d'Anjou, avec cent mil liures de rente en domaine, & cent mil liures de pension, & tout autant à Monsieur le Duc d'Alençon son frere, à l'execution & establisement desquels appannages nous fismes apres ledit Sieur de Bourges & moy tout ce qui estoit necessaire pour le bien & contentement de nos Maistres: Et est bon en passant den'oublier qu'en la mesme Assemblée furent mandez quelques Presidents des Cours souueraines pour pouruoir à certains Reglements en la Iustice que Monsieur le Chancelier de l'Hospital lors en charge, desiroit y apporter.

En ce mesme voyage & temps de ladite Assemblée de Moulins se rencontra Monsieur de Chanfray, mon cousin, avec ledit Sieur premier President M. Christophle de Thou, Seigneur de Celly, lequel sieur de Chanfray, outre la proximité qui estoit entre nous, me portoit de longue main vne fort particuliere affection, ayans esté nourris & esleuez ensemble dès nostre ieune aage, voyât qu'il n'auoit point d'enfans, non plus que Madame de Vibraye sa sœur vnique, & seule heritiere, laquelle estoit ma cousine germaine : Et de plus par dispense ma belle sœur auoit espousé mon frere de Vibraye, dont j'ay receu dès mon enfance tous les offices d'amitié, de bonne volonté, & d'affection; non seulement que i'eusse peu esperer d'une tres-bonne sœur & cousine, mais d'une parfaite amitié de propre mere, si i'eusse peu en auoir deux; lesquels sieurs parlerent à mon desceu, & communiquerent plusieurs fois ensemble durant ledit voyage, de me marier avec la fille dudit sieur premier President, Damoiselle Anne de Thou.

Et les propos & ouuertes de mondit mariage allerent si auant entre lesdits sieurs premier President & de Chanfray, qu'il fut en fin par la grace de Dieu, conclud & arresté par mon consentement, & de tous Messieurs mes plus proches & meilleurs amis, & principalement de Madame de Cheuerny ma bonne & fauorable mere, lors encore viuante, au grand contentement dudit Sieur de Chanfray & Dame de Vibraye, qui en auoient esté les premiers auteurs, & seuls entre-metteurs, & qui auparauant ce dessein auoient disposé à mon profit de leurs successions, comme à leur principal heritier, & le mieux aimé d'eux, pour la conseruation de

leurs familles, & aussi apres que i'eus obtenu de Rome les dispenses necessaires à la validité de mon mariage, & que i'eus disposé & resigné du peu de benefices que i'auois, il fut tres-heureusement celebré & consommé en la maison de Stains près saint Denis, appartenante audit Sieur premier President, le treiziesme iour de May de l'an mil cinq cens soixante & six; & au mois d'Aoust ensuiuant ledit sieur de Chanfrault mourut à Paris sans enfans, laissant sa sœur Madame de Vibraye sa seule heritiere, & moy donataire, dont il m'a fallu plaider apres durant dix années, contre la veufue dudit Sieur de Chanfrault, qui se vouloit aider & preualoir à mon preiudice d'une certaine pretendue donation, que ie fis en fin declarer nulle par Arrest du Parlement, donné à mon profit, & de ladite Dame de Vibraye, pour l'vsufruiet à elle acquis & reserué, le tout durant sa vie.

L'année suiuant mil cinq cens soixante & sept le Roy estant à Monceaux chez la Reine sa mere qui y faisoit iardiner & bastir, où il faisoit estat d'y demeurer, & y faire la ceremonie de son Ordre de saint Michel; escheant quelques iours apres il fut aduerty d'une entreprise qu'auoient les Huguenots de se saisir de sa personne & de celle de la Reine sa mere, & de Messieurs ses freres qui estoient avec luy; & bien qu'il en eust receu diuers aduis, que les principaux de son Conseil mespriserent, comme n'y ayant guere d'apparence, les habitans de Montreau s'adresserent à moy, me certifierent ladite entreprise, & m'assurerent que leur ville estoit desia saisie par lesdicts Huguenots, qui marchaient à grandes forces & diligences vers le Roy pour le surprendre, dont i'aduertis aussi la Reine mere, & puis avec elle le Roy, qui les fit resou-

dre de partir delà la mesme nuit pour gagner Paris, & cela fut executé si à propos, que leurs Maïestez auoient fait quatre ou cinq lieuës deuant le iour avec toute leur Cour, & arriuerent heureusement à Paris, apres auoir fait vne traicte de dixhuit lieuës, ayant laissé derriere six mille Suisses qui les auoient accompagnées & seruies en cette occasion, qui bien qu'attaquez par les chemins par ceux de ladite entreprise arriuerent le lendemain ausdits faux-bourgs de Paris, souz la conduite de Monsieur le Connestable & de Messieurs de Nemours & Marechal de Cossé. Ce que voyant lesdits Huguenots, despittez que leur mauuais dessein n'auoit reüssi, pensans reuolter Paris par la famine, se saisirent de saint Denis & du pont saint Cloud, de Charenton & d'Estampes, & autres chasteaux du costé de la Beausse; & le Roy estant en cette necessité s'arma promptement de toutes parts de son Royaume. Mondit Sieur le Connestable estimant assez fort pour les deffaire, les voulut aller attaquer à saint Denis, d'où Monsieur le Prince de Condé sortit plus fort que l'on n'auoit creu, & aussi se chargerent & combattirent opiniastrement de part & d'autre. Le Roy demeurant en fin le maistre de la campagne, & mondit Sieur le Connestable tellement blessé qu'il en mourut, comme aussi quantité d'autres personnes de remarque & de qualité, & entr'autres le Sieur d'Auton du Bouchage, quel'on prit pour Monsieur d'Anjou, qui auoit proposé de se trouuer audit combat avec ledit Sieur Connestable; ce que leurs Maïestez tres-prudemment empescherent. Cela fait les troupes desdits Huguenots ainsi mal menées & traittées se retirerent à Montreau, d'où elles estoient parties, & qu'ils auoient gardé.

Le Roy.

Le Roy voyant tant de guerres & d'affaires préparées à sa ruine, fut conseillé par la Reine sa mere, & par tous les Princes & Seigneurs qui se trouuerent pres de luy, d'y pouruoir promptement, & de faire eslection d'un Chef, mondit sieur le Connestable allant mourir, pour commander à toutes ses armées; & par la recognoissance du grand courage & valeur, affection & interest de mondit sieur le Duc d'Anjou son frere, se delibera par l'aduis de tous de le faire & establir son Lieutenant general, pour commander ainsi que luy mesme en toutes ses armées. Et au mesme temps, & dans le mesme Conseil i'eus commandement comme son Chancelier d'aduiser la puissance & autorité qui luy pourroit estre commise, dont ie luy fis expedier un pouuoir le plus ample, grand & honorable que frere de Roy ait iamais eu, que ie fis verifier & publier, tant au Parlement de Paris qu'en tous les autres du Royaume; & peux dire que ie mis ledit pouuoir en sa perfection, comme i'auois esté le premier à en faire les ouuertures.

Peu de temps apres que ledit pouuoir eut esté expedié, & que ledit sieur Connestable fut decedé, mondit Seigneur le Duc d'Anjou partit avec l'armée du Roy, dont Monsieur de Montpensier eut la charge de Lieutenant general, & alla loger à Nemours, pour se mettre entre les ennemis & la ville d'Orleans, qui estoit lors à la deuotion desdits Huguenots, & en mesme temps ledit sieur Prince de Condé & lesdits Huguenots aduertis de la venue du Duc de Casimir pour eux, rompirent le pont de Montreau, & à grandes iournees allerent au deuant iusques sur les marches de la Lorraine, pour se ioindre avec luy. Et apres auoir esté suiuis long temps par l'armée du Roy,

elle se retira à Vitry, & depuis retourna & se raprocha de Paris pour conseruer la ville, & ce qui estoit de principal: Ce fut lors que les ennemis vindrent assieger Chartres, où ne pouuans rien gagner ils furent contraints de leuer le siege avec honte, qui donna apres occasion & sujet de les reduire à vne pacification, quel'on appella la petite paix, pour le peu de durée qu'elle eut, à cause que le Prince de Condé prit occasion que l'on le vouloit surprendre à Noyers sur les marches de Bourgogne, & en cette feinte ou crainte se retira à la Rochelle, saint Iean d'Angely, & autres pais circonuoisins, à la deuotion deldits Huguenots.

Cette si prompte retraite fit acheminer mondit sieur le Duc d'Anjou avec les forces du Roy vers le Poictou, Angoulmois & Xaintonge, où apres quelque temps de guerre la bataille de Iarnac fut donnée le quatriesme iour de Mars mil cinq censsoixante & neuf, en laquelle mondit sieur demeura victorieux, pour auoir vsé de diligence à faire passer son armée à la riuere de Chasteau-neuf, tant sur le pont que sur vn pont fait de bateaux, où ledit Prince de Condé & grande partie de sa Noblesse furent tuez, & fut grandement induit mondit Seigneur à donner la-dite bataille, sur ce que ie luy auois rapporté peu de iours auparauant, & de la part de la Reine sa mere, vers laquelle il m'auoit depesché, pour luy faire entendre l'estat des affaires de l'armée, & que l'auois laissée reuenant de Châlons & Ioinuille, trouuer le Roy; que l'on commençoit à prendre opinion de luy qu'il vouloit tenir la guerre en longueur, pour continuer tousiours l'autorité qu'il auoit aux commandemens des armées; ce qui le conuia à faire paroistre le contraire, estant certain que iamais Prin-



ce de sa qualité ne s'y porta avec plus de courage & de genereuse façon.

Après la susdite bataille de Iarnac aussi gagnée, mondit Seigneur voulant faire suiure Monsieur l'Admiral de Chastillon, & ceux des ennemis qui s'enfuyoient vers luy la nuit, le pressa de telle sorte qu'il fut contraint de se retirer au mesme logis, fait par eux audit Iarnac, & qu'ils auoient abandonné; où estant arriué, & demeuré peu accompagné, il se retira dans son cabinet à ses affaires, où ie me trouuay seul avec luy, & son premier valet de chambre, & luy ayant remonstré la grace que Dieu luy auoit faite, & l'heur qu'il auoit en si bas âge d'auoir obtenu vne si grande victoire, il me fit vne réponse digne certainement d'un grand & sage Prince; que ce n'estoit pas de luy que cela venoit, mais de Dieu seul, auquel il en falloit attribuer tout l'honneur & la gloire; & vn peu après se iettât de luy mesme à vn coin à genoux il le remercia avec toute deuotion & humilité, du bon succès qu'il luy auoit donné en cette iournée.

Au mesme temps mondit Seigneur me commanda de faire appeller Monsieur de Losse Capitaine des Gardes, vieil & honorable Cheualier, pour le depecher, comme il fit, vers leurs Maiestez, qui lors estoient sur les frontières de Champagne, & leur rendre particulier compte de ladite bataille & victoire de Iarnac, dont elles receurent vn tres-grand contentement, ainsi que le rapporta ledit sieur de Losse, par lequel le Roy me fit cet honneur, sans l'en auoir supplié, de m'enuoyer de son propre mouuement & de la Reine sa mere la prouision en son Conseil d'Estat; comme aussi il en enuoya vne pareille à Monsieur de Chauigny qui assistoit mondit sieur

de Montpensier en la conduite de l'auant-garde de l'armée.

Pendant que les reschappez de ladite bataille se retirerent à la Rochelle & autres villes à leur deuotion, & ledit sieur Admiral son armee en lieu de seureté, les Alemans se voulurent mesler trop auant de nos guerres, & firent vne grande & forte armee souz la conduite du Duc des deux Ponts, que le Roy delibera de faire attendre, & combattre sur l'entree de son Royaume par vne seconde armee qu'il fit dresser exprés, souz la conduite de Messieurs de Nemours & d'Aumalle: mais la diuision qui fut entre les chefs d'icelle, & la surprise faite par les ennemis du pont de la Charité, furent cause de faire tomber cette armee estrangere sur les bras de mondit Seigneur, qui pensa les combattre à saint Benoist du Sault, pres la Sousteraïne, & depuis pres le petit Limoges: mais en fin ledit Admiral s'estant ioint avec eux ne voulut venir au combat, & prit le chemin de Limoges, où il y eut vne forte rencontre à Bassac, en laquelle le sieur de Stroffi Colonel de l'Infanterie Françoisse, fut pris prisonnier.

En suite de ce les ennemis tournerent leurs desseins du costé de Poictou, & voulurent assieger Poictiers, où s'estoient desia iettez Messieurs de Guise & du Maine pour le deffendre: A ce deffaut vindrent surprendre Chastelleraut, pour s'approcher plus pres de Tours, le Roy y estant, logé au Plessis, bien que le passage de la riuere au pont de Pille fust gardé & deffendu, ce que voyant mondit Seigneur, & les mauuaises & continuelles entreprises desdits ennemis, il ramasse diligemment toutes ses forces, & s'alla loger avec toute l'armee aux enuirs de

Moncontour, où fut donnée la bataille de Moncontour le troisieme iour d'Octobre mil cinq cens soixante neuf, telle qu'il demeura sur le champ de quinze à seize mille hommes des ennemis de morts, avec peu de perte de la part de mondit Seigneur, auquel Dieu donna en moins de huit mois deux grandes & celebres victoires pour l'Estat. Et ne puis m'empescher de m'estendre peut-estre vn peu trop sur ces particularitez, & infinies autres aussi memorables, que ie lairray couler en ce discours; parce qu'ayant assiduement assisté mondit Seigneur en toutes ces occasions, participé aux conseils d'iceluy, où il vouloit que ie me trouuasse tousiours, & seruy en tout d'un tres-haut & tres-affectionné seruiteur, de leurs Maistez, & de luy, i'estime que cela fait la plus noble part du recit de ma vie, ayant tousiours esté honorablement & confidemment employé en telles affaires, bien que ce semble estoignes de ma robe & de ma condition.

Après cette seconde victoire de Moncontour ledit sieur Admiral de Chastillon y ayant esté vn peu blessé se retira avec ses troupes, qui luy restoient en ce pais de feurreté, & le Roy Charles voulant venir lors en personne en son armée, il mit le siege à saint Iean d'Angely, auquel fut tué le sieur de Martigues: & ledit siege n'ayant reüssi, & l'armée se trouuant ennuyée & harrassée d'un fascheux & long trauail, se dissipa & separa incontinent. Ce qui fut cause que le Roy & mondit Seigneur son frere, avec la Cour & le reste de ladite armée reuindrent à Angers, où se commença le Traicté de paix, qui fut conclu sur la fin de la mesme année soixante neuf.

En l'année suiuaute mil cinq cens soixante & dix ledit Roy Charles fut conseillé par la Reine, mere de sa Majesté

de se marier avec la fille de l'Empereur Ferdinand, depuis appelée la Reine Elizabeth, laquelle venant en France sous la conduite de l'Euesque de Mayence, l'un des Electeurs de l'Empire, & autres principaux Seigneurs Alle-mans, mondit Seigneur le Duc d'Anjou fut enuoyé par le Roy son frere iusques hors du Royaume, & par delà Sedan, pour la recevoir de sa part; ce qu'il fit avec tres-grand appareil & compagnie, selon son courage & sa liberalité, & eus cét honneur d'auoir la charge d'entretenir ordinairement, & accompagner ledit sieur Euesque, d'autant qu'il ne parloit que Latin (bien qu'à la mode d'Allemagne) & ie reconnus lors, que même à la Cour, bien que les sciences & cette langue y soient mesprisées, quiconque en peut auoir la capacité en doit conseruer quelque vsage facile, pour ne demeurer court & s'en seruir aux occasions.

Après cette bien-venue se forma aussi tost vne grande difficulté comme nous fusmes à Sedan; sçauoir si mondit *M.* Seigneur Duc d'Anjou bailleroit le costé de main droite audit sieur Euesque Electeur, pour resoudre laquelle vn Gentil-homme fut depesché en diligence vers le Roy & la Reine sa mere demeurez à Maisieres, qui rapporta *#* qu'il falloit ceder audit Electeur la main droite, attendu que de luy même il estoit Prince souuerain, & accompagneroit la nouuelle Reine comme Ambassadeur de l'Empereur. Sur quoy ie ne me peus taire, & remonstray la grande consequence de cette resolution, & fis reconnoître le tort que l'on faisoit à la France, en la personne du premier Prince du Sang, & pour lors heritier presomptif de la Couronne, de le laisser preceder par autres que par Rois couronnez, puis qu'ils ne perdent iamais le

rang dès leur naissance, mesme hors de l'Estat ; & sur ce que i'en dis, avec raison & courage pour mon Maistre, leurs Maiestez trouuerent bon de me laisser mesnager cette difficulté, & disputer avec ledit Electeur, pour luy faire agreer & consentir, s'il m'estoit possible, sans l'offenser ; ce que ie luy fis doucement entendre, & par la creance que mon entretien m'auoit desia acquise aupres deluy, ie luy persuaday facilement ce que ie desirois, & fis en sorte qu'encores que mondit Seigneur luy offrist par courtoisie defferences là dessus, & la main droicte, iamais il ne la voulut prendre ny accepter, & ainsi fut surmontee & accommodee cette difficulté, qui peut seruir d'exemple à de pareilles occasions, & sans aucune apparence d'icelle. Ladiete Reine Elizabeth fut amenee iusques audit Maistres, où leurs Maiestez la receurent avec toute sorte de contentement & honneur : puis les nopces y furent faictes, & au retour le couronnement de ladite Reine à saint Denis, & l'entree solennelle du Roy & d'elle à Paris.

Peu de temps apres furent ouuerts les propos du mariage d'entre mondit Seigneur d'Anjou & la Reine d'Angleterre, & si aduancez que desia les Ambassadeurs auoient esté nommez, pour y aller arrester le Traicté avec ladiete Reine ; à sçauoir Monsieur de Montmorency, Monsieur de Foix, qui auoit esté Ambassadeur en Angleterre, & qui en auoit faict les premieres ouuertures de la part du Roy, & moy comme Chancelier, & particulierement député de la part de mondit Seigneur, lequel nous voyant pres de partir, declara qu'il n'auoit point d'affection à cedit mariage, & le fit delaisser.

Après cela leurs Maiestez se resolurent d'aller passer

quelque temps à Blois, où la Reine de Nauarre Ieanne & l'Admiral de Chastillon vindrent le trouuer.

La paix avec ceux de la Religion pretenduë ayant esté desia auparauant publicc & executee, & ledit sieur Admiral ayant mis en auant de faire prendre par le Roy la protection des Pais-bas, qui faisoient la guerre contre le Roy d'Espagne leur Seigneur; ce qu'il se persuada pouuoir faire, & deuoir estre Chef & conducteur de l'armee que le Roy yenuoyeroit: mais ses desseins tournerent bien autrement. Car la Cour estant reuenue à Paris, le vingtiesme iour apres les nopces faites du Roy de Nauarre avec Madame Marguerite de France, & luy, retournant sur les dix heures du Louure, où il auoit laissé le Roy au jeu de paulme, & allant à pied fort accompagné, lisant vne lettre, droict à son logis à la rue de Bethisy, il fut blessé au bras, d'vne arquebusade, qui luy fut tiree par vne fenestre grillée, d'un logis qui auoit issuë dans le cloistre saint Germain, dont tous ceux de la nouuelle opinion & Religion se sentirent si offensez que ledit Roy de Nauarre & Prince de Condé firent paroistre qu'ils en vouloient prendre vangeance; ce qui donna sujet & occasion au Roy d'entreprendre contr'eux plus auant, & de iuger par les choses passees qu'il s'en pouuoit entreprendre de plus grandes & plus perilleuses à l'aduenir; ce qui fut cause, avec les insolences & menaces qu'ils faisoient, que le Roy se resolut à l'effect de la iournee de S. Barthelemy vingt-quatriesme Aoust mil cinq cens soixante & douze, qui fut executee par tout le Royaume, ainsi que chacun le peut mieux voir dans les Histoires du tēps, veritables & non falsifiees, & augmentees par ceux de ladite Religion.

Le

Le xxiiij. iour de Septembre ensuiuant audit an soixâte & douze, la Dame de Cheuerny ma fême accoucha de son premier fils à Paris, qui fut baptizé à S. Germain de Lauxerrois, tenu sur les Saincts Fonds de Baptême par mondict Seigneur le Duc d'Anjou frere du Roy, par le Roy de Nauarre, & Madame la Duchesse de Lorraine sœur du Roy: Il fut nommé Henry, qui fut le premier Baptême où iamais auoit assisté le Roy de Nauarre en l'Eglise Catolique, en laquelle il s'estoit remis & reduict depuis la Sainct Barthelemy seulement. Mondit fils appelé le S<sup>r</sup> d'Egumont mourut à Vibraye en l'âge de 18. mois.

Et sur l'occasion des choses passées, le Roy ayant pris la volonté de ne laisser plus de retraite accoustumée pour ceux qui prennent les armes contre luy en la ville de la Rochelle, resolut que l'on l'allast assieger, & y enuoya mondict Seigneur le Duc d'Anjou son frere, & Lieutenant general, qui fut accompagné de Monsieur d'Alençon son frere, du Roy de Nauarre, Prince de Condé & Duc de Bouillon, qui estoient aussi depuis la Sainct Barthelemy faits Catholiques, & d'une infinité d'autres Princes & Seigneurs; entre lesquels la ialousie & la diuision furent si tost semées, que rien ne se disoit, mesme aux Conseils les plus particuliers, que les ennemis n'en fussent au mesme temps aduertis, ce qui rendit ledict siege fort long, & inutile; & neantmoins ceux de ladite Rochelle eussent esté en fin contraincts de se rendre à la deuotion dudit Seigneur Duc d'Anjou s'il n'eust esté reuocqué dudit siege par le Roy, à cause que les Estats du Royaume de Pologne, l'auoient esleu pour leur Roy, & le presserent d'y aller, ou qu'ils en prendroient vn autre.

Ceste nouuelle ayant esté apportée à mondict Seigneur,

D

il me depeſcha auſſi toſt audict camp de la Rochelle, pour venir deuant trouuer le Roy & la Reine ſa mere à Paris, & receuoir en ſon nom leſdicts Ambaſſadeurs de Pologne, traitter avec eux de ce qui eſtoit à faire aux formes & ſolemnitez de cette eſlection, quant & quand à drefſer l'eſtat des choſes neceſſaires à faire ledit voyage de Pologne, pour lequel mondit Seigneur le Duc d'Anjou eſtant reuenu à Paris y trouua à ſon arriuee deux ou trois des premiers Ambaſſadeurs, ſuiuis bien toſt apres de ſeize autres deputez de chacune prouince du Royaume de Pologne, tous fort bien accompagnez, & en bel equipage, leſquels premierement allerent ſaluer le Roy, & puis vindrent faire la reuerence à mondit Seigneur leur Roy, eſleu de Pologne, qui les receut fort honorablement en la grande ſalle du Louure, où il me commanda de faire pour luy la reſponce en Latin, à laquelle i'eus aucunement moyen de me preparer, ayant ſouz main fort dextrement appris quelle deuoit eſtre la Harangue qu'ils firent à mondict Seigneur, & celuy qui la fit fut l'Eueſque ce Ponnans, portât la parole pour tous les autres Ambaſſadeurs.

Quelques iours ſe paſſerent apres cette premiere veüë en feſtins & magnificences de tous coſtez, & en conférences continuelles & particulieres deſdits Ambaſſadeurs, avec Meſſieurs de Moruilliers & de Vallencey, deputez par le Roy; & moy pour mondict Seigneur eſleu Roy de Pologne. Et apres la concluſion arreſtée du Traicté, fut faiçtela grande ceremonie de ladite eſlection en la grande ſalle du Palais de Paris, où le Roy, la Reine ſa mere, le Roy eſleu de Pologne, Monſieur le Duc d'Alençon, & le Roy de Nauarre, ſe trouuerent avec tous les Princes du Sâg; Cardinaux & autres Princes, Officiers de



la Couronne, & Seigneurs du Conseil du Roy, ensemble tous les Ambassadeurs de tous les Princes estrangers; les Courts de Parlement, Chambres des Comptes, des Aydes, & autres, & toute la Noblesse de la Cour, & Peuple de Paris, tant que ladite grande salle en peut contenir, iusques au nombre de dix à douze mil personnes de toutes qualitez; le tout neantmoins en rang & ordre conuenable pour cette action; & là fut apporté & présenté avec grand appareil & magnificence le Decret de ladite election, avec vne grande Harangue en Latin, desdits Ambassadeurs de Pologne; à laquelle, apres que Messire René de Birague pour lors Chancelier de France eut en peu de paroles fait quelques remercimens de la part du Roy, i'eus encore charge de répondre plus au long ausdicts Ambassadeurs pour mondict Seigneur leur Roy; ce que ie fis par la grace de Dieu si heureusement que leurs Majestez, lesdits Ambassadeurs, & toute l'assistance en demurerent satisfaits, & apres que ledit grâd Decret d'election, seellé de vingt sceaux eust esté receu, avec les submissions & reuerences desdits Ambassadeurs Polonois, par mondit seigneur d'Anjou lors leur Roy, & ainsi le nommeray-ie cy apres, il me commanda de le prendre & garder pour luy, ce que ie fis: & fut ledict grand Decret remis dans la Cassette d'argent doré, & reporté sur la mesme hacquenée, avec vne grande housse de toille d'or iusques en mon logis pres Sainct Germain de l'Auxerois, ainsi qu'il auoit esté apporté audiect Palais.

Cela fait, il ne fallut plus penser qu'à ce qui estoit nécessaire pour ledit voyage de Pologne, & pour faire les pre-  
sens conuenables, tant ausdicts Ambassadeurs, qu'à tous les Princes d'Allemagne, en passant par leurs pays; à quoy

nous pourueufmes fort honorablement, & selon l'honneur & liberalité du Roy de Pologne, lequel s'estant resolu de me laisser en France pour veiller en son absence à ses interets, & à ses affaires pres du Roy son frere, me demanda quelqu'un dont il auoit besoing à sa suite, pour respondre aux Harangues qui luy seroient faites, tant en passant en Allemagne qu'à autres Assemblées generales qui se feroient en Pologne; pour à quoy satisfaire ie luy nommay le sieur de Pibrac, lors Aduocat du Roy, que i'estimay le plus propre & capable de cela, qu'il eut agreable, & le suiuit audict voyage.

Et auant que ledict Roy de Pologne commençast son voyage, il fit son entrée solemnelle dans Paris; en apres le Roy & la Roynne sa mere le voulurent accompagner iusques sur les limites de leur Royaume; mais le Roy demeura malade à Vitry, ce qui l'empescha d'aller plus auant, & donna subiect à beaucoup de gens de vouloir diuertir le Roy de Pologne de pourfuiure plus auant son voyage, luy remonstrâs l'estat incertain de la maladie du Roy, prouenant du poulmon, qui apportoit souuent des accidens perilleux. Monsieur d'Alençon son frere & le Roy de Navarre, tous deux plus proches heritiers de la Couronne apres luy, & que pour lors ne sembloient estre en trop bonne intelligéce & amitié avec luy, & plusieurs autres raisons & tres-grâdes considerations, auxquelles il ne voulut neantmoins ceder, cognoissant la bonne volonté du Roy son frere, & croyant le bon Conseil & aduis de la Reine sa mere, & dit à tous ceux qui luy en voulurent parler, qu'il aimoit mieux s'absenter, bien qu'il y eust quelque apparence de danger pour luy, que de desobeir au Roy son frere, & desplaire à la Reine sa mere, à laquelle il auoit

tant d'obligation, & de mettre vn Royaume en peine d'entrer en guerre ciuille à son occasion; tellement que son partement continuant, & demeurant tout resolu, il me commanda le iour qu'il partit dudit Vitry de me rendre à son leuer dés cinq heures du matin pour le suivre, quand il auroit pris congé du Roy son frere, qu'il trouua dedans le liêt, & luy rapporter le Cachet qu'il auoit en garde.

Ledit lendemain matin ie ne manquay de me trouver à l'heure susdite, à laquelle ledit Roy de Pologne ne faillit aussi d'aller chez le Roy son frere, qu'il trouua dedans le liêt: Apres auoir quelque peu parlé tous seuls ensemble, leurs Maiestez m'appellerent, & ayant présenté ledit Cachet audit Roy de Pologne qui m'en auoit chargé, & le rendit au Roy, & le supplia en ma presence de le bailler en garde à mondict sieur le Duc d'Alençon son frere: A quoy le Roy respondit, qu'il ne le bailleroit iamais à personne, ne pouuant prendre tant de fiance d'autre quel qu'il fust comme il auoit faict de luy.

Lors ledit Roy de Pologne le supplia de trouuer bon que ie demeurasse en France pres de sa Majesté, pour luy faire tousiours entendre ses volonte, & auoir le manie-  
ment & conduite de toutes ses affaires & terres de son appannage en ce Royaume: ce que le Roy trouua tres-  
bon; & aussi apres auoir tenu ensemble plusieurs propos de familiarité & amitié deuant moy, leur separation & départ fut accompagnée de larmes, plaintes, & cris, si hauts de la part du Roy, disant adieu à son bon frere, qu'il  
# craignoit ne reuoir iamais, que cela porta doute à quel-  
ques vns s'il auoit autant de regret dudit département,  
veu les choses passées, & l'enuie conceüe contre le Roy de

Pologne, comme il en faisoit de demonstration.

Ledit Roy de Pologne laissant donc le Roy malade audit Vitry, poursuiuit son voyage, & s'en alla à Beaumont des Meres, ville de Lorraine, iusques où la Reine sa mere, Monsieur d'Alençon son frere, la Reine de Nauarre sa sœur, & Monsieur de Lorraine l'allerent accompagner, & là leur disant adieu, & prenant congé de ladite Reine sa mere, ce ne fut sans vn extreme regret reciproque, & de ladite Reine de Nauarre, qui en ma presence luy promit beaucoup d'amitié, que ie croy que elle luy eust continuee, si bien tost apres elle n'en eust esté diuertie; & aussi sur la fin du mois de Nouembre audict an soixante & treize, ledit Roy de Pologne arriua à Sauerne, ville appartenante à l'Euesque de Strasbourg, iusques à laquelle ie le suiuis, & de là me renuoya en France avec force dépesches, & vn grand & ample pouuoir de Surintendant absolu de toutes ses terres & affaires en France, & charge & instruction fort particuliere & secreta de ce qui pouuoit estre necessaire pres de la personne du Roy, & avec tel commandement ie le laissay paracheuer son voyage.

Ie ne fus pas plustost rentré en France que i'entendis passant à Chaalons, que le Roy & la Reine sa mere estans sur leur retour pour venir à saint Germain en Laye, auoient descouuert des entreprises faites par mondit sieur d'Alençon & le Roy de Nauarre, dont ie sceus toutes les particularitez à mon arriuee audit saint Germain la veille de Noël, & reconnus bien qu'il estoit grand besoin de veiller continuellement, & bien penser aux affaires du Roy de Pologne mon Maistre, absent & si esloigné, & iugeay encore plus necessaire, quand ie vis que le Roy

estoit retombé en sa maladie de crachement de sang, ce qui me fit faire bien tost apres vne dépesche en Pologne, que i'adressay à Monsieur Miron premier Medecin du Roy de Pologne, comme ayant la correspondance de mes chiffres, les aduertissans qu'ils prissent garde à leurs affaires, & que le Roy retombant si souuent en telles maladies n'estoit pas pour passer plus auant que le mois de May ensuiuant; aussi que quelques vns de ses Medecins me l'auoient assuré, & que desia ie voyois force grandes pratiques en France sur ce sujet, auxquelles il seroit fort difficile de donner ordre: neantmoins n'oubliant rien de mon deuoir en toutes choses, ie rompis dextrement beaucoup de mauuais desseins, par l'aduis certain que ie donnay à la Reine, & par sa prudence & son autorité.

Et bien tost apres fut decouuerte l'entreprise qui se faisoit sur la personne du Roy, dans le Chasteau dudit Sainct Germain, qui causa vn parterment fort soudain dudit lieu sur la nuit, à dix heures du soir, pour gagner Paris dès la nuit: neantmoins le Roy fut conseillé de differer iusques au matin, pour y venir plus assurément au milieu de ses Suisses, ainsi qu'il fit, & s'en vint loger au fauxbourg Sainct Honoré, au logis du Mareschal de Rers, avec vn incroyable desir d'auoir la raison de telles entreprises faites sur sa personne: Et est à croire que la cholere qu'il en receut luy doubla sa maladie, parce qu'onques depuis il ne se porta bien; & diray cecy en passant, que de tant de seruiteurs que le Roy de Pologne auoit obligez & laissez en France, il n'y eut que trois Gentils-hommes qui se voulurent ranger avec moy pour se porter à son seruice; & est tout certain qu'estant reconnu pour estre son tres-fidele & affectiōné seruiteur, ie fus espīé & soigneusement

recherché pour estre tué, ses ennemis me faisans cét honneur de croire que ie les empeschois de faire leurs affaires à leur prejudice.

Bien tost apres le Roy s'en alla au Bois de Vincennes, & y mena avec luy Monsieur d'Alençon & le Roy de Navarre, ausquels il deffendit de partir du Chasteau, dôt les portes furent fermées, & fort soigneusement gardees, tant par le sieur de Saint-lac, Capitaine de la porte, que par le Vicomte Dumettry, Capitaines des Gardes, tous deux fort diligens à leur deuoir; & durant que sa Majesté y fut il ne bougea gueres du liét à cause de sa maladie; continuant neantmoins tousiours en la volonté qu'il auoit prise de descouurir & chastier cette derniere entreprise sur sa personne, & fit arrester prisonnier & amener en la Bastille Monsieur de Montmorency & le Mareschal de Cossé, qui depuis y demurerent de quinze à dix-huict mois, sa Majesté estant resoluë de faire viuement poursuivre la iustice de cette affaire, si la mort ne l'eust preuenue, comme elle fit dix iours auparauant.

Or pendant les derniers iours de sa vie, le Roy me faisant vn iour cét honneur de me parler dans son liét, & voyant que mal-aisément il respiroit & prenoit son vent, ie iugay & apperceus qu'il estoit fort proche de sa mort, veu les aduis particuliers que j'auois à toute heure de sa disposition, & qu'il estoit temps de penser à l'interest du Roy de Pologne, mon maistre; & pour ce me promenant vn iour dans le Chasteau du Bois de Vincennes, avec la Reine le long de la muraille du costé du Parc, ie pris la hardiesse de la supplier de penser à la maladie du Roy, & à l'absence du Roy de Pologne son fils, qui par ses aduis & volonteé estoit allé en Pologne, & recognus bien que  
ladite

ladite Dame ne songeoit à rien moins qu'à tel inconuenient, pour les assurances contraires que luy donnoient les Medecins du Roy, entr'autres son premier, nommé Marillac: & pour ce voulut le lendemain faire faire vne grande consultation de ladite maladie, & me commanda de m'y trouuer; ce que i'estimay ne deuoir faire pour beaucoup de considérations, & tres-importâtes au service de mondit Maistre: tellement qu'à mon refus ladite Dame Reine y fit trouuer Monsieur le Chancelier de Birague & Messieurs de Moruilliers & de Limoges, lors des premiers du Conseil; lesquels apres me voulurent persuader que la maladie du Roy n'estoit qu'une simple fièvre tiercée, sans aucun danger, ce que ie ne peus croire; & de fait me resolus deslors, avec l'appuy & faueur secrete de la Reine, qui iamais ne memanqua au besoin, d'y travailler & pouruoir secretement; & parce qu'il y alloit de ma vie d'estre decouuert à tout ce que i'estimay estre vtile & necessaire, tant à Paris, Orleans, qu'autres principales villes & prouinces, enuers les seruiteurs & amis affectionnez au Roy de Pologne, pour en cas de ladite mort du Roy, luy conseruer la iuste & legitime succession que Dieu & la Nature luy donnoient en cette Monarchie. R.

Cette opinion donnée par les Medecins, que la maladie du Roy estoit petite & sans danger, continua parmy tous ceux de la Cour, iusques au mesme iour de sa mort, ayant le matin voulu son premier Medecin Marillac encore assurer la Royne, que sa Majesté se portoit bien & s'en alloit guerir: mais deux heures apres il la vint retrouver, oyant la Messe en la sainte Chapelle dudit chasteau, où i'estois pres d'elle, & luy rapporta l'estat & danger où estoit le Roy, & qu'il estoit necessaire qu'elle le vinst diligem-

ment trouuer, ce qu'elle fit aussi, & le voyant, ne faillit à iuger & recognoistre le malheur assuré de sa mort, laquelle arriva sur les trois heures apres midy du mesme iour, qui estoit le dernier iour de May 1574.

Deux heures auant ladite mort du Roy, la Reine m'en-  
uoya querir en toute diligence à Paris, où i'estois allé vn  
tour, & lors ie luy fis particulièrement entendre tout ce  
que i'auois preu & préparé pour tels accidens, dont elle  
se pouuoit seruir; aussi que par sa vertu & diligence elle  
en sceu ttes-bien vsar en de si inopinées occasions: & ce  
qui nous authorisa dauantage, fut que le Roy ordon-  
na auant sa mort que ladite Dame Roine sa mere de-  
meureroit Regente en France, iusques au retour du Roy  
de Pologne son frere & legitime successeur, auquel tout à  
l'heure ladite Roine remontra si vertueusement & cou-  
rageusement à Monsieur & au Roy de Nauarre ce qu'ils  
deuoient faire, que tous deux de leur propre mouuement  
s'en vindrēt l'un apres l'autre parler à moy, & me faire of-  
fre de tout ce qu'ils pouuoient pour le seruice du Roy de  
Pologne, quand ils en seroient par moy aduertis, & entre  
autres choses Monsieur me dit qu'il feroit tout ce que ie  
luy dirois, excepté vne chose, qui estoit d'aller en Polo-  
gne, où il ne voulut iamais aller comme auoit fait son  
frere; qui estoit honnestement remarquer & blasmer la  
faute qu'auoit fait en cela ledit Roy de Pologne: Et apres  
les auoir tous deux grandement remerciez pour ledit  
Roy mon Maistre, & assuré qu'à son retour il luy tes-  
moigneroit leur bonne affection & volonté, ie les y  
continuai tant que ie peus, & les suppliai pour premier  
effect d'icelle d'assister ouuertement la Roine qui demeu-  
roit Regente, si Dieu dispoit du Roy, & de faire pareille



declaration de leurs bonnes intentions aux autres Princes, Officiers de la Couronne, Presidens des Parlemens, Prestres des Marchands, & escheuins de la ville de Paris, & autres auxquels il faudroit parler incontinent si le malheur arriuoit, afin d'aduiser tous ensemble à ce qui seroit necessaire pour la conseruation de cét Estat, iusques au retour dudit Roy de Pologne premier & legitime successeur d'iceluy.

Tout ce que j'auois predict ausdits Seigneurs premiers Princes du Sang, fut suiuy & executé par ladite Dame Roine, laquelle, une heure apres que le Roy fut expiré, laissant bonne & seure garde audit Chasteau de Vincennes prit avec elle dans son coche mondit Sieur son fils, & ledit Roy de Nauarre, & les amena bien accompagnez de tout le reste des principaux de la Cour coucher à Paris, au Louure: pour moy ie despeschay incontinent le sieur de la Roche Chemerault vers le Roy de Pologne, pour luy porter aduis de tout, & le fis partir dès le soir melme, & fit la plus grande diligence qui se puisse dire; & bien que la Roine sa mere luy donnast aduis & moy aussi, de tascher à se desfrober, & s'en venir le plus secrettement & tost qu'il pourroit, à cause des accidens & dangers que nous craignons à son retour, si est-ce qu'il ne le peut faire si dextrement qu'il ne fust descouuert par les Polonois, & ne fust suiuy pour estre arresté par le Comte de Tatchin, ordonné par eux, avec troupes assez fortes pour le retenir quand elles l'eussent peu attraper, tellement que ce qu'ils firét fut d'arrester quelques vns des siens, demeurez derriere, & entr'autre le sieur de Pybrac; & aussi sa Maieité bien aduertie & partie, vint sans danger iusques à Vienne en Autriche, où il fut honorablement re-

eu par l'Empereur Ferdinād, & trouua là cinquante mil escus que ie luy auois faict tenir par lettre de banque: Ie luy auois faict tenir autres cinquante mil à Ausbourg s'il eust pris ce chemin, & encore autres cinquante mil à Venize, qu'il y trouua tous prests y arriuant; car ie sçauois bien qu'en telles occasions il ne faut manquer d'argent n'y en eust-il point au mode, & pour celuy-là il y fallut employer avec le nom & les blancs signez du Roy, qu'il m'auoit laissez, tout mon credit & celuy de mes amis, & mettre le tout au hazard pour vne si bonne affaire.

Sa Majesté partant de Boulogne, m'auoit mandé que ie me trouuasse à Venise au meisme temps, à quoy ie ne peus satisfaire, les affaires de France ne m'ayant peu permettre, & ne peus partir que vers la fin de Iuillet, apres l'éterrement du Roy Charles, & que la Roine Regente sa mere m'eust amplement communiqué de toutes les affaires du Royaume, pour les luy faire entendre, & enuoya la dite Dame Roine à cet effect avec moy les deux premiers Secretaires d'Estat, Messieurs de Fauue & de Villeroy, pour commencer à seruir sa Majesté, que ie menay avec moy iusques à Thurin, où ie trouuay la Maieité qui me fit plus de caresse & de faueur que ie n'eusse peu esperer, m'ayant iusques là fait cet honneur de n'auoir voulu accorder ny expedier choses quelconques des affaires de France, qu'il n'eust parlé à moy, & sçeu l'estat d'icelle que i'auois eu charge de la Roine de luy représenter.

Après que ladite Maieité eut seiourné quelques iours audit Thurin, où Monsieur de Sauoye luy rendit infinis honneurs, avec tres-grandes magnificences à la premiere journée au deça pour venir à Lyon, vn de mes amis Secretaires du Roy me vint trouuer en poste pour m'appor-

ter nouuelles que ma femme estoit accouchée le Samedi vingt & vnielme iour d'Aoust audict an soixante & quatorze d'une fille, à Paris, qui fut depuis nommée Marguerite par Madame de Vibraye & Monsieur le premier President, & Madamoiselle de Bonneual, laquelle depuis en l'année mil cinq cens quatre vingt trois, le seiziesme Iuin, fut fiancée, & en quatre vingt & cinq mariee avec Monsieur le Marquis de Nesle de la maison de Laual.

Le quatrielme iour de Septembre mil cinq cens soixante & quatorze, le Roy poursuivant son chemin vers Lyon arriua à Bourgnon, où la Reine sa mere l'attédoit avec toute la gros de la Cour, venu iusques là au deuât de luy; comme auoient fait deux iournées plus auant iusques au pont de Beauuoisin, Monsieur son frere, & le Roy de Navarre, & en cette premiere rencontre de leurs Maiestez, apres auoir faiet d'un costé & d'autre grandes demonstrations de ioye d'un si fauorable retour, le Roy commença à remercier grandement la Roine de l'extreme obligation qu'il luy auoit de luy auoir conserué son Royaume en son absence contretant de mauuaises entreprises qui auoient esté faietes contre le feu Roy son frere, & depuis contre luy; que comme il tenoit la vie d'elle, aussi en tenoit-il son Royaume, pour le luy auoir assez bien conserué; à quoy, apres auoir fort modestement respôdu par la Reine, pour elle, sa bonté me porta à me faire tant d'honneur que de me prédre par la main, & de dire au Roy, que ce qui auoit esté bien faiet en son absence en son Royaume me m'en deuoit estre attribué pour la plus grande part, à cause des bons & fideles aduis que ie luy auois tousiours donnez, & de la vigilance & extreme diligence dont i'auois vsé pour son seruice, à former & preparer, meisme au

peril de ma vie, de bonnes intelligences & forces de tous les bons seruiteurs, pour la conseruation de son Estat, s'il en eust esté besoin : mais que Dieu auoit faict reüssir le tout plus doucement.

Le lendemain cinquiesme de Septembre audit an, le Roy avec ladite Reine, Monsieur son frere & toute la Cour arriua à Lyon, où luy fut faicte vne fort belle entrée, & le sixiesme au matin en l'Archeuesché, où estoit logé le Roy : la Reine sa mere le vint trouuer en sa chambre aussi tost qu'il fut habillé pour aduiser & resoudre eux deux seuls de ce qui estoit le plus important & pressé à faire, & establir pour le bien de cét Estat, & me firent leurs Maiestez cét honneur res-grád & particulier de m'appeller seul avec elles dans le Cabinet, & fut lors la premiere conference des affaires du Roy, comme i'auois esté auparavant qu'il allast en Pologne. Apres elles aduiserent d'infinies choses importantes, & puis de ceux qui deuoient entrer aux affaires qu'elles me commanderent, d'appeller les vns apres les autres ; à sçauoir le premier, Monsieur le Cardinal de Bourbon, & puis Monsieur le Duc de Montpensier, & n'y eut lors autres Princes & Seigneurs admis ausdits Conseils & affaires de sa Maiesté que les susdits, qui tous les matins ensuiuant y entroient seuls, & tous les autres Princes & seigneurs du Conseil demurerent dans la chambre.

*S. Michel* Sur la fin dudit mois de Septembre la veille de S. Michel le Roy deliberant de regler ses Ordres de S. Michel, & assembler à cét effect tous les Cheualiers dudit Ordre, qui estoient pres de sa Maiesté, pour resoudre avec eux ce qui estoit necessaire pour la reformation d'iceluy, lors tombé en peu d'estime pour la trop grande multitude de gens de

peu de qualité & valeur qui y auoiét esté appellez. La premiere chose proposée en ladite Assemblée, fut de remonstrer qu'il n'y auoit point de Châcelier dudit Ordre, Monsieur le Cardinal de Crequy estant mort depuis le decedz du Roy; surquoy estant mis en deliberation d'en eslire & choisir vn, me fut fait cét honneur d'estre esleu, tant du Roy que de tous Messieurs les Cheualiers & Officiers de la Couronne : encore qu' auparauant n'y eust eu que personnes Ecclesiastiques & non mariez comme i'estois, qui fussent entrez en cette charge suiuant le Statut, qui porte que ce doit estre vn homme de qualité, Docteur, ou Lincentié, & des plus notables, Monsieur le Cardinal de Lorraine mô bon Seigneur & amy, qui l'auoit esté autrefois, dit que toutes ces qualitez estoient en moy, le mariage ne me deuant point empescher d'estre pourueu dudit Estat de Châcelier dudit Ordre, ce qu'estant approuué & confirme par sadite Maiesté, & par toute la Compagnie, la ceremonie dudit Ordre fut faite ledit iour Sainct Michel en la grande Eglise de Lyon, où comme Chancelier ie feruis, & pris, & receus le serment qu'y fit le Roy, comme Chef & Souuerain dudit Ordre ainsi que le porte ledict Statut.

Quelques iours apres le Roy changea l'Ordre & la forme qui auoit accoustumée d'estre tenuë aux depeschés de ses affaires ordinaires, & voulut, & ordonna que les Secretaires d'Estat ne depeschassent plus rien que les placers ne fussent accordez & signez de sa propre main, & ie receus commandement de recevoir tous lesdits placers qui luy furent presentez pour les luy faire voir, & resoudre à part, les Secretaires presens pour en recevoir les commandemens, & en faire & depescher les expéditions.

Après que le Roy eut ainsi sejourné à Lyon quelques iours, il fut conſeille de faire vn tour iuſques en Auignon, pour faire donner ordre à ſes affaires, tant du coſté de la Prouence que de celuy de Languedoc, où le Mareſchal d'Amuillenerédoit pas l'obeiſſance que ſa Maieſté pouuoit deſirer, qui fut vn voyage peu conſeillé de tous, ✱ parce qu'au lieu d'iceluy ſi ſadite Maieſté euſt ouuert les bras à tous ſes ſubjects, ſon nom & la reputatiō des belles victoires qu'il auoit acquiſes eſtoient ſi eſtimees que facilement chacun ſe fuſt venu rédre à toute obeiſſance: mais au contraire par le meſme Conſeil elle enuoya le Mareſchal de Rets aſſieger Menerue en Prouence, & le ſieur de Bellegarde, que le Roy auoit fait Mareſchal de France à ſon arriuee aſſiegea auſſi Lyron, d'où après il fut contraint de leuer le ſiege, tellement que tous les deſſeins de ce voyage ne reüſſirent point, & que le Roy s'en retourna ſans rien faire audiſt Lyon.

Eſtant de retour à Lyon, par l'aduiſ de la Reine ſa mere & de ſes bons ſeruiteurs, il fut inuité de penſer à ſon mariage, & encore qu'il euſt deſia depeſché le Secretaire ✱ Pinart en Suede pour voir la ſœur du Roy, & ouurir quelques propos dudit mariage, neâtmoins ie reconneus bien par ſes diſcours qu'il vouloit prendre & chercher vne femme de ſa natiō, qui fuſt belle & agreable, diſant qu'il en deſiroit vne pour la bien aimer & en auoir des enfans, ſans aller à d'autres femmes comme beaucoup de Rois ſes predeceſſeurs auoient fait. Les vns luy propoſerent la Reine Elizabeth, veufue du feu Roy Charles ſon frere; les autres la Princeſſe de Nauarre; les autres de rechercher vne de ſes niepees, filles du Roy d'Eſpagne: mais en ſon cœur, & luy ſeul, il auoit vne affection imprimee, & quaſi deſia formee

formee, de Madam oiselle de Vaudemont, qu'il se souue-  
noit d'auoir veüe à Nancy lors qu'il y passa pour aller en  
Pologne; & ayant deslors & depuis confirmé cette in-  
tention en son cœur, n'en voulut declarer sa passion à la  
Reine sa mere; il me fit cet honneur de s'en confier &  
s'en ouuir à moy seul; & me commanda d'en parler à la  
Reine, & de luy faire auoir agreable; ce que ie fis avec  
quelque peine, n'ayant voulu y consentir qu'apres la  
mort du Cardinal de Lorraine, & sur l'opinion que nous  
luy mismes tous, que ladite Damoiselle de Vaudemont  
estoit fertile d'age & de taille d'auoir des enfans, que le  
Roy en auroit bien tost pour l'assurance de cet Estat.

Leurs Majestez apres cette resolution entr'eux prise,  
voulant qu'elle demeurast secrette, s'acheminèrent de  
Lyon pour venir droict à Reims sacrer le Roy, & estant à  
Lâgres sur le chemin elles prirēt resolution de m'euoyer,  
comme elles firent, trouuer Monsieur de Vaudemont &  
ladite Damoiselle, pour la demander en mariage; que i'y  
trouuay fort dispoſee, & grandement honoree de cette  
Alliance, & les rencontray à Sommiers venans à Reims  
pour assister audit Sacre, où apres ma charge accöplie ie  
les coniu-ray de poursuiure leur voyage pour paracheuer  
plustost cette affaire, ce qu'ils firent, & les accöpnay de  
là iusques audit Reims, où ils furent receus fort hono-  
rablement par leurs Majestez & incontinent apres ledit  
Sacre, sans grandes formalitez le Roy espousa ladite Da-  
moiselle de Vaudemont Louise de Lorraine le Mardy  
de Careſme - prenant quinziesme de Feurier mil cinq  
cens soixante & quinze, & les nopces furent faites au-  
dit Reims avec fort peu de pompe & d'apparat; & deux  
iours apres leurs Majestez en repartirent, & vindrēt passer

par Sain<sup>t</sup> Meircoul, puis se rendirent à Paris, où le Roy vint loger au logis de la Reine sa mere, & fut son se iour audi<sup>t</sup> Paris assez long; cependant on estima que ladite ≠ Reine regnante fust grosse, mais vne mal-heureuse medecine qui luy fut donnée luy fit vuidier l'enfant, que les sages femmes disoient estre desia tout formé.

Le treizieme iour d'Aoust audi<sup>t</sup> an soixante & quinze ladite Dame de Cheuerny ma femme accoucha de mon second fils sur les cinq heures du matin, lequel depuis fut baptizé le quatrieme Septembre ensuiuant en l'Eglise de Sain<sup>t</sup> Germain de l'Auxerrois enuiron les trois heures apres midy, par M<sup>onsieur</sup> l'Euesque d'Angers Confesseur du Roy, dont le Roy, & la Reine sa mere me voulurent faire l'honneur & faueur d'estre parrain & marraine, & mesme voulurent prendre cette peine d'aller eux mesme en personne receuoir l'enfant iusques sous la grande porte de ladite Eglise; assistez de M<sup>onsieur</sup> le Duc d'Alançon, du Roy de Nauarre, & de tous les autres Princes, Cardinaux, Officiers de la Couronne, Seigneurs & Dames de marque, de la Cour, & fut nommé par le Roy, de son nom propre, Henry, & est à present mon fils aisné, & porte le nom d'Es<sup>te</sup>mont, & puis dire sans mentir que ledit Baptisme fut faict avec autant d'honneur, d'ordre & de ceremonie qu'autre de cette qualicé qui fust iamais veu faire en France, & cela prouint de la bonté & faueur enuers moy de leurs Majestez & des tesmoignages que tous ceux de la Cour me voulurét rendre de leur amitié, & au mesme temps le Roy me donna la maison de la Roquette pres la Porte de S. Anthoine de Paris, qui luy auoit cousté vingt six mil liures, où ie depensay beaucoup depuis pour l'accommoder & embellir



pour y mieux receuoir leurs Majestez qui y venoient souuent se promener & retirer de la presse.

En cemesme temps Monsieur frere du Roy, persuadé & mal conseillé par quelques vns qui le possedoient & estoient aupres de luy, se forgea vn subiet de mescontentement, & se retira de la Cour sans le sceu du Roy, ny de la Reine sa mere, s'en allant premierement à Montfort, puis passant la riuere de Loire, au delà de laquelle il assembla quelques forces vers le Poictou & Limosin, ce qui donna volonté à ladite Dame Reine mere du Roy, pour remettre ses enfans en bonne amitié, d'aller iusques à Chastelleraud, où estant demeurée malade, ie fus enuoyé par le Roy vers elle pour l'esclaircir, & luy faire entendre le contraire de force mauuaises opinions esloignées de la verité que l'on luy auoit voulu imprimer, & la rendre assurée de l'obeissance, respect, & parfaite amitié que le Roy son fils luy portoit, dont elle demeura fort contente & satisfaite: Et comme ie retournois de ce voyage, mondit Sieur, frere du Roy, fut aussi persuadé par les mesmes Conseillers de m'enuoyer prendre & arrester, ou tuer par les chemins; & pour ce il depescha vn de ses plus confidens Capitaines avec cent arquebusiers à cheual, qui graces à Dieu vindrent trop tard, & ne me peurent ioin-

dre. La Reine mere du Roy ne peut pas empescher que ce feu de diuision entre ses enfans ne s'allumast plus auant, ny que le Duc Casimir ne vint en France avec grande forces d'Allemagne pour ioindre avec celles de France, qu'auoit desia assemblées Monsieur, lequel par ce secours fit vne grãde & forte armée, comme le Roy de son costé ne faillit d'en faire aussi vne tres-belle & grande, les-

quelles ne pouuoient qu'appoter beaucoup de mal en ce Royaume, si ladite Reine leur bonne mere par sa diligence & affection tres-loüable & necessaire en tels temps n'eust composé & réglé avec sa prudence & son autorité tous leurs differends, & remis ses enfans en bonne amitié & intelligence, & faict en sorte que lesdits Allemands fussent payez & remis hors du Royaume.

Et comme vn mal en attire vn autre, le Roy de Nauarre, second Prince du Sang, s'estant veu seul à la Cour, & ayant esperé par l'absence & le mescontentement que le Roy auoit de mondit Sieur son frere, qu'il seroit fait Lieutenant general de sa Majesté, pour commander en toutes ses armées, à quoy elle n'auoit iamais voulu entendre, pour vne infinité de grandes considerations icy trop longues à desdire; prit aussi occasion & pretexte à ce refus de se facher & de s'en aller, & se retira en secret, faisant semblant d'aller à la chasse, par le mauuais conseil de quelques vns de ses seruiteurs, & passant par le Poictou, la Rochelle & le pays de Guyenne, s'en alla en Bearn, d'où il n'a bougé iusques à ce qu'il soit reuenu à la Cour trouuer le Roy à Tours en l'an mil cinq cens quatre-vingt-neuf, comme il sera cy-apres remarqué en son lieu; Et quant à mondit Sieur frere du Roy il vint incontinent apres leur reconciliation trouuer sa Majesté à Ollinuilier près de Chastres, au deuant duquel ie fus enuoyé par leurs Majestez iusques à Angerville, pour l'assurer du contentement que le Roy receuroit de le voir pres de luy, ce qui se passa fort courtoisement de part & d'autre.

Le Roy voyant tant de nouveaux & inopinéz sujets de diuision en son Royaume, & si grande necessité en beaucoup d'affaires, se resolut à l'exemple de ses predeces-

seurs d'assembler les trois Estas de son Royaume qu'il conuoqua à la ville de Blois, sur la fin de l'an mil cinq cens soixante & seize, où se trouuerét avec leurs Majestez mondit Sieur & les autres Princes & Seigneurs, & tous les Deputez de toutes les Prouinces, sur les cahiers & remonstrances desquels Estats fut dressée & faite l'Ordonnance de Blois à la fin de ladite Assemblée, par laquelle fut resolu d'enuoyer vers le Roy de Nauarre, luy declarer la resolution que le Roy y auoit prise, de ne permettre plus que la seule Religion Catolique en France, & le som-  
mer de s'y reduire; pourquoy faire luy furent enuoyez deux Gentils-hommes expres, après lesquels môdit Sieur frere du Roy fut bien tost ordonné par le Roy pour aller commander son armée, & assieger la ville d'Issoire en Auvergne, que ceux de la nouvelle opinion auoient desia prise, & laquelle fut assiegée & emportée par mondit Sieur fort glorieusement, pendant que le Roy s'en alla pourmener & seiourner pour quelque temps à Chenonceau au pays Blaisois, qui estoit vne des maisons de plaisir de la Reine sa mere.

Durant le mesme temps & sejour à Chenonceau, ladite Dame de Cheuerny ma femme vint accoucher audit lieu de Cheuerny le quatriesme iour de Iuin mil cinq cens soixante & dix-sept, d'vne seconde fille qui fut nommée Anne, & baptisée audit lieu quelques iours apres, & furent ses parrain & marraine, Monseigneur de Vibraye mon frere, & Madame de Valencey & de Fougeres, qui depuis a esté mariée à Monseigneur le Marquis de Royan de la maison de la Tremouille, bien que ie l'eusse au commencement destinée pour estre religieuse, en intention de la faire succeder à la sœur de madite femme qui estoit Ab-

besse de saint Anthoine des champs près Paris.

Sur la fin dudit mois de Juin soixante & dix-sept, le Roy s'en alla à Poitiers pour estre plus près de Broüage, qu'il auoit enuoyé assieger par son armée, à laquelle commandoit alors Monsieur le Duc du Maine, & qui prit ledit Broüage apres quelque temps de Siege, qui occasionna le traitté de Paix dont l'Edit fut fait en ladite année, apres lequel le Roy s'en reuint à Paris.

La Cour estant audit Paris, quelques ialousies meües entre de ieunes gens qui estoient en faueur près du Roy, & de mondit Sieur son frere, les remirent en nouvelles diuisions & differends l'un & l'autre; tellemét que sur quelques aduis qui furent donnez au Roy, il fit arrester mondit Sieur son frere en sa chambre au Louure, & luy ordonna vn de ses Capitaines des gardes pour le conseruer; lequel neantmoins ne fut si soigneux, que mondit Sieur ne trouuaist moyen de s'eschapper quelques iours apres, & partir dudit Louure & de gaigner l'Abbaye de Sainte Geneuiefue, dont il passa les murailles de la ville, & se sauua; & recommencerent alors pour quelque temps les troubles en ce Royaume, avec plus de passion qu'auparauant: Mais comme Dieu aime cét Estat, il fit recognoistre à mondit Sieur que le Roy son frere, veritablement l'aimoit, & que c'estoient artifices & animositez tout ce que l'on disoit au contraire, & pour ce delibera vn iour de venir trouuer le Roy tout seul, avec deux Gentil-hommes, se desrobans de tous les autres, qui pèsans par là mieux faire leurs fortunes, le pensoient diuertir de l'amitié du Roy; & de fait vint vn iour trouuer le Roy sur les onze heures du soir en s<sup>on</sup> cabinet à Paris, n'ayât avec luy que lesdits deux Gentils-hommes qui estoient, Messieurs

de Beauuais la Fin, & de Châualon, & trouuerent bon que ie fusse present à cette secrette entreueüe, & que i'entendisse tous les discours qu'ils eurent ensemble ; où ie puis dire qu'ils n'oublierent rien de ce qui peut seruir à leur iustification & satisfaction de part & d'autre, ny de nommer & bien remarquer tous ceux qui auoient esté cause de toutes leurs mauuaises intelligences ; & de cét exemple doiuent faire leur profit ceux qui voudroient estre si mal-aduisez & imprudens que de penser entretenir en diuision personnes si proches, quelque artifice & interest qu'ils y puissent faire glisser.

Pendant que les choses s'accorderent ainsi doucement à Paris, la Reine mere du Roy estoit allée en Guienne conduire la Reine de Nauarre sa fille au Roy de Nauarre son mary, laquelle auoit vn grand contentement d'entendre cette nouuelle reconciliation du Roy avec Monsieur son frere ; & apres auoir ainsi conduit ladite Reine sa fille iusques à Nerac, repassa par Toulouse, puis visita la pluspart du Languedoc, du Dauphiné, de la Prouence & du Lyonnois, donnant & laissant bon ordre à toutes ces Prouinces en tout ce que sa Majesté recogneut estre necessaire pour le bien des affaires du Roy son fils, qui cependant fut fort malade d'un mal d'oreille qui en fit mal iuger aux medecins pour vingt quatre heures, mais graces à Dieu il en fut aussi tost guery.

Pendant ledit voyage le Roy se resolut d'accomplir en moy ce qu'il auoit resolu & aduisé avec la Reine sa mere pres de trois ans auparauant, & dont desia il auoit fait expedier les lettres de prouision, qui estoient de m'honorer de la charge de garde des Secaux de France, que le Roy me commanda de prédre, pour la vieillesse & long travail de

Monſieur le Cardinal de Birague Chancelier de France, qui le deſira, & me choiſit pour l'amitié qu'il me portoit, & l'alliance ja contractée entre nous, & s'en démit fort volontairement en ma faueur, la Cour eſtant à Fontainebleau, le premier iour d'Octobre dudit an mil cinq cens ſoixante & dixhuiſt.

Et à cette occaſion i'eſtimay qu'il eſtoit bon que les miés ſçeuſſent deux choſes que peut-eſtre peu de perſonnes *deuant moy*, & encore moins apres moy praticanteront, ſe rencontrans en fortune, & auſſi le diſ-je plus pour rareté & verité que pour entrer en quelque ſorte de vanité dont Dieu m'a touſiours heureuſement exempté.

L'vn eſt, que ie combatis & fis differer plus de deux ans entiers l'affection & intention que le Roy auoit de me gratifier de cette charge, bien que ie m'en ſentiſſe trop honoré, & l'eſtimaiſſe, comme elle eſt, la plus belle de France pour vne perſonne de ma condition; mais i'eſtimois qu'elle me feroit perdre quelque choſe de la faueur & liberté toute entiere que i'auois aupres de ſa Maieſté, qui ſe ſeruoit de moy, non ſeulement en ce qui eſtoit de ma robbe & profeſſion, mais en toutes choſes qui luy eſtoiét les plus particulieres & ſenſibles, ſans eſtre obligé à rien qu'à ſa volonté, & non aux opinions & intereſts publics où neceſſairement ſont aſſubiectis ceux qui ſont en telles charges.

L'autre, que ne pouuant, & ne deuant dauantage reſuir à cet honneur & bon-heur pour moy, ny cōtraires au commandemens de ſadite Maieſté, ie deſiray auant que d'entrer en cette charge, dont ie reconnoiſſois l'importace & la fin, qu'il plût à ſa Maieſté, comme elle le fit, à ma ſupplication, de reſtablir ſes Conſeils avec certain nombre de  
Sci-

Seigneurs, Euesques & gens de Iustice pour y seruir quatre mois, les vns apres les autres, avec quelque estat honneste pour leur entretenement, reglant les affaires qui deuoient estre reglées en chacun desdits Conseils, & demeurant tousiours ledit sieur Cardinal de Birague chef d'iceux comme Chancelier de France; & aussi j'acceptay ladite charge de garde des Sceaux, desquels ie fus pourueu en titre d'Office, & non par simple Commission, comme l'auoient tousiours esté les autres deuant moy.

Au mois de Decembre audit an soixante & dix-huict, le Roy considerant combien l'Ordre de S. Michel estoit mesprisé pour la multitude de gens de peu d'estime & de valeur qui y auoié esté receus, se delibera de faire & establir en son Royaume vn nouuel Ordre plus magnifique & plus releué; sous le nom du S. Esprit, en souuenance de ce que le iour de Pêtecoste il auoit esté esleu Roy de Pologne, & puis en mesme iour succeda à ceste Couronne, voulant pour marque perpetuelle de cela, que la ceremonie dudit Ordre se fist ledit iour de la Pentecoste, & le premier iour de l'an, auquel seul en fin elle fut reduire; & ordonna sa Majesté en l'establissement dudit Ordre qu'aucun n'y peust estre receu qu'il n'eust fait preuue suffisante de sa Noblesse, de trois races du moins, sans aucuns excepter, pour en oster toutes confusions & consequences, & n'eust rendu preuue manifeste de seruice rendu à cét Estat.

Pour paruenir à ce degré & honneur, & pource que ie fus fait & créé par le Roy, Chancelier de cét Ordre, comme desia ie l'estois de celuy de Saint Michel, & que le Statut vouloit, comme ie l'auois souhaitté & pourluiu, que le Chancelier fist semblables preuues; & que

puis que sa charge l'obligeoit à impugner & contrroller celle des Cheualiers, ce fut à moy donc de commencer de faire la mienne tout le premier, laquelle fut iugée des mieux faictes, & verifiée, tant par extraits enuoyez des Chambres des Comptes de Bretagne, qu'autres vieux adueus, contracts de mariage, & sepultures, que ie fis en fin produire.

Au commencement de l'année suivante soixante & dix-neuf, la Reine mere du Roy reuint de son grand voyage, au deuant de laquelle le Roy alla avec toute la Cour iusques à Orléans, s'estant pendant cette separation leurs Maiestez tousiours entretenus en bonne amitié & intelligence, par infinis couriers, & personnes de qualité, enuoyez tous les iours de l'un à l'autre, & aussi reuindrent à Paris ensemble, où tous les Princes & principaux Seigneurs du Royaume se trouuerent en mesme temps pour seruir de leurs bons aduis à certaines depesches & affaires d'importance qui lors se presentoiēt, & ce fut sur la fin de cette mesme année que Monsieur frere du Roy commença de traiter avec les deputez de Flādres, pour prendre leur deffence & protection, ce qui n'estoit pas approuué du Roy, voyant le peu de seureté qu'il y auoit avec tels esprits; que le secours & moyens de latisfaire à tel dessein n'estoient pas fournis par ceux du païs à mondit Seigneur, ainsi qu'il eust esté necessaire pour vne telle entreprife.

Le dix-neufiesme iour de Septembre de cette année mil cinq cens soixante & dix-neuf entre sept & huit heures du matin accoucha ladite Dame de Cheuerny d'un troisieme fils, qui fut baptizé le vingt-septiesme dudit mois à S. Germain de l'Auxerrois par Monsieur le



Sueur Conseiller au Parlement, & Doyen de ladite Eglise, tenu sur les fonds par Monsieur le Cardinal de Birague Chancelier de France, & Monsieur le Marechal de Matignon, & Madamoiselle de Vaudemont sœur de la Reine regnante, lequel fut nommé de mon nom, Philippes, & dellors par moy destiné estre d'Eglise; ledit Sieur Cardinal luy ayant en signe de ce mis au col sur lesdits fonds vne assez belle Croix Pastorale de grands Saphirs qu'il portoit d'ordinaire.

En tout le reste de ladite année soixante & dix-neuf, & commencement de celle suiuite de quatre-vingt, ne se passa rien de remarquable que la continuation dudit Traité de Monsieur frere du Roy avec lesdits Flamans, & la surprise de la ville de la Ferre, faite par Monsieur le Marechal de Matignon, qui eut charge de l'armée du Roy apres que ledit Sieur Prince s'en fut retiré, & sur la fin du mois d'Aoust de cette année quatre-vingt ie tombay malade d'une grande fièvre continuë, qui se tourna depuis en tierce & me dura pres de deux mois pendant que ie demeuray à S. Maur & à Fontaine-bleau, & ne m'épescha que ie ne seruissse sur la fin de l'année le Roy, qui s'en alla à Blois, où il passa vne partie de l'Hyuer, & y tint son Ordre du S. Esprit; & au commencement de l'année quatre-vingt & vn se commencerent des leuées de gens de guerre que mondit Sieur frere du Roy fit faire par tout le Royaume pour aller en Flandres, où Monsieur de Montpensier l'accompagna & en reuint avec fort peu d'execution, ayant grandement pillé & saccagé les subjects du Roy par ladite leuee dont sa Majesté & son Conseil receurent infinies plaintes sans remede.

Sur la fin de Decembre dudit an Monsieur le Marec-

chal de Coffé tomba malade en sa maison & y mourut, dont l'Etat de Marechal de France fut donné à Monsieur de Ioyeuse, & le Roy me fit cet honneur de me donner le gouvernement qu'il auoit d'Orleans, pais Chartrain, Blaisois, Dunois, Amboise, & Loudunois, le premier iour de l'an quatre-vingt deux, en bonne estreine, dont le pouuoir fut depuis passé & verifié au Parlement comme l'on fait pour les autres Gouverneurs de ce Royaume, & fut trouué cette gratification vn peu extraordinaire aux personnes de ma robbe & qualité: mais le Roy monstra en cela ce qu'il auoit tousiours dit de moy, qu'il me tenoit & m'estimoit propre à plus d'vn mestier, & qu'il ne vouloit que ma robbe empeschast que ma fidelité & mes seruices ne fussent reconneus des honneurs qu'vn Gentil-homme pouuoit esperer.

Vers cette mesme annee quatre-vingt deux mondit Sieur retourna en Flandre, & fut déclaré Duc de Brabant, Comte de Flandres, & protecteur des Pais-bas, & en ceste qualité fit son entree dans la ville d'Anuers.

En cemesme temps vindrent nouuelles; & aduis furent donnez au Roy, qu'il y auoit vne grâde entreprise & coniuuration faite en ce Royaume par la pluspart des Princes & Seigneurs Catholiques, assistez de beaucoup de seruiteurs de sa Majesté, & plus proches de sa personne, pour la verification de quoy celuy qui en donnoit aduis, qui estoit le Sieur de Salcede, fut amené prisonnier au bois de Vincennes, & depuis à Paris, où son procez luy fut fait, & au mois d'Octobre audit an il fut condamné pour la fausse accusation à estre tiré à quatre cheuaux, ce qui fut executé à la Greue.

Pendant que l'on trauailloit au iugement du pro-

cez dudit Salcede, dans le Parlement, Monsieur le premier President de Thou mon beau-pere se trouua mal, pour s'estre forcé, bien que desia indisposé, d'aller au Palais pour assister audit iugement, & par le trauail qu'il y fit sa maladie s'augmenta de telle sorte qu'il mourut le second iour de Nouembre Feste des Morts apres auoir fait vne fort belle remonstrance & admonition à tous ses enfans, & leur auoir fait entendre qu'il leur laissoit pour meilleur partage l'amitié & concorde, qu'il leur ordonnoit de conseruer entr'eux, pour toute disposition qu'il vouloit faire. Et côme le Roy apres sa mort, voulut faire eslectio d'un successeur digne de cette belle charge, il trouua bon à ma supplication d'y mettre Monsieur de Harlay, Seigneur de Beaumont, ja President audit Parlement, qui estoit mon beau frere, comme ayant espousé la sœur de ma femme fille dudit sieur premier President, estant lors ledit sieur de Harlay employé à tenir les grands iours que le Roy auoit conuoquez à Lyon en Auuergne, & qu'il ne pensoit à rien moins qu'à cet honneur, que ie luy fis aussi obrenir, & duquel il me remercia aussi tost par lettres fort pleines de reconnoissance & submission.

Le vingt-huictiesme iour de Nouembre dudit an quatre-vingt, Dame Marguerite de Poucher ma belle sœur & bonne cousine germaine estant à Vibraye, mourut enuiron l'heure de midy, apres auoir esté longuement malade d'un mal-heureux cancer qui luy estoit venu au tetin, qui nous la raut & nous laissa vn extreme regret de sa perte, pour les vrais offices de bonne amitié & parenté que i'auois toute ma vie receu d'elle; Or par sa mort & par la disposition de feu Monsieur de Chanfreau son frere, iointe à la disposition qu'elle auoit faite en ma fa-

ueur, comme aussi pour la succession legitime, estant  
 masle, & representât l'ainé les terres & Seigneuries d'Es-  
 climôt, Bertaucourt, le Tremblay, & Châfreau, m'écheu-  
 rent; & d'autant que Monsieur de Vibraye mon frere y  
 pretendoit de grands droits, comme aussi faisoit mon  
 neveu le Baron d'Vrielle, & mesme aussi quelques autres  
 petits heritiers de ladite feuë Dame, pretendans droit  
 à la succession, où la Coustume ne luy auoit peu per-  
 mettre d'en disposer, fut par moy transigé & accordé  
 avec tous, & payé & acquitté à chacun en argent ce qui  
 luy en appartenoit, & laissé à mōdit frere de Vibraye l'usu-  
 fruit desdites terres d'Esclimont & du Tremblay, ainsi  
 que le tout se peut reconnoistre par plusieurs accords &  
 trāsactions que i'en fis & passay avec eux tous, en l'année 83.

Durant laquelle année quatre vingt - trois mondit  
 Sieur d'Alañon frere du Roy voulut retourner en Flan-  
 dres, accompagné de beaucoup de forces, tant leuées par  
 luy en ce Royaume qu'euoyées par la Reine d'Angleterre,  
 qu'il auoit esté visiter auparauant iusques en son Royau-  
 me, & avec laquelle il auoit eu propos de mariage, si auant  
 que l'on estimoit qu'il se deust paracheuer; & leuées du  
 costé des Suisses; lequel, Monsieur le Marechal de Biron  
 voulut aussi accompagner & suiure en ce voyage, durant  
 lequel il suruint des soupçons & diffiances, prises par le  
 Prince d'Orange & habitans d'Anuers, tels & si grands  
 qu'une partie des seruiteurs de mondit Sieur furent tuez  
 dans la ville, & luy eut beaucoup de peine à se sauuer &  
 retirer, qui luy causa pour la necessité & peine qu'il y a-  
 uoit soufferte, de grandes douleurs & maladies, dont il  
 ne peut iamais depuis se rauoir & guerir.

En cette mesme année quatre-vingt trois, un iour de

Dimanche troisieme Iuillet, ladite Dame de Cheuerny ma femme accoucha à la Roquette sur les huit heures du matin, d'une fille qui fut baptisée dās la Chapelle de ladite maison le vingt-quatrieme dudit mois, par le Curé de S. Paul Docteur en Theologie, & fut marraine Madame Marguerite de France sœur du Roy & Reine de Navarre, & Charles de Lorraine fils de Monsieur le Duc de Lorraine qui estoit Euesque de Mets & nepveu du Roy, & fut ladite fille nommée Catherine, parce que sa sœur aînée portoit desia le nom de Marguerite.

Le vingt-quatrieme Novembre de ladite année Messire René de Birague Chancelier de France mourut à Paris, dans sa maison de Sainte Catherine près S. Paul, apres avoir esté malade l'espace de deux mois, par la mort duquel le Roy voulut que ledit Estat de Chancelier de France fust remis à ma personne, avec celui de garde des Sceaux, dont i'estois desia pourueu, me faisant cét honneur de dire tout haut en public, & à moy plusieurs fois en particulier, que si ie mourois deuant luy, que iamais homme ne seroit pourueu de son temps des deux charges ensemble, & qu'il feroit tenir l'Estat de garde des Sceaux tousiours par commission de six en six mois, me voulant par tel discours gratifier & obliger dauantage, & apres la mort dudit Sieur Cardinal le Roy fit cét honneur à sa memoire & à son corps d'aller expres de S. Germain en Laye à Paris, pour assister comme il fit, à son enterrement dans l'Eglise de Sainte Catherine en habit de penitent.

Après que l'assemblée generale des Princes, Seigneurs, & gens du Conseil de sa Majesté, tenu audit S. Germain, pour entendre & pourueoir aux plaintes du Royaume,

eust acheué de delibérer & se resoudre sur ce qui y auoit esté proposé , & la Cour retournée à Paris , mondit Sieur y vint trouuer le Roy retournant de sondit voyage de Flandres, & y atriua enuiron le Carême - prenant de l'annee quatre-vingt quatre, & s'en retournant apres à Chasteau Thierry pour s'acheuer de guerir, ce qu'il ne peut iamais faire; ains au contraire quelque soing que l'on y apportast il mourut d'vne grande euacuation de sang, procedée du poulmon, au mois de Iuin dudit an cinq cens quatre-vingt quatre, & depuis son corps fut apporté à Paris, & enterré à S. Denis avec tous les honneurs & solemnitez requises & accoustumées en France pour vn tel Prince. Et comme les Ambassadeurs venoient à Saint Maur au commencement du mois de Iuillet ensuiuant pour se condouloir de telle mort avec leurs Majestez; ainsi qu'il se pratique en semblables accidents, ladite Dame de Cheuerny grosse de son dernier enfant, & bien auant en son neuuiesme mois, se trouuant en la presse des Dames & dans vne extrême chaleur qui estoit en la châtre de la Reine mere du Roy, en remporta vne fièvre qui sembloit au comencement n'estre que tierce, mais en effet elle estoit continuë, ce qui m'obligea de l'oster de S. Maur, & la faire amener en ma maison de la Roquette pour y estre mieux assistée, & seruiue avec plus de commodité & de respect, où trois ou quatre iours apres le dix-septiesme dudit mois de Iuillet elle accoucha d'un fils, encores qu'elle ne fust pas à terme, lequel fut baptizé quelques iours apres en la Chapelle de ladite maison par ledit Curé de S. Paul, & en furent parrains Monsieur le Prince de Guimené & le Marquis de Nesle, & marraine Madame la Comtesse d'Aubijou qui luy donnerent

nerent le nom de Louysque portoit ledit S<sup>r</sup> de Guimené.

Quelques iours apres que ladite Dame de Cheuerny ma femme fut aussi accouchée, la fieure la laissa, & estimoit-on qu'elle fust entièrement guerie: mais le trétiesme dudit mois de Iuillet releuant de sa couche, luy suruint vn mal de costé comme vne espece de pluraisie, qui fut cause de la faire saigner deux fois le mesme iour par l'aduis des meilleurs Medecins de Paris, & le Dimâche qui estoit le 15. il luy prist vne grande & forte fieure, accompagnée de resuerie, qui fit que lesdits Medecins furent encore d'aduis de la faire saigner, ce qu'ils firent par deux fois, tellemēt que le soir elle tomba en telle foiblesse que l'on pesoit qu'elle fust desia morte; toutefois reuenant par le secours de l'eau Imperiale qui luy fut fort à propos baillée le Lundy matin qui estoit le seiziesme elle se porta vn peu mieux, & les Medecins du Roy & de la Reine qui y furent enuoyez par le commandement de leurs Majestez de Fontainebleau, où pour lors elles estoient, prirent au commencement quelque bonne esperance de guerison, mais sur le soir son mal s'augmentant elle rentra en plus grande foiblesse, & tira peu à peu toute la nuit à la mort iusques au lendemain matin Mardy vingt-septiesme du mois de Iuillet audit an mil cinq cens quatre-vingt quatre que Dieu en disposa & la prist, apres auoir fait tout ce qu'une Dame tres-Catholique & affectiōnee à sa Religion pouuoit & deuoit faire pour bien mourir, l'exemple de laquelle j'ordonne à mes filles de suiure pour l'imiter en tout, tāt en sa vie, deuotion, & Religion, qu'en sa loüable chasteté; ayant esté assez belle, & tousiours dans le monde sans soubçon; bref ayant tousiours vescu avec tant d'honneur & de vertu qu'elle a emporté en mourant cet ad-

uantage, par le tesmoignage de la Reine & de toutes les Dames d'honneur de son temps, d'auoir acquis & laissé aux siens autant d'estime & de reputation de sa vie qu'autre personne de sa qualité, qui de long-temps auparauant eust passé sa ieunesse dans les desordres & dissensions de la Cour.

Incontinent apres la mort de madite femme, la Reine mere du Roy & Reine regnante firent cet honneur à ma fille aisnée la Marquise de Nesle, encore qu'elle fust fort ieune de la vouloir prendre & employer en leur Estat de l'une des Dames d'honneur de leur maison, comme l'auoit esté sa mere, le corps de laquelle ie fis depuis, avec autant de ceremonie & d'honneur qu'il se pouuoit, porter & enterrer en la vouëte sous la Chappelle de mon Chasteau de Cheuerny, où i'auois ja estably & ordonné ma sepulture avec celle de la pluspart de mes ancestres, que j'y auois aussi fort soigneusement fait apporter, mesmes des Pais estrangers, où ils estoient decedez, & là s'y fit vn quarentain avec tres-grand apparat & compagnie, Monsieur l'Archeuesque de Bourges mon cousin ayant voulu y faire luy mesme l'Oraison Funebre, tres-belle, & grandement estimée de tous ceux qui l'ouïrent, & qui l'ont veu depuis imprimée; & pour son cœur, embausmé separément, ie le fis mettre & laisser comme elle l'auoit désiré dans la Chappelle de S. André des Arts à Paris, pres le corps de feu Monsieur le premier President de Thou son pere.

Et comme Dieu m'eut enuoyé cette grande affliction de perdre ainsi vne si vertueuse femme, de laquelle ie receuois tant de contentement, honneur & consolation, tous mes enfans estans encores en bas aage, & moy si



continuellement attaché aux affaires du public qu'il m'estoit impossible de songer à leur conduite, ie commençay deslors plus que iamais à reconnoistre le peu de cas que nous deuons faire de nostre vie en ce monde, quelque prosperité & faueur que nous y eussions, & me preparay & disposay tout à fait à la mort pour la receuoir quand il plairoit à Dieu me l'enuoyer & de fait ie fis entieremēt paracheuer madite Chapelle de Cheuerny avec vne Epitaphe de marbre telle que ie la desirois pour moy apres mô deceds, & outre tous les ornemens & paremens funebres que i'auois fait faire pour madite feu femme, i'en fis faire vne fourniture & Chapelle entiere pour moy, & propre selon le lieu, pour les trouuer prestes & s'en seruir apres ma mort, que ie fis porter & bailler secretement au concierge dudit Chasteau pour les fournir à l'heure, & n'en parler plustost à personne viuante, & aussi en toutes choses ie me traçay de moy mesme le chemin necessaire de la fin de ma vie.

Et pour reuenir à la suite de ce discours ie remarqueray qu'en ce mesme temps furent donnez certains soubçons & deffiances à Messieurs les Ducs de Guise & du Mayne, que le Roy mal content d'eux les vouloit faire arrester prisonniers, ce qui leur fut imprimé par tant de gens, desireux de troubler le Royaume, qu'ils se retirerent aux lieux où ils penserent trouuer plus de seureté, comme à Chaalons en Champagne, & à Dijon en Bourgogne, pendant que le Roy reuint à Blois au mois d'Octobre dudit an, retournant de Pougues où il estoit allé aux bains pour sa santé, d'où il deslogea fort soudainement pour l'accident de la peste, qui saisit vne des filles de la Reine regnante, si bien que la Cour s'en reuint à S. Germain

en Laye, où elle sejourna tout le reste de ladite année, & iusques au commencement de la suiuite, pour le premier iour de laquelle le Roy se rendit à Paris, pour y tenir comme il fit son Ordre du S. Esprit, selon ses institutions & sa coustume, & auquel ne se trouuerent lefdits Sieurs Ducs de Guise & du Mayne, ny M<sup>r</sup> le Duc de Mercure pour mesme cause & apprehension; & durant ledit sejour, assez long, audit Saint Germain, le Roy fit encore quelques nouvelles additions & reglements à son Conseil, tant pour le Conseil de ses affaires d'Estat que de ses finances, que pour celuy des parties; & ordonna que tous ceux dudit Conseil fussent distinguez & remarquez de quelque robe de velours, & habillement à sa fantaisie, differente de tous les autres, & plus honorables que de coustume, & en fit imprimer & publier les Reglements, auxquels aussi il adiouta, & voulut mettre l'ordre & les heures des entrees, tant en son logis, que de ses antichambres, chambres & cabinets, pour tous ceux qui y ont affaire, chacun selon son rang & qualité, le tout estant certainement beau & propre à conseruer pour le respect que nous deuons à la grandeur & Majesté de nos Rois, si l'esprit des François estoit capable de tel ordre.

Au commencement de ladite année mil cinq cens quatre-vingts cinq, Monsieur le Cardinal de Bourbon se retira en la maison de Gaillon, vers lequel le Roy ayant enuoyé, pour le prier de le venir retrouver à Paris, prit vn tout autre chemin, s'en alla à Peronne, & à Guise, & depuis à Reims, où Messieurs les Ducs, & Cardinal de Guise l'allerent trouuer, & de toutes parts gens de guerre & grand nombre de Noblesse, de sorte qu'en peu de temps les armes se prirent de tous costez, & les villes de Toul &

Verdun furent prises, & y eut beaucoup d'autres remuemens en la plus grâde part des bonnes villes de ce Royaume: Ce qui fit préde resolution au Roy de prier la Reine sa mere d'aller iusques en Châpaigne, pour les faire venir parler à elle; ce qu'ils firent, & la vindrēt trouuer à Espernay, où apres vne Conference de beaucoup de iours, en fin l'Edict de Reünion fut fait & arresté, & depuis publié au Parlement de Paris, en la presence du Roy, où apres son commandement ie fis vn ample discours de raisons & considerations principales qui auoient porté le Roy à faire cét Edict, & le vouloir faire publier en sa presence, comme il fut fait tout à l'heure le mesme iour dix-huictiesme Iuillet mil cinq cens quatre-vingts cinq. 1585.

Bien tost apres la publication de cét Edict de Reünion fait en faueur de la Religion Catholique, le Roy de Navarre, Prince de Condé, & autres Princes & Seigneurs de la pretendüe Religion commencerent à rentrer en plus grandes deffiances, & à se remettre sur leurs gardes, & faire des preparatifs de guerre: Et d'autre costé le Roy ordonna aussi tost des forces & armées pour reduire par amitié ou par force à son obeissance ceux de cette pretendüe Religion, avec vne partie desquelles à cét effect Monsieur du Maine alla vers la Guyenne, & Monsieur de Joyeuse avec l'autre vers le Lâguedoc, pour resister aux forces suspectes de Monsieur de Montmorency, & ainsi à tels preparatifs & acheminemés de guerre se passa le reste de ladite année 85. sans autre chose, sinon l'entreprise dudit Prince de Condé sur le Chasteau & ville d'Angers, laquelle fut empeschée, & luy mis en route.

Mais au commencement de l'année suiüante quatre-vingt six, l'armee du Roy en Guyëne, dont mondit Sieur

du Mayne auoit la charge , prit plusieurs places & villes rebelles audit pais, comme Monsieur de Ioyeuse fit de son costé deuers le Languedoc, Auuergne, Vellay, & Gioudan , où deuant vne petite place nommée Saluaignat en Languedoc le Baron d'Vriel mon nepueu , Anne Hurault, fut frappé d'vne arquebusade dedans la teste, dont il mourut sur le champ, & son corps fut depuis apporté enterrer en l'Eglise de Vibraye, ayant laissé deux fils, & deux filles, de Dame Loise de Haruille fille du Seigneur de Palaifeau, & de Dame de Leuys, de la maison de Charlu; & en mesme temps les troubles croissans de tous costez, nouvelles armées furent encores adioustées & dressées; l'vne pour le Dauphiné, commandée par Monsieur de la Valette, & vne autre pour la Prouence, conduite par Monsieur d'Espernon, & vne autre pour le Poictou de laquelle Monsieur le Marechal de Biron eut la charge; & comme les cinq armées composées de François tousiours ne pouuoient qu'apporter trop grande foule & charge au peuple, prenant sa Majesté compassion de la misere de ses subjects, & desirant les en soulager, & rechercher les moyens de pacifier toutes choses en son Royaume, supplia la Reine sa Mere de s'acheminer vers Poictou, & là communiquer avec le Roy de Nauarre qui y estoit, pour le reduire à recognoistre ce qu'il deuoit, & à la Religion Catholique & à l'obeïssance de son Roy, ce qu'elle fit avec son affection & prudence accoustumée: Mais en vain n'ayant rien profité enuers ledit Roy de Nauarre pour le faire rentrer en ladite Religion Catholique, & ainsi sans rien faire s'en reuint trouuer le Roy à Paris.

Le Roy esmeu de iuste courroux pour le mespris de la

raison & de son autorité, fit aduancer diligemment ledit Sieur Mareschal de Biron avec son armée, destinée pour le Poictou, où elle fut quelque temps sans grand effect; mais depuis au commencement de l'année suiuite quatre-vingts sept, Monsieur de Joyeuse fut commandé 1587. d'y aller & y mener vn bon renfort de troupes, avec lesquelles il reprit S. Maixant, Maillezais, & quelques autres petites places, & défit l'armée du Roy de Nauarre à la Morre de S. Esloy, & y laissa sur la place de mil à douze cens hommes des siens, ayant avec luy en l'armée du Roy le Sieur de Ville-luyfant mon nepueu, Louys Hurault tres-braue Gentil-homme, & qui estoit Mestre de Camp d'vn des plus beaux Regiments qui fust lors en France, composé de quinze enseignes de gens de pied, avec lequel ledit Sieur de Joyeuse fit glorieusement cette deffaite; luy mesme, avec le Marquis de Nesle mon beau fils, & autres principaux Seigneurs de ladite armée s'estans voulu mettre à pied & prendre des picques avec ledit Sieur de Ville-luyfant pour combattre & forcer les barricades qu'ils trouuerent deuant la Halle & autres lieux & maisons dudit S. Esloy.

Pendant qu'ainsi d'vn costé les affaires du Roy commencerent à bien reüssir, il receut aduis de diuers autres lieux, de forces leuees d'Estrangers qui venoient en France contre luy, pour ceux de ladite pretendue Religion, lesquels seioignirent ensemble au commencement du mois de Iuillet en la place de Sauerne; à sçauoir huiet à neuf mil Reistres, dont monsieur de Bouillon estoit chef, six mil Lansquenets qui prirent leur chemin par la Lorraine & par la Champagne, entrèrent en France sans que l'on y peust remedier; & au

mesme temps le Roy de Nauarre voulut passer la riuere de Loire, à l'endroit de Monforreau en Anjou pour se venir ioindre ausdits Estrangers; ce que M<sup>r</sup> de Loyeuse avec les forces du Roy empescha; neantmoins Monsieur le Comte de Soissons faisant semblant d'aller voir Monsieur le Prince de Conty son frere, qui estoit malade en sa maison de Lussé, passa avec deux cens cheuaux, & s'alla ioindre audit Roy de Nauarre, lequel se retira avec son armee en Poictou, & de là vers la Guienne, comme voulant prendre le chemin à la teste de ladite riuere de Loire pour tascher tousiours à se venir ioindre ausdits Estrangers: mais estant poursuiuy de pres par ledit Sieur de Loyeuse avec l'armée du Roy, qui le vouloit attaquer au combat à quelque prix que ce fust: le vingtiesme Octobre quatre vingt-sept, pres de Coutras, la bataille fut donnée entr'eux, & perdue par ledit Sieur de Loyeuse, s'estant trouué plus foible en nombre d'hommes de la moitié, & ledit Roy de Nauarre meilleur Capitaine s'estant seruy de l'aduantage du lieu, & ayant couuert treize mil arquebusiers dans vne garenne qui luy causerent le gain de la bataille, en laquelle furent tuez ledit Sieur de Loyeuse, & son frere, le Comte de Suze & d'Aubijou, le ieune Pienné, le Sieur de Brezay Turcelin, le Mestre de Camp, & infinis autres, iusques au nombre de quatre cens Gentils-hommes, sans le reste.

Les Estrangers cherchans tousiours pendant les moyens d'entrer plus auant dans le Royaume, encores qu'ils fussent suiuis & empeschez par vne armée, que Monsieur le Duc de Guise conduisoit, avec laquelle il les pressoit & incommodoit infiniment; si est-ce que par le grand nombre & forces desdits Estrangers, ils continuerent leur

leur chemin, & vindrent en intentiõ de se saisir de la Charité ou de Gien pour auoir vn passage sur la riuierẽ, ou de passer à gué, comme estant lors gueable en beaucoup d'endroits : mais le Roy iugeant que pour la diuision & ialousie des Princes, il estoit obligé d'aller luy mesme en son armée pour la conduire, il s'y achemina, & avec ses forces s'alla opposer & presenter audit passage, prest à combattre lefdits Estrangers, s'ils entreprenoient de la vouloir passer, ce qui les fit retirer & chercher vn autre chemin.

Or cependant cét esloignement du Roy, de la ville de Paris, connoissant qu'il y laissoit beaucoup de partialitez & grandes diuisions; mesmes qu'en sa presence il y auoit eu desia quelques esmotions dangereuses, il auoit aduisé d'y laisser, comme il fit, la Reine la mere, & faire Monsieur de Villequier Gouverneur de l'Isle de France, & moy, près de ladite Dame Reine la mere avec aucuns de son Conseil, non seulement pour pourueoir aux inconueniens de ladite ville & pais voisin, mais pour la faire mieux pourueoir & seruir de tout ce qui estoit necessaire pour l'entretienement de son armée: Et comme nous vismes qu'il se dresseoit chaque iour de nouuelles & diuerſes pratiques en ladite ville, le Roy trouua bon d'y renuoyer le Marechal de Retz avec quatre mil Suisses; deux mille arquebusiers François, & deux cents cheuaux pour s'en seruir aux occasions qui se pourroient presenter.

Cependãt lefdits Duc de Guise & du Mayne poursuui-  
rent tousiours les ennemis pour les presser & incommoder, & furent chargez vne nuit par ledit Sieur du Mayne à Vieux-morin vers Montargis, où par rencontre le Ba-

ron d'Aune, Chef desdits Reistres & ledit Sieur du Mayne vindrent aux mains l'un contre l'autre, & ledit Baron fut blessé au visage d'un coup d'espée par ledit Sieur du Mayne, auquel ledit Baron d'Aune auoit tiré son coup de pistolet droit au visage, dont pourtant il ne fut offensé, & en cette charge il y en eut beaucoup de tuez de part & d'autre, entre lesquels demeura sur la place le Sieur de Listenay, seul fils du Sieur de Listenay.

Après cette charge lesdits Reistres avec les Suisses, Lâsquenets & François tous ralliez ensemble s'acheminèrent par la Beausse, droit par Pisceaux & Estampes, prenant leur chemin comme ils eussent voulu venir droit à Chartres, & se logerent en plusieurs villages de ce Paislà, & entr'autres ledit Baron d'Aune s'alla loger à Aulneau & ledit Sieur de Guise qui le suiuit au même temps à Dourdan; dès le 4. Novembre 87. qui estoit un iour de Dimanche, il s'approcha avec ses forces dudit Auneau; ce que voyant ledit Baron d'Aune ils firent une saillie, & combattirēt pres d'un lieu appelé Escury, où il y eut beaucoup des premiers desdits Reistres tuez, & y en eust eu davantage sans la nuit qui obligea ledit sieur de Guise des'é retourner audit Dourdan, où il dressa son entreprise sur ledit Baron d'Aune, par le moyen du Capitaine dudit Chasteau d'Auneau, nommé Chollart, qui rendit en cela un bon & signalé seruice; faisant entrer l'Infanterie dudit Sieur de Guise par dedans le bois au Chasteau, & après diceluy, dans le Bourg; & de fait le matin du jour Sainte Catherine 26. desdits mois & an, le Capitaine Saint Paul avec son regiment entrerent par là dedans le Bourg, ne trouuant du costé dudit Chasteau qu'un foible & bien petit corps de garde, qui luy donna l'entree plus facile;



au reste il suprit ainsi lesdits Reistres, partie en leurs logis, partie qui chargeoient leur bagage, & peu de montez à cheual; seulement il y en eut enuiron deux cens cheuaux des plus diligens qui suiuirent ledit Baron d'Aune, lequel se sauua par l'autre bout dudit Bourg, & s'alla rendre avec Monsieur de Bouillon, les Suisses, les François, & autres de leur party qui estoient logez à deux lieues de là, & ainsi tout ce qui resta dans ledit Bourg, fut pris où tué, bien iusques au nombre de douze cens Reistres, & tout leur bagage pillé; tellement que lesdits Reistres se souuindrent long-temps dudit lieu & de ladite journée.

Et pour donner ordre à la conseruation de la ville de Chartres en mon gouuernement, sur la crainte que i'eus qu'elle ne fust assiegée par lesdites grandes armées d'Estrangers, que ie fis incontinent pourueoir à tout ce qui estoit necessaire, & y fis enuoyer Monsieur de Sourdis premier Escuyer de la grande Escurie, comme y estant Lieutenant du Roy pour y commander en mon absence; le sieur de Garhay avec son regiment, & le sieur de Sarlabos Viel, & autres Capitaines furent aussi commandez d'y aller, & moy i'y fis conduire & porter del'Arсенac de Paris ce que i'estimois qu'il y falloit de poudres & boullers pour soutenir vn siege, apres auoir rendu ladite ville en bon estat de deffence.

Et pendant le Roy traitta doucement avec lesdicts Suisses & Estrangers pour les separer du reste de l'armée de ses ennemis, en leur donnant seureté & passage pour retourner en leur País; ce qu'ils accepterent, & au mesme temps le surplus desdits Estrangers se voyans ainsi diuisez & battus, & de plus encore abandonnez du Roy de Navarre qui ne les venoit point trouuer comme il leur auoit

promis, resolurent chacun de se sauuer & retirer; ce qu'ils firent tous avec tel estonnement & frayeur, & à si grandes iournées que beaucoup d'eux furent pris, tuez ou pillez. A cette retraicte fut donné passage à ceux qui y peurent gagner la Bourgongne, tousiours neantmoins poursuiuis par le Marquis du Pont, fils de Monsieur le Duc de Lorraine, & par Monsieur de Guise, qui entrerent avec eux iusques dans le Pais dela Comté de Mont-beliard, où ils bruslerent quârité de villages par vangeance de ceux que lesdits Estrangers auoient pillez & bruslez en passant en Lorraine. Or en cette desroutte generale d'armée le reste desdits Reistres voyant lesdits Suisses gâgnez qui s'en alloient si viste, enterrent leur artillerie en diuers villages où ils estoient logez, à quatre ou cinq lieues de Chartres, dont estant aduertty par quelques bons habitans dudit Chartres i'y enuoyay incontinent, comme estant de mon gouuernement & de ma charge, & fis si bié chercher & fouïiller par tout, qu'en fin se trouuerent douze assez bonnes pieces, tant canons que couleurines, que ie fis conduire & mettre audit Chartres, d'où depuis ils furent amenez par le commandement du Roy en l'Arсенac de Paris, & ainsi cette grande nuée d'Estrangers se dissipa, & cette armée se reduisit en rien, en laquelle moururent de maladie Messieurs de Boüillon & son frere le Sieur de Cleruaux qui auoit amené lesdits Suisses, & vn de leurs principaux Colonnels le Sieur de Vesmes, & infinis autres que l'histoire n'oubliera; & quelque empeschement que Monsieur de Maudelet Gouverneur de Lyon voulust faire à Monsieur de Chastillon qui vouloit retourner en Languedoc, il se sauua & passa par le Pais de Forests avec six vingts bons cheuaux qu'il auoit

auec luy. Les choses estant ainſi heureuſement ſuccedées pour le Roy il ſ'en reuint à Paris au mois de Decembre dudit an quatre vingt-ſept, où il fut receu auec vn grand applaudiffement d'vn chacun, & y voulut ſeiourner quelque temps, quelques bons aduis quel'on luy donnaſt de ne point rompre ſon armée, ains continuer & aller droit en Poiçtou & Guyenne pour mettre à raiſon le Roy de Nauarre; ce qu'il ne voulut iamais faire, ains aima mieux ſe remettre à ſes exercices ordinaires, qui luy cauſerent bien toſt apres la peine & le mal de la Ligue que nous dirons bien toſt ſommairement en ſon lieu.

Durant le ſejour de la Cour à Paris, i'enuoyay mon fils ainſné le Comte de Cheuerny en Bourgogne fort bien eſquipé & accompagné, pour voir Monsieur le Comte de Charny grand Eſcuyer de France, & ſa fille Damoiſelle Françoisſe Chabot Dame de Neuf-châſtel ſa Maieſtreſſe, pour l'eſpouſer, comme il fit, à Pugny, le Samedi vingt-ſeptieſme de Feurier quatre-vingt huiſt au commun conſentement de tous leurs parens & amis, & de moy particulierement, pour l'honneur & la bonne & grande alliance que ie mettois en ma maiſon, mondit fils n'ayant que treize ans au mois d'Aouſt enſuiuant, & ladite femme que vnze au mois de Iuillet auſſi enſuiuant, & apres ledit mariage fait & conſommé entr'eux ſelon leur aage, mondit fils ſ'en reuint, & laiffa ſadite femme auec mondit Sieur le Grand ſon pere, qui l'aimoit grandement, & le deuxieſme de Mars enſuiuant audit an, qui eſtoit le Mercredy des Cendres Monsieur de Vibraye mon frere ainſné mourut à Vibraye d'vne pluraieſie en l'aage de 74. ans, & ainſi va la viciffitude des choses du monde, où nous voyons fort ſouuent par hazard arriuer mort

& mariage ensemble en vne mesme famille.

Or pendant le mesme sejour audit Paris le Roy faisant demonstration de n'auoir plus agreables les serui-  
ces de Monsieur de Guise, l'on commença à entrer en  
forces soupçons de tous costez, & à se former des des-  
fiances que la Ligue voulust commencer à se reünir: car  
aussi ce party a tousiours esté tenu suspect; & de fait le  
Roy depescha plusieurs fois vers lesdits Sieurs de Guise  
pour estre mieux esclairey de leurs intentions, & y enuoya  
premierement Monsieur de la Guiche, puis Mon-  
sieur de Belieure; mais apres les choses dites & passées  
de part & d'autre, que ie laisse à dire à l'Histoire du  
temps, Monsieur de Guise se sentant fort du costé des Pa-  
risiens, se resolut de venir trouuer le Roy à Paris, comme  
il fit, en poste, avec neuf cheuaux seulement, & vint  
droict descendre au logis de la Reine mere du Roy, qu'il  
mena incontinent apres dîner trouuer le Roy au Lou-  
ure, où les choses se passerent assez bien pour le com-  
mencement.

Mais deux iours apres le Roy ayant esté certainement  
aduerty que incessamment il arriuoit beaucoup de gens  
estrangers & inconnus dans la ville, & iusques à si grand  
nombre, que pour en faire les recherches necessaires par  
les maisons il falloit plus de forces pour accompagner  
les quarteniers que l'on n'auoit accoustumé, il voulut  
# ordonner seize Cheualiers du S. Esprit, comme personnes  
de qualité & marque, reconnus pour autoriser & faire  
de sa part lesdites recherches, avec lesdits seize quarte-  
niers, chacun en son quartier; & cependant pour y tenir  
main forte la Majesté voulut faire venir quatre mil Suif-  
ses & le regiment deses gardes, qu'il fit entrer dans la ville

dés cinq heures du matin d'un leudy douzième May quatre-vingt huit, & departir aux places des principaux quartiers, comme en Greue, S. Innocent, Petit pont, Pont S. Michel, & Cimetiere S. Jean, où ils furent separez par bons & forts corps de gardes, ce qui apporta aussi tost grand estonnement aux habitans & au peuple, parmy lequel incontinent vn mauvais bruiet courut que l'on vouloit mettre vne garnison en ladite ville, & faire pendre quelqu'un des principaux bourgeois d'icelle, cela neantmoins n'empescha que toute la matinée dudit leudy ne se passast assez doucement.

Et comme Monsieur de Guise à son resueil dudit leudy matin, estant en son logis ordinaire de l'Hostel de Guise, entendant comme lesdites forces estoient entrées es places de ladite ville, se doutant que cela se fist pour luy, enuoya aussi tost vers moy son plus confident Secrétaire, pour sçauoir si l'on vouloit entreprendre quelque chose sur sa personne, que ie fis parler luy mesme au Roy, qui l'assura que non, & neantmoins continuant ledit Sieur de Guise en cette crainte, commença d'enuoyer quelques Gentils-hommes des siens aux quartiers, proche desdits corps de garde, pour faire entendre ausdits habitans l'extreme danger où ils estoient, & les moyens qu'ils deuient prendre pour y remedier; & de fait l'on vid incontinent par la ville lesdits Gentils-hommes assister de quelque menu peuple des plus inconsiderés, commencer à fermer & retrancher les rues de barricades, puis peu à peu, force habitans à piocher leurs maisons, & y faire grandes provisions de pierres pour jeter par les fenestres, tellement que sur l'apres disnée dudit iour de leudy qui estoit l'heure que les esprits eschauffez de vin s'a-

niment dauantage, les troubles & la rumeur furent si grands, que s'estant par hazard trouué vn simple habitant tué, ou par vn desdits Suisses du Roy, commel'on le disoit au peuple, ou bien par vn de ses compagnons mesmes qui vouloit descharger son arquebuse; les habitans ja presque tous armez & barricadez, seietterent en foule sur lesdits Suisses, qui ne se mirent en aucune deffence, & en fut en vn instant tué & assommé quarante ou cinquante, & cent du six vingts de blesez, ce qui continuoit si auant, que le Roy fut conseillé de retirer lesdits corps de garde desdites places de la ville, & remmener lesdites forces aux faux-bourgs, où ils auoient accoustumé de loger, ne retenant melme de son Regiment des gardes que ce qui en deuoit estre de garde ordinairement deuant le Louure; ce qu'il fit avec grand creue-cœur, & aussis'appaisa vn peu le peuple furieux pour le reste du soir & partie de la nuit: car le lendemain du grand matin, qui estoit le Vendredy treiziesme dudit mois de May, tous les habitans de plus en plus animez, se remettant en armes aux mesmes barricades qu'ils auoient faites le iour precedent, qu'ils augmentèrent & fortifierent de tout leur pouuoir, & quelques vns allerent exciter les habitans & escoliers de l'Vniuersité par le moyen & apprehension de leurs interets, de prendre aussi les armes, ce qu'ils firent avec telle fureur, que sur les deux heures apres midy dudit Vendredy, ils se mirent à Tonner le toccin de tous les costez, & faire vn grand amas de gens en armes dans les Cloistres de S. Seuerin, & autres grandes places de ce quartier, pour faire quelque entreprise ainsi que leur indiscretiō leur faisoit adonner, surquoy vindrent plusieurs aduis au Roy qu'ils le vouloiēt  
venir

venir assaillir dans le Loure, & demander tous ceux qui luy auoient conseillé de mettre des garnisons dans Paris, qu'ils appelloient les perniteux Conseillers, non preuoyant le danger qui pouuoit arriuer s'il falloit tenir fort dans ledit Loure contre vne telle multitude de peuple si desbordez, où il n'y auoit ny seureté ny honneur: Sa Majesté delibera de sortir de ladite ville de Paris par la porte Neuue, qu'il auoit fait garder, pour gagner doucement les Thuilleries, où estant, selon les aduis qu'elle auroit, elle aduiferoit ce qu'elle auroit à faire, en attendant ce que la Reine sa mere auoit peu faire & arrester avec mondit Sieur de Guise, qu'elle estoit allé trouuer iusques chez luy pour appaiser l'esmotion.

Le Roy donc demeura ausdites Thuilleries, sans auoir aucunes nouuelles de la Reine sa mere, iusques sur les cinq heures du soir dudit Vendredy, où l'on luy vint encore confirmer la continuation & augmentation de cette furie populaire, & que sans doute le peuple se resoluoit à le venir forcer dans le Loure où il le croyoit encore, & qu'ainsi leur rage les pourroit bien amener iusques ausdites Thuilleries où il n'y auoit aucun lieu de resistance à telle fureur; cela le fit resoudre, à monter à cheual & abandonner ladite ville, & aller à S. Germain en Laye, nous commandant à nous tous qui estions près de sa Majesté de le suiure & accompagner, ce que nous fismes tous le mieux qu'il nous fut possible selon l'vrgente necessité, cherchans des cheuaux & en trouuant à grand peine, nous montasmes tous la pluspart sans hortes, & partismes ainsi avec le Roy, Messieurs de Mont-pensier, de Longueuille, Comte de S. Paul, le grand Prieur de France, le Cardinal de Lenoncourt, les Marechaux de Biron

& d'Aumont, le Sieur de la Garde, grand Maistre de l'Artillerie & plusieurs autres Gentils-hômes de la Cour & du Cōseil avec moy, le Sieur de Bellièvre & les Secretaires d'Estat, Villeroy & Brussard, & pour Pinart qui estoit aussi avec nous, le Roy le renuoya trouuer la Reine sa mere qui estoit avec ledit Sr de Guise, pour tout pacifier, afin de luy faire entendre les raisons de son subit partement.

Comme nous fusmes sur le chemin dudit S. Germain, & pres de S. Cloud il fut aduisé par ceux qui estoient auprès du Roy, qu'il n'y auoit non plus de seureté pour luy de demeurer à Saint Germain, qu'au Louure; les vns furent d'avis qu'il allast à Roüen, les autres à Beauuais, mais il se trouua que sa Majesté n'estoit guere assuré ny en l'une ny en l'autre desdites villes, tellement qu'il fut resolu pour le mieux d'aller à Chartres s'il en pouuoit estre assuré; cela fut cause que par l'aduis de tous, le Roy me commanda, comme en estant Gouverneur, d'y aller deuant pour luy assurer ladite ville, ce que ie fis ladite nuit. Cependant sa Majesté prit son chemin pour y venir, passa par Trapes & Ramboüillet, où il coucha, & estant arriué le matin enuiron les huit à neuf heures audit Chartres i'assemblay aussi tost tous les corps de ladite ville, leur fis aisément recognoistre leur deuoir en telle occasion, & les disposay non seulement à bien receuoir sadite Majesté, mais à luy obeyr & seruir fidèlement & inuiolablement contre tous, tellement que le Roy arriua sur les onze heures audit Chartres avec tout ce qu'il suiuoit, il y fut tres-honorablement receu avec extrême allegresse, & toutes choses remises & disposées à sa volonté; & peu de iours apres le Regiment des Gardes & les Suisses y vindrent qui furent logez aux vil-



lages circonuoifins de ladite ville; ainfi ladite Maiefté trouua ce refuge affuré dans le gouvernement dont il m'auoit honoré.

Le Roy demeura donc audit Chartres enuiron fix semaines, pendant leſquelles on eſſaya touſiours de traiter avec les Princes qui eſtoient à Paris & avec les habitans de ladite ville, la Reine mere du Roy, & la Reine ſa femme y eſtans touſiours demeurees, & Monsieur de Villequier Gouverneur, ſans pouuoir, non plus que leſdites Dames Reines, parce que tous ſ'y paſſoit ſoubs l'autorité & le commandement de Monsieur de Guiſe, qui ſ'eſtoit faiſi de la maiſon de ville, du Chateau de la Baſtille, & Bois de Vincennes; le Parlement, Chambre des Comptes & autres Cours y eſtans auſſi demeurees, mais avec peu ou point d'autorité; ce que le Roy voyant, il ſ'assura des villes de Melun & de Corbeil au deſſus de la riuere de Seine, & de celle de Mantes, au deſſous de Paris, & ſ'en alla au partir dudit Chartres audit Mantes, & puis à Vernon, où il ſ'arreſta quelques iours, en attendant qu'il fuſt aſſuré ſi l'on le laiſſeroit entrer à Roüen, où apres toutes choſes y furent bien diſpoſées; ſa Maieſté ſ'y rendit, & y demeura encores enuiron ſix semaines.

Pendant le ſejour du Roy audit Roüen, le Sieur de Villeroy Secretaire d'Eſtat fut pluſieurs fois depeſché par ſa Maieſté pour conſerer & traiter par la Reine ſa mere, & luy, avec leſdits Princes de la Ligue, qui eſtoient tous venus à Paris; à ſçauoir Monsieur le Cardinal de Bourbon, & Meſſieurs de Guiſe, le Cardinal & le Duc de Mayenne, & autres de leur maiſon, qu'ils tiroient apres eux, & quant & quant avec le Prouoſt des Marchands & Eſcheuins nouuellement faits & eſleus, qu'ils

auoient choisis de ce mesme party, apres auoir depol-  
sedé les anciens, & mis prisonnier le Sieur Perreufe, qu'ils  
trouuerent Preuost des Marchands, & lequel ne fut  
deliuré qu'à la fin du traitté qui se fit entre le Roy, &  
ceux dudit party, apres infinies allées & venuës dudit  
Sieur de Villeroy, des articles accordées, en fut fait  
\* vn nouuel Edict de reünion, qui fut passé & publié par  
tout.

Après cela, le Roy reuint de Roüen audit Mantes, où  
les Reines le vindrent ioindre & retrouver, & tous en-  
semble retournerent à Chartres, où mondit Sieur le  
Cardinal de Bourbon & Monsieur le Duc de Guise arri-  
uerét quelques iours apres avec toute seurété, tant par le-  
dit Edict de reünion, verifié au Parlement quelques iours  
auparauant, que par les assurances que leur auoit don-  
nées la Reine mere du Roy, pour les faire venir, où le  
Roy leur fit le plus honneste accueil & reception qu'ils  
eussent peu desirer, & là sa Majesté arresta, comme desia  
il auoit mandé auparauant en toutes les Prouinces, de  
faire tenir les Estats generaux de son Royaume en la  
ville de Blois le quinziesme de Septembre ensuiuant, &  
ainsi apres auoir fait la Feste de Nostre Dame d'Aoust  
audit Chartres, il s'achemina audit Blois, accompagné  
desdites Dames Reines, desdits Princes reünis, & de  
tout le reste de la Cour.

Ce fut alors que ledit Sieur de Guise commença à faire  
\* paroistre l'autorité qu'il vouloit prendre par tout, pre-  
mieremét sur la maison du Roy, à cause de son Estat de  
grád Maistre, puis sur les gardes du Roy, receuant le mot  
de sa Majesté & leur baillant, & leur faisant les comman-  
demens à toutes occasions, & en fin s'attribuant en peu de

iours le pouuoir general & autorité absoluë sur toutes choses en qualité de Lieutenant general de sa Majesté, dont les lettres telles qu'il les auoit vouluës en traittant luy auoient esté expedies & verifiées en Parlemēt, & ainsi faisant & disposant de tout l'on estima qu'il seroit encore pourueu de l'Estat de Connestable, & se rendroit si puissant qu'il n'y auroit plus que les siens maintenus & aduancez aux premiers honneurs, bien-faits & charges de ce Royaume, puisque le Roy se laissoit ainsi aller à cette nouvelle & extraordinaire faueur.

Ainsi donc le Roy avec toute la Cour arriua audit Blois au commencement du mois de Septembre de ladite année quatre-vingt huit, & mesme force Deputez pour lesdits Estats s'y rendirent aussi, bien qu'ils ne fussent assignez que pour le quinzième dudit mois : Mais c'estoit pour se voir, se recognoistre, & commencer les pratiques que produirent depuis lesdits Estats, que nous pouuons dire auoir esté tels, que nous auons veu du depuis le Roy, & la France en de misérables extremitéz. 1588.

Le troisième dudit mois de Septembre le Roy s'aduifa & se resolut par l'aduis tres-mauuais & dangereux de quelques vns, comme il s'est trouué depuis, & sans faire cognoistre à personne du monde les occasions & raisons qu'il en auoit, de mâder à tous les premiers & principaux de son Conseil ordinaire, qui l'auoient tousiours seruy, suiuy & assisté, qu'ils se retirassent chacun chez soy, & leur escriuit à chacū vne lettre de sa propre main, leur mädant; *Qu'il n'estoit point mal cōtēt d'eux, & qu'il leur seroit plaisir quād les occasiōs s'en presenteroient*, qui sont les mesmes termes desdites lettres, sans leur en dire autres raisons ny occasions quelconque. Le fus le premier honoré de ce commande-

ment, & apres moy en mesme temps M<sup>r</sup> de Belliéure qui seruoit cōme d'Ambassadeur extraordinaire aux plusgrâdes & importantes affaires de cét Estat, & tout d'vne suite Messieurs de Villeroy, Brullart, & Pynart, qui estoient les trois Secretaires d'Estat, que certainement j'auois tousiours veus tres-fideles & affectionnez à leur deuoir; & fut aussi en mesme temps donné congé à Monsieur de Combaut Cheualier du S. Esprit & premier Maistre d'hostel du Roy, qu'il auoit tousiours resmoigné l'aimer, & à sa femme qui estoit Dame d'atour de la Reine.

Aussi tost que j'eus receu ladite lettre du Roy, qui me fut apportee par le Sieur Benoise Secretaire de son cabinet, qui me trouua dans mon coche avec ma suite accoustumée dās la forest entre Blois & ma maison de Chenery, d'où ie retournois trouuer sa Majesté pour le seruir avec mesme affection & fidelité que j'auois fait toute ma vie, voyant le chāgement si inopiné & extraordinaire ie l'admiray vn peu à l'abord: mais Dieu m'ayant fait la grace de me sçauoir cōtenter dans les faueurs & prosperitez du monde, m'auoit aussi tousiours fait celle de me tenir tousiours preparé aux disgraces qui y deuoient arriuer, & à me sçauoir promptement accommoder & doucement resoudre à ce qui est de la volonté de mon Maistre; & ainsi j'eusse deslors remis, cōme ie le voulus faire, les Seaux entre les mains dudit Sieur Benoise comme le Roy me le mandoit, n'eust esté qu'il me pria instamment de paracheuer mon voyage audit Blois dont j'estois fort proche, & où mes gens auoiēt desjà preparé mon disner, me disant qu'il suffiroit de les renvoyer de là. Tellement que ie le fis monter en mondit coche & m'en allay descendre en mon logis de la basse-court du Chasteau de

Blois, & non en mon departement que i'auois d'ordinaire dans ledit Chasteau, & au mesme temps que ie fus arriué & descédu ie renuoyay lesdits Sceaux au Roy par ledit Sieur Benoise, & par le Grand, l'un de mes Secretaires, pour en faire & disposer ainsi qu'il luy plairoit, & apres que i'eus dîné, & que force de mes meilleurs & plus vrais amis de la Cour m'eurent fait cette faueur de me venir visiter, i'allay trouuer la Reine mere par son commandement, & demeuray deux heures encore seul avec elle en son cabinet, où ie receuz de sa Majesté tout l'honneur & la satisfaction particuliere que ie pouuois esperer de sa bonté, & de la reconoissance de mes fideles seruites: Cela fait & ayant pris congé d'elle ie m'en reuins en mon logis, & dés le soir ie m'en retournay coucher chez moy à Cheuerny, d'où peu de iours apres ie repartis & m'en vins me retirer dans ma maison d'Eclimont, comme tous les autres susdits du Conseil firent chacun en la sienne, en mesme temps & par mesme commandement.

Toute la France s'estonna grandement de cette si prompt mutation de la volonté du Roy, suruenue sans aucune cause apparéte, contre personnes de nos qualitez, ausquels iusques là il auoit tousiours tesmoigné tant de confiance & d'amitié, & que i'ose dire qui l'auoient si bien seruy selon le mal-heur & la diuersité des temps, & de ses humeurs, & chacun diuersement selon son sens & sa passion, desirant en trouuer le sujet; les vns disoient que ce que le Roy en auoit fait, estoit à dessein d'amuser & contenter les Estats, & estourdir par là les plaintes qu'il apprehendoit qu'ils luy fissent, tant de plusieurs mauuais Edicts qu'il auoit faits, que des grandes

leuées de deniers, faites à l'appetit de ceux qui le possédoient, & du mauuais & inutile employ d'iceux en ce Royaume; les autres n'approuuans cette raison, disoient qu'il n'y auoit vn seul de tous ceux dudit Conseil, aussi licentiez, qui ne peust fort bien se defendre en pleins Estats, & se iustifier de telles opiniôs, faisant aisément voir d'où venoient les fautes. Pour moy i'aduoué que ie le desirois avec passion, & en fis supplier le Roy plusieurs fois pour l'assurance que i'auois que ce seroit vn moyen de faire voir au public sa bonté & douceur & quant & quand l'innocence de ses meilleurs & plus fideles Conseillers, mais il ne voulut iamais que cela fust approfondy dauantage, ny cogneu, desirant plustost s'excuser en partie de tout ce qui s'estoit passé, & en rejeter l'enueie toute entiere, tant sur ceux de sondit Conseil, que sur ceux qui en estoient plus coupables, ainsi qu'il tesmoigna assez par sa harangue ausdits Estats, par laquelle il voulut tout de mesme se descharger sur ceux que l'o appelloit de la Ligue, qu'il disoit auoir ruiné son Royaume; mais ils eurent assez de pouuoir pour empescher que ce qui les concernoit ne demeurast imprimé dans ladite harangue, tant les choses estoient alors desordonnées & violentées. Toutes ces raisons, bien que tres-apparées en quelques choses, ne sembloient assez suffisantes à forcer d'autres curieux esprits, qui ne pouuoient comprendre comme le Roy esloignoit de luy son Conseil plus ordinaire & affidé, qui estoit composé de personnes remplies de toute cognoissance, & experience de toutes les affaires, lors principalement qu'il en auoit & pouuoit auoir plus de besoin pour son repos & son seruice, & ainsi en atribuer la cause à quelqu'une plus secrette & moins

moins cogneuë, & là dessus estimoient que sa Ma-  
iesté n'auoit pas tous les contentemens de la Reine sa  
mere, comme croyant qu'elle auoit trop fauorisé ceux  
de ladite Ligue, & qu'il estoit entré en desffiance &  
suspçon de ceux de sondit Conseil, que ladite Dame  
auoit tous aduancez, & les auoit obligez de luy com-  
muniquer tout ce qui se passoit aux affaires; à quoy  
d'autres encores adioustoient que lesdits Secretaires  
d'Estat communiquoient & descouuroient le secret des  
despesches, & que moy pour mieux m'appuyer i'auois  
pris alliance par le mariage de mon fils aîné, avec Mon-  
sieur le Duc d'Elbœuf, qui auoit espousé la sœur de ma  
belle fille, dans la maison de Lorraine, dont les Princes  
luy estoient suspects; & ainsi en cette diuersité de iuge-  
mens & opinions, il fit nostre esloignement, sans ia-  
mais auoir peu en trouuer la raison certaine; quant à moy  
le plus grand regret que i'en eus, fut d'abandonner mon  
bon Maistre par son expres commandement, & par la  
persuasion violente de ses ennemis, & le laisser entre  
leurs mains pour le ruiner, comme après ils ne manque-  
rent de faire, estant vn grand préiugé d'inconuenient  
au troupeau, quand les chiens qui les gardent sont chas-  
sez de la maison.

En cette façon donc le Roy fit l'ouuerture desdits  
Estats Generaux, ayant baillé les Sceaux de France au  
Sieur de Montelon, simple Aduocat, & qui iamais  
n'estoit sorty du Palais de Paris, & ayant fait d'autres  
Conseillers & Secretaires d'Estat à sa fantaisie, lesquels  
Estats se continuerent à l'humeur Françoisse; & depuis,  
selon les premiers desseins de ceux qui auoient fait eslire  
des Deputez à leur deuotion s'y firent plusieurs menées,

brigues & mauvaises pratiques contre l'autorité du Roy, & s'y proposerent des choses en nombre infiny qui emportoient entierement toute la puissance, l'autorité, finance, & revenu ordinaire de sa Majesté, n'y ayant plus personne pres d'elle, instruite de ses affaires, & capable de respondre à tant d'extraordinaires demandes & propositions, ledit Sieur de Montelon & ceux qui l'assistoient, n'ayans aucune cognoissance ou experience des affaires de l'Estat; tellement qu'en cette insolence des deputez desdits Estats, tous presque gaignez, & non contredits ny reprimez par personnes suffisantes, les Sieurs d'O & de Chenailles Superintendans des Finances, & le Sieur Miron premier Medecin, dont le Roy se confioit, furent incontinent attaquez par lesdits Estats, & sa Majesté forcée de les esloigner, comme encores apres estre demeurez les derniers. Et le Roy demeurant aussi seul & desnüé de ses plus fideles & ordinaires seruiteurs, les affaires s'en allerent en si perilleux termes pour luy, que par la conclusion desdits Estats, sa Majesté demouroit despoüillée de son autorité, & sa personne reduite à vne espeece de tutelle, & peut estre en honteuse captivité; ce qui le fit alors, mais trop tard, reconnoistre & aduoüer ce que ie luy auois dit plusieurs fois, auparauât; qu'il estoit trop dangereux d'assembler & ouurir des Estats en France, quand les esprits des subjects, dont ils sont composez, sont remplis comme ils l'estoient alors, de factions, interets, & desobeïssances; ce qu'il esprouua sur chacun article qui luy fut proposé, dont ceux desdits Estats vouloient eux mesmes estre iuges seuls, soustenant hardiment que les Estats du Royaume assemblez, auoient tout pouuoir, que le Roy en estoit comme President seu-



lement, qui estoit chose toute nouvelle & contre l'ancienne pratique & creance des François; ce qui se peut assez iuger à quel point estoient les choses reduites, puis-que lesdits Estats ainsi fermes, instruits, & soustenus de Monsieur de Guise, & de toute sa faction, pouuoient faire tout ce qu'il leur plaisoit, sans que personne osast seulement y contredire.

Le Roy se trouuant en cette extremité, & pensant y bien pouruoir, en se deffaisant & saisissant de ceux qu'il tenoit en estre la cause, vn Vendredy matin vingt-troisiesme de Decembre, surueille de Noël quatre-vingt & huit, estant dans son cabinet, au Chasteau de Blois, avec peu de personnes choisies entre les plus assurez qui luy restoient, fit appeller Mondit Sieur de Guise par vn de ses nouueaux Secretaires d'Estat, nommé Reuol, feignant de vouloir parler à luy, qu'il trouua assis au Conseil avec les autres, dans l'anti-chambre de sa Majesté, lequel à ce commandement, & sans se douter de rien, bien que quelques vns tinssent qu'il en eust esté aduertý, se leua aussi tost dudit Conseil, & entra tout seul en la chambre du Roy pour aller audit cabinet, auquel ledit Secretaire estoit desia vistemment rentré; & comme il voulut approcher d'une premiere porte qui y est, dix ou douze de ceux que l'on appelloit les quarante-cinq, le saisirent par le corps, & en mesme temps saisirent son espée & sa dague; de sorte que sans qu'il se peust deffendre, il fut incontinét tué par eux à coups de dagues. Et bien tost apres le Roy ayant veu à trauers de ladite porte, la fin & l'exécution de son commandement, partit de sondit cabinet, & voyant ainsi ledit Sieur de Guise mort, dit qu'il estoit lors assurément Roy, & qu'il n'auoit plus de compa-

gnou: Et au mesme temps fit appeller Monsieur le Cardinal de Guise, & Monsieur l'Archeuesque de Lyon, qui estoient en l'anti-chambre, audit Conseil, où desia par ledit accident ils estoient en trouble & rumeur, & estoient tous deux entrez dans ladite chambre. Le Roy luy mesme leur monstra ledit corps mort, & tout sanglant, dudit Sieur de Guise, & apres les fit emmener prisonniers en vne chambre haute dudit Chasteau de Blois, d'où incontinent ils furent separez, & des gardes separément à chacun; Au mesme temps l'on enuoya aussi des gardes à Monsieur le Cardinal de Bourbon en sa chambre; comme à Madame de Nemours, & à Messieurs les Princes de Joinuille, d'Elbœuf, & de Nemours, & le grand Preuost. Le S<sup>r</sup> de Richelieu alla en la Maison de Ville, où les Deputez du tiers Estat estoient assemblez, & y prit & arresta prisonniers le President de Neüilly, Preuost des Marchands de Paris, avec les Chappelles, & les deux Escheuins de Paris, Compant, & Cotte-blanche, le Sieur Chasteau-fort, & le Secretaire Pynart; pendant que d'autre costé, parmy le corps de la Noblesse l'on arresta aussi prisonniers, les Sieurs Comtes de Brissac, de Boisdauphin, & le Sieur de la Brosse Gouverneur de Mouzon, lesquels furent eslargis dés l'apres-disnée, apres auoir promis, iuré & signé, de n'estre iamais d'aucunes associations & Ligues contre le seruice du Roy.

Ceste sanglante tragedie se fit dés les neuf à dix heures du matin dudit Vendredy, dont apres le Roy voulut porter luy mesme les premieres nouuelles à la Reine sa mere, qui estoit demeurée au liét cette matinée, pour s'estre trouuée mal toute la nuit precedente, & luy ayant sommairement dit ce qui s'estoit passé, & qu'il croyoit

estrelors Roy, & sans cōpagnon, cette bonne Princeſſe tres-prudente, luy demâda s'il auoit bien penſé aupara-  
uant, & pourueu à tout ce qui luy en pourroit arriuer; &  
ayant dit que ouÿ, elle luy dit ces meſmes mots : *Monſils,*  
*Dieu vueille qu'ainſi ſoit, & que vous vous en trouuiez*  
*bien: ne perdez temps d'y bien ſoigner, ie vous prie, car*  
*aux choſes faites, les conſeils en doiuent eſtre pris, dont*  
le Roy la remercia, & ſe ſeparerent ainſi pour cette fois.  
Ladite Dame Reine trouuant grandemét eſtrange, com-  
me l'on mel'a fidellement rapporté, cette ſi violète & pe-  
rilleuſe action, & encore plus quâd elle ſçeut que le len-  
demain le Roy auoit fait auſſi tuer Monſieur le Cardinal  
de Guife, priſonnier en ſa chambre, par quelques ſoldats  
du Regiment de ſes gardes, conduits par leur Capitaine,  
nommé le Gaſt, du nombre deſdits quarante-cinq qui le  
tuerent à coups de hallebardes & d'elpées, l'ayant trouué  
qu'il prioit Dieu.

La nouuelle eſtant bien toſt apportée à Paris, tout le  
peuple ſe ſentit merueilleuſement eſmeu, & chacun re-  
prenant ſes premieres & mauuaiſes impreſſions des barri-  
cades, les Predicateurs commencerent à parler ouuerte-  
ment contre le Roy, & avec telle violence, que le menu  
peuple ſe mit à rompre les armoiries du Roy, & à fouler  
aux pieds ſes portraiçts, & faire mille autres indignitez  
honteuſes & deſobeiſſantes. D'autre coſté ceux de la ville  
d'Orleans eſtoient dès le ſoir du meſme Vendredy, ad-  
uertis de la mort dudit Sieur de Guife, par les Sieurs de  
Baſſompierre, Cheualier Breton, & de Roſcieux, eſchap-  
pez de Blois, auſſi toſt qu'ils ouïrent le bruiçt de ce qui ſe  
faifoit au Chasteau, commencerent à donner ordre à la  
ſeureté de leur ville; & pource auſſi toſt firēt braquer leur

artillerie contre la citadelle, dans laquelle le Sieur d'An-  
tragues, & Antragues son frere furent enuoyez par le  
Roy pour s'y ietter; ce qu'ils n'oserent, & n'approcherēt  
plus près d'Orléas que de Meun; ce que le Roy sçachāt, y  
renuoya diligemment Monsieur le Marechal d'Aumont  
avec le plus de force qu'il peut pour pēser entrer dans la  
dite ville par ladite citadelle: mais les habitans y auoient  
desia pourueu par vn grand retranchement qu'ils firēt, &  
garderēt fort bien entr'eux, & ladite citadelle; tellement  
qu'ils donnerent temps à Monsieur le Cheualier d'Au-  
malle d'entrer au bout de trois iours, comme il fit, en la-  
dite ville, & s'en rendre le maistre, & en mesme temps  
Monsieur le Duc de Mayenne estant à Lyon mettoit en  
ordrel'armée du Roy pour la conduire en Dauphiné  
comme il luy auoit esté ordonné, ayant appris la mort de  
son frere, & par mesme moyen qu'il deuoit prendre garde  
à la personne sur laquelle il y auoit entreprise, part in-  
continent de Lyon & s'en alla en son gouuernement de  
Bourgongne, & en passant se saisit de la Citadelle de  
Chaalons, où le Baron de Luz quien estoit Gouverneur  
ne peut de Blois arriuer assez à temps pour les empeſ-  
cher; & de là poursuiuit son chemin iusques à Dijon, qu'il  
s'assura, & commença d'assembler le plus de forces qu'il  
luy fut possible; & ainsi de tous les costez de la France  
chacun se mit à faire pis contre le Roy & à allumer le  
feu de la guere Ciuille, que nous viſmes apres. Pendant  
tous ces grands desordres & diuers mal-heurs qui com-  
mençoient à ruiner la France, la Reine mere du Roy viue-  
ment saisie & touchée, comme il est aisé à croire, de cette  
publique desolation, retomba malade, & se portant vn  
jour mieux, elle fut voir Monsieur le Cardinal de Bour-

bon qui estoit arresté prisonnier en sa chambre du Chasteau de Blois, & au retour elle se trouua si faisie de melancolie & de regret d'auoir veu le premier Prince, & qu'elle auoit tousiours fort particulièrement aimé, reduit en cet estat, que le Mercredy quatriesme iour de Ianvier 1589. quatre-vingt neuf, les Medecins la iugeans atteinte d'une pluraisie, la firent seigner, & son mal croissant tousiours sans que l'on y peult apporter de suffisans remedes, elle voulut faire son testament le Ieudy matin sur les neuf heures, puis ayant receu tous ses Sacremens avec la mesme bonté & force d'esprit & iugement qu'elle auoit tousiours eu en toute sa vie, elle mourut l'apresdisnée dudit Ieudy, enuiron vne heure apres midy, qui estoit la veille des Rois cinquiesme desdits mois, & ou le Roy, la Reine sa femme, & toute la Cour s'estans trouuez presens à cette mort, que l'on peut dire auoir esté sans flatterie vne des plus courageuses, plus prudente & habile Reine que la France ait iamais eu, & comme telle grandement regrettée de force gens de bien, marris de la perdre en vne saison où elle estoit si necessaire.

Quand le peuple de Paris vid Orléans assiegé, apres le Cardinal de Guise aussi tué, & la Reine mere du Roy aussi morte, il se porta à de tels excés de rebellion & de mesconnoissance enuers la dignité Royale & ses Magistrats, qu'un nommé le Clerc auparauant Procureur au Parlement, & depuis estably Capitaine de la Bastille par la violence populaire, alla avec force Caualliers en armes au Palais, le Parlemety estant assemblé comme d'ordinaire; & ainsi entra iusques dans la grand Chambre, & y prist & emmena prisonniers en ladite Bastille le premier President de Harlay qui y estoit, le President de Thou, &

vingt-deux Conseillers qu'ils choisirent dans ledit Parlement, comme plus affectiônez que les autres au seruice du Roy, & qu'ils craignoient, qu'ils les peussent contredire à ce qu'ils desiroient faire passer audit Parlement, pour les leuées de deniers & autres choses qui pourroient suruenir, & principalement pour la publication de la Censure qu'auoit fait la Sorbonne de Paris, declarant le Roy qui auoit fait ainsi tuer & massacrer le Cardinal de Guise, priué du droit de son Royaume & de sa dignité Royale, & tous ses subiects deschargez de l'obligation qu'ils auoient au seruice dudit Roy.

Or comme en ce discours de ma vie, ie me suis insensiblement, & peut-estre trop estendu sur les choses que j'ay veu passer pendant icelle; parce qu'estant tousiours auprès du Roy, & ayant l'honneur d'auoir participé à tous ses Conseils, & secrets; j'ay estimé estre bon de laisser aux miens la verité par abregé, des choses plus remarquables, où la pluspart des historiens peuuent tromper la posterité; aussi estimay-ie encor par mesme raison, estre obligé de mettre par ordre les mesmes choses comme ie les ay veritablement apprises en ma maison d'Eclimont, où ie suis tousiours demeuré durant mon absence de la Cour, & où tous les iours i'estois visité de plusieurs de mes amis, d'yn & d'autre party, qui quelquesfois se sont rencôtrez en mesme temps ensemble chez moy, & puis s'entretrouoiēt au partir de ma maison, tant l'aigreur estoit grande entre lesdits deux partis, & ainsi en poursuivant ce que ie fis pendant mon dit sejour chez moy, ie diray sommairement ce qui se faisoit en mesme temps parmy le monde.

Ceux de Paris, apres tous leurs beaux commencemens de rebellion, sollicitèrent le plus qu'ils peurent ledit  
Sieur

Sieur du Mayne d'y venir, & tascher à faire leuer le siege d'Orleans qui estoit ioint & vny avec eux, ce qu'il fit le plus diligemment qu'il pût, s'assurant en passant de la ville de Troyes en Champagne, qu'ils mirent en son party de la Ligue & Vnion, qu'ils nommerent entr'eux; puis reuint à grandes iournées pour surprendre ledit Sieur Mareschal d'Aumont au siege d'Orleans, lequel en estant aduertty, leua le siege avec tres-grand effroy, vn matin deuant le iour; & apres que ledit sieur du Mayne fut arriué audit Orleans, & eut donné ordre à ce qui estoit de ladite ville, & fait razer la Citadelle, il alla à Chartres, où il fut receu par les habitans, & apres y auoir arresté vn iour seulement pour leur faire faire le serment, s'en alla droit à Paris, receuât sur le chemin nouuelles assürees que la ville de Roüen s'estoit declarée pour luy, & mise en son party de l'Vnion, & que Messieurs de Charrouges, & premier Presidét y auoient esté arrestez prisonniers; que celle de Mante s'estoit aussi declaree pour luy, & que la ville & Parlement de Toulouse en auoient fait de mesme, le premier President & Aduocat d'iceluy ayans esté tuez par le peuple, que le Mareschal de Rets, que le Roy auoit enuoyé à Venise pour y emprunter de l'argent, & amener pour luy vne grande leuée de Suisses, auoit esté arresté prisonnier sur le chemin, comme aussi le Sieur de ~~Be~~Loigny, reuenant de deuers Monseigneur de Sauoye, où le Roy l'auoit enuoyé pour sçauoir de luy ce qui l'auoit meu à s'emparer du Marquisat de Salusses; & encore au mesme temps luy vindrent aussi nouuelles que le Sieur du Fargis auoit esté arresté prisonnier en la ville du Mans par les habitans d'icelle, & le Chasteau pris & rendu à leur deuotion, & mis és mains du Sieur de la Motte-serrant & de

Bois-dauphin, qui disoit que c'estoit par contrainte qu'il auoit iuré & signé à Blois de ne porter iamais les armes contre le Roy, & qu'il n'estoit pas plus obligé de tenir son serment que celui que le Roy auoit fait solennellement en pleins Estats, & ainsi chacun se declara & se porta au desordre commun.

Parmy ces belles actions, quand les bons François & plus clairs voyans se mirent à considerer qui auoit causé la perte de la ville d'Orleans, qui premier leua le masque de rebellion, & puis celle de Chartres, ils iugeoient clairement qu'avec le regret commun qu'ils auoient des personnes tuées à Blois, les sieurs d'Antragues & Antraguét son frere auoient apporté celle d'Orleans, comme le Sieur de Maintenon celle de Chartres, pour les raisons qui s'ensuiuent que ie ne veux oublier, pource que l'une & l'autre desdites villes estoient sous ma charge, & de mon gouvernement, & partant me trouuay-je obligé d'en parler plustost que des autres.

Je dis donc que le sieur d'Antragues Lieutenant du Roy sous ma charge au gouvernement de la ville & Bailliage d'Orleans auoit sous main traité & pratiqué par la faueur de son frere Antraguét, & de quelques mauuaises femmes de la Cour, que s'il plaisoit au Roy luy laisser en chef le gouvernement dudit Orleans, il assureroit cette ville, & la remettroit entierement en la disposition de sa Majesté, bié qu'elle eust esté accordée & laissée pour seureté ausdits Sieurs de l'Vnion lors du traité de paix fait avec eux par la Reine mere du Roy; ce qui fut tousiours bien empesché par M<sup>r</sup> de Guise: mais comme le Roy m'en parla se promettant que cela pourroit reüssir, ie luy dis assez le peu d'assurance qu'il en deuoit



prendre, & le peu de creance & de pouuoir que ledit Sieur d'Antraques auoit dans Orleans pour cela; & neantmoins pour n'obmettre rien de ce que ie pouuois contribuer à son contentement & au bien des affaires, ie luy promis puis qu'il croyoit que cela ne fust point, de passer vne procuration & demission entre ses mains pour ladite ville, & quel'autre le desiroit; ce que i'effectuay à son premier commandement, & comme ceux de ladite ville se virent entierement tombez és mains dudit Sieur d'Antraques, qui les auoit premierement portez à l'affection du party de ladite Ligue dont alors il se retiroit, apres les y audir tout à fait embarquez, ils se resolurent de ne le plus recognoistre ny receuoir, & à quelque prix que ce fust de luy oster & raser la citadelle, comme ils n'y manquerent pas, ainsi qu'il a esté cy-dessus remarqué.

Comme aussi pour la ville de Chartres ie puis dire avec verité que les habitans d'icelle ayans sçeu que le Sieur de Maintenon leur voisin, qui de tout temps estoit fort hai, & mal voulu d'eux, poursuioit de leur faire oster le Sieur de Riola<sup>de</sup>nuille qui y commandoit en mon absence, & du Sieur de Sourdis qui y estoit infiniment aimé, & que le Sieur de Maintenon lors en faueur près du Roy les menassoit d'y en mettre vn autre avec bonne & forte garnison à sa deuotion, ils se laisserent facilement emporter aux persuasions du Sieur de Lignery, aussi voisin de ladite ville, homme d'esprit & de factiō, lequel s'estoit rendu ennemy dudit Sieur de Maintenon, & ensemble dudit Sieur de Riola<sup>de</sup>nuille, parce qu'ils l'auoient ensemble trauersé en la vraye eslectiō qui auoit esté faite de sa persōne pour aller ausdits Estats de la part de la Noblesse du Bailliage dudit Chartres, ledit S<sup>r</sup> de Maintenon l'a

yant emporté par l'autorité du Roy & par l'entremise dudit Sieur de Sourdis; & certainement si ledit Sieur de Sourdis qui y vint en mesme temps, y eust fait son devoir avec plus de courage & de resolution, il pouvoit au commencement destourner & rompre telles menées dudit Sieur de Lignery, mais il s'estonna & s'en retira. Pour moy i'aduouieray ingenuëment que ie les laissay faire ce qu'ils voulurent, parce que le Roy me tesmoigna, lors que ie le fis aduertir du mal que i'y reconnoissois, qu'il auoit toute confiance dudit sieur de Maintenon pour cela; & sans doute ie luy pouuois mieux seruir que luy, en estant Gouverneur & tout proche comme i'estois, & les habitans m'ayant en ce temps-là, comme en tout autre, tesmoigné tousiours vne grande creance & tres-bonne volonté.

Et à mesure que le mal commun croissoit, chacun desirant en recognoistre & approfondir la cause, l'on se remit à parler & discourir plus que iamais de celle de l'elloignement de ceux du Conseil, & cōmença-t-on à croire que le Roy les auoit voulu oster, comme ayans esté faits & establis par la feuë Reine sa mere, pendant sa ieunesse & celle du feu Roy son frere, parce qu'à son aduis ils conferoient le tout avec elle, & luy en estant entré en soupçon, comme croyant qu'elle fauorisoit ceux de la Ligue, à cause de Monsieur le Duc de Lorraine chef de leur maison, qui auoit espousé sa fille, qu'elle aimoit fort, & par là coniecturant que cette Princesse voulust donner quelque aduancement à son petit fils, pour paruenir à cette Couronne, au cas que le Roy n'eust point d'enfans; & de fait le Roy chassa son premier Medecin Miron qu'il aimoit, & duquel il se confioit entierement,

& son frere l'Intendant, Cheualier, comme i'ay dit cy-deuant, parce que la Reine parloit trop souuent à luy à part, dont la jalouſie meſme de ſa mere le tourmentoit. L'on dit encore vne autre raiſon de cét eſloignement dudit Conſeil, que pour moy i'ay eſtimé la meilleure, qui eſt que le Roy voulant entreprendre ce qu'il fit à <sup>x3.</sup> Blois ſur la perſonne deſdits Sieurs Duc & Cardinal de Guiſe, creut que ceux de ſon dit Conſeil ne ſeroient iamais d'aduis de telle choſe ſi preiudiciable à ſon Eſtat, & que les reconnoiſſant interieurement côme il faiſoit, ils ne faudroient de ſe douter de quelque choſe, dont ils pourroient aduertir la Reine ſa mere, qui empescheroit ce deſſein; & partant qu'il les falloir eſloigner: Et puis quelqu'un peut-eſtre luy pouuoit auoir appris la maxime de Machiauel, qui dit que c'eſt vne grande dextérité à vn Prince qui ſe void meſpriſé de ſes ſubiets, de reietter toutes les fautes paſſées ſur ceux qui l'ont ſeruy & conſeillé; & qu'ainſi il taſcha de perſuader par ſa harangue, mais en vain; car chacun vid bié que les choſes faites, dont les Eſtats ſe plaignoient, n'auoient pas eſté faites que par ſa ſeule authorité, & commandement expreſ de celui qui y pouuoit tout, & qui auoit contraint les Cours Souueraines d'y paſſer.

Toutes choſes eſtant en l'Eſtat cy-deſſus, le Roy manda à Monsieur de Neuers de le venir trouuer avec l'armée qu'il commandoit en Poictou, afin de ſe rendre plus fort contre l'armée de Monsieur du Mayne qu'il voyoit ſe preparer contre luy, ce que fit incontinent ledit Sieur de Neuers, & vint iuſques à Blois trouuer ſa Maieſté qui n'en eſtoit encore partie, & la premiere choſe que le Roy voulut faire, fut d'enuoyer les Princes priſonniers au

Château d'Amboise, ce qu'il fit luy mesme, & y furét laissez Messieurs le Cardinal de Bourbon, Prince de Ioinuille, Duc d'Elbœuf, & Madame de Nemours, laquelle peu de iours apres en sortit par permission du Roy; mais les autres qui y auoient aussi esté menez, y demeurerent; à sçauoir l'Archeuesque de Lyon & le Presidēt de Neüilly; mais depuis pour la deffiance que le Roy auoit du Sieur de Cognac qui l'auoit laissé, & du Capitaine Gast, qui lors commandoit audit Amboise, le Roy fit mener ledit Sieur Cardinal de Bourbon à Tours; puis à Chinon, & en fin à Fontenay: Ledit Prince de Ioinuille fut aussi mené à Tours, où il demeura, & ledit S<sup>r</sup> d'Elbœuf fut mené à Loches. Cependant ledit S<sup>r</sup> du Mayne ne perdoit temps, il dresse vne armée pres de Paris, prend Estampes, Vandosme & Chasteau du Loir, & s'en viēt assieger le Roy à Tours, lequel peu de iours auparauant se voyant ainsi abandonné de ses subjets, s'estoit accordé avec le Roy de Nauarre son beau frere & legitime heritier de cette Couronne apres luy, lequel estoit de la Religion pretendüe, auquel il auoit accordé pour passage & seureté la ville de Saumur, par laquelle il estoit venu trouuer le Roy avec le plus de forces qu'il luy auoit esté possible, & se rendit pres de sa Majesté au mesme temps que ledit Sieur du Mayne arriua à Tours, lequel en arriuant, apres auoir failly d'un quart d'heure seulement à surprendre le Roy, reuenāt d'oüir la Messe en l'Abbaie de Marmoustier, emporta d'abord le faux-bourg de ce costé-là, & le garda tout le reste du iour & la nuit suiuite: mais voyant le lendemain le pont rompu entre-deux, & qu'il auoit affaire à deux Rois tout ensemble, lors bien d'accord, & vnis, par vne commune necessité, il quitta le siege & s'en retourna audit Chasteau du Loir, d'où il estoit party, &

reprit son chemin par Dreux & Houdan, qu'il s'assura pour regagner Paris.

Peu de temps apres le Roy s'estant vn peu reconneu & pris nouveau courage, se voyant assisté dudit Roy de Navarre, assembla toutes les forces qu'il pouuoit auoir, luy estant arriué dix mil Suisses, dix mil Lansquenets, & quelque peu de Reistres, avec bonne quantité de Noblesse Françoisse qui lors voulut tesmoigner sa vraye fidelité à son Roy, le tout faisant bié ensemble avec ce qu'il auoit, & que le Roy de Navarre luy auoit amené, douze mil arquebusiers François, quinze mille Estrangers, six mille chevaux, & douze pieces de canon, avec leur esquipage, & avec tout cela delibera sa Majesté d'aller rendre à Monsieur du Mayne à Paris la brauade qu'il luy auoit faite à Tours, & pour ce vint avec toute cette assez grande armee forcer & prendre le passage de l'argeau près la ville d'Estampes, & apres le pont de Poissy & Pôthoise, & se vint loger au pont Sainct Cloud, & mit toute son armée aux villages de Vanues, Vaugirar, Clamard, & autres villages circonuoisins de Paris, dont ceux de ladite ville & ledit Sieur du Mayne qui estoit dedans avec peu de gens commencerent à se trouuer incommodez & pressez, avec grand doute de ne pouuoir longuement soustenir vn siege: Le menu peuple estât desia en rumeur pour la famine qu'ils craignoient, & par les pratiques que les seruiteurs du Roy y faisoient, outre que ledit Sieur du Mayne n'auoit alors que quatre mille harquebusiers François, & autant de Lansquenets, avec mille chevaux & quelques habitans de ladite ville, qui estoit trop peu pour la garder & deffendre d'vne si puissante armée cōtre son Roy, que chacun desiroit y veoir entrer

plustost par son consentement, que d'attendre l'effect de son iuste courroux & pouuoir; & ainsi tenoit-on pour certain que dans huit iours, d'une ou d'autre façon, le Roy eust eu Paris en sa puissance, sans le mal-heur extrême qui luy arriva à la suscitation de ses ennemis & du repos de cet Estat, tel qu'il s'ensuit.

Le Roy estant logé audit S. Cloud, au logis du Sieur de Gody, vn mal-heureux petit iacobin, nommé Jacques Clement, âgé de vingt-deux ans, natif d'un petit village près de Sens, & profez des iacobins dudit Sens, lors venu au College desdits iacobins de Paris, pour estudier; possédé, comme il est à croire, de l'ennemy de nostre commun salut, & gagné par des traistres & abominables François, ayant pris vn passé-port de Monsieur de..... prisonnier de guerre dans Paris, & vne lettre du premier President de Paris, prisonnier en la Bastille, trouua moyen de se faire introduire par le Procureur General audit Parlement, nommé de la Guesle, comme ayât quelque important secret à dire au Roy, lequel l'amena le matin du premier iour d'Aoust de l'an quatre-vingt-neuf, sur les huit heures, en la chambre du Roy, qui estoit encore à ses affaires sur vne chaise percée, & en laquelle il n'y auoit personne que le Sieur de Belle-garde premier Gentil-homme de la châtre, & ledit Procureur General, conduisant ce detestable iacobin, qui faisant cōtenance, baillât ladite lettre au Roy, de luy vouloir encor dire quelque chose en secret, & s'aprouchant de luy, tira dextrement vn petit couteau qu'il auoit caché dās sa maché, par dessus son scapulaire, & donna vn coup au Roy dedans le petit ventre, & cōme il luy fut facile, le Roy estât tout destaché sur ladite chaise percée, laissant ledit couteau dans le vêtre de sa

de sa Majesté, laquelle s'escriant: Ha traistre! que fais tu? & retirât elle mesme ce cousteau, en donna courage ensemé vn coup au front de ce môstre infernal vestu en lacobin, & ce coup fut bié tost suiuy de plusieurs autres d'espée, que ceux qui estoïent & accouroient à ladite chambre luy donnerét en l'ardeur de la colere, dont il mourut sur le lieu, qui fut vne tres-grâde faute: car il valoit mieux le conseruer vif, iusques à ce que l'on eust tiré par sa bouche la verité de ce mal-heureux dessein, que se rassasier de son sâg brusquement, laissant vn tel parricide & meschanceté inconnue & impunie, comme elle l'a trop esté du depuis; le corps de ce meschant n'ayant esté que pêdu. Au commencement de cette mal-heureuse blessure du Roy, les Chirurgiens & Medecins estimerent que ce coup n'estoit pas mortel; mais sur le soir ils reconeurent âpertement le contraire, & n'y pouuans apporter de remede, sa Majesté le jugeât, se resolut à la mort, auant laquelle il enuoya querir le Roy de Nauarre; le declara son vray & legitime successeur à ceste Couronne, commandant à tous les Princes, principaux Officiers, & autres de son armée & de sa Maison, de le recognoistre & seruir comme leur Roy apres luy, & luy rendre l'obeissance & fidele service qu'ils luy deuoient; & sur tout de ne le point abandonner qu'il n'eust remis, & restably le Royaume en paix, & chastie ceux qui l'auoient mis en si grand trouble; auxquels quant à luy il pardonnoit volontiers, & le mal & la mort qu'ils luy auoient apportée; faisant promettre aussi audit Roy de Nauarre auant toutes choses de se faire instruire à estre Catholique le plustost qu'il pourroit; & ainsi, apres infinis graues & beaux discours à tout le mode dignes de son iugement, de sa pieté ordinaire, &c

son eloquence accoustumée, & qu'il eut receu tous les Sacremens de l'Eglise, il fit vne fin plustost de vray & parfait Religieux, que de Roy iustement offensé, comme il le pouuoit estre, sans la grace de Dieu; & ainsi mourut ce grand Prince sur les deux à trois heures apres minuit du 2. jour dudit mois d'Aoust audit an 89. & par l'ouuerture qui fut faite de son corps fut trouué qu'il auoit des boyaux & arteres percez, qui luy auoit fait perdre s<sup>on</sup> sang.

Voila la piteuse & lamentable fin du Roy Henry troisieme, âge de trente-huict ans, qui n'eussent esté accomplis que le dixneuuesme Septembre ensuiuant, celuy de sa mort, ayant regné quinze ans entiers dés le dernier iour de Mars precedent que le Roy Charles son frere estoit decedé, apres auoir esté cinq ans precedents Lieutenant General dudit feu Roy son frere; avec tant d'honneur & d'estime que iamais ieune Prince de sa qualité n'en acquit dauantage: car en l'âge de seize ans & huict mois il auoit gaigné deux grandes batailles à larnac & à Moncontour, & à vingt-deux ans il auoit esté choisi & esleu par dessus tous les autres Princes de la Chrestienté par les Polonnois pour estre leur Roy, par le seul bruit de sa reputation, ayant receu tout l'honneur qui se peut imaginer par tout l'Allemagne en y allant, & par toute l'Italie à son retour; ayant laissé en France lors qu'il en partit, tant de bien-veillance & d'estime de luy, que son seul nom donna moyen à ses seruiteurs en son absence de luy cōseruer son Estat mal-gré l'effort, & toutes les entrepriſes contraires des plus grands du Royaume sedits seruiteurs, ayant mesné des forces suffisantes pour s'il en eust esté de besoing le pouuoir aller requerir iusques en Pologne; la seule ville de Paris m'ayant offert à cet



effect, contre sa coustume, dix mille hommes de pied, defrayez pour trois mois; celle d'Orléas six mille; & aussi quasi toutes les bonnes villes & principaux de la Noblesse, m'ayans chacun enuoyé faire son offre à le servir, comme sçachant que i'auois, tant qu'il fut en Pologne, le principal soing de ses interets en sondit Estat, & entr'autres Monsieur de Guise s'estoit offert à moy de tenir prest à point nommé trois mille arquebusiers & cinq cens cheuaux, & Messieurs d'Aumôt, de la Valette, de la Chastre, de Mandelot, de la Guiche, & grand nombre de Noblesse m'en vindrent aussi offrir selon leur credit & puissance, tant estoit grande la reputation de ce Prince, & l'affection que chacun luy portoit, bien qu'il fust absent.

A la verité il se peut dire, que tant que ledit Roy estoit seulement Lieutenant general du Roy son frere, iamais Prince ne fit mieux, ny ne monstra plus de valeur, de prudence & d'honnesteté que luy, estant aux charges & affaires où il fut employé, qu'aux particulieres de sa vie & de sa maison où iamais rien ne fut mieux ordonné & conduit: Mais à son retour de Pologne, se trouuant Roy de France, honoré de tout le monde, & en pouuoir de commander, & non d'obeir, il auoit commencé à se negliger, & peu à peu à se changer, bien que les cinq ou six premières années de son regne eussent esté assez prudemment conduites, apres lesquelles il s'estoit laissé gouverner & posseder par des ieunes gens indiscrets, qui tiroient de luy des dons immenses & iniustes, d'où procederent les querelles & broüilleries de guerre d'entre Monsieur son frere & luy, & comme cette affection se communiqua & se porta à diuersité de ieunes gens, en fin ils s'estoit mis à en aimer deux, que ie laisse à nommer, que remarquera

l'histoire, lesquels l'auoient possédé si longuement & de telle façon qu'il n'eust sçeu faire que ce qui leur plaisoit, le metrans en ombrage & diuision avec la Reine sa mere, en mauuaise amitié avec la Reine sa femme, en guerre & froideur perpetuelle avec son frere, ayans fait en aller la Reine de Nauarre sa sœur, esloignans ou malcontentans tous les Princes, & tous les bons & vieux seruiteurs, pour prendre ou donner aux leurs tous les grands gouuernemens & Capitaineries des principales places de ce Royaume; d'autre costé espuisans toutes les finances de l'Estat pour assouuir leur vanité & leur auarice, & apres pour en retromuer faisoient faire des mauuais Edicts, ausquels estoiet forcez de passer les principaux Officiers de la Couronne, puis de la Cour de Parlement, Chambre des Comptes, & Cour des Aydes; & ainsi se faisans à l'enuy entr'eux esleuer aux tiltres, authoritez & rangs plus eiminents pardessus leur naissance & portée, prenans pour eux ou leurs parens tous les grands mariages qui se presentoient, & n'y ayant qu'eux qui peussent auoir entrée aux Cabinets, Conseils secrets & affaires, ny esperance d'aucune gratification ou recompense, bien que tres-meritée, sinon par leur moyen & faueur; le pire de tout encores estant que leur insolence & leurs deportemens auoient esté si arrogans & si insupportables, & leur delices & voluptez si abondantes & extraordinaires, qu'ils auoient en fin autant fait haïr le Roy, qu'il auoit auparauant esté aimé; autant mesprisé qu'il auoit esté loué; autant estimé inutile à ce Gouuernement de l'Estat qu'il auoit esté trouué agreable & necessaire, tant ils auoient changé ses bonnes humeurs & premieres actions en mauuaïses & desagreceables.

Or estant obligé avec plus de contentement d'en dire le bien que le mal, puis qu'après sa mort i'en desire laisser aux miens la pure verité; ie diray sans flatterie que ce Prince estoit tres-bien nay, auoit la prestance & la taille belle, la contenance & grauité digne & conuenable à sa grandeur, le courage grand, liberal autant qu'aucun aye iamais esté, la parole douce & fort agreable, l'eloquence extraordinaire en vn Prince de sa qualité, ne iurât iamais, ny n'offençant iamais personne de paroles, & auoit l'esprit fort net, les conceptions bonnes, & la memoire fort heureuse; mais ses affections ont fait paroistre qu'il n'auoit le iugement semblable au reste, & qu'il estoit trop enfermé & enuelpé dans vne volupté, où ses mal-heureux mignons l'auoient plongé; & faut qu'il m'eschappe de dire, que iugeant par là, & preuoyant d'assez longtemps, mesmes deuant tous ces derniers mal-heurs qu'il estoit impossible que ce pauvre Prince ne se vist en fin plongé en quelque mal-heur, & que i'en pourrois estre blasmé, tenant de luy vne des plus grandes & importantes charges de sa Couróne; ie le suppliy tres-instamment plusieurs fois de me vouloir descharger des Sceaux, & les commettre à quelqu'autre plus propre à ceux qui en vouloient abuser, & ce plus de quatre ans auparauant sa mort; & à ce sujet luy auois remontré plusieurs fois le grand tort qu'il se faisoit, & le mal indubitable que luy & son Estat en receuroient; ce qu'il ne voulut iamais croire que trop tard, sur la fin qu'il auoit commencé de se refroidir de l'amitié qu'il leur auoit portée à tous deux, dont l'un fut aduancé pour se precipiter au combat, où il mourut, & l'autre courut pareille fortune, <sup>par sa fureur & son haine</sup> ayant esté tué à Angoulesme.

Et par là fut facilement reconneu que ledit Roy estoit du naturel fatal de la race des Valois, lesquels ont tous à la fin mal voulu à ceux qu'ils auoient du commencement le plus aimé; ainsi que nous le voyons en Philippes de Valois premier de cette race, qui auoit le plus aimé, & qui estoit le plus obligé au Comte d'Artois, pour luy auoir conserué ce Royaume; & neantmoins depuis l'offença tellement qu'il cuida luy faire perdre son país; & apres en Louys XI. grandement obligé au Duc de Bourgogne, apres l'auoir retiré & conserué en sa disgrâce, lequel il ruina depuis; aussi bien que le Connestable de Luxembourg, auquel il auoit tant d'obligation; & Louys douzième tout de mesme, bien qu'il fust fort sage, pour le Marechal de Gé; & François premier pour Monsieur de Bourbon, qu'il auoit si vniquement aimé, & qui le renga bien; comme aussi pour Messieurs de Montmorency & de Brion au Roy Henry second; pour Monsieur de Dampierre; & depuis pour le Marechal de Gé qu'il appelloit, & auoit voulu estre fait Cheualier de sa main; au Roy Charles neufiesme pour Messieurs de Montmorency & de Cossé, & audit feu Roy pour Messieurs de Lignerolles, Marechal de Belle-garde, le Gast, S. Luc, de Villequier, Beauuais Nangis; & apres pour Messieurs de Guise qu'il auoit tant aimez en sa ieunesse, & tous ceux de son Conseil qu'ils auoient le plus longtemps, & le mieux seruy; entre lesquels j'ay esté vingt-sept ans aupres de luy, le seruant en tout temps, en toutes charges, avec plus de confiance, d'honneur & de faueur pour moy, que ie n'en eusse peu desirer. Et en fin nous enuoyâ tous au plus fort de ses affaires, se porta sans conseil à ce qu'il fit à Blois, & apres traitta avec le Roy de

Nauarre, en le recherchant, au lieu qu'il l'auoit tousiours poursuiuy pour sa Religion, & deuant l'an finy, a fort blessé sa reputation, acquis la mauuaise volonté de ses subiects; & pour comble d'infortune, tué miserablement entre les siens dans son Cabinet, & aussi tost son corps abandonné d'un chacun, ne s'estant trouué ny plomb pour faire son cercueil, ny Chappelle de deuil pour faire son seruice.

Et pour fin, ie diray que l'une des choses qui a le plus nuit à ce pauvre Prince, a esté l'opinion qu'il auoit conceüe de sa suffisance, mesprisant toutes les opinions d'autrui en quelque profession qu'il fust, qui est le plus grand mal-heur qui puisse arriuer, soit à un Roy, Prince, ou à tout autre; car la plus grande & necessaire sagesse qu'un homme puisse auoir, c'est de se bien cognoistre soy mesme & ses degrez, plustost que se promettre & persuader trop.

Ie suis icy fort arresté aux actions & choses plus particulières dudit feu Roy Henry troisieme; parce que personne ne les a iamais mieux obseruées que moy, d'autant que les miens ont tousiours pour la pluspart esté près de luy, & à son seruice, iusques au iour que ie me suis retiré en ma maison, qui a esté trois mois & demy deuant la mort de Monsieur de Guise, & vnze mois deuant celle dudit feu Roy, durant laquelle retraitte ie me suis contenté d'apprendre, & considerer tout ce qui se passoit, & me suis tousiours contenu doucement chez moy avec mes enfans & ma famille, sans me vouloir meller d'aucunes choses quelconques, quelques instances & prieres que l'on m'eust faites au contraire, attendant incessamment qu'il plust à Dieu ouurir les yeux d'un vray iugement & ressentiment aux François à recognoistre ce qui estoit de leur deuoir.

Quelques mois auparauant le deceds dudit feu Roy, le Sieur de Ville-luisant Louys Hurault mon nepueu, dont i'ay cy-deuant parlé, estant en garnison pour le seruice du Roy au Chasteau de Lassé dans le païs du Maine, & estant allé ouïr la Messe en l'Eglise de la ville, fut mal-heureusement assassiné dans ladite Eglise, par l'aduertissement que le mesme Prestre qui disoit la Messe deuant luy, en donna à ceux qui auoient dessein sur cette place, ayant laissé sa femme, de la maison de Chauigné, de Boissieux dudit païs du Maine, fort ieune, avec deux filles de luy, apres auoir esté seulement mariez ensemble trois ans; & ne veux oublier à ce propos que ledit Sieur de Ville-luisant estoit fils du Sieur de Saint Denis, Jacques Hurault, & de Marie Hurault ma sœur, tous deux extraits de nostre mesme nom & famille, & neantmoins si esloignez en degré qu'ils peurent estre mariez ensemble sans dispense du Pape, ce qui monstre le grand nombre de branches diuerses en nostre maison qui ne se trouuera peut-estre en guere d'autres.

Or pour venir à mon recit sommaire des choses du temps, ledit Roy Henry troisieme, estant ainsi mort à S. Cloud, son corps avec moins d'honneur & d'esquipage qu'il ne meritoit, fut porté à Compiègne & mis dans l'Abbaye Sainte Cornolle dudit lieu, & laissé vn de ses Aumosniers plus ancien nommé la Cesnaye, avec quelque cherif fonds pour faire & entretenir là quelque seruice pres dudit corps; & cependant le Roy de Nauarre, Henry de Bourbon que ie nommeray cy-apres Henry quatrieme qui n'auoit abandonné le feu Roy depuis qu'il l'estoit venu trouuer à Tours, comme il a cy-deuant esté remarqué, fut salué & recogneu par tous ceux de ladite armée

armée pour legitime Roy & successeur à ceste Couronne aussi tost que le feu Roy fut expiré, ainsi qu'il leur auoit expressement commandé en mourant : mais les Princes, Marefchaux de France, & autres Officiers de la Courone, & principaux Seigneurs Catholiques protesterét tous au meisme temps de ne changer iamais de Religion, & de mourir en la Foy Catholique, Apostolique & Romaine, ce que ledit Roy trouua bon, & leur promit des'y faire instruire dedans six mois, comme il l'auoit desia asseuré & iuré au feu Roy son frere; & de fait, fut incontinent depesché à Rome, Monsieur de Luxembourg, pour là faire entendre à sa Sainteté, comme à tous changement de maistre, changement de nouveaux desseins se font. Le Roy ne demeura pas long-temps avec toute l'armée entiere du feu Roy; car beaucoup de la Noblesse peu à peu se retira, les vns à quelque dessein dás les Prouinces, les autres ne pouuás, comme ils disoient tout hault, seruir vn Roy Huguenot; entr'autres, Monsieur le Duc d'Espernon, qui fut suiuy d'une partie de l'armée; ledit Roy Henry quatriesme se trouuant ainsi abandonné & affoibly, quitta le dessein du feu Roy sur Paris, & s'en alla en Normandie, pour s'assurer de quelques petites villes, où mondit Sieur du Maine le suiuit avec toute son armée, & le pressa si fort, qu'environ le quatriesme Octobre, le Roy fut contraint de se retirer vers Dieppe, qui tenoit pour luy, & se retrancher pres d'Arques avec le tiers moins de forces que n'en auoit ledit Sieur du Maine; avec lesquels sa Majesté eut l'aduantage au combat qui s'y fit.

Ce que voyant il se retira vers la Picardie, à Pont-Dormy pour y ioindre & receuoir quelques nouuelles forces

O

des Pais-bas qui le venoient encores trouuer; & cependant le Roy voyant cét esloignement vint en diligence droit à Paris avec son armée, & le iour de la Toussaincts audit an 89. de grand matin se faist de tous les Fauxbourgs du costé de l'Vniuersité, & peu s'en falut qu'il ne surprist & emporta la ville, tant ils furent estonnez d'un tel resucille-matin, où sept ou huit cents hommes demeurèrent tuez, & mil ou douze cents de pris prisonniers.

1890  
Au commencement de l'année suiuite quatre-vingt dix le Roy continuant tousiours son premier dessein de se rendre maistre de quelques villes de Normandie, prit celle d'Alençon, de Falaize, d'Evreux, de <sup>Norman</sup> Mouen<sup>court</sup>, & mit le siege deuant la ville de Dreux, qu'il ne continua, sçachât que ledit Sieur du Mayne s'approchoit de luy avec toute son armée, & luy qui vouloit vaincre ou mourir bien tost, se confiant en son courage & en la iustice de sa cause, se prepara à luy donner bataille, bien que trezbazardeuse pour luy qui estoit beaucoup plus foible de Cauallerie & d'Infanterie que ledit sieur du Mayne; ce qui ne l'empescha de la donner entre Yury & Annet le quatriesme iour de Mars dudit an quatre-vingt dix, dont le Roy graces à Dieu, emporta la victoire.

En cette bataille d'Yury le Marquis de Nefle mon beau fils fut blessé en quinze endroits de son corps, s'estât trop hazardé selon sa vigueur, & l'incôsideration de son âge, faisant ce que le plus vaillant hôme du monde pouuoit faire, & apres auoir demeuré trois heures dessous son cheual entre les morts, ayant en fin esté reconneu, fut porté à Annet pour y estre pensé, & depuis ie le fis conduire & amener chez moy à Esclimont où i'estois, & là quel que



bon soing & traitement que l'on y peust apporter il mourut le 12. iour d'Auril qui estoit iustement le trentiesme de ses blessures, me laissant vn extresme desplaisir & regret de sa mort, & sa veufue ma fille aînée n'ayant pas encores quinze ans & huiët mois accomplis sans enfans de leur mariage, laquelle demeura Dame de Maillé, & de Roche-Corbon pour son dot & conuentions de mariage, & douairiere du Comté de Joigny, avec six mil liures de rente, apres auoir aussi demeuré cinq ans deux mois en cedit mariage, la dissolution duquel nous fut à l'vn & à l'autre d'autant plus insupportable que nous auions conceu de grandes esperances de ceieune Seigneur; ainsi le nommay-je comme estant de cette illustre maison de Laual tant recogneüe en France, & doué de tant de belles & agreables qualitez soit de l'esprit, soit du corps, que ie m'en estois promis beaucoup de consolation, tant pour ma fille que pour moy.

Au mesme temps le Sieur de Chasteau-pers François Hurault, aîné de la maison du Marais, de nostre famille, fut blessé à vne rencontre pres d'Orleans dont six iours apres il mourut, laissant vn fils & vne fille de Dame Rachel Coſhesillet fille du Seigneur de Vaucelas & Henôville. Apres ladite bataille d'Yury ainsi heureusement gaignée par le Roy, il s'en vint droit à Mantes qui se rendit fort volontairement à son obeïssance, bien que Monsieur du Mayne se sauuant de ladite bataille y eust passé pour tascher par beaux & artificieux discours de se conseruer ladite ville, comme importante & fort proche de Paris; & là le Roy demeura enuiron quinze iours & toute son arméeaux enuiron pour se rafraischir, attendant quelque renouvellement de poudres & autres mu-

nitions de guerre qui luy vindrent d'Angleterre, qui fut vn mauuais cōseil : car iouissant de la victoire, s'il eust esté tout droict à Paris, l'estonnement & l'effroy y estoient si grands parmy le peuple, & y auoit si peu de viures & de munitions necessaires à soustenir vn siege, & toutes les clostures y estoient ja rompuës, & les aduenües en si mauuais defences que sans doute il en eust eu meilleur marché qu'il n'eut apres: mais le dilayement donna nouveau courage aux Parisiens, ou pour mieùx dire temps & loisir à ceux qui s'y sauuerent de prendre party, & moyen de faire promptement apporter & entrer en ladite ville tout ce qu'ils peurent amasser és enuiron, de viures & d'autres choses conuenables à vn siege pressé, & si par les faux bruits & rapports que l'on y faisoit courir que le Roy auoit plus perdu d'hommes en ladite bataille que Mondit Sieur du Mayne.

Cependant ledit Sieur du Mayne apprehendant avec raison la colere & la legereté du peuple de Paris, n'y voulut point entrer, ains seiourna quelques iours à S. Denis, où il fut visité de Monsieur le Legat, Cardinal de Plaisance, del'Ambassadeur d'Espagne Don Bernardin de Mendosse, de Monsieur l'Archeuesque de Lyon, qui auoit le *leur* de ladite Ligue, & d'autres principaux en fort petit nombre, & estant moindre de beaucoup que ledit Sieur du Mayne ne l'eust desiré & creu, tellement qu'il fut resolu audit S. Denis de s'en aller, comme il fit, en Flandres, pour y chercher quelque secours, & d'enuoyer à mesme effect en Espagne, leur voulant persuader plus d'aduantages & de moyens en ses affaires de France que luy mesme n'en croyoit: mais les hommes de cette qualité & en cét estat sont forcez de se seruir de leurs artifices.

Au mois d'Auril de ladite année quatre-vingt dix, le Roy voulant se rapprocher de Paris, se rendit maistre de la ville de Montreau faut-Yonne, puis de Corbeil, de Lagny & de Melun, pour tenir tout le dessus de la riuere, & assiegea la ville de Sens, qu'il ne peut emporter, bien qu'il y eust fait donner diuers assauts, & vers la fin dudit mois retourna diligemment vers Paris, & se saisit du pont de Charanton & autres bourgs & villages des environs dudit Paris, mit ordre au logement de son armée qui pouuoit estre d'environ douze mille hommes de pied & prés de trois mil cheuaux, & avec cela assiegea la dite ville de chaque costé de la riuere, ou pour mieux dire la boucla pour empescher l'apport des viures en icelle autant qu'il peut, & tascha de se saisir de Saint Denis, & du Chasteau du bois de Vincènes qu'il ne peut auoir; tellement qu'il se contenta pour estonner les Parisiens de leur donner force refueille-matins & aubades à coups de canon de dessus les montagnes de Montmartre & de Monfaucon, où Monsieur de Giury qui en auoit toute la charge commença à se signaler par infinies courses & bourrasques qu'il fit dans les faux-bourgs comme Monsieur de Vitry de l'autre costé alloit soustenir; parmy lesquelles le bon homme Monsieur de la Nouë s'y fourant trop auant selon son courage fut blessé d'un coup de mousquet en la cuisse dans le faux-bourg S. Martin.

Monsieur le Duc de Nemours commandoit alors dedans Paris par l'eslection du peuple, & auoit-on dedans autant & plus de forces que le Roy dehors; tellement qu'à toute heure se faisoient forces escarmouches, sorties & combats de l'un & de l'autre costé, pendant que les Predi-

cateurs, entr'autres Boucher, Feu-ardent, & le petit Fucil-  
lant retenoient par les oreilles avec artifice le peuple, &  
l'animoient contre le Roy, leur luy persuadât leurs biens,  
leurs fortunes & leurs vies n'estoient rien, pourueu qu'ils  
ne tombassent en la puissance d'un Roy heretique & re-  
laps, & déclaré incapable de la Couronne, & ce fut lors  
que par la conduite & inuention de Monsieur Rose  
Euefque de Sélis, & le Prieur des Chartreux, fut faite cette  
grande procession de la Ligue à Paris, où tous les Princes,  
Grands, & autres de ce party, assisterent avec toutes les  
principales Châtées de la ville, tout le Clergé & peuple d'i-  
celle, & sur le grand Autel de Nostre Dame les sermens de  
rous, contre le Roy, furēt renouellez, & plus augmētez  
qu'auparauant; & sur ce que au fort du siege ledit Sieur  
Rose en refit encore vne autre à sa fantaisie, des Ecclesi-  
astiques seuls, dont la pluspart portoient quelques armes  
au grand scandale de l'Eglise & publique derision de son  
auteur & des assistans; les esprits élueillez prirent su-  
jet d'en faire cette plaisante description qui se trouue  
dans le liure du Catolicon depuis imprimé à la honte &  
confusion de ladite Ligue.

7 p. 170. Tout cela dura iusques vers la fin de Iuin, durant lequel  
tēps Messieurs de la Cour de Parlement demeurāt à Paris,  
& fauorisant ledit party de la Ligue, dōnerent vn Arrest à  
la poursuite & requisitiō du Procureur General, qui lors  
y suruint, par lequel ils declaroient criminels de leze Ma-  
iesté tous ceux qui parleroient d'aucun traitté d'accord  
auec le Roy de Nauarre, deffendant à peine de la vie de  
s'en entremettre, ny d'en proposer aucune condition,  
comme ne pouuant estre que fort preiudiciable au bien  
del'Estat & de la Religion Catholique, Apostolique &

Romaine, & commandant à tous les habitans de Paris, de recognoistre & obeir entierement à Monsieur le Duc de Nemours, & firét publier ledit Arrest à son de trompe par tout Paris, tellement que cela, avec les impudens discours des Predicateurs, fut cause que le menu peuple & plus insolent de ladite ville ietta dedans l'eau plus de vingt prisonniers pour auoir seulement parlé dudit accord, & dit qu'il estoit desirable à tous les gens de bien.

Pendant cela le Roy avec son armée de tous costez, pressant de iour en iour dauantage lescits Parisiens, la misere & famine s'y accreut, & s'augmenta de telle sorte, que nos histoires n'en rapportét point vne pareille; mesme celle de Sancerre pour les Huguenots n'estoit si grande; car au commencement dudit siege de Paris, s'estant trouué dedans deux cens mille personnes de compte fait, & du bled seulement pour couler vn mois, & quelque peu d'auoine pour les plus miserables; l'on proposa de mettre dehors ladite ville, tous les païsans, & autres estrangers qui s'y estoient refugiez; mesmes la pluspart des Religieux mendians, & autres personnes inutiles de deladite ville, quel'on trouua monter à prés de trente mille personnes; mais l'on n'osa entreprendre de l'excuter, seulement apres vne recherche generale des viures faite par tout, & principalement chez les Ecclesiastiques plus riches, & accommodez, on leur ordonna de faire chacun tous les iours quelques aumosnes à leur porte, pour soulager les plus necessiteux, & ce durant quinze iours, ce qui fut fait, tellement qu'en cette grande quantité de peuple, & peu de viures, il s'en trouua qui furent reduits à se substantier de vieil-oinct, dont l'on

fait la pluspart de la chandelle; d'autres à manger des chiens, chats & rats, & mesmes tous creus, comme ils les pouuoient attraper; d'autres des herbes & feüilles de vignes, cruës qui se vendirent publiquement & trescherement par les premiers de la ville; comme aussi vn meschante espee de ptyfanne, lors que le vin se trouua manquer, & d'autres contrains de faire & manger du pain des vicils ossements des morts qu'ils peurét trouuer, & tout cela apres que la pluspart des cheuaux, asnes & mulets, eurent esté consommez & mangez, soit par les riches, soit par les pauvres au commencement: car il estoit bien-heureux qui en pouuoit auoir, avec du pain d'auoine. Cette extreme necessisté ayant esté iusques dans les maisons & familles des Princes & plus grands de la ville, qui ne donnoient aux Gentils-hommes & principaux de leur suite, que demy liure de pain au commencement, & depuis six onces vers la fin dudit siege, avec fort peu de viande de vache, puis de cheual, selon le temps; & ainsi cette misere & famine desdits Parisiens fut telle à la fin, quel'on trouuoit tous les iours infinies personnes mortes par les ruës, dont le compte s'est trouué monter à prés de trente mille à la fin dudit siege, qui dura trois mois.

Et pour apporter quelque adoucissement à la grande misere desdits Parisiens; tout ainsi que Messieurs du Parlement de Paris tindrent ferme en leur resolution, & les Predicateurs en leurs discours animez contre le Roy; ceux du Conseil des Seize, qui avec Monsieur de Nemours dispoient alors absolument de ladite ville, ne manquerent par l'artifice des Courriers à toutes heures, & lettres supposées de Monsieur du Mayne, d'amuser & entretenir

entretenir le peuple du secours d'Espagne qui leur deuoit promptement venir du costé de Flandres; mais comme ledit secours n'arriuoit si tost qu'il eust esté desiré, Monsieur le Legat, outremaintes prieres publiques, & deuotions particulieres qu'il fit faire durât tout ledit siege, & grandes Indulgences qu'il y oëtroya, pour fortifier le peuple en ce party, se trouua obligé pour retenir les moindres & plus miserables, de faire de grandes aumosnes à la porte de son logis, par de la bouïllie, faite de son d'auoine, & force charitez particuliers qu'il enuoyoit dans quelques maisons, & à cela consumma iusques à sa vaisselle d'argent, apres auoir mangé toutes les autres commoditez qu'il auoit, & l'Ambassadeur d'Espagne donnoit de son costé, à mesme dessein, pour cent ou six =vingts escus de pain tous les iours, & faisoit distribuer force grandes chaudieres de bouïllie aux plus necessiteux, & defrayoit aussi près de deux mille prisonniers par iour pour l'argent qu'il falloit qu'il fournist aux gens de guerre; & enfin leur bailla ses cheuaux pour viure, apres auoir consommé tous ses deniers, son credit, & celuy de son Maistre, ayant vendu pour cela toutes ses bagues & sa vaisselle d'argët, & n'ayât gardé qu'une simple cuillier d'argent de reste pour son seruice; & est bon de n'oublier, que ledit Ambassadeur fit lors battre & faire vne grande quâtité de demy sols, marquez aux armes du Roy d'Espagne, qu'il faisoit ietter dans les carre-fours au plus simple peuple, lequel crioit par les ruës publiquement, *Vive le Roy d'Espagne*, & ses prieres eurent tel effect sur ledit peuple de Paris, qu'ils luy firent receuoir garnison contre leur profession & coustume, de force Lansquenets, & autres estrangers; & qu'ils donnerent tres-librement

tous, ou la pluspart, des chaudrons, chaudières, & autres métaux propres qu'ils auoient, pour fondre & faire soixante canons, qu'ils firent faire durant ledit siege.

Cependant le Roy qui sçauoit toute cette necessité par infinies pauures gens, qui desnuez de tout moyen deuiure dauantage dans ladite ville, s'exposioient librement au peril mesme de la mort, de sortir de cette misere, fit au mesme temps deux choses; l'une de brasser & remuer toutes les intelligences qu'il pouuoit auoir par ses seruiteurs dās Paris; l'autre de presser tousiours de plus en plus ceux de ladite ville par diuerses attaques de tous costez à la bloquer, & autres effects de guerre; la premiere ne reüssit pas mal, car y ayant encore force bons François, gens de bien & de ses seruiteurs dedās, bien qu'ils n'osassent quasi s'entrecognoir, car il n'y auoit aucune esperance de pardon pour eux, estans descouverts, ne laissoient neantmoins, fortifiez de l'extresme necessité du simple peuple, de le faire crier publiquement qu'on luy donnast du pain, ou la paix, & cela en deux iours differends, dont le bruit du premier fut assez tost appaisé, mais celui du second fut plus grand, & fut mesme iusques dans la Cour du Palais, & donna bien plus de peine, l'Ambassadeur d'Espagne ayant esté contraint de faire venir pour sa seureté des Lansquenets en sa maison, car chacun crioit, que luy seul empeschoit le traité de paix; & Monsieur d'Aumale de s'exposer au hazard de la furie dudit peuple, avec quelques Gentils-hommes des siens, & d'autres qu'il auoit avec luy pour le faire retirer dudit Palais, ce qu'il fit si doucement avec la creance qu'il auoit acquise parmy le peuple, qu'ayant fait sortir tous, ou la pluspart desdits crians, il ferma les portes dudit Palais: il y en



fut retenu & pendu au meſme temps deux des principaux dudit tumulte, tellement qu'apres perſonne n'oſa plus crier; pour l'autre, apres que le Roy eut fait demolir & bruſſer tous les moulins des environs de Paris, il fit attaquer furieusement le vingt-troisiesme Iuillet mil cinq cens nonante, tous les faux-bourgs de Paris qu'il pût, lesquels il emporta, & ſe fortifia dedans iceux, avec de grands retranchemens & barricades contre ladite ville, logeant force canons dans les maiſons plus prochaines des portes qu'il preſſoit pour empêcher dauantage l'entrée & iſſuë en ladite ville, principalement à la porte Saint Honoré, & à la porte de Saint Martin; que le Roy attâqua furieusement, & ſouſtenu de Monsieur le Duc de Nemours, le mieux qu'il luy eſtoit poſſible, & ſi bien que tout cela ne produiſoit que bien peu ou point d'effect.

Et encores que toutes ces choſes ne produiſſent grand effect, elles ne laiſſoient de former parmy les Pariſiens, & les plus grâds Seigneurs, vne crainte de quelque mauuais euenement pour eux; & de fait l'on commença de laiſſer parler plus librement de quelques accommodemens avec le Roy, dont Monsieur de Saint ~~Lion~~<sup>Saint</sup> Mart, qui auoit eſté Ambaſſadeur à Rome, lors près du Roy, entra en quelques ſortes de Conferences avec Meſſieurs le Legat & Cardinal de Gondy, Eueſque de Paris, & ſe virent au faux-bourg S. Germain des Prez, comme d'eux-mêmes, & ſans charge de part ny d'autre; & depuis, ceux de Paris ſe trouuans plus preſſez, & ſe declarans dauantage, deſiroient fort cet accommodement, bien que les plus interreſſez & ſeditieux alleguaſſent, pour deſtourner le bien, le peril & l'exemple d'Allemagne & d'Angleterre, où les

Princes auoient contrainst les peuples à suiure leur Religion, quand ils les auoient reconneus estant d'autre que de la leur; les principaux neantmoins du Conseil d'entr'eux, hormis Monsieur de Nemours, qui n'y voulut iamais condescendre, deputerent & enuoyerent vers le Roy Mondit Sieur le Cardinal de Gondy Euesque de Paris, & l'Archeuesque de Lyon pour traiter, s'ils pouuoient, avec le Roy, lesquels les vint recevoir plus froidement qu'ils ne pensoient à S. Anthoine des Champs, qui fut le sixiesme d'Aoust 1590. Cette Conference assez remarquable, se trouue plus au long dans l'histoire de la Ligue, au quatriesme volume folio 340. & suiuan; où ils luy proposerent le grand bien qui arriueroit en ce Royaume par vne paix & reconciliation vniuerselle, qui ne tendoit qu'à la seule resolution, que tous les bons François desiroient voir prendre à sa Majesté, & suiure la Foy & Religion Catholique, tousiours receuë par tous ses predecesseurs & Princes, & iusques icy courageusement gardée & maintenue par tous lesdits bons François, & luy declarant que moyennant cette assurance, tous ceux de Paris estoient disposez de le recevoir & recognoistre pour leur Roy, & croyent que toutes, où la pluspart des villes de ce Royaume, suiuroient leur exemple, comme toute imbuë & retenue de cette misere & iuste apprehension; à quoy le Roy leur respondit qu'il scauoit assez que les necessitez extrêmes des Parisiens, qui se voyoient comme le cousteau à la gorge, les contraignoient de reuenir à luy; que neantmoins s'ils vouloient se rendre à luy, comme à leur vray & legitime Roy, il les receuroit avec toute misericorde; mais qu'il ne desiroit qu'aucune autre ville participast pour leur interest à cette bonté, ny que l'on luy parlast d'aucu-

nes autres conditions, n'estant raisonnable que les subiects imposassent quelque loy que ce soit à leur Prince; mais bien au Prince de pardonner & doucement traiter ses subiects, & se porter de soy-mesme à tout ce qu'il recognoistroit estre de la raison. Cette response suiuite de repliques & responses conuenables ausdits sieurs Deputez; l'on commença à supplier le Roy d'auoir agreable qu'ils peussent en conferer avec Monsieur du Mayne, sans lequel ils ne pouuoient rien resoudre, dont le Roy se sentant piqué, les refuse vn peu brusquement, & ainsi s'en retournerent lesdits Sieurs Deputez sans rien faire.

Pendant ledit siege de Paris, le Roy ne laissa d'assiéger Sainct Denis, & le brusler de tous costez, en sorte qu'ils eurent encore plus de necessité & famine que ceux de Paris, ayans esté reduits à quatre onces de pain par iour. Monsieur de Nemours y voulut faire entrer trente de ses gardes, des mieux montez, avec chacun vn sac de farine en croupe, dont les plus courageux y arriuerent, les autres regagnerent Paris, Monsieur d'Aumale amusant les troupes du Roy d'vn autre costé: mais tout cela ne pût empêcher que ceux de ladite ville de Sainct Denis se voyans frustrer, tant de l'esperance desdits viures, que du secours que Monsieur du Mayne leur auoit fait si longuement attendre & esperer, ne composassent avec le Roy qui les receut assez honorablement, n'ayant pour but que d'en demeurer le maistre.

Voilà à peu près les choses les plus importantes que j'ay peu cognoistre s'estre passées en ce Royaume, & à la Cour, durant mon estoignement d'icelle; & depuis que le feu Roy Henry troisieme mon Maistre me commanda, comincà tous les principaux de son Conseil, de nous

retirer chacun chez nous, ainsi que nous fîmes tous, dès le mois de Septembre quatre-vingt huit, comme ie l'ay cy-deuant remarqué en son lieu; & d'autant que ie ne le sçay que par la relation d'autrui, & rapport de mes amis, que nonobstant les craintes & mal-heurs de la guerre n'ont laissé de me venir visiter en ma maison & retraite d'Esclimont, s'il y a quelque chose de plus ou de moins survenu durant ledit temps ie m'en remets à la plus grande voye & cognoissance de ceux qui lors ont eu charge & maniment des affaires de cét Estat, me contentant de dire que dans la tranquillité que mon absence de la Cour m'a donné chez moy, parmy mes enfans & ma famille, durant près de deux ans que i'y suis demeuré, ie n'ay laissé de déplorer & apprehender incessamment les maux & ruines que ie voyois tous les iours tomber sur le pauvre Estat, lesquels m'estoient d'autant plus sensibles, que ie me voyois esloigné & priué de tout moyen d'y pouuoir seruir en ma cõdition, & faire paroistre ce que ie pouuois auoir de fidelité & d'affectiõ au biẽ de la France, & ce que l'experience que ie m'estois acquise de trente années de seruice que i'y auois auparauãt rendu, à quoy i'adiousteray que i'ay receu cette consolation pendant ledit tẽps, d'auoir tousiours esté plus affectiõnement visité, plus honorablement recherché, & plus aduantageusement cõserué en tous mes biens, par tous les Chefs & particuliers d'un & d'autre party, que ie ne l'eusse pũ desirer; ma maison ayant esté tousiours ouuerte à tous indifferemment, sans que iamais, graces à Dieu, la difference des assistances particulieres y ait apporté aucune querelle, se reseruant à disputer entr'eux apres qu'ils estoient prests de partir de chez moy.

Or comme en cedit temps & visites de force personnes de diuerſes & grandes qualitez, pluſieurs qui aimoiēt le ſeruite du Roy, & deſiroient le reſtabliſſement de ſon Conſeil & affaires pres de ſa Maieſté, luy propoſerent de me rechercher & cōmander de l'aller ſeruir, me trouuant lors le plus ancien, & premier Officier de cette Courōne, comme n'y ayant point lors de Conneſtable; & meſme croyant, ie le puis dire ſans ambition, que ie pouuois plus aiſement & prōptement qu'aucun autre, remettre toutes les choſes de la Cour en leur eſtat, au lieu qu'elles y eſtoiet toutes en telle conſuſion, qu'il n'y auoit aucune forme ny apparence de Conſeil, les guerres ayant tout dēreglē, & le Sceau eſtant entre les mains de M<sup>r</sup> de Neuers, & Mareſchal de Biron, qui paſſoient ou reſuſoient les affaires à leur fantaſie, ſans les iugemens & obſeruations qui y ſont neceſſaires, & qui importent le plus.

Le Roy donc eſmeu deſdites conſuſions de la Cour, & de ſes premieres ouuertes de moy à luy, ſouuent reitērées à mon deceu par pluſieurs de mes amis, de toutes fortes de qualitez qui eſtoient pres du Roy, & commis à ce faire par la grande connoiſſance & iugement qu'ils auoiēt de ce que i'eſtois, & ce que ie pouuois en cēt Eſtat; & neantmoins d'ailleurs aucunement retenue d'vne crainte que ie reſuſaſſe de l'aller trouuer & ſeruir, eſtant encore de la Religion, & ſe reſſouenant, comme il m'a dit à moy-meſme depuis, qu'en cette conſideration ie luy auois fait bien du mal vers la fin du regne du Roy Charles; & par l'eſtabliſſement & la conſeruation de celui du feu Roy; adiouſtant touſiours à cela qu'il ne m'en pouuoit ſçauoir mauuais gré, puis que ce n'eſtoit que pour le ſeruite de mon Maistre, & qu'il pouuoit attendre la meſ-

me affection de moy, quand ie luy aurois promis. Sa Majesté se resolut de me faire subtilement sonder, pour recognoistre mon intention, & pour cela employa durant trois ou quatre mois plusieurs personnes confidentes, souz faincte de visites & passages chez moy; entr'autres le sieur de la Varenne, qui n'estoit lors qu'un simple portemanteau, mais qu'il employoit en ses plus importâtes negociations & secretes affaires, y vint & m'en parla plus ouuertement qu'aucun autre: & comme tous auoient tesmoigné au Roy ce qu'ils en estimoient, sadite Majesté me fit l'honneur de m'escire de sa main, vne tres-honnestete lettre, me conuiant, comme bon François, & premier Officier de sa Cour, de l'aller assister & seruir en l'administration de ses affaires, & au retablissement de cet Estat, & me tesmoignant l'estime qu'il faisoit de moy, & des seruices que ie luy pouuois rendre, avec des paroles si courtoises & si ciuiles, pour vn Roy, que i'aduoue que i'en demeuray estonné & quasi honteux.

Cette lettre du Roy, me fut renduë à Esclimôt au mois d'Aoust quatre-vingt dix, & me fut apportée par Monsieur d'Esmeray de Thou, mon beau-frere, & qui auoit tousiours suiuy & seruy le Roy en son Conseil, comme Maistre des Requestes, lequel accompagna ceste dessusdite des autres motifs & raisons plus particulieres qui portoient sa Majesté à me faire ce commandement, dont le Roy l'auoit aussi chargé. Il faut que i'aduoue, que bien que d'assez long temps i'eusse preueu cela, neantmoins ie me trouuay en peine à me pouuoir resoudre promptement en chose si importante, estant combattu d'un costé par mon affection & obligation naturelle au bien de cet Estat, & par l'obeissance que ie deuois à mon Roy; & d'autre

d'autre costé retenu par les iustes apprehensions que i'auois du succez des affaires de sa Majesté, voyant quasi toute la France alors reuoltée contre luy avec vn tres-puissant ennemy, armé en teste; le Roy de contraire Religion, en laquelle il ne vouloit estre forcé, & sans changer laquelle, il estoit impossible de le veoir assurer de ce Royaume, & autres infinies considerations assez puissantes pour retenir toute autre personne de ma qualité, de ma fortune, & de mon âge; ioint aux continuelles & aduantageuses recherches, & de tres-grandes offres d'autorité & d'amitié que ie receuois tous les iours de Monsieur du Mayne; & de tous ceux de son party, pour m'y attirer, avec l'obligation que i'ay à la maison de Lorraine, dont tous les Princes m'ont tousiours fait l'honneur de m'aimer, & principalement le grand Cardinal de Lorraine qui m'auoit tiré du Palais, & honoré du principal establissement & aduancement que i'ay eu depuis à la Cour; mais non obstant toutes ces choses, ma conscience, mon honneur, & mon serment au vray interest & conseruation de cette Monarchie, me porterent & obligerent à la meilleure resolution, qui estoit de seruir le Roy, // que Dieu m'auoit donné pour Maistre, par vraye & legitime succession; veu mesme que ce scrupule de la Religion, qui seul retenoit beaucoup de gens de bien, estoit comme couuert par l'assurance que sa Majesté donnoit à tout le monde, & à moy particulierement, qu'il vouloit se faire instruire à la Religion Catholique; mais non qu'il fust dit, que l'on luy eust forcé.

Tellement que ie fis responce au Roy par ledit Sieur d'Esmerly, & de bouche, & par escrit, que ie receuois à grand honneur ce commandement qu'il plaisoit à sa Ma-

Q

jesté de me faire, & que ie me disposois de l'aller trouuer le plustost qu'il me seroit possible, apres que i'aurois estably quelque seureté à ma maison & famille; lesquels ie preuoyois courir fortune apres mon départ, ma maison n'estant assez forte, ny mes enfans assez grands pour resister au peril du voisinage, & de la haine que ses ennemis auroient contre moy, me voyant déclaré son seruiteur, & cela avec tous les respects, submissions & protestatiōs conuenables à telles responses; ie priay ledit Sieur d'Esmeray de faire trouuer bon au Roy de me donner vn mois pour pouruoir chez moy à toutes mes affaires, auant que ce commandement & mon obeissance fussent manifestez, estant certain que comme en toute ma vie i'en'ay iamais fait profession de mesnage, ny ne me suis meslé quasi de mes affaires domestiques, pour m'estre tousiours trop attaché à celles du Roy & du public; qu'aussi lors que ce commandement me vint, ie me trouuay si court d'argent, que sans Madame de Vaucelas ma voisine, & ma bonne amie qui m'aïda de quatre mille escus sur ma promesse, ie n'eusse peu y satisfaire, qui me fut vne assistance tres-grande pour le temps, de laquelle i'ay tousiours depuis ressenty & reconneu l'obligation.

Pendant que ie disposois avec peu d'esclat & de bruit en ma maison ce qui estoit necessaire pour la garde d'icelle & de mes enfans, qu'il falloit que i'y laissasse, & quant & quand pour mon equipage, ma suite & mon escorte pour aller à la Cour, ledit Sieur d'Esmeray rapporta ma response au Roy, & l'assura de mon tres-humble & fidele seruice, comme ie l'en auois prié; il ne peut obtenir le temps d'un mois que i'auois desiré pour pouruoir à mes affaires, disant sadite Majesté que huit iours pouuoient



suffire à tout; & non l'estat pressant de ses affaires, pour lesquelles il me desiroit, vn mois pouuant apporter trop de changement; & de faict en ses impatiences ordinaires aux choses qu'il a resoluës, il voulut qu'aussi tost Monsieur du Fay Châcelier de Nauarre, & qui auoit lors vn des premiers affidez rangs de son Conseil, & ledit sieur d'Esmeray avec luy, me vinssent retrouver ensemble, & me faire hastier de partir, & par eux me fit encore l'honneur de m'escrire de sa main, me coniuant de toute façon, & me pressant de l'aller aussi tost trouuer, & remettant audit Sieur du Fay la creance du reste, qui estoit de me faire entendre l'estat de toutes ses affaires, & ses alliances & menées, tant dedans que dehors le Royàume, & l'autorité absolue qu'il desiroit me rendre, tant pour tous ses Conseils, que pour le maniemment du Sceau, & autres affaires.

Cette seconde depesche & commandement si prefix & pressé m'e surprit, n'ayant encore pourueu à la moitié de mes affaires, & comme ie voulois tascher de rendre mes excuses & mon dilayement receuables pour encore dix ou douze iours seulement, apres leur auoir tesmoigné le ressentiment que i'auois du grand honneur que le Roy me faisoit, l'vn & l'autre desdits Sieurs du Fay & d'Esmeray me parlant comme mes amis & parens, me conseillerent de ne retarder dauantage à contenter le Roy, & me dirent qu'ils auoient reconnu qu'il prendroit aisement opinion si ie persistois audit mois de quelque froideur par moy, ou de trop peu d'affection à son seruice, ce que voyant ie me resolus avec eux de disposer au plustost toutes mes affaires pour luy complaire, scachant combien il importe à vn seruiteur que son Maistre prenne vne assurée opinion & cis-

ance de sa fidelité & de son affection, quand il entra à son service, pour empescher ce que les ennemis ou enuieux font d'ordinaire contre ceux qui manient les affaires des Grands, quand il y interuient quelque disposition du Maistre.

I'asseuray donc lefdits Sieurs du Fay & d'Esmeray, que preferant les interests du service du Roy aux miens particuliers & domestiques, ie partirois au plus tard de chez moy dans cinq ou six iours, dont ledit Sieur du Fay retourna incontinent porter ma parole par escrit & assurance au Roy, & me laissa ledit Sieur d'Esmeray près de moy, pour me presser incessamment & me faire partir d'as ledit temps, durant lequel i'acheuay du mieux qu'il me fut possible, toute la pluspart de mes affaires, laissant tous mes enfans à Esclimont & nombre suffisant de toutes personnes pour les seruir & les garder, & madite maison, avec quelques soldats que ie choisis dans mes terres, & quelques-vns d'extraordinaire que l'on y faisoit entrer en garde tous les iours, tous de mes subiects & villages, dont de tout, ie laissay le soing & la conduite au sieur de S. Laurens, l'un de mes anciens seruiteurs; en la fidelité & vigilance duquel ie laissay aussi mes enfans, ma maison & tous mes principaux, iusques à ce que i'y pûsse autrement pourvoir; & quant à moy ie me resolus de remener avec moy à la Cour tout le mesme train & equipage que i'y auois tousiours eu, & fis prier & aduertir quelques Gentils-hommes de mes voisins de m'obliger de m'accompagner & me faire escorte.

Toutes choses ainsi resoluës & disposées, ie partis d'Esclimont le ..... iour de Septembre mil cinq cens. quatre-vingt dix avec ledit sieur d'Esmeray & toute ma

fuitte, & enuiron de deux cens Gentils-hommes tous bons soldats, & bien armez & montez, qui me firent cette faueur plus promptement que ie ne le desiray, de me suivre; pour moy ie me mis avec ledit sieur d'Esmercy dans mon coche, me tenant tousiours botté, & faisant tenir vn bon cheual prés de moy, si dauenture il suruenoit quelque chose: ainsi accompagné i'allay à Ramboüillet, où ie rencontray mon neveu de la Roche des Aubiez, qui m'amenoit encore enuiron deux cens cheuaux d'escorte, qu'il auoit pris de ses amis dans l'armée du Roy, & avec tout cela i'allay coucher à Trappes, d'où le lendemain ie partis, & prenant mon chemin par S. Cloud, ie rencontray encores trois ou quatre cens cheuaux que Monsieur le Marechal de Biron par le commandement du Roy enuoypit au deuant de moy pour passer plus seurement aux enuirs de Paris, & me conduire droit au quartier du Roy, qui estoit lors au village d'Auberuilliers, entre Paris & Saint Denis, pour estre plus proche de l'vn & de l'autre siege, où graces à Dieu i'arriuy heureusement, & trouuay que mon logis estoit tout prest; & mesme vn quartier ordonné pour l'escorte que i'auois amenée de Beauisse, car pour tous les autres estans de l'armée, ils retournerent chacun en leur quartier apres que ie les eus remerciez de leur courtoisie & assistance.

Auant que d'entrer dans le village d'Auberuilliers, où pour l'heure le Roy estant party pour faire quelques courtes vers S. Denis, qui estoit fort prest de se rendre, vindrent au deuant de moy, qui à cheual qui à pied, quasi tout ce qui estoit du Conseil & de la Chancellerie, avec infinis de mes amis, tous tesmoignans vne extreme ioye de mon arriuée à la Cour, & disans tout haut qu'ils croyoient voir

reuenir le bon-temps avec moy, & estant descendu à mon logis, tout le reste de ceux de là Cour, hormis ce qui auoit fuiuy le Roy, me vindrent tous aussi tost voir & me gratifier de toute sorte de conioüissance & de protestation d'amitié & de respect, comme c'est l'ordinaire du monde qui suit le vent avec trop peu de consideration, & ordinairement trop de crainte & d'abiection de courage; pouuant dire icy sans aucune vanité que ie vins de cette sorte à la Cour, avec mesme egalité d'esprit & contentement pour moy que i'en estois party, croyant qu'aucune faueur ou defaueur ne soit capable d'attrister ou abaisser, ny mesme d'esbranler la constance, conduite & iugement d'un homme de bien.

Quelques heures apres mon arriüée audit village d'Auberuilliers, le Roy y vint, lequel aussi tost m'enuoya querir, & comme chacun est curieux de voir aux premiers abords les nouueaux-venus, ie trouuay tout ce qui estoit venu avec moy pour m'y accompagner, ou par le chemin qui n'estoit loing, ou dans le logis du Roy, ou près de sadite Majesté, laquelle me fit l'honneur de me recevoir dans sa chambre, accompagné des Princes, Officiers de la Couronne, & autres Seigneurs, & grands personnages qui estoient près d'elle, estans bottez & demy armez, avec tous les tesmoignages de bien-veillance & affection que i'eusse peu desirer. Estant venu iusques près de la porte de sa chambre, selon son humeur prompte, pour m'yrecevoir aussi tost, ce fut de m'embrasser & caresser avec toute sorte de ioye & d'honneur, me disant tout haut par plusieurs fois ces mesmes paroles : *Vous soyez le mieux que tres-bien venu : le suis assez content, & me tiens maintenant assez fort, puisque ie vous ay prez de moy,*

estimant qu'à vostre exemple tous les autres Officiers de ma Couronne & de tous les bons François me reconnoistront pour leur Roy, & me viendront bien tost servir, m'assurant cependant tellement de vostre foy liée & affection en vostre experience & conduite, que j'estime desia toutes mes affaires restables, comme ie les desire: Et comme ie le remerciois de tant d'honneur & de confiance qu'il me faisoit paroistre, s'estant retourné vers la table sur laquelle le sieur d'Armagnac son premier valet de chambre tenoit les Sceaux, prenant lesdits Sceaux & les clefs ensemble s'adressant à moy, me dit encore ces mesmes paroles: Monsieur le Chancelier, voila deux pistolets desquels ie desire que vous me seruiez, & que ie sçay que vous pourrez fort bien manier: Vous m'avez avec eux bien fait du mal plusieurs fois, mais ie vous pardonne, car c'estoit par le commandement, & pour le service du feu Roy mon frere, seruez moy de mesme, & ie vous aimeray autant & mieux que luy, & croiray vostre conseil, car il s'est trouué mal de ne l'auoir voulu suivre. Et ce disant me bailla lesdits Sceaux de sa main, laquelle ie baisay en les receuant, & luy protestât toute la fidelité & diligence qu'il se pourroit promettre de moy & de mestres-hübles & tres-affectionnez seruices; apres quoy il me dit encore ces mots: Aimez-moy ie vous prie comme ie vous aime, & croyez que ie veux que nous viuions comme si vous estiez mon pere & mon tuteur. Puis se tournant vers ceux qui estoient là, leur dit: Messieurs, ces deux pistolets que ie baillé à Monsieur le Chancelier ne font pas tant de bruit que ceux dequoy nous tirons tous les iours, mais ils frappent bien plus fort & de plus loing, & le sçais par experience par les coups que i'en ay receus: & apres que chacun eut tourné les discours du Roy en raillerie & galanterie de Cour, sa Majeste me prit par la main, me mena à vne fenestre où il commença à

s'ouvrir à moy de ses plus particulieres intentions, & secrettes & importantes affaires; & d'autât que ce discours ne pouuoit estre que fort long estant ja tard, il me remit au lendemain où il me fit l'honneur de me tenir seul dans son cabinet plus de trois heures, dont certainement ie reportay de tres-grandes satisfactions & bonnes esperances d'un heureux succez en ses affaires, pour les bonnes intentions & resolutions que ie reconneus qu'il auoit; & principalement de ce qu'il m'assura qu'il se feroit instruire en la Religion Catholique.

Ayant donc ainsi receu & repris les Sceaux de France, il est aisé à iuger si apres tant d'honneur & de bienveillance que le Roy m'auoit fait, chacun ne s'efforça pas de redoubler & multiplier les bons accueils & accollemens qu'ils m'auoient faits auparauant; car ainsi va le monde qui est vn vray pipeur pour ceux qui s'y fient. Pour moy ne m'amusant à tout cela, & neantmoins m'estudiât toujours à contenter, satisfaire & obliger tout le monde, comme ç'a esté mô ordinaire procedé en toute ma vie; ie commençay dès le lendemain de mon arriüée à la Cour à ouurir & tenir le Sceau, comme si i'en eusse point party, mesme à regler la forme & les heures du Conseil du Roy, selon les affaires & les personnes que i'y trouuay près de sa Majesté pour y seruir; & manday de tous costez, apres l'auoir fait trouuer bon au Roy, tous les meilleurs & plus anciens Officiers de toutes qualitez que ie recognoissois en ce Royaume, pour reuenir chacun faire leurs charges près de sa Majesté, & les assurant du bon traitement & contentement que chacun en receuroit; à quoy tous ou la pluspart vindrent incontinent satisfaire; à bien vingt desquels & les plus grands ie fis escrire par le Rby; aux autres

autres ie me contentay de leur escrire, comme en ayant eu charge de sa Majesté, & puis dire que mon entreprise en cela, & la creance que i'auois acquise parmy lesdits Officiers seruit de beaucoup à les r'appeller à leur deuoir, les encourageant à mon exemple de se declarer, & leur donnant adresse & seureté pour venir trouuer le Roy, avec quelques commoditez & gratifications aux plus tiedes & auaricieux, ou ruinez, par le moyen du don, des fruiçts, dont sa Majesté trouua bon que nous fissions largesse; tant pour contenter ses seruiteurs, ausquels pour lors elle ne pouuoit dōner autre chose, & attirer d'autres par cette liberalité, & tousiours d'autant estonner & incommoder ses ennemis & ceux qui demeureroient és villes de leur party: tout cela succeda si heureusement que dans peu de temps la Cour commença à se grossir, & quel'on y vit les choses restablies à peu pres selon leur ancien establissement; si bien qu'au lieu des desordres & confusions qui s'y estoient mises depuis la mort du feu Roy, l'ordre & la dignité Royale commença peu apres à y paroistre, pour telmoigner dauantage que le Roy n'auoit aucune auersion, ains plustost dilposition à la Religion Catholique; incontinent nous receusmes la musique de la Chappelle du Roy, dont Monsieur l'Archeuesque de Bourges prit la charge, pour à la suite de la Cour dire tous les iours la Messe du Roy, & faire des prieres continuelles pour sa conseruation & conuersion, & avec ce nous faisions des processions & autres actes de pieté selon le temps & les occurences.

Ce fut alors que reprenant mon premier mestier, ie commençay & continuay à seruir le Roy le mieux & plus soigneusement qu'il m'estoit possible, en me portant iour

R.

& nuit avec passion & fidelité à tous ses intereffs, avec telle conduite que ie me puis fans vanité donner quelque partie de la gloire deuë aux bôs succez qui en font arriuez du depuis, au bien & à la cōseruation de cette Monarchie; & parce que ie ne veux m'estendre dauantage sur les seruices particuliers & importans que i'y ay rendus, que i'aimē mieux laisser descrire par autruy & iuger à la posterité que par moy mesme, ie reprendray icy la suite des choses plus remarquables & importātes qui se sont passees en France depuis mondit retour à la Cour, aucunes desquelles ont peut-estre souuent mal reüssy, pour auoir esté faites loing du Roy, sans aucun ordre ny commandement de sa Majesté, par la faute & imprudence de ceux qui commandoient pour elle en ses armées & prouinces; d'autres pour auoir esté mal conduittes pres d'elle, bien que mieux deliberées, quand sa Majesté a voulu se donner le loisir, & neantmoins tout succeda si heureusement, plustost par la grace de Dieu que par la conduite des hommes, que nous pouuons dire que d'un Prince Huguenot, hai & contredit quasi de tous les Frâçois, nous le voyons à present tres-bon Catholique, aimé & honoré extremement obey de tous ses subiects, & infiniment craint & respecté de toutes les nations voisines.

Et pour reuenir aux affaires du temps, apres que le Roy eut emporté Sainct Denis, quelques iours apres que ie fus prés de luy, il receut aduis que le Prince de Parme Gouverneur de Flandres pour le Roy d'Espagne, enuoyé par son Maistre en France pour le seruice de la Ligue, amenoit douze ou treize mil hommes de pied, & enuiron trois mil cheuaux, & se ioignoit avec Monsieur du Mayne qui auoit aussi vne assez belle armée, & que tout cela venoit droit



vers Paris pour en faire leuer le siege, & estoient desia à Meaux, où publiquement ledit Prince de Parme protestoit n'y venir de la part du Roy d'Espagne son maistre que pour maintenir & cōseruer la Religion Catholique, & non pour y prendreny luy acquerir aucunes des villes ou places de ce Royaume; à quoy sa Majesté voulant remedier se resolut à deux choses; l'une de donner sauf-conduit ausdits sieurs Cardinal de Gondy & Archeuesque de Lyon qu'ils demandoient pour aller conferer avec mondit sieur du Mayne, des propositions d'accommodements que i'ay cy-deuant remarquées auoir esté faictes à Saint Anthoine des Champs le sixiesme Aoust precedent; l'autre d'aller au deuant dudit Prince de Parme & Duc du Maine, qui le voyoit venir fondre sur luy avec vne puissante & fraische armée; & luy ayant la sienne toute recreüe & lassée d'un si long siege que celuy de Paris, lequel ce faisant, il fallut abandonner, n'ayant pas mesme assez de toutes les forces qu'il auoit, & qu'il pût promptement mander & ramasser pour s'opposer à vne si prochaine violence; & ainsi laissa les faux-bourgs de Paris & les enuirons fort ruinez, & le peuple qui restoit dedans Paris grandement resioüy de se voir soulagez de leur misere, dont ils ne manquerent à faire voir leur contentement par les prieres & resioüissances publiques qu'ils y firent; ladite ville ayant esté assiegée quatre mois entiers depuis la fin du mois d'Auril iusques au vingt-neufiesme d'Aoust que le Roy en leua le siege, & disoit-on que cinq choses auoient conserué ladite ville de Paris, à sçauoir l'esprit & la valeur de Monsieur d'Aumale Gouverneur d'icelle, la presence de Monsieur le Legat, les aumosnes & liberalitez de l'Ambassadeur d'Espagne, les persuasions

des Predicateurs, & les nouuelles feintes, non vrayes, enuoyées par Monsieur du Mayne, & publiées à propos par les Princeſſes de la Ligue, & principalement par Madame de Montpenſier.

Les propoſitions d'accommodemens portées à Meaux à Monsieur du Mayne par leſdits Sieurs Cardinal de Gondy, & Archeueſque de Lyon, furent tres-mal receuës, & ſans aucun eſſect; ledit ſieur Duc du Mayne eſtimant le Roy trop foible & ſe ſentant luy trop fort; outre qu'il ne pouuoit plus alors certainement rien faire de luy-meſme, & ſans ledit Prince de Parme, lequel tenoit les deſſeins de ſon Maistre pour ne les communiquer, qu'autant qu'il ne vouloit, à mondit ſieur Duc du Mayne, lequel il commençoit deſia de traiter à l'Eſpagne & avec force meſpris.

D'autre part le Roy ne faiſant paroître aucun deſir ny experience dudit traité & accommodement, bien que luy & tous ſes bons ſeruiteurs l'euffent bien deſiré, voulant preuenir ſes ennemis & leur faire voir ſa reſolution & ſon courage, enuoy a vn herault auſdits ſieurs Princes de Parme & Duc du Mayne, leur demâder la bataille, à quoy ledit Prince de Parme qui lors y pouuoit tout, reſpondit audit herault, que le Roy ſon maistre l'auoit enuoyé pour empêcher que la Religion Catholique ne fuſt alterée ou moleſtée en Frâce, & faire leuër le ſiege de Paris; que pour l'vn il l'auoit deſia fait ſans grand peine, & qu'en l'autre il eſperoit faire reüſſir les iuſtes intentions du Roy ſon maistre, & que ſ'il trouuoit pour y paruenir que ce fuſt le plus court de donner la bataille il le feroit, & contraindroit le Roy de Nauarre à la recevoir, ou ſe porteroit à autre choſe ſelon qu'il luy ſembleroit le plus à propos; &

de fait suivant son premier dessein il alla assieger Lagny, qu'il emporta par assault, quelque secours que le Roy yeust sceu apporter, lequel avec toute son armée fut trois ou quatre iours près de Chelles pour attirer ledit Prince de Parme au combat par toutes occasions & escarmouches possibles; à quoy il ne voulut iamais songer, se contentât de satisfaire à ses desseins, qui estoient de se rendre maistre du pont dudit Lagny, & s'y retranchant tellement avec toute son armée contre le Roy qu'il ne le peust attaquer, & ainsi emporta Lagny, faisant de tres-grands reproches à Monsieur du Mayne pour les mauuais aduis qu'il luy auoit doné de l'armée du Roy, l'ayant assuré qu'elle n'estoit que de dix mil hommes, & il la trouuoit parfaitement belle, comme composée de dix-huit mil hommes de pied, desquels il y auoit six mille Estrangers & cinq à six mil chevaux, dont il y auoit près de quatre mil Gentils-hommes François, des plus grandes maisons de ce Royaume, avec force Princes, Ducs, Marechaux de France & autres Officiers de la Couronne, & du Roy, qui commençoit desia à se reconnoistre & ressembler vn peu de sa Majesté.

Le Roy voyant ne pouoir pour l'heure micux faire, & craignant avec raison, la dissension de son armée, comme grandement ennuyée & fatiguée d'vn si long & inutile siege qu'auoit esté celuy de Paris, & se promettant quelque rafraichissement & secours enuoyé du costé d'Angleterre & quelques finances de celuy de Normâdie, se resolut de s'y retirer & s'y en alla, & neâtmoins voulut encore auparavant essayer de faire quelque effort sur Paris, ayant fait donner vne allarme sur les vnze heures du soir vers la porte Sainct Iacques, & souz feinte d'vne retraicte, fit

couler & passer dans le fossé tirant à la porte Saint Marceau force bons soldats, avec eschelles, pour à la faueur d'un grand broüillas qu'il faisoit, donner vne escalade à la porte, fauorisez d'un grand nombre de Parisiens que sa Majesté auoit dedans, & qui s'estoient resolus à ce peril, pour les grâdes apprehensions qu'ils auoient de la domination Espagnolle où ils se voyoient tomber: mais tout cela demeura inutile, parce que quelques vns, entr'autres vn Libraire nommé Niuelle, descouurirent cette entreprife, qui fut le dixiesme Septembre 1590.

Cependant lesdits sieurs de Gondy & Archeuesque de Lyon, apres auoir conferé à Meaux avec lesdits Princes de Parme & du Mayne, des moyens d'accommodemés, desquels ceux de Paris les auoient chargez, bien que leurs desseins en fussent lors du tout esloignez, ils ne laisserent de leur en donner de bonnes esperances & paroles, Monsieur du Mayne protestant publiquement qu'il desiroit la paix, & neantmoins ne laissoit d'escire souz main par vn sien Secretaire à ses principaux amis dedas Paris, qu'ils ne prissent aucune allarme dudit traité, voulant plustost mourir que de consentir à la paix; tellement qu'une lettre qui portoit ces paroles, tomba par hazard és mains dudit sieur Archeuesque de Lyon, qui se sentit grandement offensé de telles contrarietez de discours & resolutions, avec des paroles trompeuses qu'il leur faisoit rapporter, dont pour excuse ledit sieur du Mayne luy dit qu'il auoit esté surpris à signer, & n'auoit veu ladite lettre: Au mesme temps d'autre costé Monsieur de Villeroy l'entretenoit à mesme dessein de la paix, par entreueüs & communications assez frequentes avec Monsieur du Plessis Mornay, & le tout en vain.

L'vnziesme Septembre 1590. Le Roy estant à Gonesse où il s'estoit retiré le soir precedant, apres n'auoir peu attirer ses ennemis à vne bataille, ny les empescher d'emporter Lagny, il tint vn Conseil fort celebre, de tous les Princes, Officiers de la Couronne, & des premiers de son armée, où il leur proposa la resolution qu'il desiroit prendre, avec leurs aduis, de separer son armée pour donner temps à vn chacun de s'aller vn peu rafraischir & esquiper de nouueau chez soy, & se tenir prests au premier madement lors qu'il verroit les premiers feux & effects passez de cette nouuelle & si furieuse armée; & cependant de munir de bonnes garnisons toutes les places & passages qu'il auoit aux enuirs de Paris, comme Saint Denis, Senlis, Melun, Corbeil, Mantes, & Meulan, retenir près de luy vne armée legere, tant pour sa seureté & de ses affaires, que pour tourmenter & entreprendre tousiours quelque chose sur ses ennemis, ou au moins les empescher de rien faire dauantage contre luy; enuoya Monsieur le Prince de Conty en Touraine, Anjou, & le Mayne; Monsieur de Mont-pensier pour demeurer en Normandie; Monsieur de Lógueuille en Picardie; Monsieur de Neuers en Champagne, & Monsieur le Marechal d'Aumont en Bourgongne, chacun avec des troupes & forces choisies desdits pais, suffisantes pour contenir lesdites Prouinces en bon estat; ce qui estant entierement approuué de tous, fut resolu & executé, ne se pouuant alors mieux faire; & de cette resolution les aduis & depesches furent enuoyees à tous les Gouverneurs, Parlements & autres principaux seruiteurs de sa Majesté.

Les choses estant en cet estat, le Prince de Parme voulant dauantage soulager & deboucler Paris, assiegea & prit

Corbeil, & ne peut neantmoins gagner le cœur des Parisiens, qui commencerent aussi tost à se deporter, & à s'ennuyer de la domination Espagnole; tellement que ledit Prince de Parme voyant la multitude & l'insolence de ce peuple, qui ne se pouuoit ny maistriser ny retenir par force, se delibera de s'en retourner bien accompagné, de peur des troupes du Roy qu'il craignoit, & estimoit infiniment; ce qu'il fit vers la fin de Nouembre audit an 1590. & le Roy ne manqua de se retrouver & le suiure à son depart, & le tourmentant & troublant tousiours iusques à ce qu'il l'eust conduit aux frontieres d'Artois, & mis hors de ce Royaume; sa Majesté estimant aussi grandement la conduite & le iugement dudit Prince de Parme; & aussi tost que sadite Majesté fut reuenue, elle reprit ladite ville de Corbeil par vne surprise courageuse, & bien conduite par Monsieur de Giury qui en acquit tres grand honneur; & pour nous autres du Conseil, & de la Cour, nous allâmes, plusieurs à Mantès, à Saint Denis, & à Senlis, où le Roy se rendoit, selon ses desseins & les occurrences du temps; & ainsi se passa ladite année 1590. la Ligue continuant ses mauuais desseins par tout, & principalement du costé des Prouinces, de Bretagne, de Prouence, & de Languedoc qui en estoient les plus embarrassee.

*Pape.*

Au mois d'Aoust de ladite année 1590. le 27. dudit mois mourut à Rome le Pape Sixte cinquieme qui auoit enuoyé Monsieur le Legat en France, auquel Pape Sixte succeda Urbain cinquieme, qui ne dura que treize iours, & en sa place paruint au Pontificat le Pape Gregoire quatorzieme, qui en suite de son predecesseur continua sa faueur à la Ligue, n'estant assez informé des mauuais desseins

desseins des auteurs d'icelle, ny de l'estat de la France & du grand nombre des gens de bien & bons Catholiques qui y estoient.

En cette mesme année 1590. voyant la commodité que i'auois de tirer auec seureté mes patures enfans que i'auois laissé à Escimont, & les oster du peril & des continuels desseins que l'on faisoit tous les iours en Beausse, de les prendre prisonniers pour m'affliger & m'incommoder grandement, ie me resolus de prier Monsieur le Marechal d'Aumont qui estoit fort mon amy, de vouloir m'obliger de prendre auec ses troupes son chemin par la Beausse, & passer prés de ma maison d'Escimôt, allât en Bretagne & Bourgogne comme il auoit esté arresté, afin que mes enfans souz sa conduite & seureté fauorable peussent gagner la Touraine, où il me dit qu'il vouloit passer, pour y aller voir Madame la Marechale d'Aumont sa femme qui y estoit; ce que ledit Marechal d'Aumont fit tres-volontiers, & pour ce ayant diligemēt aduertý S. Laurens que tout ce qui estoit en ma maison auec mesdits enfans fust prest auec mes meilleurs meubles pour les emmener auec Monsieur le Marechal d'Aumont, se destournât vn peu, prist son logis à Espernon, & prist le soing d'enuoyer querir mesdits enfans & de venir luy mesme au deuant, & les faisant tres-bien & soigneusement loger au meilleur logis de son quartier, & ainsi à la veuë de Chartres par Bôneuil, Chasteau-dun & Chasteau-regnault il me fit cette faueur de les rendre heureusemēt iusques dás le Chasteau de Mallé à deux lieues au dessous de Tours, où ie les enuoyay demeurer, la place estant bonne, & appartenant à ma fille la Marquise de Nesle qui estoit la premiere de mes enfans, ayant auec elle mes deux fils aînez & ma seconde fille,

m'estant contenté de mettre ces trois-là à couuert avec ma dite fille de Nefle, comme plus grande & plus enuieée, & laisser les deux autres avec bonne garde à Esclimont iusques à quelque autre occasion.

1591.

Au mois de Ianuier de l'annee suiuaute mil cinq cens quatre-vingts vnze le Roy ne pouuât s'empescher de faire quelques desseins sur Paris, s'en raprocha & recommença à incommoder & presser les Parisiens, & se fortifier de nouvelles troupes par le moyen de quelque argent frais dont la Reine d'Angleterre l'auoit assisté, tât de sa bourse que de celle de ses subjets, & le 20. dudit mois de Ianuier sa Majesté estant à Senlis, fit encore vne entreprise sur ladite ville de Paris, pensant se saisir de la porte de Saint Honoré, par le moyen de quelques determinez soldats de fortune, desguisez en paisans, qui souz ombre d'apporter & venir vendre des farines se deuoient saisir de la porte, & incontinent estre secourus du Roy qui vint à cét effect iusques au bout du faux-bourg S. Honoré, ayant fait couler la pluspart de son armée iusques au dessoubs de Mont-martre sans auoir esté descouverts, & neantmoins cette entréprise ne reüssit non plus que l'autre, car Monsieur de Bellin lors Gouverneur de Paris, ayant sçeu diuers aduis de quelques entreprises, sans sçauoir de quoy, fit terrasser ladite porte de S. Honoré & force grandes gardes de tout ce costé là, où il trouuoit pouuoir estre l'inconuenient, sçachant le chemin que tenoient les troupes du Roy.

D'autre costé Monsieur de Mont-pensier avec le Mareschal de Biron trauailloient heureusement en Normandie, s'estans saisis de Honfleur, & infinies autres places importantes audit pais pour le seruice du Roy, n'y restant plus



pour la Ligue que Roüen, le Haure, Pontoise, & deux ou trois autres places assez peu importantes, & en mesme temps Monsieur Desdiguieres & Monsieur de la Valette ioints ensemble aduançoient les affaires du Roy en Dauphiné, & en chasserent peu apres la Ligue, & Monsieur le Duc de Sauoye tout ensemble, & se donna entr'eux & ledit Duc de Sauoye vne espee de petite bataille en Prouence où il y eut plus de 2000. hommes tuez sur la place, 15. drapeaux gânez, tant d'Infanterie que Cauallerie, à la perte & honte dudit Duc, & au grand hōneur desdits Sieurs de Lelsdiguieres & de la Valette, & tres-grand aduantage au seruice du Roy, & aussi en ce temps Monsieur le Vicomte de Tourennes mesnagea vn seruice assez grand d'Alle-mans qui vindrent trouuer sa Majesté souz la conduite du Prince d'Enhalt, & Monsieur le Cheualier d'Aumalle voulant surprendre la ville de Saint Denis y estant facilement entré creut en estre desia le maistre, & comme il s'amusoit avec vne femme d'amour nommée la Rauerie, Monsieur de Vic Gouverneur de ladite ville s'estant reconnu, & prenant l'occasion, en ramassant courageusement ses gens tous desperdus, fit en sorte qu'il regagna ladite ville, & en chassa honteusement les ennemis du Roy, & les fit retirer par les mesmes lieux qu'ils y estoient entrez, & par vne porte de la ville qu'il leur fit exprés ouurir, par la facilité de laquelle la pluspart s'en refuirēt, & non tous; car il en demeura bonne quantité pour les gages, & entre autres ledit sieur Cheualier d'Aumalle, lequel aduertuy de ce changement par luy non preueu, estant plongé dans les delices, ne voulant partir de l'hostellerie de l'Espée Royale où il estoit avec cette femme, se trouua tellement surpris & enuironné des gens dudit sieur de Vic, que n'a-

*Anhalt.**Aumale.*

yant que peu du reste des siés avec luy, apres s'estre defen-  
du parfaitement bien, & fait tout ce qu'un genereux sol-  
dat peut faire, il y fut en fin tué, de tant de grands & diuers  
coups qu'ils ne le peurent iamais reconnoistre, quelques  
vns s'imaginās qu'il se fust eschappé; mais comme ceux de  
Paris enuoyerent redemāder & rechercher les corps il eust  
esté impossible de le discerner des autres si ladite Rauerie  
ne l'eust elle mesme trouué & reconneu parmy les morts,  
au moyen des chiffres d'amour qu'elle luy auoit de long-  
temps graué & figuré dans le bras, & ainsi son corps fut  
trouué, rendu & renuoyé aux Parisiens, qui en tesmoi-  
gnerent vn incroyable deuil, & le firent magnifiquement  
enterrer à S. Iean en Gréue dont le Curé auoit esté son  
Precepteur, & voila comme perdit la ville de Paris vn de  
ses premiers & de ses meilleurs Capitaines.

Et comme les affaires du Roy de tous costez commen-  
cerent à prospérer peu à peu, en ce mesme temps aussi  
Monsieur de Mercure, souz le nom de la Ligue, aduāçoit  
ses affaires en Bretagne, & y prit quelques petites villes  
pour soy, pendant que le Roy d'Espagne fit couler sur  
cette coste vne armée nauale avec laquelle il s'empara du  
fort de Blauer qu'il fortifia grandement, y adioustant l'art  
de nature, courrant son vlsurpation en cela du pretexte  
d'une pretension qu'il disoit auoir sur la Duché de Bre-  
tagne, à cause de Madame Elisabeth de Frâce Reine d'Es-  
pagne sa femme, de laquelle il auroit eu deux filles, à l'ai-  
née desquelles il disoit ledit Duché de Bretagne deuoir  
appartenir.

Comme aussi le Pape Gregoire quatorziesme decerna &  
renouella la Bulle en cedit temps d'Excomunication, &  
interdiction donnée auparauant par le Pape Sixte contre

le Roy Henry troisiſme & le Roy de Nauarre Henry IV. ſon ſucceſſeur, & tous leurs adherans & fauteurs, & enuoya à ceſte fin vn nouueau Nonce, & continua pour Legat en France le Cardinal de Plaiſance, pour republier de nouueau ladite Excommunication, & la voulant fauorifer en la ſecourant auſſi de puiffance temporelle, luy enuoya vn ſecours de ſix mil Suiſſes, de quinze cens cheuaux, & de deux mil hommes de pied Italiens, ſouz la conduite & charge du Seigneur Francisque & Fondratte ſon nepeueu, avec le Seigneur Virgile Vrfin, & autres Seigneurs & Chefs qui l'y accompagnerent.

Le neuſieſme Feurier dudit an 1591. le Roy aſſiegea la ville de Chartres, & pour ce Monsieur le Mareſchal de Biron y reuint tout court de Normandie, où il auoit tres-bien ſeruy avec Monsieur de Mont-penſier, & inueſtit ladite ville, & apres incontinent le Roy y arriua avec toute ſon armée & la fit attaquer par la porte des Eſpars, qui eſt vn des plus forts endroits de ladite ville, dans laquelle s'y trouua Monsieur de la Bourdaiſiere qui y commandoit & le ſieur de Grammont, avec près de trois mil Eſtrangers, & les habitans d'icelle ſi reſolus & determinez à ſe defendre, eſtant comme ils ſont d'ordinaire, au nombre de trois mil aſſez bons ſoldats, que ſa Maieſté eut toutes les peines de la rendre à ſon obeïſſance, ayant perdu force gens de qualité & de bons Capitaines & ſoldats au ruelin de la porte des Eſpars ſans aucun eſſect; tellement que ie vis l'heure qu'il vouloit abandoner ledit ſiege, bien que ie l'y encourageaſſe touſiours, comme à la verité i'y eſtois doublement obligé, tant pour ſon intereſt & de l'Eſtat, luy ayant conſeillé l'entrepriſe de ce ſiege, que pour le mien particulier, en eſtant Gouverneur; & pour ce ie fis

quasi l'impossible pour recouurer autant de viures, d'argent & de munitions qu'il en falloit pour l'armée de sa Majesté, afin de ne manquer à emporter cette place, laquelle ayant esté contre mon aduis attaquée par le plus fort, il falloit cōme ie le proposay pour suiure ledit siege d'un autre costé plus foible qui fust vers celuy d'embas & de S. André au deffous de la porte Droüaise où la bresche fut incontinent & facilement ouuerte; & vn pont de bois couuert fait de l'inuentio de Monsieur de Chastillon qui l'entreprit à ma priere, si tost posé par dessus le fossé pour donner l'assaut. Ceux de dedās se voyans ainsi pressez furent contrains de demander à parlementer, ce qu'estât aussi tost accepté, & apres la composition arrestée, la plus aduantageuse que nous peusmes pour le Roy, furent baillez ostages de part & d'autre pour la seureté de ladite composition, sur les articles particuliers de laquelle ie ne diray rien dauantage, ayant esté vne chose assez publique à tout le monde; seulemēt ie me contenteray de n'oublier que le Roy me bailla lesdits ostages de ladite ville, que ie fis conduire & seurement garder en ma maison d'Escumont durant les quinze iours qu'ils eurent de temps pour leur composition, pour auoir secours ou nouuelles de Monsieur du Mayne, apres lequel, inutilemēt perdu pour eux, ladite ville seremit en l'obeïssance du Roy qui y entra le dix-neufiesme Aueil 1591. & chastia raisonnement, comme il le deuoit, la rebellion inconsiderée des habitās d'icelle, apres que lesdits sieurs de la Bourdaisiere & de Grammont, & autres Estrangers du party de la Ligue en furent sortis suiuant ladite composition, & leua & prit sur ladite ville assez bonne quantité d'argent & de bleds reconuertis en deniers pour aider à payer son armée, laissāt

pour garnison en icelle le Regimēt de Nauarre, composé de huit compaignies de cent homme chacune, & commandées par le Sieur de Vallirault vn de ses plus entiers & meilleurs Mestres de camp, & quatre cens Suisses; ordonna & commença de faire aussi tost bastir vne citadelle à la porte de Saint Michel, lieu naturellement assez propre à cela, dont il me fit l'honneur de me donner la Capitainerie pour mon fils aîné le Comte de Cheuerny, avec deux cens hommes d'armes, entretenus de bons canons, munitions, viures, & autres choses necessaires sous la charge & cōme Lieutenant du ieune Vallirault, frere dudit Mestres de camp de Nauarre: Et pour moy me fit l'honneur de me remettre en ma charge de Gouverneur & son Lieutenant general en ladite ville de Chartres & pais Chartrain, avec soixāte Suisses de malurée pour ma garde, vne compaignie de cheuaux legers sous le nom de mon fils, cōduite par le Sieur du Gay, vieil & ancien Gentil-homme, avec tous les appointemens & aduantages ordonnez aux Gouverneurs, ou telles personnes; comme aussi reprit pour Gouverneur particulier & Lieutenant de Roy audit pais M<sup>r</sup> de Sourdy, que les habitans auoient mis dehors quand ils s'estoient declarez pour la Ligue, lequel auoit tousiours demeuré au seruice du Roy, & ordinairement à Bonneual à six lieües de ladite ville, avec bonne garnison pour les incommoder & tourmenter dauantage, & luy ordonna quant & quand gardes & troupes necessaires à personnes de cette qualité pour avec ce qu'il auoit maintenu l'autorité de sa Majesté & conserué la liberté du commerce & du labourage audit pais, ce que nous fîmes l'vn & l'autre, grace à Dieu, assez doucement & heureusement selon l'intention de sa Majesté, dont ses

seruiteurs receuoient toute satisfaction, comme les Ligueurs la peine qu'ils auoient meritée par leur desobeïssance ainsi opiniastrée. Comme le Roy venoit au siege de ladite ville de Chartres il vint nouuelles assurées de la défaite d'un certain Capitaine de la Ligue, nommé la Croix, qui estoit party d'Orleans pour se venir ietter dedans Chartres avec deux cents arquebusiers, choisis pour soutenir le siege, dont quatre seulement se sauuerent avec luy, comme aussi d'un autre costé que le sieur de la Chastre vn des principaux Capitaines de la Ligue auoit esté tres-mal mené en Berry par le sieur de Chastillon, qui venoit trouuer sa Majesté audit siege de Chartres; que le Gouverneur de Chastellerault auançoit les affaires du Roy & auoit deffait vn Regiment de la Ligue en Poictou, & que Monsieur de Nemours s'estoit retiré vers Lyon, voyant ne pouuoir s'aduantage du costé de Champagne où Monsieur de Neuers establissoit peu à peu l'autorité du Roy; & ainsi, graces à Dieu, les affaires de sa Majesté s'aduangoient de tous costez, qui encourageoient les gens de bien à leur deuoir, & partant les meschans à vne plus grande apprehension de leurs fautes.

Et durant ledit siege de Chartres M<sup>r</sup> de Luxembourg, <sup>+</sup> personne assez remarquable par ses extraordinaires qualitez & charges, par la permission du Roy, escriuit, tât en son nom que de tous les Princes & Officiers de la Courone & autres Catholiques, estés lors à la suite du Roy, vne lettre bien conceüe & bien faite au Pape, pour detromper sa Saincteté & le diuertir avec tout respect & raisõ de fauoriser dauantage les mauuais desseins de la Ligue, ladite lettre dattée du camp deuant Chartres du huietième Auri 1591. & est vray que ie fus le premier qui m'aduifay de faire

faire cette depesche, qui fut resoluë & arrestée entre nous Catholiques en l'Abbaye de Iosaphat près Chartres, où i'estois logé durant ledit siege, laquelle commença de donner à Rome quelque meilleure impression du Roy, & de ses seruiteurs, que la Ligue ne desiroit.

D'autre costé cependant Monsieur du Mayne grandement marry de n'auoir peu conseruer ny secourir ladite ville de Chartres, dont les Parisiens luy faisoient grand reproche, car ils l'estimoiet comme leur grenier à bled, tourna ses forces vers Chasteau-Thierry, qu'il assiegea, y fit bresche, & l'emporta par composition faite par luy avec Messieurs de l'Espinars pere & fils qui y comandoient, & qui auoient destourné le Roy d'y laisser garnison; tellement qu'ils furent soupçonnez d'auoir esté auparauant gaignez, & fut de s'informer contr'eux par la Cour de Parlement, qui estoit lors à Chaalons, & le Roy indigné contr'eux, accorda leur confiscation à Monsieur de Giury; cela n'empeschapas que Monsieur du Mayne pour s'assurer de cette place, mist en leur lieu le sieur d'Essone frere du Cardinal de Lenoncourt, ledit sieur Cardinal s'estant alors retiré en ladite ville en vne sienne Abbaye qu'il auoit aux faux-bourgs, apres auoir quelque peu auparauant remis les Sceaux de la Ligue qu'il auoit entre les mains; Monsieur le President de Neüilly, à Paris, & pour commander en l'absence dudit sieur d'Essone, le Capitaine; & apres se retira ledit Sieur du Mayne à Reims, d'où il depescha Monsieur le President Ianin son plus grand confident Conseiller, avec vn Agent de Lorraine pour aller trouuer Monsieur le Duc de Sauoye en Prouence, & avec luy s'embarquer, comme ils firēt, à Marseille sur la mer, & aller ensemble en Espagne, pour de là tirer quelque remede & secours,

& aussi quelque instruction & argent pour les necessitez de la Ligue.

Au mois de Iuillet dudit an 1591. le Roy estant à Mantes, resolut en son Conseil, ainsi bien estably, & auquel il auoit mandé des principaux Officiers, de faire deux Declarations, que Monsieur de Fresne dressa, & que nous arrestasmes par apres ensemble; l'une pour tesmoigner l'intention que sa Majesté auoit tousiours eue de conseruer en ce Royaume la Religion Catholique, Apostolique & Romaine, & de se faire au plustost qu'il pourroit instruire, comme il l'auoit déclaré & promis, dès incontinent apres la mort du feu Roy, & avec cela, mandement à sa Cour de Parlement de proceder par les formes ordinaires contre les Bulles d'excommunications apportées de nouveau de Rome en ce Royaume, comme contraires au Priuilege & liberté de l'Eglise Gallicane; l'autre Declaration pour remettre les Edicts de Pacificatiō autres fois faits en faueur de ceux de la Religion pretendue, & depuis reuokée par le feu Roy és années quatre-vingt cinq & quatre-vingt huit; en suite de laquelle premiere Declaration aussi tost verifiée comme l'autre aussi au Parlement, lors estär à Tours & Chaalons, l'on y ordonna des Arrests furieux selon la chaleur du temps cōtre lesdites Bulles d'excommunication, & contre le Nonce du Pape qui les auoit apportées; surquoy ceux dudit Parlement demeurät à Paris, donnerent vn autre Arrest tout contraire & plus furieux encores, declarant les autres nuls, comme faits par personnes priuées, & qui n'estoient en lieu ny en autorité legitime de ce faire; portant de plus, quelque sorte de sauf-conduit pour les Deputez des Estats Generaux mandez & conuoquez à Paris, avec grandes condamnations & peines à tous ceux qui les vouldroient empes-

*Fresne.*


*Bulle.*



cher d'y venir; & ainsi la Cour de Parlement, à l'exemple du reste de la France, se faisoient la guerre entr'eux avec passion, chacun pour leur party.

Le Roy vn peu auparauant auoit fait vne course en Normandie, où il auoit emporté la ville ..... en plein iour, par vne entreprise faite par le Capitaine du Hallot, & conduite prudemment par sa Majesté, puis estoit allé à Dieppe receuoir quelques munitiōs de guerre que la Reine d'Angleterre luy enuoyoit, & apres vint repasser par Mantes, où il nous auoit laissez, & où il arresta les Declarations susdites; & apres sa Majesté alla faire vn tour du costé de Champagne pour mieux munir & assurer les villes qui estoiet en son obeïssance, & à la sollicitation de Monsieur de Longueuille, & de la Noblesse de Picardie, sa Majesté se resolut d'assiéger la ville de Noyon, dans laquelle force personnes de la Ligue se voulurent ietter, dont la pluspart y manquerent, & furent deffaits le quinziesme iour d'Aoust 1591. Monsieur de Guise, de long-temps prisonnier au Chasteau de Tours, où il auoit esté mené apres la mort de feu Monsieur de Guise son pere, & laissé entre les mains du sieur de Roug<sup>ne</sup> Lieutenant des gardes du corps du Roy, se sauua dextremement dudit Chasteau, où quelque temps auparauant il auoit accoustumé à ce dessein de iouer avec les gardes, pour passer son temps estant ieune, en ioüant au ieu de cachette, où les vns & les autres se faisoient longuement chercher, & ledit iour ayant fait prouision d'vne corde, & prenant l'ocçasion de l'heure de midy, que toutes les portes de la ville de Tours se tenoient tousiours fermées & la riuiera de Loire alors tres-basse, qui d'ordinaire flotte bien haut au pied dudit Chasteau, apres auoir fermé quelques portes du donjon

sur luy, comme en ioüant, attachâ le bout de ladite corde à la fenestre de sa chambre, si haute qu'elle n'auoit esté grillée, & avec luy vn vallet de chambre qui auoit toujours demeuré prisonnier avec ledit Duc, se coula le long de ladite cordenouée, si bien qu'avec ses chausses rompuës, & ses mains vn peu escorchées, & sans chapeau, il tomba sans autre mal à terre, trouuant vn petit batteau avec des gens à point nommé pour trauerser ladite riuiere, & deux cens cheuaux au de là d'icelle avec vn bon cheual d'Espagne pour luy, que Monsieur de la Chastre luy auoit enuoyé, lesquels le conduirent à Orleans; où il fut magnifiquement receu, & avec i'oye incroyable du peuple, & plus encores à Paris où l'on tenoit que ledit peuple l'eust sans doute fait couronner & declarer Roy, s'il se fust ainsi eschappé quelque temps apres la mort de feu Monsieur de Guise son pere, & auant que Monsieur du Mayne son oncle se fust emparé de l'autorité de la Ligue & de l'Estat: Et voila iusques où allerent les passions du temps; pendant quoy Monsieur du Mayne & ledit sieur de Guise se formoient apres cela tous les iours des ialousies & soupçons l'vn de l'autre, & ainsi Dieu le permettant, dissipoiēt & ruinoient peu à peu l'vnion & intelligence necessaire entr'eux pour maintenir leur party: Le Roy de l'autre costé grandement courroussé de cette euasion si inopinée, à laquelle tous ses seruiteurs qui estoient pour lors à Tours n'auoient pas remedié, ledit sieur de Guise estant à plus de trois lieues de la ville auant qu'on le sceust pour courir apres, on en reietta toute la honte & le blâme sur ledit sieur de Rou<sup>en</sup>g<sup>ne</sup>, contre lequel le Parlement en fit aussi tost informer, & emprisonner aucuns desdites gardes, & mesme ledit vallet de chambre demeu-

ré de reste, bien que grandement estimé d'auoir pû ainsi bien seruir & fait eschapper son maistre, & en fin le Roy par sa bonté, voyant qu'il y auoit eu plus d'artifice du costé du prisonnier que de meschanceté de celuy de ses gardes, fit tout relascher, & se contenta de ne se plus vouloir seruir de celdites gardes, tant dudit sieur de Roug  que d'aucuns Archers d'icelle qui auoient esté negligens à cela avec luy.

En ce mesme temps Monsieur du Mayne ayant veu reuenir le Roy vers Noyon, & le voyant assez diuert & empesché d'assiéger ladite ville, fit vne secrete entreprise sur celle de Mantes, où nous estions tous, les Officiers du Conseil & Grands de la Cour, desquels ils esperoient tirer de grosses rançons & butins faisant cette prise; pour paruenir à laquelle, Monsieur d'Alincourt Gouverneur de Ponthoise pour la Ligue auoit mesnagé quelques intelligences dedàs: mais Monsieur de Rosny qui en estoit Gouverneur pour le roy, la sçeut si à propos descouurir & nous en donner aduis au Conseil du Roy, que ladite entreprise ne fit autre effect que de nous obliger à nous rendre plus soigneux de nostre seureté, & ainsi ledit sieur du Mayne manqua là, & croyant pouuoir mieux reüssir ailleurs, s'en alla avec toutes les forces qu'il auoit pour ioindre celles que le sieur de Rosneluy amenoit de Flandres de la part du Prince de Parme, qui estoient desia aduancez en Champagne au nombre de mil cheuaux, & trois à quatre mil hommes de pied, sous la charge & conduite du Duc d'Arscot, & tous ensemble tournerent vers ladite ville de Noyon pour la secourir & en faire leuer le siege, dont le Roy fut fort aise, car il estimoit par cette occasion pouuoir attirer ledit sieur Duc du Mayne à vne bataille, qu'il desi-

roit tousiours infiniment, sans vouloir toutefois leuer le-  
dit siege, bié qu'il fust alors de beaucoup moins fort, n'a-  
yant pas deux mille cheuaux, tant François qu'Esstrangers,  
& pas plus de cinq à six mille hommes de pied de toutes  
nations; & ledit sieur du Mayne n'ayant pas moins de trois  
mille cheuaux, & douze mil hommes de pied, quasi tous  
François, & bien qu'ainsi la partie semblast mal faite, le  
Roy ne laissa de continuer ledit siege, & d'attaquer par in-  
finies escarmouches ses ennemis, tousiours avec quelque  
aduantage; & en fin voyant qu'ils ne vouloient entrer en  
plus grand combat, se resolut d'emporter ladite ville de  
Noyon par assaut; & côme tout y estoit disposé, & ja à demy  
accomply, ceux de ladite ville ne se voulurent perdre, de-  
mâdâns à parleméter, ce que sa Majesté leur accorda, & fut  
faite leur composition de remettre ladite ville en l'obeïss-  
sance du Roy dans l'espace de vingt-quatre heures, si le-  
dit sieur du Mayne ne la pouuoit secourir; ce que n'ayant  
peu faire, ladite ville de Noyon se rendit à sa Majesté le  
dix-neufiesme iour d'Aoust audit an 1591.

Aumois de Septembre audit an 1591. Monsieur de Les-  
diguières reuenu de Prouence deffit encore les troupes de  
Monsieur le Duc de Sauoye en Dauphiné, qui y auoient  
assiégé vne place nouuellement faite par luy, pour la seu-  
reré de la ville de Grenoble, appelée le fort de Barrault,  
où il en demeura plus de deux mil sur la place, & 18.  
drapeaux, & force Chefs pris; ledit Duc de Sauoye s'e-  
stant ainsi imprudemment embarqué au party de la Ligue  
pource qu'il auoit estimé, que parmy les broüilleries, de-  
sordres & ruines de cet Estat, il pourroit mieux se cōseruer  
le Marquisat de Salusses, dont il s'estoit emparé inconti-  
nently apres la mort de feu Monsieur de Guise à Blois.

Comme chacun veid les affaires du Roy prosperer ainsi de tous costez force Ligueurs & mauuais François commencerent à chercher l'occasion , & minuter quelque honneste retraite à leur deuoir & retour en leurs charges souz l'obeïssance de sa Majesté, à laquelle ie conseillay de ne refuser personne, ce qu'elle trouua bon, & ainsi accordasmes par Lettres patentes force reestablishemés d'Officiers, & bien que les Cours Souueraines en fissent grande difficulté, nous fîmes passer & verifier les meilleurs & plus importans : par raison d'Estat l'on commença aussi fort alors à parler de la conuersion du Roy, & qu'il estoit necessaire qu'il fust instruiet en la Religion Catholique; surquoy l'on fit infinis discours de toutes façons, concludant tous à cette iuste necessité, hormis que les francs Huguenots & desesperez Ligueurs craignans de là leurs ruines, ne peurent s'empescher de descrier cette conuersion.

Au mois de Decembre 1591. certains premiers autheurs de la Ligue, & plus sediteux d'entre le peuple de Paris, qui se nommoient les Seize, comme deputez des seize quartiers de la ville, de long-temps mesnagez & quasi tous gagez pour l'Espagne, voulant s'establir & autoriser dauantage pour en acheminer les desseins au preiudice de l'Estat & du Roy, pour ce ne pouuant ou voulant plus supporter la puissance & domination qu'ils auoient fait prendre à Monsieur du Mayne, qu'ils croyoient par ce moyen desfaire & ruiner, aduertis en leur conseil des Seize qu'ils tenoient tous les iours, & auxquels se resoluoient les plus grandes affaires du party de la Ligue, que Monsieur le President Brisson qui faisoit lors la charge de premier President au Parlement, demeuré à Paris, & force autres gens de bien commençoient à se lasser de leur tyrannie,

& en preuoir les mal-heurs qui alloient à l'entiere ruine & perte del'Estat, croyans auoir rencontré ce qu'ils cherchoient pour accroistre leur autorité, apres quelques conseils tenus entr'eux, sans en rien vouloir communiquer audit sieur du Mayne, ny en son absence au Gouverneur & Preuost des Marchands de Paris, lesdits Seize, ou aucuns des plus hardis d'entr'eux, s'en allerent de leur propre & particuliere autorité, avec main armée, se saisir de la personne dudit sieur President Brisson, & de deux Conseillers; l'un dudit Parlement, nommé l'Archer; l'autre du Chastelet, nommé Tardif, lesquels ils emprisonnerent, & quasi sans aucune forme de procez, les firent tous trois pendre & estrangler en plein iour dans la prison lequinzième dudit mois de Decembre, la nuit, les firent porter à la Gréue & attacher à des potences, & exposer à la veüe de tout le peuple; où ils demurerent deux iours suiuan entiers, dequoy mondit sieur du Mayne aussi tost aduerty, iugeant bien où alloit cette violence, & voulant en oster la conséquence, bié qu'ils l'eussent couuert depuis de quelque specieuse accusation & mauuaise forme de procez; ledit S<sup>r</sup> du Mayne accourut en toute diligence à Paris, & estant dans le Louure enuoya querir quatre desdits Seize qu'il estimoit les plus entreprenans, & qui auoient mené cette affaire, lesquels amenez, moitié par amitié, moitié par force, il fit aussi de son autorité priuée, & sans aucune forme de procez pendre & estrangler, & attacher aux piliers de la salle d'embas du Louure lesdits quatre Seize, nommez Louchart..... Amelin, & Amonnet, & apres fit vne Declaration d'abolition du reste de cette affaire, qui fut verifiée audit Parlement de Paris, portant desſenſes tres-expresses audit Conseil des Seize de se plus  
assembler

assembler sur peine de la mort, & de rase<sup>ment</sup> de maisons, où ils s'assembloient; ce qui fut publié par tous les carrefours de Paris le vingtiesme Decembre 1591 & en cette courageuse execution ledit sieur du Mayne se seruit du sieur de Villeroy qui estoit lors de ladite Ligue.

Sur la fin de ladite année, le Roy se sentant fortifié de quelque secours qui luy estoit fraîchement arriué d'Angleterre, Allemagne & Flandre, se resolut d'aller assieger la ville de Roüen; & au mesme temps ceux de la Ligue eurent recours au Roy d'Espagne, lequel ordonna au Duc de Parme, que toutes autres affaires laissées ou accommo-  
dées pour vn temps du costé de Flandres, il vint aussi tost en France avec le plus de forces qu'il pourroit ramasser, pour tascher de faire leuer ledit siege, en apparence, mais <sup>13.</sup> à dessein bien plus formé, pour obliger par là les Parisiens, & les fortifier & soustenir avec eux, les Estats qui y estoient assemblez, en la resolution qui auoit esté de long-temps proposée, & depuis peu enuoyée en Espagne par le President Ianin, pour faire tomber la Couronne de France par l'autorité & l'eslection desdits Estats, à quelqu'un des Princes de la Ligue; qui espouseroit l'Infante, ou declarer ladite Infante Reine, heritiere commune de la maison de France, à condition qu'elle espouseroit vn Prince François à son choix & eslection, & qu'elle iureroit la conseruation des Voix & Coustumes du Royaume, & autres conditions particulieres tres-grandes; & particulièrement pour les interets de tous les principaux conducteurs de ce beau dessein, selon qu'il se peut voir par plusieurs lettres & missions qui doiuent estre dans l'Histoire du temps; le tout ayant esté ainsi traité entre ledit President Ianin & le President Richardot reuenu d'Espagne, & Don Diego

de Barra principal Agent du Roy d'Espagne en France, & lesdits sieurs Ducs de Parme & du Mayne, & le sieur de la Chastre pour Monsieur de Guise.

*Villars.*

Le Roy continuant en sa resolution d'assiéger Roüen Monsieur du Mayne y enuoya Monsieur le Duc d'Esquilon son fils aîné, comme Gouverneur de Normandie pour y commander, avec Monsieur de Villars Lieutenant audit Gouvernement, lesquels arriuez & bien receus en ladite ville, firent faire vne tres-grande Assemblée de tous les corps d'icelle, dans l'Abbaye de S. Ouyn, pour encourager le peuple à mieux soutenir ledit siege, & l'assurer d'un secours prochain, & obliger vn chacun à reïterer le serment de fidelité à la Ligue; ce qui fut fait par l'aduis du premier President, nommé ~~Roquemont~~ <sup>de la Cour</sup>, & trois iours apres ledit sieur de Villars fit entrer dans ladite ville six cens cheuaux & douze cés arquebusiers qu'il distribua au fort de Sainte Catherine, au vieil Palais, & à la porte Saint Hilaire, & autres places plus importantes de ladite ville, de laquelle furent chassez quelques vns, soupçonnez d'estre seruiteurs du Roy, & force personnes inutiles, & y fut estably ordre & police pour n'y manquer de viures, & n'estre point reduits à semblable fin que ceux de Paris.

Cependant le Roy qui s'estoit desia rendu maistre de Louuiers, voyant son armée grossir tous les iours, chacun courant audit siege, se promettant grand butin à la prise de ladite ville de Roüé, sa Majesté fit les approches d'icelle, & enferma tous les passages par la terre, mais non par l'eau, car ceux du Havre de Grace, où commandoit aussi ledit sieur de Villars, y abordoient plus facilement, & apres enuoya sommer ladite ville de le reconnoistre, & la remettre



en son obeïſſance par vn Herault, avec vne lettre ; à quoy ils ne voulurent obeïr ny prendre garde aux fauorables promeſſes, ny aux cruelles menaces qu'elle portoit, ſelon leur reſolution, dont le Roy ſe ſentant iuſtement offeñſé, preſſant dauātage ledit ſiege, emporta d'abord l'Egliſe S. André, hors de la porte d'Amboiſe, d'oū il penſoit battre la ville, mais Monſieur de Villars y remedia par vne cōtre-batterie de coulevrines qu'il pointa aduātageuſement ſur la muraille d'icelle, & neantmoins cela n'épeſcha pas que le Mareſchal de Biron ne la tint fermée & bouclée de tous coſtez, tellement que ceux de dedans commencerent fort à ſouffrir, recourans aux proceſſions & prieres publiques, & particulieres, où les Predicateurs n'oubloient à bien encourager tout le monde à leur deſſeñſe ; ainſi ſa Maieſté pourſuiuit ledit ſiege, entretenant ſon armée par le moyen de bons magazins & eſtapes qui auoient auparauant eſté à ce deſſeñ eſtablis audit Louuiers, à Can, au Pôteau de mer, & au Pont de l'Arche qui eſtoient en ſon obeïſſance, lequel ſiege dura tout le mois de Decembre 1591. Ianuier & partie de Feurier 1592. où l'on ne manqua de part & d'autre aux attaques, eſcarmouches, batteries, entrepriſes, ſorties, & autres emplois ordinaires de guerre en tels ſieges Royaux ; ceux de dedans y ayant toujours tres-courageuſement reſiſté, & entr'autres choſe, deſcourirēt vne entrepriſe qui pouoit reüſſir à ladite porte d'Amboiſe le 2. Ianuier 1592. de quelques vns, tant ſoldats qu'autres de dedas, dōt trois des premiers furent pendus dans ladite ville par Arreſt du Parlement, qui non contēt de cette punition, en ordonna vn autre qui fut publié par tout, portāt deſſeñces tres-expreſſes à toutes perſonnes ſur peine de la vie de reſcōnoiſtre le Roy, traiter avec

luy ou ses seruiteurs en façon quelconque, ledit Arrest est du 7. Ianuier audit an 1592.

Pour pouruoir & remedier audit siege, Monsieur du Mayne pressa tellement le Duc de Parme, qu'en fin ayant ioint toutes leurs forces ensemble, & donné aduis aux assiegez de leur prompt secours pour les encourager à tenir ferme, partirent de S. Vallery, & prirent leur chemin par Neuf-chastel, qu'ils assiegerent, & le battirent si furieusement, que Monsieur de Giury, que le Roy y auoit mis dedans avec trop peu de forces, ne pouuant y resister, à cause de la foiblesse de la place, fut contraint de la leur abandonner, & sortir d'icelle par composition avec tout ce qu'il pût de troupes, armes & bagage le 12. Februrier 1592.

Ledit sieur Duc de Parme, & Duc du Mayne infiniment glorieux de cette prise de Neuf-chastel, où ils mirent bonne garnison; poursuivirent vers Roüen avec contenance de vouloir faire merueilles, ou pour le moins de venir à vne bataille, ce que le Roy ayant tousiours infiniment desiré, les voyant ainsi s'approcher s'aduança au deuant d'eux, iusques à Aumalle, laissâ audit siege de Roüen Monsieur le Marechal de Biron, avec partie de son armée, & menant avec luy toute sa meilleure Caualerie, avec laquelle estant trop entreprenant & hazardeux pour vn Roy, il se porta à vn combat du tout inegal, là où il estoit trop foible, & les ennemis trop forts; mais l'extreme desir qu'il auoit de se voir aux mains avec eux, le fit embarquer en cedit combat audit Aumalle, où il fut vn peu bleffé, mais sans peril, graces à Dieu, qui l'en sortit avec toute sorte d'honneur, & le fit apres heureusement retirer & sortir de cette mal-heureuse rencontre, pour s'en aller reposer & se faire guerir à Dieppe, où il se retira.

Durant ces choses, Monsieur le Marechal de Biron demeura tousiours ferme audit siege de Roüen, & voyât le Roy ainsi blessé, & le Duc de Parme venir la teste baissée, & estre desia à deux lieues de luy avec vne si puissante armée, qu'il luy estoit impossible de soustenir l'effort; apres en auoir donné aduis au Roy, & receu son cōmandement leua le siege de deuant ladite ville le 20. Feurier 1592. & seretira malgré ses ennemis en plein midy avec toute l'armée du Roy qui estoit audit siege, & en si mauuaise saison pour attendre que le Roy fust guery, afin de reioindre toutes les forces pour obliger ses ennemis à vne bataille tant & tant de fois par luy desirée & recherchée; cependant ceux de ladite ville de Roüen infiniment aises & glorieux de se voir ainsi deliurez dudit siege, apres le *Te Deum chanté*, & les feux de Ioyefaits, enuoyerent incōtinent à Nostre Dame de Laurette vne lampe de deux cens marcs d'argent, qu'ils y donnerent, & fonderēt pour allumer à perpetuité, au nom des Deputez de ladite ville, pour leur deliurance dudit siege; & en ces diuerses occurrences, se firent plusieurs discours de tous costez, chacun preiugeant diuersement le succez des affaires de cēt Estat, selon son iugement, sa passion, & son interest particulier.

Et parce que Monsieur le Cardinal de Bourbon & moy, avec tous ceux du Conseil estions logez à Dernetal, durant ledict siege, pour seruir à iceluy, avec ledict sieur Marechal de Biron, voyant ledit Duc de Parme s'approcher furieusement de nous, à dessein de nous enleuer, ayant desia fait passer son armée à Pont-dormy à force de batteaux, nous endonnasmes aduis au Roy si à propos que courageux infiniment, sans attendre

l'entiere garison de sa blessure, il sortit de Diepe, après y auoir laissé bon ordre à certaine entreprise que ses ennemis y auoient brassée, & se rendit la mesme nuit audit Darnetal, où il trouua que par le soin dudit sieur Cardinal, & la diligence dudit sieur Marechal de Biron, nous auions ja fait conduire sept pieces d'artillerie avec toute l'armée de sa Majesté au village nommé Bam, qui est à vne lieuë au dessus dudit Darnetal, & par lequel venoit passer ledit Duc de Parme pour l'y attendre, & bien recevoir; le Roy fort conté de cette diligence, s'y acheminant aussi tost, demeura près de trois heures en bataille, avec toute son armée près ledit village de Bam, s'estant retiré pour passer le reste de la nuit, à cause de sa blessure dans vn moulin, qui se trouua là fort à propos, & nous ayant commandé de nous retirer à Bourde, pendant lequel temps, il donna à ses ennemis, & aux plus aduancez d'eux, toutes les attaques & escarmouches qu'il pût, pour les attirer à vne bataille, à laquelle ledit Duc de Parme fit contenance de vouloir venir, & soubz cette feinte, fit peu à peu couler son armée à costé dudit Darnetal, en sorte qu'il la fit approcher de Rouën, & puis y arriua avec Messieurs du Mayne & Duc de Guise le vingt.vniesme Auiil 1592. & entra en ladite ville sur les deux heures du matin, ayant fait passer quelquestroupes par ledit Darnetal; qui y furent deffaites par Monsieur de Bouillon, que le Roy y auoit laissé, & ce à dessein d'amuser l'armée du Roy par ce moyen, & attrapper comme il fit avec le reste de son armée, la ville de Rouën qu'il vouloit conseruer.

Le Duc de Parme n'ayant fait que disner & passer dans ladite ville de Rouën, s'é alla attaquer celle de Caudebec,

qu'il fit battre tout le iour, & forcer ceux du Roy qui estoient dedans de la luy rendre, & abandonner la nuit suiuite, mais Dieu permit qu'il ne la garda guere, car le Roy ne songeant qu'à l'attraper en quelque coin, voyant ses façons ordinaires de reculer tousiours à combattre, ayant en toute diligence tiré de ses garnisons, & ramassé de tous costez le plus de force qu'il pût, & ainsi promptement accreut son armée de plus de trois mil cheuaux François, & de six mil hommes de pied, au lieu des Anglois & des Allemans qui s'estoient voulus retirer dès que le siege de Rouën fut leué. Voyant sa Majesté que Messieurs les Ducs du Mayne & de Guise estoient logez à Yuetot au païs de Caux, à deux lieuës du quartier dudit Duc de Parme, elle fit tourner la teste de toute son armée vers ledit Yuetot, & si à propos charger leur auant-garde, à l'heure du dîné, qu'elle fut presque entierement deffaite, & ledit sieur Duc du Mayne reduit de se sauuer, abandonnant au pillage des soldats du Roy tout leur bagage, & se cantonnerent dans ledit Yuetot, où s'estant ja ioint avec ledit Duc de Parme, le Roy les poursuivit, & estant allé luy-mesme en pourpoint reconnoistre la forme de leur retranchement audit lieu, le lendemain dernier iour d'Auril 1592. il fit approcher toute son armée, & ayant mis pied à terre avec toute sa Noblesse la pique à la main, ils attaquérēt si furieusement lesdits retranchemens, que ses ennemis furent contraints de luy quitter & abandonner ledit logis d'Yuetot, & en ce combat, fut blessé ledit Duc de Parme d'une mousquetade de deux balles en deux endroits du bras, l'une au dessouz du coude, l'autre près du moignon de l'espaule, & y demurerent prés de trois mil hommes, tuez ou pris de l'armée ennemie; entr'autres prisonniers,

Monſieur le Baron de la Chaftre, le ſieur de Roſne qui conduiſoit ordinairement l'auant-garde dudit ſieur du Mayne, le Cheualier Breton, Don Diego de Caſtille, & pluſieurs autres, le Roy y perdit auſſi quelques vns des ſiens, comme Grifons ou Anglois, mais en fort petit nombre, & peu de perſonnes de remarque, ſinon le ſieur de Hacqueuille, & Baron de Bouteuille; & apres cette ſi heureuſe meſlée du Roy, force gens eſtimans qu'elle luy  
 # eſtoit preueü par conduite & ſtratageme de guerre, ayât à ce deſſein préparé ſon armée apres la leuée du ſiege de Roüen, pour mieux rattrapper ſes ennemis à l'impourueu, & les reioignant apres, leur donner comme il fit, brauement cette retraite: mais moy ie ſçay bien comme ayant eu l'honneur de participer touſiours à ſes particuliers deſſeins & conſeils, que cette heureuſe iournée naſ-  
 # quit de l'occafion, qui fut tres-prudemment & courageuſement embrasée par le courage du Roy, offenſé de ſa bleſſure à Aumalle, de ce que ſans auoir peu attirer ledit Duc de Parme au combat, il luy auoit fait leuer deux grands & importans ſieges de deuant Paris, & de Rouën, & pour plus aſſurée verité que ce fut vn grand eſſect de la grace particuliere de Dieu, à la conſeruation de cette Monarchie.

Apres cette aſſez notable deſſaite d'Yuetot le Duc de Parme ſe retira avec toute ſon armée vers Felcamp, non ſans grand déplaiſir & perte d'hommes & bagage, où le Roy le pourſuiuit encore, où il n'y a point de reſuite que par la mer, & trop peu d'eſtenduë pour receuoir viures ſuffiſans à vne armée, le força à combattre, & à le ruiner entierement, pour le peu de force qui luy reſtoient; mais au contraire s'eſtant fortifié par de grands & doubles retran-

retranchemens, y amusa le Roy quelque temps, & apres infinies attaques & combats de part & d'autre, & vne deffaire de vingt-deux cornettes Espagnoles que sa Majesté fit le dixiesme May 1592. la famine & les autres incommoditez qui suiuent d'ordinaire les armées estrangeres, & qui tournét en deroute, mit vn tel effroy parmy celle-là, que chacun d'eux, sans ordreny cōgé, s'eschappa & s'enfuit du mieux qu'il pût, abandonnans tous les bagages & artilleries à la mercy des soldats de l'armée du Roy qui s'en trouuerent bien, & mesme ledit Duc de Parme entierement découragé & déplaisant de ce mauuais succès, se retira de là, & se sauua à la dérobee ; avec les principaux qu'il auoit menez, & qui luy estoient restez, & au lieu de retourner vers Paris. comme chacun des autres faisoit, il n'y voulut aller, fust par discretion ou par crainte du peuple, lequel auoit esperé de luy toute autre chose meilleure à son party ; ains estant eschappé des mains de l'armée du Roy, prit son chemin par la Picardie, se retira blessé & tout cōfus au pais d'Artois, abandonnant toutes ses conquestes au Roy, qui sans reperdre aucun temps, reprit & se rendit maistre de tout ce que l'autre auoit acquis & vsurpé ; tellement que de là en auant le nom & l'autorité Espagnole commencerent fort à desplaire en France.

Neantmoins Monsieur du Mayne & les principaux Chefs de la Ligue d'vn costé, & Messieurs les Princes & ses proches de l'autre songeans tousiours à son interest particulier, remirent sus leurs intelligences, caballes & pratiques, tant en dedans que dehors le Royaume pour renouer les affaires de la Ligue ainsi mal-menées, & consulterent avec les Agents d'Espagne, restez à Paris, pour trouuer quelque moyen de faire reüssir les premiers des-

seins concertez, de faire tomber la Couronne à l'Infante d'Espagne, par l'autorité des Estats, comme j'ay desia remarqué, à quoy ledit sieur du Mayne apporta souz main tous les empeschemens qu'il pût, car estant marié, il ne pouuoit esperer d'espouser ladite Infante & la Couronne ensemble, & pretendant y pouuoir paruenir par quelque autre voye, trauersales pratiques que Monsieur de Guise son neveu faisoit à mesme dessein, & entra en quelque # sorte de traité secret avec Monsieur de Nemours son frere vterin, pour l'y faire paruenir, à condition que la Lieutenantance generale, avec toute sorte de puissance luy demeureroient, & que ledit sieur de Nemours se contenteroit du nom & de la qualité de Roy, avec la conduite des armées, qui estoit toute son ambition; & ainsi chacun visoit pour soy à ce grand but de la Royauté, se desnoiant les affections & intelligences necessaires à leur party, & Dieu en disposa d'autre sorte.

Au mois d'Aoust de ladite année 1592. le Gouverneur de Fontarabie pour le Roy d'Espagne, pratiqua vne intelligence dedans la ville de Bayonne, par le moyen & entremise de deux Medecins, l'un Espagnol, & l'autre François, qui auoient par la proximité de ladite ville, de long temps contracté amitié & correspondance; en sorte que # sans le soin du sieur de la Hilliere, lors Gouverneur dudit Bayonne, ladite entreprise eust pû reüssir par le moyen de quantité de vaisseaux armez qui s'estoient exprés approchez, mais le tout estant descouuert lesdits Medecins furent pris, conuaincus, & furent tous deux pendus sans } que l'Espagnol voulust iamais rien declarer du fait & des principaux de ladite entreprise.

Au mois de Septembre Monsieur de Joyeuse conti-



nuant avec assez d'aduantage le progres des affaires de la Ligue, du costé du Lâguedoc, bien que Monsieur le Connetable comme Gouverneur dudit pais s'y opposast, & Monsieur d'Esperson aussi y passant pour aller en Prouence; & Monsieur de Nemours faisoit du costé de Lyon, s'estant en ce temps emparé par intelligence de la ville & chasteau de Vienne en Dauphiné, croyans ainsi tous estonner d'auantage le Roy, le troublant tous ensemble en tant de diuers endroits; & en mesme temps Monsieur du Mayne surprit & emporta le Pontheau de mer en Normandie, & Monsieur le Marechal de Biron qui auoit assiégé Espernay en Champagne, y fut tué d'un coup de canon qui luy emporta la teste, qui fut vne grande perte pour sa Maiefté, qu'il seruoit fort bien: mais en contr'eschange de cette disgrâce, Monsieur de Themines fortifié & assisté de quelque Noblesse affectionnée au seruice du Roy, voyant que ledit sieur de Loyeuse auoit assiégé Ville-mur audit pais de Languedoc, se ietta dedans pour la defendre, & fit tant d'attaques & d'embuscades par dedans & par dehors audit sieur de Loyeuse, qu'il le deffit entièrement audit siege, bien qu'il n'eust pas plus de cinq cens cheuaux & deux mil hommes de pied, & que ledit sieur de Loyeuse en eust vne fois autant, & y eut entr'eux comme vne espee de petite bataille, dont l'honneur tout entier demeura audit sieur de Themines, & la honte audit siege de Loyeuse, lequel se voulant sauuer, apres y auoir suffisamment tesmoigné sa valeur & son courage, passa à gué vne petite riuere appellée le Tar, ils y noya, & plusieurs autres avec luy; & ainsi la Ligue perdit en cette derouté enuiron deux mil hommes, avec trois canons & deux coulourines, & vingt-deux drapeaux, qui furent apportez

Biron.

au Roy, qui y perdit enuiron deux cens hommes, & en cette façon se passa l'Automne de cette année 1592. pendât laquelle sa Majesté demeurant tousiours aux escoutes, pour empescher qu'il ne vinst quelques forces Estrâgeres, donna ordre aux affaires plus pressées du temps, distribuant ses troupes aux endroits moins assurez, & donnant congé à vne partie de sa Noblesse qui estoit harassée, retenant le reste avec luy pour ne manquer à faire tousiours quelque chose.

Au mois d'Octobre 1592. Monsieur de Bouïllon estant à Sedan, attraqua avec plusieurs autres seruiteurs du Roy le sieur d'Ambroise grand Marechal, & comme Lieutenant de Monsieur le Duc de Lorraine, lequel auoit assiegé vne petite ville du païs Messin nommée Beaumôt, à trois lieuës dudit Sedan, dont il le contraignit de se retirer, & perdirent six ou sept cens hommes des siens, & six canons, & en contr'eschange ledit sieur de Bouïllon se trâsporta à vne autre petite ville de Lorraine à huit lieuës dudit Sedâ appelé Dieu, sur la riuere de Meuse, laquelle il emporta à force de petards, & combats à la main, au commencement du mois de Decembre 1592. & en ce mesme temps le sieur de Vaugre<sup>ment</sup>, commandant pour le seruice du Roy dans la ville de Iezan le François en Bourgongne, deffit dix-sept compagnies de gens de pied de la garnison de Dijon pour Monsieur du Mayne, desquelles il remporta leurs drapeaux, avec toutes les armes & bagages, & fit cette deffaire à deux petites lieuës de la ville de Dijon.

Cependant toutes ces choses se passoient dans le Royaume, le Roy allant selon les occasions, tantost à Senlis, tantost à S. Denis, à Mantes, & à Chartres, où nous autres de son Conseil le suiuiions, & allions tous seuls, selon qu'il

estoit necessaire pour son seruice, estant audit Chartres au mois de Septembre audit an 1592. ie me resolus de faire le mariage de ma seconde fille nommée Anne, ainsi que feu sa mere, avec <sup>Maître</sup> Gilbert de la Tremouille sieur de Royan, qui de fort long-temps auparauant en faisoit la recherche, tant par luy, que par infinies personnes de grande qualité, les parens & amis; & en fin par la negociation de mon neveu de la Roche des Aubiez, fut conclud ledit mariage avec grand contentement de pouuoir marier ma fille à vn Gentil-homme de telle maison, & qui estoit parent fort proche de tous les Princes & plus grâds Seigneurs de ce Royaume, & luy vn Gentil-homme vraiment doüé de toutes les bonnes qualitez que i'y eusse pû desirer, ayant mieux aimé avec toutes ces qualitez luy donner ma fille avec cinquante mille escus, la faisant entrer en vne tres-grande maison, dont l'alliance estoit honorable, & aduantageuse à moy & aux miens, que de rechercher pour elle plus de biens en quelque autre lieu; parce que i'ay toute ma vie plus desiré l'honneur & l'appuy des grandes alliances, que les biens en ma maison. Ledit mariage donc que ie fis trouuer bon au Roy, fut arresté & conclud audit Chartres, & solemnisé avec pompe & assemblée de toute la Cour, & conuenable audit sieur de Royan, & à moy comme Gouverneur du lieu, le douzieme iour de Septembre mil cinq cens quatre-vingt douze, & Monsieur de Chartres en fit luy mesme la ceremonie du mariage Pontificalement en son Eglise, & le festin apres fut dans la grand salle de l'Euesché, où le bal & resioüissances accoustumées en telle chose ne manquerent; & cela estant vn fait particulier de ma maison, ie ne m'y estendray dauantage, & reprendray la suite des affaires publiques de ce temps.

Je diray donc que bien que les affaires de la Ligue commençassent assez apparemment à se deffaire, neantmoins les Chefs & principaux, interessez en icelle, ne laisserent de faire courir infinis faux-bruits à leur aduantage, pour retenir tousiours les peuples qui tesmoignoient se lasser de si longues miseres, & portèrent leurs artifices iusques à Rome, où le Pape n'y voulut voir & entendre; le Cardinal de Gondy luy eust pû veritablement declarer la verité des choses de deça, mais au contraire le Cardinal de Plaisance qui estoit son Legat en France & fort affectionné à ladite Ligue, renouuella & confirma les interdictiōs & excommunications dés-auparauant publiées contre le Roy & ses seruiteurs, avec declaration de l'intention du Pape pour authoriser & confirmer l'ellection que les Estats feroient d'un Roy à leur fantaisie; pour à quoy remedier comme à chose de tres-grande consequence, Messieurs de la Cour de Parlemēt, qui estoient pour lors à Chartres comme premiers aduertis, donnerent vn Arrest sur la requisition du Procureur General contre lescdites Bulles, & dudit Legat, avec deffences expressees sur grādes peines à tous les Ecclesiastiques, Nobles, & autres de tous Estats d'y obeir & de se trouuer ausdits Estats pour ladite ellection, ledit Arrest prononcé & publié audit Chartres le dix-huictiesme Nouembre audit an mil cinq cens nonante-deux.

Sur la fin du mois d'Octobre les Parisiens voyans de iour en iour accroistre leur misere & necessité, & craignans avec raison de voir à la fin ce qu'ils n'auoient iamais pensé du commencement de leur reuolte, entr'autres ceux de la Cour de Parlement qui y estoient demeurez, & autres corps & communautéz principales de ladite ville de Pa-

ris commencerent à murmurer, puis à parler plus librement, & en fin à dire tout haut qu'il falloit aduifer aux meilleurs moyens de faire vne bonne paix pour la conseruation de cét Estat, & le repos & contentement de tous les bons & vrais François, & de fait ils firent plusieurs assemblées durant ledit mois pour cela, tant au Parlement qu'à l'hostel de ville dudit Paris, dequoy Monsieur du Mayne apprehendant quelque effect & resolution contraire à ses desseins, & estimant que sa presence feroit tout changer, se resolut d'aller audit Parlement le dernier iour dudit mois, où estant à la grand Chambre, il se plaignit que l'on souffroit tels discours & propositions si contraires au bien de leur party, à quoy vn homme d'Orleans qui iusques icy s'estoit fait paroistre l'un des plus seditieux, & qui faisoit lors la charge d'Aduocat General audit Parlement, respondant audit sieur du Mayne de la part dudit Parlement, luy fit vne telle remonstrance pour luy faire cognoistre le grand desir & l'extreme necessité que chacun auoit de ladite paix dont ledit sieur du Mayne demeurant infiniment estonné & tout confus se retira ainsi, & apres voulut essayer de faire mieux du costé du corps de la ville, lesquels il fit assembler le sixiesme Nouembre 1592. ensuiuant, & leur ayant aussi fait de grandes plaintes des assemblées & resolutions importantes que l'on faisoit iournellement sans luy, ny sans son sceu, disant que dans ledit mois les Estats generaux du Royaume alloient se tenir pour pouruoir à tout; chacun commenant fort à murmurer & le leuer, il ne peut empescher que l'on ne deliberaft & resolust en sa presence que l'on enuoyeroit vers le Roy pour obtenir la liberté du commerce & traffic de labeur en ce Royaume, sans lequel l'on ne pouuoit plus sub-

sister, en attendât l'avenüe, ce qu'il fut contraint d'agréer contre son intérest & intention; car il n'y a rien que cette facilité & douce conseruation des vns avec les autres ne fasse voir & gouster à chacun le bon-heur de la paix & la misere de la guere Ciuille.

Comme le temps & le terme des Estats de ladite Ligue s'approchoit, que M<sup>o</sup>sieur du Mayne auoit mandez pour le mois de Decembre 1592. & remis apres au vingtiesme Ianuier 1593. le Duc de Parme commençoit à se resueiller & disposer de vouloir reuenir en France pour la troisieme fois, pour autoriser par sa preséce & ses forces l'election qu'il pretendoit deuoir estre faite en pleins Estats pour cette Couronne, en faueur & pour l'Infante d'Espagne, par l'autorité que le Roy d'Espagne s'estoit acquise en ce Royaume, & amenoit à cét effect huit ou dix mil hommes des meilleurs qu'il eust en Flâdres, & auoit ordre pour grande quantité d'argent qui estoit destiné à ce dessein : mais Dieu qui a tousiours esté le vray & seul protecteur de cette Monarchie, la voulant conseruer & ne la laisser transferer en puissance estrangere, permit que ledit Duc de Parme demeurast malade à Arras, où il estoit desia aduancé, & y mourut le deuxiesme Decembre 1592. & comme le Roy tousiours vigilant & courageux eut appris le dessein dudit Duc de Parme, il s'estoit aduancé au deuant de luy iusques à Corbie avec deux mil cheuaux François, la plupart Gentils-hommes bien choisis, s'assurant qu'avec cela il en deferoit quatre fois autant, & estant, graces à Dieu, releué de cette peine par la mort dudit Duc de Parme, duquel l'armée se dissipa; au mesme instant le Roy reuint incontinent apres sur ses pas à Senlis, & à  
Saint

S. Denis, où tous nous autres du Conseil & gens de la Cour estions demeurez.

L'accident inopiné de la mort dudit Duc de Parme, dût la Ligue faisoit son principal bouclier pour l'Espagne, apporta beaucoup de desplaisir à force Ligueurs, gaignez de ce costé là, & à beaucoup d'autres mauuais François, trop interessez en ce party, qui voyoient peu à peu leurs affaires se descoudre, & leur creance & intelligence se diminuer; mais au contraire Monsieur du Mayne en receuoit beaucoup de contentement, car il creut par ce moyen s'aduan-  
tager tousiours dauantage dans sondit party, & principa-  
lement dans Paris, où l'autre le trauersoit en ses desseins,  
& le rebutoit & mal-menoit souuent, s'imaginant que rien nē le pourroit plus empescher de ioindre à sa Lieute-  
nance Generale de cette Couronne, celle du Roy d'Espa-  
gne, pour luy acquerir & conseruer cēt Estat, & s'y main-  
tenir pour luy perpetuellement en l'autorité qu'ils'estoit  
acquise, s'estant iusques là laissé emporter à sa passion, que  
des'estre donné de si grandes qualitez & si differentes; &  
en cette puissance, il fit le sieur du Rosne Marechal de  
France, & luy donna le Gouuernemēt de l'Isle de France,  
nonobstant toutes les contradictions & remonstrances  
que le Parlement, estant à Paris, y peust apporter; & outre  
ces belles qualitez l'enuoya en Flandres, pour luy amener  
quelque nouueau secours, & pour tesmoigner son autho-  
rité absolue dedans Paris, à conuier les Deputez desdits  
Estats à faire ce qu'il desiroit, il fit brusler publiquement  
la veille de Noël 1592. au pied du grand escalier du Palais  
l'Arrest cy-dessus declaré du Parlement, estant à Chaalons,  
qui trauersoit la tenue & l'effect desdits Estats, & qu'il vou-  
lust luy soustenir, & s'en seruir en quelque façon que ce

Fust, & cela passa, bien que deffors force gens des premiers de Paris trouuassent cette action bien extraordinaire & estrange, comme faite par vne autorité priuée, neantmoins personne n'osa iamais y contredire, & cela suruint seulement à confirmer chacun à desirer que la pluspart auoient de rechercher la paix avec le Roy, bien qu'il ne fust permis de le dire.

Au mesme temps que les Deputez pour les Estats commencerent à venir & se rendre à Paris, y en arriuant en fort petite quantité, & d'assez mauuaise & basse condition, tous Messieurs les Princes, briguans & poursuiuans l'election pour eux en cette Couronne, commencerent à bien desployer leurs menuës caballes & artifices, & n'oublierent rien chacun de son costé, car à la verité le morceau le vaut bien: Monsieur de Guise fils aîné de la maison de Guise y pretendoit le premier droit pour la grande affection qui reſtoit au peuple de la memoire & valeur de feu Monsieur son pere; Monsieur du Mayne d'autre costés'imaginoit se l'estre desia comme acquise par l'autorité qu'il auoit, & les suffrages des Deputez desdits Estats, qu'il tenoit estre à sa deuotion; Monsieur de Nemours portoit son dessein à faire eslire l'Infante d'Espagne; avec promesse, comme il a desia esté cy-dessus remarqué d'espouser tel des Princes François dudit party qu'il luy plairoit; luy croyant estre celuy qu'elle choisiroit, & qui receuroit d'elle tel honneur, à quoy mesme il pësoit interesser Monsieur du Mayne en luy laissant son entiere autorité; Monsieur le Marquis du Pont fils aîné de Monsieur le Duc de Lorraine, pretendait comme Chef de la maison de Lorraine, & fils d'un Prince Souuerain, que ceste election le deuoit regarder plustost que pas vn de Messieurs ses cousins, fust qu'elle se fist directement en sa faueur, ou bien en espousant ladite



Infante d'Espagne, afin d'interessier la Lorraine, & la cabale d'Espagne à son dessein; Monsieur le Duc de Sauoye comme fils d'une fille de France, n'oublioit de se faire proposer avec tous les moyens qui se scauroient faire pour luy en cela, & entre tous le Roy d'Espagne plus fort & aduisé d'eux tous, & mieux seruy en France que pas vn, ne faisoit proposer autre chose ausdits Estats, sinô qu'il offroit à la France, la continuation de sa bonne volonté, & tout son pouuoir pour empescher que ceste Couronne Tres-Christienne ne tombast entre les mains d'un heretique relaps; laissant au surplus à Messieurs desdits Estats d'auiser par leur prudence & bon iugement, à ce qui seroit plus expédiât pour remédier à si grand mal, car il preuoyoit bié que tout ce qui pouuoit mieux reüssir pour luy, estoit de voir & rendre ce pauvre Royaume si bien broüillé de tous costez & confus, qu'il en peust plus aisément remporter quelque part pour sa peine parmy nos diuisions Françoises, & nos guerres Ciuilles, qui n'apportent iamais que trop d'aduantage aux Estrangers, & de honte à nostre nation, qui seruine & dissipe de soy mesme.

Durant toutes ces belles pratiques & menées de Messieurs du party de la Ligue, qui tous en general & en particulier aspiroiét à la Royauté, les armées du Roy trauiilloient pour son seruice aux Prouinces, où elles estoient; à scauoir, celle conduite par Monsieur de Neuers vers le milieu de la France, & du costé de la Beauße, où il faisoit tousiours quelque forte d'acheminemens; celle conduite par Monsieur le Prince de Conty, avec Monsieur le Marechal d'Aumont du costé de Bretagne, où ils ~~emporta-~~<sup>emporta-</sup> rent Rochefort, apres trois mil coups de canon tirez, pendant que Monsieur de Bouillon persecutoit tousiours

vers la Champagne, le Duc de Lorraine, & que quelques petits commencemens & compositions particulieres des places en Picardie, commençoïent à se ressouvenir de leur deuoir, & à rechercher les moyens de reuenir au seruice de sa Majesté, laquelle cependât ne voulut demeurer inutile, se resoluant d'assembler à Chartres au vingtiesme Ianuier 1593. tous les principaux de ce Royaume, estant en son obeïssance, pour avec eux prendre quelques bonnes resolutions sur les occurrences du temps & affaires de cét Estat ainsi broüillé de tous costez.

Et en mesme temps Monsieur du Mayne sur la fin de la dite année 1592. desirant donner quelque bonne opinion de son proceder, tant ausdits sieurs Deputez pour les Estats qui arriuoient de iour en iour, qu'à tout le reste de la France, fut faite & publiée vne Declaration, bien & artificieusement faite selon son dessein, portant les iustes & necessaires causes qui l'obligeoient à faire & continuer la guerre contre le Roy, comme heretique, relaps, & déclaré indigne & incapable de cette Couronne, avec infinies coniurations à tous les Officiers d'icelle, Ecclesiastiques, & autres bons Catholiques, de s'vnir & reünir avec luy pour la conseruation de la Religion, & dudit Estat: ensemble desquels il preuoyoit autrement la ruine ineuitable, sans cette commune vnion & resolution de tous, & fut verifiée cette Declaration au Parlement qui estoit à Paris, & apres publiée en ladite ville le sixiesme Ianuier mil cinq cens quatre-vingt treize.

Aussi tost que le Roy eut veu & considéré la fin & artifice de cette susdite Declaration, il fut tres-prudemment conseillé par ses meilleurs & principaux Officiers & seruiteurs d'en faire faire & publier incōtinent vne autre de

sa part toute contraire à ladite premiere, & commanda à Monsieur de Fresne l'un de ses Secretaires d'Estat qui couchoit parfaitement bien par escrit, de la dresser, & apres de la presenter à nous autres du Conseil, pour la rendre mieux faite, & remplie de toutes les plus fortes & pressantes raisons qu'il nous seroit possible; ce qui fut fait si à propos, que l'on fit voir par icelle toutes les impertinences & artifices & nullitez de la premiere de Monsieur du Mayne, & comme tomboiét inconsiderément aux crimes de leze Majesté au premier chef tous les François, qui continuans en leur resolution, voudroient obeir ou participer par effect ou par consentement ausdits Estats pretendus de la Ligue; accordans neantmoins sa Majesté par ladite Declaration quinze iours de temps à tous ceux qui s'en voudroient retirer, pour se rendre à leur deuoir & à son seruice, avec promesse de les bien recevoir & favorablement traiter; comme aussi de ne vouloir plus pardonner pour l'aduenir à ceux qui se rendroiét opiniastres en vne si iniuste cause, & fut ladite Declaration du Roy faite à Chartres le vingt-neufiesme Ianuier 1593. laquelle fut incontinent publiée & enregistrée en toutes les Cours Souueraines, demeurans dans l'obeïssance du Roy.

Pendant que le Roy & toute la Cour seiournoit à Chartres, mes amis, & ceux de Monsieur de Giury s'aduiferent de me conuier à faire le mariage de ma fille aînée la Marquise de Nesle avec ledit sieur de Giury, Anne d'Anglure, de tres-bonne & ancienne maison, & Gentil-homme doué de tant de bonnes & rares qualitez qu'il s'en trouuoit peu de semblables en France; le Roy mesme qui aimoit grandement ledit sieur de Giury m'en parla & pria plusieurs fois, m'assurant qu'il l'aduanceroit des premiers,

selon son merite, tellement que voyant madite fille ieune veufue, sans enfans, & assez riche, ie pensay ne pouuoir luy procurer plus sortable mariage, apres son premier, que celui dudit sieur de Giury, & pource m'attachant plus aux aduantages qu'il auoit par sa naissance, par sa bonne erudition, par sa gentillesse, & son courage, qui luy donnoient vn'establissement de tres-grâde fortune au monde, qu'au bien qu'il pouuoit lors posseder, & desquels ie ne faisois nul Estat au prix, ie me resolus à faire & conduire ledit mariage avec le ~~commencement~~ de madite fille qui s'y porta volontiers, & en faueur d'iceluy, outre les grands biens qu'elle auoit desia, de luy donner encore dix mil escus de ma maison, pour obliger tousiours dauantage enuers les miens, ledit sieur de Giury; & ainsi fut ledit mariage par grande ceremonie arresté, & le contract d'iceluy passé deuant le Roy, qui nous fit l'honneur de s'en rendre sollicitateur, & fut accomply audit Chartres le 20. iour de Ianuier 1593.

Pour reuenir aux affaires du temps, comme mōdit sieur du Mayne & ceux de sa caballe & son party, faisoient leur principal fondement de la continuation de leur rebellion & de la guerre, sur la Religio du Roy, blasmas sans raison les Catholiques qui le seruoient, nous aduisasmes au Conseil avec sa Majesté qui le trouua tres-bon, que tous Messieurs les Princes, Prelats, Officiers de la Couronne, & autres principaux Seigneurs Catholiques, tant dudit Conseil, qu'autres qui estoient près de sadite Majesté, enuoyassent aussi en mesme temps vne espeece de Declaratiō de leur part audit sieur du Mayne, & autres de son party, & ausdits Estats assemblez à Paris, portant qu'ils reconnoissent assez les mal-heurs de la guerre, & les commodi-

tez de la paix, & sur tout la fidelité inuiolable & les seruices tres humbles qu'ils doiuent au Roy, qu'il auoit pleu à Dieu leur donner, & que desirans avec passion comme vrais François, & Officiers de cette Couronne, trouuer quelque bon moyen & remede; tous sçachant tres-bien la bonne & sainte intention de sadite Majesté, & apres en auoir receu promesse d'elle, ils offroient d'entrer en conference & communicatió par des Deputez d'entr'eux, avec d'autres de leur part, en tel lieu qu'ils aduiferoient plus cõmode, comme entre Paris & Saint Denis, se promettant qu'avec l'aide de Dieu, tousiours autheur de paix, & conseruateur de cette Monarchie, estans ainsi assemblez, se trouueroit remede pour la conseruation de cét Estat, & le repos & la consolation de tous les gens de bien, & cette Declaration ample & tres-bien faite, fut arrestée & passée en plein Conseil, tenu expres, & signée par Monsieur de Reuol, l'un des Secretaires d'Estat, à Chartres, le vingt-septiesme Ianuier 1593. & enuoyée dès le lendemain par vn trompette du Roy à Paris.

A cette Declaration & ouuerture de Conference, proposée par lesdits sieurs Princes & Officiers de la Couronne Catholiques, prés du Roy, ne fallirent incontinent de respondre, Monsieur du Mayne & Messieurs des Estats de la Ligue, tousiours avec leurs protestations ordinaires, specieuses en paroles, & leur industrie à perpetuellement amuser & tromper les plus foibles esprits, & neantmoins concluant qu'ils acceptoient tres-volontiers ladite Cõference, pourueu qu'il n'y eust que des Catholiques, & designèrent par icelle le lieu de Saint Maur, de Mont martre, ou de Chaliot, au logis de la Reine mere, & demanderent que nos Deputez du costé du Roy s'y rédissent dans la fin

du mois de Ianuier, & qu'ils y feroient trouuer les leurs aussi tost qu'ils feroient assurez que ledit temps & lieu nous fussent agreables.

Monsieur le Cardinal de Plaisance, lors Legat en France, enuoyé par le Pape Clement huitiesme estant à Paris, estima estre obligé à parler parmy tant de Declarations, lettres & belles responses de tous costez, & fit publier & enuoyer par tout vne grande exhortation de sa part sur tous les Catholiques de toutes qualitez, seruans & suiuias le Roy, portant le grand tort qu'ils faisoient à leur conscience, & à leur honneur, de seruir & assister vn heretique voulant prouuer par ses raisons, ne pouuoir estre Roy de France, & ainsi les conuiens des'en separer pour seruir à la conseruation de la Religion & de cét Estat, avec les Princes Catholiques, & autres Deputez des Estats assemblez à Paris, afin de nommer tous vnaniment vn Roy qui fust vrayement Catholique & doué des qualitez conuenables à cette grandeur, promettant par l'autorité de sa Saincteté tout libre accez & seureté à tous ceux qui se voudroient reconnoistre & n'oubliâs à remarquer le soin continuel & successif qu'ils auoient eu de la conseruation de la Religion Catholique, & de cét Estat; tous les Papes depuis Sixte sixiesme, iusques audit Clement huitiesme; à sçauoir Urbain septiesme qui succeda audit Gregoire, & apres ledit Clement qui l'auoit enuoyé à mesme dessein & au nom & par l'autorité duquel il parloit, & pour fin blasmoit grandement l'attentat fait à la dignité du S. Siege, par les Arrests donnez aux Parlemens de Tours & Chaalons, contre les Bulles, tant du Cardinal Cajetan, au parauant Legat du Pape Sixte, que du Nonce l'an..... enuoyé par Gregoire, que celles qu'il auoit apportées, & fut

fut apporté au Roy cette exhortation dudit Legat, qui la communiqua à son Conseil, où elle fut iugée assez pres-  
sante, & bien faite selon le stile de Rome, & estant dat-  
tée du treiziesme Ianuier 1593.

Après que les Estats eurent commencé de s'assembler à *Duc de Fe-  
ria.* Paris, le Duc de Feria, enuoyé exprés par le Roy d'Espagne apres la mort du Duc de Parme, desira d'y entrer & y estre ouïy de la part dudit Roy d'Espagne son maistre, & y fit vne harangue le ij. Aueil 1593. pour faire ressouenir aux Estats quelle estoit la grandeur & bonté du Roy enuers cét Estat, & son extrême pieté & charité pour cōser-  
uer la Religion Catholique en iceluy, avec les grâdes assis-  
stances & despeses qu'il auoit faites pour cela, en se cou-  
urant ainsi tacitement à ce qui estoit de l'interest & du dessein de sondit Maistre, apres laquelle harangue il leur presenta vne lettre de sa part plus succinte, mais autant arti-  
ficiouse, & tendante à mesme but, dattée de Madril du ij. iour de Ianuier 1593. à quoy le Cardinal de Pelleuë, comme President à la chambre du Clergé; & par ainsi deuant porter la parole pour tous les Estats qui auoient esté  
expressément assemblez, respondit au nom d'iceux audit Duc de Feria, tant pour son Maistre, que pour luy; & fut cette responce vray-semblablement concertée auparauât, plus remplie de loüanges & de tesmoignages d'obligations de la France audit Roy d'Espagne, que l'autre n'en eust osé dire, ny peut-estre pensé, & cela traînoit apres soy vne autre promesse desdits Estats, & vne assurée obligatiō à recognoistre & contenter ledit Roy d'Espagne.

Pendant que les Chefs de ladite Ligue & les Espagnols traualloient aux Estats de Paris à tout perdre & brouiller, par la nomination & eslection qu'ils pretendoient faire

d'un Roy Catholique à leur fantaisie, apres plusieurs allées & venues, la Conference des Deputez des deux partis fut en fin arrestée & resoluë au village de Suresne près S. Cloud, à deux lieues de Paris sur le bord de la riuere. Il s'y trouua du party du Roy Messieurs l'Archeuesque de Bourges grand Aumosnier de Frâce, & Bellieure, de Chaugny, de Chomber, de Pôt. carré, & de Thou: Et de l'autre costé Messieurs l'Archeuesque de Lyon..... tous lesquels, apres les premiers complimens, respects & accueils, ayant également desployé les miseres du temps, & témoigné le grâd desir d'y pouuoir trouuer bon & prompt remede; nos Deputez proposerent suiuant leur instruction, faite & arrestée au Conseil du Roy & en sa presence, que pour donner à chacun quelque soulagement & relasche, il estoit à propos de faire vne trêue de quelques iours; sauf à la continuer par apres, ou à mieux faire s'il estoit possible; à quoy les autres respondirent que bien qu'ils approuuassent ceste ouuerture, que n'en ayant le pouuoir, ils ne la pouuoient accorder, ny rien conclure sur cela, qu'ils n'en eussent conseré à Messieurs des Estats, & à Monsieur du Mayne, qui les auoient enuoyez; que s'ils vouloient leur donner temps & iour, ils leur en feroient responce certainé, & que cependant l'on pouuoit proposer autre chose, qui estoit leur dessein d'apprendre & recognoistre les intentions de nos Deputez, pour y glisser s'ils pouuoient, & en tirer quelque aduantage; ce qu'estant ainsi reconneu par les nostres, ils remirent lesdites Conferences iusques à vn autre iour, auquel les autres promirent de reuenir, & resoudre pour ladite trêue, à laquelle les nostres tindrēt tousiours ferme, & ainsi chacun se separa peu de iours apres leur premiere entre-ueüe, les



nostres reuenans à S. Denis, & les autres retournans à Paris: d'ors chacun iugea que l'artifice de la Ligue estoit de couler & de gagner temps pour tascher de faire quelque chose à leur aduantage ausdits Estats.

Ce que recognoissans les bons seruiteurs du Roy, qui estoient Catholiques, & qui estoient auprès de sa Majesté, ils commencerent à la presser plus que iamais de se faire instruire en la Religion Catholique, car par là il assureroit la Couronne, osteroit à tous ses ennemis toute sorte de pre-texte de broüiller dauantage, & mesme ruineroit vn certain tiers party de quelques Princes du Sang, & autres Catholiques qui commençoient à s'vnir & caballer contre luy à cette occasion, & ainsi reduiroit par ce seul coup de sa conuersion chacun en son obeïssance; estant impossible qu'aucun Catholique la luy peust apres desnier, & qu'il ne s'acquist pour luy & son Estat la paix & la tranquillité tres-assurée. Toutes ces raisons, & infinies autres qui luy furent representées à diuerses occasions, à quoy ie puis dire n'auoir pas peu seruy, firent en fin tant sur son bon iugement, que nonobstant toutes les oppositions que peurent faire ceux de la Religion pretendüe reformée qui estoient en grand nombre & en grand credit auprès de sa Majesté, & les diuers artifices, & discours particuliers qu'ils y opposerent, elle ne laissa de se resoudre à se faire instruire en ladite Religio Catholique, & pour y paruenir enuoya des lettres de cachet à Messieurs les Archeuesques & Euesques plus prochains, & autres Docteurs demeurez és villes de son obeïssance, pour les conuier à se rendre tous en mesme temps près de luy à Sainct Denis, où il desiroit receuoir d'eux l'instruction conuenable à la Religion Catholique Apostolique & Romaine, à quoy se

promettoit qu'ils le trouueroient tout disposé, ne recherchant que la voye la plus assurée de son salut qu'il esperoit trouuer par leurs bons & salutaires enseignemens, & furent lesdites lettres escrites à Mantes le dix-huictiesme May 1593. Comme ceux de la Ligue furent certains de cette bonne & sainte resolution du Roy à sa conuersion, iugeant bien qu'elle ruinerait toutes leurs affaires, ils chargerent & de bouche & par escrit leurs Deputez à la Conference, de faire entendre aux nostres que tous ceux de leur party estoient grandement aise de cette conuersion, pourueu qu'elle fust vraye & nō feinte, & que le Roy en fust paroistre de là en auant les effects en toutes ses actions, & ne receust auprès de luy des ministres & autres de la Religion pretenduë reformée en ses principaux Cōseils, & que cette conuersion fust receuë & approuuée du Pape, qui seul pouuoit selon les cōstitutions de l'Eglise deslier ce que ses predecesseurs auoient lié, sans lesquelles conditions ils ne pouuoient estre satisfaits de ladite conuersion, ny sans l'assurance d'icelle traiter dauantage, ny consentir à aucune surseance d'armes d'où ils remettoient à donner la resolution selon qu'ils cognoistroient le Roy estre bien & veritablement conuerty à la Religion Catholique, & mieux en effect qu'en demonstration & parole, & ainsi se retirerent & interrompirent ladite Conference.

Ce qu'estant rapporté & représenté au Roy, qui aussi rost iugea bien par sa prudence & celle de son Conseil, que telles eschapatouilles & artifices ne tendoient qu'à rompre & delaisser ladite Cōference, & cependant trauailler à Paris à l'election d'un nouveau Roy à la fantaisie de la Ligue, où chacun trauailloit ouuertement, il fut aduisé &

resolu audit Conseil que Messieurs les Deputez de ladite Conference du costé des Catholiques du party du Roy escriroient vne lettre par la permission de sa Majesté aux autres Deputez du party cōtraire pour seruir de manifeste à toute la France, de la sincerité des vns, & des mauuais desseins des autres, & faire cognoistre à vn chacun combien il estoit facile de iuger l'artifice des Espagnols & autres ennemis de cét Estat; qui ne taschoient qu'à perpetuer la des-vniō d'iceluy, & profiter de sa ruine & misere, & remonstrer les grands malheurs qui arriueroyent inutilement & à la Religion & à cette Monarchie Françoisise, si l'on se laissoit imprudemment aller à quelque nouvelle election de Roy, puis que Dieu nous en auoit donné vn, tres-bon & tres-digne, en legitime & ordinaire succession, & lequel s'estoit par la grace de Dieu resolu de se faire Catholique, & recognoistre le Pape selon son deuoir, ce qui obligeroyt tousiours dauantage les bons & vrais François de le recognoistre, & de luy obeyr en tout & par tout; que sa Majesté desireux de donner quelque repos & soulagement de misere au peuple, s'estoit accordé de faire vne tréue & cessation d'armes pour quelque temps, dont lesdits Deputez auoient fait ouuerture dès le commencement de ladite Conference, sans en auoir pû tirer aucune resolution ny reponse en cinq sepmaines; bien que pendant icelle sa Majesté se fust pû grandement aduantager si elle ne s'en fust retenuë sur l'ouuerture & le desir de ladite Ligue, & ainsi concludans ladite lettre, les grands desplaisirs que tous les gés de bien auoient des calamitez presentes, & les passions extrêmes qu'il leur restoyent de se pouuoir tous voir pour y apporter le remede conuenable, & se maintenir tous ensemble en

vrais François, & non efclaues des Espagnols, broüillons, & autres ennemis de cét Eftat; & cette lettre tres-bien & iudicieufement faite & fignée de tous lefdits fieurs Deputtez & de Monsieur de Reuol Secretaire d'Eftat, dattée du vingt-troisiefme Iuin 1593. à S. Denis, fut adreffée & enuoyée à Monsieur l'Archeuefque de Lyon, avec vne lettre particuliere à mefme fin pour luy, comme eftant le premier & plus qualifié des Deputtez de leur party.

Le vingt-huictiefme dudit mois de Iuin 1593. comme ceux du Parlement, demeurez à Paris, cogneurent les grandes & diuerfes factions & cabales qui fe faisoient aux Eftats de la Ligue audit Paris, pour pouruoir à quelque forte d'ellection d'un nouueau Roy, & peut-eftre transporter la grandeur & dignité de cette Couronne és mains eſtrangeres au preiudice de la Loy Salique, & autres loix fondamentales de cét Eftat, ſe reſolurent prudemment par diuine inſpiration de ſ'oppoſer avec courage à telle entrepriſe, & donnerent vn Arreſt ſur la requiſition des gens du Roy audit Parlement, portant qu'il fuſt fait remonſtrance tres-exprefſe par le principal d'entr'eux & Monsieur du Mayne, comme Lieutenant general del'Eſtat & Couronne de France, en preſence de tous les autres Princes, Officiers de la Ligue, & principaux du Party, à ce que rien ne fuſt attété au preiudice des Loix de ce Royaume; ainſi icelle obſeruer & reſpecter par qui que ce fuſt, declarant ledit Arreſt nul, & de nul effect tout ce qui ſeroit fait au contraire, dont mondit ſieur du Mayne deſirant en ouurir ſon cœur, plus librement en particulier qu'en public, ayant ſceu que le Preſident le Maiſtre, qui tenoit la place de premier Preſident, auoit eſté chargé de cette Remonſtrance, il le manda par Monsieur de Billion,

qu'il vint trouver chez Monsieur de Lyon, où il alloit dîner, ce que ledit President le Maistre fit, accompagné de deux Conseillers de la grand'Chambre, nommez Fleury, & d'Ar.

Et là apres ladite Remonstrance faite par ledit President, ledit sieur du Mayne pour response se plaignoit grandement à eux, del'affront qu'il disoit luy avoir esté fait, de donner tel Arrest, & de telle consequence, sans luy en avoir auparavant communiqué, & que s'il eust creu cette affaire deuoir estre proposée & resoluë en cette sorte, il se fust luy mesme trouué audit Parlemēt avec tous les autres Princes & Officiers de la Couronne qui estoient là près de luy, à quoy fut repliqué par ledit sieur President le Maistre, que l'intention de la Cour n'auoit iamais esté de luy faire aucun affront, ny l'offenser, mais bien de maintenir & conseruer, autant qu'il se peut, & se doit, les droits de cēt Estat, & les Loix fondamentales d'iceluy, & s'opposer au transport que l'on pourroit faire de cette Couronne es mains estrangeres, & que s'il luy plaisoit de leur cotter les termes & choses qui le pouuoient offenser dans ledit Arrest, que ladite Cour tascheroit de le satisfaire & contenter autant qu'il luy seroit possible, & qu'elle eust receu beaucoup d'honneur & de contentement, s'il luy eust plu se trouver à cette importante deliberation, pour y apporter son prudent aduis, avec Messieurs les autres Princes & Officiers de la Couronne qui estoient là, lesquels pour ce en auoient peu estre aduertis du Vendredy precedēt pour s'y trouver, s'ils l'eussent désiré, au Lundy suiuant que ledit Arrest fut donné, sans pouuoir estre differé dauantage, ny mesme en aduertir autrement personne, n'estant la forme du Parlement, qu'in'a.....leur or-

dinaire, & reçoit tousiours tres-volontiers chacun en son rang, tous ceux qui y ont sceance; mais non Messieurs les Pairs, sinon pour les procez concernant aucuns d'iceux, sur quoy les sieurs de Lyó & de Rosne qui estoient seuls avec ledit sieur du Mayne voulurent s'entremettre de parler, & aucunement presser ledit sieur President, qui ne manqua de repartie assez rude & preignante pour eux, & le tout souz le nom & l'abry dudit Parlement, & cela se passa vn Mercredy dernier iour de Iuin 1593.

Après plusieurs Conferences & instructiós, le Roy s'estant, par la grace de Dieu, suffisamment instruiet des points desquels il doutoit en la Religion Catholique, par le bon soing que Messieurs les Euesques & Docteurs assemblez à cét effect y apporterent; il prit resolution de faire l'abiuuration de son heresie passée, & profession pour l'aduenir à la vraye Foy Catholique, Apostolique & Romaine, pour y viure & mourir, ainsi que les Rois ses predecesseurs; & voulut faire cette bonne & sainte action publiquement, dans l'Eglise de S. Denis le vingt-cinquiésme Iuillet 1593. ayant sa Majesté choisy ce lieu, à cause des sepultures des Rois qui y sont, les faits desquels il vouloit ensuiure; & de sadite conuersion donna aussi tost aduis par lettre de cachet du mesme iour, à toutes les Cours souueraines, Corps & Communautéz, Euesques absens, Gouverneurs & autres personnes de qualité de son obeissance, afin que chacun en rendist graces à Dieu par *Te Deum*, processions & prieres publiques, comme pas vn n'y manqua, estant le coup du salut de cét Estat.

Et bien que ce soit le fait des Historiens de ce temps, d'escrire & laisser à la posterité les formes & ceremonies qui furent gardées à ladite Conuersion du Roy, ie ne puis m'em-

m'empescher pour l'extreme contentement que i'en receus, avec tous les bons Catholiques, & vrais François, d'en dire icy sommairement quelque chose, apres y auoir contribué de ma part toute l'affection & le seruice tres-humble que ie deuois; & ainsi ie remarquay qu'apres l'instruction du Roy, parfaite & acheuée par Monsieur l'Archeuesque de Bourges, grand Aumosnier de France, & par Messieurs les Euesques de Mantes, du Mans, & du Perron, nommé à l'Euesché d'Eureux, tous les autres Euesques & Docteurs, ayans esté mādéz, plus pour autoriser l'action, que pour y estre necessaire, le Dimanche matin vingt-cinquesme iuillet 1593. sa Majesté vestuë fort simplement, alla de son logis, qui estoit celuy de l'Abbé de Saint Denis, par la rue, toute tapissée, iusques au grand portail de l'Eglise de ladite Abbaye, assisté de tous les Princes & Officiers de la Couronne, de ceux de son Conseil, de trompettes & haults bois, comme il est de coustume aux grandes ceremonies, toutes les ruës estans bordées du Regiment de ses gardes, & ayant pris à l'entour de luy, & derriere, toutes ses gardes ordinaires du Corps, & sa Majesté arriuant audit portail, il y trouua ledit sieur Archeuesque de Bourges, reuestu Pontificalement, qui l'attendoit, assis dans vne chaire, & ayant à l'entour, & prés de luy, Monsieur le Cardinal de Bourbon, & tous Messieurs les Archeuesques, Euesques, Prelats, Docteurs, & autres Ecclesiastiques en nombre infiny, reuestus de roquets, & camails, avec les Religieux de S. Denis, tous vestus en chappes, & toute ladite Eglise si remplie de peuple d'un & d'autre party, qu'il estoit impossible d'y pouuoir trouuer place, ny s'entr'entendre, pour les infinies & redoublées acclamations de *viue le Roy*, & autres applaudisse-

mens & signes d'allegresse qui se faisoient sans cesse.

Après que le Roy se fut approché dudit S<sup>r</sup> de Bourges, il mit sur vn carreau, présenté par ledit sieur du Perron, comme premier, les deux genoux à terre, & demanda tout hautement, & après toute sorte d'humilité, qu'il peust à l'Eglise d'oublier sa mesconnoissance passée, pour lesquelles, il se soubmettoit à telle penitence qu'il luy plairoit luy ordonner, & le recevoir pour l'aduenir au nombre des enfans d'icelle, protestant deuant Dieu, ses Anges, & tout le monde, de vouloir viure & mourir en la Religio Catholique, Apostolique & Romaine, comme estant la seule & vraye mere, necessaire à salut, & de laquelle il desiroit faire profession; lors ledit sieur de Bourges se leuant de sa chaire, sans oster sa mitre, bailla de l'eau beniste au Roy, luy fit baiser la sainte Croix, que lesdits Religieux auoient apportée, & puis s'estans rassis, interrogea la Majesté des points de la Foy, & luy fit faire l'abiuration necessaire de ses heresies, & sa profession de Foy, suiuant la forme prescrite par le Concile de Trente, laquelle il luy fit signer, & après ayant fait releuer le Roy, tousiours iusques là demeuré à genoux, ledit sieur de Bourges le prit par la main, & le conduit au grand Autel de ladite Eglise, où la Majesté se prosterna encores à genoux, & baisa le pied dudit Autel; puis estant releué, reconfirma sa dite profession, & en iura l'entretien inuiolable sur les saintes Euangiles qui estoient sur ledit Autel, & aussi tost se retira seul avec ledit sieur de Bourges dans vn Confessionnaire, préparé exprés à costé dudit Autel, où il fit sa Confession generale, & receut la penitence que luy imposa ledit sieur de Bourges, avec l'absolution necessaire, attendant qu'il enuoyast à Rome vers la Sainteté, pour la re-



querir & obtenir encores ; & cependant le *Te Deum* se chanta par la musique de la Chappelle de sa Majesté, & se prepara la grand'Messe, laquelle fut apres ladite Confession celebrée Pontificalement par ledit sieur de Bourges, le Roy y assistant souz vn daiz de velours , au milieu du chœur, avec Messieurs les Prelats, Princes, Ducs, Officiers de la Couronne, & autres, tous à l'entour de luy, sans rang, comme aux Messes ordinaires du Roy. Mondit sieur le Cardinal de Bourbon ayant présenté & fait baisier à sa Majesté l'Euangile & la paix, à la maniere accoustumée, comme aussi elle alla à l'offrâde, & à la fin de ladite grand'Messe sa Majesté communia publiquement , par la main dudit sieur de Bourges, & apres ladite grand'Messe finie, fut faite largesse au peuple, au bruit des trôpettes, hauts-bois, & infinies resjouissances de tout le monde ; & cela fait, sa Majesté s'en retourna en son logis, en mesme ordre qu'elle estoit venue ; à son disner ledit sieur de Bourges, comme grand Ausmonier, dit le *Benedicite* & les *graces* avec la musique, & peu de temps apres le Roy retourna à l'Eglise, où il entendit le Sermon que fit tres-dignement ledit sieur de Bourges, puis assista à Vespres, que sa musique chanta, & sur le soir s'en alla iusques au Monastere de Mont-martre faire ses deuotions, à la veuë & porte de Paris, dont le peuple tout rauy d'aïse, partit en si grande & merueilleuse foule ; & avec tant de tesmoignage d'affection, voir sa Majesté, quel'on creut qu'elle eust bien peu dés ce iour là se rendre maistre de la ville de Paris, si elle eust voulu s'y hazarder : Et se servit de cette occasion & acclamations publiques, & en suite de cette heureuse conuersion l'on veid incontinent courir parmy la France infinis beaux discours, mesmes faits par personnes d'Estat ;

A a ij

sur le grand heur qu'elle promettoit & pouuoit apporter à la France en son extreme necessité, & l'estroite obligatiō qu'auoient apres cela tous les bons François de reconnoistre & bien seuir le Roy, auquel l'on ne pouuoit rien plus desirer, puis qu'avec cela il estoit doué de toutes les conditions & qualitez conuenables à sa grandeur, & à la conseruation & dignité de cette Monarchie.

Durant que le Roy employa tres-vtilement quelque temps à son instruction & conuerſion susdite, ses seruiteurs trouuilloient dans les Prouinces à aduancer son seruiſe, en procurant le repos necessaire à cēt Estat, & au mesme temps Messieurs les Deputez de nostre costé à la Conference, presserent tellement de raisons les autres Deputez du party contraire, que Monsieur du Mayne, avec toute la Ligue & faction Espagnole, voyant toute les volontez de ceux qui auparauant estoient plus animez à la guerre, estre en vn instant quasi toutes changées & inclinées à la douceur & à la paix, fut contraint d'accorder avec le Roy cette tréue, laquelle ils auoient tant differée à la faire pour trois mois, portant cessation de toutes armées & actes d'hostilitez, avec entier trafic de labourage, commerce public & particulier, & pleine iouissance à chacun de son bien; & fut ladite tréue ainsi accordée entre mondit sieur du Mayne & le Roy, que iusques alors il n'auoit iamais voulu recognoistre en cette qualité, mais qu'il voyoit bien que tous les peuples alloient suiure; & d'eux seuls signée, & leurs Secretaires des commandemens de chacun costé, à l'auoir de Monsieur de Beau-lieu Ruzé pour celuy du Roy, & de Beaudeau pour l'autre, & dattée du dernier iour de Iuillet mil cinq cens quatre-vingt treize, six iours apres ladite Conuerſion, & dés le lendemain pu-

bliee par tout, tant à Paris, S. Denis, qu'à autres lieux, en toute diligence, pour laisser plustost respirer à chacun la douceur de cette accommodation si vniuersellement souhaitée de tous les gens de bien; & comme le Roy voulant entierement satisfaire au deuoir de sa conscience, & la mettre en toute seureté & repos, il prit resolution avec les principaux & premiers de son Conseil d'enuoyer vers le Pape, pour luy tesmoigner, rendre & protester l'obeïssance que sa Majesté doit au Saint Siege, & receuoir pour sa penitence telle peine qu'il plairoit à sa Sainteté luy ordonner, & pource dépecha à Rome Monsieur le Duc de Neuers, comme Ambassadeur extraordinaire, avec pouuoir suffisant, & ledit sieur du Perron nommé à l'Escusché d'Eureux avec luy, pour plus particulièrement certifier le Pape de la verité de sa conuersion, mais le party de la Ligue trop déplaisant de l'heureux succez de ladite Conuersion, & continuans tousiours en leurs premiers desseins de porter les Estats, assemblez à Paris, à l'ellection d'un nouveau Roy, à laquelle chacū aspiroit pour soy, travaillant avec toute industrie à trauerser sous main du costé de Rome l'effect de cette Ambassade & submission de sa Majesté, à quoy la faction Espagnole du consistoire n'oublia rien de ses moyés & artifices ordinaires, pour la rendre inutile, ils l'eussent peu aussi bien qu'ils auoient fait la commission precedente du Marquis de Pisanny & du Cardinal de Gondy, & du reste de la France, à y semer tant de faux & meschans bruits, & apposter des Predicateurs à cet effect pour faire que ladite conuersion du Roy estoit feinte & simulée, que lors nous fumes contraincts de nous aider & seruir de mesmes sermons pour destromper le petit peuple, & faire voir la pure verité & sincerité de la-

dite conuerſion, & les damnableſ artifices du party contraire.

Or ceux deſdits Eſtats de Paris eſtans la pluſpart gaignez, & voulans faire craindre & redouter aux peuples la cōtinuation del'herēſie ou mauuiſe conuerſion du Roy, & ainſi prolongeant le mal-heur de la deſuaion de cēt Eſtat, ſe donner le temps de penſer à leur eſlection d'vn autre Roy; ils arreſterē auiſdits Eſtats deux actes fort remarquables durant les premiers iours du mois d'Aouſt 1593. l'vn pour la reception abſoluē & entière du Concile de Trente, & l'autre pour demeurer tous vnis inſeparablement à deſſendre & conſeruer la Religion Catholique Apoſtolique & Romaine, & reſtablir ce Royaume en ſa premiere ſplendeur, & demeurer touſiours en l'obeiſſance du Saint Siege & du Pape, avec congé aux Deputez deſdits Eſtats qui voudroient ſe retirer, & ce avec cauſe legitime, pourueu qu'ils s'obligeaſſent par ſerment d'y reuenir ou d'y faire reuenir d'autres en leurs places dans le dernier iour d'Octobre enſuiuant 1593, afin que les Eſtats peuſſent lors prendre & former leur reſolution ſur les principaux points & affaires propoſées; & furent ces deux actes publiez auſſi toſt à Paris, & autres lieux de la Ligue avec l'intitulation qui ſ'enſuit. Charles de Lorraine Duc du Mayne Lieutenant general de de l'Eſtat Royal & Couronne de France; les Princes, Ducs, Officiers de la Couronne, & les Deputez des Prouinces faiſans & representans les Corps des Eſtats Generaux de Frāce, assemblez à Paris, pour aduiſer aux moyens de deſſendre & cōſeruer la Religion Catholique, Apoſtolique & Romaine, & remettre ſ'il eſt poſſible le Royaume tant affligé en ſon an-

cienne dignité & splendeur, comme plus au long se peut voir & trouuer dans l'histoire du temps.

Outre lesdits deux actes publiez se fernerent au mesme temps force lettres particulieres, aduis & remonstrances de plusieurs personnes, gaignées ou pipées par l'artifice de la Ligue, tant au dedans qu'au dehors du royaume, adressées à leurs amis de tous costez, & principalement à Rome, & toutes tendant à mesme but de desirer la Conuersion du Roy, & de la faire croire simulée & feinte, & empescher par ce moyen que le Pape n'y adioustast foy, & ne receust le Roy en l'obeissance de l'Eglise, en la personne deldits sieurs de Neuers & du Perron, enuoyez expres à cét effect, & par le mesme discours se vid assez que la ialousie de Monsieur du Mayne contre son nepueu, Monsieur de Guise, pour l'eslection desdits Estats à la Royauté, auoit esté cause de la remise desdits Estats à la fin d'Octobre; d'autant que les Espagnols qui y trauailloient pour ledit sieur de Guise qui deuoit espouser leur Infante, ne s'estans trouuez iusques là assez forts pour emporter ladite election par dessus Monsieur du Mayne, pensèrent les reculans, y reuenir plus puissans de brigues d'armes, & d'argent, pour n'y plus faillir, & Monsieur du Mayne de son costé pensa assez faire pour ce coup d'auoir empesché l'eslection de son nepueu, estimant qu'il pourroit faire pour soy quelque chose dauantage audit mois d'Octobre, & ainsi chacun d'eux croyant s'auantager dauantage par cette remise desdits Estats, Dieu qui en auoit tout autrement disposé, permit qu'ils furent ainsi separez sans autre effect, ayant duré sept mois, depuis le dixiesme Feurier iusques à la fin dudit mois d'Aoust 1593.

En cette mesme année, & quasi au mesme temps, desirant

establi la condition de mes enfans, & ayant de long-temps fait dessein d'en faire vn d'Eglise, ie choisiss mon second fils Philippe Hurault, lors Baron d'Vriel pour le mettre de cette condition, le iugeant, graces à Dieu, assez bien nay, & avec assez bon esprit pour reüssir en icelle, à laquelle ie n'eus peine qu'à le disposer & faire refoudre, ayant enuiron quatorzeans, & estoit plus porté aux armes & au monde, que ses autres freres, & neantmoins luy ayant fait recognoistre ma volonté, & l'aduantage qu'il en pouuoit esperer, & l'assurance que i'auois qu'il prendroit apres moy l'appuy & la conduite de tout le reste de ma maison, il se soubmist respectueusement à ma volonté & bonne intention, tellement que ie luy fis aussi tost prendre & porter la soutane, & luy baillay prés de luy des gens de lettres & de conscience, pour luy faire continuer & augmenter ses estudes ordinaires, & rascher de le rendre capable des honneurs & dignitez, desquelles ie le voulois pouruoir en l'Eglise, l'ayant dés l'heure assuré de deux Abbayes à sçauoir..... dont ie luy fis prendre le nom, & que i'auois tousiours conserué comme venant de la maison de Cheuerny, sous le nom de mon nepueu de la Plisse, & de celle de Valasse en Normandie, que i'auois eüe de Monsieur du Puy mon cousin, en recompense de celle de S. Nicolas d'Angers, dont m'auoit gratifié le Roy Henry troisieme, estant Duc d'Anjou, pour luy auoir rendu ce seruice, de luy auoir fait augmenter les droicts de son apennage, de la disposition des benefices Consistoriaux d'iceluy, lesquels auparauant n'auoient esté accordez à aucun des enfans de France; & en cette façon ie commençay d'establi & donner mon second fils à l'Eglise.

Et

Et pour reuenir au cours des affaires du monde, les mauuais & faux bruits que la Ligue faisoit courir par tout, que la Conuerſion du Roy eſtoit feinte, firent naiſtre infinis mauuais deſſeins en l'eſprit foible de pluſieurs; entr'autres, vn miſerable & deteſtable parricide, nommé Barriere, natif d'Orleans, au commencement baſtelier, puis ſoldat en Lyonnois pour la Ligue, ſous le ſieur d'Aligny, s'eſtoit reſolu par l'inſtin& du diable à attenter à la perſonne du Roy, qui s'eſtoit perſuadé qu'il uoloit perdre la Religiô Catholique en cét Eſtat, & s'ouurit de ſon malheureux deſſein hors de Confeſſion à vn Preſtre, Iacôbin de Lyon, nommé Sibaudy, & ledit Sibaudy qui ne l'en auoit peu deſtourner, en ayant donné aduis à vn Gentilhomme Italien, nommé Branqualion, qui eſtoit ſon amy, eſtant lors audit Lyon, ledit Branqualion prit auſſi toſt la poſte, & en vint donner aduis au Roy, & fit ſi bien que le Roy eſtant à Melun, ledit Barriere y fut trouué pris, & arreſté le vingt-leptieſme Aouſt 1593. & comme l'on le prit faiſi d'un grand couſteau de la longueur d'un pied, fort aſſilé, pointu, tranchant des deux coſtez, ne pouuât pallier ſon crime, ny deſnier la verité de cét horrible attentat, il aduoüa & confeſſa ſa cruelle & meſchante intention; tellement que ſon procez luy fut fait & parfait par le Lieutenant du grand Preuoſt, qui le iugea, avec quelques vns du Conſeil d'Eſtat, quelques Preſidents des Cours Souueraines, & Maiſtres des Requeſtes, qui ſe trouuerent lors à la Cour, & fut condamné ledit Barriere à eſtre tenailé & rompu tout viſ, & à eſtre appliqué à la queſtion ordinaire & extraordinaire, pour declarer ſes complices & adherans d'une telle meſchanceté; & fut ainſi executé audit Melun, ſans uoloir rien aduoüer que ſa faute particuliere, dont il

fit paroistre au supplice vn tres-grand regret.

Comme d'un costé ces beaux Estats de Paris, n'ayans peu faire dauantage, commencerent à minutter leur retraite, & cependant à leur abry, & souz les mauuaises impressions, force secrettes & tres-meschantes conspirations, se descouuroient tous les iours le nombre infiny de tant de mesconnoissances & extremes folies, fit resueiller la pluspart des bons Francois en leur deuoir, & entr'autres quelques bons & gentils esprits du temps qui s'employèrent à descrire la tenuë & l'ordre desdits Estats, en firent vn liure, intitulé le Catolicon d'Espagne, ou Satyre Menippée, dans lequel souz paroles & allegations pleines de raillerie, ils boufonnerent, comme en riant le vray se peut dire; ils declarerent & firét apertement reconnoistre les menées, desseins & artifices, tant des Chefs de la Ligue & Espagnols, que desdits Estats par eux apostez, & si par diuers discours & harangues qu'ils firent faire aux vns & aux autres, selon leurs humeurs, caprices & intelligences, en telle sorte qu'il se peut dire qu'ils n'ont rien oublié de ce qui se peut dire pour seruir de perfection à cette Satyre, qui bien entendue sera grandement estimée par la posterité; & d'autant qu'aux premieres impressions d'icelle il y auoit certaines choses vn peu libres, mais tres-veritables, qui touchoient quelques particuliers. & principaux entremetteurs dudit party, lesquels estoient depuis reuenus en l'obeissance du Roy, ils firent tant qu'aux secondes impressions, ils en retrancherent ce qu'ils offensoir, & ne peurent neantmoins empescher que le tout ne fust demeuré dans la memoire, & dans la Biblioteque des plus curieux du temps, pour leur seruir de honte & d'exemple à leurs semblables, de ne se laisser emporter à telles furies

p. 110.



pour leurs intereſts & paſſions, à chacun en particulier.

Au mois de Septembre, les habitans de la ville de Lyon, laſſez des mauuaistraittemens qu'ils receuoient ordinairement de Monſieur le Duc de Nemours, Duc de Geneuois, leur Gouverneur, entre les mains duquel ils s'eſtoient inconfiderément iettez, & l'auoient quaſi rendu abſolu audit païs deſſors qu'ils s'eſtoient embarquez dans le party de la Ligue, voyans qu'il s'en vouloit rendre le Maïſtre, comme propriétaire de cette puiffance, ſans vouloir preſque les reconnoiſtre; Monſieur du Mayne, ny Meſſieurs les Eſtats du Royaume aſſemblez à Paris, qui l'auoient pluſieurs fois mädé pour s'y trouuer, à quoy il n'auoit iamais voulu ſatisfaire, ſe voyant trop foible pour paruenir à l'eſlection de la Royauté, à laquelle il aſpiroit auſſi deſraïſonnablement & ambitieufement que les autres; leſdits habitans tout d'un coup ſe ſouſleuerent & reuolterent contre luy, & par barricades, & autres efforts d'émotions populaires, aidez de la conduite & dextérité de Monſieur leur Eueſque, preſſerent ſi fort ledit ſieur Duc de Nemours, que ſans beaucoup de reſiſtance, ils ſe faiſirent de ſa perſonne, & le mirent priſonnier dans le Chateau de Pierre-Anciſe, où il cõmandoit dans ladite ville, & ainſi ſe remirent en leur premiere liberté, faiſans neantmoins declaration & proteſtation publique, dont ils enuoyerent en meſme temps aſſurer ledit ſieur du Mayne, & leſdits Eſtats, qu'ils entendoient demeurer touſiours dans le party de l'Vnion & en l'obeïſſance deuë au S. Siege; conformément à l'intention & deliberation derniere deſdits Eſtats, & cõt inopiné changement audit Lyon, & reuolte deſdits habitans, contre leur Gouverneur de cette qualité

donna sujet de dire & penser force diuerſes choſes à cette occaſion.

Or pendant la trefue generale, comme a eſté dit cy-deſſus, entre le Roy & Monſieur du Mayne, ſe propoſa pluſieurs fois de tous coſtez diuers moyens pour paruenir à quelque repos aſſuré, & vne bonne paix & accommodation raſſonnable, pour reſtablir la pauure France, & les François en quelque ſorte de tranquillité; & le Roy qui ne cherchoit que la reünio de tous ſes ſujets en ſon obeïſſance, eſſaya d'adoucir & regagner mondit Sieur du Mayne, par offres de tres-grandes charges & recompenſes, & aſſurances tres honorables, & infiniment aduantageuſes pour luy; mais en vain, car ledit ſieur du Mayne ayant encores, ce luy ſembloit, pluſieurs cordes en ſon arc, & puisſants reſſorts à faire iouer, eſcoutoit, marchandoit, promettoit, reſuſoit, aduançoit, & reculoit toutes les meilleures propoſitions que le bien & ſes ſeruiteurs meſmes luy pouuoient faire, ayant deſſein de reculer touſiours & tirer les affaires en longueur, pour attendre ce qu'il eſperoit deſdits Eſtats raſſemblez, pour leſquels preparer d'auantage à ſa volonté, il procuroit ſouz-main que la demifſion faite par Meſſieurs de la Sorbonne en May 1590. fuſt de nouueau publiée pour faire croire au peuple qu'ils tenoient la Conuerſion du Roy feinte & ſimulée; & luy nonobſtant l'apparence d'icelle deſcheu de tout droit & pretenſion à ceſte Couronne; ce que les Agents d'Eſpagne publioient auſſi de tous coſtez, tant en France qu'à Rome, où ils trauerſoient tout ouuertement la negociation de Monſieur le Duc de Neuers, pour l'empêcher d'obtenir l'abſolution de ſa Saincteté que le Roy deſiroit.

Et en mesme temps parurent en diuers endroits, tant dedans que dehors le Royaume quelques personnes affectonnées au mal-heur public, ou gagnées par la Ligue, qui publioient, preschoient, & par discours, & par escript, qu'il estoit impossible de faire compatir ensemble deux Religions, sans que cela apportast, tost ou tard la ruine, ou au moins la dissipation de l'Estat; & à cela auoient-ils bien quelque raison; car chacun en craignoit & preuoyoit le mal; mais ils adioustoient que le Roy auoit trop peu de conduite & de puissance pour se faire iamais obeir, & trop d'ennemis puissans sur les bras pour n'y succomber dans peu de temps, quand mesme il auroit esté reconneu; qu'ainsi la France ne feroit iamais que languir & deperir souz luy, & se trouueroit en fin reduite à tomber en proye, ou à la misericorde de quelque Prince plus puissant, auquel il estoit plus expedient de recourir promptement, faisant aussi couuertement entendre que c'estoit le Roy d'Espagne qu'il falloit rechercher, publiant sa grandeur, & faisant voir que ses doublons pouuoient tout, pour tendre tousiours à leur premier dessein, de faire faire aux Estats l'ellection de l'Infante d'Espagne; tellement que les seruiteurs du Roy furent contrains de deffendre la bonne cause de sa Majesté, par mesmes armes, & faire voir à tout le monde l'artifice & l'impertinence dudit discours; & comme le Roy d'Espagne estoit beaucoup plus foible qu'il ne paroissoit, ne possédant quasi que ce qu'il auoit acquis par v'surpatió, ou par la lascheté & des-vnion des peuples qui s'estoient laissez piper à ses artificieuses amitez & Religions apparentes; cortant au vray tous les droicts vsurpez par l'Espagnol en tous les deux Estats qu'il possède, & les grands aduantages que la France a

touſiours eue ſur l'Eſpagne, & les hommages qu'elle luy doit, à cauſe de la Comté de Flandres, d'Arthois, & de Charolois, auant qu'elle les euſt entierement uſurpées, & autres tres-belles remarques, pour teſmoigner la grande inégalité de droit & de raiſon qu'il y a des deux Monarchies; & comme nous deuions eſperer que Dieu autheur & conſeruateur de la noſtre, en voudra perpetuer l'eſtabliſſement, comme iuſte, & l'autre comme iniuſte quand il luy plaira.

Au mois de Decembre audit an 1593. le Roy voyant que tout le monde iugeoit de luy & de ſa conſcience, ſelon ſa fantaſie & ſa paſſion, fut conſeillé de faire vne Declaration publique de l'un & de l'autre, pour faire taire ſes ennemis, & aſſembla pour ce faire à Mantès tous ſes Officiers de la Couronne & principaux ſeruiteurs, pour aduiſer à cela, & reſoudre ainſi avec eux, s'il ſeroit plus expedient de terminer que prolonger dauantage la trêue accordée, laquelle ayant deſia duré ſix mois, au lieu de trois, premierement accordez, ne produiſoit le bien & la paix qu'il en auoit eſperé lors, ains donnoit plus de loiſir & de moyens aux ennemis de cet Eſtat de continuer leurs premieres broüilleries, & s'en augmenter tous les iours de nouveaux artifices pour le perdre & ruiner tout à faiât, en vendant toutes les intentions & actions de ſa Maieſté iniuſtes & odieuſes, par les grandes calomnies qui ſe iettoient par tout le Royaume, & meſmes à Rome, où ils trauerſoient & empeſchoient ſes plus iuſtes deuoirs pour le repos & la ſeureté de ſa conſcience, apres ſon heureuſe Conuerſion; & tels procedez eſtans du tout cōtraires à ce qui auoit eſté propoſé & arreſté par les Deputez à la Conference, ſa Maieſté fut cōſeillée de faire publier ladite

Declaration, contenant la verité de sadite Conuerſion, avec toutes les raiſons & cauſes cy-deſſus, & infinies autres tres-importantes & veritables, comme de la reſolution qu'auoient priſe ſes ennemis, de faire reuenir des Eſtrangers en France, afin de faire authoriſer & porter leſdits Eſtats de la Ligue à entreprendre par force de qu'ils n'eufſent oſé penſer par raiſon, declarant auſſi ſadite Maieſté qu'il ne pouuoit plus entendre à aucune prolongation de ladite tréue, apres leſdits ſix mois expirez, & proteſtant que ce ſeroit contre ſon gré qu'il ſeroit contrainct ledit temps paſſé, de reprendre les armes, & ſe ietter à la guerre, puis qu'il ſ'y trouuoit obligé pour la conſeruacion de ſon Eſtat & de ſa perſonne, à laquelle l'on auoit attenté à Melun durant ladite tréue, & auoit eſté fait vn ſerment public & ſolemnel auſdits Eſtats, de n'entrer iamais en aucun traitté ny accord avec luy; & neâtmoins accordant par ſa bonté toute ſorte d'oubliance du paſſé, & bonne reception, avec entier reſtabliſſement en toutes leurs charges & benefices, & tous dudit party de la Ligue, ſoit particuliers ou Communautéz, qui voudroient ſe reduire en leur deuoir en ſon obeïſſance; dans vn mois apres ladite Declaration, lequel paſſé, il demeureroit entierement deſchargé de cette grace; & au contraire enioint expreſſément à tous les Gouverneurs des Prouinces, Cours Souueraines, & autres Officiers de leur courir ſus, avec toute ſorte de rigueur, & fut cette Declaration heureuſement dreſſée par Monſieur de Freſne, puis reueü; icelle augmentée de meſme, par les premiers & plus habiles du Conſeil, expediees audit Mantes le vingt-ſeptieſme Decembre 1593.

Cette Declaration du Roy tres-bien faite, ayant eſté

publié, & enuoyée de tous costez, avec force lettrés de cachet de sa Majesté à plusieurs personnes qualifiées dans les Prouinces; l'on en veit incontinent naistre de merueilleux effects, car de là chacun prit son subiect de se resoudre, & de se resueiller à son deuoir, & en la fidelité deuë à son Roy & à sa patrie; entr'autres le sieur de Vitry, qui iusques alors s'estoit tousiours monstre vn des plus feruens Ligueurs & affidez de Monsieur du Mayne, & estoit Gouverneur de la ville de Meaux, & de la pluspart de toute la Brie, ayant bien reconneu les desseins mauuais de la Ligue & de l'Espagne, comme il veit le Roy s'estre fait Catholique il se resolut le premier à le vouloirreconnoistre & seruir; & comme il eut fait entendre cette sienne resolution, & la cause d'icelle à ceux de la ville de Meaux, il les porta & amena avec luy en l'obeissance de sa Majesté l'vnziesme Ianuier 1594. luy liurant avec la ville quelques artilleries que le Duc de Parme auoit amenees du Pays-bas, & y en auoit laissé; apres auoir donné assurance au Roy de tout, il le receut tres-fauorablement & le gratifia d'honneur & de biens, tels que meritoit cette volontaire recognoissance, comme ayant esté le premier qui auoit monstre & frayé le chemin à l'obeissance deuë à sa Majesté; & dauantage mondit sieur du Mayne, & ceux de son party, trouuerent ce changement dudit sieur de Vitry trop prompt à leur gré, & en voulurent donner vne mauuaise impression; ledit sieur de Vitry fit faire & publier sous son nom vn manifeste des iustes raisons qui l'auoient porté à se reduire au seruice du Roy, puisque rien que la diuersité de Religion nel'en auoit iusques là separé; ledit manifeste fait selon son courage & son humeur, & dattée du douziesme Ianuier 1594. iour suiuant de la susdite Declaration

1594

claratiō, & au mesme temps ceux de ladite ville de Meaux qui vouloient suiure & imiter leur Gouverneur en tout, firent aussi comme vne Declaration de leur fait, portât la ferme & iuste resolution que Dieu leur auoit inspirée de se reduire selon leur deuoir, comme ils auoient fait à l'obeïssance du Roy, & l'adresserent & enuoyerent à Messieurs les Preuosts des Marchands & Escheuins de la ville de Paris, les coniuans & conuians de faire le semblable de toute affection, & de recognoistre le Roy legitime & Catholique qu'il auoit pleu à Dieu leur donner, sans demeurer plus longuement sous le ioug de la tyrannie Espagnole; tellement que sur le sujet de cette reduction de Meaux & dudit sieur de Vitry, plusieurs mesmes enfermez dans Paris, & autres villes & lieux de la Ligue, commencerent à parler plus hardiment du nom & de la grandeur du Roy, & de l'Estat François, qu'ils n'auoient osé par le passé; & monstrier que puisque Dieu auoit appellé sa Majesté à la vraye Religion, il n'estoit plus temps de mesdire d'eux; & encores moins d'entretenir la rebellion contre son auctorité, & attenter à sa personne, par qui, ny pour quelque pretexte que ce fust.

Et comme la pluspart du peuple de Paris se trouua surpris & estonné de cette reünion de Meaux au seruice du Roy, chacun desira fort, adoucy & alleché par la douceur du repos, de commécer à faire paroistre qu'il ne cherchoit rien plus que les moyens les plus prompts de se reuoir en sa premiere liberté & trāquilité; tellement que les Corps, Communautéz, & premieres Compagnies de ladite ville, qui auoient tousiours fleschy sous la cruauté & fureur populaire, la voyant changée en douceur, ne feignirent plus à se declarer & manifester dauantage; entr'autres

Messieurs du Parlement demeurez audit Paris, où le Procureur general en iceluy, fit vne Remonstrance & Harangue publique en pleine audience, pour monstrier qu'il ne falloit plus tarder à reconnoistre le Roy, & à se ietter entre ses bras, puisque il estoit Catholique, en prouuant par infinies exemples & raisons, que ceux qui voudroient continuer en leurs premiers desseins & rebellion, ne pouuoient attendre autre chose qu'un redoublement de leurs miseres passées, & en fin leur ruine totale.

Aussi tost que Monsieur du Mayne eut aduis de cette Remonstrance dudit Procureur general audit Parlement, cognoissant Monsieur de Belin Gouverneur de Paris, & quantité d'autres principaux de ladite ville estre portez à mesme intention, tous se lassans de la continuation de tant de miseres, & tendans à vne bonne paix, dont il estoit du tout esloigné; il fit en sorte que ledit sieur de Belin se deschargea, & luy remit ledit Gouvernement de Paris au grand regret de tous les Parisiens qui auoient creance en luy; & ce changement de Gouverneur donna moyen au Duc de Feria de faire glisser & entrer dās ladite ville, par le consentement & desir de mondit sieur du Mayne, qui craignoit qu'elle luy eschappast, quelques Compagnies d'Espagnols, Vualons, Italiens, & quantité de doublons, pour contenter les pensionnaires du party, en gagner d'autres, & conseruer ladite ville à leur deuotion; & en mesme temps ledit sieur du Mayne s'en alla audit Parlement, où apres plusieurs complimens & assurances de respect & d'amitié qu'il vouloit tousiours leur garder, il les assura que ses intentions n'auoient iamais esté, & n'estoient encore de faire aucun traitté avec les Espagnols, & qu'ils n'en deuoient prendre ombrage, non



plus que de ce que ledit sieur de Belins'estoit démis de son Gouvernement, estant chose dont il estoit fort marry pour l'estime qu'il en faisoit, les coniuant de ne se mettre dauantage en peine.

Après le discours dudit sieur du Mayne audit Parlement, ils'en retira, laissant ledit Parlement plus animé que destourné par luy de sa première opinion, & demeura assemblé iusques à vne heure après midy, où force Conseillers s'esclatterent grandement en leurs opinions, louans hautement ceux de Meaux & Monsieur de Vitry, d'auoir comme bons & vrais seruiteurs, reconneu le Roy, puis qu'il estoit Catholique, chacun reconnoissant trop bien les pernicioeux desseins de ceux qui vouloient enuahir & transporter cette Couronne; & sur cela, & pour penser mieux conseruer ladite ville de Paris, & ceux qui y estoient en plus grande liberté, fut conclud quasi tout d'une voix, & arresté, que du mesme iour Remonstrances seroient faites audit sieur du Mayne, à ce que pour le contentement d'un chacun, il luy pleust retenir ledit sieur de Belin audit Gouvernement de Paris, à quoy il respondit qu'ils venoient trop tard; & que le parlement dudit sieur de Belin estoit tellement accordé & arresté qu'il ne pouuoit plus y remedier; tellement que ledit Parlement étant le lendemain rassemblé, auilans sur cette responce, arresterent que ledit sieur du Mayne seroit encore derechef supplié de conseruer audit Gouvernement ledit sieur de Belin, ou ne trouuer pas mauuais, si les Presidens, Conseillers, & autres Officiers quittoient leurs loges robes & chaperons pour prendre les armes, & tascher avec tout le peuple à chasser les Espagnols de Paris; parce qu'ils voyoient bien qu'ils auoient dessein de les acheuer de ruiner, & toute la

France, s'il luy estoit possible, eux estans obligez avec tous les bons François, de s'y opposer, & l'empescher en quelque façon que ce fust.

Et comme Monsieur du Mayne ne voulut repartir, faisant la sourde oreille à cette courageuse Remonstrance & espee de rodemontade dudit Parlement, se tenant toujours aux mesmes termes de sa premiere response; ledit Parlement se sentant offensé & indigné de cela, prononça vn Arrest bien court, mais fort prefix & contraire à l'autorité de la Lieutenance generale dudit sieur du Mayne; Portant qu'attendu le mespris fait par ledit sieur du Mayne, des bons aduis & remonstrances de ladite Cour, autres plus expresses & estenduës luy seroient reitérées par escript, & enuoyées par le Procureur general, & puis inferées avec la response au greffe d'icelle; & cependât on ordonoit & declaroit à qui il appartienendroit, que ladite Cour s'opposoit à toutes factions ou mauuais desseins de l'Espagnol, & de tous ceux qui les voudroient introduire en France, & commandoit aussi à toutes les garnisons Estrangeres qui estoient dans Paris des'en retirer; & à cét effect, entendoit que ledit sieur de Belin en demeurast Gouverneur, & que le mesme iour fussent assemblez les Preuosts des Marchands & Escheuins, & Corps entier de ladite ville, pour se ioindre à ladite Cour, & aduiser avec eux ce qui seroit plus expedient de faire pour l'execution & intention dudit Arrest, & à la seureté & conseruation de ladite ville, iusques à quoy ledit Parlement cesseroit, & fut ledit Arrest donné le quatorziesme lanuier 1594. & cét effort du Parlement, ioint à vne lettre que Monsieur de Villeroy auoit escrete audit sieur du Mayne dix ou douze iours auparauant, luy donnerent bien à penser pour ses

Villeroy.

affaires, lesquelles il voyoit ainsi se descouurer & ruiner peu à peu, tous les iours; ledit sieur de Villeroy commençant lors à reuenir à luy mesme, & à vouloir retirer ledit sieur du Mayne des grandes pretensions où il l'auoit trop ambitieusement fait entrer, tant dedans que dehors le royaume, lors qu'il s'estoit ietté dans son party, par despit & mescontentement particulier, qu'il prit plus sensiblement que tous nous autres du Conseil, lors que le Roy Henry troisieme nous congedia tous à Blois, chacun de nous estât apres cela demeurez chez soy, & depuis reuenus seruir le Roy, hormis ledit sieur de Villeroy, qui s'embarqua des plus auans en la Ligue, & en fin s'en retira avec composition & traité particulier qu'il fit pour luy, estant reuenu seruir le Roy en sa premiere charge de Secrétaire d'Estat, dont il a tousiours esté tres-digne, estant infiniment habile homme.

Les grandes & artificieuses poursuites que ceux de la Ligue & les Agents d'Espagne firent à Rome, pour destourner le Pape de la creance que Monsieur de Neuers luy donnoit de la vraye conuersion du Roy, furent cause que ledit sieur de Neuers, apres y auoir seiourné quelque temps, & reconneu que les bonnes intentions de sa Sainteté enuers le Roy & la France, estoient tellement trauersées par les ennemis de cet Estat, que sadite Sainteté ne pouuoit faire resoudre Messieurs du Consistoire à l'absolution requise par le Roy, ayant fait ce qui se pouuoit pour luy, il demanda congé de s'en reuenir, laissant le sieur du Perron nommé à l'Euesché d'Euzeux à Rome, pour y poursuire & aduancer le reste en son temps; ce que le Pape luy accorda avec beaucoup de difficulté, & ne l'eust iamais fait, sinon qu'il fut bien aise de pouuoir faire

Neuers.

entendre au Roy, avec toute confiance & assurance d'innocentes, grandes & importantes particularitez de la Religion & de l'Estat de ce Royaume; & ainsi ledit sieur de Neuers, non du tout, mais à peu pres fut satisfait, gratifié & honoré de force beaux presens, & ses enfans aussi, que leur fit sadite Saincteté. Il partit de Rome le 15. Januier 1594. pour s'en reuenir en France trouuer le Roy, & luy rendre compte fidelle de sa charge, & rencontra par les chemins le Cardinal de loyeuse & le Baron de Senecey, qui s'en alloient trouuer le Pape de la part de Monsieur du Mayne, à dessein tout contraire, & lesquels arriuez à Rome, eurent leurs premieres audiences le xxiiii. dudit mois, & vne autre six iours apres, taschans de porter le Pape, à continuer sa bien-veillance & faueur enuers le party de la Ligue, comme auoient fait ses predecesseurs; mesmes d'y vouloir contribuer quelque solde par mois, veu les grands perils où ils luy vouloient persuader qu'estoit la Religion en France, dont le Pape ne fit grand cas, estant trop fraichement assuré de la verité de toutes choses, & n'eurent que paroles honnestes & indifferentes de sa Saincteté, & peu ou point d'esperance ny de satisfaction de leurs demandes. Et pour ledit sieur de Neuers, il poursuiuit son retour en France par Florence, Venise, & Mantouë, où il fut tres-magnifiquement receu, tant pour le respect du Roy que de luy-mesme, attendu sa qualité, & son nom de ladite maison de Mantouë.

ARTICLES ACCORDEZ ET PROMIS  
au nom du Roy, pour l' Absolution  
de sa Majesté.

1. **Q**V'ils prestent le serment accoustumé, d'obeyr aux mandemens du Sainct Siege & de l'Eglise.
2. Qu'ils abiureront par deuant le Pape, le Calvinisme, & toutes autres Heresies, & feront profession de la Foy.
3. Que le Roy restituëra l'exercice de la Religio Catholique en la Principauté de Bearn, & y nommera au plustost des Euesques Catholiques; & iusques à ce que les biens puissent estre restituez aux Eglises, dónera & assignera du sien aux deux Euesques, de quoy s'entretenir dignement.
4. Que le Roy, dans vn an, olera Monsieur le Prince de Condé, d'entre les mains des Heretiques, & le consignera entre les mains de personnes Catholiques, pour le nourrir en la Religion Catholique, & pieté Chrestienne.
5. Que les Concordats seront gardez & entretenus, tant à la prouision des benefices, qu'à d'autres choses.
6. Que le Roy ne nommera aux Eueschez & Abbayes, & autres benefices ausquels il a droit de nomination, personnes Heretiques, ny suspectes d'Heresie.
7. Que le Roy fera publier & obseruer le Concile de Trente, excepté aux choses qui ne se pourront executer, sans troubler la tranquillité du Royaume s'il s'y en trouue de telles.
8. Que le Roy aura en particuliere recommandation, &

protection, l'Ordre Ecclesiastique, & ne souffrira que les personnes Ecclesiastiques, soient opprimées ou vexées par ceux qui portent l'espée, ny par autres, ny que leurs biens soient detenus; & s'il y en a d'occupez, les fera rendre au plustost, par tout le Royaume, en quelque lieu qu'ils soient situez, sans aucune forme, ny figure de procès.

9.<sup>e</sup> Que si le Roy auoit fait quelque infeodation des Chasteaux & lieux qui appartiennent à l'Eglise, en faueur de Catholiques, ou d'Heretiques, il les reuoquera.

10. Que le Roy monstrera par faits & par dits, & mesme en donnant les honneurs & dignitez du Royaume, que les Catholiques luy sont tres-chers, de façon que chacun cognoisse clairement, qu'il desire qu'en la France soit & fleurisse vne seule Religion, & icelle la Catholique, Apostolique & Romaine, de laquelle il fait profession.

11. Que le Roy, s'il n'a legitime empeschement, dira tous les iours le Chapelet de Nostre Dame & le Mercredy les Litanies, & le Samedy le Rosaire de Nostre Dame, laquelle il prendra pour son Aduocate es Cieux; & gardera les ieusnes, & autres Commandemens de l'Eglise, oira la Messe tous iours, & les iours de Feste, Messe haute.

12. Qu'il bastira en chacune Prouince du Royaume, & en la Principauté de Bearn, vn Monastere d'hommes, ou de femmes, de la Religion Monastique, ou des Mandians de Religions reformées.

13. Qu'il se confessera & communiera en public quatre fois, pour le moins, par chacun an.

14. Qu'il ratifiera en France, entre les mains du Legat, ou d'autres Ministres du saint Siege, l'abiuration & la profession de Foy, & les autres promesses faites par ses

Pro-

Procureurs; & enuoyera au Pape, l'instrument de la ratification.

15. Qu'il escriua aux Princes Catholiques, en se conioüissant de ce qu'il aura esté receu en la grace de l'Eglise Romaine, en laquelle il fait profession de vouloir demeurer à iamais.

16. Qu'il commandera que par tout son Royaume, graces soient rendües à Dieu, pour vn si grand bien receu de luy.

## ANNOTATIONS ET ADVERTISSEMENS

*sur les precedents Articles.*

**P**Remierement, sur tous lescits articles, lescits Sieurs du Perron, & d'Ossat, supplient tres-humblement le Roy, & les Seigneurs de son Conseil, à qui lescits articles seront communiquez, qu'il leur plaie attendre la pleine & entiere information & relation de toute la negociation, & des grandes & extremes difficultez qu'ils y ont euës; iusques au retour du Sieur du Perron, qui en fera le rapport au long & par le menu & cependant, considerer la qualité & nature de l'affaire, embrouillé & perplex en toute extremité: les oppositions & contradictions, qui y ont esté faites, aussi grandes, ou plus, qu'en autre affaire du monde, dont il soit memoire: la souveraine dignité, autorité, puissance, & interest de nostre sainct Pere le Pape, à qui on a eu affaire: & les humeurs & pretensions de ceux de la Cour de Rome, dont sa Sainteté est conseillée & seruie, & par les mains de qui lescits Sieurs du Perron, & d'Ossat, ont eu à passer. Et quand

D d

toutes les fufdites chofes feront bien confiderées ; on trouuera poffible que lefdits Sieurs du Perron, & d'Oſſat, n'ont pas fait peu d'eſchapper à fi bon marché, & meſme-ment qu'ils n'ont rien accordé, qui ſoit contre leur inſtru-ction; & que s'ils ſe ſont laiſſez aller à quelque choſe, ç'a eſté pour le regard du ſpirituel, dont le Pape eſt chef ſou-uerain. Mais ils n'ont dépendu vn ſeul point de l'autho-rité temporelle du Roy ny de ſes Cours de Parlement, ou d'aucun de ſes Magiſtrats, quelque grande preſſe qui leur ayt eſté faite, & art dont on a vſé enuers eux. Voila quant à tous les articles enſemble.

*Sur le premier Article.*

Le ſerment dont mention eſt faite au premier article, eſt accouſtumé au preallable, en toutes abſolutions qui ſe donnent, non ſeulement par le Pape, mais par tous Eueſques, & autres ſuperieurs Eccleſiaſtiques, pour quel-que cauſe que ce ſoit: & les Prelats meſmes de France, auoient renuoyé le Roy au Pape, pour prendre de ſa Sain-cteté, les commandemens de l'Egliſe: & pour ce, leſdits Procureurs n'ont deu faire aucune difficulté de preſter le-  
dit ſerment.

*Sur le II. Article.*

L'abiuration & profeſſion de Foy, dont eſt parlé en cét article, ſont auſſi accouſtumées & preallables à l'abſolu-tion d'heréſie, encore que le Roy les euſt faites en France, pour auoir l'abſolution des Prelats. Ce qui a aſſez eſté allegué à Rome, & inculqué par leſdits du Perron & d'Oſſat: Si eſt-ce que pour auoir l'abſolution du Pape, il a fallu encore la faire à Rome, où l'on vouloit que le Roy



la fist encore en France de nouveau, en personne & en public, & y ont assisté longuement: mais lesdits Procureurs ont tousiours persisté au contraire, à ce qu'on se contentast qu'ils la fissent à Rome pour sa Majesté, qui ratifieroit ce qu'ils auroient fait: dequoy il a fallu que l'on se soit contenté; & sa Majesté n'en aura autre peine, ny incommodité, que de signer les lettres patentes de ratification, qu'il luy plaira en faire.

*Sur le III. Article.*

Les Sieurs du Perron & d'Ossat, n'ont peu faire de moins, que de promettre le contenu audit article, attendu la grande instance qui en a esté faite, & la iustice d'ice-luy, la bonne inclination qu'ils sçauoient que le Roy ya, & la mauuaise odeur que le Roy eust donnée par toute la Chrestienté. Bien est vray, qu'ils ont fait tout ce qu'ils ont peu, & qu'il leur a esté possible, pour faire conceuoir cét article, & le prochain, touchant Monsieur le Prince de Condé, & le sixiesme, où il se parle du Concile de Tréte, de façon que le Roy ne promist en ces trois articles, sinó que de s'employer de bonne foy, & faire tout ce qui seroit en luy, pour les choses y contenuës. Mais le Pape a pris tousiours en mauuaise part, quel'on refusast de promettre ces choses absolument, & en fin a fallu complaire à sa Sainteté, en laissant passer lesdits articles, comme ilssót couchez; avec ce que la Sainteté mesme a dit, qu'en ce qui ne se pourroit faire, sa Majesté seroit tousiours excusable, en quelque façon que la promesse fust conceuë. Au reste, les maux de cét article troisieme iusques à ce que les biens puissent estre restituez aux Eglises, n'emportent point promesse de les restituer: dont on auoit

fait vn article exprés, que lesdits Procureurs n'ont iamais voulu passer, non qu'ils nel'estimassent iuste, mais pour ce qu'ils n'auoient pouuoir de le promettre. Et quant à l'entretenement des Euesques de Bearn, qui ne sont que deux; le Roy en sera quitte pour mille escus à chacun, selon le Concile de Trente, en la Session vingt-quatriesme, au tiltre, *De reformat.* chap. 13. De façon que deux mille escus en tout ne valoient pas que lesdits Procureurs en contestassent plus longuement.

*Sur le IV. Article.*

Le contenu de cét article est si vtile & nécessaire pour la conseruation de la Religio Catholique, de l'Estat mesme, & de la personne du Roy, que non seulement il n'y a point eu de mal à le promettre, mais ce seroit vn tres-grád bien, qu'il fust desia executé, quand personne n'en auroit fait instance.

*Sur le V. Article.*

Le cinquesme est de iustice, & se deuoit accorder, quád bien on n'eust eu à obtenir aucune obfolution de N. S. P. le Pape.

*Sur le VI. Article.*

Cét article est de droit & de iustice, & selon les Concordats, & mesmes que lesdits Sieurs du Perron, & d'Ossat ont protesté au Pape, & à ceux qui ont traité de la part de la Saincteté, que ce mot de suspect, ne s'entendist point à la façon de quelques acariastres, qui appellét suspects tous ceux qui ont quelque charité, moderation, & humanité, & qui ne sont enragez, comme eux; mais s'entendist de suspicion violente: de quoy on s'est contenté. Et est à noter, que par cét article, n'est innoué rien

de ce qui se faisoit auparauant. Car en toutes les attestations qu'on a cy-deuant enuoyées de France à Rome, par ceux qui deuoient estre pourueus des benefices Consistoriaux, les tesmoins ont tousiours déposé, qu'ils n'estoient ny Heretiques, ny suspects: autrement ils n'eussent point esté admis à Romer.

*Sur le VII. Article.*

La publication & obseruation du Concile de Trente, est pour reüssir, non seulement à l'honneur & gloire de Dieu, & à la reformatiō & decoration de toute l'Eglise, mais aussi à la seureté & accroissement de l'autorité du Roy: & de l'obeïssance qui est deuë à sa Majesté, quelque chose que certaines personnes sçachét dire au cōtraire. Et si les Prestres & autres personnes Ecclesiastiques eussent esté reiglez en France, selon ledit Concile, faisans leur deuoir, & ne se meslans que de la fonction spirituelle, ils n'eussent causé au feu Roy, ny à cestuy-cy, les trauaux que leurs Majestez en ont eus, ny à la France, & à eux mesmes, la ruine & desolation, qui s'y est veuë par tant d'années, & dont tout le Royaume se ressentira d'icy à long-temps. Au demeurant, l'exception qui est au pied de cét article, pour laquelle faire receuoir, il a fallu ausdits du Perron, & d'Ossat, luer sang & eau, monstre assez le soing qu'ils ont eu de ne rien promettre, ny accepter, qui peult troubler la tranquillité du Royaume, soit pour le regard de ceux de la pretenduë Religion reformée, ou autrement. Ledsits Procureurs ont encore tasché d'y faire mettre d'autres exceptions, mais il n'a esté possible de les faire accepter, & semble qu'elles pourront aucunement estre comprises sous ceste-cy.

*Sur le VIII. Article.*

Cét article huitiesme est aussi de droit & de iustice, & le Roy y est obligé par tout droit diuin & humain, quand bien on n'en auroit rien promis en son nom.

*Sur le IX. Article.*

Les Sieurs du Perron & d'Ossat ont maintenu à Rome, que le Roy n'auoit fait aucune telle Infeodation, comme ils croient fermement, que sa Majesté n'en ait point fait du tout, & partant on leur fait conceuoir cet article, qui leur estoit proposé autrement, en la forme en laquelle il est à present. L'occasion que le Pape a eüe, de faire mettre cet article, a esté la faulxe impression que l'on auoit donnée, que le Roy eust donné en fief, à Monsieur le Marechal de Bouillon, l'Abbaye de saint Remy de Reims.

*Sur le X. Article.*

Cét article, comme il est conceu, ne peut troubler la tranquillité du Royaume, ny mesme offenser directement ceux de la pretendüe Religion reformée, & n'est que la premiere partie, & encore reformée d'un plus grand article, qui fut proposé ausdits Procureurs : auquel article, apres ladite premiere partie, s'ensuiuoit que le Roy ne donneroit aucun office aux Heretiques, & qu'il reuoqueroit désincontinent l'Edict de l'an 1577. & puis tout aussi tost qu'il auroit paix avec les Princes estrangers, feroit qu'il n'y eust en France qu'une religion. Ce que lesdits Procureurs firent casser, apres plusieurs contestations.

*Sur le XI. Article.*

Cét article est vne partie de la penitence, que le Pape

impôsa à la personne du Roy : à laquelle jaçoit qu'il sem-  
ble qu'il ne fallut répliquer , toutefois , pource qu'on  
auoit mis l'office N. Dame par les Samedis, lesdits Sieurs  
du Perron, & d'Ossat remonstrerent que ledit office se-  
roit trop long & mal-aisé pour la Majesté; & le Pape, au  
lieu dudit office, substitua le Rosaire, comme plus facile &  
plus court.

*Sur le XII. Article.*

La penitence contenuë en cet article, est grande, & les  
Sieurs du Perron & d'Ossat ont fait ce qu'ils ont peu  
pour faire moderer ce grád nombre de Monasteres, à qua-  
tre ou six; & mesmes ont proposé d'autres choses, qu'ils  
estimoient estre aussi bonnes, & plus au gré du Roy. Mais  
le Pape a respondu, que c'estoit vne penitence de Roy,  
conforme aux ruines de tant de Monasteres & d'Eglises,  
qu'il auoit luy mesme veües, en passant par la France. Et  
à cela lesdits Procureurs n'ont eu toute la liberté de repli-  
quer qu'ils auoient, en ce qui n'estoit point de penitence.

*Sur le XIII. XIV. XV. & XVI. Articles.*

En ces quatre derniers articles, il ne reste rien pourquoy  
lesdits Sieurs du Perron & d'Ossat ayent deu contester:  
ains estiment que le Roy eust fait le tout, quand bien il  
n'y en eust eu aucune promesse. Aussi n'auoient point ces  
quatre articles esté proposez ainsi du commencement,  
mais à l'instance desdits Procureurs, ont esté reduits &  
moderez de la façon qu'ils se trouuent à present.

Outre les susdits articles, le Pape a mis au Decret & en la  
Bulle de l'absolution vne clause annullatiue de l'absolutiõ

donnée par les Prelats en France , à laquelle clause lesdits Sieurs du Perron & d'Ossat , n'ont voulu prester consentement : mais pource qu'ils sçauent que le Pape, à cause de ses pretensions , ne donneroit iamais son absolution, qu'en annullant l'autre, ils ont dit qu'ils la lairroient passer, sans s'y opposer, pourueu que la Sainteté, incontinent apres, adjoustast vn autre clause, qui approuuast & confirmast tous les actes de Religion, qui auoient esté faits en la personne du Roy & par sa Majesté, en consequence de ladite absolution donnée en France, tout ainsi que si le Roy eust dès lors esté absous par la Sainteté: laquelle clause d'approbation & validation a esté par la Sainteté adioustée en la façon que lesdits Procureurs l'ont dictée. En quoy est à noter que lesdits Sieurs du Perron & d'Ossat, n'ont voulu que le Pape validast autres actes, que ceux de Religion, afin de ne donner entrée à l'entreprise, qu'on eust volontiers faite à Rome, sur le temporel de France , si lesdits du Perron & d'Ossat, n'y eussent pris garde de prés.

Au demeurant , pour le regard de la rehabilitation qui a esté faite en cét affaire, qui estoit vne pierre de scandale, pour faire rompre tout, il se trouuera que le Roy a vne absolution pleine & entiere, contre laquelle les Espagnols & Ligueurs, ne sçauroient qu'opposer, ny s'excuser en aucune façon, de recognoistre la Majesté pour Roy de France, en la meilleure sorte que Roy le fust iamais: Et neantmoins il ne se trouuera aucune expression de rehabilitation en toute la Bulle, où cependant, toutes choses sont si bien, que contre ceux qui voudroient dire, que le Roy auroit besoin de rehabilitation, on peust soutenir qu'elle y est en substance & en effect, & contre ceux qui  
vou-

voudroient dire, qu'il se feroit fait tort d'en prendre, on peut soustenir qu'il n'y en a point du tout.

Le Roy desirant ne rien negliger ou differer des choses necessaires à son parfait establisement à ceste Couronne, apres sa conuersion, & auoir mis sa conscience en repos du costé du Pape, de la bonne volonté duquel il estoit assuré, prit resolution de se faire Sacrer & Couronner, à la bonne imitation de tous ses predecesseurs & puis ie luy conseillay de ~~chercher~~ <sup>aller</sup>, comme il fit, l'Eglise de nostre Dame de Chartres la plus ancienne, belle & grande, & commode pour cela qui fust en ce Royaume, puis que la ville de Reims estoit lors en la puissâce de ses ennemis, en l'Eglise de laquelle la pluspart de nos Rois ont esté Sacrez, bien que quelques vns, comme Louis le Gros, l'ayent esté ailleurs; car le lieu ne fait rien, & n'est de necessité à la validité & grandeur de cette ceremonie, & ce que l'on l'a plustost & plus ordinairement fait à Reims est à cause de la Sainte Ampoule qui est dans l'Abbaye de Saint Remy audit Reims, que nous trouuons auoir esté donnée du Ciel à cet effect: mais s'en trouuant vne autre dans l'Abbaye de Marmonstier près Tours, pareillement venuë du Ciel, & dont desia autresfois aucuns de nos Rois auoient esté Sacrez, sa Majesté se resolut de l'enuoyer querir, & la faire dignement apporter par quelques Religieux dudit Marmostier, & conduits iusques audit Chartres, où elle fut apportée & mise dans l'Abbaye de S. Pere, & de là apportée en ceremonie le iour dudit Sacre, comme il se pratique de tout temps à Reims en telles occasions.

Le iour pour ledit Sacre fut donc pris & arresté pour estre fait audit Chartres le..... Feurier 1594. Et Monsieur de Rhodes, grand Maistre des ceremonies, chargé

E c

d'y faire preparer toutes choses conuenables ; & moy qui m'obligeay à luy faire fournir, & trouuer tous les ornemens, meubles, eschafaux, argent, & autres choses necessaires à cette ceremonie, estant besoin d'y faire faire tout de neuf : parce que la plus-part de telles choses estoient detenuës à Reims, & les ornemens Royaux auoient esté pris à Saint Denis, & pillez par ceux de Paris ; tellement que pour preuenir à tout cela, j'allay vn peu deuant sa Majesté à Chartres, où ~~il~~ menay le sieur de Rhodes, & là preparasmes ensemble tout ce qu'il falloit pour ledict Sacre. Auquel ie puis assurer que rien ne fut obmis des formes & ceremonies anciennes & ordinaires ; ce qui nous empescha le plus, fut de pouuoir faire trouuer audit Chartres, les personnes conuenables aux qualitez des Pairies Ecclesiastiques, & autres necessaires en cette action, les plus qualifiez & propres à cela, estoient lors tous actuellement employez & retenus dans les Provinces pour le seruice du Roy ; neantmoins surmontans toutes ces difficultez qui se rencontrerēt, Dieu voulut & permit que nous mesmes, afin que ce bon & saint œuure, & que le Roy fust tres-glorieusement & tres-magnifiquement sacré audiect Chartres, assisté de tous les Princes & Officiers de la Couronne & plus grands du Royaume, avec vne extrefme allegresse & contentement d'vn chacun.

Il se presenta vne difficulté entre Monsieur l'Archeuesque de Bourges, & Monsieur l'Euesque de Chartres, pour ~~sc~~ <sup>#</sup> scauoir lequel des deux représenteroit l'Archeuesque de Reims, & feroit ledit Sacre, ledit sieur Archeuesque pretendait en ladite qualité d'Archeuesque de Bourges Prima des Gaules, & encores en celle de grand Aumos-



nier de France ; que ledit honneur luy deuoit appartenir de sacrer le Roy, qu'il auoit receu en l'Eglise ; & ledict sieur de Chartres au contraire, soustenoit que personne dans son Eglise, tel qu'il fust, si ce n'estoit le Pape ou vn Legat qu'il enuoyast expres, ne pouuoit entreprendre d'y faire aucune fonction, & moins celle dudit Sacre, que de tout autre où la iurisdiction du Consacrant estoit du tout essentielle & necessaire, & adioustoit avec aigreur qu'il excommunioit tout autre qui s'ingereroit de telle entreprise ; & ainsi le tout estant entendu & bien considéré au Conseil du Roy, il fut aduisé que l'on ne pouuoit empescher ledict sieur de Chartres de faire cette ceremonie, puis qu'il la vouloit faire, & que c'estoit dans son Eglise, dont ledit sieur de Bourges fut vn peu mal content, & m'accusa que j'auois voulu gratifier en cela ledit sieur de Chartres : pource que ie destinois mon fils de France Roy pour son successeur : mais Dieu m'est tefmoin que ce fut la raison & l'opinion de tous, & non ma volonté, ou mon affection qui resolut cette dispute, estans l'vn & l'autre mes proches parens & bons amis. Et d'autant que ie ne veux grossir ces memoires des particularitez dudit Sacre, ie diray seulement qu'il fut tres-bien & honnestement fait, & que ledit sieur de Chartres en fit le discours au long, qui s'est depuis imprimé, auquel se trouuerent bien & heureusement rapportées toutes les particularitez, ceremonies, & formes gardees & obseruées audit Sacre, comme en tous les autres precedents des autres Rois ; seulement fut-il adiousté de plus la ceremonie de l'Ordre du saint Esprit, qui fut faite en la mesme Eglise le lendemain dudit Sacre par ledit sieur de Chartres, pour bailler l'ordre au Roy, dont la description

particuliere en fut faite, par ledit sieur de Chartres, avec celle dudit Sacre, & dans le mesme liure.

Pendant que le Roy sejourna audit Chartres lors de son Sacre, Dieu voulut faire paroistre les effets & la puissance de sa benediction; sa Majesté receut nouvelles d'infinis endroits, de plusieurs reductions qui se faisoient à son seruice. Ceux de la Ferté-Milon, & Chasteau-Thierry, furent contrains de le recognoistre; & ceux de Lyon, de Roüen, de Poictiers, de Bourges, d'Orleans, de Rion en Auvergne, du Havre, du Pontheau de Mer en Normandie, de Peronne, Mondidier, & Roye en Picardie, de Vernueil au Perche & de Ponthoise, près Paris, se presenterent aussi-tost volontairement à cette reconnoissance, & enuoyerent leurs deputez pour assurer le Roy de leur fidelité, implorer sa grace & misericorde, & la conseruation de leur Religion. Ceux des villes d'Amiens, & d'Abbeuille en Picardie refuserent en mesme-temps l'entree à Monsieur d'Aumalle, & se mirent en forme de neutralité, & peu de iours après se reduisirent d'eux-mesmes, comme les autres à l'obeissance du Roy, tellement que le Roy & son Conseil ne pouuoient quasi fournir à escouter & receuoir cette louable affection de tant de peuples tout à coup miraculeusement reuenus, & leur pouruoir à tous ensemble; & neantmoins nous trauaillâmes si heureusement que tous lesdits deputez remporterent tous en leurs villes & Prouinces vne tres-grande satisfaction du Roy, avec chacun, ou la plus-part, vn traitté conuenable & raisonnable, pour les assurances & la conseruation de leurs Priuileges, & ainsi grandement satisfaits publians à leur retour la bonté & clemence de sa Majesté, conuiant par escrits publics, ceux de Paris & autres villes restées à la

Ligue de faire de mesme; entr'autres ceux d'Orléans qui auoient esté les premiers mutinez & reuoltez après la mort de feu Monsieur le Duc de Guise, voulurent aussi se faire paroistre les premiers & plus curieux à procurer que sa Majesté chastiaist quelques vns de ladite ville qui estoient trop attrachez à ladite Ligue; & en chassast d'autres qui trouuerent plus d'amis & de faueur.

Ainsi la Ligue se défilant bien viste, il sembla que tous ceux de ce party vouloient à l'enuy retourner dans l'obéissance & subjection de sa Majesté: car l'on vid en mesme temps, outre la susdite ville, que les Prouinces & pays voisins, suivirent avec infinies personnes particulieres & publiques de toutes les qualitez les plus opiniastres au party de ladite Ligue qui se vindrét ietter entre les bras du Roy, & se soubmirent à la bonté & clemence de sa Majesté, laquelle vsant de mesme douceur & magnanimité, aimant mieux, suivant les preceptes de l'Escripture Sainte; la Conuersion des pecheurs, que leur mort, leur accorda à tous des abolitions & declarations telles qu'ils les peurent souhaitter pour leurs interrests particuliers; & leur retablissement aux charges & dignitez, qu'ils auoient mesprisees par imprudence, pour s'attaquer à vn si mauuais, & si peu assuré party. Et à cela le Roy se tesmoigna si facile, que plusieurs de ses seruiteurs voyans tant de diuerses gratifications, & aduantages tres-grandes, accordees à ses ennemis, en conecurent de mauuaises impressions & mescontentemens serviles, ne iugeans pas assez pour quelle raison & maxime d'Estat le Roy & ceux de son Conseil en vsoient de la sorte: car il falloit establir la paix & la reconnoissance deuë au Roy à quelque prix que ce fust, pour apres auoir plus de

moyen de briser & desunir les vns & les autres, & les reconnoistre & gratifier diuersement chacun selon les merites.

Comme Monsieur du Mayne entendit & vid tant de diuerses reünions, & si prompte & volontaire obeissance au Roy, il demeura grandement abbatu & estonné d'un si mal-heureux reuers de fortune, & sur iceluy se resolut de faire en mesme temps deux choses contraires, croyant cacher à l'une l'acquisition de l'autre, ce fut qu'il enuoya d'un costé vers le Roy d'Espagne pour le conuier de ne l'abandonner, & prendre compassion du mauuais estat des affaires, & s'assurer de tout ce qui dependoit de luy, & qu'il pouuoit esperer de seruice de son party, & par mesme dépesche, ce qui restoit du Conseil des Seize à Paris, & des autres plus anciens & plus d'esperer Ligueurs, manderent audit Roy d'Espagne les mesmes choses avec des offres & laschetes si grâdes & si indignes de François, qu'il ne se peut dauantage, & la bonne fortune du Roy & de la France voulut que le Courier qui portoit lesdites dépesches fut pris & amené à la Majesté, laquelle ayant iugé avec les principaux de son Conseil de quelle importance elle estoit, pour les diuers aduis, ouuertures, intelligences & expediens qui y estoient portez & proposez, se resolut d'en retenir autant, & enuoyer ladite dépesche bien recachetee & fermee par personnes confidentes, qui avec les mesmes paroles de creance, mesmes cachets, correspondances & autres nouuelles communes de Paris, la peust porter en Espagne, y recognoistre toutes choses, & en rapporter la respóce, pour sur le tout asseoir plus asseuré iugement. Et comme ceste commission estoit infinimét hazardeuse, & qui meritoit vn seruiteur tres-affectionné,

fidèle, capable & courageux, le sieur de la Varenne portemanteau du Roy, & qui auoit toutes ces qualitez, se hazarda de l'entreprendre, & s'y conduisit si dextrement qu'il porta ladite dépêche en Espagne, parla au Roy d'Espagne, & fut par deux fois appelé & entendu en son Conseil, puis dépêché si à propos, & diligemment eschapé d'Espagne qu'un second Courier de la Ligue y arrivant, & portant aduis de la prise du premier, ne peust empêcher qu'il nereuinist heureusement trouuer le Roy & luy rapporter ladite dépêche d'Espagne, par laquelle, & sur ce que ledit de la Varenne en auoit rapporté, le Roy & son Conseil reconneurent au vray les intentions & mauuaises pretensions d'Espagne, & comme le service dudit sieur de la Varenne estoit grandement signalé, aussi le Roy du depuis le gratifia & aduança grandement, & le prit près de sa personne. L'autre chose que ledit sieur du Mayne fit en mesme temps d'un autre costé, fut d'enuoyer le sieur Zamet son confident vers le Roy, pour tascher de venir à quelque accord & accommodement avec sa Majesté, afin que s'il maquoit d'un costé, il s'assurast de l'autre, qui sont de tres-mauuaises finesses en telles choses, & entre habiles gens; & de fait le Roy sçachant la peine & l'extremité dudit sieur du Mayne, respondit audit Zamet, qu'il ne vouloit plus traiter avec ledit sieur du Mayne comme chef de party, ainsi qu'il l'eust fait auparauant: mais que s'il le vouloit reconnoistre & luy demander pardon comme à son Roy & son Souuerain, il le receuroit avec toute sorte de courtoisie & de bon traitement, estimant sa personne; & l'alliance qui estoit entr'eux.

Après tant d'heureuses reductions il ne restoit plus au souhait des gens de bien que celle de la ville de Paris,

comme premiere & principale de toutes ; en quoy Dieu voulant manifester sa faueur plus qu'au reste, fit en sorte que par sa grace & bonté ladite ville se remit en l'obeissance du Roy, le plus doucement & admirablement qui se puisse imaginer: car les bons François, vrais seruiteurs du Roy & de l'Estat y auoient de si long-temps pratiqué & formé de bonnes intelligences & menées secretes, qu'en fin les esprits y estans plus disposez elles produisirent leur effect entier le vingt-deuxiesme iour de Mars 1594. avec la vigilance & prudence du Roy & de son Conseil, par dehors qui fut facile au dedans, par la dexterité & bonne conduite de Messieurs de Belin & de Brissac, & du sieur l'Anglois Preuost des Marchands d'icelle, que tous trois firent preuue ce iour là du pouuoir & credit qu'ils y auoient, & de leur fidelité enuers le Roy & leur patrie. Le Roy donc estant à Senlis, en partit pour l'exécution de ce dessein le soir precedent 21. dudit mois, nous y laissant nous autres du Cōseil, & gros de la Cour, & prenāt avec luy souz prétexte d'une autre entreprise enuiron 2000. chevaux & 2000. hommes de pied, tous d'élite & de cōfiance, & avec cela alla toute la nuit & arriua sans aucun bruit ny rencōtre au dessouz & es enuiron de Montmartre, sur les trois heures du matin, d'où il enuoya reconnoistre l'Estat de ladite ville, & sçauoir si l'o pourroit tenir ce quel o luy auoit promis par lesdits sieurs de Brissac, de Belin & Preuost des Marchands, qui toute la nuit auoient veillé avec tous ceux de leur brigue, & auoient disposé toutes choses pour n'y faillir, luy firent dire à la porte de Saint Denis que ladite porte & la porte Neufue estoient assurées, & qu'il ny auoit aucune allarme dās toute la ville, & qu'ils estoient disposez de mourir avec tous  
leurs

leurs amis, ou de le rendre dans ce iour là Maistre de Paris comme ils luy auoient promis, pourueu qu'il luy pleust y apporter de sa part l'ordre conuenu, & la moderation necessaire. Le Roy grandement aise de cette premiere nouuelle, commanda au sieur de Vitry nouveau cōuert, & commetel, fort zelé & conneu dans Paris, d'aller avec vn d'eux seulement parler audit sieur Preuost des Marchands qui estoit à ladite porte S. Denis, & luy faire trouuer bon qu'il peust entrer dans la ville pour en mieux recognoistre la disposition, & en assurer dauantage le Roy, qui ne vouloit rien hazarder ny perdre: ce que ledit Preuost des Marchands trouuant bon, le sieur de Vitry entra luy troisieme dans la ville, reconneut ladite porte de S. Denis, & les corps de gardes d'icelle, comme aussi de ladite Porte-neufue où estoit Monsieur de Brissac, tous entierement disposez à la volonté & seruice du Roy, le dit sieur de Belin allant & venant à petit bruit par la ville pour empescher les esmotions: tellement que ledit sieur de Vitry les ayans veus tous trois en si bonne disposition & toute ladite ville en telle tranquillité, retourna assurer sa Majesté qu'il n'y auoit plus de difficulté que l'affaire ne fust faite & ne peust reüssir à sa perfection, dont sa Majesté encore plus contente fit aduancer sans brui& les gens de pied ausdites deux portes, lesquelles ils trouuerent ouuertes & s'en estans rendus Maistres sous la conduite de..... le surplus se coula tout doucement dans ladite ville, & y entra sans aucune contradiction sur les quatre à cinq heures du matin, excepté quelques Lansquenets qui auoient leur quartier vers ladite Porte-neufue qui voulurent vn peu se remuer, comme aussi vn mauuais corps de garde qui estoit vers le Palais, & quelques Neapolitains

qui firent contenance de se vouloir r'allier & vouloir résister : mais le tout ne fut rien , car toute ladite infanterie du Roy , & partie de sa cavallerie estoient ja entrez & posez aux principaux endroits de ladite ville , & auoient l'affection & l'inclination du peuple fauorable , & ainsi se fut à eux à se taire & attendre l'issüe de tout , laquelle en fut aussi heureuse & douce que le commencement : car le Roy aduertý à tout momét d'un si fauorable succez s'approcha peu à peu dauantage de ladite Porte-neufue , & voyant tout le rempart & les auenuës de ladite porte remplies de peuple qui luy ouuroit les bras & luy telmoignoient vne affection de le voir Maistre du dedans comme desia aussi il l'estoit en effect , ledit sieur de Brissac , de Berlin , & Preuost des Marchâds l'estoient venu receuoir à ladite porte , & y entra par la porte-neufue à dix heures du matin , suiuy de tout le reste de sa Cavallerie en armes ; & ainsi toute la ville , dans laquelle les ruës & fenestres regorgeoient de peuple , & s'y rendoit tant de telmoignage & cris d'allegresse de tous costez qu'il ne s'en peut imaginer dauantage ; & en cét estat alla droit descendre à l'Eglise nostre Dame , là où le Clergé d'icelle le receut en Roy , & apres le *Te Deum* chanté en sa presence , s'en retourna au Louure , sçachant que tout le peuple couroit aux Eglises pour rédre graces à Dieu de cét heureux chagemiër ; & audit Louure sa Majesté trouua ses Officiers & son disner tout prest & toutes choses accómodees comme si elle y eust esté de long-temps attenduë , ou qu'elle y eust tousiours demeuré , & à l'issüe de son disner Messieurs du Clergé le vindrent saluër & protester la recognoissance deuë à sa Majesté ; comme aussi firent tous les autres Corps & Communautéz principales de ladite ville , avec



incroyable ialousie, à qui s'aquiteroit plustost de son deuoir, & ainsi Dieu voulut rendre le Roy Maistre de sa ville de Paris, estant vne chose tres-remarquable que 4000. hommes ou enuiron, tant de cheual que de pied, qui suiuirent sa Majesté à cette occasion, & qui entroient avec cela les armes à la main dans ce mode de Paris, ayent peu imposer là dedans en moins de rien vn estouffement & aneantissement general du nom & de l'autorité de la Ligue & de toutes ses factions; & estans François, ayent peu garder l'ordre qui leur auoit esté prescript, en telle sorte que iamais pas vn seul soldat d'entr'eux ne se debanda ny n'osa faire aucun desordre ny violence, dont tous les bourgeois & habitans grandement estonnez & ravis d'aïse de ne receuoir aucun dommage ny offence en leurs personnes, biens & honneurs, apres tant de folies & de mespris passez redoublerent leurs ioyes de ce changement, & tascherent à qui micux micux à en faire paroistre l'allegresse; tellement que deuant midy chacun ouurit les boutiques & se remit en son ancien mestier & fonction ordinaire tout ainsi qu'auparauant, & comme si chacun en particulier eust receu & tenu chés soy ses plus proches parens & amis qu'ils eussent à traiter; & cette affection populaire vint en vn instant en tel point que le Roy eut beaucoup de peine de les retenir qu'ils ne se iettassent sur les Espagnols, Neapolitains, Vualons & autres, au nombre de mil ou douze cés pour le moins, qui au commencement auoient refusé d'entrer en composition que par le vouloir du Duc de Feria, Ambassadeur d'Espagne, & de Don Diego d'Enara leur General; ils recoururent à la Clemence & benignité de sa Majesté, qui leur accorda de poser les armes & sortir bagues sauues de la-

dite ville pour estre conduits par la Picardie iusques hors le Royaume, ayans tous promis de ne porter iamais les armes en France contre son seruice. Apres cette heureuse & incroyable prise & reduktion de Paris, faite en la forme cy-dessus en moins de six heures, Dieu ayant voulu que par la mesme porte Neufue, par laquelle le feu Roy Henry troisiemes'estoit eschapé de la furie des Parisiens lors des Barricades, le Roy Henry quatriesme son successeur y rentraist avec acclamatiō publique, n'y restant rien plus en ladite ville que la Bastille que le Roy n'y fust entierement reconnu; Sa Majesté enuoya à l'issnē de son disner sommer ceux qui y commandoient, comme tout de mesme au bois de Vincennes, lesquels sans capituler accepterent telles conditions qu'il pleut à sadite Majesté leur donner, & luy rendirent lesdites places, & Monsieur le Cardinal de Plaisance Legat, qui estoit lors au lit malade fut au mesme temps enuoyé visité par sadite Majesté, l'assurer de toute faueur & protection, & neantmoins quelques iours apres, il demanda sauf-cōduit pour se retirer, lequel luy fut accordé par sa Majesté & toute sorte d'honneur & d'assistance de sa part; s'en retournant en Italie il demeura plus malade & mourut par le chemin.

† Le Duc de Feria damāda aussi à se retirer; ce qui luy fut facilement accordé & s'en retourna en Flādes. Le Cardinal de Pelleuē Archeuesque de Sens mourut aussi quasi en mesme temps, & le Roy donna ledit Archeuesché de Sens à Monsieur de Bourges, gratifiant Monsieur le Grand du sien pour vn deses amis; & quant aux autres plus seditieux, Predicateurs & plus desesperez Ligueurs qui ne voulurent reconnoistre le Roy, pensant l'auoir trop irreconciliablement offensé, & ne sçachans sa Clemence, ils s'escarterent

aussi tost, & s'enfuirent pour traifner avec hôte & mespris lercste de leur vie, ou en Espagne ou en Flandre, ou à Soissons avec Monsieur du Mayne, trouuans audit lieu quelque retraitte & miserable entretien; & audit Soissons le dit sieur du Mayne y estoit si desesperé & abbatu de cette miraculeuse reduction de Paris, qu'il estoit aussi empesché qu'eux de sa contenance en telle infortune.

Aussi tost que le Roy se vid Maistre assuré de Paris, il en donna aduis par couriers & depeschés expresse de tous les costez, tant dedans que dehors le Royaume à tous ses alliez, amis & seruiteurs, tous lesquels ne manquerent par le *Te Deum*, feux de ioye, & autre allegresse, de rendre bon tesmoignage de leur contentement & participation à ce bon-heur. Et quant à nous du Conseil qui estions à Senlis le Roy nous ayant donné aduis de tout, & depesché vn courtier aussi tost qu'il fut entré dans Paris, pour nous commander de l'aller trouuer diligemment; ce que nous fismes le plus diligemment que nous peusmes, & arriuasmes pour la pluspart le mesme iour, les autres restez, le lendemain; où aussi tost sa Majesté resolut en son Conseil de faire expedier des lettres patentes en forme d'Edict & Declaration sur la reduction faite de ladite ville de Paris en son obeïssance, à l'imitation des autres, accordée par les autres villes premierement reuenues, & fut ladite Declaration causee sur la clemence du Roy, portant au commencement vn narré fort net & succinct, des mauuais artifices de la Ligue, & des Espagnols ioints & vnis ensemble pour la ruine de cet Estat, souz feints pretextes, de la Religion Catholique, & du respect deu au Pape, auquel sa Majesté n'entendoit iamais contreuenir. Apres y estoïent comprises les causes & raisons quil'auoient porté

depuis son heureuse conuersion à accorder, puis à prolonger la trefue, & en fin d'en refuser vne plus longue prolongation, comme n'estant recherchée par ses ennemis qu'à mauuais dessein de faire rentrer les Estrangers en France, & y recótinuer la guerre plus forte que deuant; & puis disant que Dieu luy auoit miraculeusement voulu rendre sa bonne ville de Paris, il vouloit pour l'amour de luy & pour le repos & soulagement de tant de pauvre & simple peuple qui y auoit esté trompé & abuzé, que tout ce qui s'estoit fait & passé depuis les Barricades fust estaint & aboly, & conformément à toutes les graces, franchises & priuileges, accordez par les Rois ses predecesseurs, tât au corps de ladite ville que particuliers d'icelle; voulant que toutes choses y fussét remises & reestablies comme elles estoient auparauant, ainsi qu'il est plus au long porté par ladite Declaration faite deslors, veüe, & publiée à tout le monde; & bien que ce ne fust la forme ordinaire, l'on iugea au Cōseil à propos de faire l'adresse dudit Ediët & Declaration à moy comme Chancelier, & aux autres Officiers de la Couronne, Ducs & Pairs de France, ensemble aux Conseillers d'Estat & Maistres des Requestes, estans de la suite de sa Majesté, pour la faire lire, publier, & enregistrer au Greffe de la Cour de Parlement, Chambres des Comptes, & autres Cours Souueraines; d'autât que toutes leśdites Cours estoient pour lors si escartées & diuisées, que l'on pouuoit reuoquer en doute leur pouuoir & iurisdiction; & pour satisfaire à ladite adresse i'allay par toutes leśdites Cours avec les susdits Officiers de la Couronne & autres, où i'ordonnay & fis faire en ma presence la publication & enregistrement necessaire dudit Ediët & Declaration, bien faite, & bien

épluchée au Conseil, & contresignée par M<sup>r</sup> de Beaulieu-rusé Secrétaire d'Estat : elle fut aussi publiée audit Paris, au mois de Mars 1594. cinquiesme année du regne du Roy, & enregistrée de mon autorité en toutes lesdites Cours le vingt-huictiesme desdits mois & an.

Or d'autant que ceux de la Cour de Parlement, qui estoient demeurez avec la Ligue dans Paris, auoient esté plusieurs fois declarez interdits & suspendus de tout pouuoir, tant par le feu Roy Henry III. que par le Roy regnant, & que ladite Cour de Parlement transférée par leurs Majestez à Tours & à Chaalons, qui auoient esté mandez, ne pouuoient estre de retour de quelques iours, pendant lesquels il estoit besoing que l'on vist la Iustice reprendre son train & cours ordinaire, pour ne laisser les choses en confusion, & pour uoir à tous inconueniens, il fut en mesme temps arresté au Conseil que le Roy feroit vne autre Declaration particuliere, pour en execution de celle cy-dessus, reestabliir en son premier estat & autorité ancienne & ordinaire ceux dudit Parlement demeurez audit Paris, avec puissance d'y trauailler & faire toutes choses ordinaires en Iustice souueraine, comme si desia tout ledit Parlement eust esté remis & rassemblé; à la charge neantmoins que tous les Presidens, Conseillers & autres Officiers d'iceluy feroient nouveau serment de fidelité au Roy entre mes mains auparauant, & receuroient par ma bouche les admonitions & commandemens que sa Majesté auoit iugé en son Conseil leur deuoir estre faits, & pour ce me fut encore adressée ladite Declaration, & aux autres Officiers de la Couronne, Conseillers d'Estat & Maistres des Requestes, dattée dudit iour vingt-huictiesme Mars 1594. contresignée Ruzé, pour l'exécution

de laquelle ierétournay au Palais y reſtabliſſer ledit Parlement, apres auoir receu les ſermens de fidelité d'vn chacun, & leur auoir fait les admonitions ordonnees.

Peu de iours apres la plus grande part dudit Parlement qui eſtoient à Chaalons & à Tours arriuerent à Paris, chacun ayant tres-grand haſte & deſir de ſ'y reuoir en repos, & ainſi eſtans à peu près tous ceux dudit Parlement rasſemblez, le Roy aduiſa & delibera en ſon Conſeil qu'il eſtoit fort à propos que ledit Parlement de Paris, ainſi tout reüny, donnast quelque Arreſt notable, & qui peult ſeruir de memoire & d'exemple à la poſterité ſur tout ce qui ſ'eſtoit paſſé durant ladite Ligue & troubles extraordinaires de cét Eſtat, pour ſeruir de reuocation & declaration entiere de nullité de tout ce qui pourroit auoir eſté fait, dit, imprimé, publié, & tenu au cōtraire au preiudice de la iuſte & legitime autorité du Roy & des loix fondamentales & anciennes de ce Royaume, avec quelques actions publiques & perpetuelles de graces à Dieu pour la reduktion de ladite ville de Paris; & ledit Arreſt bien concerté entre nous autres du Conſeil & des principaux dudit Parlement y fut paſſé & ordonné à la Requeſte des gés du Roy, où le ſieur Seruin Aduocat General n'oublia ſon affection & ſon eloquence, & publiè le trentieſme dudit mois & an, ſ'eſtant touſiours depuis en execution d'iceluy, fait à Paris vne Proceſſion fort ſolemnelle & generale le vingt-deuxieſme iour de Mars, iour de la reduktion de ladite ville, où aſſiſtent, ou doiuent aſſiſter à perpetuité toutes les Cours Souueraines, les Vniuerſitez & autres Corps & Communautez de ladite ville.

Et parmy tant de bonnes diſpoſitions d'vn chacun à bien recognoiſtre le Roy en ſa Capitale ville, ceux de  
l'Vni-

L'Vniuersité d'icelle, dont l'autorité s'y est autre fois fait paroistre plus que de nostre temps, ne voulurent demeurer seuls, muets & insensibles à vn tel & si cōmun applaudissement, se delibererent aussi de faire quelque acte notable, pour tesmoigner à la posterité leur affection & fidelité au seruice du Roy, & pour ce firent vne grande assemblée, indictée par le Recteur au College de Nauarre, à laquelle se trouuerēt avec ledit Pasteur tous les Doyens & Docteurs des Facultez de Theologie, de Droit, & de Medecine, les Procureurs des Natiōs, les Professeurs du Roy, les Principaux des Colleges, les Maistres es Arts, avec force Regents, Maistres, & Pedagogues particuliers, & quant & quand force Religieux, des Ordres de S. Benoit, de Cisteaux, de Sainct Augustin, Blancs-Manteaux, Val de Saincte Catherine, de Saincte Geneuiefue, & de S. Victor, des quatre Mandians, & infinis autres Reguliers, & Seculiers, Suppôts, Officiers, & Escoliers de ladite Vniuersité; & à cette assemblée le Roy fut conseillé de commander à Messieurs les Gouverneur de Paris, le grand Aumônier, & Lieutenant Ciuil, conseruateur des Priuileges de l'Vniuersité, de s'y trouuer de sa part, pour y receuoir le serment de fidelité de tous ceux de ladite Vniuersité; à quoy chacun ne manqua de satisfaire à son deuoir, & furent faits en ladite Assemblée deux actes fort authentiques & solempnels de la part de ladite Vniuersité, l'vn pour leur serment de fidelité rendue au Roy, es mains desdits sieurs Deputez de sa Majesté; l'autre pour tesmoigner à la posterité, la volontaire & deuë recognoissance de ladite Vniuersité enuers le Roy, & l'estroite obligation que chacun auoit de faire le mesme par infinies raisons & authoritez diuines & humaines, portées par ledit Acte, lequel, cōme

l'autre, fut vnanimement consenty & accordé de tous, & signez l'vn & l'autre de plus de cent diuerses personnes de toutes les professions, & scellé des Sceaux de ladite Vniuersité & des principales Facultez d'icelle.

Voila donc ainsi Paris rendu, & assuré de tous costez, par l'assistance & grace infinie de Dieu, où le Roy seiourna quelque temps pour y mieux establir toutes choses en son Royaume, où de tous costez chacun venoit & se reduisoit à son deuoir, tant par la raison & l'exemple des plus sages, que par les bônes admonitions d'infinies gens de bien qui conuiuioiét tous les autres à faire le semblable: mais comme le Roy eut assez longuement ouuert, & tesmoigné sa clemence & douceur, mesme enuers les plus rebelles & desesperez, & veu que les artifices de la Ligue, auoient encore quelque pouuoir és Prouinces de Bourgogne, de Bretagne & de Picardie, lesquels il falloit ramener & visiter les vns apres les autres, ayant desia heureusement fait le plus fort, de s'assurer du reste, qu'il raschoit de laisser doucement remettre & reestabli, & trop reconneu que Monsieur du Mayne qui estoit à Soissons & autres lieux de ladite Picardie s'y tenoit le plus fort, & retenoit les peuples en crainte par menaces & par l'appuy de la Flandre dont il attendoit secours. Sa Majesté se resolut d'aller en ladite Picardie, & à commencer par cette Prouince, pour apres reuenir aux autres, ausquelles comme à tout le reste, il lairroit cependant bon & assuré establissement.

Et pour ce au mois de Iuin sa Majesté redressa vne armée, de gens choisis, comme lors graces à Dieu il n'en maquoit pas, composée de cinq à six mille cheuaux, quasi tous de Noblesse, & de seize à dix-huict mille hommes de



pied, avec equipage d'artillerie, à proportion, & avec cela alla droict assieger la ville de Laon en Picardie, dans laquelle ledit sieur du Mayne y auoit mis son fils aisné le Duc d'Esquillon, avec bon nombre de Capitaines & de soldats François & Estrangers pour la conseruer; & quât à nous autres du Conseil, le Roy trouua bon que nous tinssions ferme à Paris, pour de là mieux donner ordre de tous costez en son absence, & pour uoir à l'argêt & autres choses necessaires à son seruice, laquelle s'y porta si bien & courageusement audit siege de Laon, qu'il a esté tenu pour vn des plus remarquables de nostre temps; cette place ayât esté aussi bien attaquée & bien deffenduë qu'il se peut dire; & de fait durant ledit siege de Laon, les Espagnols se mirent en effort d'y faire rentrer vn grand renui-taillement de trois cens chartées de viures, poudres & boulets, & avec renfort d'hommes qu'ils y conduisirent de la Fere, souz vne escorte de quinze cens hommes de pied, & trois cens cheuaux; mais Dieu voulut que le Roy, aduertý de ce grand conuoy, y pourueut si à propos, que le Marechal de Biron & de Giury, enuoyez au deuant par sa Majesté avec la Compagnie de cheuaux legers, huiët cens Suisses, & quelqu'autre infanterie Françoisse, qui se trouua logée sur l'aduenuë dudit conuoy, mirent iceluy en déroute le dix-huictiesme Iuin 1594. laissans sur la place, sept ou huiët cens des ennemis, tellement que la perte dudit conuoy & de l'ardante continuation dudit siege, qui dura ..... mois, força ledit sieur d'Esquillon, & autres de dedans, à composer avec sa Majesté, & luy remettre ladite ville, suiuant le traitté particulier qui en fut fait, de laquelle ils sortirent armes & bagage de ..... iour de ..... Pendant ce mal-heureux siege,

& sur la fin d'iceluy, apres la deffaite dudit conuoy, ledit sieur de Giury mon gendre, apres auoir là, & par tout ailleurs telmoigné sa valeur, & s'estre acquis, autant d'estime & d'honneur que Gentil-homme de sa qualité en eust peu esperer, estant lors paruenü par son courage & par sa conduite, en tel Estat de fortune & de grandeur qu'aucune, quelque grande qu'elle fust, ne luy pouuoit plus estre, ny déniée, ny enuieée, ne se contentât de si grâds aduantages, & voulant de plus en plus s'y augmenter & se signaler en seruant le Roy, se delibera avec trop de hardiesse pour sa condition, d'aller luy mesme avec vn des siens reconnoistre vn flanc de ladite ville, pour y faire porter vne piece de la batterie qu'il commandoit, & presser les assiegez dauantage; mais Dieu qui s'ennuye & se lasse de nos vanitez & presomptions mondaines, termina le cours de sa fortune & de sa vie par vn mal-heureux coup de mousquet qui luy fut tiré de dedans, & le tua sur la place, s'estant trop descouuert & aduancé sur la contr'escarpe du fossé, qu'il vouloit aussi recognoistre; & ainsi le Roy & l'Estat perdirent ce Gentil-homme, doué & accomply de toutes les perfections & merites, dont ils pouuoient en esperer encore de tres-grands seruices; & moy ie perdis vn gendre que j'aimois & estimois infiniment, croyant qu'il prendroit la conduite, par sa prudence, & l'appuy par sa faueur, apres moy, de toute ma maison, ma fille sa femme demeurât grosse & presté d'accoucher, à laquelle ie fis celer son mal-heur iusques apres son accouchement pour l'extreme amitié qui estoient entre eux, & qui eust esté capable de la faire mourir, qui estoit tout ce que ie pouuois apporter d'ordre & de remede à cette disgrâce, apres auoir soigné de faire rapporter son corps

en la maison de Beauuais en Brie, & pourueu à tout ce qui estoit de sa maison & de ses affaires.

Après la prise de la ville de Laon la plupart des autres villes de la Picardie, craignans semblable effect, se rendirent quasi toutes, & se remirent en l'obeissance du Roy, excepté celles de Soissons & de la Fere, qui estoient trop possédées & empestrees dans les filets & artifices de Monfieur du Mayne, & de l'Espagnol; lesquels voulans aussi encores faire quelque chose de leur costé, depuis peu s'estoient rendus maistres de la Cappel en Picardie, qui est vne bonne place, & auoient mis de tres-bonnes garnisons en tous lefdits lieux, pendant que ledit sieur du Mayne alla faire vne course iusques à Bruxelles, pour en receuoir quelque secours d'hommes & d'argent, d'où estant reuenu sans homes, mais seulement avec de \* l'argent en assez bone quantité; & non toute fois suffisante pour retarder le progrez de la prosperité du Roy, iugeant bien qu'il ne pourroit faire en ladite Picardie, sinon que de tascher à y conseruer lefdites trois places, après s'estre assuré le mieux qu'il pût d'icelles, s'achemina avec tout ce qu'il auoit de forces du costé de la Bourgogne, afin d'y faire mieux, & s'assurer aussi de quelques autres places qu'il y auoit, pensant tenir ferme en cette Prouince, en laquelle de long-temps il auoit formé de grandes habitudes & intelligentes.

En ce mesme temps Monsieur de Guise voyant où la jaloufie & mauvais succez du parry de la Ligue se pourroit en fin reduire, fut conseillé de n'attendre l'extremité, & plustost que plus tard, se raccommoier avec le Roy, qui ne demandoit pas mieux que d'ouurer les bras & receuoir tous les Frangois, & principalement ceux de cette impor-

tance & qualité. Ainsi donc faisans la moitié du chemin, le Roy luy fit faire l'autre, & la composition dudit sieur de Guise fut aussi tost resoluë & arrestée, que proposée, avec toute sorte d'honneur & d'aduantage pour luy & pour sa maison; & mesmes pour Monsieur le Prince de Joinuille son frere, qu'il ramena avec luy, à l'obeïssance deuë à sa Majesté, laquelle incontinent apres les receut l'un & l'autre, avec tout ce qu'ils pouuoient desirer de tesmoignages d'amitié & de faueur; & apres employa ledit sieur de Guise à la reduction de la Prouence, en laquelle il s'employa depuis si courageusement & dignement, qu'il la reduisit aussi à la recognoissance de son deuoir, & la porta à se remettre entre les bras du Roy; ayant si doucement menagé le seruice du Roy avec l'interest de cette Prouence, où les esprits sont factieux & factieux, & neantmoins tres-importante à cet Estar, bien que fort elloignée; que les Prouençaux supplierent tres-humblement le Roy de leur donner & laisser pour Gouverneur ledit sieur de Guise, à quoy le Roy s'accorda volontiers, pour l'obliger dauantage à bien faire: Mais d'autant que ceux de la maison de Lorraine pretendent audit Comté de Prouence, & s'en attribuent la qualité, ie fus obligé, comme Chancelier de France, de m'opposer à cette prouision dudit Gouvernement pour ledit sieur de Guise, qui m'en voulut vn peu de mal; & neantmoins ie ne laissay pour le deub de ma charge, d'en faire mes remonstrances & protestations publiques au Roy, en plein Conseil, où ie les fis enregistrer; comme aussi aux Cours de Parlements de Paris & d'Aix en Prouence, à ce que telles prouisions & pouuoir, donné par sa Majesté audit sieur de Guise, pour ledit Gouvernement de Pro-

uence, & tout ce qui s'en pourroit ensuiure, ne peust nuire ny preiudicier aux droicts de la Couronne, ores ny pour l'aduenir; & apres cela ie sceellay ledit pouuoir, & le dit sieur de Guise avec toute la Cour, approuua & trouua bon mon procedé; & ainsi demeura ledit sieur de Guise Gouverneur de Prouence, où ils'est tousiours depuis fait grandement aimer & estimer, & y a tousiours tres-bien & fidellement seruy le Roy.

Durant le mois de Iuillet 1594. s'eueut à Paris vn tres-grand differend & contestation par l'Vniuersité, iointe avec Messieurs les Curez de Paris, contre les Peres Iesuites, afin de reglement del'instruction de la ieunesse, & fonctions spirituelles desdits Iesuites; en quoy ladite Vniuersité & lesdits Curez pretendent estre grandement ieteressez; l'Aduocat Arnauld plaida au Parlement contre lesdits Iesuites pour l'Vniuersité, & Dolé pour les Curez, & tous deux avec telle animosité, qu'ils n'oublierent rien; ny l'vn ny l'autre de leur eloquence, pour rendre lesdits Iesuites du tout odieux avec leurs veux & institution, les voulans faire croire creatures d'Espagne, & totalement coniuerez à la ruine & dissipation de cét Estat; l'Aduocat Duret plaida pour la deffence desdits Iesuites, & monstra si clairement l'animosité iniuste, & la fausseté des allegations de leurs parties, que ledit Parlement n'en determina rien, & les appointa au Conseil; bien que les conclusions de leurs parties allaissent à exterminer lesdits Iesuites, & les chasser hors du Royaume, pensans leurs ennemis, de l'interest particulier del'Vniuersité & Curez de Paris, en faire vn interest public du Roy, & de l'Estat, pour souz ombre del'animosité generale que l'on auoit lors contre l'Espagnol, donner ce contentement aux Huguenots, &

aux mauuais Catholiques, de ruiner ainsi lesdits Iesuites: Mais comme le Roy fit paroistre qu'il desiroit estre tousiours comme pectre commun & Conseruateur d'un chacun, sans se rendre partial entre ses subiects; cette furieuse querelle retourna du public au particulier, & lesdits Advocats Arnaut & Dollé, ne manquerent à ruiner vingt responſes, en faueur desdits Iesuites contre leurs calomnieuses allegatiōs, qui ne seruirent à la fin que de les faire mieux recognoistre pour tels, que chacun les soupçonnoit; & ainsi pour ce coup, lesdits Iesuites demurerent eschappez des artifices de leurs ennemis, & de la grande animosité qu'il y auoit contr'eux audit Parlement.

Pendant ces contrastes à Paris, qui estoient des effects du reste de la guerre, & du commencement de la paix, puisque l'humeur des François ne peut demeurer en tranquillité. Les Espagnols sans s'amuser à crier contre nous, de leur costé s'occupoiēt plus aduantageusement pour leur dessein à nous tailler de la besogne, avec Monsieur du Mayne, du costé de la Bourgogne, & avec Monsieur de Mercure du costé de la Bretagne, d'où il pensoit s'acquerir & se conseruer la Souueraineté; ayant pour cela durant ladite année 1594. fait bastir vn fort près de Croisil, pour elorre l'entrée du port de Brest, où commandoit Monsieur de Sourdeac pour le seruice du Roy, & s'estant rendu Maistre de Blauet, forteresse tres-importante à toute ladite Bretagne, pensant que personne ne luy pouuoit plus empeschier, mais Monsieur le Marechal d'Aumont fortifié d'un secours qui luy arriua d'Angleterre par mer, s'estant rendu maistre de Quimpercorentin, & de la ville & Chasteau de Morlaye, força & emporta ce nouueau fort de Croisil, gardé par les Espagnols, & en-

tua

tua sur la place plus de quatre cens; & quasi en mesme temps l'Archiduc Ernest Lieutenant du Roy d'Espagne en Flandres & Brabant, continuant ses intelligences & mauuaises pratiques en France, fut pour le repos d'icelle preuenir demort, laissant pour successeur de cette authorité son frere le Cardinal Albert d'Austriche, qui depuis espousa l'Infante d'Espagne, laquelle eut en mariage lesdits païs; & eux deux ensemble continuerent leurs mauuaises volontez contre cét Estat, comme il sera cy-apres déclaré en son lieu.

Le Roy passa la plus grande partie du reste de l'année à aduiser aux meilleurs moyens de soulager son peuple, & luy donner quelque repos pour se remettre peu à peu en son premier estat; & pour ce fut aduisé au Conseil, que sa Majesté feroit vne Declaration sur le payement des arrearages des rentes, & remettant aux creanciers le tiers des cinq années des troubles passées pour la grande ruine & misere que les particuliers auoient soufferts durant icelle, & fut ladite Declaration faite en Iuillet, & verifiée en Parlement en Aoust 1594. mais comme sa Majesté recogneut ne pouuoir entierement décharger son Royaume du mal-heur de la guerre, qu'en la portant & la faisant hors d'iceluy contre l'Espagnol, son plus puissant & déclaré ennemy, voulant se déclarer en faisant quelque notable effect, elle s'essaya d'entreprendre sur le Duché de Luxembourg, & ayant fait association avec Messieurs des Estats de Holande, & leur confidans, en laissa le soing à Monsieur de Bouillon, & au Comte Philippes de Nassau, qui au mois d'Octobre audit an 1594. se mirent en deuoir, mais inutilement; car les Espagnols se garderent fort bien; & d'autre costé sa Majesté sur les frontieres d'Artois

& Hainault, leur donnoit quelque crainte & apprehension, pour les empescher par ce moyen de fauoriser les Espagnols, qui venoient tous les iours piller le païs de Cambray, où le Mareschal de Balagny commandoit souz la protection du Roy, depuis qu'il s'y fut attaché en espousant la sœur de Madame la Marquise de Monceaux, Maistresse du Roy. Or est à remarquer que le 27. iour de Decembre 1594. comme le Roy reuenoit à Paris, venant descendre sur les six heures du soir au logis de ladite Marquise de Mocéaux, depuis Duchesse de Beau-fort, alors logée à l'Hostel de Schomberg derriere le Louure, le sieur de Montigny arriua en mesme temps d'vn autre costé, luy faisant reuerence dans la chambre de ladite Duchesse, dans laquelle à cét abord, infinies personnes inconnuës s'estoier fourrées, entr'autres vn petit ieune homme de Paris, escolier, nommé Iean Chastel, fils d'vn Marchand drappier, tout contre la porte du Palais, proche l'horloge, & qui auoit auparauant, côme il est à croire, projecté son detestable dessein, s'estant glissé dans la presse de cette chambre, voulut donner vn coup de couteau au Roy pour le tuer, & pensant le frapper droit à la gorge, au mesme temps qu'il le vid baisser pour recevoir & embrasser ledit sieur de Motigny; Dieu qui ne voulut perdre ce Prince, permit que cét abominable parricide ne pût frapper sa Majesté dudit couteau que dans la lèvre d'enhaut, qu'il couppa de telle violence, que sans les dents qui soustindrēt ledit coup, il l'eust sans doute bien blessé dauantage; & ainsi ayant tres-subtilement fait son detestable coup par dessous le bras dudit S<sup>r</sup> de Montigny, faisant ladite reuerēce au Roy, & iceluy failly par la grace de Dieu; ce meschant pour n'estre pas pris & descouuert,



laissa au mesme temps tomber son maudit couteau en terre, & comme le Roy se sentit frappé, il mit aussi tost la main à sa bouche, & pensant que ce fust quelque effect de la liberté d'une folle qu'il auoit là, nommée Mathurine, il dit, *au diable soit la folle, ie croy qu'elle m'a bleffé*; mais comme il retira sa main de sa bouche, il la rapporta toute pleine de sang, chacun iugea bien, cōme luy, que c'estoit autre chose; & ainsi se regardans l'un l'autre avec extrême estonnement & effroy, ce mal-heureux & desesperé Chastel demeurant tout estonné & interdit, n'eut pas le iugement de se retirer, & se trouuant incogneu, & tout aupres de sa Majesté, fut aussi tost par vn apparent soupçon, pris & arresté par le soing dudit sieur de Montigny, qui outré de colere de ce mal-heur, luy dit les mesmes paroles: *C'est vous ou moy qui auons bleffé le Roy*, ce que sa Majesté ne voulut croire, du commencement, disant par vne extreme bonté que ce ne pouuoit estre luy, veu les façons & simplicitéz trop apparentes; & neantmoins apres que le couteau eut esté trouué à terre, assez proche de luy, sa Majesté commanda qu'il fust arresté & fouillé; puis on le mit entre les mains de M<sup>r</sup> le grand Preuost, lequel aussi tost le fit mener prisonnier au Fort l'Eueque; & comme chacun sur le bruit de cet attentat courut vers sadite Majesté, mon deuoir & mon affection m'y porterēt des premiers, & sur ce mal-heureux accident, encores que le Roy excusast tousiours ledit Chastel, ie commanday au Lieutenant de robe courte dudit sieur grand Preuost, d'aller interroger tout à l'heure ledit Chastel, sans luy donner loisir de se recognoistre; dauantage, i'y enuoyay quant & quand deux Maistres des Requestes pour n'y rien oublier, ce qui s'exectant tres-soigneusement, & luy

ayant fait voir les iustes apprehensions de son execrable forfait, & representé son couteau, apres auoir au commencement voulu vn peu nier, en fin il aduoia son crime, avec toutes les particularitez d'iceluy, & assura que ledit couteau n'estoit aucunement empoisonné, l'ayant pris le matin sur la table de son pere, qui fut vne grande ioye pour tout le monde, laquelle encore se trouua confirmée par les Medecins & Chirurgiens, qui penserent sa Majesté, & ladite blessure qui se trouua, Dieu mercy, si petite & si peu dangereuse, & ladite Majesté si peu estonnée d'icelle, que pour en rendre graces publiques à Dieu, & assurer le peuple, il alla sur les huit heures du soir iusques à l'Eglise de nostre Dame de Paris, avec toute la Cour, où le *Te Deum* fut chanté, comme en suite à toutes les autres Eglises de Paris, & apres de toute la France, où l'on depescha aussi tost; en quoy chacun tesmoigna assez l'extreme affection qu'il portoit au Roy. Au mesme temps que ce mal-heureux eut tout confessé, i'enuoyay arrester & prendre le pere, la mere, la sœur, & autres de la mesme maison & famille, & commanday qu'ils fussent tous separez à diuerses prisons, iusques à ce que nous y donnassions l'ordre necessaire, qui fut que le lendemain matin nous adressasmes commission expresse du Roy au Parlement, pour parfaire & aduancer ledit procez, commencé par le Lieutenant dudit grand Preuost, tant dudit Chastel, que de tous les autres qui se trouueroient complices de son crime, leur faisant mettre entre les mains & mener à la Conciergerie ledit Chastel, ses peres, meres, & autres prisonniers; à quoy ledit Parlement selon son deuoir trouuailla si diligemment qu'en deux iours il donna Arrest contre ledit Chastel, comme suffisamment atteint & con-

uaincu dudit damnable parricide & crime de leze Majesté, au premier Chef; pour reparation duquel, ils le condamnèrent à faire amende honorable à la porte de nostre Dame de Paris, à auoir le poing couppé en Greue, tenant son couteau, après tenaillé & tiré à quatre cheuaux, & son corps brulé, & deuant tout, estre appliqué à la question ordinaire & extraordinaire, ce qui fut entierement executé le vingt-neufiesme iour de Decembre audit an 1594.

Et sur l'occasion que ledit Chastel auoit estudié quelques années au College des Iesuites de Paris, & que les premiers dudit Parlement leur vouloiét mal d'assez long temps, ne cherchans qu'un pretexte pour ruiner cette Société, trouuans celuy-cy plausible à tout le monde, ils ordonnerent & commirent quelques vns d'entr'eux qui estoient leurs vrais ennemis pour aller chercher & fouiller par tout dás ledit College de Clermont à la ruë Saint Iacques, où ils trouuerent veritablement, ou peut-estre supposèrent ainsi que quelques vns l'ont creu, certains *escripts particuliers contre la dignité de tous les Rois en general, & quelques memoires contre le feu Roy Henry troisieme, & l'establissemēt du Roy regnant, & ce parmy vne grande quantité d'escripts & papiers d'un Iesuite, nommé le Pere Iean Briquarel Prestre, regentant audit College; & encor que cela semblast auoir esté fait pour seruir à quelques leçons, ledit Parlement ne laissa de faire prendre & arrester prisonnier ledit Briquarel, avec un autre Iesuite nommé le Pere Alexandre Hame, & les fit amener dans la Conciergerie, faisant arrester tous les autres Iesuites dans ledit College, & par apres adioustant audit Arrest de Chastel; ordonna que tous leddits Iesuites*

partiroient dans trois iours de Paris, & de tous les Col-  
leges qu'ils auoient ailleurs, & quinze iours apres entie-  
rement de ce Royaume, sur peine, ledit temps passé,  
d'estre tous pendus, comme criminels de leze Majesté;  
portant le mesme Arrest, deffences sur mesmes peines à  
toutes personnes d'y aller ou enuoyer estudier; & pour  
ledit Briquarel, le condamna à vne amende honorable,  
nud en chemise, & la corde au col, & à faire aussi de gran-  
des & honteuses declarations publiques, puis à estre pen-  
du & estranglé en Greue par vn Arrest partitulier du  
septiesme Ianuier 1595. qui fut aussi executé le mesme iour,  
où ledit Briquarel monstra vne constance admirable. Et  
par autre Arrest du dixiesme Ianuier 1595. condamna ledit  
Alexandre Hame à vn bannissement perpetuel hors de  
France, à peine s'il y estoit trouué d'estre pendu & estran-  
glé sans autre forme de procez. Et par vn autre Arrest  
encore du mesme iour dixiesme Ianuier, condamna à vn  
bannissement pareil vn nommé le Belescolier desdits Ie-  
suites, pour auoir conseillé à d'autres de suiure lesdits Ie-  
suites, & aller acheuer hors de France leurs études avec  
eux; & le mesme iour condamna vn autre Iesuite, nommé  
le P. Iean Quiret, Prestre, au semblable bannissement,  
qui auoit esté Precepteur dudit Chastel; comme aussi  
bannit le pere dudit Chastel, auquel le fils auoit commu-  
niqué quelque chose de son dessein, dót il auoit fait tout  
son possible pour l'en destourner, & mit en liberté sa  
mere, sa sœur, & autres; condamnant ledit pere en de  
tres-grandes amendes, & sa maison deuant la porte du  
Palais à estre razée, sans que iamais l'on y peust rebastir;  
ordonnant qu'au lieu d'icelle seroit esleué quelque mo-  
nument de pierre, pour marque à la posterité de cet hor-

rible attérat fait à la personne de sa Majesté. En cette sorte lesdits Iesuites furent chassez de Paris, non sans estonnement de beaucoup, & regret de plusieurs, qui eussent bien désiré que l'on eust corrigé le mal qui estoit aux particuliers, mais non priver la jeunesse des bonnes institutions de cette Compagnie; & Messieurs du Parlement ayans confisqué tous leurs biens au Roy, ordonna qu'ils seroient appliquez en œuvres pies, selon leurs ordonnances. Apres auoir saisi & disposé de tout, ils ordonnerent, & firent edifier en la place susdite de la maison dudit Chastel vne tres-belle Pyramide de pierre, avec vne Croix tout en haut, enrichie de tres-belles Architectures, sculptures & dorures, portant en table de marbre noir & lettres d'or l'Arrest dudit Chastel, avec le bannissement des Iesuites hors du Royaume de France, avec force au tres inscriptions & vers faits sur le mesme sujet, escrit aussi en marbre sur les trois faces de marbre de ladite Pyramide, qui fut au mesme temps dépeinte & portraite en taille douce, avec toutes lesdites escritures, & le tout aux despens du bien desdits Iesuites, dont lesdits sieurs du Parlement ont tousiours disposé, tant qu'ils ont esté hors de Paris. Ceux du Parlement de Roüen firent quasi comme ceux de Paris, & neantmoins le peuple de Clermont, du ressort dudit Parlement de Paris, ne les voulut iamais laisser aller, & y sont tousiours demeurez comme aux ressorts du Parlement de Bourdeaux, de Thoulouze, & force autres lieux de ce Royaume, & les ennemis desdits Iesuites se voyans à leur contentement vangez ainsi d'eux, firent encore courir force libeles, pour les faire croire corrupteurs de la jeunesse, & semeurs de mauuaise doctrine contre le Roy & repos de cet Estat, à quoy lesdits Iesuites, apres s'estre tout doucement &

patiemment retirez, ne manquerent de bonnes réponses; & comme cette Compagnie est grande & remplie d'habiles gens, ils escriuient de tous costez pour leur iustification, faisant voir autant qu'ils peurent les mauvaises procédures faites contr'eux qui retomboient sur l'autorité de l'Eglise, & en fin sur celle de cet Estat.

Au mois de Januier 1595, le Roy estant à Paris, voyant la continuation secrette des menées Espagnoles, & leurs continuels desseins à brouiller & ruiner cet Estat, il trouua bon que l'on assemblast tous les Princes du Sang, & autres Officiers de la Couronne, & principaux de son  
 113. Conseil, avec lesquels il resolut de declarer la guerre ouverte au Roy d'Espagne, & pour ce fit faire vne Declaration, non en forme patente & scellée, mais seulement intitulée; De par le Roy, cachetée & contresignée par Monsieur de Villeroy Secrétaire d'Estat, lors reuenu & remis en sadite charge par sa Majesté; dans laquelle Declaration ne furent oubliés les torts, griefs, & entreprises faites par ledit Roy d'Espagne, tant sur l'Estat, que sur la personne de sadite Majesté, & les violences ordinaires qu'il faisoit faire sur ceux de Cambray & Cambresis, qui estoient en sa protection; concluant que pour se defendre & repousser toutes les iniures si ordinaires, sa Majesté estoit conseillée & contrainte de venir avec luy aux armes ouuertes, dont il faisoit sadite Declaration, qui fut publiée à Paris, & autres principales villes, & principalement à toutes les places & villes frontieres de ce Royaume; à quoy ledit Roy d'Espagne voulant répondre quelques mois  
 114. apres, fit aussi faire & publier vne autre Declaration de sa part, portant qu'il acceptoit l'ouuerture de cette guerre, l'appellant par icelle, le Roy, Prince de Bearn seulement; &

au

au mesme temps fit que l'Archiduc Ernest de Flandre rascha de tout son pouuoir à remuer & armer ceux d'Arthois & Hainault contre la France.

Au mesme temps le Duc de Lorraine, qui auparauant auoit fait trêue avec le Roy, pësant profiter del'occasion, ayant leué mil cheuaux, & enuiron cinq mil hommes de pied, se ietta dans la Franche-Comté, où ils firent force rauages, & y eussent plus profité sans que le Connestable de Chastille y arriuaist avec des forces du Roy d'Espagne, & les en fist retirer; aussi ceux de la garnison de Soissons pour Monsieur du Mayne estans recôtrez par quelques Gentils-hommes de Picardie, seruiteurs du Roy, ralliez ensemble, furent deffaits par eux dans la plaine de Villers-Cotterets le 15. Feurier 1595. & Monsieur de Bouillon ne perdant temps deffit aussi fort heureusement vne Compagnie, conduite par le Comte Charles, pour le Roy d'Espagne du costé de Luxembourg.

D'autre costéen Bourgongne Monsieur le Marechal de Biron se saisit pour le Roy de la ville de Beaulne, par vne entreprise qu'il mesnagea avec les habitans d'icelle, où ils témoignerent vn tres grand courage & resolution, comme estans au desespoir d'vne si longue tyrannie de Monsieur du Mayne, & ayant emporté ladite ville le sixiesme Feurier 1595. il boucla & assiegea aussi tost le Chasteau qui est tres-fort, & en fin le reduisit incontinent au bout de six sepmaines, avec ladite ville, en l'obeissance de sa Majesté; quelque remede & secours que ledit sieur du Mayne y apportast au contraire, qui fut vn tres-grand seruice pour sa Majesté en cette Prouince afin del'ebranler, dont pour icelle ledit sieur du Mayne receut auant de desplaisir que d'aucune perte qu'il eust faite aupara-

uant, estimant cette place comme vne des meilleures & plus assurées Citadelles de ce Royaume, tellement que depuis la perte d'icelle, il se trouua quasi au bout de toutes ses vaines esperances, & se vid desdaigné & grandement blâsmé & delaisé des autres; car les villes d'Authun, Muys, & apres celle de Dijon voulurent ensuiure & imiter Beaune, & se rendirent au Roy, qui voyant tant de bons succez pour luy en cette Prouince de Bourgongne, s'y achemina avec son armée au mois de Iuin 1595. & d'abord deffit près Sainct Seine quelques troupes de Caualierie du Conestable de Castille, & entra dâs la Franche-Comté, où il estoit, & en mesme temps la ville de Vienne en Dauphiné secoüa aussi à l'exemple des autres le fascheux ioug de la Ligue, & se reduisit à l'obeïssance de sa Majesté.

Cependant que le Roy s'amusoit avec son armée à fourrager plustost, & tirer quelques deniers des villes de ladite Franche-Comté, qu'à y faire aucun progrez ny establissement assuré pour luy. Le Roy d'Espagne quia tousiours des Conseils & de bons seruiteurs au guet, emporta par sa dexterité, menées, & puissances ordinaires les places du Castelet & de Dourlens en Picardie, & apres celles de Cambray, qui sont toutes troistres-importantes à cét Estat, & bonnes; & neantmoins il les prit durant les mois de Iuin, Iuillet, & Aoust 1595. ce qui causa vn tres-grand estonnement & regret à sa Majesté, & à tous les bons seruiteurs & sujets, ces pertes signalées estans aduenües par la seule faute de ceux qui en auoient la charge, lesquels y pouuoient & deuoient remedier s'ils en eussent eu la volonté, & assez de conduite & de courage pour le faire; mais ils tesmoignerent bien leur foiblesse, & qu'ils ne



desiroient encore voir le Royaume en repos assuré; & fut la perte des hommes & munitions de guerre tres-grande pour le Roy en ces mal-heureuses prises, d'où les Espagnols remporterent infiny butin, & le Comte de Fuentes; & les Capitaines Espagnols acquirent autant d'honneur, que le Marechal de Ballagny Gouverneur pour le Roy, & autres, de honte & de des-honneur; & bien que Monsieur de Bouillon, l'Admiral de Villars & autres seruiteurs du Roy eussent fait tout leur possible pour secourir Dourlens, ils n'y peurent neantmoins rien seruir, ains furent chargez & deffaits par les Espagnols, & ledit sieur Admiral tué, avec bon nombre de Capitaines & soldats François & force autres prisonniers, & menez à Arras, où ils payerent rançon; & quasi en mesme temps Monsieur de Humieres Lieutenant general au Gouvernement de ladite Prouince de Picardie, & fort fidelle & affectionné seruiteur du Roy, fut aussi tué avec cent ou six vingts hommes, pensant recouurer la ville de Han sur lesdits Espagnols, mais en contr'eschange la garnison qui estoit dedans, fut quelque temps apres defaite, au nombre de cinq ou six cens, par Monsieur de Bouillon, qui y acquit beaucoup d'honneur, comme d'une autre defaite qu'il fit au mois de May precedent dans la Duché de Luxembourg sur la Bourlotte, & vn autre nommé Vordrege, que le Roy d'Espagne y auoit mis avec des troupes, où ils perdirent plus de cinq cens de leurs meilleurs soldats.

Durant toutes ces choses, ledit Roy d'Espagne continuoit aussi ses intelligences & menées en Bretagne, avec M<sup>r</sup> de Mercœur qui y comandoit souz le nom de la Ligue, en apparence, mais en effect pour luy, & pour se l'approprier, & sembloit que toutes choses y fussent desesperées

pour l'interest Espagnol; si ledit S<sup>r</sup> de Mercœur n'eust eü le dessein cōtraire, & que son ambitio<sup>n</sup> particuliere n'eust seruy de contregarde à son auarice, & au profit qu'il faisoit avec ledit Espagnol, tellement que cela fut cause que ladite Bretagne demeura, & se maintint douteusement, & pour les vns & pour les autres; & que le Roy d'Espagne avec son Conseil iugea bien deslors qu'il falloit perdre son esperance de ce costé-là.

Parmy tant de confusions, diuers interests & effects du costé de la Ligue, Monsieur du Mayne reconnoist en fin comme le Roy d'Espagne ne faisoit plus la guerre pour la Religion Catholique, ny pour la cōseruation de cét Estat, qui luy auoient iulques alors seruy de pretexte, mais bien pour son interest & profit particulier, & comme mondit sieur de Mercœur & les autres, tant grands que petits restez en son party, tiroient chacun de son costé, à qui seroit mieux ses affaires dans le mal-heur commun de la France, dont l'enuie & le blasme entier retomberent sur luy seul; d'autre part ayant receu des nouuelles de Rome, comme le Pape auoit donné absolution au Roy, quelque contrariété que les Espagnols & luy y eussent peu apporter, prit  
 13. le sujet de son changement sur ladite absolution du Pape, & voulant faire paroistre la compassion & le regret qu'il auoit des ruines & si longues calamitez de cét Estat, commença de se laisser parler & entendre à quelque accord & accommodation avec le Roy, à quoy force personnes prés de luy le conuierent & le portent dauantage, estimans, comme il est vray, que c'estoit son bien & le leur tout ensemble d'en sortir par ce moyen; si bien que ses seruiteurs plus confidens s'estans ouuerts & abouchez avec quelques vns des principaux du Roy; il fut aduisé en

Vn Conseil particulier de gens choisis, qu'il falloit gagner & rauoir ledit sieur du Mayne à quelque prix que ce fust, la dignité du Roy & de l'Estat sauué, afin destouffer tout à fait le mauuais nom & party de la Ligue en France, & n'auoir plus affaire qu'à l'Espagnol, bien que puissant, mais comme à vn ennemy estranger, & pour ce apres plusieurs allées & venuës & diuerfes Conferences sur cette accommodation, depuis le mois d'Octobre 1595. elle fut en fin, graces à Dieu, arrestée & resoluë au mois de Ianuier 1596. comme le Roy estoit à Follembay, & en fut fait Traité & Edict, publié & verifié depuis en Parlement, Chambre des Comtes, & Cours des Aydes au mois d'Avril & May 1595. 1596.

Et d'autant que cette reünion semble auoir esté des plus importâtes de la Ligue, ie croy qu'il est bô de remarquer icy que ledit Edict porta en son expositif, que ledit S<sup>r</sup> du Mayne voulut recognoistre le Roy, aussi tost qu'il vid le Pape l'auoir receu en son absolution; apres en tout le restes c'est vne abolition & absolution generale de toutes choses generalement quelconque, passées durant ladite Ligue, avec promesse à tous ceux qui reuiendroient avec luy, d'estre entierement reestablis en tous leurs biens, charges & honneurs, comme auparauant, & tous absolument deschargez de tout ce qu'ils pourroient auoir fait & pris en quelque façon que ce fust, dont le Roy en deschargea & promit garentir enuers & contre tous; & apres cela le Roy luy accordant troiscens cinquante mil escus pour acquirer ses debtes en France, & promettant de payer toutes celles qu'il auoit faites au pais estranger, suiuant les estats qui s'en firent & arresterent au Conseil, qui a esté, comme l'on dit, vne vache à lait pour luy, car cette

condition souz laquelle il a feint tant de debtes qu'il a voulu, n'a pas seulement seruy à l'acquiter, mais à enrichir sa maison plus qu'elle n'auoit iamais esté; étant certain \* qu'il a tiré de là plus d'un million d'or, & outre toutes ces choses portées par ledit Edict, qui a esté veu de tout le monde, l'on luy accorda encores quelques articles particuliers & tres-importants, & luy reuenant par ce moyen à l'obeissance de sa Majesté, y remit quant & quand la ville de Soissons, Pierre-fons, & autres de Picardie, & Isle de France, & ailleurs où il en auoit encore pû garder & cōseruer pour soy dans son party, dont le Roy luy laissa le Gouvernement particulier, & luy donna iceluy en chef de ladite Isle de France, en remettant son droit de celuy de Bourgongne qu'il auoit auparauant ladite Ligue; & ainsi avec les plus grands aduantages & fauorables compositions qui furent iamais accordées en France: Apres tant de rebellions & folies faites, ledit sieur du Mayne \* s'en reuint trouuer le Roy, qui tout bon & tres-clement le receut avec autant de courtoisie & d'honneur que l'autre l'eust pû desirer, & tous ceux qui y reuindrent avec luy; l'ayant tousiours appellé & creu en ses principaux Conseils, comme à la verité il estoit tres-capable aux emplois de plusieurs remarquables occasions, & de luy fauorisé, tant luy que les siens, autant & peut-estre que s'il eust iamais esté autre que son seuiteur.

Et comme i'ay dit cy-dessus en passant que le Pape auoit receu & absouz sa Majesté, cette reunion du fils aîné de l'Eglise avec elle, comme sa premiere mere, merite bien ce me semble d'en dire quelque chose, & des particularitez: surquoy il est bon de se ressouuenir que i'ay remarqué cy-deuant comme Monsieur de Neuers auoit commencé

pour cela, & fait à Rome auprès du Pape, & des principaux Cardinaux avant qu'en reuenir, & comme il auoit laissé le sieur du Perron nommé à l'Esuesché d'Eureux, avec le sieur d'Ossat, Auditeur de Rotte François, grandement praticé en cette Cour Romaine, lesquels depuis son depart poursuuiurent si bien & si à propos cette absolution de sa Majesté, qu'encores que le Pape Clement VIII. en fust destourné de force Cardinaux, & autres personnes puissantes pres de luy, il declara en plein Consistoire les grandes raisons qui le conuioient à accorder cette absolution, laquelle il creut que Dieu vouloit pour les continuellés inspirations qu'il en receuoit tous les iours en celebrant la Messe; & ledit Pape estant grandement bon, clement & pieux, & tenu tel par tout le monde, la plus grand partie dudit Consistoire passa à ladite absolution, & tout le reste apres s'y accommodant & reduisant, elle fut accordée, & publiée premierement audit Consistoire public, & puis executé avec les formes ordinaires en la presence dudit sieur du Perron, representant le Roy en cette honorable action, & acceptant pour sa Majesté les saintes remonstrances & instructions qu'il pleut à sa Sainteté de luy ordonner & luy faire; ce qu'il ratifia depuis, & accepta & promit en foy de Roy d'accomplir entièrement tout ce que dessus, & de cette celebre reconciliation du Pape avec le Roy, furent faits à Rome des feux de ioye, comme en semblable par tout les Estats des Princes Catholiques, amis & alliez du Roy, & en France, par toutes les villes, avec *Te Deum* & autres tesmoignages d'extremes allegresses: le Roy ayant assisté luy mesme avec tous les Princes, Officiers de la Couronne, & autres de son Conseil, au *Te Deum*, qui fut chanté en l'Eglise de

nostre Dame de Paris , où il voulut que le Parlement & toutes les Cours se trouvaissent aussi , & que tous les canons de l'Arſenac & de la Baſtille , tiraſſent , après le feu de ioye fait pour cela en Greue , qui deſplaiſoit autant aux Ligueurs, qu'il eſtoit grandement agreable à tous les bons Catholiques & bons François, & ainſi fut ſa Majeſté tres-Chreſtienne reconciliée avec ſa Sainteté, & le Saint Siege, & ce vers le mois de Nouembre de ladite année 1596.

Ce fut cette année que ie commençay à ſeparer mes deux fils, ayant baillé à mon ainſné la demeure de ma maiſon de Cheuerny avec entretien ſuffiſant & conuenable pour luy & pour ſa femme, qui eſtoit quelque temps auparavant venue de chez Monſieur le Comte de Charny, grand Eſcuyer, ſon pere, & que i'auois premierement receüe comme femme de cette qualité en ma maiſon d'Eſclimont, laquelle voulant reſeruer pour moy, eſtant plus proche de la Cour, ie les enuoyay faire leur ſejour audit Cheuerny; & pour l'Abbé de Pont-Leuoy mon ſecond fils, après auoir demeuré quelques années à Chartres, depuis la reduktion de ladite ville, & là au College d'icelle, avec vn Precepteur, eſtudiant touſiours; ie le fis venir à Paris, & le mis dans le College de Nauarre, où il continua ſes eſtudes, ayant mis auſſi avec luy mon cadet & dernier fils, le Baron d'Vriel, pour apprendre quelque choſe conuenable à ſa condition, & ce fut lors que ie fis pour uoir mon ſecond fils à Rome de quatre Abbayes par vne meſme Bulle, avec diſpenſe de ſon âge, n'ayant lors que dix-ſept ans, & fut la premiere expedition que le Pape fit pour la France, qui me gratifia beaucoup en cela, leſdites quatre Abbayes eſtoient Pont-Leuoy, la Vallée, Royaumont,

&

& S. Pere, il ne s'estoit rien expedie depuis les deffences qui auoient esté faites du temps de Henry troisieme, lesquelles furent pour lors leuées, & fut ordonné que les François se pouruoyroient comme auparauant; & à ce propos ie suis bien aise, comme i'ay declaré cy-deuant de quelle façon i'auois recouuert lesdites deux premieres Abbayes de Pont-Leuoy & du Vallace pour mondit second fils, de remarquer aussi en cét endroit comment ie luy ay peu auoir les deux autres de Royaumont, & de S. Pere de Chartres: Pour celle de Royaumont ce fut pour Monsieur du Puy mon cousin, à la mode de Bretagne, frere de Monsieur de Bourges, depuis Archeuesque de Sés, deux de mes meilleurs parens & amis, & particulièrement ledit sieur du Puy, beaucoup plus franc & libre que l'autre, apres auoir quasi eu tous les plus beaux benefices de France, ayant esté Chancelier de la Royne mere de nos Rois, Catherine de Medicis, & auoir mangé & dissipé plus de cinquante mille liures de rente, que ie luy ay veu auoir, par mauuaise conduite & menage, ne luy restant plus que ladite Abbaye de Royaumont sur sa vieillesse, & qui estoit saisie de tât de creanciers qu'il n'en pouuoit iouir, s'assurant de mon amitié mutuelle, & par consequent de celle de mon fils; luy resigna purement & simplement ladite Abbaye, laquelle i'assuray au nom de mondit fils par breuet du Roy, & Arrest du grand Conseil dès l'année 1594. pour souz sa procuration, baillée aux dépens dudit sieur du Puy, luy rendre ledit reuenu plus aisé & facile, & hors de prise de ses creanciers, & en cette façon en iouit ledit sieur du Puy le reste de sa vie; & bien que ladite Abbaye ne valust pour lors que quatre mil cinq cens liures, les charges payées, estant grandement

ruinée, i'accorday audit sieur du Puy autre chose à disposer aux siens, qu'il donnast des pensions apres sa mort sur icelle Abbaye, ausquels ie luy promis que mondit fils satisferoit, soit par continuation ou recompense d'icelle quád il ioüiroit de ladite Abbaye; & ceste facilité iointe à sa necessité, accablé d'importunité sur ses derniers iours, luy fit donner de belles pensions, iusques à cinq mil quatre ou cinq cens liures sur ladite Abbaye, & le tout sans autre forme que par lettres particulieres qu'il m'en escriuoit, en faueur de ceux qu'il desira gratifier, lesquelles ie souscriuis & promis, que mondit fils y satisferoit; & puis dire avec verité que quand il en eust desiré dauantage ie l'eusse tout de mesme accordé pour l'vnion & fort estroite amitié qui estoit entre nous deux, & pour sa grande franchise à donner à mon fils ladite Abbaye, laquelle restablie & racomodée, pouuoit se rendre vn des beaux biens de cette qualité qui fust en France; & voila comment mondit fils eut ladite Abbaye de Royaumont. Quant à celle de S. Pere, ayant esté donnée par le Roy pendant le fort des guerres, & apres la mort du Cheualier d'Aumalle Abbé d'icelle, aux sieurs de Roquelaure, de Frontenac & de Belé, Gentils-hommes qui seruoient & seruiroient sa Majesté, ils furent tous trois bien aises d'en tirer quelques recópenſes separees & particulieres, & moy de pouuoir recouurer cette piece tres-belle dans la ville de Chartres, & de laquelle dépendoit vn petit Chasteau nommé Couruille, bon & fort tout contre ma maison d'Esclimont, qui m'y auoit donné de l'apprehension durant les guerres; outre que destinant mondit fils pour paruenir à l'Euesché de Chartres s'il m'estoit possible, ie ne pouuois luy en acquerir de plus propre & commode



que ladite Abbaye, pour recompense de laquelle, apres mille peines, ie donnay ausdits sieurs Gentils-hommes, des benefices particuliers & simples, prouenus de mon indulte, & autres dont quelques amis m'accommererent, moyennant quelques pensions extinguiables, & d'autres benefices auxquels ie fis obliger mon fils sur ladite Abbaye, reuenant à trois mil liures de rente, & l'Abbaye en valoit pres de huit mil, ledit benefice de mon indult ayant fait le surplus de la recompense d'icelle; & ainsi ie mesnageay à mondit fils ladite Abbaye de Saint Pere, sans aucune gratification du Roy, que de son simple consentement, vn peu plus que pour l'autre de Royaumont, & l'ayant ainsi fait Canoniquement pouruoir desdites quatre Abbayes, & bien assuré, ie luy fis continuer le plus soigneusement qu'il me fust possible sesdites estudes audit College de Nauarre pour vn temps, puis aux leçons publiques, & autres lieux où ses Precepteurs estimerent qu'il pourroit s'acquerir plus de capacité pour sa condition.

Et pour reprendre le fil des affaires publiques de la France, apres auoir dit vn mot en passant des miennes particuliers de ma maison, ie diray icy que de tous les principaux Chefs de la Ligue, ne demouroit plus hors de l'obeissance du Roy, que Monsieur le Duc d'Aumalle, lequel ne fut assez fin & aduisé pour faire son accord, comme tous les autres, ainsi qu'il estoit tres-aisé en ce temps-là; ce que voyans ceux du Parlement de Paris, auxquels l'on auoit laissé lieu de mordre sur la pluspart, voulans faire paroistre en celuy-cy vne seuerite iustice, qu'ils eussent volontiers exercé sur tous les autres; outre qu'il auoit esté le premier à traiter avec l'Espagnol, & à se porter ouuer-

tement pour luy; lesdits sieurs du Parlement, à la requeste du Procureur General, firent le procès dudit sieur Duc d'Aumalle, & apres l'auoir fait trompeter & appeller à trois briefs iours, le condamnerent par contumace, par les formes qu'ils pratiquent en telles choses, & le declarerent criminel de leze Majesté au premier Chef, & pour ce ordonnerent qu'il seroit tiré à quatre cheuaux, & tous ses biens acquis & confisquez au Roy, & firent executer en la place de Greuë ledit Arrest sur vn fantosme contrefait, sur ledit sieur d'Aumalle, lequel apres auoir esté tiré par quatre cheuaux, fut escartelé, & les quartiers d'iceluy attachez à quatre potences, aux quatre principales sorties & aduenues de Paris; & puis dire que cela n'eust esté fait, si le Roy eust esté pour lors à Paris, ou nous autres du Cōseil; car le Parlement y alla vn peu trop viste, n'estant à propos de desesperer iamais des personnes de telle condition, ny leur faire paroistre le mal qu'on leur veut, si tout à fait l'on ne les ruine; & de fait ledit S<sup>r</sup> d'Aumalle outré de desespoir d'vn tel & si extraordinaire traitement, renôçant à la Frâce, se ietta tout à fait du costé du Roy d'Espagne, & alla trouuer l'Archiduc en Flandre, qui ne manqua de le bien receuoir, & gratifier & secourir, autant qu'il pût, ayant tousiours depuis ce temps tiré de grands Estats & pensions d'Espagne en Flandres, où il a demeuré, & y a eü plus d'honneur & de repos qu'il n'eust iamais pû receuoir en France, où il fust demeuré à la misericorde de ses creanciers, ausquels il deuoit plus qu'il n'auoit vaillant: tellement que ladite confiscation s'en est allée en fumée: C'est pourquoy il estoit à propos de menager ce Prince-là, aussi bien que tous les autres de la Ligue, ainsi que c'estoit l'intention du Roy, afin de le-

conseruer pour la France ; & non pour l'Espagnol, mais la consideration du Parlement ne vint iusques-là ; tellement que force autres desesperez Ligueurs apprehendans mesme chastiment, s'enfuirent iusques en Espagne, où ils ne manquerent d'auoir aussi tost pensions & entretenemens, selon leurs conditions & leurs seruices rendus ; & aucuns d'entr'eux y ont grandement desseruy le Roy & la France, tant le desespoir a de force sur l'humeur des François ; il y en eut d'autres plus sages & plus retirez, qui requerans le pardon du Roy, l'obtindrent par le moyen de leurs amis, & demeurèrent en France, reestablis en tous leurs biens comme auparauant : Enuiron ce mesme temps, Monsieur de Guise estant en Prouence, reduisit cette Prouince à l'obeïssance de sa Majesté, estant entré fort à propos dans la ville de ~~Marseille~~ <sup>Calais</sup>, apres la mort d'un certain Vignier nommé ~~la Pance~~ <sup>la Pance</sup>, insigne Ligueur, qui luy donna moyen de s'assurer de ladite ville, & peu de temps apres de toute la Prouence.

Pendant que le Roy estoit de fort long-temps retiré & occupé au siege de la Fere en Picardie, qui est vne place de tres-difficile abord, estât dans vn marais qui se remplit d'eau quand l'on veut, l'Archiduc Albert quel'on nommoit encore le Cardinal d'Autriche ne perdant aucun temps, emporta par force la ville & Chateau de Calais, & apres la ville d'Ardres durant le mois d'Auril 1596. sans que le Roy y peust donner secours ny remede ; ledit Cardinal ayant pour lors vne trop puissante armée, & falloit que sa Majesté déchargeast sa colere sur la Fere, qu'en fin il'emporta par composition sur la fin dudit mois d'Auril 1596. & apres s'en estre rendu maistre, attaquas ses ennemis de tous costez, par courses, enleuemens de logis, prise de

prisonniers, & autres exercices de la guerre, où chacun à son tour auoit du bō. Sur la fin du mois d'Aoust audit an 1596. Monsieur le Marechal de Biron, par le commandement du Roy, avec vne armée legere & bien choisie, se jetta dans le païs d'Artois, où il deffit quelques troupes de l'ennemy, & prit prisonnier le Marquis de Varenbon, courut & rauagea toute la Comté de Saint Paul, & chastia bien rudement quelques paysans du païs, qui contrefaisans les soldats, se voulurent armer contre luy; puis estant reuenu pour se rafraischir s'y en retourna pour la seconde fois, & y fit faire vn grand butin par ses soldats, avec plus de rauages que la premiere fois. Et comme il sceut que le Duc d'Ascoty auoit esté exprés enuoyé avec des troupes pour l'empescher d'y retourner, ledit Marechal plus fort qu'aux deux premieres fois, y entra pour la troisieme, & apres s'estre vn peu escarmouché & auoir enleué quelques quartiers & quelque butin, se retira en France avec tout l'honneur qu'il en pouuoit esperer, & separa de logis par le mesme commandement toutes ses troupes aux frontieres & lieux plus propres à s'opposer à l'ennemy.

D'autre costé les Espagnols se desians grandement & avec raison del'intention de Monsieur de Mercœur qui faisoit ses affaires en Bretagne à part, & continuoit sa trefue & intelligence avec les seruiteurs du Roy qui estoient aux Prouinces de Poictou, Anjou & le Mayne, se fortifierent plus que deuant en leur fort de Blauet & autres places qu'ils auoiēt emportées en ladite Bretagne, & qu'ils desiroient y conseruer pour le Roy d'Espagne; & fut en mesme téps, ou peu apres que le Roy enuoya Monsieur de Bouillon en Hollande pour iurer & promettre

l'entretié du Traitté; la Reine d'Angleterrey fut cōprise, & pour ce falloit que ledit sieur de Bouillon y allast aussi faire pareil serment pour le Roy au mois de Septembre 1596. ledit sieur de Bouillon ayant esté tres-bien choisi pour aller assurer l'entretien de ce Traitté, duquel il auoit esté l'autheur, & vn des plus opiniaistres Conseillers.

Pendant toutes ces choses le Roy se resolut d'aller en Normandie, pour mieux assurer cette Prouince, & passer vne partie de l'Hyuer à Rouën, où il n'auoit point encores esté, & conuoqua audit Rouën vne assemblée de plusieurs personnes de tous ordres de son Estat par luy choisis, & manda à toutes les Prouinces d'iceluy pour ioindre leurs bons aduis, avec ceux des Princes, Officiers de la Couronne, & autres de son Conseil ordinaire, & former de tous quelque bonne resolution pour le bien de ce Royaume & repos de ses sujets, & aduiser aux meilleurs & plus puissans moyens qu'il faudroit tenir pour mieux guerroyer & matter l'Espagnol; & de fait sa Majesté s'achemina avec toute la Cour audit Rouën, où il fit son entrée tres-magnifique le vingtiesme Octobre 1596. & là trouuant tous ceux qu'il auoit mandez & conuoquez, il les assembla à Saint Oüyn, aux rangs, formes & descences conuenables à telle action; & pour leur faire entendre ses intentions, & la cause de cette notable Assemblée, leur fit à l'ouuerture d'icelle vne harangue digne de luy & selon son humeur ordinaire, qui estoit de dire & comprendre beaucoup de choses en peu de paroles, non recherchées, mais pleines d'energie; & ainsi representa premierement à ladite assemblée le piteux & déplorable estat auquel il auoit trouué ce Royaume, & ce que force vrais François ses bons seruiteurs auoient considéré avec luy pour le

reſtabliſſement d'iceluy, & qui deſiroient alors le tirer tout à fait de ſes miſeres paſſées, & le reſtablir en ſa premiere ſplendeur par leurs bons conſeils & aduis, il les auoit aſſemblez pour cela: Et continuant ſon diſcours, leur tint ces meſmes paroles qu'il auoit auparauant repetées, & leur dit: Participez d'oc, mes chers ſubjects à cette ſeconde gloire avec moy, comme nous auons deſia fait à la premiere; car ie ne vous ay point icy appelez, comme faiſoient mes predeceſſeurs pour vous faire approuuer mes volontez, mais bien pour entendre vos aduis & Conſeils, pour les croire & ſuiure en tout & par tout, comme ſi i'eſtois entré en tutelle, qui eſt vne enuie qui ne prend guerres aux Rois qui ont la barbe grife comme moy, & qui ſont, graces à Dieu, victorieux comme moy, mais la grande affection que i'ay pour mes ſubjects, & l'extreſme enuie que i'ay qu'ils m'eſtiment auſſi bon & paiſible que le legitime Roy, me feront trouuer bon tout ce que vous me conſeillerez de uoir faire, remettât à Monſieur le Chancelier de vous dire le reſte, & vous faire entendre plus amplement mes intentions; Apres leſquelles paroles ſe fut à moy à commencer à parler, ce que ie fis le mieux qu'il me fut poſſible, en la dignité de ma charge, & pour ce reprenant & augmentât tout ce qu'il auoit pleu à ſa Maieſté de dire, i'y adiouſtay, & fis voir clairement à ladite Aſſemblée quelles auoient eſté les miſeres de cét Eſtat, quel il eſtoit alors, & ſes affaires & neceſſitez preſſantes, & apres y propoſay les moyens & ouuertures plus prompts & conuenables à y tenir, pour remedier & pourueoir au mal preſent, & affermir le repos tant deſiré de tous; à quoy ie n'oubliai toutes les raiſons & exemples, faiſant à ce ſujet que ma

me-

memoire & mon expérience me peuuent fournir; & ainsi ie finis mon discours en conuiant vn chacun à affectionner & bien conseiller le Roy, apres auoir parlé près de trois quarts d'heures avec tres-fauorable audience & satisfaction à mon aduis d'vn chacun; cela fait le Roy se leua & toute ladite Assemblée, laquelle du depuis commença à continuer & trauailler, & proposa plusieurs bons aduis, d'aucuns desquels sa Majesté se seruit à propos, & le surplus est demeuré sans effect, dans la confusion accoustumée des principales affaires de France.

L'ay cy-deuant remarqué comme les Espagnols s'estoient emparez de la ville de Dourlens en Picardie souz l'Archiduc Ernest Gouverneur pour le Roy d'Espagne, qui y laissa vn vieil Capitaine Espagnol, nommé Hernand Teille Pontocarrero, qui nous monstra bien ce qu'il scauoit de son mestier: car le Roy, apres auoir assez longuement seiourné à Rouën, s'en retourna vers le Careme-prenant à Paris, où il receut nouuelles que les habitans d'Amiës, qui auoient refusé de mettre dans leur ville les garnisons que le Roy leur vouloit bailler, faute de bonne garde, & par leur negligence, laisserent surprendre leur ville par le mesme Hernand Teille, qui s'y estoit acheminé de Dourlés, laquelle en est proche de demie iournée seulement. Le Roy considerant l'importance de la surprise, cette ville estant la capitale & principale de la Prouince, tres-forte d'affiette & d'ancienne fortification; & dans laquelle, par mal-heur, sa Majesté auoit fait dresser vn grand Arcenal de guerre, & fait amasser infinies munitions pour les trouuer plus prestes pour s'en seruir au Printemps cōtre l'Espagnol, lequel ne

perdant point de temps, & ſçachant que les Habitans de ladite ville plus accouſtumez à leurs commerces qu'à la guerre, & plus ialoux de la conſeruatiō de quelques priuileges en papier, que de ceux de leurs perſonnes, & biens preſens, auoient refusé de receuoir du Roy vne garniſon, s'eſtimans aſſez capables d'empêcher telle entrepriſe; neantmoins ledit Hernand Teille ſit ſi bien qu'il ſe ſaiſit de ladite ville d'Amiens, comme il ſ'enſuit : le n'ay peu m'empêcher d'en mettre icy quelques principales particularitez, comme eſtant l'vne des plus remarquables & bien conduite entrepriſe, que nous ayons veüe de noſtre temps.

1597. Il faut donc ſçauoir que le Lundy 21. iour de Mars 1597. ledit Hernand Teille Eſpagnol eſtans dans Dourlens, voulant executer ſon entrepriſe ſur ladite ville d'Amiens, choiſit quarante de ſes meilleurs & plus affectiōnez ſoldats, leſquels il rendit capables de ſon deſſein, & pour y paruenir les fit tous habiller & deſguiſer en Paiſans, leur faiſant porter à chacun de gros ſachets ſur leurs teſtes, comme les autres paiſans, allans d'ordinaire au marché de ladite ville; ayans tous neantmoins par deſſous leurs jacquettes de toille, de bonnes eſcoupettes, piſtolets & grandes dagues propres à telles executions. Et eſtans tels ſoldats ainſi bien diſpoſez, ledit Hernand Teille partit de Dourlens avec 5000. hommes de pied, & ſix à ſept cens cheuaux, & alla toute la nuit vers Amiens, & auant le iour poſa ſi bien ſes embuſcades, & plaça ſi couuertement ſes troupes près d'un Chaufour aſſez voiſin de ladite place, que perſonne de ladite ville n'en priſt allarme, ny ne ſ'en apperceut; lors, ſur les ſix à ſept heures du matin, qui eſtoit l'heure



que l'on venoit au marché dudit Amiens, il fit aduancer lesdits soldats desguisez droict à la porte de la ville, bien instruits d'icelle porte, & auoient fait marcher en mesme temps vn grand chariot chargé de foing, lequel estant paruenue avec eux, sans aucune difficulté iusques à ladite porte, & estans iusques souz la harfe & grille fut là arresté, & au mesme temps lesdits soldats coupperent les traits des cheuaux qui le menoiert, pour laisser ledit chariot en cette place, afin que l'on ne peust, ny leuer le pont sur lequel il estoit, ny aussi faire tomber ladite grille, & ainsi faire vn passage libre des deux costez dudit chariot, pour entrer en ladite ville; & en mesme instant tous lesdits soldats se ietterent avec leurs armes sur quelques quinze ou vingt habitans, la plus part endormis, qui estoient au Corps de garde de ladite porte, lesquels se trouuerent si fort estonnez & surpris que sans beaucoup de resistance lesdits soldats Espagnols se rendirent Maistres, tant dudit corps de garde que de ladite porte entiere, par le secours du reste qui au premier signal sortit de ladite embuscade & gaigna aussi tost ladite porte, & ainsi tous en foule entrerent, tant à pied qu'à cheual, sans aucune difficulté dedans ladite ville, & furent par ledit Hernandille en mesme temps distribuez en tous les quartiers & principales places de ladite ville; ce qu'ils firent tres-aisément: car tous les habitans se trouuans surpris par la faute de leurs corps de garde, auquel ils se fioient, & la plus part estans à l'heure au Sermon dans la grande Eglise, comme c'estoit le Careme; & sur les huiet à neuf heures du matin, encores que le Guet & Beffroy de ladite ville sonnoit fort: Neantmoins personne n'en prist allarme, chacun estimant que ce deuoit estre quelques troupes

du Roy qui passoient par ladite ville, comme c'estoit chose assez ordinaire; & ainsi tout le peuple demeurant sans conduite & sans iugement, en si importantes occasions, les Espagnols sans aucune resistance se rendirent Maistres de ladite ville d'Amiens, Monsieur le Comte de Saint Paul Gouverneur de Picardie, estant dedans audit temps, entendant ce mal-heur, auquel il ne pouuoit plus donner de remede, s'enfuit le premier, & se sauua à Corbie avec force autres aussi vaillans & secourans que luy: & le surplus des habitans d'icelle sortans en cét effroy & estonnement des premiers, & trouuans lesdits Espagnols armez qui alloient en bataille & ordre espouuentable par les ruës, asseurans toute douceur à ceux qui obeïroient, comme aussi toute sorte de cruauté à quiconque se voudroit rebeller, n'ayans personne pour leur commander autre chose. Chacun commença de recognoistre son mal-heur present, & tascher de s'en sauuer au mieux qu'il luy seroit possible; & pour ce les plus apprehensifs se ietterent hors ladite ville par passages dérobbes, & non encore saisis; les autres en plus grand nombre, se retirerent doucement dans leurs maisons; & le meilleur qu'ils eussent; la pluspart fermans leurs portes & boutiques, attendans la misericorde de Dieu & desdits Espagnols, lesquels apres auoir demeuré deux outrois heures sans aucunement se declarer, ny faire aucun desordre dans ladite ville, pendant que ledit Hernantilles s'assura de toutes les portes de la Maison de Ville, des Arcenacs & magasins du Roy, & autres lieux de deffense d'icelle, & contraignirent aussi tost lesdits habitans d'entrer en composition avec eux, pour empescher par ce moyen le pillage, & la ruine entiere de tous

leurs biens, ce qu'ils firent, & en sauuerent vne partie par ladite composition, dont ledit Hernantille fit vne grande liberalité à ses soldats, mais chacun ne laissa de tirer encores depuis de ses hostes ce qu'il peut; par la violente douceur que telle conqueſte apporte: Et pour ce qu'il estoit dans lesdits Arcenacs & magasins du Roy; ledit Hernantille les conserua en leur entier, pour s'en seruir contre sa Majesté; ainsi qu'il fit depuis à la deffence de ladite ville: Et se peut dire que lesdits Espagnols firent en cette prise d'Amiens, le plus grand effect & le plus grand butin tout ensemble, qu'on scauroit penser; d'autant que cette ville est grandement importante à la France, & sans laquelle Paris se trouueroit incontinent frontiere; puis elle est d'un tres-grand abord & commerce pour tous les Marchands François avec ceux de Flandres & du Pays-bas, pour la commodité de situation d'icelle, & la facilité qui y est, à cause de la riuere de Somme: & ces considerations & plusieurs autres infinies, conuiennent lesdits Espagnols à cette entreprise, pour s'acquerir & conseruer cette place, & s'en seruir de frontiere pour l'Arthois contre la France, comme le bon Duc Philippes de Bourgogne autrefois l'auoir fait.

Il est bien mal-aisé de dire quelle fut plus grande, ou l'allegresse desdits Espagnols pour vne si grande conqueſte & facile entreprise, ou la tristesse des François pour vne perte inopinée, si notable & importante à cet Estat, en laquelle le Roy plus interessé & picqué que nul autre, apres auoir grandement blasmé, tantost la plus grande opinionistreté des Habitans d'Amiens, qui n'auoient voulu receuoir garnison; tantost la lascheté & mauuaise con-

duite de leur Gouverneur; & tantost la trop grande confiance & bonté enuers lesdits habitans, de n'y auoir pas mis meilleur ordre, ayant de long-temps preueu quelque mauuais succez de ce costé là. Sa Majesté apres auoir receu l'aduis certain de cette mal-heureuse prise, assembla aussi tost vn grand & celebre Conseil, de ~~to~~des Princes, Officiers de la Couronne, & principaux & plus experimentez dudit Conseil, avec les plus vicils Capitaines qui fussent lors à la Cour, où apres auoir dit quelques paroles de son desplaisir & de son dessein, & sa iuste colere l'empeschant d'en dire dauantage; il me commanda de proposer l'affaire, & les plus prompts moyens d'y remedier; ce que ie fis le mieux qu'il me fust possible, & fis voir de quelle importance estoit cette place, & de quelle consequence estoit sa perte, à tout le Royaume, & que i'estimois qu'il falloit sans retardement apporter tout le remede possible, & y mettre le tout pour le tout; ce que chacun considerant & prenant bien, l'on alla tout d'une voix à conseiller sa Majesté, que sans aucun delayement il falloit aller inuestir & assieger ladite ville d'Amiens, auant que les ennemis eussent plus de temps & de moyen de s'y recognoistre & la fortifier, & à quelque prix que ce fust l'emporter: A quoy tous promirent au Roy de le bien & fidellement seruir, & estant cette resolution prise, le Roy depescha diligemment de tous costez, & enuoya des commissions pour dresser vne armée Royale, la plus forte & munitionnée de toutes choses, & principalement d'Artillerie qu'il luy fust possible; à quoy tous les François s'affectionnerent, comme la chose le meritoit aussi; & ce fut à l'enuy à qui le seruiroit mieux, & plus promptement en cette occasion; si bien

que pendant que ledit Hernanville triomphoit de sa conqueste, pouruoit dans ladite ville d'Amiens assez doucement aux choses qu'il sembloit necessaires, en cas qu'il fust assiegé, comme il se doutoit que le Roy n'y manqueroit pas; ayant fait mettre le feu dans les Fauxbourgs & villages circonuoisins de ladite ville. Le Marechal de Biron avec ce que l'on peut ramasser en peu de temps de troupes, l'alla inuestir & assieger, plustost qu'il n'auoit pensé; & sa Majesté voulant y aller apres en personne, auant que partir de Paris, fit verifiser en sa presence au Parlement quelques Edicts, desquels il tira promptement vn grand secours d'argent qui luy estoit du tout necessaire en cette occasion; & puis s'en alla audit siege d'Amiens, où tous les Princes & autres généralement quelconques le suivirent, & à l'enuy tout le reste de la Noblesse de France y accourut pour s'y signaler; & quant à moy il voulut que ie demeurasse à Paris avec tout son Conseil, pour donner ordre à l'argent, artillerie & munitions necessaires audit siege, ayant mené avec luy Monsieur de Villeroi, & vn autre Secretaire d'Etat, & deux des Messieurs de robe-longue audit Conseil, avec vn Intendant des Finances, & le Thresorier de l'extraordinaire des guerres, & vn nommé de l'Espargne, pour paruenir aux choses plus pressées près de sa Majesté, & auoir correspondance continuelle avec nous autres, demeurez à Paris, afin que rien ne peust manquer d'vn costé ny d'autre en telle & si importante affaire; & puis dire qu'encore que nous fussions apres les guerres ciuilles, qui auoient tout ruiné, Dieu fit la grace au Roy premierement, & à nous tous les seruiteurs, que nous trouuames assez d'argent & d'artillerie pour ledit siege, chacun

n'y espargnant rien à la venir, car de là dependoit ou la durée ou la fin de nos maux, ainsi que l'issue l'a fait paroistre du depuis.

Le Sa Majesté donc bien resoluë, & fortifiée audit siege, de toutes choses nécessaires à reprendre Amiens, pour-  
 suivit le siege commencé par le Marechal de Biron, où rien ne fut oublié, car iamais on n'auoit veu en France vn  
 { pareil travail pour les tranchées, vn plus bel ordre à les  
garder, plus belles sorties & mieux repoussées, plus  
grande batterie du dehors & contrebatterie du dedans,  
plus bel establissement d'Hospital pour les blesez de  
l'armée du Roy, & bref plus belle disposition & choses  
conuenables à vn tel siege; & tout cela reüssit si bien,  
qu'apres que ledit Hernantille eut fait dedans tout ce  
qu'un vaillant Gouverneur & Capitaine peut faire, il y  
fut tué & y perdit la vie, & non l'honneur qui luy est de-  
meuré pour iamais, & fut enterré en la grande Eglise d'A-  
miens. L'Archiduc ou Cardinal d'Autriche voyant ce  
 furieux assiegement, vint avec vne grande & puissante ar-  
 mée pour y remedier, pensant faire comme le feu Prince  
 de Parme auoit fait deuant Paris & Roien, faisant  
 croire d'abord qu'il y vint descendre, qu'il voulust don-  
 ner la bataille; ayant quinze mille hommes de pied  
 & trois mille chevaux, & dix-huict pieces de Canon, le  
 tout en tres-bon ordre & equipage, avec infinis chariots  
 enchaînez, chargez de viures, desquels il se vouloit  
 seruir à enfermer son Infanterie, contre la furie de la  
 Cauallerie Françoisse: & estant arriué avec cette grande  
 armée à Dourlens, publia par tout que dans quatre iours  
 il donneroit la bataille, estimant souz ce pretexte qu'il  
 pourroit faire couler le secours & viures qu'il auoit  
 amenez

amenez pour les assiegez, & vint furieusement prendre son champ de bataille au dessus de Long-pré, où Monsieur du Mayne, par le commandement du Roy, s'y ietta incontinent avec des forces, & le deffendit; pendant que sa Majesté avec tout le reste de son armée (excepté qu'il en laissa dans les tranchées du siege, qu'il ne vouloit abandonner) vint au deuant del'armée ennemie, & à la veüe l'un del'autre, escarmouchans & saluans de canonnades toute la iournée du 15. Semptembre, iusques sur le soir que le Cardinal se retira avec son armée, à deux lieues d'Amiens à vn village nommé sainct Sauueur, où toute la nuit il fit dresser vn pont sur la riuere de Somme, pour passer le secours & viures qu'il amenoit, lequel fut empesché, & la pluspart deffait, & pris par ceux que le Roy auoit ordonnez; tellement que deuant le iour du 16. ledit Cardinal, disant qu'il vouloit donner la bataille, commença de paroistre au dessus de la montagne de Vignancourt, & le Roy s'y trouua aussi au champ de bataille du iour precedent près de Long-pré, & recommencerent les mesmes escarmouches & canonnades entre les deux armées toute cette seconde iournée, comme ils auoient fait durant la premiere, sans que sa Majesté peust iamais attirer son ennemy à la bataille, lequel se contenta de faire voir son armée aux assiegez, & la fait tantost plus, tantost moins paroistre au Roy, sur le haut de ladite montagne de Vignancourt, pendant qu'il dispoisoit sa retraite, & faisoit aduancer & retirer son bagage vers Dourlens, où il se retira le soir sans autre effect, y laissa ses viures, & le 22. se retira à Arras, ayant tousiours esté poursuiuy par sa Majesté avec son armée & son artillerie iusques audit Arras, où mesme il fit tirer 25. ou 30.

canonnades pour marque de son aduantage tout entier, & apres ne pouuant faire dauantage contre son ennemy qui ne vouloit combattre, s'en reuint audit siege d'Amiens, & redoublant ses efforts sur les assiegez, auxquels commandoit le Marquis de Mont, apres la mort de Hernantille, & cōmençans à perdre courage, se resolerent de parlementer, deux iours apres la retraitte dudit Cardinal, & demeurerent d'accord de remettre ladite ville entre les mains du Roy dans six iours apres, si dans le temps ils n'estoient secourus, ce que n'ayant point esté, le Roy y ayant trop bien pourueu, au bout de six iours ils remirent à sa Majesté ladite ville, & en partirent le 25. Septembre avec armes & bagages, au nombre de dix-huit cens hommes de pied, y ayant force blesez, six cens cheuaux, & six vingts chariots chargez de butin & de femmes, au lieu de quatre mil hommes de pied & douze cens cheuaux, tous Espagnols d'esslite, qui y estoient au commencement du siege, le reste ayant esté tué deuant iceluy; & ainsi sa Majesté reconquit tres-heureusement ladite place, apres l'auoir tenuë assiegée près de cinq mois depuis le 20. Mars qu'elle fut inuestie, six iours apres sa prise iusqu'au 25. Septembre, que lesdits Espagnols en ressortirent en la forme cy-dessus, laissant à sa Majesté ladite ville & tous les habitans d'icelle entierement ruinez, comme il leur estoit tres-bien employé, pour n'auoir voulu receuoir garnison, & se fier trop en leurs forces particulieres, & à leurs priuileges, auxquels sa Majesté ne deuant plus apres cela auoir aucun egard, laissa en ladite ville vne bonne & forte Garnison, avec Monsieur de Vic pour Gouverneur d'icelle, & y fit commencer vne tres-grande & forte Citadelle, qui a depuis esté continuée;



en sorte qu'il y a apparence que la France ne se trouuera vne autrefois en telle apprehension pour cette place, comme elle fut alors; & bien que ie me sois vn peu trop estendu sur cette prise, & reprise d'Amiens, si est-ce que tant de choses remarquables s'y passerent, pour auoir esté vn des plus beaux sieges de nostre temps, que l'en laisse encore beaucoup à dire aux Historiens, qui ne doiuent oublier les particularitez notables de chose si importante audit Royaume.

Pendant cette longue durée dudit siege d'Amiens, auquel le Roy & quasi la pluspart de la France, estoient occupez, quelques Gouverneurs de Prouinces y estans demeurez, rendoient de leur costé de bons seruices à sa Majesté, entr'autres Monsieur Desdiguieres en Dauphiné, lequel durant le mois de Iuillet & Aoust 1597. avec vne petite armée legere se ietta dans la Sauoye, & s'empara de la pluspart de la valée de Morienne, & y attaqua & gagna quelques forts, à quoy Monsieur de Sauoye se voulut opposer avec le secours qu'il eut de quelques Neapolitains & Suisses; ledit sieur Desdiguieres luy presenta la baraille, à laquelle ledit sieur de Sauoye bien qu'il fust plus fort ne voulut iamais se porter, & se contenterent de plusieurs escarmouches qui furent fort chaudes & sanglantes; & desquelles l'honneur demeura aux François; & ledit sieur de Sauoye y receut perte de plus de douze cens hommes des siens, & depuis voulant rendre la pareille en Dauphiné, ledit sieur de Sauoye s'y ietta avec des forces à l'impourueu: Mais ledit sieur Desdiguieres les fit bien tost retirer sans aduantage, ayant promptement mandé & amassé des troupes suffisantes pour cela,

En mesme temps & durant ledit mois de Iuillet, Monsieur le Marechal de Brissac, Lieutenant General pour le Roy au Gouuernement de Bretagne, assisté des seruiteurs que sa Majesté auoit en cette Prouince, & de l'aide des habitans de Sainct-Malo, deffit heureusement audit pais vn nommé le sieur de Sainct Laurens, qui y auoit quatre ou cinq cens hommes de pied, & cent cheuaux pour Monsieur de Mercœur, mettant le tout à vau-deroutte, & la pluspart tuez sur la place.

Au mois d'Aoust aussi audit an, le Roy d'Espagne continuant ses desseins & entreprises de tous costez de la France, vn nommé Gaucher, François ou Lorrain, simple soldat de fortune; mais paruenue en quelque estime parmy les armées, & par sa valeur fit vne entreprise sur vne petite ville frontiere de Champagne, nommée Ville-Franche, sur la riuere de Meuse, qui auoit auparauant esté prise par Monsieur le Duc de Lorraine, & depuis reduite à l'obeissance du Roy, & s'adressa ledit Gaucher à quelques Soldats qui y estoient dedans en garnison, pensant les gaigner par grandes promesses & recompenses du Roy d'Espagne qu'il seruoit; lesquels Soldats en ayant aduertie leur Capitaine, il leur commanda d'escouter & bailler parole, en prenant l'heure & le iour pour l'execution de ladite entreprise, ce qui fut fait; & le temps arriué, ledit Capitaine s'estât fortifié des Garnisons voisines qui estoient au Roy à Moruan de Mou, prit son aduantage & deffit ledit Gaucher avec son entreprise, laissant sur la place deux ou trois cens hommes morts, & prenant six-vingt prisonniers; & peu s'en fallut que ledit Gaucher n'eust esté attrappé avec le reste.

Aussi au mesme mois d'Aoust, ceux du Parlement de

Paris, n'estans encore contens d'auoir chassé, comme ils auoient fait, les Iesuites, donnerent le 21. dudit mois vn Arrest, portant deffenses à toutes villes & communautez de souffrir que ceux qui auroiét esté de cette Compagnie, tinsent Escoles ou Colleges en quelque façõ que ce fust  
 ✱ encore qu'ils eussent renoncé à l'Ordre, & fussent sortis de ladite Compagnie, tant estoit extrême l'animosité qu'ils leur portoient; & au mois de Septembre ensuiuant donnerent encore deux autres Arrests, l'vn pour seruir de reglement à la Chambre de l'Edict du 17. Septembre, & l'autre du 30. dudit mois, contre tous ceux qui recebloient les rebelles & adherants à la faction Espagnole, & du Duc de Mercœur en France, & principalement dans les Prouinces de Touraine, Amiens, & le Mayne, & autres lieux circonuoisins.

Le 17. Octobre audit an 1597. les sieurs de Schomberg & de la Roche-pot, que le Roy auoit ordonné à cet effet, ne pouuant sa Majesté tout en vn coup, & si tost pouruoir à la reduction de la Bretagne, accorderent avec d'autres Deputez de la part du sieur de Mercœur vne suspension d'armes, & cessation de tous actes d'hostilité, entre sadite Majesté & ledit sieur de Mercœur, pour commencer du 15. Octobre 1597. iusques au premier iour de Ianuier 1598. aux conditions que lesdites armes ne pourroient estre reprises que quinze iours apres ledit temps, par les vns ny par les autres: Et par icelle suspension furent incontinent reglez tous les iustes interests des particuliers de ladite Prouince de Bretagne, ensemble des autres Prouinces circonuoisines; qui fut vn tres-grand commencement à l'accord entier, qui fut depuis fait par sa Majesté ✱ avec ledit sieur de Mercœur.

Le temps de ladite cessation d'armes en Bretagne estant expiré, la plus grande part des Bretons se ressouvenans que les plus hardis & factieux d'entr'eux, auoient esté bien battus les années precedentes, par Monsieur le Marechal de Brissac & ses Lieutenants, de l'insupportable domination de Monsieur de Mercœur; apres auoir commencé à gouter la douceur de quelques mois de repos, se resolurent des'accommoder avec le Roy, & entr'autres ceux qui estoient en garnison dans le Chasteau de Dinan, qui est l'une des meilleures & plus importantes places dudit pais, traiterent & composerent de la reddition d'icelle, avec Monsieur le Marechal de Brissac, qui les auoit assiegez; & fut ladite composition & reddition faite le 23. Feurier 1598. dont les conditions particulieres portees par le Traitté qui en fut fait, doiuent se trouuer dans l'histoire du temps.

1598. Il a esté cy-dessus remarqué, comme Monsieur Desdiguieres en Dauphiné, & Monsieur de Sauoye, se faisoient vne guerre continuelle: Maintenant i'adiousteray icy qu'au commencement de l'année 1598. ledit sieur de Sauoye faisant mieux pour luy que l'an precedent, fit vne desfaite du sieur de Grequy, Gendre dudit sieur Desdiguieres, apres laquelle il recouura tout ce qu'il auoit perdu en ses pais, hormis la ruine de ses subiets qui leur demoura comme à luy en perte; & pendant qu'il contenoit son esprit en la satisfaction qu'il auoit de si heureux recourement de ses places, ledit sieur Desdiguieres luy surprist le 15. Mars 1598. iour de Pasques Fleuries, le fort de Barraut, lors nommé le fort de S. Barthelemy, qui estoit proche de la ville de Grenoble, & sur les frontieres du Dauphiné, & ce par vne entreprised avec petards & es-

chelles, qui réussit si bien que ladite place fut emportée; le fort d'icelle n'estant encore acheué, ny en estat d'assez forte deffense pour y résister; & là dedans furent pris cinq drappeaux de sept qui y estoient, avec force prisonniers, & entr'autres le Gouverneur d'icelle, & quant & quand huit ou dix pieces d'artillerie, montées & garnies d'omé il appartenoit de munions de guerre, qui y furent aussi trouuées & prises; dont le Roy receut vn tres-grand contentement, & ayant depuis recogneu & iugé l'importance de cette place, pour la seureté dudit Dauphiné, laquelle auoit esté prise & bastie par ledit Duc de Sauoye sur les terres d'iceluy Dauphiné, estans voisins de Grenoble d'une petite lieuë, & bonne à opposer & faire teste au Chasteau de Montmelian, qui est audit Duc de Sauoye: Il fut résolu que l'on feroit paracheuer la fortification de cette place, & que sa Majesté y mettroit bonne & forte garnison pour la conseruer soigneusement, souz la charge & conduite dudit sieur Desdiguieres, comme toujours elle a esté depuis, quelque chose qu'en ait peu dire & alleguer ledit sieur de Sauoye, quand il s'est depuis accommodé avec le Roy.

Comme le Roy eut cependant recognu le bon estat auquel estoient les Bretons, pour se remettre en son obéissance, croyant qu'il n'y auoit plus que la volonté dominatrice de Monsieur de Mercœur qui les retinst de se declarer, & que ledit sieur de Mercœur ne taschoit qu'à couler le temps, sans rien resoudre, pour tousiours profiter & faire mieux ses affaires par le mesnage de sa femme; sa Majesté fut conseillée de s'acheminer vers la dite Bretagne avec vne armée, pour d'une ou d'autre façon s'assurer de cette Prouince, comme il l'estoit, graces

à Dieu, de toutes les autres de son Royaume: Et pour ce  
partit de Paris, & s'en alla à Angers au mois de Mars  
1598. ce que voyant & craignant avec raison ledit sieur de  
Mercœur, ne voulant se hazarder de tout perdre, & co-  
gnoissant la clemence du Roy, il voulut preuenir sa  
Majesté par vne obeïssance volontaire, & enuoya au de-  
uant d'elle l'assurer de son obeïssance, en implorant sa  
grace & bonté, luy demandant pardon, avec supplication  
de luy accorder ce qui seroit trouué raisonnable selon sa  
qualité; ce qu'estant accepté par sadite Majesté, l'on trait-  
ta avec les Deputez qu'il enuoya audit Angers, & Mada-  
me de Mercœur y vint apres, & enfin ils obtindrent plus  
qu'ils n'auoient pensé, luy estant accordé vn Edi& le plus  
ample & le plus fauorable qu'il eust sceu souhaitter, abo-  
lissant toutes choses generalement quelconque, faites &  
passées en Bretagne, & aduoüant & authorisant tout ce  
que ledit sieur de Mercœur y auoit ordonné & fait, qui  
n'estoit rien moins que si elle eust esté à luy en propriété,  
& souueraineté; aux particularitez duquel Edi& ie ne  
m'amuseray dauantage, ayant esté publié, & comme tel  
verifié par toutes les Cours souueratnes. Seulement di-  
ray-ie, que la plus grande facilité & faueur d'iceluy, sur-  
uint de ce que le Roy qui estoit bié aise de tout mesnager,  
& ne rien perdre, accorda avec ledit sieur de Mercœur, le  
mariage de son fils naturel, Cesar Monsieur, qu'il aimoit  
grandement, comme venu de Madame la Duchesse sa  
Maistresse, avec la fille & seule heritiere dudit sieur de  
Mercœur, qui deuoit estre grandement riche; ce qui fut  
cause de cette grande & fauorable composition qu'il eut  
pour l'assurance que le Roy donna deslors à son dit fils  
du Gouuernement de Bretagne, du consentement du-  
dit

dit sieur de Mercœur, & force personnes s'estonnerent queluy & ladite femme, qui auoient tousiours tout fait dans le party de la Ligue ne se fussent conseruez quelque moyen pour resister à vne telle necessité; mais les autres iugeoient que comme il leur auoit esté iusques alors tres-facile d'y faire tout ce qu'il leur auoit pleu en Bretagne, où ils n'auoient iamais esté que fort peu ou point du tout contraints, qu'au pis aller ils auoient en cette extremité pris le meilleur conseil, de faire par amitié ce qu'ils, vray-semblablement, auoient esté contraints de faire par force, & par ce moyen s'allians avec le Roy, & se iettas entre ses bras, garder les grands biens & argent qu'ils auoient amassez pendant les guerres, à la conseruation desquels sa Majesté se trouueroit obligée pour l'interest de son fils; bien que ie creusse deslors, comme nous traittasmes de toutes choses, que le dessein dudit Sieur & Dame de Mercœur ne fust d'accomplir ledit mariage, ains se couurir & seruir du pretexte d'iceluy, & de la faueur de madite Dame la Duchesse, pour faire encore ce qu'ils voudroient, côm l'esprit de ladite Dame de Mercœur estoit entierement actif & ambitieux; & ainsi ladite Bretagne se remit entierement à l'obeissance du Roy, qui en osta toutes les garnisons, & force impôts nouveaux, que ledit sieur de Mercœur y auoit mis, par son autorité priuée, y establisant ledit sieur Cesar, son fils Naturel, pour Gouverneur, qui fut depuis Duc de Vandosme, lequel deslors fiança ladite fille dudit sieur de Mercœur, suiuant les articles susdits faits à Angers.

Par tant de grands & heureux succez au Roy de tous costez, Dieu voulant benir, calmer & fortifier son regne, voulut encores le mettre en paix avec le Roy d'Espagne,

qui estoit lors son seul & plus puissant ennemy, & pour ce inspira le Pape Clement VIII. tres-digne possesseur du Sainct Siege, & grandement affectionné au repos de tous les Princes Chrestiens & Catholiques, luy ayant fait scauoir les grands maux que la diuision de ces deux puissantes Monarchies de France & d'Espagne, pouuoiet apporter au surplus de la Chrestieté, sur laquelle les Turcs s'aduantageoient par ce moyen, & y formoient de tres-dommageables & dangereux desseins; si bien que la Saincteté se resolut de s'entremettre de cette paix, croyant que son affection de Pere commun, ioint au respect que l'un & l'autre desdits Rois voudroient rendre à sa dignité, pourroient les conuier l'un & l'autre à le croire, & à s'acquérir le repos necessaire à eux & à leurs subjects, pour le reste de leurs iours, & le bien de leur posterité; & pour ce sadite Saincteté avec les plus prudens du Consistoire, s'aduisa de se seruir en cette negociation du Pere Bonauanture Calatigiron, Italien de nation, Patriarche de Constantinople, & General des Cordeliers, homme tres-aduisé & entendu aux affaires du monde, & en celles de sa profession; & apres luy auoir fait comprendre ses bons & saincts desirs, de voir vne bonne reconciliation entre ces deux grands Princes, comme principaux pilliers & enfans de l'Eglise, il luy commanda de s'en aller en Espagne, pour sous pretexte de visiter les Couuens de son Ordre, prendre occasion de voir le Roy d'Espagne, & recognoistre dextrement s'il seroit capable d'entendre à ladite paix; & d'autre costé sadite Saincteté ayant auparauant voulu honorer le Roy & la France d'un Legat, pour faire voir à tout le monde l'entiere reünion du Roy au sainct Siege, & y ayant ex-



prés enuoyé le Cardinal de Medicis, de Florence, ~~Oncle~~ *frere* de la feu Reine-Mere de nos Rois, personnage de grande qualité, ~~frere~~ du Duc de Florence, & tousiours infiniment affectionné au bien de cét Estat, lequel y estoit desia arriué & y auoit esté receu, tant du Roy, du Clergé, que de toute la Noblesse, & reste de la France, avec tout le respect & l'honneur qui estoit deub à ses qualitez; sadi-  
te Saincteté luy manda de sonder doucement l'esprit, & l'humeur du Roy sur ladite paix; afin que ie la luy persuadast apres plus ouuertement, selon les nouuelles qu'il receuroit d'Espagne, où il auoit enuoyé à mesme dessein.

Et comme Dieu vray autheur de paix, voulut aduancer celle-cy, qu'il auoit inspirée au cœur desdits Rois, il arriua que ledit General des Cordeliers recogneut aussi tost le Roy d'Espagne Philippe II. y estre grandement disposé, aimant mieux euit les euenemens incertains d'une guerre, pour les changer aux asseurez effets de la paix tousiours plus profitables, & considerant tres-prudemment son vieil âge, la ieunesse de son fils, qu'il desiroit marier auant que de mourir, & luy laisser s'il pouuoit ses Estats sans guerre, comme aussi l'Infante sa fille aînée, avec l'Archiduc Albert, Cardinal d'Austriche, à laquelle il donnoit les Pais-bas, & auxquels comme nouueaux Seigneurs, l'amitié du Roy estoit plus propre que la guerre; puis il voyoit lors tous les François reuenir en l'obeissance de leur Roy, qui avec cela auoit glorieusement depuis peu regagné Amiens, & s'armoit furieusement pour une longue & grande guerre contre luy; tellement que toutes ces considerations rendans ledit Roy d'Espagne desiréux de cette paix, il s'ouurit iusques là,

audit General des Cordeliers, qu'il seroit bien aise de la  
pouvoir bien faire, non seulement avec le Roy, mais  
avec la Reine d'Angleterre, & ceux des Estats desdits  
Pais-bas auxquels le Roy s'estoit associé: & de cette res-  
pense ledit General estant grandement satisfait, laissant  
poursuiure sa visite d'Espagne par quelque Vicaire, s'en  
retourna incontinent à Rome trouuer sadite Sainteté,  
& l'asseurer de ce bon commencement, laquelle en  
estant infiniment ioyeuse, s'en contenta, & depescha  
aussi tost ledit General des Cordeliers en France vers  
mondit sieur le Legat, afin qu'il proposast ladite paix au  
Roy, & l'aduançast autant qu'il seroit possible; ce qu'ils fi-  
rent l'un & l'autre, & fortifierét l'ouuerture d'icelle de rât  
de grandes raisons que sa Majesté se porta facilement à y  
entendre; ledit sieur Legat l'ayant plusieurs fois tasté, &  
conuié à cela, & les principaux de son Cōseil; & chacun y  
estât plus porté qu'il ne le faisoit paroistre, parce que ladi-  
te paix avec l'Espagnol estoit glorieuse au Roy en toutes  
façons, & necessaire pour s'acquérir, à luy & à tous ses  
subiects quelque relasche & repos, apres tant de miseres  
passées; ne pouuant mieux que par ce moyen s'affermir  
& s'asseurer de son Estat nouuellement reconquis, les es-  
prits des François estans trop enclins aux nouveutez &  
= trop sujets aux remuëmes, & à l'infidelité & auarice, pour  
qui l'Espagnol ne eust tousiours trop, quand il y vou-  
droit employer ses ruses & ses pistolles: outre que sa  
# Majesté venoit à ce Royaume, comme s'il l'auoit rache-  
té ou conquis, & ne pouuoit encore recognoistre au vray  
l'esprit & l'humeur de ses subiects, estant ja vieil & sans  
( enfans legitimes: tellement que toutes ces considera-  
tions & infinies autres qui luy furent proposées, le

conuierent plustost à la paix qu'à la guerre.

Estant donc les volonte<sup>z</sup> disposees à ladite paix, le Roy fut sollicité par ledit sieur Legat de commettre des Deputez pour traitter des conditions d'icelles, & ayant aduert<sup>y</sup> le Pape de cét heureux acheminement à la paix, sa Saincteté craignant que la grande distance de ces Princes n'apportast par le temps quelque refroidissém<sup>t</sup>, ou trop de dilayem<sup>t</sup> à l'effet de leurs bonnes volonte<sup>z</sup>, fit en sorte par son Nonce qui estoit en Espagne, que ledit Roy d'Espagne renuoya, & remit entierement l'effet de ladite paix au Cardinal d'Austriche son Nepueu, comme deuant plus participer au bien d'icelle, & obliger le Roy de plus estroite amitié par cette negociation, & luy en enuoya tout pouuoir, avec instructions suffisantes; si bien qu'il fallut que ledit General des Cordeliers allast encore en Flandres, à Bruxelles, trouuer ledit Cardinal, lequel non moins desireux & impatient de ce bon-heur que les autres, accorda aussi tost d'enuoyer des Deputez pour le Roy d'Espagne & pour luy, & fut conuenu enfin apres plusieurs allées & venues, que lesdits Deputez de part & d'autre se rendroient à la ville de Veruins, lieu propre à cela pour estre limitrophe de la France & de l'Arthois; appartenant à ..... & ainsi y allerent de la part du Roy les sieurs de Bellicure & Sillery & President Ianin des premiers du Conseil du Roy, avec de bonnes & amples instructions des intentions & interests de sa Majesté: côme aussi de l'autre costé s'y trouuerét le sieur President Richardot, le sieur de Tassis Cheualier, & Viré ..... aussi Cheualier, & voulut mond<sup>t</sup> sieur le Legat s'y trouuer afin de regler par l'autorité de sa Saincteté, & moyéner par sa presence, les differés qui s'y pourroient

rencontrer; & pendant toutes ces allées & venues le Roy ne voulut negliger en choses si importantes, les bons aduis & consentemens de tous les Princes, Potentats & Republiques ses allies, de peschâr par tout; & receut de tous iceux l'appplaudissement & congratulation qu'il en pouuoit desirer, pour le conuiert tousiours dauantage à la conclusion de ladite paix, excepté que ladite Reine d'Angleterre & ceux desdits Estats du Pais-bas de Hollande, par trop animez contre l'Espagne, pour leurs interests particuliers, dissuadoiét tant qu'ils pouuoient sa Majesté de l'ouuerture de ladite paix; & luy despescherent & enuoyerent exprés, à sçauoir ladite Reine, le sieur de Cecile son confident & premier Secretaire, & Conseiller d'Estat; & desdits Estats le Comte de Nassau, leur Admiral & principal Capitaine, frere du Prince d'Orange, lesquels vindrent trouuer sa Majesté à Nantes en Bretagne; laquelle tres-bien conseillée, fit responce à l'un & à l'autre, qu'il auoit conuié ladite Reine & lesdits Estats, suiuant leurs alliances & traitez particuliers, de vouloir entendre comme luy à vne bonne & ferme paix; que sa cōdition estoit bien differēte de la leur, puis qu'ils se confervoient & maintenoient par la guerre, & luy s'y ruinoit par icelle & son Royaume, pendant qu'il seruoit de theatre à iouer les plus cruelles tragedies du temps, & à executer les passions d'autrui. Si bien que suiuant les offres qui luy en estoient faites de la part du Roy d'Espagne, il se resolut à faire ladite paix avec luy, en laquelle il les feroit comprendre s'ils l'auoient agreable, à toutes sortes de bonnes conditions & de seuretez, comme pour luy mesme, ce que lesdits Ambassadeurs n'ayans voulu accepter, s'en retournerent comme ils estoient venus,

<sup>+</sup>  
Cecile.

sans plus grande satisfaction que du bon visage & traitement, & quelques presens qu'ils en remporterent; & ledit Roy d'Espagne voyant l'opiniastreté & animosité desdits Anglois, & des Estats desdits Pais-bas, & desirant laisser à ses enfans vne paix & repos tout entier, en fit rechercher par menées & par menaces, à quoy l'Empereur & les Rois de Pologne & de Dannemarc s'employèrent, & enuoyerent en Angleterre des Ambassadeurs qui n'y peurent rien gagner; & cela n'empescha pas non plus que tous les aduis & mauuais discours des Huguenots de ce Royaume, que ladite paix apres auoir esté longuement disputée entre lesdits sieurs Deputez, souvent rompuë & desespérée, ne fust enfin conclüe & arrestée par la grace de Dieu audit Veruins, en presence dudit sieur Legat, le second iour de Iuin 1598. les Articles de laquelle, tres-ample, & bien confiderez, ayans esté publiez, ie n'en diray dauantage, sinon que dans le traitté d'icelle furent cõpris tous les Princes, Potentats & Republiques allies desdits Rois, qui y voulurent entrer, & furent renẽus au Roy les villes de Calais, Ardres, Dourlens & Casteller, & autres surprises par l'Espagnol, & par le Duc de Sauoye, compris en ce traitté de paix, celles qu'il tenoit encore en Prouence, & pour le Marquisat de Saluces, remis au Iugement du Pape, pour en ordonner dans vn certain temps: & fut ainsi cette heureuse paix, desirée de tous les gens de bien, arrestée & signée, & ratifiée de tous les costez, & publiée comme il appartient, & pour icelle chanté des Tedeums par tous lesdits Estats & Royaumes, avec feux de ioye & tiremens de Canons, & tous autres tesmoignages d'allegresses publiques, dans ledit mois de Iuin mil cinq cens quatre-vingt dix-huict,

& puis dans le temps accordé les places restituées de part & d'autre.

Et pour plus grande ratification & assurance de ladite paix, comme il auoit esté conuenu entre Messieurs les Deputez, par le Traitté d'icelle, le Roy enuoya en Flandres Monsieur le Marechal de Biron, accompagné de force Noblesse de grande qualité, pour aller voir faire le serment de l'entretien inuiolable d'icelle à Bruxelles par ledit Archiduc, Cardinal d'Autriche, tant au nom du Roy d'Espagne, suiuant son pouuoir, que du sien particulier, comme ayant espousé par Procureur l'Infante d'Espagne, Dame desdits Pais-bas, auxquels fut receu magnifiquement ledit sieur Marechal, & deffrayé avec toute sa suite, depuis la frontiere; & puis assista à la ceremonie qui s'y fit en tres-grande pompe dans la grande Eglise de Bruxelles, où ledit Archiduc fit le serment public & solemnel sur les saintes Euangiles de l'entretien d'icelle paix; & tout de mesme ledit Archiduc enuoya en France Messieurs le Duc d'Alcor, Comte d'Naremburg, Admiral d'Arragon, & Dom Ludouic de Valaze Deputez pour le Roy d'Espagne; & pour luy ouyr faire semblable serment au Roy, qui y vindrent accompagnez de plus de quatre cens Gentils-hommes Espagnols, Italiens & Flamands, les plus grands & plus lestes qu'ils eussent, lesquels furent receus dès la frontiere par Monsieur le Comte de saint Paul Gouverneur de Picardie, & depuis icelle tousiours deffrayez, & conduits par luy iusques à Paris, où ils arriuerent le 18. Iuin 1598. apres que ledit Marechal de Biron eut esté au deuant d'eux, avec la plus grande part de la Noblesse de la Cour, iusques vers saint Denis, pour les amener iusques à leur logis, marqué & meublé

meublé par les Officiers de sa Majesté, laquelle deux heures apres leur arriuée les enuoya visiter de sa part, & leur manda que le lendemain il les verroit, à quoy ils ne manquerent de se preparer, & setrouuer superbement vestus, & tous nos François à la Cour, sa Majesté les ayant receus au Louure magnifiquement & en Roy, sur vn grand Theatre releué, couuert d'vn Dais & fermé de balustres, & enuironné autour de sa chaise, de tous les Princes & Officiers de la Couronne, & de toute sa Cour, où apres que lesdits Ambassadeurs eurent fait la reuerence à sa Majesté, le President Richardot, l'vn d'entr'eux porta la parole pour tous, à laquelle ie fus commandé par le Roy de respondre pour luy, ce que ie fis assez heureusement; bien que ce fuisse chose non premeditée; & tout ce que nous dismes l'vn & l'autre ne furent que compliments & honneurs reciproques. Apres ce temps fut pris iour au Dimanche ensuiuant 21. Iuin 1598. pour faire la ceremonie dudit serment solemnel du Roy sur les sainctes Euan-giles en la grande Eglise Nostre Dame de Paris, qui fut ornée & preparée à cét effet, & mondit sieur le Legat de Florence y voulut faire l'Office & receuoir ledit serment de cette paix qu'il auoit procurée, & si heureusement conduite, pour y mettre la derniere main, comme il auoit fait la premiere; & en cette ceremonie dudit serment, rien ne fut obmis des choses necessaires & conuenables à l'honneur & à la pureté de cette action. Apres sa Majesté donna à dîner dans l'Euesché audit sieur Legat, & ausdits sieurs Ambassadeurs, seruis à la Royale par tous les Princes & Officiers, & beut le Roy au Roy d'Espagne & à l'Archiduc, & lesdits Ambassadeurs le plegerent de mesme pour leurs Maistres: puis le soir la Ma-

jesté leur fit voir le bal dans la grande salle du Louvre, où les plus belles Dames & gentils Caualliers de la Cour, firent admirer à ces Estrangers les gentilleſſes Françoises; & apres auoir receu toute ſorte de ſatisfaction du Roy & de la France, s'en retournerent avec des preſens que ſa Majesté leur fit, & furent reconduits & deffrayez iuſques à la frontiere, tout ainſi qu'à leur venue; & ce fut lors que Monsieur de Villeroy ſe reſſentant des obligations qu'il auoit à l'Eſpagne, perſuada au Roy qu'il y alloit de ſon honneur & de celuy de la France, d'ainſi bien receuoir, loger, meubler & deffrayer par tout ſes Ambaſſadeurs, lequel a touſiours fait continuer depuis, qui a apporté vne grande & extraordinaire deſpenſe à cét Eſtat.

Ces deux grands Rois ſe voyans ainſi en paix, commencerent chacun de ſon coſté à ſes affaires particulieres, & principalement le Roy à reſtablir & pollicer ſon Royaume, grandement deſordonné en tout, par vne ſi longue & eſſrenée licence des guerres paſſées: & pource voyant qu'il en reſtoit vne infinité de faineants, qui n'ayans ſenty la liberté & la douceur, auſſi bien que la peine des armes, ne pouuoient ſe reſoudre à leurs premiers meſtiers, ny à leur premiere vie, & s'amuſoient à continuer infinis deſordres & meurtres: ſa Majesté fut conſeillée de faire publier vne Declaration, portant deffences expreſſes à toutes perſonnes de plus porter aucunes armes à feu, ſinon ceux de ſes Gardes, les Archers du grand Preuoſt, & autres Preuoſts des Mareſchaux, ceux de ſes compagnies entretenues, & autres en fort petit nombre, ſpecifiez par ladite Declaration, ſouz tres-grandes comminations & peines, à tous ceux qui y con-



treuiendroient; & fut ladite Declaration faite & publiée par tout au mois d'Aouſt 1598.

En ce meſme temps ceux du Parlement de Paris, toujours animez contre les Ieſuites, donnerent vn Arreſt fort extraordinaire ſur la requiſition des Gens du Roy contre le ſieur de Tournon, Senefchal d'Auuergne, pour n'auoir voulu chaffer leſdits Ieſuites de Tournon, avec deſſenſes de grâdes cōinations contre tous ceux qui eſtudieroient ou enuoyeroient leurs enfans, tant audit Tournon qu'à Mouſſon en Lorraine & autres Colleges deſdits Ieſuites; ledit Arreſt du 18. Aouſt, auquel le Roy fut obligé d'interpoſer ſon autorité, pour en empescher l'effet contre ledit ſieur de Tournon Gentil-homme de conſideration & de qualité; tellement que leſdits Ieſuites y ſont touſiours demeurez, auſſi bien qu'en force endroits de ce Royaume.

En ce temps-là, pendant que le Roy prosperoit, & aduançoit de ſon coſté le mariage, qu'il fit depuis de Madame ſa ſœur vnique, avec Monſieur le Duc de Bar, fils ainſné de Monſieur le Duc de Lorraine, comme ie le remarqueray dauantage cy-apres en ſon lieu; le Roy d'Eſpaigne infiniment prudent & aduiſé en tout, ſe ſentant affoiblir de maladies & de vieilleſſe, & diminuer tous les iours, ſe reſolut auſſi de ſon coſté de mettre fin au mariage par luy de long-temps reſolu de l'inſante ſa fille, avec ledit Cardinal Albert d'Autriche, & leur faire & aſſeurer la domination des Duchez de Flandres & Païs-bas en faueur dudit mariage, ce qu'il fit avec les maximes & retenuës d'Eſpaigne, qui ſont de donner beaucoup en apparence, & touſiours beaucoup moins en effet; & d'autant que l'intereſt dudit Païs-bas de Flandres, eſt ce

me semble tousiours dependant & attaché au nostre de l'Estat de France, ie croy estre à propos de n'oublier de mettre icy la façon, de laquelle ledit Roy d'Espagne a fait ladite donation.

Le Roy d'Espagne accorda & fit expedier ses Lettres Patentés de ladite donation de Flandres, à Madril le 6. iour de May 1598. à sadite fille, en faueur de son mariage avec ledit Cardinal d'Austriche, portant lescdites Lettres que c'est avec le consentement du Prince d'Espagne son fils, lequel Prince aussi les ratifia par apres: & puis ladite Infante accepta cette donation avec toutes les conditions qui y estoient, plustost d'un vsurfruit que d'une propriété; ledit Roy d'Espagne se reseruant pour ledit Prince son fils & ses successeurs à la Couronne d'Espagne, faculté perpetuelle de reünir à icelle ledit Pais-bas toutes & quantes fois qu'il leur plairoit, mesme quand il suruiendroient des enfans dudit mariage, ausquels faisant ladite remise, il seroit lors pourueu d'assignat equipolent en qualité & reuenu, en tel autre lieu des terres appartenantes audit Roy d'Espagne qu'il luy plairoit & ses successeurs, qui est en effet retenir plustost que bailler ledit pais: & neantmoins ladite Infante receut ce bien-fait, comme à tres-grande grace & faueur, & dans ses actes d'acceptation n'y oublia aucuns des remerciemens & renonciations des ..... & ordinaires en la maison du Conseil d'Espagne, & comme de tout ce que dessus fut aduertý ledit Cardinal d'Austriche, & qu'il y eut aussi apporté son consentement, & l'eut enuoyé en Espagne, avec toutes les submissions requises en cette Cour, tant vers ledit Roy & Prince d'Espagne, que vers l'Infante sa future espouse, elle luy enuoya pour commencer en son

nom, d'entrer en possession dudit pays de Flandres; pour à quoy satisfaire par ledit fieur Cardinal, il fit assembler les Estats dudit pays, pour suiuant l'ordre & l'instruction qu'il en auoit receuë d'Espagne, leur faire agreer ladite donation à ladite Infante; ce que ceux dudit pays firent avec quelques difficultez, & souz des conditions qu'ils desiroient & obtindrent. Cela fait, & ledit Cardinal voyant ladite Infante sa femme, & luy recogneu audit Pays-bas pour leur Archiduc, il alla en Pelerinage à Nostre-Dame de Haut, qui est à trois lieues de Bruxelles, & là remit & rendit sur l'Autel son bonnet de Cardinal, & peu de temps apres se deffit d'infinis grands benefices qu'il possedoit, entr'autres de l'Archeuesché de Tolède qu'il auoit, qui est le plus grand & le plus riche qui soit en la Chrestienté, & en gratifia quelques vns de la maison d'Austriche, & autres personnes capables d'iceux, avec beaucoup de iugement & de discretion, comme il a tousiours esté Prince fort deuot & consciencieux; puis apres donna ordre aux places & gouuernemens dudit pays, & tascha par tous moyens & recherches honnestes de faire quelque bon accord & pacification avec les Hollandois, & autres reuoltez des Prouinces unies desdits Pays-bas; & fit & dressa vn grand appareil & equipage pour aller querir sa nouuelle fiancée en Espagne, & partit de Bruxelles à ce dessein enuiron la my-Septembre 1598. prenant son chemin par Pragues, tant pour y visiter l'Empereur son frere, que pour mesnager par mesme commodité le voyage & la conduite en Espagne de Madame Marguerite, fille de l'Archiduc Ferdinand d'Austriche, frere de l'Empereur Maximilian II. laquelle estoit promise & ja fiancée par procureur, avec ledit Prince d'Espa-

gne; afin d'accomplir ledit mariage en Espagne avec le dit Prince, comme luy le sien avec ladite Infante, tout en mesme temps, ce qui fut fait, & qui furent des coups de la prudence & conduite Espagnole pour faire tousiours plusieurs choses ensemble.

Après ladite donation de Flandres, & lesdits mariages arrestez, le Roy d'Espagne sentant ses maladies & foiblesses s'augmenter de iour en iour, se resolut de partir dudit Madril vers la saint Jean de ladite année 1598. & bien qu'il eust autres infinies incommoditez, ceux des gouttes aux deux mains, qui luy causoient ordinairement la fièvre, il ne laissa des'en vouloir aller, & faire porter à l'Escorial contre l'aduis de tous ses Medecins, faisant en six iours sept lieues, estimant diminuer ou diuertir son mal par le changement du lieu; mais au contraire l'agitation dudit chemin ayant augmenté ses infirmittez, il salut qu'il se resolut à la mort, & trespassa ledit Roy audit Escorial le 13. Septembre 1598, laissant & abandonnât le monde en vray Prince Catholique, Chrestien & tres-prudent, ainsi qu'il y auoit tres-heureusement vescu. Et parce que ç'a esté vn des plus grands Princes de son temps, & qu'il a trop fait paroistre en France, il faut que ie m'eschappe de mettre encores icy quelque chose de ses principales qualitez, afin que par quelque abrégé l'on voye quelles ont esté sa vie & sa fin naturelle.

Je diray donc que ledit Roy d'Espagne Philippes II. nasquit en Avril 1526. fut de fort petite stature, & neantmoins de rencontre agreable, encores qu'il eust la lèvre d'embas, de la maison d'Austriche; fut de poil blond, avec le teint assez blanc, ayant plustost la façon d'un Flamand que d'un Espagnol, & eut vne complexion si bon-

ne & si saine pendant tout le cours de sa vie, qu'il n'eut jamais de maladie que celle de sa mort, excepté qu'il estoit quelquesfois sujet à des esuanoüïssemens, qu'aucuns attribuoient au mal caduc: Il estoit grandement deuotieux & Catholique, & ennemy juré & déclaré de toutes Heresies, assistant tous les iours à plusieurs Messes primes, & n'obmettant iamais de dire le Breuiare Romain, & ne manquant iour de sa vie à se prosterner à genoux, trois fois chacun iour, à sçauoir sur les six heures du matin, ou à vne heure plus tard, selon les saisons, à midy & au soir, lors que l'on sonne le pardon; & pour le reste du temps qu'il auoit à foy, & qu'il n'employoit à escrire de sa main, comme il le faisoit quelquesfois pour ses plus importantes affaires, il l'employoit encores volontiers à quelque meditation ou lecture de quelque bon liure, s'il n'estoit aux conseils & interests de son Estat; avec cela il estoit ferme & d'un courage releué, qui reconnoissoit incontinent & preuoyoit la fin des choses, par vne sagesse & prudence admirable, n'estant capable d'aucune sorte d'estonnemens ou esbloüïssemens, soit de prosperité ou d'infortune: il n'a iamais manqué de puissance pour faire tout, ou la pluspart de ce qu'il a entrepris en sa vie, pendant laquelle & de son regne, il a quasi perpetuellement fait & soustenu de grandes guerres de tous costez, & gagné de grandes batailles, & reduit force Prouinces à sa volonté, & le tout par ses Lieutenans en icelle, qu'il sçauoit tres-bien choisir, & non par luy mesme, qui n'estant d'humeur & force propre à la guerre: il tenoit vne forme ordinaire de se faire rendre compte aux quatre Festes annuelles, par tous ses principaux Officiers, chacun selon sa charge, pour l'ex-

cution de ses commandemens, & en matiere d'Estat, il n'espargnoit personne qui y eust failly, soit grand, soit petit, & selon les occurrences leur faisoit luy seul leur procez de sa main, les faisoit punir, & establissoit d'autres en leurs places; ayant aussi cela de bon, que ceux qui le seruoient bien en retiroiét ou les leurs tost ou tard de grandes recompenses & aduantages, soit par charges & honneurs plus grands où il les esleuoit, soit par gratificatiō de benefices & autres liberalitez qu'il faisoit à leurs enfans; ce qu'il faisoit à proportion des personnes, & de leurs seruices mesmes, iusques à des simples Soldats, qui s'estoient fait remarquer en quelque action militaire, comme aussi pour les hommes doctes & excellens en leur profession: il auoit d'autre costé l'imperfection de la gloire Espagnole, se faisant grandement respecter & honorer par les Grands, & aimoit mieux saluër les moindres païsans qu'il rencontroit: personne viuante ne parloit à luy qu'à genoux, & disoit pour son excuse à cela, qu'estant petit de corps, chacun eust paru plus esleué que luy; outre qu'il sçauoit que les Espagnols estoient d'humeur si altiere & hautaine, qu'il estoit besoin qu'il les traittast de cette façon; & pource mesme ne se laissoit voir que peu souuent du peuple, ny mesme des Grands, sinon aux iours solempnels, & action necessaire en cette façon: il faisoit ses commandemens à demy mot, & falloit que l'on deuinaist le reste, & que l'on ne manquast à bien accomplir toutes ses intentions; mesmes les Gentils-hommes de sa Chambre, & autres qui approchoient plus près de sa personne, n'eussent osé parler deuant luy s'il ne leur eust commandé, se tenant vn tout seul à la fois près de la porte du lieu où il estoit, & demeurant nud

telle

reste incessamment, & appuyez contre vne tapisserie, pour =  
attendre & recevoir les commandemens; ainsi ce Prin-  
 ce tousiours ambitieux d'honneur & de grandeur, affe-  
 ctâ & rechercha l'Empire de tout son pouuoir, & au de-  
 faut d'iceluy s'efforça de s'acquérir le tiltre & la qualité  
 d'Empereur des Espagnes, ayant voulu vne fois se hazar-  
 der d'aller iusques aux Indes, pour apres se donner plus  
 assurement la qualité d'Empereur de la Merique. Il a  
 tousiours mesné & conserué vn grand credit & pou-  
 uoir dans la Cour de Rome, pour emporter l'eslection  
 d'un Pape à sa deuotion, lors qu'il en seroit temps, &  
 pour ce se rendit grandement soigneux d'auoir des Car-  
 dinaux à sa recommandation, & puis de ses subiects; &  
 quelques vns ont tenu que sur la fin de ses iours, il s'e-  
 stoit resolu à l'imitation de Charles le Quint Empereur  
 son Pere, de se desmettre de ses Estats à son fils, & demâ-  
 der pour luy vn bonnet de Cardinal, pour avec iceluy  
 s'en aller demeurer à Rome, & là paruenir à la dignité  
 Papale, quand l'occasion s'en presenteroit, afin de  
 commander au spirituel de la Chrestienté, comme il  
 auoit longuement fait au temporel d'une partie d'icelle,  
 & parmy toutes les grandes ambitions, qui seroient trop  
 longues à desduire icy, & qui le tourmenterent toute sa  
 vie, Dieu luy fit la grace en fin d'aduouer que toutes les  
 grandeurs & puissances de ce monde n'estoient que pure  
 vanité; Tellement qu'apres auoir ainsi longuement &  
 tres-glorieusement regné, se sentant accablé de cruelles  
 douleurs de gouttes, & vne cruelle fièvre continuë, &  
 couuert de plusieurs apostumés pleines de poux & d'infir-  
 mities ordures & puâteurs insupportables; ausquelles tous  
 ses Medecins ne pouuoient plus remedier, se jugeant

= par là proche de sa fin, & l'attendant avec vne constance  
& patience admirable; parmy tant de vilaines douleurs  
qu'il opprimoient, il comanda qu'on luy fit voir son fils  
le Prince d'Espagne, & sa fille l'Infante, Archiduchesse  
de Flandres, auxquels il fit à chacun selon son sexe, & sa  
qualité, des remontrances & instructions dignes de leur  
grandeur, avec le jugement aussi sain & entier que s'il  
eust esté en pleine santé; puis voulut voir son cercueil  
qui estoit fait de cuiure, & tout prest; sur le sujet duquel  
il leur dit encore, & à tous ses principaux Officiers pres-  
sens, plusieurs belles choses du mespris qu'on doit faire  
de cette vie: & se fit au mesme tēps apporter de la table  
sur le pied de son liēt vn Crucifix d'or, & vne teste de  
mort par dessus releuée, & enuoya querir vn petit cof-  
fret duquel il tira vne bague de fort grand prix, qu'il  
donna à ladite Infante sa fille, en luy disant: cette bague  
vient de vostre mere, gardez-la bien ie vous en prie pour  
memoire d'elle & de moy; Il tira aussi dudit coffret vn  
papier plié qu'il bailla audit Prince son fils, & luy dit, que  
c'estoit ses aduis particuliers & instructiōs, de la façō qu'il  
deuoit apres luy posseder & gouuerner son Royaume;  
puis fit tirer encores du coffret vn foüet, du bout duquel  
se voyoit en apparece quelques marques de sang, & le fit  
esleuer & desployer haut, & dit que c'estoit du sag de son  
sang, & que c'estoit la discipline dont l'Empereur Char-  
les le Quint souloit chastier son corps par deuotion qu'il  
auoit, & pour ce la voulut tousiours soigneusement gar-  
der pour la laisser à ses enfans, avec exemple de sembla-  
ble discipline & maceration: Cela fait il fit tirer & ap-  
porter de ses coffres vn certain Crucifix fort curieuse-  
ment paré, qui estoit le mesme que ledit Empereur son



pere auoit eu & tenu à sa mort, voulant s'en seruir de  
mesme ; puis voulut ordonner luy mesme les ceremonies  
particulieres & pompes funebres de son enterre-  
ment, qui furent beaucoup moindres que sa grandeur ;  
commandant audit Prince son fils, qu'apres son deceds,  
il se retirast au Conuent des Hyeronimites, & ladite In-  
fante avec l'Imperatrice sa Tante dans le Conuent de  
saincte Claire à Madril, pour chacun de son costé assister  
sans pompes aux seruices & prieres, qui furent fai-  
tes en ces saints lieux pour le salut de son ame, leur en-  
joignant à tous deux par plusieurs fois, dont la derniere  
fut en la presence du Nonce de sa Saincteté, qu'il manda  
exprés, que iamais pour chose quelcôque, il ne se separast  
de l'obeissance due au S. Siege & au Pape, & ne souf-  
frissent en leurs terres que la Religion Catholique, Apo-  
stolique & Romaine ; & lors se sentant ce Prince de plus  
en plus affoiblir, desira que l'on luy apportast encores  
le Corps de Nostre Seigneur Iesus-Christ ; bien que le  
iour precedent il l'eust desia receu ; ce qui fut inconti-  
nent accompli par l'Archeuesque de Toledo, nouveau  
pourueu par la démission dudit Cardinal d'Autriche,  
lors Archiduc, & s'estant ledit Roy d'Espagne reconci-  
lié, il requit ledit Nonce present, de luy vouloir donner  
sa benediction, puis qu'il ne la pouuoit receuoir de sa-  
dite Saincteté, croyant qu'elle seroit plus efficace pour  
son salut, & pour la prosperité de ses enfans, auxquels  
il le supplioit aussi de la vouloir donner, & de les bien re-  
commander de sa part au soing & affection paternelle  
desadite Saincteté : apres quoy il receut avec toute sorte  
de deuotion & profonde humilité le Corps de Nostre  
Seigneur, des mains dudit sieur Archeuesque, & puis

voulut que chacun se retirast, & quel'on le laissast songer en Dieu en se reposant, & donna lors sa benediction paternelle à sesdits enfans, en les embrassant plusieurs fois tous deux, luy & eux, cōme tous les assistās, tous baignez de larmes, & les recommandant fort audit Prince, en leur disant à Dieu, de bien aimer sa sœur l'Infante, & comme chacun fut party, il sembla quelque peu de temps apres quēle Roy se portast mieux, mais cette opinion ne dura gueres : car bien tost apres ses douleurs estant augmentées, voyant bien qu'il falloit partir, il demanda luy mesme l'Extrême-Onction, qui luy fut aussi tost apportée & baillée par ledit Archevesque de Tolède; apres laquelle ledit Roy priant inecessamment Dieu & la Vierge Marie, à laquelle il auoit en toute sa vie vne fort grande esperance & deuotion, demanda ledit Crucifix qu'il baisa cent fois, & tint tousiours dedans sa main, deuant ses yeux sans l'abandonner, iusqu'à ce qu'il fust passé de cette vie mortelle à vne autre meilleure, comme il est à croire que Dieu luy en aura fait la grace.

Ledit Roy d'Espagne mourut en cette façon apres auoir vescu soixante & douze ans, & regné heureusement quarante ans & plus, ayant eu en sa vie quatre femmes; la premiere fut Marie, Princesse de Portugal, de laquelle il eut vn seul fils nommé Charles, dont la vie a esté aussi courte, comme sa fin pleine de desastre, pour auoir conferé avec les Holandois du Pais-bas, quelque chose contre le Roy son Pere, le recit de la vie dudit Charles, estant si estrange comme les Historiens veritables le doiuent rapporter, qu'elle doit à iamais seruir d'exemple aux ieunes Princes; la seconde femme qu'eut

ledit Roy, fut vne autre Marie, Reine d'Angleterre, de laquelle il n'eut aucuns enfans; la troisieme fut Madame Elizabeth de France, de laquelle il eut deux filles, à sçauoir l'Infante Claire Eugenie, qui depuis a esté comme il a esté remarqué cy-deuant Archiduchesse de Flandres, & mariée au Cardinal Albert d'Autriche; l'autre, l'Infante Catherine Michelle, qui depuis a espousé Monsieur le Duc de Sauoye; & la quatrieme femme fut Anne d'Autriche fille de l'Empereur Maximilian, & propre neveu dudit Roy d'Espagne, qui neantmoins l'espousa avec dispense, comme c'est l'ordinaire de cette maison d'Autriche pour se mieux conseruer entr'eux: & de cette derniere femme, ledit Roy eut trois fils & vne fille qui sont depuis tous morts, excepté le Prince Charles Laurent, qui à sa confirmation prist le nom de Philip-pes comme son Pere, & est celuy qui luy a succédé en tous ses Estats apres sa mort, estant à present Philip-pes III. Roy d'Espagne.

Voila ce que ie n'ay peu m'empeschier de dire icy des affaires d'Espagne, & de la vie & de la mort dudit Roy d'Espagne Philip-pes II. parce que i'estime qu'il est bon qu'un chacun cognoisse les grands pouuoirs, & rares qualitez de ce Prince, afin que l'on ne s'estonne pas tant des troubles & ruines qu'il a causées en France, où Dieu conseruateur de nostre Monarchie a voulu que le Roy à present regnant se fust rencontré avec force, courage & vertu suffisante pour s'y opposer & empeschier, comme il a fait graces à Dieu, la dissipation de cét Estat, lequel a esté raffermy par la bonne Paix jurée & contractée entre luy & ledit Roy d'Espagne; ainsi que j'ay remarqué cy-dessus en son lieu; à quoy i'adiousteray

seulement que si ladite Paix estoit necessaire en ce Royaume, elle nel'estoit pas moins en celuy d'Espagne, pour infinies consideratiós que ledit Roy d'Espagne laissa par escrit au Roy son fils dans les dernieres instructions qu'il luy laissa en mourant, dans laquelle il luy ordonne expressement de bien entretenir la Paix qu'il auoit faite avec la France, comme ne deuant rien craindre avec cela du reste de la Chrestienté.

Or si j'ay discontinué à parler de la France, c'a esté parce que la plus part de ladite année 1598. le Roy voyant la paix ainsi bien faite, s'estudioit de son costé comme ses subjects du leur à reestabli les choses que la longueur des guerres auoit gastées, & tous à iouir de la douceur de la paix: & parce que rien ne s'est passé en cedit temps qui merite d'estre icy remarqué, & que nous auons eu en France de nous recognoitre, pendant que d'autre costé en Italie il y a des remuemens, ie m'eschapperay vn peu encore icy de ce qui arriua à Ferrare.

Il faut donc sçauoir que durant ladite année 1598. arriua la mort d'Alphonse d'Est Duc de Ferrare, sans laisser aucuns enfans masles, & ledit Duché de Ferrare estât vn des Fiefs del'Eglise, jadis octroyé par les Papes à ceux de cette illustre maison d'Est, à cause de quelques grands seruiues rendus par eux à l'Eglise; à condition toutefois que les seuls masles legitimes de ladite famille la possederoyent, au deffaut desquels l'Eglise y rentreroit & en disposeroit; ce que ledit Alphonse craignant, & preuoyant auant sa mort, tascha par tous moyens vers le Pape Clement VIII. avec les recommandations expressees de la pluspart des Princes Catholiques, & Offres de tres-grands deniers, d'obtenir que ledit Duché de-

meurast apres luy à vn fils naturel de son frere, nommé Cesar d'Est, qu'il aimoit infiniment, & comme si c'eust esté son propre fils, se voyant au reste de ladite famille; outre qu'en ce pais-là les bastards sont estimez quasi comme les legitimes; demeurant en difficulté, non encores decédé, entre les Iuriconsultes d'iceluy, quels enfans sont les plus legitimes ou les plus naturels, aduoüez par leur pere en la vie, souz l'adueu de mariage; si bien qu'en cette incertitude de resolution, ledit Alphonse estimant auoir raison de laisser ledit Charles son neveu possesseur de sondit Duché de Ferrare, voyant qu'il n'auoit peu faire agreer ce dessein à sa Sainteté, il laissa en mourant audit Cesar d'Est toutes ses forces d'hommes & de deniers, & toutes les amitez & intelligences qu'il auoit avec les Princes ses voisins & alliez, afin de se maintenir & se conseruer ledit Duché de Ferrare apres sa mort, s'il luy estoit possible; ce que ledit Cesar voulant faire, prist aussi apres le deceds de son Oncle le tiltre de Duc de Ferrare, donna ordre à toutes choses dans ledit Duché, leua des gens de guerre de tous costez, & se fortifia & s'appuya le plus puiffamment qu'il peust, pour attendre ce que l'on luy voudroit dire: Mais ledit Clement Pape voyant les preparatifs de si iniuste rebellion, proposa en plein Consistoire le merite & la consequence de cette affaire, & resolut qu'elle seroit pourfuiue & soustenuë iusques à sa perfection, comme tres-importante à la dignité de l'Eglise, & pour ce aduifa sa Sainteté de commencer par vne denonciation & commandement, qu'il fit faire audit Cesar, qu'il eust à venir à Rome rendre l'obeïssance qu'il deuoit au saint Siege; ce que ledit Cesar ayant refusé de faire, & se fortifiant tous

les iours au contraire, ladite Sainteté voyant la con-  
tinué de cette rebellion faite à l'Eglise, & à la raison, de-  
cerna excommunication, avec les monitions & formes  
 > ordinaires precedentes contre ledit Cesar, & tous ses  
adherants en si mauuaise cause; & fit en sorte que ladite  
excommunication fut publiée & signifiée dans Ferrare  
 # à la propre personne dudit Cesar, étant allé au Ser-  
mon, où il n'auoit pensé & preueu recevoir de telles &  
si mauuaises nouuelles pour luy; car cela esmeut grande-  
ment tous les subjects dudit Duché, la plupart des-  
quels ne scauoient rien des conditions d'iceluy; outre  
qu'au mesme temps ils virent que le Pape leuoit des for-  
ces, & les enuoyoit contre ledit Cesar, qui cependant  
ne perdant point courage, nonobstant ladite excom-  
munication qu'il vit, suiue d'une puissante armée pour  
la faire executer, se resolut avec tout ce qu'il peut ramas-  
 = ser de forces de donner bataille; ce qu'il fit près la ville  
de Boulongne, dite la Grasse, en laquelle le Pape perdit  
plus d'hommes, mais à luy l'honneur & la victoire, qui  
pouuoit terminer ou grandement accommoder ce diffé-  
rend; cette perte pour luy l'obligea à offrir de plus gran-  
des sommes de deniers que n'auoit fait encores son On-  
cle, & quasi la valeur dudit Duché, pour racheter cette  
condition si contraire à son repos: Mais voyant que tel-  
les propositiōs luy estoient inutiles, & que ses amis peu à  
peu l'abandonnoient, chacun ayant reconnu le droit  
del'Eglise en cela; & ladite condition mise par les Papes  
à la premiere inuestiture & grace qu'ils firent dudit  
Duché; il fallut qu'il se resolust à demander quelques re-  
compenses, & telle paix qu'il plairoit à ladite Sainteté,  
 en luy delaisant ledit Duché de Ferrare; à quoy le  
 Pape

Pape s'accommoda fort doucement, & accorda audit Cesar des conditions fort honorables & aduantageuses, quiferoient icy trop longues à reciter, & que pour ce ie laisse aux Histoires du temps; tanty a que ledit Pape entra audit Duché de Ferrare de cette façon: & apres l'accord fait avec ledit Cesar, il enuoya le Cardinal Aldobrandin son neveu, par luy ordonné Legat audit Duché, pour en entrer en possession pour l'Eglise, & s'asseur de toutes les places, & recevoir le sermēt de fidelité de tous les subjects d'iceluy; & apres licentia toutes les troupes qui y estoient, ce qui fut executé; & en suite de ce le Pape voulut y aller apres en personne; estant ja esbranlé & party de Rome pour le sujet de cette guerre, & y conduisant le sainct Sacrement deuant luy, comme iamais les Papes ne marchent autrement aux voyages signalez; & ainsi sa Saincteté accompagnée de trente-cinq Cardinaux, avec autant d'Archeuesques & Euesques, & plus de mil Gentils-hommes Romains, outre tous ceux de sa Cour, suite & maison, s'en alla passer par Nostre Dame de Lorette, où il laissa de grandes marques de sa deuotion, charité & liberalité accoustumée, en œures pies; puis trauersa toutes les terres du Duc d'Vrbain, qui l'y receut le plus honorablement qu'il peut selon sa grandeur; & ce fut là que ledit Cesar d'Est depossédé dudit Duché de Ferrare, & assisté de son frere Alexandre, & du Comte de la Mirande & autres dudit Duché de Ferrare, vindrent faire la reuerence & baiser les pieds de sa Saincteté, laquelle les receut tous tres-humainement selon sa bonté accoustumée; puis passant outre, arriua audit Ferrare, où elle fit son entrée solemnelle & magnifique, selon sa grandeur & sa di-

gnité, ayant trouué plus de cinquante mil hommes sur les aduenües tous en armes, pour luy rendre toute obeïssance & honneur : mais comme elle entra dans la ville, & comme elle vit toutes les fenestres & couuertures des maisôs de ladite ville de Ferrare remplies de peuple pour le voir passer, elle s'arresta, & commanda que chacun descédist & se mist à genoux avec tout respect dans les ruës pour la reuerence deuë au sainct Sacrement qu'il suiuoit, n'estant raisonnable que les Creatures fussent plus haut que leur Createur; ce qui fut fait : Et ladite Saincteté estant arriüée, receüe & descendüe à la grande Eglise, apres y auoir porté, & laissé le sainct Sacrement, fut conduite au Palais tres-magnifiquement préparé pour l'y recevoir, avec contentement & applaudissement general de tout le monde.

Apres que le Pape Clement VIII. ainsi victorieux & triomphant, eut esté receu dans son Duché de Ferrare, il se resolut pour y mieux establir & affermir toutes choses d'y faire du séjour ; & de fait il y passa le reste de l'Estdé de ladite année 1598. pendant lequel y arriuerent & le vindrent trouuer la Princesse Marguerite d'Autriche, fiancée, comme a esté cy-dessus remarqué, du Prince d'Espagne, lors Roy, par la mort du Roy Philippes son pere, accompagnée de l'Imperatrice sa mere, & conduite par l'Archiduc Albert, auparauant Cardinal d'Autriche, s'en allans tous ensemble en Espagne pour accomplir leur mariage accordé, avec vn appareil & equipage de gens dignes de leur qualité & grandeur, ayant esté receus tres-magnifiquement, & festoyez par tous les Princes & Estats desquels il auoit passé; entr'autres par la Seigneurie de Venise, & par le Duc de Mantouë,



quiy firent des despenses incroyables. Sa Saincteté pour leur tesmoigner son affection les voulut aussi tres-honorablement recevoir à sa nouvelle possession & Duché de Ferrare, & pour ce traittoit ladite Princesse Marguerite comme estant de sa Reine d'Espagne, & ledit Archiduc commemary de l'Infante d'Espagne, enuoyant au deuant d'eux force gens au loing; puis quatre des principaux Cardinaux fort accompagnez, deux hors de la ville, & deux à l'entrée d'icelle, avec litteres, carrosses, hacquenées les plus superbes qu'il se peut dire, & routes sortes d'honnestetez & complimens, pour recevoir la dite Princesse Reine, laquelle entra dans ladite ville, dont toutes les rues estoient tapissées, estant sur vne hacquenée blanche, tres-magnifiquement enharnachée, de celles que sadite Saincteté auoit enuoyées au deuant, ayant à ses deux costez les deux premiers Cardinaux, avec leurs chappeaux, grandes chappes, & autres ornemens, dessus leurs mulets, comme ils les ont aux entrées solempnelles, & apres elle suiurent ledit Archiduc, accompagné des autres Cardinaux, & puis toutes les principales Dames & Seigneurs de sa suite, tous sur des hacquenées en magnifique appareil; & ainsi vint la dite Reine descendre droit au Palais du Pape, qui l'attendoit avec tous les autres Cardinaux, Archeuesques & Euesques de sa Cour, dans le lieu où se tient le Consistoire, estant sa Saincteté sur vn grand Throsne Papal, où ladite Reine, puis sa mere, & puis ledit Archiduc & tous les autres principaux de leur suite vindrent faire la reuerence, baiser les pieds & recevoir la benediction de sa Saincteté, laquelle les y receut avec toutes les courtoisies & bon accueil qu'ils eussent peu desirer; puis apres

quelques paroles d'amitié & de compliment, les fit honnorablement conduire en leurs departemens & logis, qu'elle auoit faits superbement preparer, les y faisant de-frayer & toute leur suite, avec la plus magnifique dépense qu'il se puisse dire; & le lendemain matin apres auoir assisté à la Messe particuliere que disoit tous les iours le Pape, il les voulut faire disner tous trois avec luy, c'est à dire ladite Reine, sa mere, & ledit Archiduc, & ledit disner se fit avec de tres grandes pompes, respects & honneurs de tous costez; & le Dimanche ensuiuant qui estoit le 15. Nouembre 1598. iour destiné & pris pour faire les ceremonies & solemnitez du mariage susdit, que ladite Sainteté pour les gratifier & honorer dauantage voulut faire elle-mesme, chacun quittant les habillemens de deuil qu'ils portoient de la mort du Roy d'Espagne, & prenans à l'enuy ceux de ioye & d'allegresse, qui estoient les plus riches & superbes que l'on vit iamais; à quoy ceux de la Cour du Pape ne cederent aux Espagnols, chacun se rendit à la grande Eglise dudit Ferrare, que ladite Sainteté auoit fait orner & disposer, conuenablement pour telles ceremonies, en laquelle tous furent placez selon leur dignité & leur rang, ainsi qu'il se fait en telles occasions & actions faites par les Papes: & là ladite Sainteté fit Papalement l'Office de la grand<sup>e</sup> Messe, assistée de tous les Cardinaux, & autres de la Cour Romaine, tout ainsi qu'il fait les grands iours à Rome; à la fin de laquelle deux des premiers Cardinaux allerent prendre ladite Princesse Reine de dessus son Theatre particulier, releué & couuert d'un Dais, où elle auoit ouy ladite grand Messe, & la conduirét deuant les pieds de ladite Sainteté sur les marches prochaines de son Throsc

Papal, & au mesme temps ledit Archiduc fut conduit & amené de sa place aussi fort honorablement auprès de la dite Princesse, comme Procureur dudit Prince Roy d'Espagne; & puis donna à ladite Reine vne grande rose ..... qui est le present ordinaire que font les Papes aux grandes Reines, comme d'une espée & chapeau aux Rois qu'ils veulent gratifier; & ayant esté ledit present receu avec toute humilité & honneur par ladite Reine, avec de grands remerciemens & submissions, elle fut reconduite par les mesmes Cardinaux en sa premiere place, & cependant ledit Archiduc demeura deuant ladite Sainteté, & fut aussi marié par elle avec ladite Infante d'Espagne, représentée par le Duc de Sesse, avec pouuoir expres d'icelle, qui fut aussi leu; tellement que le Pape receut, festoya & maria tels hostes & passans à la premiere arriuee & demeure à Ferrare, d'où ils repartirent avec compliments & honneurs tels qu'à leur arriuee; & de là par Mantouë & Cremona gaignerent Milan, où ils furent contraints de sejourner pour laisser passer la rigueur de l'Hyuer, attendant quelque temps & faiso propre pour paracheuer leur voyage & faire voile en Espagne, ce qui les y retint iusques au 18. Feurier de l'an suiuant 1599. qu'ils s'embarquerent à Gennes dans les Galleres les plus belles qui se puisse imaginer, passerent par Neu & furent contraints d'aborder au port de Marseille, où Monsieur de Guise comme Gouverneur de Prouence les receut tres-honorablement, par le commandement du Roy, & leur fournit de tous rafraischissemens necessaires, encore que ladite Reine d'Espagne ne voulust mettre pied à terre audit Marseille, sinó pour ouyr la Messe, qu'elle fit celebrer souz vne tente, accom-

modée en Chappelle, & dressée sur le port; mais pour ledit Archiduc il passa outre, & fut bien aise de voir quelques reliques, & autres raretez dudit lieu, & repartirent ainsi de Marseille le 27. Feurier, & arriuerent ainsi heureusement à la fin de Mars à Valence, où le Roy d'Espagne les attendoit, qui les y receut, & l'Infante sa sœur, avec tous les honneurs, compliments & pompes Espagnoles, & là se firent les ratifications nécessaires à leur dit mariage, comme c'est aux Historiens du temps & dudit Royaume d'en dire les particularitez.

Au commencement du mois de Novembre de ladite année 1598. Monsieur l'Euesque de Chartres, Messire Nicolas de Thou, Oncle de feu ma femme, estant en sa maison de Ville-bon près Palaizeau, mourut aagé de 70. ans, apres auoir tenu ledit Euesché vingt-cinq ans pour le moins, & autant presque auparauant esté Conseiller au Parlement de Paris; & comme c'estoit vne place & dignité en l'Eglise que ie luy auois moyennée, & que i'auois tousiours infiniment souhaitée apres luy pour l'un de mes enfans, i'en auois de temps en temps avec son consentemēt pris & tiré des breuets de reserue, tant du feu Roy Henry III. que du Roy alors regnant afin de la conseruer, & ayant si bien entretenu l'esprit, & mesné l'affection dudit sieur de Chartres, qu'il auoit vne fois resigné de luy-mesme son dit Euesché à mon fils l'Abbé de Pont-Lenoy, en vne maladie qu'il eut à Chartres deux ans deuant sa mort; mais depuis comme les personnes de cette condition & âge sont ordinairement assiegez & agitez de tous costez par leur parens, Monsieur le President de Thou frere de feu ma femme, & son neveu, avec l'artifice & l'assistance du sieur .....

Sanguin Chanoine de Paris, aussi neveu dudit sieur Euesché, faisant dessein pour eux dudit Euesché, firent refroidir la bonne volonté qu'auoit ledit sieur de Chartres pour moy, & pour les miens; & cela nous ayant longuement broüillé ledit sieur President de Thou & moy; nos amis communs, entr'autres Monsieur de Villeroy nous accomoda, comme la Cour estoit à Nantes en Auiil 1598. à condition que ledit sieur de Thou feroit resigner ledit Euesché à mondit fils, dont il se faisoit fort, & qu'il auroit sur le reuenu d'iceluy huit mille liures de pension, rachetables par mondit fils de benefices, à la nomination du Roy, de pareille valeur, & combien que ie sceusse ladite pensio estre trop excessiue, ie ne laissay de l'accorder, estant resolu d'en descharger apres aussi tost mondit fils & ledit Euesché, pour le desir que i'auois de mettre cette piece en ma maison, afin de mettre la cōdition & la fortune de tous mes enfans ensemble & n'estre embarrassé d'autrui en vn grand pais où est tout, ou la pluspart des biens de ma famille, mais comme nous fusmes reuenus à Paris, & que ledit sieur de Chartres sceut les conditions de nostre accommodement, il se facha contre nous tous, & ne voulut plus quel'on luy parlast, ny pour les vns ny pour les autres, & en cette humeur tombant malade, il mourut le 6. No- uembre audit Ville-bon, dont estant aduert y enuoyay en mesme temps de Paris où i'estois avec le Conseil, vers le Roy, qui estoit lors à Mouceaux, & escriuis à Madame la Duchesse, pour obtenir ledit Euesché pour mondit fils: Chaunoy, l'un de mes Secretaires que i'y enuoyay trouua que sa Majesté auoit desia eu aduis de cette mort, & comme madite Dame la Duchesse, officieuse en

cela pour moy, s'en alloit le trouuer pour luy en parler, il arriua dans sa Chambre, & luy-mesme luy dit le premier: Ma Maistresse, nous sçauons bien que le bon homme Monsieur de Chartres est mort, voila maintenant le fils de Monsieur le Chancelier Euesque; surquoy ladite Dame le remerciant avec toute affection, luy dit comme ie luy en auois escript pour l'en supplier; cela, dit le Roy, est fait; ie commanderay au sieur Gèvre de l'expedier, dont ladite Dame m'ayant aussi tost donné assurance par le retour dudit Chaunoy, ledit sieur de Gèvre me manda par luy comme il en auoit receu les commandemens, & que ie demádasse le breuet tel que ie desirerois; ce que ie fis au retour dudit Chaunoy, & y compris le don de Regale pour mondit fils, que le Roy eut agreable de m'accorder; & comme ie n'ay iamais voulu manquer à ma parole donnée, comme en ce fait ie l'eusse peu avec raison, puis que ledit sieur de Thou n'auoit satisfait à ce qu'il m'auoit promis, sçachant qu'il y auoit fait \* ce qu'il auoit peu, ie minuttay moy-mesme ledit breuet, portant comme ledit Euesché & Regale d'iceluy appartenoit à mondit fils, & la pension susdite de 8000. liu. audit sieur de Thou, & l'enuoyay par ledit Chaunoy audit sieur de Gèvre qui me l'expedia sans y rien changer; & ainsi ie vins au bout de ce que i'auois si long temps poursuuy, & fis mondit fils Euesque de Chartres.

Après auoir trop discouru, & peut-estre extragué parmy l'Espagne & l'Italie, bien qu'il puisse sembler que i'y aye esté aucunement obligé, tant parce que toutes les choses particulieres peuuent estre obmises; bien que tresconsiderables par la pluspart des Historiens; que parce qu'elles font aucunement part de l'interest de cét Estat, dans

dans lequel chacun cependant respiroit la douceur d'un nouveau repos; & le Roy plus que nul autre en receuoit la douceur, reſtabliffant peu à peu tout en ſon Royaume, comme plus doux diuertiffemens, & plus ordinaires aux Princes laſſez comme luy, d'une ſi longue ſuitté de peines & miſeres paſſées: Je reuiendray à la France, & diray ce qui ſe fit en icelle de plus remarquable durant le reſte de cette année 1598.

Vers la fin de cette année le Cardinal Alexandre de Medicis, qui eſtoit Legat en France d'aſſez long temps, comme a eſté cy-deuant de long-temps remarqué, & après y auoir ſejourné deux ans, & auoir obligé le Roy & la France, de l'heureuſe paix qu'il y auoit moyennée & eſtablie, ſ'en retourna trouuer ſa Sainteté avec toute ſorte de ſatisfaction de ſa Maieſté, & de ſon Royaume, & bonne amitié & parfaite intelligence entr'eux, & meſme, grande corréſpondance avec les premiers & principaux de cét Eſtat, & à ce retour fut ledit ſieur Cardinal Legat, reconduit par aucuns des principaux Prelats de France, par le commandement du Roy, iuſques à la frontiere, avec tout l'honneur & reſpect qu'il fut poſſible; & ainſi ſorty du Royaume, arriua en Sauoye, où il fut pareillement receu ſelon ſa dignité; & Dieu voulut que ſon paſſage en ce païs fuſt ſigné à la poſterité, par la conuerſion quaſi miraculeuſe de cinq ou ſix mil Huguenots, qu'un certain Religieux Capucin, nommé Pere Cherubin luy amena, leſquels il receut & reconcilia à l'Egliſe Catholique; & de là pourſuiuant ſon voyage par Thurin en Italie il arriua en tres-bonne ſanté, nonobſtant ſa vieilleſſe & les fatigues d'un ſi long & penible voyage, à Rome, où il fut receu de ſa Sainteté & de

tous les Cardinaux, avec tout le bon accueil que son heureuse negociation, & ses services rendus par icelle à toute la Chrestienté le meritoient; ayant ramené avec luy le Patriarche general des Cordeliers, qui l'auoit toujours assisté en son voyage; en ayant à mesme dessein fait beaucoup d'autres; & remportoit aussi avec luy bonne partie de cette gloire.

Vers la fin de cette année 1593. le Roy paracheua & conclud le mariage de Madame Marguerite de Nauarre sa sœur unique, avec Monsieur le Duc de Bar, Marquis du Pont, Prince de Lorraine, & fils heritier dudit Duc, comme j'ay cy-deuant remarqué, qu'il en auoit fait dessein; apres & en suite de ladite paix ledit Duc de Bar ayant à ce dessein auparauant fait plusieurs allées & venues à la Cour pour paruenir audit mariage, & tascher d'en oster les difficultez qui s'y rencontroient; tant à cause de la diuersité de Religion, ladite Dame ne voulant se départir de la sienne, pretendue reformée, en laquelle elle auoit tousiours vescu, que parce qu'elle ne pouuoit se resoudre à quitter la France, & le Roy son frere, estant certain que pour les mesmes difficultez, cette Princesse auoit auparauant negligé, ou perdu plusieurs grands partis qui s'estoient offerts depuis le 7. Feurier 1582. qu'elle nasquist, iusqu'à ce que le temps & l'age la conuierent, & obligerent le Roy à prendre cette douce condition; ayant lors plus de quarante ans, & prenant alliance dans vne maison souveraine, alliée & proche de France, où elle pouuoit & deuoit esperer toute sorte d'honneur, d'amitié & de consolation; & estant ainsi les volontez disposées, Monsieur le Duc de Lorraine vint en France, avec les principaux de son Conseil, pour en



arrester les conditions, auxquelles le Roy me commanda de trauailler, avec trois ou quatre que ie pris des plus anciens de son Conseil, pour les resoudre avec eux, & apres quelques conferences entre nous tous, nous demeurâmes d'accord, ainsi que le Roy, madite Dame, ledit sieur Duc de Lorraine, & sondit fils le Duc de Bar l'agrecerent; & apres, que ladite Dame Princesse sœur du Roy, seroit qualifiée Duchesse d'Albret, Comtesse d'Armagnac & de Rhodes, & Vicomtesse de ~~Luxembourg~~..... & auroit pour son appanage & reuenu annuel cent mille escus par an, que le Roy luy feroit valoir sans aucune diminution; & en cas qu'elle eust enfans, qu'ils auroient les memes tiltres, & en seroient pourueus; & en cas de Douaire, qu'elle auroit la Duché de Bar, dont elle iouïroit entierement par ses mains, & auroit encores vne pension conuenable à sa qualité, à prendre sur le Duché de Lorraine; & d'autre costé ledit sieur Duc traittant pour sondit fils, comme son seul & vnique heritier de son Estat de Lorraine, avec tous les honneurs & aduantages que nous pensions desirer pour luy, en faueur dudit mariage, dans le Contract duquel furent mises toutes les autres conditions necessaires de part & d'autre, sur lequel ie ne m'estendray icy, lesdits Contracsts estant chose publique, qui se peut aisément recouurer; seulement i'adiousteray qu'apres iceux faits & arrestez, ledit sieur Duc de Bar accompagné de Monsieur de Vaudemont son frere, & d'environ trois cens Gentilshommes, où estoient les premiers & plus grands de Lorraine, tous fort lestes, arriua à Paris sur la fin du mois de Decembre audit an 1598. rencontrant le Roy à la chasse vers saint Denis, avec lequel il entra, & alla avec sa

Majesté droit au Louvre, où il salua Madame sa Maïstresse & son Accordée, qui le receut avec tout l'honneur & bon visage qu'il se peut; & deslors se commencerent à la Cour quelques Balets, danſes & autres recreations conuenables à cedit mariage.

Les plus grandes & importantes difficultez, fut apres cela de conuenir de la forme, de laquelle seroit fait & solemnisé ledit mariage, pour ſatisfaire au deuoir de la Religion, & au contentement particulier des deux parties, chacun ſe tenant ferme en ſa reſolution, & ne voulant ceder l'un à l'autre; le Roy fit ce qu'il peut doucement pour porter Madame ſa ſœur à ſe faire Catholique, en luy propoſant ſon exemple, & faiſant aſſez cognoiſtre que c'eſtoit le plus aſſeuré moyen pour elle, la contentant en cela de ſe promettre en toute autre choſe, toute la vraye amitié & faueur qu'elle pourroit eſperer de ſon naturel: & neantmoins lors que ce vint à ſigner le Contract dudit mariage à Mouceaux, où la Cour eſtoit, à la fin de Decembre 1598. le Roy dit tout haut en preſence de tous ſes Princes, Officiers de la Couronne, & nous autres du Conſeil, & de toute la Cour, que ce n'eſtoit ſon intention de contraindre en façon que ce fuſt madite Dame ſa ſœur, ny audit mariage, ny à eſtre Catholique, ſe contentant pour l'un & pour l'autre de luy propoſer & procurer ſon bien, & luy en laiſſer apres la liberté & eſlection; à quoy madite Dame reſpondit: Que pour ledit mariage elle le receuoit à tres-grand contentement & honneur, mais que pour ſa Religion la tenant avec ſa vie de la feu Reine Ieane de Nauarre ſa mere, elle ne ſ'en pouoit départir legerement, & ſans inſtructions ſuffiſantes, neantmoins qu'elle promettoit au

Roy & à Monsieur le Duc de Bar son futur mary, de re-  
chercher & se porter à ladite instruction autant qu'il luy  
 feroit possible, les suppliant tous deux tres-humblemēt  
 de ne la vouloir cependant contraindre dauantage. Sur  
 cela le Roy luy dit qu'elle en deuoit demeurer assurée,  
 & qu'il luy en parloit pour son deuoir fraternel, & à la  
 descharge de sa conscience, laissant au soing dudit sieur  
 de Bar son Beau-frere, le surplus de sa conuersion, au-  
 quel il donna particulièrement l'expedient, & le moyen  
 qu'il iugeoit plus doux & plus propre pour y paruenir,  
 qui estoit de luy oster tout doucement certaines fem-  
mes, & autres personnes opiniastrées à la Religion qu'elle  
 auoit aupres d'elle, & qu'elle croyoit & aimoit trop,  
 comme ayant tousiours esté aupres d'elle dès son en-  
 fance.

Monsieur le Duc de Bar voyant cela; Monsieur le  
 Duc de Lorraine, & luy infiniment desirieux de voir  
 madite Dame conuertie à la Religion Catholique pour  
 l'espouser, s'aidans en si iuste cause de l'autorité & du  
 nom du Roy, firent faire vne Conference de quelques  
 bons Docteurs, avec les Ministres de madite Dame,  
 pour en sa presence les conuaincre par la verité, & luy  
 faisant recognoistre leur meschanceté & tromperie, la  
 retirer de sa fausse opinion: mais il ne sortit de cette  
 Conference que les eschappatoires, calomnies & autres 17.  
confusions ordinaires qui y apportent lesdits Ministres;  
 ce qu'estant rapporté au Roy, la Majesté craignant que  
 cette instruction, ainsi animeusement contestée, appor-  
 tât plus de mal que de bien, commanda que l'on la ces-  
 sât, pour la remettre à quelqu'autre temps plus commo-  
 de & mieux choisi, sans pour cela laisser de passer audix

mariage, & ce fut lors que lesdits Ministres vserent de toutes leurs puissances & artifices vers madite Dame, pour luy persuader qu'elle ne deuoit estre mariée que par leurs Ministres, & que ledit Duc de Bar la deuoit rechercher & prendre dans son Eglise, n'estant conuenable, attendu sa qualité plus eminente, qu'elle alast prendre & receuoir ledit Duc de Bar, son futur mary en l'Eglise Catholique; qui d'autre costé persistant opiniastrement en sa resolution toute contraire, declara & protesta de n'estre iamais marié que de la main d'un Prestre. Sur ces grandes alterations chacun discourant & proposant selon sa Religion & son affection, ce qu'il estimoit en deuoir estre fait; le Roy comme Maistre absolu, & plus resolu que tout son Conseil, voulant mettre vne fin & conclusion audit mariage, il trouua de son costé l'expedient qui ensuit, qui fut executé par son expres commandement.

1599.

Vn Dimanche matin, penultiesme iour de Ianuier de l'année 1599. le Roy ayant dés le soir precedent aduertty & fait consentir madite Dame sa sœur à sa volonté, comme aussi ledit sieur Duc de Bar, sa Majesté alla elle-mesme cedit matin querir madite Dame sa sœur qui estoit dans sa chambre au Louure, encore peu ou point habillée, & l'emmena en son cabinet, où desia il auoit mandé & fait trouuer ledit sieur Duc de Bar, avec Monsieur le Duc de Lorraine son Pere, & principaux de leur suite, y ayant aussi fait venir quelqu'un des principaux Princes, & autres plus particuliers de sa Cour, & là où il auoit aussi mandé Monsieur l'Archeuesque de Roüen, qui estoit son frere naturel, & dépendant entierement de sa volonté; il luy dit tout haut en presence de tous, Mon

frere, ie desire que vous fassiez tout presentement ledit mariage de ma sœur, & de Monsieur de Bar par paroles de present, à quoy ledit sieur Archeuesque fit du commencement quelque difficulté; disant qu'il y falloit garder les formes & solemnitez accoustumées; à quoy le Roy repliqua que sa presence estoit plus que toutes les solemnitez ordinaires, & que son Cabinet remply de tant de personnes de qualité, estoit vn lieu sacré, & lieu assez public pour cela; & partant qu'il le prioit & commandoit absolument de passer outre, & faire ledit mariage, nonobstant toutes les difficultez qu'il y pourroit apporter; desquelles, & de l'euement d'icelles, il demurerait chargé & garand: A quoy ledit sieur Archeuesque ne pouuant plus contester dauantage, & aimant mieux luy obeir & complaire, se resolut à faire cedit mariage; & en mesme temps s'estant reuestu de ses ornemens Pontificaux, quel'on auoit fait apporter & tenir tous prests, proceda à ladite benediction nuptiale de madite Dame & dudit sieur Duc de Bar, & y apporta toutes les mesmes formes & ceremonies qu'il eust peu faire en une Eglise, excepté qu'il ne celebra point la Messe; ce qu'estant fait & paracheué, chacun se retira & alla faire ses deuotions, chacun selon sa religion; ledit sieur Duc d'un costé, & madite Dame de l'autre, qui retournée en sa chambre se para magnifiquement comme mariée, & ledit sieur Duc aussi, & le Roy & toute la Cour, & chacun remit de setrouuer au grand festin Royal qui se fit le mesme iour, dans la grande salle du Louure, où tous les Officiers seruirent avec les pompes & magnificences accoustumées en tels festins; puis le grand Bal se fit, & le soir le Roy reconduit madite Dame en sa chambre, luy lais-

tant toutes les Princesses pour la coucher, & là se consumma ledit mariage, qui fut suivi de toutes les bonnes cheres & honneurs que sa Majesté peult rendre à son nouveau Beau-frere, & de plusieurs Balers & autres rejoyssances & gentilleses de la Cour, en telle saison, iusques à la fin du mois de Feurier 1559. que madite Dame prit congé du Roy son bon frere, & de toute la Cour, non sans vne extrême peine & douleur des vns & des autres, & s'en alla avec mondit sieur le Duc de Bar son mary, en Lorraine, où mondit sieur de Lorraine la receut avec tous ceux de son pais, avec tous les plus grands honneurs & bós accueils qu'il luy fut possible, l'aimât & cherissant beaucoup plus que si elle eust esté sa propre fille, encóres qu'il restast tousiours en son cœur & celuy de son fils, & de tous ses principaux seruiteurs & Officiers, vn tres-grand desplaisir de voir madite Dame tousiours se tenir & se porter à sa pretendué & fausse Religion, pour le sujet de laquelle quelque temps apres ledit Duc de Bar fut conseillé d'aller luy-mesme en personne à Rome pour obtenir du Pape l'absolution necessaire, laquelle luy auoit esté longuement refusée, & enfin il l'emporta avec de tres-rudes conditions & penitences, apres auoir demeuré à Rome plus de six mois pour la poursuiure, n'y pouuant quasi estre veu ny entendu par sa Sainteté, pour l'extrême colere où elle estoit, qu'un Prince de la maison de Lorraine, que l'on tenoit tres-zelée à la Religion Catholique, eust fait vn mariage de cette façon: neantmoins estant chose faire il n'y auoit plus moyen d'y remedier.

Pour retourner aux affaires du Royaume, ie diray qu'en suite de l'Edict que le Roy auoit accordé à Nant-  
tes

tes en Bretagne au mois d'Auril 1598. à ceux de la Religion pretendue, pour l'exécution de plusieurs autres, auparavant faits & recogneus; le tout tendant à la liberté de leurs consciences & de leurs presches; ainsi que ie l'ay desia remarqué cy-deuant. Ce dernier icy plus ample que tous les autres, estant fait par vn tres-puissant Roy, qui comme victorieux & conquerant auoit esté de cette mauuaise Religion, en faisoit apprehender l'estre & la consequence; tous les vrais Catholiques & plus prudents seruiteurs de l'Estat, jugeans bien le mal qu'apporteroit tost ou tard au Roy, ou à ses successeurs, par la cognoissance & l'experience que chacun auoit des desseins, caballes & conduites, toutes contraires à la Monarchie, qu'ont par tout ceux de cette Religion: cela fut cause que force personnes de grande qualiré & consideration en donnerent de tres-bons & salutaires aduis au Roy; & puis dire avec verité que il y apportay tout ce qui estoit de mon deuoir, mais tout cela fut en vain: Car sa Majesté estoit obligée de trop longue-main, & auoit tousiours trop près de luy des personnes de cette Religion, qui par leurs artifices empescherent qu'il n'escoutast les fideses seruiteurs, & auoient mesme gagné pour cela, Madame la Duchesse de Beau-fort sa Maistresse, qu'ils auoient preuenue d'esperances de grands seruices, quand elle ou les siens en auroient besoin; tellement que ledit Edict avec force Articles, sur ce tres-importants, leur estoient accordez; Messieurs du Clergé de France furent contraints de s'en plaindre & remuer, & n'estant pour lors assemblez leurs agents generaux, desquels estoit le sieur B..... homme courageux & ferme, il y eut au nom de tout le Clergé, de tres-gran-

S i

des clameurs & plaintes, tant au Conseil qu'au Roy mesme, & s'y oppola avec des remonstrances si raisonnables que les plus opiniastrs poursuuans cét Edict, furent contraints de peur de pis de se relascher de quelque chose, & de consentir qu'il fust aucunement raccommodé; & non iusques au poinct qu'il eust esté nécessaire pour le bien, repos & conseruation de ce Royaume; & ainsi apres les difficultez plus apparentes raccommodées, de cét Edict, fut arresté & enuoyé aux Parlements de ce Royaume, lesquels peuuent & doiuent plus ouuertement qu'autres y ouurir les yeux, & y apporter les considerations requises; mais aucuns desdits Parlements se contenterent d'ordonner des remonstrances, sur le fait de l'establissement d'une chambre à chacun d'iceux Parlements, appelée la Chambre de l'Edict; parce que cela tournoit aucunement à leur interest, & pour le reste ils ne s'en tourmenterent gueres; & celuy de Paris passa à la verification dudit Edict le 25. Feurier 1599. en suite dequoy l'on commença à l'exécution par tout, bien qu'avec grande peine & peril pour les Commissaires, & peu # à peu l'autorité du Roy l'a fait recevoir par tout, à la honte & confusion de cét Estat; & tout ce qui en est prouenu de bon fut, que par mesme Edict, la liberté fut rendue à vne infinité de Catholiques qui estoient opprimez par la violence de cette Religion, aux lieux où ils estoient demeurez les Maistres, comme en Bearn, Guienne, Dauphiné, Languedoc, & autres lieux.

En mesme temps que le Roy pensoit mieux affermir la paix en son Royaume, en fauorisant ceux de la Religion pretendue, l'Infante d'Espagne nouvellement arrivée, & recogneuë pour Archiduchesse en Flandres avec



l'Archiduc son mary, firent publier vne Declaration contre les Holandois & autres Huguenots du Pais-bas, leur reprochant leur rebellion trop iniuste, & leur mesconnoissance, perfidie & refuitte à leur deuoir, & à toute sorte d'accommodation & tranquillité publique; & pour celeur deffendant toute continuation de commerce avec les autres bons subjects Flamands; & d'autre costé lesdits Holandois pour se continuer en leurs entreprises souueraines, en firent peu à peu publier vne route contraire, souz le nom & l'autorité des Provinces vnies desdits Pais-bas, eludant toutes les raisons de la premiere, & voulant persuader que les Espagnols ne se contentent de la domination qu'ils ont sur les corps & sur les biens, mais qu'ils la veulent estendre sur les ames; tellement que cette grande diuersité & contrariété desdites Declaratiōs, n'apporterent en Flandres qu'un renouuellement de plus grande guerre, entre ledit Archiduc & les Holandois.

Au mois d'Auril de ladite année 1599. Monsieur de Joyeuse Marechal de France, qui du temps du feu Roy Henry III. estant Comte du Bouchage, frere de Monsieur, lors grandement fauory, s'estoit fait Prestre & rendu Capucin; & depuis ce temps-là à la sollicitation & faueur de la Ligue auoit esté dispensé par le Pape, de se retirer des Capucins, & commandé de prendre la charge & gouuernement de la ville de Thoulouze en Languedoc, apres vn sien autre frere mort, seruant à ladite Ligue, & ayant accepté volontiers ce changement, & demeuré longuement Gouverneur, plus Soldat qu'Ecclesiastique; apres en fin s'estre reduit comme les autres à la deroute de la Ligue, en l'obeissance du Roy; & pour ce

fit sa composition tres-advantageuse selon le monde, & entr'autre chose voulut estre fait Mareschal de France, commel'auoit esté sondit frere; & durant ladite Ligue, & depuis la paix viuant trop licencieusement pour vn homme de sa condition, Dieu voulut enfin luy départir sa grace, le touchant de son saint Esprit, & l'ayant fait admonester par plusieurs bons Peres Capucins, qui souffroient la honte de sa desolation, & qui luy firent recognoistre que le sujet & le temps de sadite dispense estoit cessé; ledit sieur de Loyeuse, ou trop lassé du monde pour la seconde fois, ou iustement nauré du remords de sa conscience, se resolut à rentrer dans son deuoir; & prenant congé de ses plus particuliers amis, & mesme de quelque Dame de qualité qu'il frequentoit ordinairement, comme voulant faire quelque grand voyage, vne nuit il laissa sur la table de só Cabinet vne forme de Testament, portant les iustes causes de sa resolution, & l'ordre qu'il laissoit en sa maison & à ses affaires, qu'il remettoit entierement au soing & disposition de Monsieur le Cardinal de Loyeuse son frere, & principalement pour sa fille qu'il aimoit grandement: (car il auoit esté marié auparauant que d'estre Prestre & Capucin la premiere fois,) & sans dire son dessein à ses domestiques, se desrobba d'eux tous, & seulauec vn sien valet de chambre, confident, s'en alla se ietter & remettre dans le Conuent des Capucins de Paris, où au mesme temps il reprit l'habit, & s'y reduit comme les autres, receuant avec toute forte d'humilité & de composition, les remonstrances & penitences que ses Supérieurs audit Conuent luy voulurent faire & ordonner, & le lendemain pendant que ses gens & amis le pensoient

& cherchoient; plustost en lieu de desbauche ou de querelle, que de deuotion & Religion, vn autre Capucin preschant en l'Eglise de saint Germain de Lauxerrois, annonça publiquement sa mort au monde, & son heureuse reuersion à Dieu, priant instamment tous les Auditeurs de vouloir prier pour luy, ce qui fit croire d'abord quelque accident inopiné, estre prouenu audit sieur de Ioyeuse: mais quād il adioustā que ledit sieur recherchant par cette mort vne plus heureuse vie, & qu'il s'estoit pour ce la nuit precedente remis dans le Conuēt des Capucins, & là auoit repris leur habit & leur vie avec son premier nom de Pere Ange, pour finir ses iours à seruir Dieu; chacun de l'assistance se trouua merueilleusement estonné de cette nouuelle reuersion, chacun en iugeant selon son sens & sa fantaisie; la pluspart ne pouuant comprendre comment il auoit osé honnestement se departir de cette Religion, pour apres hors d'icelle viure si scandaleusement qu'il auoit fait, & enfin auoir assez de force & de courage pour y retourner; mais quoy que c'en soit, Dieu ne le voulāt perdre, le rappella ainsi; & luy ausli tost se remit à voir les bons liures, qu'il auoit si longuement negligez, & s'estant rafraischy la memoire de ses premieres estudes, se mit vn mois apres à prescher: & bien que ce ne fust avec grande science, ce fut avec tant de telmoignage de zele & deuotion, que tout le monde se tuoit pour l'aller entendre, & fit enfin plus de fruiēt que l'on n'eust peu esperer; à quoy il a continué & perseueré iusques à la mort, ayant toujours depuis esté dignement & grandement employé aux charges plus importantes de l'Ordre desdits Capucins, & fait plusieurs voyages à Rome vers la Sain-

été pour fondit Ordre, qui l'a bien veu, honoré & estimé de cette sienne reuerfion & reduction heureuse à son deuoir.

L'ay par rencontre & aux occasions, cy-dessus remarqué, que le Roy naturellement enclin aux passions de l'amour, s'y estant ietté plus auant depuis la paix, apres infinies autres femmes qu'il auoit aimées selon le lieu & le temps, s'estoit enfin tellement emporté à cette passion, pour Madame la Duchesse de Beau-fort, Gabrielle d'Estrée, niepce de Madame de Sourdis, qu'apres l'auoir long-temps aimée, & en auoir eu trois enfans, deux fils & vne fille, & elle grosse; & s'estre laissé persuader par son premier Medecin, le sieur de la Riuiere, qui vouloit seruir ladite Dame, qu'à cause d'une carnosité qu'il auoit, & qui auoit failly de l'emporter à Mouceaux, vers la fin de l'année precedente 1598. il pourroit par la suite du temps deuenir moins habile à auoir des enfans. Sadite Majesté s'estoit resoluë de l'espouser, & quant & quand legitimer seldits enfans, les passans touz le poil nuptial, & auoit desia enuoyé à cet effet pour Ambassadeur le sieur de Sillery à Rome, pour pourfuiure la cassatiō de son premier mariage avec la Reine Marguerite, & auoir par cōsequēt la liberté d'espouser qui il luy plairoit, qui estoit à dire espouser ladite Duchesse; laquelle dès le commencement de leurs Amours auoit esté mariée avec Monsieur de Liencourt de Picardie, & depuis demariée d'avec luy de son consentement, par Monsieur l'Euesque d'Amiens, ausquels ils iurerent & resmoignerent que leur mariage n'auoit iamais esté fait par vn consentement reciproque & volontaire, & qu'ils n'estoient rien l'un à l'autre; & ainsi le Roy estant lors plus amou-

reux de ladite Duchesse que le premier iour, & si fort porté & attaché de ce costé-là que chacun estimoit qu'il y eust quelques charmes & choses extraordinaires en cette affection: & neantmoins ie sçay qu'il se portoit à ce mariage autant pour la conservation particuliere, que pour son plaisir, m'ayant fait l'honneur de me dire particulièrement plusieurs fois, que puis que l'incômodité susdite en sa personne (dont graces à Dieu il a esté du depuis guarý, par vne operation admirable de Berault) pouuoit causer des sujets qui abregeroient sa vie, il vouloit par ce mariage se deliurer de la contrainte & persecution que les Princes du Sang & autres auoient faites au feu Roy Henry III. son predecesseur, à cause qu'il n'auoit point d'enfans. Et de fait s'estant resolu à espouser ladite Duchesse, pour commencer à l'authoriser & seldits enfans, ne faisoit plus aucunes graces, & ne donnoit aucunes charges ou Gouuernemens d'importance, que ce ne fust par la priere de ladite Duchesse & en sa faueur: il commandoit que l'on la remerciast, & que l'on luy eust obligation, pour attacher vn chacun dauantage à son interest, en cas qu'elle ou ses enfans en eussent besoin; si bien qu'en peu de temps on vit dans diuerses Prouinces, force personnes, mesme de grande qualité, establies à ce dessein; & son premier fils nommé Cesar Monsieur grandement estably, tant en Bretagne, dont il auoit le Gouuernement, qu'en Picardie où il auoit la Fere, Laon & plusieurs autres bonnes places, & pour son autre fils Alexandre, & sa fille ..... il attendoit à les partager & aduantager à proportion de la grande fortune qu'il leur preparoit à tous ensemble.

Mais comme de son costé le Roy projecttoit ces des-

seins & en pensoit ietter les fondemens les plus fermes, Dieu qui en vn seul clin d'œil, remplit & dissipe tout ce qui ne luy plaist pas, fit paroître en vn instant sa volonté & son pouuoir, rendant tous ces grands projets inutiles, parla mort subite & inopinée de ladite Duchesse, qui arriua le Samedy de Pasques de l'an 1599. ainsi que veritablement ils'ensuit.

Le Roy selon sa coustume plus ordinaire, estant allé passer la pluspart du Caresme de ladite année 1599. à Fontaine-bleau, comme la Feste de Pasques approcha, voulant demeurer plus seul, nous donna congé à tous nous autres de son Conseil, de faire nos Pasques en nos maisons; & desirant en ce temps faire concevoir au peuple de Paris quelque meilleure opinion de ladite Dame Duchesse, qu'au passé chacun l'ayant estimée, comme pour estre simple Maistresse du Roy, mais non d'estre Reine de France; estimant sa Majesté que les deuotions publiques qu'elle y feroit la rendroient plus agreable à tout le mode, se resolut de l'enuoyer faire ses Pasques audit Paris; bien que ce luy fust vne grande peine de se priver d'elle; & pour ce la voulut mener & conduire iusques à Melun, estant luy à cheual & elle en litiere, à cause qu'elle estoit grosse & prestte d'accoucher, & luy donna là Monsieur de Montbason pour la conduire, & accomplir son voyage, la mettant sur l'eau audit Melun, pour aller plus doucement iusques audit Paris; & comme il fallut se separer, entrant au bateau, il sembla que ladite Duchesse se doutast de son prochain mal-heur; car avec infinis pleurs & baisers, tesmoins publics de leur amour, elle recommanda au Roy le soing de ses enfans, avec tres-grande affection, n'ayant iamais accoustumé à  
 \* leur

leur separation qui estoit assez ordinaire, de luy en faire aucune peine; & ainsi le Roy retourna tout triste à Fontainebleau: ladite Dame Duchesse arriua par caùle mesme iour à Paris, qui estoit le Mardy de la semaine Sainte, & s'en alla descendre & loger chez le sieur Zamet proche l'Arseñal, & le lendemain voulut aller entendre les Tenebres au petit S. Anthoine, où la pluspart du peuple de Paris se trouuoit, à cause de quelque bonne musique qui s'y faisoit, apres lesquelles Tenebres estât ladite Dame retournée chez ledit sieur Zamet, & là se promenant dans le iardin, le cōmencement de sa maladie la surprit cōme par vne forme d'apoplexie, telle qu'elle pensa l'emporter du premier coup; neantmoins estant promptement secourüe, elle passa la nuit plus doucement; & le matin du Ieudy elle voulut estre opiniastrément portée au logis de Madame de Sourdis, qui estoit près de S. Germain de Lauxerrois, tant pour se voir plus proche du Loure, où elle vouloit se faire porter en l'absence du Roy, bien qu'elle y eust d'ordinaire le mesme appartement que les Reines y occupoient: & voyant assurément que le Roy viendrait aussi tost, & l'y feroit aller, parce que c'estoit vn logis où elle se retiroit plus volontiers, pour estre plus libre en ses affaires; & estant audit logis commanda aux siens d'enuoyer madite Dame de Sourdis, en laquelle comme estant sa proche parente & niepce, elle auoit vne très-grande confiance; Aussi par la faueur de cette Duchesse les siens furent grandement aduancez; mesme son fils aisné qui fut à la nomination du Roy pourueu de beaux & riches benefices. Ladite Dame de Sourdis pour lors estoit en sa maison d'Alluye, qu'el-

le accommodoit comme vne nouuelle acquisition, m'ayant conuié de l'y aller visiter, comme ie fis deux ou trois iours auparauant, estant chez moy à Esclimont, où elle m'auoit aussi promis de venir avec moy pour passer les Festes, & au lieu de cela ie fus grandement estonné, quand le Mercredy dès le grand matin ladite Dame de Sourdis arriuant audit Esclimont me refueilla, & me conta cette merueille estrange, & s'aydant d'un relais de mes cheuaux de carosse, que ie luy prestay, n'ayant demeuré qu'une demie heure avec moy, se hesta tant qu'elle peut pour arriuer à Paris; ce qu'elle ne peut faire auant la mort de ladite Duchesse, laquelle cependât au lieu d'adoucir & soulager son mal en changeant de logis, se trouua plus pressée & attaquée de sa maladie, ses maux redoublans coup sur coup, de telle sorte que les plus experts Medecins, mesme ceux du Roy, qu'il y depecha en toute diligence, n'en purent que iuger, ne cognoissans assez son mal, pour y oser appliquer les remedes qu'ils y estimoient necessaires, estant proche de l'heure de son accouchement; ainsi le dit iour de leudy passé, se portant vn peu mieux sur les sept heures, elle escriuit au Roy pour la troisieme fois, durant sa maladie; & comme elle estoit sur la fin de sa lettre lesdits maux recommencerent de plus fort, & de là en auant qui estoit le leudy au soir, elle perdit tout iugemēt & cognoissance; puis à quelques heures apres, la veüe, l'ouïe & les autres sens, excepté de celuy du sentiment; car on luy vid tout le reste de la nuit dudit leudy au Vendredy, & tout le Vendredy, & l'autre nuit suiuaute, iusques au Samedy matin qu'elle mourut, ref-



sentir & souffrir de si cruelles & si excessiues douleurs & tourmens, que tous ceux qui la voyoient aussi pâtir sans espoir d'aucun secours & remede, en receurent vn extrême estonnement & desplaisir, voyant son visage au parauant si beau, estre en vn moment deuenu tout hideux & effroyable, & l'estonnement de ce changement fut tel, que plus de vingt-mille personnes de toute qualité, de Paris, la voyas en si piteux estat, & tous ses domestiques en estans tellement esperdus qu'ils ne sçauoient ce qu'ils faisoient, & n'empeschans personne en cela de contenter leur desir, & leur curiosité; quelques vns des plus aduisez des siens firent ce qu'ils peurent pour luy faire receuoir ses derniers Sacremens, mais elle n'en estoit plus capable, & fallut se contenter de ce qu'elle auoit fait ses Pasques quelque peu de temps au parauant; tellement que force personnes deuotes, esmuës & touchees de cette mort si extra-ordinaire, contribuerent de leurs prieres à ce deffaut pour le salut de son ame, redoutant avec grande apparence de raison, que Dieu n'eust en cela voulu faire paroistre les effets de sa volonré, & de son iuste pouuoir contre cette femme, dont la naissance, la vie, la mort sont esgallement deplorables, sans son assistance & misericorde diuine; car apres tant de miseres & douleurs souffertes par elle, Dieu ayât disposé sa vie; son corps fut ouuert, & son enfant trouué mort dès le premier iour de sa maladie, de laquelle & de son mal-heureux succez, le Roy ayant à toute heure esté aduertty, comme il en estoit infiniment amoureux & passionné, il partit de Fontainebleau pour la venir voir, & vint en poste iusqu'à Ville-neufue, à quatre lieuës de Paris, à ce dessein: mais comme plus approchant d'elle, il en receuoit tousiours

de plus mauuaises nouuelles, les plus sages & aduisez qui estoient lors aupres de luy, le destournerent & empêcherent d'aller plus auant, luy faisant recognoistre & apprehender l'extrême desplaisir qu'il en receuroit, la voyant en si déplorable estat, & sans remede, vne personne qu'il auoit tant aimée; tellement que vaincu de leurs raisons & de la necessité, apres auoir trop fait paroistre la force de son amour enuers elle, & de son cruel desplaisir, qu'en la perdant, il perdoit tout ensemble les pretensions de ses desseins pour l'assurée de son Estar, & de son cōtētemēt: De sorte qu'il fut reconduit à Fontainebleau, où aussi tost il prist le ducil avec la couleur noire, contre la coustume de nos Rois, mesmes pour leurs femmes espousées, reprenant quelques iours apres le violet, qu'il porta plus de trois mois entiers, ayant voulu que toute la Cour en portast aussi le deuil; & mesme voulut que l'on fist vn grand & solemnel seruice funebre à Paris dans ladite Eglise de saint Germain de Lauxerrois pour elle, où toute la Cour se trouua, & que de là le corps de la mere & de l'enfant fussent portez & conduits honorablement en l'Abbaye de Maubuisson près Pontoise, de laquelle il auoit fait l'vne de ses sœurs Abbessē; ce qui fut fait, chacun ayant volontiers contribué au deuoir & à la peine pour vn si inopiné mal-heur, tant pour la compassiō que plusieurs en auoient, que pour complaire au Roy, du grand & extraordinaire desplaisir qu'il tesmoignoit en auoir.

Et pour reuenir à moy qui estois lors, comme ie l'ay delia dit cy-dessus en ma maison d'Escimont, apres plusieurs aduis qui me furent apportez de cette maladie, ie receus celles de la mort, que le Grand, l'vn de mes Secre-

taires me manda le Samedi apresmidy, & iugeant dès lors quel changement cette mort apporteroit à toutes les affaires du temps, ie commençay à aucunement me plaindre à moy-mesme de mon mal-heur particulier de m'estre si promptement & trop attaché à ses alliances, par la persuasion d'autrui; & neantmoins comme Dieu m'a toufiours fait cette grace de me faire receuoir de mesme forte tout le bien & le mal qu'il luy a pleu m'enuoyer, ie me resolus, & me consolay aussi tost en cette perte, sur la croyance que ie pris, que Dieu auoit voulu cela pour le plus grand bien du Roy & de cet Estat, qui entreroit en des perils & inconueniens extrêmes pour ce mariage, & me ressouuiens aussi que ce mal-heur estoit arriué comme en vne bonne heure, pour Madame de Sourdis, laquelle par ses diligences & poursuittes, auoit tant fait que son fils estoit Cardinal, & auoit enuiron dix ou douze iours auparauant receu nouuelles de Rome de sa promotion, dont il ne restoit plus qu'à receuoir le bonnet qui estoit par les chemins; & ainsi que c'estoit vn grand honneur pour sa maison, & l'establissement asseuré de ce que nous auions arresté ensemble par nostre alliance, & de nos enfans; & apres auoir passé & repassé en mon esprit, tout ce que i'estimay pouuoir arriuer en cet accident, ie me resolus le lendemain qui estoit le iour de Pasques, apres m'estre remis avec Dieu, ayant fait mes deuotions audit Esclimont, d'enuoyer comme ie fis le mesme iour vers le Roy, pour luy resmoigner l'extrême ressentiment que i'auois de sa perte & de son déplaisir, auquel ie participois plus, ce me sembloit, qu'aucun de ses seruiteurs, & sçauoir ce qui luy plairoit que ie fisse, & si ie l'yrois trouuer seul ou avec son Conseil, &

adressay ma depesche par vn de mes Secretaires, au petit Lomenie Secretaire du Cabinet, qui me renuoya la responce de sa Majesté, pleine certainement de grande affection, par laquelle elle me commanda de l'aller trouuer seul, le plustost que ie pourrois, pour luy aider à se consoler, & remettre son esprit affligé, ainsi qu'il me fit l'honneur de me le mander, & tout en mesme temps & en mesme iour de Pasques, i'enuoyay mon filz de Pons. Le moy que i'auois lors avec moy, vers Madame de Sourdis à Paris, avec lettres & paroles de creance, tant pour me condouloir avec elle de nostre perte, comme pour l'asseurer que cela ne me feroit en rien diminuer l'affection & amitié que ie luy auois promise, & commanday à mondit filz de demeurer avec elle, iusqu'à ce que ie luy mandasse autre chose; & comme le Roy se contenta de mon deuoir, ladite Dame se sentit grandement obligée de cette visite, & m'ayant remercié de sa part à Fontainebleau, où j'allay aussi tost, nous continuâmes nos mesmes amitez & intelligences. En cette sorte mourut ladite Duchesse, avec desplaisir pour nous tous, qui pouuions participer au bon-heur de sa fortune, & avec grand estonnement & bel exemple à toutes autres femmes ses semblables.

Pendant que toute la Cour portoit le deuil, soit par affection véritable, ou par respect, à cause de la mort de ladite Duchesse de Beaufort, & que le Roy n'ayant peu accomplir avec cela ses desseins, s'estudia à rendre riches & bien establir les enfans qu'il auoit eu d'elle; l'on apporta nouvelles à sa Majesté d'un celebre combat & duel fait en Dauphiné sur les frontieres de Sauoye, entre le sieur de Crequy, Gentil-homme d'une des ancien-

nes maisons de Picardie, & Gendre de Monsieur Desdiguieres, Lieutenant General pour sa Majesté audit Dauphiné, & vn nommé Dom Philippin Bastard de Sauoye, estimé grandement pour sa valeur, lesquels, deux fois, plus par galanterie que par querelle qu'ils eussent, vindrent aux mains l'un contre l'autre, tousiours l'honneur des armes estant demeuré audit sieur de Crequy, qui toutes les deux fois auoit eu tel aduantage, qu'il donna la vie à son ennemy, mais l'ayant grandement blessé, cette grace luy fut inutile; car ledit Dom Philippin mourut incontinent apres, & ledit S<sup>r</sup> de Crequy ne fut pas seulement blessé, ce qui luy apporta beaucoup d'honneur, d'estre fort ainsi heureusement desdits combats avec vn si braue Cauallier, comme estoit estimé ledit Bastard.

Durant le mois de May & Iuin, de ladite année 1599. le Roy proposa & moyenna vne Conference & pour parler entre le Roy d'Espagne, la Reine d'Angleterre, & ceux des Estats du Pais-bas, & fit en sorte que les Deputés des vns & des autres se rendirent en mesme temps à Boulongne en Picardie, où le Roy enuoya de sa part Monsieur le President Ianin, & Monsieur de Comartin pour Mediateurs & de tout ce qui ce passeroit en ladite Conference; mais les difficultez se trouuerent si grandes & opiniastres de tous costez, que le tout nese reduit qu'en beaux discours & protestations, qui causerent aux vns & aux autres vne plus grande animosité que deuant, avec esperance de l'emporter par les armes, auxquelles ils recoururent plus fort que iamais; & cependant les vns & les autres s'aduantageans & s'accômodans de quelques terres de l'Empire, les Princes Allemás s'en voulurent remuer pour y pouruoir, sans y faire plus

grand fruit & que celuy que leurs remonstrances y peurent apporter.

L'ay desia ce me semble plusieurs fois assez remarqué, comme le Roy parmy les plaisirs de la paix, voyant & entretenant souz main tous ses voisins en broüillerie & guerre, & passant doucemēt son temps dans l'embellissement qu'il donnoit à ses maisons, par les bastimens & iardins excellents qu'il y augmentoit tous les iours : Sa Majesté s'occupoit ordinairement à la chasse & à l'amour, & comme elle estoit grandement encline de tout temps à cette passion amoureuse; se voyant priuée de sa Maistresse la Duchesse de Beaufort, que la mort luy auoit rauie, apres auoir resmoigné tous les desplaisirs qui se peuuent imaginer de sa perte, ceux qui auoient l'honneur de l'approcher & mieux recognoistre, apprehendoient avec raison que cette trop longue affection peust enfin nuire à sa santé, peu à peu luy persuaderent qu'il n'y auoit point de plus court & aisé remede à son desplaisir que de refaire quelque nouuelle affection ailleurs; à quoy il se porta assez facilement selon son inclination naturelle, & pour ce, pendant que les plus grands & plus sages de son Royaume & de son Conseil, luy proposoient de se marier pour son repos, celuy de cēt Estat, & pour son contentement particulier, en luy faisant sçauoir & cognoistre les plus grandes & belles Princesses qui fussent lors en la Chrestienté sortables à sa grandeur; d'autres personnes plus familières de sa Majesté luy remirent en l'esprit de refaire vne autre Maistresse, qu'il choisiroit à son plaisir, parmy les plus belles Dames de son Royaume, pour en auoir plus promptement des enfans, car ils sçauoient bien que c'estoit son principal desir

desir & dessein; & ainsi ce Prince agité de deux costez, & tousiours en mesme passion pour se complaire à luy-mesme, & complaire aussi aux vns & aux autres, se seruit des deux conseils susdits, & pour contenter les plus sages tesmoins, qu'entre toutes les Princesses qui luy estoient proposées, son inclination le portoit vers la Princesse de Florence, Marie de Medicis, comme douée de toutes les beautez, merites & qualitez conuenables à vne grande Reine, & trouua bon que l'on commençast à parler & conduire cette affaire à sa perfection; & d'autre costé pour continuer ses plaisirs amoureux, cōmença à affectionner Mademoiselle d'Antragues, Henriette de Bassac, fille du sieur d'Antragues, Cheualier de l'Ordre, & de Marie..... sa femme, de bon lieu, de la ville d'Orleans, qui auoit autrefois esté Maistresse du Roy Charles IX. & mere du sieur Comte d'Auuergne, Bastard dudit Roy, lequel apres l'auoir assez longuement aimée, la fit espouser audit sieur d'Antragues qu'il aduança depuis en cette consideration; laquelle Damoselle estoit renuë pour yne des belles filles qui fut lors; & vray semblablement plus facile à voir & engager cette amour du Roy, en imitant sa mere, outre que les grandes faueurs & aduantages que sa Majesté auoit faites, & voulut faire pour la feu Duchesse, attiroient à mesmes esperances toutes sortes de beautez, & pouuoient aisément vaincre toute resolution contraire.

En mesme temps donc l'on voit les dispositions & preparatifs pour ledit mariage, & le Roy s'embarquer peu à peu & bien auant en cette nouuelle affection d'amour; car pendant que l'on fait vne recharge prompte & expresse à M<sup>rs</sup>ieur de Sillery qui estoit allé en Ambas-

fade à Rome pour poursuiure & obtenir avec le consentement de la Reine Marguerite, la dissolution du mariage du Roy avec elle, comme ayant esté fait sans leur mutuel consentement, & sans dispense valable de leur consanguinité, à laquelle cassation de mariage, le Pape apportoit de grandes difficultez & longueurs, & n'y auoit iamais voulu condescendre, ny interposer son autorité, tant que la Duchesse auoit vescu, sçachant bien que le Roy la vouloit espouser, & que cela causeroit de grands maux & perils à cet Estat; dont le Pape qui estoit Clement VIII. comme tres-bon Pere, prenoit vn soing particulier; tellement qu'il falloit que ledit sieur de Sillery l'assurast que l'intention du Roy estoit de demander & espouser la Princesse de Florence, afin d'auoir lignée legitime, pour le bien & repos de cet Estat: Sa Sainteté sçachant cela se porta aussi tost à consentir à la dissolution du premier mariage, & y apposa son autorité, & de l'Eglise, avec les formes necessaires, & ainsi peu de temps apres ledit sieur de Sillery donna assurance de la dissolution dudit mariage, avec liberté au Roy de se remarier; ledit sieur de Sillery fut chargé de le faire quant & quand, avec le bon aduis de sa Sainteté, de faire du costé de Florence tout ce qui seroit necessaire, pour pouruoir audit mariage, à l'aduancement duquel chacun s'affectionnoit d'autant plus, que nous # voyons le Roy ne s'y porter que froidement, & se laisser insensiblement emporter à cette nouvelle amour; car ce n'estoit plus que courses & voyages, tant de sa Majesté que de ceux qu'il employoit à ses plaisirs, vers cette nouvelle Maistresse, tantost à Paris de Fontainebleau, où nous estions, tantost de Marcouffis, & tantost à Males-



herbes ; & pendant qu'il iouïssoit desdites nouvelles amours , il me commanda de l'aller attendre avec son Conseil à Orleans, faisant dessein de passer le reste de l'Esté à Blois, à cause qu'il auoit acheté & donné à ladite Damoiselle d'Antragues la terre de Bois-lancy, où il la faisoit venir pour la retirer des mains de seldits pere & mere, & la posséder, celuy sembloir, plus à son aise; & elle prenant aduantage de l'affection extrême que luy portoit le Roy, ne manqua pas d'artifice & d'industrie pour s'en preualoir.

Pendant donc que le Roy passoit son temps à Mallesherbes, ie m'en allay avec tout le Conseil & la Chancellerie droit à Orleans, vers le commencement du mois de Iuillet, & y demeuray avec peu de ceux dudit Conseil, chacun ayant esté bien aise d'aller pour quelque temps se pourmener chez soy ; & estant là, me voyant assez de repos, & de loisir, considerant à par moy maintes fois l'estat des choses du monde, & apres de ma maison particuliere, ie me resolus de me dépouiller, & de me départir de tout ce qui pouuoit troubler mon repos & mon humeur pour le reste de ma vie ; & parce que ie iugeay bien qu'il n'y auoit plus rien qui m'y peust faire de tort, que la trop grande frequentation & liberté, que ie permettois à quelques vns, qui en abusoient, i'arrestay en moy-mesme de me separer tout doucement ; & sans esclat d'auceux, en leur conseruant mon amitié, & la bonne foy en tout, & me voyant vieil, & craignant quelque reuers de la fortune, ie pris resolution de me deffaire des Sceaux, entre les mains de Monsieur de Maisse, que i'en recognoissois tres-di-

gne & capable, & lequel estant mon parent & de mesme nom, seroit plus obligé que tout autre, de me deferrer en tout, pendant ma vie; & à auoir soing de mes enfans & de ma maison apres ma mort, aduoüant que ie commençay à me lasser du trauail du monde & de la Cour, & que ie seray bien aise dorefnauant d'y pouuoir reuenir avec honneur & dignité de ma charge de Chancelier quand ie le voudray, ou que les occasions du seruice du Roy m'y appelleront; mais d'y estre perpetuellement attaché comme i'ay tousiours esté depuis quarante ans, c'est chose que ie ne puis plus faire: En suite de cette resolution, m'estant ouuert de mon dessein audit sieur de Maïsse, & luy ayant receu & embrassé avec toute sorte de tesmoignage de ressentiment & d'obligation enuers moy & les miens, il s'accommoda à tout ce que ie peus desirer de luy.

Sur la fin dudit mois de Iuillet, le Roy me manda que ie m'aduançasse à Blois, & qu'il alloit pour quelques iours à Bois-Iancy, surquoy ie me despeschay, pour le supplier de me permettre d'aller iusques à ma maison de Cheuerny, où il y auoit fort long temps que ie n'auois esté, pour me rendre au mesme temps que sa Majesté audit Blois; ce qu'elle trouua bon, tellement qu'on dit fils de Pont-Leuoy, estant arriué à Orleans près de moy, & luy ayant déclaré tout ce que i'estois resolu de faire, & ce que ie voulois qu'il fist, à quoy ie le trouuay tres-disposé.

Voila où finissent toutes les minutres & memoires qui se sont trouuez parmy les meilleurs papiers de mondit sieur le Chancelier, estant croyable par l'escriure

plus récente de sa main , qu'il y auoit adiousté pendant son sejour à Orleans, tout ce qui est cy-dessus; depuis la mort de Madame la Duchesse de Beaufort , comme à toutes occasions qu'il auoit quelque loisir, il ne mâquoit iamais à continuer & poursuiure lesdits memoires ; lesquels estant apres la mort dudit Chancelier , demeurez és mains dudit sieur de Pont-Leuoy, avec sa bibliothèque , & infinis autres excellents papiers , ledit sieur de Pont-Leuoy, ne les voulât laisser imparfaits, pour le peu qui reste, d'adiouster iusques à la mort dudit sieur Chancelier à poursuiure le discours de sa vie, & de sadite mort inopinée & regrettable, ainsi qu'il s'ensuit.





## SVITTE ET FIN DE LA VIE DE

*mondit sieur le Chancelier de Cheuerny, fidellement ad-  
ioustée icy au bout de ces Memoires par Monsieur  
l'Abbé de Pont-Leuoy son second fils*



PRES que Dieu m'eut tant fortuné que de prendre & appeller à soy Monsieur le Chancelier mon pere, l'impitoyable mort qui ne pardonne à personne, nous l'ayant inopinément rauy, & que ie me vis priué pour iamais de l'honneur & du contentement de sa presence, & du profit que ie commençois à y recevoir, de sa bonne, iuste & prudente instruction, apres auoir donné aux sanglots & aux larmes le temps deu & necessaire à si extrême douleur, de laquelle i'auois ressenty les effects plus viuement qu'aucun autre, tant pour ce qu'il expira entre mes bras, que parce qu'il comméçoit alors à me recognoistre & m'aimer, & à m'employer pres de luy, plus qu'il n'auoit iamais fait aucun autre de ses enfans; pendant que nous donnions ordre, mon frere aîné & moy, avec les principaux seruiteurs de nostre maison, aux affaires plus pressées d'icelle, comme il n'y en a tousiours quetrop en si mal-heureux & funeste accidét, nous trouualmes parmy les principaux papiers dudit sieur le Chancelier, vne partie des derniers Memoires de sa vie, tous escrits de sa main; lesquels ie serray pour les reprendre & remettre avec les autres, qui se trouuerent à mesme sujet dans sa Bibliotheque à Esclimont, laquelle par sa volonté me deuoit demeurer; ce

qu'estant depuis fait, & tous rassemblez, & fidellement transcripts, comme dessus, pour ne laisser imparfait le recit entier de sa vie, & satisfaire aux commandemens expres qu'il m'en fit, ie fus contraint & obligé d'adiouster icy ce discours deplorable de sa mort, dont le souvenir douloureux, me fait & me fera incessamment fondre en larmes, pour auoir perdu avec luy tout l'honneur & bon-heur de nostre maison, & pour mon particulier tout ce que ie me pouuois promettre de grandeur & de fortune au monde.

Or neantmoins pour satisfaire à son intention, & à mon deuoir, i'asseuray premierement que tout ce qui est escrit cy-dessus, a esté veritablement pris & transcrit sur infinis broüillons & memoires que i'ay trouuez & ramassez, escrits de la main dudit sieur Chancelier, n'ayant rien de changénny adiousté, que quelques mots pour la liaïson du discours, & pour plus claire explication d'iceluy, en d'autres endroits qu'il n'auoit eu le loisir de redire & expliquer selon son intention; parce que pour dresser leldits memoires il n'auoit aucun temps <sup>xs</sup> que celuy qu'il dérobbait à son repos de la nuict, estant incessamment, comme il estoit occupé en sa charge, pour les affaires du Roy & de l'Estat; & ainsi i'ay trouué grand nombre d'articles ausdits memoires faits à plusieurs fois, selon le loisir & commodité qu'il en pouuoit auoir, & apres cela pour paracheuer le discours de la vie, ie diray que comme ledit sieur Chancelier eut obtenu son congé du Roy, d'aller iusques à Cheuerny; il partit d'Orleans le 25. de Iuillet, & alla coucher à Bois-lancy, & le lendemain se mit par eau avec quelque musique, & se fit descendre avec grand plaisir iusques à sa maison de

Cour sur Loire, sur le bord de la riuere, où il disna & passa la chaleur du iour, iusques sur le soir qu'il s'en alla coucher à Cheuerny, & arriuant audit Cheuerny, & trouuant que l'on luy auoit fait changer vn vieil liêt pour en remettre vn plus beau en sa place, il se fascha contre ma belle-sœur, la Comtesse de Cheuerny, qui auoit pensé bien faire, & voulut que l'on remist son vieil liêt, avec la vieille tapisserie en ladite chambre, qui est belle, proche la petite salle du costé du parterre vers l'Eglise, qu'il n'a iamais voulu changer ny se seruir = d'autre liêt & meubles que ceux-là; disant qu'il les aimoit plus que tous les plus beaux qui estoient en sa maison, comme luy ayans seruy à sa naissance & durant toute sa vie.

Tout le lendemain ledit sieur Chancelier le passa à voir & prendre son plaisir de sa maison par le dedans, où il resolut quelques accommodemēs nouueaux, & force allées dedans son parc, & sur le soir, allant iusques à La-uault, resolut & marchâda de la faire abbatre; disant que ç'auoit tousiours esté son dessein dès qu'il l'acheta, & qu'il ne vouloit laisser cette maison forte, bien que petite & proche de celle de Cheuerny, afin qu'elle ne seruist vn iour de retraite & sujet de folies, & diuisions entre ceux de sa maison; & estant retourné le soir audit Cheuerny, il y trouua force Noblesse du pais, qui l'estoient venu visiter, comme ce ne fut autre chose toute la iournée du iour suiuant, & iamais ne l'auoit-on veu plus gay, & en apparence plus content, receuant plus courtoisement & obligeant plus que iamais vn chacun, & traittant avec nous tous de sa maison, avec plus de priuauté, & plus de douceur qu'il n'auoit iamais fait.

Après

Après ces iours ainsi heureusement passez, celuy du commencement de nostre mal-heur arriua, qui fut vn Mardy 17. Iuillet 1599. auquel ledit sieur Chancelier voulut sur le soir apres la chaleur passée, s'aller pourmener en plusieurs iolies maisons dependantes dudit Cheuerny, à deux lieuës, ou enuiron d'iceluy, pour voir l'estat d'icelles, & ordonner à la reparation des vnes, & demolition des autres, ainsi qu'il auoit de long-temps proposé; & pource s'estât dérobbé de tout le monde, commanda que l'on luy amenast son carosse, où il monta luy cinquiesme, & ne voulut estre suiuy que de ses Laquais & de quelques Officiers & Receueurs desdites maisons qui estoient à cheual, ayant laissé mon frere de Cheuerny & sa femme, pour entretenir ceux qui l'estoient venus voir, voulant en bon pere de famille mesnager le peu de temps & de liberté qu'il auoit, & apporter par sa presence quelque accommodation à sa maison, comme peuuent faire les personnes de cette qualité, tousiours sujets & attachez aux affaires publiques, quand ils ont le moyen de se voir chez eux.

Orie ne puis oublier, qu'ayant ledit sieur Chancelier esté toute sa vie infiniment bien composé en toutes les parties de son corps, soit interieures, soit exterieures, il n'y auoit rien qui ne peust faire esperer en luy vne parfaite santé & longue vie, s'il n'eust esté affligé d'une mal-heureuse hargne & descente de boyaux dans les bourses, dont il auoit esté incommodé dès sa jeunesse; & neantmoins de telle sorte qu'elle ne l'auoit iamais empesché d'aucunes de ses fonctions naturelles, ny destourner de ses exercices ordinaires, mesme de courir la poste, & faire autres choses violètes quand il en auoit est besoin; mais

comme l'âge & la continuë emportent tout , au lieu de  
 \* soulager sa vieillesse par vne bonne litiere selon sa qua-  
 lité, ainsi que chacun luy auoit conseillé, ou bien contri-  
 nuer à aller par la campagne dans de bons coches qui al-  
 loient fort doucement, comme il s'en estoit tousiours  
 seruy durant sa vie : il auoit quelque peu auparauant fait  
 faire vn beau & grand carosse à la mode du temps, dou-  
 blé de velours cramoisi, magnifiquement doré ; bien  
 qu'il ne s'en peust seruir que par les champs, parce qu'à  
 Paris il alloit tousiours à pied au Louure par le Cloistre  
 de saint Germain, son logis en estant proche ; & en  
 \* toutes les maisons du Roy il estoit logé dedans, & fut ce  
 / maudit carosse cause de nostre mal-heur, comme s'en-  
 suit : s'estant donc ledit sieur Chancelier mis dans ledit  
 carosse, ledit iour de Mardy sur les quatre à cinq heures  
 du soir, il me commanda d'y entrer avec luy à la portiere  
 à main droite, & aupres de moy le sieur de la Guitiniere  
 son Maistre d'Hostel, & fit mettre à l'autre portiere le  
 sieur Charon, qui manioit ses principales affaires, & le  
 ieune Bagneaux, l'vn deses Secretaires, luy ayant pris sa  
 place seul au fond dudit carosse ; & ainsi alla de Cheuer-  
 ny à vne assez iolie maison, nommée Laulnay, qui en est  
 à vne lieuë, & en laquelle il y a vne tres-belle fontaine, de  
 l'eau de laquelle nous nous mismes tous à boire à plaisir,  
 selon la saison ; pendant que ledit sieur Chancelier  
 voyoit & ordonnoit, ce qui luy plaisoit en ladite maison,  
 & reuenant à nous, voulut aussi boire de certe belle  
 eau, avec plus de gayeté & tesmoignage de santé, qu'il  
 # n'en auoit fait paroistre de dix ans, puis estans remontez  
 en carosse, il commanda que l'on nous menast à vne  
 autre maison, distante de là enuiron d'vn quart de lieuë



& comme tous les Laquais suiuaus, & valets indiscrets, cherchent tousiours le plus court, sans aduiser le plus seur & meilleur, l'on conduit le carosse en biaisant au trauers d'une petite campagne labourée; & comme c'est l'ordinaire du pais de tenir les sillons des terres labourées fort creux, & quasi comme de petites fosses, ledit carosse tiré brusquement par quatre cheuaux au trauers desdits sillons, & encore en biais sur iceux, tout en desordre, cette sorte de violente agitation inopinée, causa par extrême mal-heur la rupture d'une vaine, dans le corps dudit sieur Chancelier, dont le sang commença au mesme temps à couler & tomber avec les boyaux, dans la partie & bourse offensée; nonobstant le brayer & bandage ordinaire qu'il portoit; tellement que sentant cette douleur tout d'un coup, il s'appuya des deux mains sur nos espauls, dudit sieur Charon & moy, comme estans les plus proches de luy, & en mesme temps se laissa couler & tomber sur ses genoux, entre nous deux, dans le milieu du carosse; criant deux ou trois fois que l'on le fist promptement arrester, ce qui fut fait aussitost; mais tousiours trop tard, puisque l'inconuenient en estoit desia arriué; apres ledit sieur dissimulant le mal qu'il ressentoit, & disoit que ce n'estoit rien, ne voulut laisser de poursuiure son chemin, seulement cōmanda que le cocher allast plus doucement, & prist le long des sillons; & ainsi acheua d'aller à deux ou trois autres maisons, qu'il auoit fait dessein de voir, sans faire aucune demonstration qu'il se trouuaist mal, & reuint à la nuit soupper & coucher à Cheuerny; comme si cela n'eust point esté: mais au contraire le soir en se retirant, commanda audit sieur de la Guinière d'enuoyer le len-

demain les Officiers porter son dîner à vne terre qu'il auoit, & qu'il vouloit aussi voir à quatre lieues de Cheuerny, & à nous quatre de nous tenir prests à cinq heures du matin pour le suiure & accompagner; tellement que nous estimions tous qu'il se portast le mieux du monde.

Ledit lendemain Mercredy matin 18. Iuillet 1599. chacun de nous s'estant leué de bon matin, ie me rendis à la chambre dudit sieur Chancelier, l'un des premiers, & le trouuant encore dans le liët, il me dit qu'il n'auoit pas bien reposé la nuit, à cause d'un meschant chien, qui s'estoit coulé le soir precedent souz son liët, & auoit hurlé plusieurs fois la nuit, & l'auoit reueillé; ayant mieux aimé que son valet de Châbre l'y eust laissé, que de faire un plus grand bruit, comme ils auoient fait pour l'en sortir; apres il me commanda d'aller déjeuner avec les autres qui deuoient venir avec luy, pendant qu'il se leueroit & habilleroit, ce que nous allasmes faire, & estans retournez à sa chambre nous le trouuasmes qu'il auoit ses mains assis dans sa chaire, contre sa coustume, & ce fut lors que Robert Lucas son Apothicaire & valet de chambre, commença à juger qu'il estoit saisi de quelque extra-ordinaire indisposition; neantmoins parlant à nous comme il faisoit d'ordinaire, & s'estant acheué d'habiller, comme l'on luy mettoit son cordon bleu du saint Esprit; il s'estendit de luy mesme le ventre, & passant sa main par dessus, avec quelque changement de son visage il nous dit à tous: Attendez moy, ie reuiens, & entra dans sa garderobbe avec ledit Lucas son Apothicaire, auquel mesme il cachoit & dissimuloit son mal, & la verité de la cause d'iceluy; lors estant reuenu peu à

peu dans sadite chambre, beaucoup plus passe & changé que deuant, il nous dit: le me trouue mal & ressens de fortes tranchées dans le ventre, & n'ay quasi point dormy cette nuit; & pour ceie m'en vay me remettre au liét, & prendray vn clystere, & apres tascheray de reposer; tellement que nostre partie sera remise à vn autre iuur, allez vous-en vous tous, ou vous coucher, ou vous pourmener; & vous la Guitiniere renuoyez moy querir mes Officiers.

Ledit sieur Chancelier, s'estant apres cela recouché, & demeuré seul avec ses valets de chambre, commanda audit Lucas son Apothicaire, de luy preparer & depescher vn clystere, pour le soulager desdites tranchées; & ledit Lucas se desfiât de ce que c'estoit, & qu'il auoit toujours apprehendé; le supplia par plusieurs fois de luy declarer plus particulièrement son mal, & mettre sa main dessus, pour en pouuoit mieux iuger & y remedier; ce que iamais ledit sieur ne voulut faire, & luy dit seulement qu'il ressentoit de grandes douleurs dans tout le ventre, & croyoit qu'un bon clystere y suffiroit; car il estimoit que sans se communiquer à personne, estant seulement couché, il pourroit luy seul aisément remonter ce qu'il voyoit bien estre trop deualé dans ses bourses; estant en cela trop retenu & trop vergongneux en chose si importante & salutaire, & cette discretion fut assurément la cause de sa mort; car s'il eust voulu faire cognoistre à son Apothicaire, qui luy estoit tres-fidele & affectionné, la verité de son mal, il estoit encore aisé, commel'on ont depuis assuré les Medecins, de faire mettre son corps en telle assiette, qu'avec des fomentations & viures doux, l'on pouuoit peu à peu faire remonter

dans le corps , ce qui en estoit fortý , & commençoit desia à se corrompre dans lesdites bourfes : mais au lieu de se declarer , il voulut prendre ledit clystere qui estoit lors du tout contraire à sa guerison , parce que l'ayant receu , la pluspart d'iceluy se coula par les boyaux dans lesdites bourfes , & les renstant de beaucoup , y demeura avec le sang , & autres pourritures qui s'y estoient ja formees ; tellement que quand ledit Lucas vit qu'il tardoit plus que de coustume à rédre ledit clystere , & qu'en fin il ne le rendoit entierement , ce fut lors que sa premiere crainte & apprehension se commença à tourner en creance de quelque mal & accident , non commun , & pour ce redoubla ses tres-humbles supplications à mondit sieur le Chancelier , à cẽ qu'il luy pleust de ne se cacher de luy , & de luy dire franchement sa maladie , comme à son fidele seruiteur , ce qu'il ne pũt iamais obtenir.

La matinée dudit Mercredy estant passée de cette façon , sur les deux heures d'icelle , Monsieur de Rosny , qui a depuis esté Duc de Sully , & en grande autorité aux Finances & faueur près du Roy , & lequel alors commençoit de servir ausdites Finances , s'estant quelques iours deuant raccommode avec ledit sieur Chancelier d'une broüillerie assez aigre , qu'ils auoient eue au Conseil du Roy , où desia ledit sieur de Rosny s'en vouloit trop faire accroire ; & ne sçachant non plus que personne , rien de cette maladie dudit sieur Chancelier , le vint voir & visiter en sa maison de Cheuerny , par compliment , & l'ayant trouué au liẽt , ledit sieur l'assurant que ce n'estoit riẽ , il ne laissa del'entretenir à son cheuet duliẽt près de deux heures , de toutes les affaires du mon-

de, ainsi qu'il eussent peu faire en bonne santé; & n'eust esté qu'il ressentoit delia trop d'incommodité, il estoit si courtois & officieux en tout, qu'il se vouloit leuer pour aller dîner à la salle avec ledit sieur de Rosny; mais son Apothicaire l'en empescha, & ledit sieur de Rosny aussi, tellement que mon frere de Cheuerny & moy eusmes commandement de le mener dîner, & faire l'honneur de la maison; ce que nous fîmes le mieux que nous pûmes, entretenans & promenans ledit sieur de Rosny par tout, iusques sur les deux heures apres midy, qu'il retourna voir ledit sieur Chancelier, causa encore longuement avec luy, & puis prist congé, & s'en retourna à Blois, où toute la Cour se rendoit, le Roy y deuant arriuer deux ou trois iours apres.

Aussi tost que ledit sieur de Rosny fut party, & comme nous le conduisions, ledit sieur Chancelier me fit appeller, & apprehendant infiniment, comme il me le dit, que Madame de Sourdis, aduertie de son mal, ne le vinst trouuer & importuner, ie puis dire le mot; car il me le repeta plusieurs fois, & me commanda d'escrire à ladite Dame, comme de moy, que ce n'estoit rien que l'indisposition & desuoyement ordinaire dudit sieur, & qu'elle ne s'en mist point en peine, & me dicta luy-mesme la lettre, puis en fit escrire vne de mesme par la Guiniere, & luy commanda de la luy enuoyer par son Laquais, comme s'il n'en eust rien sceu.

Sur les cinq heures du soir dudit Mercredy, comme nous voyons mon frere & moy iouer à la paulme, quelqu'un de la maison, dans la basse-court dudit Cheuerny, ledit Lucas Apothicaire y venant, & luy demandant ce que faisoit Monsieur, & comme il se portoit, il

ne respondit rien, & me fit signe qu'il desiroit me dire quelque chose, pour à quoy satisfaire m'estant tiré à part aussi tost que i'entendis les premieres paroles, i'appellay mon dit frere; afin qu'il nous dist à tous deux ensemble ce qu'il nous desiroit faire sçauoir, qui estoit qu'estant tres-affectionné seruiteur; & voyant à toute heure quelques changemens nouveaux, avec des voimismens & autres fascheux accidents, non accoustumez audit sieur Chancelier, il voyoit estre obligé, pluost que plus tard de nous en donner aduis, pour n'estre accusé d'aucuns manquemens, presomptions, ou negligences en choses si importantes; que l'estat de cette maladie estoit du tout extra-ordinaire & à luy incognüe, bien qu'il eust fait tout son possible pour en sçauoir dauantage, & en tirer la verité dudit sieur Chancelier; que pour sa descharge, il nous supplioit de commander & d'enuoyer en toute diligence querir quelques Medecins, afin d'y apporter les remedes possibles, iugeant pour luy plus de mal que de bien de cette maladie, pour les fascheux signes & apparences qu'il voyoit en icelle. Chacun peut penser si cette triste & cruelle nouuelle nous apporta à mon frere & à moy beaucoup d'estonnement & de douleur; & neantmoins prenans resolution dans la necessité, nous resoluismes sans faire paroistre nostre effroy à personne, ny mesme audit sieur Chancelier, d'enuoyer en toute diligence chercher les meilleurs & plus proches Medecins que l'on pourroit trouuer; & pour ce au mesme temps de despatcher deux Courriers, l'un vers la Reine Louïse qui estoit lors à Chenonceau, pour la supplier tres-humblement de vouloir nous enuoyer Monsieur de Lorme son Medecin, que nous sçauons que ledit sieur Chan-

celier

celier cognoissoit de longue main, & estimoit beaucoup; l'autre à Tours querir Monsieur Falsan qui y demouroit, & y estoit grandement estimé; lesquels Medecins ne manquerent de partir aussi tost qu'ils eurent receu nos lettres, chacun de leur costé: mais quelques diligences qu'ils peussent faire, ils ne peurent arriuer à Cheuerny que le lendemain sur le soir, qui estoit le leu-  
dy 29. dudit mois de Iuillet; tellement qu'ils arriuerent inutilement & trop tard, comme ie ditay cy-apres.

Après ces depelches faites, ledit Mercredy au soir nous aduisasmes mon frere & moy, de nous tenir incessamment tous deux, ou pour le moins vn auprès dudit sieur Chancelier nostre Pere, pour luy rendre & faire rendre tous les seruices, à quoy nostre deuoir naturel & nostre iuste ressentiment nous pouuoient obliger; mais mondit frere encore plus que moy, comme aîné, à rendre mille sortes de soings ailleurs, n'y pouuant satisfaire, ie m'attachay à cette obligation & deuoir, & me rendis si sujet auprès de luy que ie ne voulois plus quasi sortir de sa chambre, pouuant assurer avec toute verité que ie ressentis si viuement l'apprehension de son mal, & apprehendois tellement le mauuais succès d'iceluy, que cent & cent fois priant Dieu de me le pardonner, ie souhaittay de pouoir mourir pour luy, afin que sa vie luy fust conseruée, que ie scauois bien estre veile & necessaire, non seulement à nostre famille, mais au bien & repos de cet Estat.

Comme mon frere & moy fusmes retournez en la chambre dudit sieur Chancelier, ledit Mercredy sur le soir, il se mit à parler avec nous de toutes choses indifferentes, comme s'il eust esté en pleine santé; puis s'appro-

chant l'heure du soupper, ne cognoissant la grandeur  
 # de son mal, ou le dissimulant, il voulut se leuer & soup-  
 per sur la table de sadite chambre, quelque chose con-  
 traire que luy peust dire son Apothicaire, & estant à  
 moitié habillé avec vne robbe de chambre, & son chap-  
 peau, se mit dans sa chaire & souppa à ladite table, &  
 mangea assez bien, mon frere, la femme & moy y estans,  
 avec les principatix, & quasi tous ceux de sa maison;  
 lesquels desia malgré nous auoient conceu la mesme  
 peur dudit mal que nous auions. Pendant son soupper  
 il commanda à la ..... son Pouruoyeur, d'aller le len-  
 demain prendre & faire son logis à Blois; tant dans le  
 Chasteau pour sa personne, que dans son logis de la bas-  
 se-court où il vouloit seeller, que celuy d'embas pour sa  
 suite & ce qui estoit necessaire; parlant de tout cela avec  
 vne façon & esprit esloigné du tout de la cognoissance  
 de son mal; apres son soupper il causa assez longuement  
 avec nous tous, puis pressé par sondit Apothicaire, se  
 remyt dans le liect; en nous commandant absolument à  
 tous que chacun se retirast, disant pour nous y conuier  
 qu'il sentoit qu'il alloit bien dormir; & par obeïssance,  
 & en cette bonne creance, mon frere & la pluspart de  
 ceux de la maison se retirèrent; pour moy qui desirois ne  
 # le point abandonner, ie luy dis que ie ne pouuois si tost  
 = dormir, & que nous allions iouer à la prime Monsieur  
 Charon, moy, & la Guitiniere, ce qu'il trouua bon,  
 & souz ce pretexte nous demeurasmes en la petite salle,  
 proche & devant sa chambre la plus grande part de la  
 nuict, avec les plus affectionnez seruiteurs de la maison,  
 pour estre plus prests à seruir, s'il en estoit besoing; &  
 ainsi ayant laissé ledit sieur Chancelier seul avec son Apo-



thicaire; & autres valets de chambre, il passa la nuit sans quasi se plaindre seulement, car il estoit infiniment retenu & patient, mais non sans douleur, ayant aduoué le lendemain matin qu'il n'auoit aucunement reposé, ains endure infinis maux dans le petit ventre, avec tres-grandes & fascheuses inquietudes; & neantmoins il est certain que sondit Apothicaire, qui estoit vn gentil garçon & capable, nous assura tousiours qu'il n'auoit que fort peu de fièvre, qui est vne chose quasi incroyable en tels maux, & en tel âge.

La iournée du lendemain leudy 29. Iuillet 1599. se passa quasi tout ainsi que les précédentes, excepté que comme la pourriture & la cangrenne s'augmenterent dans les parties offensées, l'on voyoit aussi peu à peu changer de visage & diminuer les forces dudit sieur Chancelier, c'est à dire pour le corps; car pour celles de l'esprit, il les a tousiours conseruees pareilles, iusques au dernier soupir de sa vie. Il voulut encores ledit iour dîner & soupper hors du liét, comme le iour precedent, avec ceux de sa maison & quelques Gentils-hommes du pais qui l'estoient venus voir; pendant son repos & durant ladite iournée, tout ce que ledit Apothicaire pût faire, attendant la venue des Medecins, fut de luy faire prendre artificieusement, & sans luy dire pourquoy, quelques remedes propres à fortifier le cœur, & les parties nobles, en repoussant le venin qui pourroit y estre; car quelques vns craignoient qu'il y eust quelque poison en cernal, & ledit Apothicaire n'en pouuoit rien dire, n'ayât iamais peu descouurir la vraye cause d'un tel mal.

Sur les cinq à six heures du soir du leudy, arriuerent à Cheuerny lesdits Medecins de Lorme & Faisan à deux

heures l'un de l'autre, & aussi tost mon frere & moy les ayans receus & grandement remerciez de leur bon secours & assistance en telle necessité, nous leur fismes entendre & rapporter par ledit Lucas Apothicaire, l'estat de la maladie dudit sieur Chancelier, & les doutes & grandes apprehensions que nous en auions; & estant apres cela necessaire que lesdits Medecins le vissent, pour en mieux iuger, en la crainte que chacun auoit que leur mine & veüe luy apportast quelque frayeur, & peut-estre vn redoublement de sa fièvre, lesdits Medecins n'ayans esté mandez par son commandement, il fut aduisé qu'il luy falloit faire trouuer bon leur venue, & la desguiser, en sorte qu'il l'eust agreable, mon frere ne voulut se charger de cela, ie fus contraint de l'entreprendre comme estant lors plus ordinaire, & mieux que personne apres de luy, & pour ce ie me hazarday & assez doucement sans l'effrayer, ie luy fis entendre que la Reine Louïse, que i'escauois bien qu'il honoroit beaucoup, ayant sçeu qu'il estoit chez luy, & qu'il s'y estoit trouué mal, luy auoit despesché Monsieur de Loime son premier Medecin, qu'il cognoissoit de long-temps, pour le venir visiter de sa part, ignorant vne forte maladie, & pour s'enquerir de ses nouuelles, dont il tesmoigna estre fort content, & obligé à la Reine, du fauorable soing qu'elle prenoit de luy; puis ie luy adioustay qu'il sembloit que # Dieu, soigneux de sa conseruation & de sa santé luy eust enuoyé par heureuse rencontre, encore vn autre excellent Medecin, en mesme temps que Monsieur Falsifan venant de Tours à Blois voir ses amis à l'arriuee de la Cour, & particulierement luy ayant appris à deux lieues de là qu'il estoit à Cheuerny & indisposé, s'estoit de-

stourné pour le venir saluer, & luy offrir son tres-humble seruite, & luy dit cela comme sans aucun dessein premedité, & si doucement que Dieu mercy il l'eut agreable; & me dit qu'il estoit bien aise qu'ils se fussent rencontrés ainsi tous deux ensemble, les estimans grandement l'un & l'autre, & leur profession; & ainsi me commanda de les luy amener, ce que ie fis aussitost, & lesdits Medecins le saluerent, & le trouuerent assis dans vne chaire deuant sa table, qu'il venoit d'acheuer de soupper.

Après les premiers compliments faits par lesdits Medecins, & leurs discours rapportant à ce que j'auois dit, ledit sieur Chancelier leur fit bailler des sieges près de luy, & commença de les entretenir avec la façon ordinaire, de toutes les choses du monde, & de la Cour, comme s'il eust esté en pleine santé, enfin ledit sieur de Lorme plus franc & affectionné, & qui en auoit fait vn mauuais iugement dès l'abord, commença peu à peu à faire tóber leurs discours sur la diuersité des maladies; & puis sur celle dudit sieur Chancelier, lequel lors en parla, comme d'une fort legere indisposition; ce que voyans lesdits Medecins, & qu'ils ne pouuoient esperer de tirer dauantage d'esclaircissement par sa bouche, ils luy persuaderent doucement qu'il seroit micux dans son lit; & après qu'il fut couché le presserent avec tous les deuoirs & respects du monde, de leur declarer & leur monstrier le lieu où il ressentoit ses grandes douleurs, qu'il disoit auoir vers le petit ventre; & ce disant commencerent l'un après l'autre, avec ledit Apothicaire à le taster & toucher aux parties basses, où ils recognurent que les bourfes estoient par trop enflées, & l'ayant tous

trois grandement pressé; sur cela les forces du mal qui le pressoit desia trop, & à la verité le contraignirent à leur aduoüer ce qui en estoit, & leur dire comme cela luy estoit arriué, en la façon cy-dessus descrite; mais il n'estoit plus temps, & iugerent que tous les remedes seroient inutiles, la cangrene estant desia formée dans les-  
# dites bourfes & boyaux, & de fait ils virent desia toutes les extremitez de son corps refroidis, & comme presque morts, & se considerant dauantage avec nous tous, nous vismes deslors son visage se changer, le nez si allongé, &  
# les yeux si esgarez, que chacun ne le pouuoit plus regarder sans foudre en larmes; lesdits Medecins ne laissoient pourtant, plus pour le contenter de l'apparence de quelques remedes, que pour l'esperance qu'ils eussent, qu'ils peussent profiter de luy ordonner de faire promptement appliquer esdites parties offensées des fomentations & epithemmes, qui eussent peu seruir au commen-  
# cement; & sur cel'ayant laissé avec son Apothicaire, & nous ayant commandé à mon frere & à moy de mener soupper lesdits Medecins, & les conduire en leur chambre, les ayant, apres estre partis de sa chambre, conuiez mon frere & moy de nous dire ce que nous pouuions esperer de ce mal, lesdits deux Medecins d'un mesme aduis & resolution, nous assurerent qu'il estoit impossible de  
# le sauuer, & qu'il s'estoit fait mourir luy-mesme, ayant { caché & dissimulé son mal; & que tous les remedes du monde y estoient lors inutiles, la cangrene ayant desia { gagné les parties nobles, & les extremitez de son corps estans ja comme morts; Dieu sçait quel coup & douleur nous receusmes, sur la prononciation d'un si cruel iugement, & ce que nous pûmes faire en l'extremité de ce

mal-heur, fut, apres auoir conduit & fait seruir à soupper ausdits Medecins dans leur chambre, de nous retirer chacun de nostre costé, & donner cours au torrent de nos larmes, qui bien que tres-grandes n'esgalloient neantmoins l'estime de nostre perte; puis qu'elle emportoit avec nostre pere, tres-bon & tres-excellent, tout le bon-heur, l'honneur & la gloire de nostre maison, & en mesme temps que nous, plus obligez, comme enfans, pleurions nostre infortune, tous ceux de la maison grands & petits pleuroient chacun leur misere, avec tels cris & telmoignages d'affection que les plus sages de tous, nous vindrent aduertir, mon frere & moy, que c'estoit trop pleurer, & que sans doute ledit sieur Chancelier entendât ces plaintes se feroit, de façon que cela pourroit aduancer sa mort; tellement que mon frere & moy essuyans nos visages, & faignans plus de resolution que nous n'en pouuions auoir en si extrême douleur, apres auoir fait taire tout le monde, & donner ordre aux portes du Chasteau que personne n'entrast & ne sortist sans nostre sçeu; il fallut que nous retournassions à la Chambre dudit sieur Chancelier, lequel seul sembloit ignorer sa mort prochaine, & nostre infortune tout ensemble.

Après que lesdits Medecins eurent souppé, ils retournerent à la chambre dudit sieur Chancelier, & voyans que tout ce qu'ils auoient essayé de faire demouroit inutile; & que tout ce qu'ils y pouuoient apporter eux-mêmes, ne seruoit de rien, ils se conformerent en leur premiere opinion; & sur des dix heures, ledit sieur Chancelier voulant qu'ils se retirassent, ils nous dirent en sortant que si Dieu ne faisoit quelque miracle pour la guari-

son dudit sieur, il ne seroit plus enuie dans vingt-quatre heures, & sur cela nous recommençâmes nos pleurs & nos cris plus que deuant; & de telle sorte que j'ay toujours creu que ledit sieur Chancelier les auoit entendus; & de fait vn peu apres que lesdits Medecins s'en furent allez, il dit qu'il vouloit reposer, & qu'il vouloit que chacun entierement se retirast, & pour moy i'estimay que c'est qu'il vouloit demeurer plus seul, & n'entendre lesdites plaintes & pleurs de ceux de sa maison, mon frere & moy le suppliasmes de trouuer bon que nous demeurassions encore quelque temps aupres de luy, dont il sembla se courroucer; tellement que mondit frere pour luy obeir s'en alla se coucher, & sa femme aussi n'estimans pas le danger estre si prompt; pour moy ie feignis d'en faire autant pour le contenter, mais au lieu de m'en aller ie me couchay sur le pauillon de la chambre, me tenant sur cette couchette sans dire mot, avec le sieur Charron, & le sieur de Chaunoy qui y demurerent avec moy; tout le reste de ceux de la maison s'estans retirez pour luy complaire, & n'estant demeuré ce luy sembloit que son Apothicaire, & ses autres valets de chambre près de luy.

Sur les deux heures apres minuiet nous entendismes ledit sieur Chancelier s'agiter & remuer dauantage dans son liect, qu'il n'auoit accoustumé, & mesme se plaindre par fois, beaucoup plus qu'il n'auoit fait iusques alors; aussi tost son Apothicaire s'estant approché, luy ayant parlé & tasté le poux, & recognut qu'il diminuoit grandement, ce que sçachans, nous tous approchâmes les vns apres les autres de son liect, & nous voyans là il se facha contre nous, de ce que nous ne nous estions allez  
coucher

coucher, disant que cela luy faisoit de la peine de nous  
 voir veiller près de luy, estimant comme il faisoit, que  
 # son mal ne seroit rien, bien qu'à la verité il ressentist de  
 tres-grandes douleurs par tout le corps; surquoy voyant  
 que nous auions l'occasion ouuerte de luy en faire reco-  
gnoistre le peril, ainsi que nous auions resolu de ne la  
negliger, aussi tost qu'elle s'offriroit, n'ayant, peu ie l'ad-  
uoué, auoir assez de resolution pour luy entamer vn si *13*  
fascheux discours, ny ledit sieur Charron non plus; ledit  
sieur de Chaunoy plus plein de courage & de force que  
 nous, en cette extremite, fit paroistre la vraye affection  
 & fidelité qu'il auoit tousiours portée au seruice dudit *14*  
 sieur Chancelier, estant vn de ses plus anciens & affe-  
 ctionnez seruiteurs; & ainsi n'estant plus à propos de  
 flatter & dissimuler en chose de telle consequence, où il  
 faut songer principalement au salut de l'ame, puis qu'on  
 se doutoit de la conseruation du corps; ledit sieur de  
 Chaunoy prenant la parole, dit audit sieur Chancelier  
 les paroles qui ensuiuent.

Monsieur; ce luy dit ledit Chaunoy, puis qu'il vous  
 plaist nous aduouër que vous ressentez de grandes dou-  
 leurs, & que nous voyons que vous ne iugez pas par  
 vous mesmes le grand peril où elles vous peuuent en fin  
 porter, & que voila Monsieur de Pont-Leuoy, vostre  
 fils, & Monsieur Charron cy présens, qui ne font & ne  
peuuent vous en dire ce qu'ils en pensent & redoutent,  
 comme moy, ie suis contrainct de prendre la hardiesse de *15*  
vous dire comme ayant eu l'honneur d'auoir esté nour-  
ry, esleué & formé de vostre main tres-fauorable, & re-  
ceu de vous infinis biens-faits toute ma vie, que ie tien-

drois maintenant blasmable pour iamais deuant Dieu & le mode, si à leur defect, n'ayant eu la force de le faire, ie n'vsois de la liberté respectueuse qu'il vous à pleu me donner depuis trente ans, que j'ay l'honneur d'estre à vostre seruice, afin de vous faire sçauoir & entendre veritablement ce que chacun apprehende de l'issüe de vostre mal; cela estant tres-important pour estre dauantage dissimulé, excusez moy Monsieur, si au grand deplaisir de tous les vostres, j'ose vous dire que vostre maladie est beaucoup plus grande que vous ne la dites, ou que vous ne l'estimez, & pour ce pardonnez à mon affection si ie m'aduançe tant que de vous dire, qu'apres auoir receu pendant le cours entier de vostre vie, tant de diuerses & grâdes graces de Dieu, & tousiours fait paroistre en toutes vos actiôs la grâde recognoissance que vous auez eüe de luy, en la conduite tres-prudente de vostre vie & de vostre fortune au monde, qu'il sembleroit à present que vous fussiez depourueu de cette mesme grace & assistance, & de tout iugement & raison, si vous ne recouriez à sa diuine bonté & misericorde, en l'estat incertain où nous vous voyons du succes de vostre maladie; ledit sieur Chancelier respondit aussi tost: Et quoy les Medecins desesperent-ils de mon mal? Non pas du tout, Monsieur; repliqua ledit Chaunoy; mais l'ayant vous ~~mesme~~ caché & dissimulé, ils le trouuent & iugent maintenant tel, qu'ils en craignent avec nous tous quelque mauuaise fin, ayans déclaré leur doute à Messieurs vos enfans & principaux seruiteurs, pendant qu'ils ne laissent d'apporter tous ce qu'ils peuuent par leur art & remede à vostre conseruation, afin que vous en puissiez



estre aduerty, & auoir plus de temps & de loisir à disposer de vostre conscience, & ordonner de vos affaires selon vostre prudence accoustumée, ainsi qu'il vous plaira; & en mesme temps ledit Chaunoy se iettant à genoux près ledit sieur Chancelier adiousta: Je vous demande, Monsieur, mille pardons, de la trop grande hardiesse que ie prens de vous dire telle chose; mais ie serois ce me semble à bon droit réputé le plus ingrat & infidelle seruiteur du monde, si ie ne m'efforçois de m'acquitter envers vous de ce iuste & infortuné deuoir, puis que nostre mal-heur & la necessité de vostre mal, nous y reduisent tous: Ledit sieur Chancelier luy dit fort doucement: Je vous sçais fort bon gré, Chaunoy, de ce que vous me dites, & de la vraye affection que vous me tesmoignez; mais comme ie sçay bien, & ne suis pas si malade ~~que~~ que vous dites, & que vous le croyez. Monsieur, ce luy respondit-il, ie louë Dieu & vous ay par trop d'obligation de ce que ie vois mes paroles & mon seruice ne vous estre desagrecable; & afin de vous confirmer la verité d'icelles, prenez la peine de vous toucher & taster vous mesmes par les extremittez de vostre corps, & ie m'assure que vous les trouuerez ja toutes froides, comme priuees de toute chaleur naturelle; & m'assure, ainsi que les Medecins nous l'ont dit, & que vostre Apothicaire que vous le peut encores tesmoigner, & faire mieux recognoistre; & comme au mesme instant ledit Apothicaire s'approcha, & eut confirmé cette mesme creance, alors ledit sieur Chancelier demeura vn assez long-temps sans respondre, ny parler; puis avec vne voix assez forte & resoluë, il dit: Tout est en la main de Dieu, & en sa dis-

position; ie l'ay tousiours trop craint, aimé & esperé en sa bonté & misericorde, pour maintenant n'estre resolu & disposé à sa volonté, pour y satisfaire; puis qu'ainsi est, laissez moy ie vous prie tous vn peu de temps en patience, afin que ie puisse mieux songer à ma conscience; & apres ces paroles proferées avec vne tres-grande constance & resolution, il se retourna de l'autre costé de son liét, laissant tous les assistans baignez en larmes, & comblez de douleurs, telles que peuuent produire cet triste object, en si deplorable & mal-heureuse attente.

Après que ledit sieur Chancelier eut ainsi demeuré sans dire mot, prés de trois quarts d'heure, il se retourna luy-mesme deuers sa ruelle, & demanda tout haut qui estoit là, & lors apres auoir essuyé le mieux que ie peus mes larmes, m'approchant & me presentant à luy, il me dit: Mon fils, donnez ordre, ie vous prie, que mon Aumosnier de Rennes vienne me confesser, & que l'on aduertisse le Prieur, Curé de Cheuerny, dem'apporter le sainct Sacrement apres ma Confession, voulant entierement me remettre entre les mains de Dieu, pour à quoy satisfaire ie fis incontinent entrer dans la chambre ledit sieur de Rennes, que de long temps ie faisois tenir tout prest dans la garderobbe, lequel approcha du liét dudit sieur Chancelier, qui fut & aussi tost reconnu par luy; Il luy dit; de Rennes, puis qu'il me faut mourir ie desire que ce soit en la grace de Dieu, & pour ce ie veux me confesser & receuoir mes Sacremens, côme vray penitent & enfant del'Eglise Catholique, Apostolique & Romaine, en laquelle ie suis né dans la creance, & desire mourir avec l'aide de Dieu, vous ayant fait ve-

nir pour cela, apres auoir le mieux que i'ay peu examiné ma conscience auparauant; & ayant dit ces paroles tout haut, il se tourna vers moy: Le vous prie mon fils de faire sortir tout le monde de ma chambre, & qu'il n'y demeure que vous avec mon Aumosnier, afin que ie puisse mieux faire ma Confession.

Ie fis aussi tost sortir tout le monde qui estoit dans la chambre, & demeuray dedans, la porte fermée, pleurant le mal-heur que ie voyois, & priant Dieu ardamment pour mon pere, pendant qu'il faisoit sa Confession, avec la mesme facilité & l'humeur d'esprit qu'il auoit eu toute sa vie, & à la fin d'icelle qui fut fort generale & fort longue, il demanda que l'on luy apportast le saint Sacrement qui estoit desia arriué, & que ie faisois tenir tout disposé dans la salle proche ladite chambre; & comme i'allois le faire entrer, vne grande foiblesse suruint audit sieur Chancelier, qui fit que ledit de Rennes son Aumosnier m'appellant viftement, & moy aussi tost l'Apothicaire, qui tout expres estoit demeuré hors la porte, contre ladite chambre; lequel entré & s'estant diligemment ietté sur le liét, pour soustenir entre ses bras ledit sieur Chancelier, & luy ayant fait promptement quelques eaux cordiales, il le fit aucunement reuenir, & voyans tous ceux du logis qui y accouroient, il commanda en cét estat, & en balburiant, au sieur de la Guitinere son Maistre d'Hotel, de luy aller querir dans le coffre où estoient les sceaux, vne certaine boitte ou cassette qu'il luy dit, & que ledit Guitinere entendit bien, dans laquelle ledit sieur Chancelier témoigna, bien qu'avec grande peine, qu'il y auoit quelques lettres & pa-

piers qu'il desiroit estre bruslez ; & pendant ce vne seconde & plus grande foiblesse, & conuulsion le reprit, voyant & entendant tout, mais ne pouuant plus parler ny proferer aucunes paroles intelligibles, quelque chose qu'y pût faire son Apothicaire; tellement que comme ie le vis en cette derniere extremité, ie me iettay à genoux près de luy au bord de son liêt, pour auoir sa benediction : mais avec vne affliction meslée de sanglots & de larmes que ie iettois, m'ayât osté tout pouuoir de parler: ledit de Rennes, luy dit ; Monsieur, voila Monsieur de Pont-Leuoy vostre fils, qui vous supplie de luy donner vostre benediction ; à la verité comme ayant recouuert quelques nouuelles forces, il se tourna tout le corps & les yeux vers moy, & balbutiant & estendant autant qu'il pût sa main sur moy, pour me donner sadite benediction, & moy la baisant & rebaisant cent mille fois, & la mouillant toutes de mes larmes, bien que toute morte & froide, ie perdis ainsi mon bon pere, lequel expira sans aucune violence apparente, ny effort, en iettant par le nez vn seul flegme verdastre, meslé de sang, qui luy coula au mesme temps qu'il rendit son esprit à Dieu, qui fut sur les cinq heures du matin du Vendredy 30. Iuillet 1599.

A l'heure de cette cruelle mort, nous n'estions dans la chambre que ledits Aumosnier, Apothicaire, le Capitaine premier valet de chambre, Monsieur Charron & moy ; car ledit sieur de la Guitiere en estoit ressorty, pour aller querir cette cassette ; & nous estions tous si esperdus & interdits là dedans, & attachez à rendre quelque seruice audit sieur Chancelier, en cette extremité

que nous ne songions à ouvrir la porte aux autres; tellement qu'il ne se trouua à l'heure dans la châtre que nous cinq, bié que chacun de la maison y fust accouru de tous costez, & les Medecins mesmes, qui y vindrét trop tard, comme aussi mon frere & sa femme, qui ne peurent se leuer à temps, & y arriuer deuant la mort; & ainsi ie fus le seul de tous ses enfans qui eusle contentement d'auoir receu sa benediction paternelle, auant sa dite mort, & ay tousiours creu que cela m'a apporté tout le bonheur que i'ay eu, ou que i'auray de ma vie.

En cette sorte Dieu prist & nous osta nostre bon pere, de la perte duquel nous ne sçaurions assez pleurer, quand nos pleurs & nos larmes couleroient sans cesse tout le temps de nos vies; car c'estoit le meilleur & plus prudent homme, le plus affectionné & doux pere que la terre ait iamais porté, il auoit vn courage noble & vertueux en tout, vne grace & vn accueil pour tout le monde, si admirable, vn esprit si bon & doux tout ensemble, qu'encores que i'aye l'honneur d'estre son fils, ie ne feindray de dire avec la verité qu'il a tousiours esté estimé & tenu pour vn des plus grands hommes, & rares iugemens de son siecle, ainsi que le cours de sa vie, & le succez espineux des affaires du temps, où il a seruy, en peuuent rendre tesmoignage à la posterité; & iugeans plus à propos de laisser aux Historiens de décrire ses vertus, que dem'y estendre dauantage, de peur de m'y laisser trop emporter par excez de mon affection naturelle enuers luy, ie finiray ce discours de sa vie, en disant, qu'il a uésceu tres-heureusement, & tres-glorieusement, pour nous & toute sa posterité, depuis l'an mil cinq cens

364 LA VIE DE MONSIEVR DE CHEVERNY.  
vingt-huiët qu'il nasquit à Cheuerny, le vingt-cinquié-  
me iour de Mars, Feste de l'Annonciation de Nostre-  
Dame, iusques audit iour vingt-cinquième Iuillet, mil  
cinq cens quatre-vingt dix-neuf, qu'il mourut audit  
Cheuerny; tellement que c'est soixante & onze ans qua-  
tre mois cinq iours qu'il a vescu.



INSTRV-



INSTRVCTION  
DE MONSIEVR  
LE CHANCELIER

DE CHEVERNY A

Monsieur son fils.



ON fils, j'ay tousiours estimé que le principal bien, qu'un pere peut laisser à son enfant, ne consiste pas aux biens de sa succession; mais en vne bonne nourriture, instruction & enseignement: Premièrement en la crainte de Dieu, & apres en la cognoissance & conduite des actions de ce monde; qui m'a fait vous laisser cét aduis par escrit, que vous receurez comme de vostre pere qui vous ayme plus que vous ne sçauriez faire vous mesmes, & comme celuy qui par le temps & experience peut auoir cogneu, ce qui fait estimer & honorer les hommes en ce monde, pour auoir passé beaucoup d'années; tant aux Cours des Rois, aux voyages de diuers païs, à l'exercice des charges & Magistrats, à la suite des armées, à la cognoissance des affaires d'Estat, de la Iustice & de la Pollice, à la conuersation des hommes de routes qua-

Aaa

litez & professions; qu'au maniment & conduite de l'œconomie & menage particulier de la famille, qui sont choses qui ne peuvent auoir apporté plus de cognoissance & iugement; comme il faut par honneur & raison se conduire en la façon de viure, & aux affaires de ce monde, que ne pourriez pas cognoistre & apprendre qu'auec vn long-temps & longue experience; & auant que de l'auoir acquise, pourriez auoir fait beaucoup de fautes, qui vous donneroient empeschement le reste de vostre vie à réparer le mal qui vous en pourroit aduenir.

Et si vous ne commencez dès la premiere ieunesse, à prendre ce chemin, il est apres tres-mal aisé d'y pouuoir entrer; car il faut former & regler son esprit, ses volontez & ses meurs dès sa premiere & tendre ieunesse, deuant que la cognoissance du mal y ait peu entrer, cependant que la ieunesse est flexible, & d'humeur obéissante; comme à vne ieune plante on luy fait prendre le ploy tel que l'on veut: Et encores que la ieunesse qui est imbecille, & qui craint les choses non experimentees, puisse estimer qu'elle y ait en cela quelque peine & difficulté; si est-ce que la vertu qui est selon la bonne Nature, estant goustée & sentie par la ieunesse, la suitte & conseruation en est apres fort douce, facile & salutaire, & la continuation en est aussi bien assurée; puis que le vice est ennemy & contraire à la Nature; car la vertu est vne cōstante & conuenable affection d'esprit, qui rend toutes les volontez & actions des hommes fermes & loüables, qui ne peut estre changée ny ostée, ny par feu, naufrage, tempeste, fortune, ny changement de temps; laquelle



seule rend ceux qui la possèdent riches & contents, en repos d'esprit, & honorez d'un chacun; car la gloire l'accompagne & la suit comme fait l'ombre le corps, qui a tant de force, que nous sommes contrains de louer & honorer nos ennemis, mesme quand ils ont de la vertu, & au contraire de blasmer nos amis quand ils en sont degarnis; d'autant qu'ils ne sont vtils, ny pour eux, ny pour leurs amis, n'ayant aucune perfection, valeur, soing, ny industrie; qui me fait vous donner cette instruction & conseil, comme vous avez à vous comporter ~~des~~ vos ieunes ans: ce que ie vous deduis familièrement, selon que i'estime que vostre aage le peut porter & cognoistre, & par les plus priuées & familières exéples que ie pourray apporter, & qui vous sont les plus cogneuës par les histoires que vous avez veuës, & qui vous peuuent tous les iours tomber en main, dont ie vous en remarqueray par fois les Auteurs pour vous en donner volenté de les voir plus au long, & les sentences qui vous peuuent estre les plus communes. Sans entrer toutefois plus auant en long discours, qui pour cét effect pourroit estre necessaire & bien à propos: mais l'experience, laquelle avec le temps vous doit apporter plus de iugement, vous en donnera aussi meilleure cognoissance; pourueu que vous en ayez esté instruit, & appris les premiers commencemens, lesquels combien qu'ils ne puissent estre que foibles de leur premiere naissance; si est-ce qu'avec le temps ont leur progres & auancement, & ce qui est bien commencé, reçoit bien-tost bon acheminement, comme le vaisseau qui a esté remply vne fois d'une bonne & premiere liqueur

en retient longuement la bonne odeur, ce que j'espère que vous pourrez faire quand vous recevrez l'advis que ie vous donne, avec telle affection, soing & diligence que vous devez, pour acquerir de l'honneur & reputation à l'aduenir; & pour conseruer & accroistre les amitez, bienueillance, & le peu de bien que ie vous pourray laisser, prenant ferme opinion & assurance, que ie suis plus desireux de vostre honneur, & de vostre bien que vous ne pourriez pas estre vous-mesmes; car l'honneur que peut acquerir le fils est plus la gloire du pere que du fils mesme, qui doit desirer de pouuoir estre surmonté par la vertu du fils, comme fit Peleus, qui prenoit à grand gloire & honneur d'auoir esté surpassé en valeur & reputation par Achilles son fils.

*Le commencement de nos actions par l'honneur de Dieu.*

Et premierement il faut que toutes nos actions & deportemens de nostre vie, commencent par l'honneur de Dieu; car il faut tousiours commencer par les actions diuines & sacrées, auant que de venir aux humaines, & auparauant que d'entreprendre quelque chose que ce soit, grande ou petite, pour estre assisté continuellement de sa diuine bonté. Les Anciens mesmes qui n'ont esté fauorisez de la cognoissance de Dieu, disoient qu'il falloit prendre le commencement de toutes nos actions par les Dieux immortels, & par les sacrifices & supplications; à plus forte raison nous Chrestiens deuons prendre les preceptes & commandemens qui nous sont donnez par nostre Religion, par lesquels toutes nos actions prospereront tousiours; & la premiere chose que vous devez auoir deuant les yeux, c'est la crainte & l'honneur de Dieu

dans le cœur, cheminer selon ses voyes, & suiure ses S. Commandemens; car autrement n'esperez iamais prosperer en ce monde, ny en l'autre qui est plus grand, car il est eternal; & commencez par chacun iour en vous leuant, de prier Dieu, qu'il luy plaise de conduire vos actions au vray chemin & sentier de ses Commandemens, & avec l'honneur & reputation que deuez acquerir; & oyez la Messe tous les iours, si vous estes en lieu de le pouuoir faire, où s'il n'y a empeschement tres-necessaire; & le soir deuant que vous coucher, vous retirant à part remerciez Dieu de la grace qu'il vous a faite de vous conduire la iournée, examinez vostre conscience de ce que vous pouuez auoir fait ledit iour, pour le corriger si vous auez mal fait, & pour le confirmer & vous y accoustumer s'il y a quelque chose qui ait bien succédé, ne demeurant en vous-mesme content & satisfait, si en la iournée vous n'auiez fait quelque chose de bien & d'honneur, & que vous n'ayez appris ledit iour quelque chose de nouveau pour vous rendre plus capable & digne de louange: Ciceron, en son troisieme *de finibus*, dit que les Anciens Sages donnoient trois preceptes, le premier estoit d'obeïr & suiure les Commandemens de Dieu; le second se cognoistresoy-mesme, le dernier de ceder au temps, & rien dauantage; d'où est procedé le prouerbe, que nous ne pouuons rien sans l'aide de Dieu, ce qui est tiré de la sentence d'Homere, qui dit que tout mortel a besoin de l'aide & secours diuin, & que les Dieux reçoient fauorablement les vœux de ceux qui luy obeïssent; & par ainsi nous nous deuons représenter deuant les yeux qu'il n'y a rien

de constant & assuré en ce monde, quel honneur de Dieu & la vertu ; & que tous les autres biens , honneurs & richesses sont fort incertains, muables, sujets aux changemens & à la puissance de la fortune: qui faisoit que Diogene disoit , que celuy qui estoit riche, ignorant & sans vertu, estoit vn mouton à la laine & toison dorée.

*De la  
diligence.*

Tout ce que vous pourrez faire leior, de bien & aduancement en ce que devez desirer, ou pour l'honneur, ou pour vos affaires priuées, ne le remettez iamais au lendemain ; car il a esté tousiours dommageable de remettre & differer l'exécution des choses qui sont prestes & préparées, pouuât suruenir autres affaires qui empeschent d'exécuter ce que l'occasion & le moyen permettoient, si la negligence & faute de soing ne l'eust empesché: car sans la diligence rien de bon ne se peut faire & exécuter, par laquelle seule toutes les autres vertus sont entretenues & produisent leur bon effet: Et dit Saluste, qu'il semble que les Dieux mesmes sont courroucez, & contraires à ceux qui sont paresseux & negligens, & ne pourroit seruir la doctrine, la suffisance, ny la valeur, sans la diligence, le labeur & trauail; car croyez que la plus grand' perte que vous scauriez faire, c'est celle qui se fait du temps par la negligence; car toutes choses se peuuent acheter & recouurer, mais le temps qui au commencement est à nous & en nostre disposition, estant passé & doucement eschappé, ne se peut plus auoir ny recouurer; dont s'ensuit apres vne repentance trop tardive, qui est ce que dit le Poëte Tibulle, qu'il auoit veu vn homme en sa vieillesse, pleurer de ce qu'en sa ieunes-

se il auoit follement perdu ses iours; & ne faut en cela prendre excuse d'auoir eu d'autres occupations qui vous ont empesché & diuertý de faire ce que l'on deuoit, car en quelque lieu que l'o puisse estre, & quelque affaire qui se presente, l'on peut tousiours gagner quelque heure, pour l'employer à ce qui est honneste & salutaire à l'esprit; & combien qu'il soit necessaire de s'accommoder à expedier les affaires qui suruiennent, & qui sont de la charge d'un chacun, si est-ce qu'il se peut faire, sans se laisser aller & souzmettre, de sorte que l'esprit ne demeure tousiours ferme & entier, en ce qui est du principal; & en cela, outre le grád mal qui en aduiét, par la paresse, en la perte du temps, il y a aussi le mal d'oisieté qui est la mere & nourriture de tous les vices, duquel on se peut garantir par vne continue occupation honneste; car en ne rien faisant on apprend à mal-faire, qui fait que Platon, donne aduis de chasser d'une Republique ceux qui sont oiseux & sans occupation; & le Legislateur Solon fit vne Loy contre les oiseux, paresseux & faineans, par laquelle il estoit permis à vn chacun de les accuser, comme aussi par Ordonnance des Censeurs de Rome, estoit repris & corrigé celuy qui par nonchalance ne faisoit bien cultiuier la terre de son patrimoine, & celuy qui estoit negligent de bien faire nourrir son bestial, & pareillement celuy qui prodiguoit son bien par mauuais mesnage & paresse.

Ne doutez, ie vous prie, & ne faites aucune difficulté en vostre ieunesse d'apprendre tout ce que verrez ne sçauoir pas, quelque petite chose que ce soit; car il est bien seant à vn ieune homme des'enquerir de tout

*Qu'il  
s'achaf-  
ser d'une  
Republi-  
que ceux  
qui sont  
sans oc-  
cupation.*

*Que la  
ieunesse  
doit s'en-  
querir &  
appren-  
dre tout.*

pour cognoistre les causes & raisons de ce qu'il n'a peu encore par son aage sçauoir, & apprendre; & quand l'on voit vn ieune homme s'enquerir, pour apprendre, l'on iuge de luy qu'il se veut rendre capable & suffisant en tout, ainsi qu'il est tres-loüable en la premiere ieunesse de ce faire, il vient à mespris en plus grâd âge de voir celuy ignorer ce qu'il deuoit auoir appris plustost dès sa ieunesse: car il y a le temps d'apprendre, qui est pour les iennes gens, & le temps d'vser de ce que l'on a appris, qui est pour ceux qui ont l'aage; & n'y a rien si hôteux & ridicule que de voir vn vieil homme commencer d'apprendre ce qui est sçeu d'un chacun. Le Philosophe Crautor Auditeur de Xenocrate, dépeignoit prudemment toutes nos actions & cogitations en quatre parties, la premiere qu'il falloit la donner à la vertu; la seconde à la conseruation de la santé; la troisieme à l'honesteté du plaisir; la quatriesme aux biens & à la richesse pour l'v sage de nostre vie, & de ceux que nous auons, & à la commodité de la patrie.

*Les  
actions  
des hom-  
mes diui-  
sées en  
quatre  
parties.*

Donnez tousiours opinion de vous, soit aux grands, soit aux petits, que vous estes tres-veritable & non menteur, gardant fort exactement vos promesses; aussi ne promettez pas legerement, mais considerez auant que promettre, si vous obligeant à vne promesse vous la pourrez maintenir, qui fait estimer & aymer celuy qui les entretient: au contraire, tenir pour homme de neant celuy qui est en autre opinion; car chacun s'en deffie comme d'un trompeur: & les dits & les faits d'un homme de bien & d'honneur, doiuent estre semblables, & suiure vne mesme & constante

stante teneur de vie en toutes ses actions; car la menterie est telmoignage certain d'un petit courage & servile nature; & comme dit Aristote, les menteurs ne gagnent rien, sinon qu'ils ne sont plus crus, encore qu'ils disent verité, & aussi que l'on leur rend de pareilles menteries; & faut toujours qu'un homme de bien tienne sa promesse, encore qu'elle fust faite à un ennemy, comme nous voyons par l'histoire de Marcus Attilius Regulus, qui fut la cause que Caron d'Utique, apres avoir demeuré cinq ans à Athenes, où il apprit la façon & le naturel des Grecs, que l'on tenoit pour estre sujets à dire des menteries, escriuoit à son fils Marcel, que le Senat de Rome ne deuoit permettre les Arts & les lettres de Grece entrer à Rome, & que dès le iour qu'ils y entreroient il estimoit la Republique gastée & perduë; d'autant que les Romains se prisoient par bien viure, & les Grecs seulement par bien dire & parler, ce qui ne peut durer; car il n'y a rien qui puisse estre de seureté & durée, que ce qui est fondé sur la verité, & la vertu; & ne faut faire comme ceux qui ne regardent pas tant à la probité de leur vie, comme ils desireront d'estre veus & tenus par le monde, gens de bien; & font des choses remarquables, ou en leurs personnes, ou en leurs actions, ou en habillemens, ou en leurs façons de viure, pour se faire admirer, ou plus honorer; mais enuers les gens de bien & de iugement, cela s'attribuë plustost à certaine sorte d'ambition couuerte, ou legèreté, ou bien à un naturel simple & debile, induit à la persuasion d'autrui, ou à certains esprits qui s'esloignent d'eux-mêmes des opinions communes des hommes, ou

*Les Ro-  
mains s'e-  
stimoient  
par bien  
viure, &  
les Grecs  
par bien  
dire.*

bié à l'hypocrisie qui est le témoignage le plus certain de mauuaise conscience qu'un homme pourroit donner ; ou à superstition, qui est vne maladie qui se conçoit souz fausse & legere opinion & creance , & faut estimer que tout homme ceremonieux , ou superstitieux , a quelque pointe ou grain de folie à la teste , se persuadant celuy qui en est malade , tout ce qu'il veut selon son humeur & imagination ; craignant & s'espouuantant de toutes choses , & souuent se laissant aller à ce qui est mesme contre l'honneur de Dieu , & à commettre beaucoup d'impietez , en quelque sorte que ce soit ; tant s'en faut que tels esprits soient loüez par les gens sages & aduisez , qu'aucontraire ils causent plustost risées & mocqueries : car celuy qui prend volenté de paroistre ne doit pas esperer l'honneur , & d'estre loüé pour complaire au peuple par gestes & actes exterieurs ; mais doit paroistre en faisant chose meilleure que les autres , & par actions d'honneur & de valeur , & deuous nous rendre par effect meilleurs , & non point par apparence & dissimulations , & que le dedans de nostre cœur , les secrets de nostre maison , & l'interieur de toutes nos volonteiz & intentions , soient du tout conformes à ce que nous voulons estre veus & paroistre par le monde ; car tout ce qui est feint & simulé ne peut estre longuement caché qu'il ne soit decouuert & cogneu d'un chacun , qui apporte aussi tost autant de moquerie & mespris , que l'on a pensé par telle feinte & deguisement , s'acquérir de vaine gloire par le simple peuple ignorant ; & faut tenir pour certain que celuy qui vse de tel deguisement en son cœur est plein de tromperie ; car

*La vertu  
se doit  
montrer  
par effect  
& non  
seulement  
par appa-  
rence.*



d'auoir autre volonteé dedans l'esprit qu'en la bouche; ne peut proceder que d'un naturel mauuais, & celuy qui simule vne chose, & que ses actions sont au contraire, est plein de dol & de fraude; comme respond le Iurisconsulte Seruius Sulpitius, & deuons toujours faire que nos paroles & nostre vie soient conformes & concordantes; & n'est pas assez de bien dire, pour se faire paroistre veritable, & faire croire ce quel'on dit, mais faut faire cognoistre la verité par effet; comme ce n'est pas assez à vn Medecin d'estre eloquent & de bien parler de sa profession, mais celuy qui guerit le malade monstre par effet sa science; comme Antipater, qui souz le masque & pretexte de se comporter en homme priué, & d'aller simplement vestu & viure sobrement & avec peu de despense, dissimuloit la puissancetyranique qu'il vsurpoit; & cependant ne laissoit de se monstrier plus violent Seigneur, & plus cruel Tyran enuers ceux à qui la fortune auoit couru sus, & nous donne aduis le Poëte Horace de ne nous laisser point tromper par les esprits qui sont cachez souz la peau de renard, qui est à dire déguisez & trompeurs.

Prenez garde diligemment de ne faire tort, ny iniure à perlonne, ny aucun iniuste deplaisir, quelque bien & profit qui vous en puisse aduenir, & croyez fermement que le mal quel'on fait à autrui, retombe à la fin sur la teste de celuy qui le fait, & que vous ayez tousiours en memoire de ne faire à aucun, quel qu'il soit, ce que vous ne voudriez qui fust fait à vous-mesme; c'est le commandement de Dieu, la premiere loy de charité, & ce qui est ordonné par toutes les Loix

*Ne faire  
tort à au-  
cun.*

des gens, loix ciuiles, reglès & formes de Polices, qui veulent & deffendent à tous de n'offencer aucun, & de rendre à chacun ce qui luy appartient par droit & raison, & cette vertu que l'on appelle Iustice, comprend toutes les autres vertus, estant Dame & Reine de toutes vertus, fondement perpetuel de toute recommandation & louange, par laquelle les hommes sont nomez gens de bien; desquels le premier deuoir est de ne faire tort à personne, s'il n'est prouoqué d'injure, d'vser des choses communes, comme estant commencées, & des priuées comme siennes: & cette opinion d'equité & iustice est necessaire aux grands & petits, & sans laquelle les actions du monde ne se peuvent maintenir, ny les brigands & voleurs mesme ne pourroient demeurer ensemble.

*L'effet de  
la iustice.  
Dame de  
toutes  
vertus.*

*Suivre  
l'exem-  
ple des  
gens de  
bien.*

Suivez tousiours la compagnie des gens de bien, & des plus estimez en honneur & vertu, car la fragilité de la ieunesse s'attache aisément à l'exemple du mal, & pour petit commencement qu'il y ait, peu à peu on se laisse vaincre aux vices, & en fin on en vient au plus haut degré de mal, & entre tous elisez celuy qui a plus de vertu, d'estime & reputation, duquel vous puissiez suivre & imiter les mœurs, actions & deportemens, & vous persuadez l'auoir tousiours deuant les yeux, & qu'il est present, & iuge de tout ce que vous faites. Car nous ne ferions pas si souuent des fautes, si nous auions quelque tesmoing present, duquel nous aurions crainte & respect, & si aurions tousiours l'esprit retenu en honneste occupation: car la solitude ne peut estre bonne à vn ieune homme, ny à celuy qui n'a pas encore acquis par experience le pouuoir d'en

bien vser; d'autant que celuy qui est seul est souuent agité de mauuais desirs & volonte, & ce que la bonté & pudeur naturelle retient caché, la solitude & l'oisiueté le prouoque & donne toute hardiesse au vice; & tout ce que la demeure solitaire apporte d'utilité & contentement à vn homme vieil & sage, produit autant de mal & de danger à celuy qui n'a pas encore assez de cognoissance des actions du monde; qui est ce que disoit le Philosophe Crates, lequel voyant vn ieune homme se pourmener seul en secret luy demanda ce qu'il faisoit ainsi tout seul, lequel luy ayant dit qu'il parloit à luy-mesme, luy fit cette response. Prenez garde, dit-il, ie vous prie que vous ne parliez à vn homme mauuais, remarquant par cette response que bien souuent les solitaires & secrettes pensées & resueries, tendent plustost au mal que non pas au bien: Les Peres qui estoient fort soigneux de l'instruction de leurs enfans, faisoient obseruer toutes leurs actions le long du iour, par quelques gens d'honneur, vieils & anciens, à celle fin que les enfans reuerant l'honneur de la vieillesse, se rendissent dès leur premiere ieunesse plus modeste & temperez en toutes leurs actions.

*Les Peres pour mieux instruire la ieunesse en faisoient obseruer toutes les actions.*

La conuersation & amitié est fort requise, agreable & vtile à vn chacun, & de tout temps a esté dit qu'un amy nous est plus necessaire que ne nous est le feu & l'eau; car sans l'aide & secours de nos amis, nous ne pouuons non plus viure que sans les elements, desquels nous ne nous pounons passer; mais il faut que nous receuions cette amitié avec consideration de la raison que nous pouuons auoir de l'amitié de celuy qui la

*Avec lesquels il faut contracter amitié.*

*Les  
mœurs se  
confor-  
ment à  
ceux avec  
lesquels  
l'on han-  
se.*

nous promet, & ce qui peut l'avoir meu à nous aimer; car s'il est pauvre, il voudra qu'on luy donne; s'il est riche il pensera d'estre seruy; s'il est fauory, il estimera qu'on le deura adorer; s'il est destitué, il le faut favori-  
ser; s'il est mal gracieux, le flatter, si impatient à endurer, si vicieux, dissimuler, si malicieux, se faut donner de garde de luy; & par ainsi est fort necessaire contracter amitié, avec ceux qui sont paisibles, faciles, & qui ne sont point hargneux & facheux: Car les mœurs se conforment à ceux avec lesquels on conuerse, & les vices se retiennent souuent, de ceux avec lesquels on hante; & l'esprit entaché de mal; iette sa maladie par contagion sur ceux quiluy sont les plus proches. Celuy qui est yuogne, apprend à ceux qui boient avec luy à aimer le vin: l'auaricieux iette son venin sur ceux qui le frequentent; celuy qui est prompt & sujet à aimer des femmes, amollit les plus forts & courageux; au contraire celuy qui a quelque belle & honneste partie avecques luy, en rend participant celuy qu'il a souuent aupres de luy: car les mœurs se disposent selon la conciliation de familiarité & amitié, qui se contracte ordinairement par l'egalité del'aage, profession d'estat & vacation. Conformité de mœurs, affections & volonte, & la temperature d'un climat salubre, ne profite point tant à la conseruation de la santé de celuy qui y habite, comme fait la compagnie des bons, aux esprits qui sont encore par leur aage, peu fermes & assurez, & chacun par exemple deuient meilleur ou mauuais; le superbe & glorieux, offensera par mespris, le riche par brauerie, l'insolent par injure, le querelleur par contention & dispute, le van-

teur par vanité & menterie, le mauuais par malignité & tromperie, au contraire il faut eslire pour conuersation gens qui soient doux, faciles, moderez, honnestes & sages; qui sçachent retenir la colere, & non pas faire des querelles, ains se rédre familiers & cōplaisans, & nō toutefois flatteurs, à quoy sont sujets ceux qui pésent tirer plaisir ou profit de ceux avec lesquels ils conuersent: Car la flatterie qui est vn grand poison, est si douce qu'elle est receuë & escoutée d'oreilles fort fa- De la  
flatterie.  
uorables; & qui entre dedans le plus profond du cœur non seulement semblable, mais qui surmonte l'amitié mesme, est d'autant plus gracieuse qu'elle est dangereuse; mais celuy qui est sage, peut bien sentir & cognoistre cette flatterie; premierement en se cognoissant soy-mesme, ce que l'on peut-estre, & quel merite on peut auoir acquis; & quand nous voyons qu'un ennemy ou autre qui se dit amy, vient par blandissement & flatterie, louer nos fautes & vices, souz le nom & couleur de vertu, nostre temerité souz le tiltre de force, nostre faineantise & paresse, souz pretexte de moderation, nostre crainte & timidité souz le manteau de sagesse, nos voluptez & gourmandises souz le nom de temperance, & autres choses semblables. Tenons lors pour certain que l'on veut nous tromper & vser enuers nous comme font les Farseurs, Prestigiateurs & Charmeurs, qui nous veulent faciner les yeux, & desguiser par quelque subtilité & tromperie, pour nous delecter, donner plaisir, & faire croire ce qui n'est pas; & par ce moyen obtenir ce qu'ils desirerent, & s'en mocquer apres, de celuy qui se laisse persuader ce qui n'est veritable, qui est le vray chemin de

la perte & ruine entiere d'un ieune homme ; car il prend aussi tost vne telle opinion de luy-mesme que le flatteur luy a persuadée, ce qui le fait tomber en toute presumption & outrecuidance ; & apres quand le temps & l'experience luy ont donné plus de iugement, il peut cognoistre la tromperie qui luy a esté faite ; ce qui aduient souuent és Cours des Princes :

*Que c'est  
beaucoup  
fait aux  
Cours des  
Princes  
de s'em-  
pêcher  
d'estre  
trompé.*

car la Cour est de telle nature, qu'il aduient communément que ceux qui se visitent le plus, se donnent souuent le plus d'atteintes & surprises, & quelques-fois se haïssent le plus ; & y a plus de conuersation entre les personnes, que non pas conionction de volontez, & c'est beaucoup fait à vne Cour de se pouuoir empêcher d'estre trompé, souz pretexte d'amitié, mais il est trop tard de le cognoistre, quand le mal en est aduenu : Comme il aduint à Alexandre le Grand, qui s'exposoit à toutes sortes de dangers, parce que l'on luy auoit persuadé qu'il estoit fils du Dieu Iupiter, & que ceux qui estoient venus des Dieux, estoient exempts de toutes blessures & dangers, mais s'aduançant trop auant au siege d'une ville, il reçut vn coup d'une fiesche en la cuisse, dont sentant vne tres-grande douleur, commença à dire qu'il cognoissoit lors qu'il estoit homme & non pas fils de Iupiter ; autant en aduint-il à vn Prince de ce Royaume, qui mourut de peste, de laquelle il n'auoit pas voulu éuiter le danger, disant que la peste estoit maladie populaire, de laquelle les Rois & leurs enfans estoient exempts. Il se peut faire comparaison des flatteurs à ceux qui tendent des pieges, & y mettent quelques appats dessus, pour prendre & attrapper les plus fins animaux ; les  
flatteurs

flatteurs se cognoissent, comme se fait la bonne monnoye, par l'usage, debitement & experience, & plustost n'y faut prendre fiance; car autrement en aduient droit comme à ceux qui goustent & sentent seulement le poison apres l'auoir pris, qui est trop tard; qui est ce que dit Quintus Curtius, aux gestes d'Alexandre, que les Empires & toutes sortes de dominations, sont plustost ruinez par les flatteurs que par les ennemis: Et Diogenes interrogé qui estoit la beste qui mordoit plus cruellement, fit responce qu'entre les bestes sauuages, c'estoit le medisant & détracteur; entre les bestes priuées le flatteur, qui rend les Princes tirans, & en vne Republique le peuple insolent & furieux; Et pour cette seule raison Cresus Roy de Lidie, chassa de son pais Solon, parce qu'il luy auoit dit la verité; & qu'il disoit qu'un homme de bien ne deuoit point flatter vn Roy, ce que Cresus cognut à la fin tres-veritable, & que les flatteurs estoient meschans & trompeurs; & par ainsi il est tres-necessaire de bonne heure d'y prendre garde, quand nous voyons quelqu'un dire quelque chose à nostre auantage & loüange, & considerer en nous mesme sans nous trôpers'il y a quelque raison & sujet de nous donner cette loüange; car il peut aduenir que de nos amis se conioüissant avec nous, en nous representant quelque chose qui aura esté bien faite, qui prouient de l'amitié qu'ils nous portent, & d'une bonne & douce conuersation; & l'amy peut avec raison quelquesfois loüer son amy, & aussi quelquesfois doucement luy remonstrer, ce qui doit estre bien pris & receu, puis que c'est la verité & la raison: car c'est le deuoir & office d'amitié de s'ad-

*Le medisant & le flatteur sont deux bestes qui mordent le plus cruellement.*

monester & remonstrer l'un à l'autre le bien & le mal; estans si conioints, que les amis ne doiuent estre estimez, qu'une mesme personne qui faisoit dire à Agésilas qu'il se faschoit plus de la perte de ses amis que de ses propres enfans: & faut par bones œuvres & faits, aider & servir aux vrais amis, & faire les offres d'amitié aux estrangers, assister & consoler nos amis en la tristesse & fascherie, parce que les fascheries entrent soudain dans le cœur des hommes; mais ils n'en peuvent ressortir que peu apres; car le seul & vray remede des grands ennuis est le temps & l'oubly, durant lequel temps c'est le deuoir d'assister son amy, pour luy faire peu à peu moderer son dueil, & se condouloir avec luy de son mal; car le cœur affligé est grandement soulagé en racontant à son amy ce qui luy donne fascherie & ennuy; & lors il n'y a rien qui apporte tant de consolation que d'aider à son amy au commencement à pleurer, & puis apres entendre à yremedier: qui est ce qui a esté escrit de Diomedes le Grec, estant affligé de la mort de son fils, qui luy deuoit succeder, qu'il dit à beaucoup de grands personnages qui le vouloient consoler; Qu'il auoit plus receu de consolation d'une pauvre femme qu'il auoit veu pleurer de son amy, que non pas de toutes les remonstrances qui luy auoient esté faites. Il faut aussi bien prendre garde de ne vous obliger d'amitié à un homme leger, querelleur, moqueur & trop grand despencier; car son amitié & frequentation ne vous apporteroit que mal & ruine; d'autant que l'on ne peut honnestement se retirer d'un amy quand il tombe en necessité, ou querelle, & seroit trop honteux à un homme de bien &



d'honneur de diffoudre lors l'amitié, & tromper la foy & l'esperance d'un amy, & pour cette cause faut bien fouuent prendre des querelles mal à propos pour autrui; lesquelles vne fois prises se doiuent soustenir iusques au bout, puis qu'il y va de l'honneur & reputation d'un Gentil-homme. Les grands despenciers & necessiteux viennent tousiours à charge à ceux avec lesquels ils hantent, & pour cette cause faut bien regarder deuant que d'entrer en amitié & frequentation avec eux; car apres nous sommes obligez par honneur de participer & leur aider en leurs necessitez: car il nous faut porter les fautes & vices de nos amis, lesquelles fautes il faut cognoistre & non pas les haïr; car celuy n'aura iamais d'amis qui n'en peut porter les fautes & les dissimuler: Et deuons croire que nos amis ont peine aussi à porter les nostres, car il n'y a aucun qui soit sans vices, & qui ne soit sujet à quelque imperfection, quelques belles & louïables parties qu'il puisse auoir: Plutarque dit que les Atheniens murmuroient de Simonides, de ce qu'il parloit trop haut; les Thebains accusoient Panicle de ce qu'il crachoit souuent; les Lacedemoniens se moquoient de Lycurgus, de ce qu'il alloit tousiours la teste baissée; les Romains trouuoient vn defaut en Scipion, de ce qu'en dormant il ronfloit trop haut; les Vticenses diffamoient le bon Caton, parce qu'il mangeoit trop à coup & des deux costez des machoires; les ennemis de Pompée rioient de luy de ce qu'il se grattoit avec vn doigt seulement; les Cartaginois blamoient Annibal de ce qu'il alloit tousiours desguilleré & descouuert deuant l'estomach; les flatteurs de Scilla diffamoient Iules Cesar, parce

*L'amitié d'un grand despensier court souvent à grand charge.*

*Porter les imperfections des amis.*

qu'il portoit mal à droit sa ceinture ; quelques Histo-  
riens blâment Homere d'auoir esté trop grand par-  
leur ; Alexandre furieux ; Iules Cesar ambitieux ; Pom-  
pée d'estre superbe ; Demetrius d'estre vicieux ; Anni-  
bal cruel ; Vespasian auaricieux ; Trajan yurongne ;  
Marc Aurele d'estre amoureux : & toutefois chacun  
tiét Homere pour le plus parfait qui ait esté en toutes  
sciences ; Alexandre a esté nommé le plus grand Roy  
du monde ; Iules Cesar le plus grand diligent & victo-  
rieux Capitaine ; Pompée surnommé le Grand , pour  
l'honneur de ses grandes victoires & conquestes ; De-  
metrius a esté appelé l'expugateur des villes ; Anni-  
bal dompteur des Rois , Trajan & Marc Aurele pour  
tres-bons Empereurs ; de sorte que nous voyons  
qu'aux plus grands & excellens personages , encore  
se trouue-il quelque chose à redire , qui nous doit d'au-  
tant plus doucement faire porter & couvrir le deffaut  
de nos amis , & avec que douce conuersation vsér fa-  
milierement avec eux , & croire certainement que  
chacun naturellement est sujet à sa passion & maladie  
particuliere ; l'un d'auarice , l'autre de volupté ; & en  
cela la Nature diuerse des homes , se ioué d'une estran-  
ge varieté ; & telle qu'il est dit par vn prouerbe com-  
mun , que chacun est participant de quelque passion & fo-  
lie ; & si nous considerons toutes nos actions huma-  
ines , ceux qui sont estimez les plus sages encore ont-ils  
des affections & desirs qui sont esloignez de pruden-  
ce , ou en ieux , ou en plaisirs & affections legeres &  
inutiles ; & neantmoins chacun y est induit naturelle-  
ment , iusques là qu'il y en a eu quelques vns qui ont  
receu grand plaisir en leur folie extra-ordinaire , com-

*Chacun  
participe  
en passion  
particu-  
liere.*

me refere Atheneus d'un nommé Trasylaus, fils de Pithodore, lequel n'auoit que cette seule folie, de croire que tous les Nauires qui arriuoient au port estoient à luy, & les alloit receuoir avecque grand plaisir, s'en resioüissant fort avec ses amis, cōme estant siennes & venuës à bon port; & quād son frere Cryto fut reuenu d'un voyage de Sicille, & qu'il l'eut fait medeciner & guerir de cette maladie d'esprit, au lieu d'en remercier son frere, il s'en plaignoit à tous leurs parens & amis; comme luy ayant osté par force le grand plaisir qu'il receuoit sans aucune tristesse, accusant son frere, cōme dit Horace, de luy auoir rauy cette plaisante erreur & agreable contentement d'esprit: Il y a beaucoup d'autres folies par le monde qui ne sont pas peut-estre si remarquables, mais elles ne sont pas accompagnées de plus de raison; & d'autant plus la necessité nous oblige de porter doucement ce qui peut estre de defaut & d'imperfection de nos amis, desquels nous deuons vser, de façon que nous ne leur commettions point nos principaux secrets; car quelques fois le temps & les occasions font refroidir les amitez, & peut-estre aller plus auant, qui est d'entrer en inimitié; & lors il n'y a rien si dangereux qu'un ennemy, qui sçait les volonteiz & secrets interieurs d'une maison; & par ainsi faut tousiours demeurer retenu en amitié, lors que l'affection en est ardante; & encore qu'il y en ait quelques vns qui blasment ceux qui ne commettent pas tous leurs secrets à leurs amis; si est-ce qu'il est plus seur de ne le faire pas, quand la communication n'apporte aucun bien & aduantage, ny à foy, ny à son amy; & au contraire beaucoup de dan-

ger quand le secret est decouvert : tout ainsi qu'il faut tousiours estre soigneux d'entretenir les affections d'un amy par tous bons & honnestes moyens , aussi ne faut-il iamais offencer, ny de parole, ny d'effect son ennemy, ny le seruir comme l'on dit à couuert; car si l'honneur commande pour quelque offence ou iniure receüe d'un ennemy, il luy en faut demander la raison en homme de bien & d'honneur, & par ce moyen l'on se fera tousiours estimer des gens de bien, & par son ennemy mesme, qui en craindra & redoutera dauantage celuy qui en vse en homme de bien; & souuent il aduient que ceux qui auront esté quelquesfois les plus grands ennemis, recognoissans le merite & vertu de celuy à qui ils ont affaire, deuiennent les plus assurez amis, & faut tousiours croire qu'il n'y a amy qui par accident ne puisse deuenir ennemy, ny ennemy soit-il grand ou petit qu'il ne se puisse quelquesfois ioindre & reünir à vne bonne amitié : qui estoit l'opinion de Laberius, qui disoit qu'il nous falloit tousiours comporter enuers nos ennemis, comme avec ceux qui pouuoient deuenir nos amis : Et en tout ce qui est de plus necessaire est de conformer tousiours ses actions en homme d'honneur & de vertu, qui fait que l'on est recherché en amitié des gens de bien, avec lesquels consiste la parfaite amitié, & que l'on est estimé, craint & reueré, soit des meschans ou des ennemis; & aussi de prendre peine de conseruer les vieux & anciens amis, qui sont experimentez & plus assurez que les autres; & disoit communément Alphonse Roy de Naples, que c'estoit grand soulagement de cheuaucher vn vieil cheual, d'auoir de vieil bois pour bruler,

*Faut se  
compor-  
ter à l'en-  
droit de  
ses enne-  
mis com-  
me pou-  
uant de-  
uenir  
amis.*

de vieux amis pour conuerſer, & de vieux liures pour prendre plaïſir à lire; auſſi faut-il eſtre conſtant & ferme aux amitez, qui eſt cauſe deuant que les contracter, de bien cognoiſtre celuy avec lequel on ſ'oblige d'amitié, quelles ſont ſes mœurs, ſes actions & deportemens, & ſi ſa conuerſation eſt telle que l'on puiſſe ſouſiours continuer, à demeurer & viure perpetuellement en cette vnion de volonte & d'amitez: car il n'y a rien ſi deſhonneſte, & qui rende vn homme ſi meſpriſé, que quand il eſt cogneu leger & trop prompt à prendre des amitez, & auſſi ſoudain à ſ'en departir, & l'on l'eſtime autāt pour ennemy que pour amy; d'autant qu'il n'y a rien de plus conſtant & aſſeuré à l'un qu'à l'autre, & ſont telles gens comparez à des giroüettes que l'on met au deſſus des maiſons, qui tournent & changent à tous vents; ce qui procede de legereté d'eſprit mal baſty, qui n'a rié de certain & reſolu, duquel n'y a aucune aſſurance; & faut eſtimer ceſtuy-là eſtre fol, qui n'a rien en ſoy de reſolu & conſtant, & qui ne demeure longuement en meſme opinion, volonte & affection; & au contraire la conſtance & perſeuerance ſe louë grandement; & encore que ce ſoit quelque peu de faute, touteſois eſtant tenu ferme & entier en reſolution, on ne laiſſe d'emporter beaucoup d'autorité, ou bien cela vient d'un eſprit cauteleux & trompeur qui fait ſemblāt d'aymer, pour en tirer profit & commodité, & qui change & abandonne celuy qui le penſe ne luy eſtre plus vtile: mais telles gens ſont fort trompez; car del'un qui eſt naturellement leger, eſtant tenu pour tel durant ſa premiere paſſion & fureur d'amitié, qui ont accouſtumé

*Conſilice  
d'amitié.*

d'estre plus violentes que les autres, l'on en tire tout ce que l'on peut, ou bien on les embarque en tels accidens qu'ils nes'en peuuent plus apres retirer, d'où aduiuent souuent que ce qu'ils ont le mieux aimé vn temps, ils le haïssent apres le plus. Si par cautelle & finesse de Cour l'on cognoist vn homme auoir fait semblant d'aimer, & se retirer aussi tost que la faueur est passée, estant decouuert & cogneu pour tel, il n'y a plus personne qui soit sage & bien aduisé, qui se vueille plus fier en luy, & chacun s'en recule comme d'un homme mauuais & trompeur, duquel ne faut prendre aucune fiance; & au contraire quand lors on se monstre ferme & constant amy, l'on s'en fait estimer de tous les gens de bien, qui louent & recherchent vn tel amy, & si oblige-t-on celuy enuers lequel on demeure constant à vne plus estroitte amitié pour l'aduenir, qui sçaura bien apres s'en souuenir, s'il aduient quelque mauuaise fortune à celuy qui luy a tousiours demeuré vray & fidele amy: Et par ainsi faut bien regarder à contracter amitié avec gens de bien & d'honneur, prudens, moderez, secrets & constans, qui vous puissent rendre meilleur & plus suffisant par leur conuersation, ou bien avec ceux que vous pouuez vous mesme apprendre & rendre meilleurs: car en enseignant autrui vous-mesme vous instruirez & confirmerez au bien, & à la vertu; en ce faisant vous n'ecceurez que plaisir de vos amis; car autrement vous pourriez en endurer autant de peine & de mal, en portant leurs imperfections, comme vous receuriez de desplaisir d'un ennemy.

*Avec  
lesquels  
il faut  
contracter  
amitié.*

Tout ainsi que les compaignies mauuaises sont dangereuses

gereuses, & corrompent les meilleurs esprits, aussi fait la demeure & sejour en vne region & pais delicieux & voluptueux; lequel vn ieune homme qui veut conformer sa vie à la sagesse & vertu, doit euitier comme lieu auquel l'exemple de luxe permet trop delicence, & deuons chercher la demeure en pais qui soit non seulement salubre pour la santé de nostre corps, mais beaucoup plus pour l'entretienement des bonnes mœurs; & fuir tout ce qui nous peut induire & prouoquer à aimer, & nous laisser aller à aucunes actions vicieuses; car il faut adoucir nostre esprit au bien & à la vertu, & luy oster tous les blandissemens & allechemens de volupté, non pas que nous haïssions le pais & les hommes qui habitent en region pleine de delices, mais nous en deuons vsfer cōme vn sage homme fait d'habillemens, qui ne haït pas vne couleur, & la façon d'accoustrement d'un estranger, mais prend l'habillement & la couleur qui est plus digne & decente à sa qualité & profession; aussi faut-il qu'un homme de guerre qui veut acquerir de l'honneur, combatte premierement les voluptez, qui ont souuent vaincu & surmonté les plus grands Capitaines quand ils ont commencé à viure delicatement & mollement: l'exemple entr'autre est fort commune de celuy à qui iustement on peut donner l'honneur d'auoir esté l'un des plus grands Capitaines qui fut iamais, qui est Annibal, qui auoit vaincu les Romains, & n'auoit point esté vaincu par aucun; mais apres qu'il eut gousté, & se fut laissé aller aux delices de Capoue, ce grand Capitaine indomptable qui auoit surmôté les rochers & les neiges, & vaincu toute sorte de peuples par forces

*Demeu-  
re d'un  
pais bien  
reglé.*

Ddd

390      INSTRUCTION DE MONSIEVR  
d'armes, fut amolly, surmonté & vaincu par les vices,  
& du depuis ne fit bien, & commença à se laisser vain-  
cre, comme il le fut par les Romains ; & par là seco-  
gnoist combien l'amœnité, le plaisir & delices d'un  
lieu peut amollir & corrompre les esprits les plus ge-  
nereux ; & au contraire combien la seuer nourriture  
& discipline d'un pais sert à rendre les esprits & coura-  
ges plus fermes & genereux, & plus capables d'entre-  
prendre des choses grâdes & loüables : Le cheual qui de  
sa ieunesse est nourry en pais gras, mouëlleux & fertile,  
a tousiours le pied tendre, & si est vain & foible au ser-  
uice ; le Gendarme qui vient de pais maigre, aspre &  
plein de travail, est plus propre & vigoureux à la guer-  
re, que celuy qui vit delicatement à l'ombre & séjour  
d'une ville ; celuy qui vient du travail de la charruë ne  
refuse aucune peine & fatigue de la guerre ; & celuy  
qui sort d'une ville bien net & bien parfumé, demeure  
court dès le premier mauuais chemin qu'il trouue ; les  
grands Capitaines de Rome, Marius, Pompée & Ce-  
sar ont basti leurs maisons, & choisi leurs demeures  
aux champs, aux sommets des montagnes, en for-  
me de Chasteaux & non de villes, ny lieux de plai-  
sance, aimant mieux estre resueillez par vne trom-  
pette de guerre, que par un delieieux instrument de  
musique, qui sont toutes actions militaires, lesquel-  
les doiuent suiure & imiter celuy qui veut acquerir de  
la reputation, & se nourrir & accoustumer dès la ie-  
unesse à tous exercices, fors à la peine & travail, & à sup-  
porter la faim, la soif, les veilles & toutes sortes d'in-  
commoditez, qui rendent l'homme apres plus propre  
à soustenir les efforts & entreprises grandes de la



guerre: Caril ne peut rien venir de genereux & plein de courage, par celuy qui se nourrit mollement & delicatement, & suiuant cela fut vn iour dit par Diogenes, Cynicus reuenant de Lacedemone, où les enfans estoient nourris en tous exercices de guerre pour rentrer en la ville d'Athenes; & interrogé par quelqu'un d'où il venoit, & où il alloit, fit response qu'il venoit du païs des hommes pour reuenir au païs des femmes; voulant dire qu'en la ville d'Athenes les enfans n'estoient point nourris & accoustumez aux exercices de la guerre, qui fut cause que puis apres aux disciples qu'il instituait avecques la Philosophie & disciplines liberales, les faisoit exercer à monter à cheual, luitter, tirer de l'arc & autres exercices militaires: Licurgus commandoit par ses Loix aux Lacedemoniens de ne sortir point hors du Royaume, & de ne conuerſer avec des estrangers, voulant dire que la conuerſation avec les estrangers est bonne & vtile, pour le trafic & marchandise, mais bien peu ſouuent pour les mœurs & pour la vertu; comme nous voyons de ce temps peu de gens reuenir d'Italie, apres y auoir demeuré longuement, qu'ils n'en reuiennent avec plus delicence de viure en liberté; & a esté dit del'Italie, il y a long-temps, qu'elle doit estre estimée de la condition des cloches, desquelles la propriété est en sonnant d'appeller vn chacun pour aller à l'Eglise, mais pour cela elles n'y entrent point; ainsi l'Italie prouoque fort à oraison les Chrestiens; mais au païs y a peu & moins de deuotion qu'ailleurs, & les façons & manieres de dire & de faire d'Italie, sôt plus plaisantes à reciter que bonne à ſuiure & imiter, comme aussi on

*Ne peut rien venir de genereux de celuy qui se nourrit mollement.*

*Que les mœurs des estrangers ſont ſouuent meilleures à cognoiſtre que non pas à imiter.*

dit qu'en Allemagne on apprend bien à boire, en Angleterre à manger, & en Espagne à deuenir glorieux & superbe; & encore qu'il soit dit qu'il n'y a rien qui rende vn homme plus digne & suffisant que la veüe de beaucoup de pays, & la cognoissance des mœurs de diuerses nations, si est-ce que cela se doit entendre pour ceux qui avec l'âge ont le iugemēt, & ont acquis avec l'experience le moyen de pouuoir bien cognoistre & iuger ce qui est bon ou mauuais, pour se confirmer dauantage au bien par la cognoissance du mal & du vice; ce qu'un ieune homme n'auroit encore le iugement ny la force de le pouuoir faire, & seroit plustost gasté & perdu en ses mœurs que d'en estre deuenu meilleur & mieux appris.

*Fidelité  
deuë au  
Roy.*

Ne faillez iamais à l'obeyssance & fidelité que vous deuez à vostre Roy, lequel vous deuez recognoistre apres Dieu, pour souuerain Maistre & Seigneur, luy dediant du tout vos seruices; car le Prince est estimé le Tuteur du public, qui ne peut estre conserué sans forces, & les forces ne se peuuent maintenir sans Chef, Roy, Prince, Gouverneur ou conducteur, non plus qu'une maison priuée ne pourroit se maintenir sans le commandement du pere de famille; & n'y a Cité, Armée, Nation, ny genre humain, qui se puisse conseruer sans direction, puissance & commandement; & par ainsi ne vous departez iamais de l'obeyssance de vostre Roy; puis que Dieu vous à fait naistre en pays commandé par Monarchie, & pour quelque occasion que ce soit; car Dieu le nous commande, & nous enjoint expressement de rendre toute obeyssance à nos superieurs, desquels la puissance & autorité vient de

luy seul qui nous ordonne la subjection & la prestation des tributs, comme dit saint Paul aux Romains; aussi l'ordre de la police du mondey oblige vn chacun par deuoir; & ne se trouuera point qu'un subiect, quelque occasion qu'il ait peu auoir, ait iamais acquis honneur & reputation, ny qui luy ait en fin bien succédé de s'estre retiré de l'obeïssance de son Prince legitime; car celuy mesme à qui il pourroit seruir ne l'estimera pas, & nes'y doit fier puis qu'il manque en son premier deuoir de fidelité; Cambises Roy de Perse, *Toute la* pere de Cyrus, disoit que tout le bien, *seureté* & con- *d'un* seruation d'un Estat, consistoit en deux choses; l'vne, *Estat cō-* que le Prince sceust bien cōmander; & l'autre, que les *siste au* subiects sceussent bien obeïr; ce qui se fera quand *infte com-* celuy qui commande se reglera par la vertu & la rai- *mande-* son, & que le subiect cognoisse que le plus grand hon- *ment du* neur & louange qu'il scauroit auoir, est de bien *Prince* obeïr; car celuy qui ne reçoit avec le respect, le com- *& la deuē* mandement de son Chef, doit avec ignominie estre *obeïssan-* puny, non seulement par le Prince qui a toute puis- *ce du* sance, mais aussi par le Chef d'armée; comme nous *subieit.* voyons par l'histoire de Manlius Torquatus, qui n'es- *Obeïf-* pargna pas son fils mesme, encore qu'il eust esté vi- *sance im-* ctorieux: mais il estimoit que pour la conseruation *porte plus* d'un Estat, ou d'une armée l'obeïssance importoit plus *que vi-* que la victoire. *toire.*

Suivez tousiours la compagnie des plus grands, & vous comportez en leur endroit avec l'honneur & le respect qui leur est deu; car avec les plus grands qui sont gens de bien l'on apprend tousiours de l'honneur, & si en est-on estimé dauantage d'un chacun; *Qu'il* *faut obeïr* *d'enant* *que sca-* *voir bien* *comman-* *der.*

& en les honorant & obeïssant on apprend apres à cōmander; car celuy qui a appris d'obeïr modestement est digne quelquefois de cōmander; & est raisonnable que celuy qui obeït, espere apres de cōmāder; & celuy qui peut cōmander, doit pēler qu'il peut aduenir qu'il faudra que quelquefois il obeïsse; & si acquiert-on en obeïssant la bonne grace des grands, la protection & faueur desquels est fort necessaire: mais prenez sagement garde de ne les offencer point; car bien souuent ils font cōme le feu qui brulse ceux qui en approchent de trop près; donnez leur tousiours bonne opinion de vous, & de vostre vertu & valeur, & que vous estes soigneux de leur bien, autorité & grandeur, & qu'estes vtile pour leur seruice; car ceux qui gagnent leurs bonnes graces par leur donner seulement du plaisir, quand ils viennent à desirer d'autres plaisirs comme le naturel des Princes est en cela plus variable que les autres hommes, aussi changent-ils d'affection enuers ceux qu'ils ont seulement aimez, pour ce seul regard; quand les Rois ou Princes vous feront cēt honneur de parler à vous; si c'est pour affaire de leur seruice, rendez vous capable de leur en respondre avec raison & iugement; si c'est par discours commun, n'aduancez iamais propos qui touchent l'honneur & bien d'autrui; car tousiours cela est sceu, & bien souuent par eux mesme: ne parlez iamais aux Princes contre l'honneur, ny au desauantage des Dames, car cela touche trop à l'honneur encore qu'il y eust sujet d'en parler, & que vos compagnons en parlassent deuant vous, car mēdisance où moquerie est tousiours rendue à celuy qui en vse enuers quelques vns, & bien souuent payée

*La fa-  
ueur des  
Princes  
se doit cō-  
serner  
pour estre  
utile à  
leur ser-  
uice &  
non parle  
plaisir.*

par vne rude querelle qui fait perdre la vie; & ceux qui sont bien nés, & qui sont nourris aux maisons des Princes, & en la compagnie des Grands, ont tousiours plus derespect & d'égard aux personnes, & si sont plus corrects & retenus en leurs propos, que non pas les autres; commeaussi est trouuée mauuaise la flatterie & certains petits propos de Cour, dont vsent quelques vns par galanterie, qui sont plus propres à Charlatans, qui veulent vendre des fumées, que non pas à des Gentils-hommes d'honneur & de valeur; car les sages Rois se seruent de flatteurs & plaisans, apres qu'ils ont laué les mains pour se mettre à table; mais quand il est question des charges d'honneur, soit à la guerre où ailleurs, ils y pensent à bon esciér, & ne font pas electiō de telles gens. Quand vous serez près des Reines, Princesses & autres Dames, ne vous auancez iamais de tenir propos que bien honnestes, encore qu'il y en eust d'autres qui s'en voulussent dispenser à vostre presence; car il est mal seant à tous endroits, & principalement en tel lieu, qui ne pourroit apporter à la fin que mespris de celuy qui les tiendrait, & bien souuent de fascheuses querelles; estant fort indigne d'un Gentil-homme d'honneur, de faire le gausseur, plaisant & moqueur, qui sont qualitez fort proches & dépendantes de vraye folie. Ne vous aduancez iamais de donner vostre aduis aux Rois & aux Princes auant qu'il vous soit demandé, & encore quand ils vous commanderont de leur dire vostre opinion, vous en deuez vser sagement d'un parler fort retenu, & avec peu & bons termes, deduire la raison de l'aduis que vous iugerez le meilleur, & deuez croire

*Les sages  
Princes  
se seruent  
des flat-  
teurs &  
plaisans,  
pour rire  
& non en  
bon assai-  
re.*

*La plai-  
santerie  
& mo-  
querie  
sont dé-  
pendan-  
tes de  
vraye fo-  
lie.*

*Ne se  
trop ad-  
van-  
cer  
de donner  
aduis  
aux  
Princes.*

que bien souuent les Princes demandent aduis d'une chose qu'ils n'ont pas intention de faire; mais seulement veulent faire semblant d'en auoir quelque volonté, ou pour faire parler & ouurir les affections de ceux qui sont prés d'eux, ou bien pour sentir si quelqu'un leur pourra donner aduis qui approche de quelque affection particuliere qu'ils ont pour le receuoir plustost qu'un meilleur, à celle fin de s'en seruir d'excuse & de couuerture, si le fait succede mal, & que l'on puiffereietter la faute sur celuy qui l'aura conseillé; comme l'on dit que faisoit l'Empereur Charles le Quint, quand il vouloit executer quelque affaire, en laquelle il preuoyoit quelque danger, lequel il proposoit en son Conseil, & y apportoit tant de raisons & facilitez qu'il faisoit chacun tomber en cette opinion, & apres disant son aduis le dernier, remonstroit quelque autre difficulté & raison qui le diuertissoit de l'aduis cōmun de son Conseil; duquel toutefois il ne se vouloit départir, qui estoit pour seruir d'excuse à l'aduenir, si les choses ne succedoient selon son intention, sçachant bien que du bon euenement l'honneur en demeure tousiours au Prince, sans qu'on s'enquiere lors qui en a esté d'aduis: Il aduient aussi quelquesfois que les Princes qui sont sujets à suiure leurs passions & opinions plus que les autres, choisissent les hommes tels qu'ils les estiment propre à leur conseiller ce qu'ils veulent, dont ils s'aident pour quelque temps pour couurir leurs affections; mais quand ils se remettent deuant les yeux la verité & la raison, ils n'estimēt pas ceux qui ont plus regardé à leur complaire, & à les flatter, que non pas à leur reputation &

au

*L'honneur  
de  
demeure  
tousiours  
au Prince,  
du bon  
succes.*

au bien de leurs affaires; il se trouue auoir esté escrit  
 par vn nommé Pendathes au Lieutenant du Roy Ar-  
 taxerxes, que c'est la coustume des Rois de reietter  
 tousiours l'euement de leurs mauuaises fortunes, sur  
 ceux ausquels ils commettent le maniement & charges  
 de leurs affaires, & que tous les bons succez ils les attri-  
 buent à eux seuls, & à leur dexterité & bonne conduit-  
 te, qui doit bien faire considerer les conseils que l'on  
 donne aux Princes, & mesmement aux affaires, dont  
 l'euement est incertain, & ceux qui s'ot appellez pour  
 y donner conseil doiuent estre libres & exempts de  
 toutes passions & affectiôs; car en fait de conseil où la  
 volonté s'incline le plus, l'esprit a plus de vigueur; &  
 beaucoup conseillent les Rois plustost pour les attri-  
 buer à leur volonté, commodité & aduantage, que non  
 pas pour leur seruice; aussi est-ce la plus grande felici-  
 té qu'un Prince pourroit auoir que d'auoir trouué vn  
 bon, fidelle & prudent Conseiller & seruiteur, qui luy  
 importe quelques fois plus que la conqueste d'un  
 Royaume; car il n'y a pire gouvernement que celuy  
 qui se fait par la seule opinion du Prince, attendu que  
 celuy qui gouuerne tout, doit viure en crainte de  
 tous, & beaucoup plus de soy-mesme; d'autant qu'il  
 pourroit plus errer faisant ce qu'il veut, que s'il ad-  
 mettoit ce que son Conseil luy dit; car les principau-  
 tés tyranniques s'obtiennent par force, & sont souste-  
 nuës par armes, mais le vray Empire est au gré de tous;  
 le bon Roy est agreable à Dieu, patient aux trauaux,  
 prouident & aduisé aux dangers, affable aux siens,  
 benin aux estrangers, & non conuoiteux d'amasser  
 des thresors, ny amateur de ses propres desirs & opi-

*Les Prin-  
ces reiet-  
tent le plus  
souuent  
leurs fau-  
tes sur  
leurs ser-  
uiteurs.*

*Les opi-  
nions sou-  
uent s'in-  
clinent à  
ce que  
l'on a le  
plus en  
volonté.*

*Qu'il n'y  
a pire  
gouver-  
nement  
que celuy  
qui se fait  
par la  
seule opi-  
nion du  
Prince.*

*Les par-  
ties re-  
quises à  
un bon  
Roy.*

nions particulieres; & combien que le Prince soit superfin, si ne faut-il pas qu'il s'estime Seigneur absolu en toutes choses, ayant tousiours Dieu sur luy pour Iuge, & les hommes pour spectateurs de toutes ses actions; & d'autant plus qu'il est grand, plus d'obligation d'estre bon, & moins de loisir d'estre mauvais; plus d'autorité pour commander & moins de liberté de se donner du plaisir, & de suivre ses affections & opinions particulieres; car il est trop dangereux que le Prince face tout à sa volonté, & seule opinion. Que le Prince aussi prenne aduis d'un chacun, il n'est pas bon, mais doit considerer & prendre garde au conseil qui luy est donné, par qui & avec quelle raison: le bon-heur de l'Empereur Vaspasien fut d'auoir eue le Philophe Apollonius pour Precepteur & conseiller; & Plutarque Precepteur de Trajan, la premiere remonstrance qu'il luy fit à l'auenement de son Empire, fut qu'il ne luy pouuoit bien aduenir, si au gouuernement de son Estat il ne vouloit suivre l'aduis du conseil, pour lequel conseil, c'est le tout aux Princes de bien choisir des gens d'honneur & de vertu, prudens en leurs aduis, arrestez en leurs paroles, patiens au travail, & à porter & dissimuler les importunitéz quel'on leur fait, doux & modestes en toutes les actions, non sujets à l'ambition, ny à l'auarice, qui ait l'experience par le manicement de beaucoup d'affaires: car les Gouverneurs des Royaumes & des Republiques se doiuent donner aux gens prudens & d'experience, bien arrestez & moderez, & non aux autres, encore qu'ils ayent des lettres & de la suffisance; car il y a trop de difference entre celuy qui a bon iugement & expe-

*Grand  
heur à un  
Prince  
d'auoir  
un bon  
& sage  
Conseil-  
ler.*

*Les qua-  
litez d'un  
bon Con-  
seiller.*



rience, & ceux qui ont leur science aux liures, & le cerueau aux talons; celuy qui a peu d'experience tient toutes choses pour faciles, & au contraire le prudent & expérimenté tient tout difficile: le Capitaine superbe donne l'assaut sans raison; le Pilote temeraire fait bien tost submerger le vaisseau; l'Aduocat Escolier fait perdre le procez; le Medecin nouueau ne peut guerir le malade; & le Iuge sans experience iugera de trauers; & au contraire celuy qui est prudent & expérimenté ne met iamais vn Estat en hazard & danger, & conduit toutes choses avec sage consideration, preuoyans tous inconueniens; & celuy qui a telles qualitez en toutes aduersitez, soit du general, ou de son particulier, encore qu'il ne puisse empescher du tout d'affoiblir quelquefois l'autorité, si est-ce qu'il empesche du tout de deschoir, & de se ruiner; & si sera tousiours en particulier aimé & estimé des gens de bien; ce que ne pourroit estre celuy qui en son gouvernement aura esté rude & mal gracieux, encore qu'il fust homme de bien, car il ne sera iamais plaint ny regretté en quelque fortune qu'il puisse tomber; entre les affaires qui se peuuent presenter pour donner aduis aux Princes, desquels les occurrences sont plus communes; Il y en a six principalement; la premiere sur l'entretienement & changement des choses, de tout temps establies en vn Estat, l'autre sur la continuation & augmentation des tributs; la troisieme sur le conseil de commencer vne guerre, ou pour l'entretienement de la paix; la quatrieme sur la clemence ou seuerité, de laquelle les Princes doiuent user envers leurs subjects; la cinquiesme sur la iustice que les Prin-

*Celuy qui a peu d'experience tient tout pour facile, & le prudent tient tout pour difficile.*

*Le prudent ne peut pas empescher tout le mal, mais à tout le moins empesche la ruine.*

*Les six principales points sur lesquels l'on donne aduis aux Princes;*

ces sont obligez de rendre à leurs subjects, & sur la bonne distribution des charges & Estats de leur Royaume; & la dernière sur le ménage de leurs finances, dons & bien-faits de ceux qui ont bien & fidèlement seruy; sur chacun desquels points il y auroit de bien amples & longs discours à faire, mais ie m'en remettray sur ceux qui en ont amplement escrit, & n'en toucheray que de chacun vn mot en passant, qui sera seulement pour vous ouurir le chemin pour les voir & lire plus particulièrement: & en premier lieu se faut bien donner de garde de donner aduis aux Princes, de chāger aucune chose en son Estat, des Loix regles & Ordonnances, qui de tout temps y ont esté receuës, ny en la Religion, ny en la Iustice, ny aux formes & ceremonies & autres façons accoustumées; & n'y a chose si petite, dont le changemēt n'en soit dāgereux; car encore qu'il apparaisse meilleur & plus vtile, si est-ce que par effect & par experiēce il suruiuent tousiours quelque mal qui n'a point esté preueu; & quand il n'y en auroit point d'autre, sinon que d'apprendre aux subjects de changer les choses establies, il en peut auenir des inconueniens; car ils pourroient apres desirer à changer, ce qui importeroit à l'autorité du Prince & au bien & repos del'Estat: Platon disoit sur ce propos que la moindre mutation de la mesure de la musique estoit dangereuse en la Republique, de peur de monstrier aucun commencement de changement, en quoy ceux de Marseille ont esté fort louēz qui n'auoient rien voulu changer de tout ce qu'ils auoient eu dès le commencement que les Phocenses vindrent habiter & faire vne Republique à Marseille, & iusques aux

*Ne chā-  
ger ce qui  
est receu  
& establi  
de tout  
temps en  
vn Estat.*

choses les plus petites, comme d'un vieil cousteau, qui auoit esté fait dès le commencement pour punir & couper la teste aux mal-faïcteurs, lequel ils vouloient tousiours garder & s'en seruir, encore qu'il fust tout entouillé & gâté, tant ils estimoient que le changement aux choses les plus petites estoit dangereux; ce que ne peuuent cognoistre ceux qui n'ont point assez d'experience. Pour le second point qui concerne les tributs, d'autant que l'Estat d'un Prince ne se peut entretenir sans le reuenue ordinaire; & comme dit Cornelius Tacitus que la paix ne se peut maintenir sans les armes, ny les armes sans payement, ny la folde des gens de guerre sans tributs & reuenus, il est nécessaire que le Prince conserue son reuenue accoustumé, & tel que ses predecesseurs ont eu, avec telle iouissance que les subjects en ont receu contentement, & en ont continué doucement le payement, si ce n'estoit que le temps eust tant apporté de misere & pauureté aux subjects, qu'il leur fust suruenue l'impuissance de la continuation du payement; mais d'imposer nouveaux tributs sur le peuple il est tres-dangereux; car il n'y a rien qui offense plus les subjects, & qui donne plus d'occasion de susciter vne rebellion contre le Prince; & le plus beau sujet que peuuent prendre ceux qui veulent faire entreprise contre un Estat, qui ne manquent iamais en tout pais, & en tout temps, ou de ceux qui se veulent venger par mescontentement, ou d'autres poussez d'ambition, autres pressez de necessité, ou bien quelque ieune voisin qui veut gagner reputation de conquerant; & les sages & aduisez Rois se sont bien donnez de garde d'entrer

*Combien  
il est dan-  
gereux  
imposer  
non-  
neaux  
tributs.*

en tels inconueniens. Darius pere de Xerxes, disoit qu'il estimoit plus l'amour de ses subjects que la multitude d'argẽt; & vn iour enquis d'Alexandre où estoit son thresor, fit vne belle & digne responce: Qu'il estoit gardé fort soigneusement par ses amis, & que la bienveillance de ses subjects estoit la meilleure & plus seure garde de son argent: Tybere Empereur fut vne fois conseillé par ceux qui pour son seruice presidoient aux Prouinces pour la necessité de ses affaires, de charger ses subjects de quelques tributs nouueaux: surquoy il leur fit respõse, que c'estoit le deuoir d'un bon Pasteur de tondre seulement les brebis & non pas les escorcher; qui sont resposnes faites d'Empereurs qui sçauoient bien iuger combien l'imposition de nouueaux tributs est dangereuse, & offense les subjects; il se voit assez d'exemples par les Histoires, notamment en ce Royaume, du temps du Roy Louis XI. la guerre du bien public, qui fut entreprise sur ce sujet; comme celle de Flandres pour les impôts faits par le Duc d'Albe, & depuis à nostre grand mal en ce Royaume: Sur le troisième poinct qui est de conseiller & donner aduis aux Princes sur l'entretènement de la paix ou commencement de la guerre, c'est chose où le sage Conseiller doit bien regarder, pour donner aduis; car l'euement en est plus incertain qu'en toute autre chose, où Soló qui estoit si sage n'en voulut iamais donner aduis quand il fallut deliberer pour faire la guerre aux Megarenses, & aima mieux cõtrefaire le fol pour auoir excuse; & n'y a rien qu'il ne faille faire & essayer plustost que cõmencer la guerre, pour les dangers qui en aduiennent: & a esté dit au-

*Que le  
conseil de  
commen-  
cer la  
guerre est  
perilleux.*

trefois qu'une mauuaife paix vaut mieux qu'une bonne guerre; & disoit Scipion l'Affriquain, que tout se deuoit rechercher & têter auant que mettre la main à l'espée, & qu'il n'y auoit si grande victoire que celle qui se conduisoit par prudence, & qui se recouroit sans effusion de sang. Ciceron escriuant à Attique, disoit qu'il estoit plus à estimer de vaincre avec le conseil que de surmonter par les armes; & la guerre doit estre estimée iuste quand elle est faite pour la deffense de sa Religion & de l'Estat, qui est ce que l'Empereur Auguste disoit souuent; que pour estre une guerre bonne, elle deuoit estre commandée par les Dieux, receuë par les Princes, iustificée par les Philosophes, & executée par les Capitaines; & toutefois nous voyons par l'euenemēt que beaucoup de guerres s'entreprennent avec bonne raison, deffense de la Religion & de l'Estat, bonne & prudente resolution de Conseil, qui toutefois ne succede pas heureusement; qui est ce que dit Lucain de la guerre de Pompee & de Cesar, que la raison estoit pour la cause vaincuë; mais que la victoire auoit plû aux Dieux; tellement que nous voyons quelquesfois que le Prince qui à bon & iuste droit soutient la guerre, toutefois estre vaincu & surmonté par un ambitieux conquerant, & usurpateur, & tel a esté souuent le comencement des plus grands Empires & plus renommées Republiques, comme nous voyons de cette grande Republique de Rome, qui a commencé par des Bergers & brigands ramassez; & à present l'Empire des Turcs accru en telle autorité & puissance contre toute raison, & mesme à la diminution de nostre Religion Chrestienne, qui est la vraye

*La plus grande victoire est celle qui s'obtient par prudence sans effusion de sang.*

*Quand une guerre doit estre estimée bonne & iuste.*

*La plus iuste cause en la guerre n'est pas toujours victorieuse.*

404 INSTRUCTION DE MONSIEUR  
& seule qui se doit soustenir, pour la deffense de la-  
quelle tant de Princes Chrestiens son decedez, & mes-  
me y fut deffait & arresté prisonnier le bon Roy sain&  
Louis, qui nous fait bien paroistre que Dieu permet  
quelquefois la bonne & iuste cause estre la plus foible  
& vaincuë, qui sont secrets iugemens de Dieu, qui est  
le grand Maistre des batailles, ausquels secrets les  
hommes ne peuuent penetrer, ny cognoistre la raison  
& faut qu'ils baissēt la teste sans pouuoir regarder plus  
haut; bien souuent aussi il aduient à la guerre contre

*Le plus  
grand  
nombre  
en la  
guerre  
n'est pas  
toujours  
victo-  
rieux.*

*Les ieunes  
Capitaines  
souuent  
les plus  
heureux.*

la raison que le plus petit nombre demeure victorieux  
du plus grand nombre; nous le cognoissons assez par  
les Histoires; & combien de fois Iules Cesar & autres  
Capitaines de Rome, avec peu de nombre ont vaincu  
& deffait de grandes armées, si l'on en pense dōner la  
raison, parce que c'estoiet de bons Capitaines & gens  
bien aguerris, l'on peut iuger cette raison n'estre suf-  
fisante; car il se lit vne infinité d'exemples, où de ieunes  
Capitaines qui auoient peu d'experience, ont  
commencé leurs bonnes fortunes par la victoire des  
plus grands Capitaines, qu'il semble qu'en la vieillesse  
que le bon-heur & la fortune les abandonne, pour  
acquérir reputation à quelques ieunes Capitaines;  
Scipion qui estoit ieune fut enuoyé contre Annibal  
qui auoit vaincu tous les plus grands Capitaines de  
Rome; & neâtmoins fut deffait par ce ieune Scipion,  
& pour ne chercher les exemples qu'à nostre país,  
nous voyons que ce ieune Prince de Galles Anglois,  
avec huit ou neuf mille hommes seulement deffit le  
Roy Jean près de Poitiers, accompagné de tous les  
meilleurs Capitaines de France, & de soixante mille  
hommes,

hommes; & aussi d'autrepart que le Roy Charles VIII. fort ieune, sans aucune experience, avec peu d'entendement, sans conseil & conduitte, & sans argent passa en Italie contre les forces de tous les Seigneurs du pais, & alla conquerir le Royaume de Naples, & en retourna nonobstant tous les empeschemens que l'on luy donna, & gaigna la bataille de Fornoue avec sept ou huit mille hommes, contre toutes les forces de l'Italie, que l'on disoit estre de quatre-vingt mille hommes, qui est vn voyage qui a succedé contre toute raison, & la prudence des hommes de nostre temps; nous auons veu ce vieil experimenté & victorieux Empereur Charles le Quint, qui avec toutes les forces d'Espagne, de l'Italie & d'Allemagne, vint assieger Metz, où Monsieur de Guise ieune Capitaine arresta & mit fin aux grands & heureux succez dudit Empereur, qui s'en alla apres renfermer pour le reste de ses iours dans vn Monastere, laissant son bon-heur & felicité à son fils, comme si la bonne fortune accompagnoit tousiours les ieunes; ce qui luy aduint bien tost apres, par la bataille & journée de saint Laurens: Par ainsi nous voyons que la bonne & iuste cause, & le grand nombre d'hommes, ny l'experience d'un bon Capitaine, ne sont pas raisons suffisantes pour s'asseurer tousiours d'une victoire: côme aussi n'est chose plus assurée que le prudent & meilleur conseil; car souuent est aduenue que les Capitaines les plus entreprenans & temeraires, ont surmonté les plus sages & experimentez, dont ils ont esté louiez sans raison, parce que la louange suit le succez communément, combien qu'elle deüst pluost

*Le meilleur conseil en la guerre ne succede pas tousiours.*

estre blasmée : Ce sage Fabius Capitaine Romain ne conseilloit pas l'entreprise de Scipion, d'aller à Cartage & de laisser l'Italie despourueë, & qui estoit vn sage conseil; nonobstant lequel, l'aduis du ieune Scipion succeda mieux; de sorte que la raison & le succez ne s'accompagnent pas tousiours; & la temerité à la guerre gaigne quelquesfois plus que la sagesse; & le seul regard du succez est le iugement des fous, comme dit Fabius Authenticus, qui fut vne belle & sage response de Phocion, lequel apres la mort d'Alexandre ne conseilloit point la guerre contre Antipather, que Leossenes vouloit entreprendre, qui toutefois succedabien; dont estant fait reproche audit Phocion par quelqu'un qui luy demandoit s'il voudroit pas auoir esté chef de cette entreprise, dit qu'il voudroit bien l'auoir executée, mais qu'il ne voudroit pas l'auoir conseillée, voulant dire que le bon succez ne rend pas le conseil meilleur, & souuent vn conseil mal pris succedemieux par hazard qu'un meilleur & plus sage conseil; & me suis trouué en vne bataille qui fut donnée contre l'aduis des plus sages & experimentez, & neantmoins l'issüe en fut fort heureuse; qui est ce que disoit Annibal à Scipion, qu'il n'y auoit rien en ce monde où l'euenemēt fust moins respondant à la raison qu'à la guerre, qui est vn jeu de hazard & de fortune, que quelques vns ont dit estre cōme vn ieu de dez; Si est-ce qu'en toutes choses la raison doit estre toujours la plus forte, comme dit Cicéron de *Orat.* qu'il faut premierement prendre le conseil par la raison, & apres attendre ce qui pourra aduenir du succez de la fortune, laquelle de louer c'est folie, la blâmer c'est



arrogance, & pour ces raisons, celuy qui est sage & bien aduisé, & qui entreprend de donner conseil aux Rois, doit plustost donner aduis de la paix qui est meilleure en foy & plus certaine, non pas seulement que la guerre, mais qu'une victoire esperée; car personne ne se peut assurer de ce qui depend de la fortune, & de la foy & valeur des hommes de diuerses nations & volonte, qui n'ont le plus souuent aucune crainte de Dieu, ny affection à leur Prince & patrie, & qui sont seulement induits de la seule esperance du profit; & parainfi le principal fondement & establissement d'un Estat, est une bonne & assurée paix, qui n'ait rien de tromperie & de trahison en derriere; car pour la seule esperance de la paix, & pour le repos & tranquillité d'un Estat, la guerre doit estre seulement estimée iuste, comme estant necessaire: & si les Princes ne bornent leurs volonte & ambitions, iamais ne mettront fin à leurs cupiditez, qui leur apportent bien souuent plus de ruine que d'auancement & grandeur: les exemples nous en sont communs des plus grands & plus victorieux Capitaines; cōme de Pyrrhus, lequel ne se voulant contenter de tant de Prouinces qu'il auoit subiuguées suiuant l'aduis que luy en donnoient les siens, ayant assiegé Antigonus dedans une ville, fut tué d'une pierre iettée de la muraille par une femme, & sa teste portée à Antigonus; nous voyons aussi comme Alexandre avec les grandes conquestes en a peu iouy & receu de contentement; ce que nous pouuons aussi recognoistre par ce qui en fut dit par Annibal, ayant les armes & les forces en la main; disant à Scipion: qu'il estoit à desirer que les Dieux eus-

*Le conseil de la paix est le plus assuré.*

*Il ne se treuve que peu de Capitaines continant la guerre qui ne soient à la fin ruinés.*

font donné ce iugement aux hommes, que les Romains se fussent contentez de l'Italie, & les Cartagiinois de l'Afrique; mais qu'il n'estoit plus temps, parce que les choses passées estoient plustost à reprendre qu'à corriger: regardons donc si ce grand Annibal qui a esté des plus grands victorieux & experimentez Capitaines, apres tant de cognoissances des euemens & incertains effets de la guerre, a esté de cét aduis & à donner ce iugement; ce que nous pouuons dire de ceux qui ne font que commencer à prendre l'ambition, d'accroistre & amplifier leur Royaume, qu'ils mettent souuent plustost en danger d'estre perdu que non pas augmenté; & par ainsi nous deuons cognoistre que nostre condition humaine est fort miserable, quand nous poursuiuons avec tant d'auidité ce que nous estimons estre de nostre bien & aduancement, ne considerant pas combien nous sommes sujets à la mutation, changement & ruine, & qu'il n'y a en ce monde que la seule vertu, & nos honnestes actions & deportemens qui se puissent maintenir & conseruer, & que les conseils & aduis que l'on donne d'un commencement d'une guerre sont tres-dangereux, quelque raison qu'il y ait d'en bien esperer, pour les douteux & incertains euemens, dont apres on en reiette la cause du mal sur celuy qui en a donné l'aduis: quant à la seuerité de laquelle doit vser vn Prince, soit pour cōtenir ses subjects en obeissance, ou pour ceux qui par la voye de la guerre tombent en leur mercy; il est tousiours bien meilleur & plus honneste de donner conseil aux Princes d'vsr de clemence & de bonté que non pas de seuerité où de cruauté; car il n'appar-

tient qu'à ceux qui ont le cœur pusillanime, Bas & de- *La cle-*  
 bile d'vser de cruauté, comme se sentant craintifs & *mence*  
 foibles de courage, de peur qu'ils ont que ceux qu'ils *honneste*  
 font mourir vsent de reuanche à leur endroit; & ne *est utile à*  
 sçauroit-on voir tesmoignage plus certain d'un cou- *un Prin-*  
 rage foible & craintif; car iamais n'entra cruauté dans *ce, & la*  
 le courage d'un homme genereux. Alexandre le Grand *cruauté*  
 quand il vit Darius mort, Iules Cesar la teste de Pom- *tres-dan-*  
 pée, Marcus Marcellus brusler Ciracuse, le bon Sci- *gerense.*  
 pion Numance destruite, ils ne peurent contenir les  
 larmes, encore qu'ils fussent leurs mortels ennemis; car  
 les cœurs genereux encore qu'ils soient bien aises de la  
 victoire, si sont-ils marris de la ruine des autres, & ne *Un cœur*  
 voyons point de Princes sanguinaires & vindicatifs, *generoux*  
 qui ne soient à la fin tuez de leurs ennemis, ou que les *est marry*  
 siens mesmes ne le vendent & trahissent: Les bons *de la rui-*  
 Empereurs, Auguste, Tite & Trajan ont plus gagné & *ne mes-*  
 surmonté de gens en pardonnant, que Silla, Tibere, *me de son*  
 Caligula & Neron n'ont fait en faisant tuer & *ennemy.*  
 mourir tant de gens: Le Chirurgien qui guerit les  
 playes par onguents doux, est plus loüable que celuy  
 qui vse d'incisions de membres. Iule Cesar estant en-  
 quis par le Consul Manilius, qui estoit la chose dont  
 plus il s'estimoit, fit responce qu'il n'y auoit rien dont  
 il pensoit meriter plus de loüange & qui le rendist  
 plus content que d'auoir pardonné à ceux qui l'a-  
 uoient offensé, & d'auoir gratifié ceux qui l'auoient  
 seruy. L'Empereur Adrian ayant retenu celuy qui se  
 iettoit sur luy pour le tuer, empescha que l'on ne luy fist  
 mal, & dit qu'il estoit fol, & le fit bailler comme tel  
 aux Medecins pour le guerir; Neron mesme durant sa

première année de son Empire souhaittoit ne pouuoir escrire de peur de signer la mort de quelqu'un ; & l'Empereur Theodose le ieune enquis pourquoy il ne faisoit mourir ceux qui luy faisoient mal , respondit ; j'aimerois mieux pouoir faire reulure ceux qui sont morts ; Diodore escrit d'un nommé Cabacus Roy d'Egypte qui abhorroit tant de faire mourir les hommes , qu'il ne pouoit en faire mourir , & les faisoit seulement mettre aux ceuures publiques , & estant pressé par les siens d'en faire mourir , aima mieux quitter son Royaume & s'en retourner en Æthiopie , d'où il estoit né ; la responce que fit Alexandre à Olympias sa mere , estoit fort belle & digne ; quand elle luy fit vne priere , par laquelle il luy pria d'accorder en consideration de la peine qu'elle auoit eüe de le porter neuf mois dans son ventre , de faire mourir quelqu'un qu'elle haïssoit fort , surquoy Alexandre estimant cetuy-là innocent , respondit à sa mere fort humainement qu'il la supplioit de prendre de luy telle autre recompense qu'il luy plairoit , d'autant que la vie d'un homme ne se pouoit par aucuns benefices recôpenser. J'ay bien voulu alleguer ces exemples , à celle fin que donnant aduis à vn Prince sur la clemence , vous ayez tousiours deuant les yeux cômme les sages & bons Princes en ont vſé , & cômme ils s'en sont bien trouuez ; comme fera tout Prince ayant puissance souueraine , qui voudra s'abstenir des violences & cruels cômmandemens ; car ceux qui en voudront vſer avec trop de licence , il faut croire qu'à la fin la mesme cruauté retombera sur eux mesmes , & sur ceux qui les conseillent ; ce que nous voyons par l'exemple de Neron ,

*LACYN-  
auté-  
be le plus  
souuent  
sur le*

que depuis qu'il eut commencé à deuenir sanguinaire, *Prince*  
il s'attacha à ceux qui estoient les plus près de luy, inf- *mesme*  
ques à sa mere & à son Precepteur Seneque; & depuis *qui en*  
que cette rage entre dedans la teste d'un Prince, il fait *use, &*  
comme les Lyons qui deuorent les premiers qu'ils *sur ceux*  
trouuent près d'eux, & lors il est bien tard à ceux qui *qui la*  
les premiers leur ont donné cét aduis des'en repentir;  
& les pourront cognoistre veritables par l'ancien  
ptouerbe, que le mauuais conseil donné par quel-  
qu'un demeure, encore plus dangereux sur celuy qui  
le donne. Je penserois faire tort à la belle responce que  
fit le Roy Louis XII. quand on luy conseilla de se  
venger de ceux qui luy auoient esté ennemis, pen-  
dant qu'il estoit Duc d'Orleans, auant qu'il vint à  
la Couronne, si ie l'obmettois à cet endroit, qui fut;  
qu'il ne falloit pas que le Roy de France vengast les  
querelles & iniures faites au Duc d'Orleans: qui estoit  
conforme à ce que disoit Alexandre; qu'il estoit  
royal de bien faire à ceux qui disoient ou faisoient  
mal. Quand ie recommande & loue tant la bonté &  
clemence des Rois, ie n'entens pas clemence que  
d'obmettre à faire la iuste punition des fautes & delits  
qui sont commis: Car toute Monarchie, Republi-  
que & autre espee de puissance, ne sont appuyez &  
assurez sinon que sur la punition des mauuais, con- *Qu'un*  
seruation des bons, & recompense des merites par *Etat ne*  
iuste distribution, de ce qui peut estre deu à un cha- *se peut*  
cun; & disoit Demodrite que c'estoient deux diuinitiez *mainte-*  
qu'il falloit sur tout adorer, sans lesquelles rien ne se *nir sans*  
peut bien coporter en toute société civile; car par la re- *injustice.*  
compense du merite, l'homme de bien demeure con-

cent, & encore plus obligé à bien faire; ils s'acquie-  
 gnement de la charge qui luy a esté commise, & qui  
 luy a esté distribuée selon son merite & suffisance; & si  
 donne exemple aux autres de suiure & imiter sa vertu,  
 pour estre honoré de pareil bien-fait & recompense,  
 quand il l'aura merité; comme aussi la punition des  
 mal-faits est necessaire, tant pour la conseruation des  
 bons, de peur qu'ils ne soient offensez & iniuriez, què  
 pour empescher les mauuais de mal faire, & que la  
 punition de quelques vns seruent d'exemple pour di-  
 uertir les autres de mal faire; & aussi que c'est vne  
 grande satisfaction & contentement à ceux qui ont  
 esté outragez & offensez, quand ils voyent que le  
 Prince qui est distributeur de la iustice, en fait auoit  
 la raison, & qu'il demeure en cela, côme il doit, ferme  
 & constant sans se départir de cette volonté, quelque  
 supplication, requeste ou importunité quel'on luy en  
 fasse au contraire, ny quelque amitié, faueur ou pa-  
 renté que le Prince puisse auoir avec celuy qui a com-  
 mis l'iniure; pour ne dispenser & priuilegier aucun  
 quel qu'il soit, contre la Loy generale, qui doit estre  
 esgale à tous, iusques aux enfans mesmes s'il est besoin,  
 comme il est dit de Manlius Torquatus, & côme nous  
 en voyons aussi l'exemple recitée par Valere, de Ialenci-  
 us, lequel ayant fait la Loy que tous les adulteres  
 auroient les deux yeux creuez, son fils estant repris de  
 cette faute le voulut faire punir selon la Loy; mais  
 estant requis par ses subjects de luy pardonner à leur  
 requeste, permit de moderer la Loy; mais ce fut à  
 condition que son fils auroit vn œil creué & luy vn  
 autre, à celle fin que la Loy fust entièrement executée

*La iusti-  
 ce doit  
 estre fer-  
 me &  
 constante  
 contre  
 tous.*

en deux personnes, ce qui deuoit estre en l'vne, en quoy il se monstra fort constant en l'obseruation de la Loy, & fort bon & pitoyable pere, en portant partie de la punition sur luy; & n'ya rien qui fasse tant aimer, honorer & craindre vn Prince, que quand il n'offense aucun de ses subjects, ny d'effect, ny de parole, & qu'il ne souffre ny permette qu'il soit fait iniure à aucū quel qu'il soit, ny en la personne ny aux biens; & au contraire, qui le fasse tant haïr quand il desnie iustice à celuy qui la demande avec raison, que nous voyons par les Histoires auoir souuent esté cause de grande rebellion contre les Princes, & mesme de conspiration contre leur personne, & s'en trouue beaucoup qui ont esté tuez de cette façon; & d'autres qui ont esté fort mal voulus de leur subjects, pour auoir esté par eux mal pourueus aux charges de ceux qui sont commis pour faire administrer la iustice souz eux, qui n'auoient pas les parties requises pour charges si necessaires, qui sont d'auoir bon iugement pour voir & cognoistre, grace pour parler, patience pour endurer, cōseil pour sçauoir discernier les affaires avec bōne & sincere intention, & conscience pour ordonner ce qui est iuste sans en pouuoir estre diuertý par passiō ou interest particulier, avec bonne resolution & force de courage pour l'execution de cē qui est ordonné. Quant au dernier des six articles concernant le fait des finances, combien qu'il pourroit sembler que c'est l'vne des moindres parties necessaires à cognoistre pour vn Prince ou vn Gentil-homme, & qu'en la France l'on n'ait pas estimé honnestē à vn Gentil-homme de s'en meller, si est-ce que la cognoissance en est fort vtile & necessaire; car

G g g

Combien  
la bonne  
admini-  
stration  
des finan-  
ces est ne-  
cessaire.

la finance a tousiours esté estimée le nerf de la guerre, & le soustenement & ornement de la paix; & iamais Royaume ne prospera ny n'a esté bien conduit, où la finance a manqué, ou bien a esté mal administrée; & pour cette cause, parce que la plupart des grands des- seins & entreprises ne peuuent estre soustenues que par le moyen de la finance, soit pour la conseruation ou accroissement d'un Estat, i'estime necessaire à un Gentil-homme d'honneur d'entendre comme les finances se manient, mais iamais d'en prendre la charge; il suffit qu'il sçache en parler, & en donner son aduis quand l'occasion s'en presente, sans prendre charge d'en manier, ny d'en ordonner; le temps passé ils auoient leur *Aerarium* en toutes leurs Republiques, & constituoient à Rome trois Questeurs, l'un pour faire venir & receuoir ce qui estoit ordinaire en la recepte; l'autre pour conseruer ce qui estoit mis & déposé en lieu public pour le reseruer à la necessité; l'autre pour demander & exiger ce qui venoit des tributs qui se leuoient pour le secours de la Republique; & ont esté les Questeurs introduits de long-temps, & presque deuant tous les autres Magistrats, & quelques vns en attribuent la creation à Romulus, les autres à Numa, mais la commune opinion des anciens est, que ce fut Tullus Hostilius, & qu'ils furent appelez *Quaestores à querendo*, ils estoient esleus & choisis entre les plus gens de bien, graues, & qui auoient reputation d'auoir les mains nettes, pour ne bailler point les brebis à garder au loup, & ceux qui estoient accusez d'y auoir mal versé estoient aigrement punis par la Loy *Iulia repetundarum*, & tenoient à Rome ce crime pour tres-

Les  
Questeurs &  
autres  
charges  
des finan-  
ces insti-  
tuées dès  
les pre-  
miers  
Rois de  
Rome.



grand, pour le preiudice que fait au public le diuer-  
tissement des deniers de l'Estat, qui a quelquesfois  
esté cause d'apporter vn tres-grand mal; & toute-  
fois en ce Royaume l'on n'a pas assez d'esgard à choisir les  
hommes tels qu'ils faisoient anciennement à Rome,  
comme ils font encore aujourd'huy en beaucoup de  
païs, & mesmement en Angleterre, où l'Estat de grand  
Thresorier est l'vne des premieres & plus grâdes char-  
ges du Royaume; & neantmoins on ne laisse pas d'em-  
ployer en ce Royaume beaucoup d'hommes, tant de  
diuerfes sortes de Receueurs, Controolleurs, Thresor-  
iers Generaux, Intendans, Superintendans, Audi-  
teurs des Comptes, Correcteurs, Maistres des Côptes  
& Presidents; de sorte qu'il y a vn tiers des Officiers  
de ce Royaume qui se meslent de recevoir, controol-  
ler, ordonner, ouïr & iuger des comptes, & pour faire  
la science plus belle, & la rendre plus honorée y ont  
esté inuentez de certains termes beaux & apparens  
pour dresser vn cômpte; mais plustost en effect c'est pour  
desguiser & obscurcir le compte, & mettre la poudre  
dans les yeux des Auditeurs & Châbres des Comptes,  
où il seroit meilleur qu'ils fussent presentez simple-  
ment en paroles communes & en termes simples, ne  
faisant que deux Chapitres, l'vn de la recepte & l'au-  
tre de la despenſe; en quoy consiste toute la cognois-  
sance & bon mesnage des finances, qui est de recevoir  
exactement, ne rien obmettre & accroistre en tout ce  
que l'on peut la recepte, & diminuer la despenſe en  
tout ce que l'on peut honnestement, & faire en sorte  
que la despenſe ne monte jamais tant que la recepte,  
qui est ce qui a ruiné les affaires des Rois de France,

qui ont esté si volontaires à despendre, que dressant l'estat general de leurs finances, ils ont tousiours ordonné la despenſe beaucoup plus grande que la recepte, & par année cela est accreü en tant de debtes par fautes de fonds, qu'il n'y a point d'esperance d'en pouuoir iamais sortir; de là est aduenü le deffaut des payemens de ce qui estoit le plus necessaire, comme des Garnisons, fortifications des places frontieres, entretenemens des forces, tant de la Gendarmerie, gens de pied, que de la marine; le deffaut du payement des gages, estats & entretenemens, du payement des rentes constituées, & du cours de l'interest de l'argent pris aux banques, qui a tousiours augmenté & couru selon la nature des changes; de sorte que depuis que tel desordre a commencé, qui fut dès les premieres années du Roy François premier, qui changea tout l'ancien ordre, du maniment des finances de ce Royaume; le tout est tombé en telle confusion, que si tout le reuenü du Royaume se pouuoit comparer au reuenü d'un particulier, il ne seroit suffisant quand tout seroit vendu par decret, de pouuoir satisfaire au payement des debtes qui depuis ledit temps ont esté faites, qui est vn mal qui procede de laisser tousiours courir debte sur autre; à quoy doiuent bien penser ceux qui donnent aduis aux Princes, & encore plus ceux qui sont sages de n'en prendre iamais aucune charge: car les Rois & Princes sont la pluspart nourris en liberalité, ou plustost en profusion, & incontinent apres tombent en necessité, qui les contraind d'vser de la puissance qu'ils ont sur les biens de leurs subjects; & pour se couvrir de quelque excuse, s'en prennent or-

dinairement à ceux qui ont eu charge de leurs finances; & quand ce seroit vn S. homme de Paradis, l'on prendra facilement opinion qu'il y a fait son profit; combien que les Princes cogneussent la verité estre au contraire, si est-ce que pour courir leur mauuais menage, ils sont bien aises d'en laisser prendre cette opinion à vn chacun; & quand il aduient qu'un Prince fust si bon mesnager, qu'il establiss vñ bon ordre & reglement au maniment de ses finances; si est-ce qu'un homme bien aduise ne s'en doit iamais mesler; car s'il se trouue près d'un Prince auaricieux, il se faut souuenir de cet Empereur qui disoit vouloir engresser ceux qui auoient charge de ses finances, comme l'on fait des pourceaux pour les tuer apres, & en tirer le profit quand ils sont gras: Et si le Prince est si bon qu'il ne voudroit faire mal à celuy qui luy fait fidellement seruire, si est-ce qu'il peut quelquesfois auoir de grands affaires pour la conseruation de son Estat; où vn fidelle seruiteur employe tous ses moyens & credit; & apres, ou par l'impuissance, ou la mort du Prince, ceux qui ont le mieux seruy, demeurent le plus en peine, & quelquesfois aussi le Prince successeur, qui le plus souuent n'aime pas ceux qui ont esté fauorisez & employez par son predecesseur, est bien aise de trouuer moyen de laisser courir sur eux: nous en auons l'exemple d'Enguerran de Marigny, Comte de Longueuille du temps de Philippes le Bel, & de tant d'autres Gouverneurs & Lieutenans du Roy, pour auoir ordonné sur les finances, ou par les Prouinces, ou bien aux armées auxquelles ils commandoient; par ainsi tenez tousiours pour certain qu'un homme

*La charge des finances dange-reuse en France.*

de qualité & de biens, ne se doit iamais meller des finances des Rois & des Princes, & tousiours s'en trouvent mal ceux qui s'en mellent, encore qu'ils s'en acquittent fidèlement; & n'appartient qu'à gens de basse condion de s'y employer, qui ne se donnent peine de leur reputation, & qui veulent courir tous hazards & fortunes pource s'enrichir: Ce sont sommairement les six poincts qui meriteroient bien d'estre deduits plus au long, mais ie les ay seulement touchez pour les remarquer, à celle fin qu'il vous en souuienne, cōme vous deuez aussi faire de quelques autres poincts particuliers, auxquels ceux qui ont cēt honneur d'approcher des Rois & des Princes doiuent bien prendre garde; comme si vous estes commandé d'exccuter quelque entreprise de guerre, regardez diligemment les moyens que l'on vous donne pour cēt effect, les forces dont on vous assiste, & de quelle sorte de gens elles sont composees, sur quil'entreprise se dresse, l'experience & la valeur du chef, contre lequel vous auez affaire: car souuent par enuie que l'on porte communément à la Cour à ceux qui ont quelque faueur, vertu & valeur, on leur fait bailler des charges qui paroissent dignes & belles; comme si l'on estoit desirieux de leur bien & aduancement, mais l'intention est tout autre; d'autant que c'est pour les embarquer en quelque difficile & mauuaise entreprise, pour leur faire perdre l'honneur & reputation; comme aussi quand

*De bien  
preuoir  
& prendre  
bonne  
instru-  
ctiō de la  
charge  
que l'on  
voudra  
entreprendre.*

quelqu'un est despesché par les Rois, pour aller en quelque lieu traiter & negocier quelque affaire; lequel il faut bien considerer auant que de s'en charger, & preuoir si l'euēnement peut bien reüssir au bien du

seruice & au contentement du Prince , qui vous employe , & qui soit tel, s'il est possible que le negociant, vous n'offensiez personne, si ce n'estoit que la necessité & le deuoir d'homme de bien vous y obligeast; où lors faut principalement auoir esgard, à son honneur, & à ce que l'on est obligé ; mais en toutes sortes faut tousiours prendre bonne instruction par escrit , & signée, de la charge qui vous est donnée; car autrement quand les choses qui se negociét ne succedent pas cōme l'on desire, l'on peut estre sujet à estre desaduoué, & y a beaucoup de Princes qui quelques fois reiettent les fautes sur leurs seruiteurs , encore qu'elles ne procedent que d'eux mesme ; & bien souuent encore qu'il y ait bon tesmoignage, signé de leur commandement, ne le pouuant du tout nier, ils l'interpretent à leur volōté , pour prendre sujet de se plaindre de celuy qu'ils veulent defauoriser, & nous faut tousiours craindre & deffier de celuy qui a la puissance de pouuoir tout ce qu'il veut : car encore que la volonté de tous les hommes soit variable & inconstante, si est-ce que les Princes plus que les autres sont tousiours menez de leger, & prennent plaisir à la variation & changement de toutes choses , ou pour les affections de leurs plaisirs , ou suspitions & deffiances , qui sont fort communes pour les jalousies d'Estat; les autres sont poussez d'ambition & desir de quelque entreprise de grandeur , ou de vengeance ; & lors les Princes oublient toute faueur & amitié, & n'espargnent la vie des hommes pour paruenir à leur dessein ; & par ainsi n'y a rien , & ne faut tenir aucune chose assuree aupres des Princes, & faut tousiours estre comme celuy qui le pied nud marche sur vne couleure; ou comme dit le

prouerbe, celuy qui tient le loup par les oreilles; & se faut tenir tousiours prest d'en partir & s'esloigner quand on voudra, sans laisser sujet veritable au Maistre de ce mescontenter, ny aux ennemis & enuieux de pouuoir attaquer l'honneur d'un homme de bien, duquel la vertu sera plus cognüe en son absence qu'elle n'estoit sentie en sa presence, comme est le naturel des hommes de mieux recognoistre le bien que nous auions lors que nous en sommes priuez de la iouissance: Si vous cognoissez, ayant la faueur de vostre Prince, qu'il ait volonte de vous gratifier de beaucoup de biens-faits, honneurs, & aduancemens, vous deuez bien prendre garde à ne l'importuner; mais de vous contenter de dons & honneurs mediocres, & ne courir iamais sur la fortune & bien d'autrui; & faut toujours laisser son Prince en volonte de mieux faire, sans le presser & importuner de ce qu'il ne veut, ou qui peut porter dommage ou enuie à quelqu'un; prenant exemple à Picotacus Mitilineus, qui fut estimé l'un des sept Sages, lequel apres auoir deliuré sa patrie d'un Tyran, & auoir vaincu le Duc des Atheniens, refusa la principauté de sa Republique qui luy estoit offerte, comme il fit apres de grande quantité de terres que l'on luy voulut donner, faisant responce à ses Citoyens, qu'ils ne luy donnassent rien qui fust enuie ou desiré de beaucoup, ne voulant rien que ce qui suffisoit pour l'entretenement de l'equité de son esprit, & de la bonne volonte de ses Citoyens enuers luy, & adioustoit la raison; parce que les dons qui sont petits sont assurez & permanens, & les grands dons n'ont pas accoustumé d'estre de longue demeure; Souuenez vous aussi per-

*Se contenter de dons & bien-faits mediocres.*

*Les dons qui sont trop grands ne sont pas fort assurez.*

petuel-

petuellement, que si le Prince vous fait cet honneur de parler à vous priuément, & de prendre souuent vostre aduis, de ne vous en rendre plus glorieux & difficile, ou de faire comme ont accoustumé beaucoup de Courtisans, qui font les empêchez pour monstrier qu'ils ont de grandes affaires à manier, & faire paroistre quel'accez de parler au Prince est fort difficile, & apporte aussi des difficultéz à toutes requestes qui se font, pour mieux faire paroistre leur credit, & le plaisir qu'ils font, où pour mieux dire vendre, comme l'on dit leurs coquilles, ou comme disoient les Anciens, vendre leurs fumées souz pretexte de la faueur de leur Prince; ce qui est grandement à blâmer, & qui meriteroit autant de punition comme en receut vn nommé Thurinus Verconius, duquel l'Histoire est recitée par Lampredius, en la vie d'Alexandre Seuer, qui aimoit & fauorisoit grandement Thurinus, lequel abusant de la bien-veillance de son Prince, promettoit à vn chacun sa faueur, en receuant des biens-faits & presens; ce qu'ayant entendu l'Empereur Seuer, & cogneu combien cela diffamoit son Gouvernement & autorité, commanda que Thurinus fust attaché à vn pillier au milieu d'une grande place publique, & mettre à l'entour de luy du bois vert & humide, lequel allumé fist plus de fumée que de feu, à celle fin qu'il fust estouffé par la fumée, ayant chargé l'Officier qui assistoit à l'exécution de crier tout haut, que celuy qui auoit vendu les fumées de la Cour du Prince, estoit condamné à mourir par la fumée, iugeant l'Empereur, l'iniure que luy faisoit Thurinus, de le faire estimer si fol & mal aduisé de se laisser ma-

*Des vendeurs de fumées, de la Cour*

H h h

nier à la volonté d'un homme qui en abusoit; comme aussi il a esté dit d'un nommé Toticus, qui gouvernoit de telle façon l'Empereur Heliogaballe, que l'on disoit de luy qu'il estoit le mary de l'Empereur, & sont telles gens si dangereux près des Princes, que souuent ils sont cause de leur ruine: car toute l'insolence dont ils vsent, l'offense & iniure, ou tromperie qu'ils font à quelqu'un, tombe en la haine & mal-veillance du Prince qui les fauorise & soustient; mais en fin ces vendeurs de fumée, de parfums ou d'eau beniste de Cour, demeurent miserables & chastiez, comme ils le meritent; & s'ils meurent auant que d'en auoir receu la iuste punition, nous voyons leur maison & posterité tomber en ruine, qui est un suffisant aduis à ceux qui ont cette faueur d'estre aimez des Princes, de s'y comporter avec tout respect & honneur en leur endroit, fidelité, deuoir & diligence, toute honneste modestie & courtoisie enuers un chacun, pour faire plaisir à ceux qu'il pourra honnestement sans esperer profit, ny prendre presens qui sont apres trop cherement vendus par la perte de la réputation; N'abusez aussi iamais de la faueur de vostre Prince, ny sous son nom faire promesses vaines & inutiles: car incontinent celuy qui est descouuert pour tel; est tenu pour un menteur & trompeur, craint peut-estre par quelques uns, mais mal voulu & hay de tous, ce que doiuent bien considerer ceux qui ont affaire à la Cour, & qui peuuent esperer faueur des Princes; car il faut que le seruiteur porte tout respect & honneur à son Roy & Maistre, & ce qui en depend & qu'il aime, iusques aux choses les plus petites, & ne se iouer iamais, comme l'on, dit à son



Maistre, nys'enquerir trop auant de ses secrettes & in- *Ne s'en-*  
 terieures volôtez, dont la cognoissance ne doit venir *querir*  
 que de luy quand il luy plaist, & encore est tres-dan- *des se-*  
 gereux de les sçauoir, de peur que si vn autre les des- *crets de*  
 couure, que l'on n'en soit soubçonné; ce qui a souuent *son Ma-*  
 apporté beaucoup de mal à ceux qui ont esté trop par- *istre.*  
 ticipans des secrets de leur Maistre; bien est-il bon de  
 les induire tousiours & de leur proposer ieux & passe-  
 temps honnestes, pour monstrier bons exemples pu-  
 blics, & se faire louer de ses subjects, qui ont tou-  
 siours accoustumé d'estre imitateurs des actions de  
 leurs Princes, & les faire tousiours accompagner en  
 tous les plaisirs & passe-temps des gens d'honneur,  
 qualité & reputation, qui rend les actions des Prin-  
 ces plus estimées & honorables. Pour fin de cet article  
 se peut souuent représenter à vn Roy, la belle senten-  
 ce de l'Empereur Iulianus, lequel au commencement  
 de son Empire ayant entendu l'esmotion & tumulte  
 des Gaules, dit qu'il cognoissoit bien que par la di-  
 gnité Imperiale, il n'auoit rien dauantage acquis, si- *Les Rois*  
 non qu'il viuoit avec plus d'empeschement qu'il n'a- *n'ont rien*  
 uoit accoustumé auparauant: Doncques tous les bons *plus que*  
 Conseillers des Rois, doiuent regarder de donner *les an-*  
 tousiours de bons, veritables & salutaires aduis, & *tres, sinon*  
 suiure en cela l'opinion du sage Solon, lequel ayant *qu'ils*  
 esté mal receu du Roy Cresus, pour luy auoir dit la veri- *viuent*  
 té, Esope celuy qui a composé les Fables luy dit, ou qu'il *avec plus*  
 ne falloit point du tout approcher des Princes, ou il *d'empes-*  
 leur falloit complaire & agreer; mais au contraire res- *chement.*  
 pondit Solon, ou il ne faut point s'en approcher, ou  
 il leur faut dire la verité; & toutefois avec tel respect

H h h ij

*Quelle  
remon-  
strances  
se doivent  
faire aux  
Princes  
avec  
grand  
respect.*

& honneur, & avec telle dexterité qu'il ne puisse penser qu'on les vueille regenter & blâmer; car lors ils se banderoient plustost à leurs volontez: le naturel de la plupart des Princes, estant tel qu'ils estiment que leurs raisons, encore que d'ailleurs elles ne soient suffisantes, doiuent tousiours estre tenuës pour meilleures que les autres, & veulent vaincre & demeurer maîtres en toutes choses, & pour cette cause leur faut faire cognoistre que la raison que l'on leur veut proposer vient d'eux-mesmes, prenant honneste sujet & ouuerture, sur quelque autre fait, passé auparauant, qu'il leur feroit prendre plus doucement la raison & remonstration, comme si elle venoit d'eux-mesmes & s'il les fait tenir plus fermes pour l'exécution, si quelqu'un les en vouloit diuertir.

*Combien  
il faut  
estre discret  
& retenu en  
parole.*

Prenez garde de ne parler iamais indiscrettement, & soyez tousiours en toutes compagnies modeste & retenu en paroles, ayant bien pensé en vous-mesme ce que vous auez à dire, auant que la parole vous sorte de la bouche; car les paroles donnent tesmoignage de la suffisance & sagesse ou autres qualitez des hommes; & faut grandement louer & estimer ceux qui sont retenus de parler, que bien sagement, & tel doit estre estimé vn homme selon qu'est sa parole; l'apophtegme de Solon estoit que la parole est le simulachre & demonstration des mœurs & volontez & actions des hommes: Et dit le Poëte Perse, que l'homme se cognoist à la parole, comme l'argent au son en le touchant du doigt, & ceux qui en vsent au contraire se font mal estimer & haïr d'un chacun, quand ils parlent legerement, & si ils engendrēt vne infinité de querel-

*L'homme  
est  
estimé se-  
lon sa pa-  
role.*

les qui sont tres-mal-aisees apres à demeller, & souuent font perdre l'honneur & la vie, & aussi tost faut auoir la main à l'espée, qu'une parole mal dite est eschappée, & si les gens bien aduisez s'essoignent de la compagnie de celuy qui n'est maistre de sa langue, pour les querelles qu'il peut faire en tous lieux; lequel pareillement est estimé indigne de tout honneur, charge & commandement, puis qu'il ne peut se retenir & commander à luy-mesme; & deuous tousiours nous souuenir de la sentence de Xenocrates qui estoit souuent repenty d'auoir parlé, mais iamais des'estre tenu: La parole & prononciation qui sort de nostre bouche, doit estre composée comme les autres actions de nostre vie, & n'y a rien bien réglé & ordonné de ce qui est trop aduancé & précipité; & les promptes, abondantes & soudaines paroles, sont plus propres pour Aduocats, Escoliers, qui disputent, ou ioueurs de comedies, que non pas à gens qui traittent & parlent des choses graues & serieuses: car plus s'imprime à l'entendement de ceux qui escoutent ce qui est attendu & qui se dit lentement, que ce qui se dit sans choix & election de paroles, qui coulent & eschappent de la bouche comme vn torrent d'eau, où comme celuy qui descend d'une montagne trop droite, lequel glissant en la descente est emporté par la pesanteur de son corps, n'estant plus en sa puissance de prendre pied & s'arrester, qui fait souuent dire & eschaper quelques mots mal à propos, non dignes d'un homme sage, duquel la parole doit estre pressée & retenue, comme le marcher doit estre modeste & non trop hasté: Ciceron qui estoit pere d'Eloquence, par-

*Celuy qui  
n'est mai-  
stre de sa  
langue  
est indi-  
gne de  
comman-  
der ail-  
leurs.*

loit tousiours avec ordre, par degrez & par poincts  
separez & paroles bien propres, aptes à ce qui se doit  
dire, vsant de termes si bons qu'ils signifioient en sub-  
stance plus que les paroles n'estoient estimées : com-  
me il faut avec peu de propos & de paroles parler bien  
à propos & en substance, qui est le plus grand tesmoi-  
gnage d'un bon & sein iugement, & que l'esprit n'a  
rien en soy de superflu, ny de vanité; car comme di-  
soit le Philosophe Zenon: L'homme sage doit trem-  
per sa parole en sens & en raison, premier que de la  
prononcer, & en peu de langage comprendre beau-  
coup de substance, comme la piece d'or ou d'argent  
est estimée la meilleure, qui souz le moins de masse à  
plus de prix & valeur. Il est escrit qu'un iour Phocion  
qui estoit grand Orateur, resuant seul souz un eschaf-  
faut, luy fut demandé par un de ses amis à quoy il pen-  
soit, fit responce qu'il pensoit à tout ce qu'il pourroit  
retrancher de ce qu'il auoit à dire au peuple; & disoit  
de luy Demostene que c'estoit la hache qui retran-  
choit ses paroles; le mesme Phocion respondit aussi  
un iour à un qui auoit accoustumé de parler haute-  
ment, que ses propos ressembloient à des ciprés qui  
sont grands & hauts, mais qui ne portent point de  
fruiet, & faut tousiours parler en termes & paroles  
communes & vsitées; & fuir comme un rocher en-  
mer les termes non vsitez; d'autant qu'il faut suiure  
les mœurs anciens pour bien viure, & vser de paroles  
receuës & vsitées de present; Pour bien parler Pitha-  
goras Samius, apprenoit à ses disciples plustost à se  
taire qu'à parler, monstrant par là qu'il faut plustost  
penser & mediter les paroles, que de les laisser sortir

*Auec peu  
de paro-  
les il faut  
parler  
bien à  
propos &  
en sub-  
stance.*

*Vivre se-  
lon les  
mœurs  
anciens  
& vser  
de parol-  
les du  
present.*

de la bouche; Et les anciens auoient fait vn temple à la Deesse Agenoria, à la porte duquel la Deesse de Taciturnité estoit peinte le doigt sur la bouche; ceux qui ont escrit de la nature des animaux, disent que quand les Oyes commencent à sentir la chaleur du costé d'Orient, & qu'ils se veulent retirer à l'Occident, ils passent communément par dessus la montagne de Taurus, abondante en multitude d'Aigles qui surprennent lesdits Oyes en volant, & cet animal est si prouident que cognoissant son naturel estre de crier, pour s'empescher de ce faire, met dedans le bec vne pierre pour rompre leur cry, & par ce moyen passent la montagne par silence, & incontinent apres iettent la pierre; qui nous doit pour le moins faire aussi sages que les bestes, qui sçauent bien cognoistre le temps de se taire, & le temps qu'il leur est permis selon leur naturel de crier: Les Perles punissoient de peine de mort ceux qui ne pouuoient celer vn secret qui se deuoit taire; & disoient ne pouuoir estre iamais fait rien de grand par celuy qui ne pouuoit commander à sa langue; & de cette taciturnité en acquit grand honneur à Rome cet enfant Papirius Pretextatus, d'auoir bien sceu taire le secret du Senat; sur tels exemples beaucoup de gens deuoient estre aduertis, qu'ils ne doiuent pas estimer chose fort louable à vn homme aduisé d'entretenir les compagnies auxquelles il se trouue, par vn babil ordinaire, lesquels, combien peut-estre qu'ils ne puissent bien parler, si est-ce qu'ils n'ont la sciée & la forme de se pouuoir taire, & ont certaines maladies & flux de paroles qu'ils ne peuuent retenir non plus que ceux qui ne peuuent retenir leur eau, où

*Les Perles punif-  
soient de  
peine de  
mort ce-  
luy qui  
reueloit  
vn secret.*

qui sont touchez de la maladie de veterue, de boire, où de dormir, qui affoiblit les forces de la nature, cōme il semble que ceux qui sont abōdants en paroles, la plupart de la force de leur naturel & de leurs actiōs s'esuanoüissent par la bouche; cōme vne flamme de feu qui a son exalatiō en lieu large & ouuert, n'est si vehementement ny si forte que si elle estoit resserrée & retenué en lieu estroit & couuert; & la Nature de l'homme ne peut estre si parfaite de toutes parts que quand elle est grande & abondante d'une part, qu'elle ne soit aussi moins forte de l'autre, d'où procede que nous voyons qu'un qui a la memoire tres-grande deffaut souuent en iugement; & celuy qui a beaucoup de paroles, a communément peu d'effect & d'execution; tout ainsi comme il faut estre retenu en paroles, il est encores bien plus de besoin de prendre garde de prés à ce qui s'escriit, comme à chose qui demeure, & qui laisse perpetuel tesmoignage des volontez & de la sagesse de l'homme; en choses serieuses ne se doit rien surpasser ny aussi obmettre de ce qui est necessaire & veritable aux amis; il n'y a rien si agreable que les lettres d'un amy absent, par lesquelles nous sont representées les vrais vestiges & remarques de nos amis, & leur douce presence & agreable cōpagnie, nous sont imprimees à l'esprit par la lettre escriite de leur main; mais craignant que nos lettres ne leur soient seurement rendues il est necessaire de n'escrire aucune lettre qui puisse porter prejudice, & auoir tousiours deuant les yeux que beaucoup de personnes se sont trouuez en grand peine pour n'y auoir assez sagement preueu en escriuant; car de dire quelque chose inconsiderément

*Combien  
il importe  
de prendre  
garde  
à ce que  
l'on escriit*

ment

ment, c'est simplicité ; mais le mettre par escrit est grande ignorance & bestise ; si Catilina & ses associez n'eussent signé la lettre de coniuration, ils eussent bien peu estre accusez, mais non pas conuaincus & condamnés ; de sorte que la plume peut quelquefois aussi bien faire tuer les hommes que les armes ; & pour cette cause beaucoup de grands personnages estoient longs en leurs paroles & discours, mais fort courts & succincts en leurs lettres. Iules Cesar escriuant à Rome de la bataille Perficque, disoit seulement, Je suis venu, j'ay veu, j'ay vaincu. L'Empereur Auguste escriuant à son Neveu Caius Drusus, dit en cette sorte : Puis que tu es pour cette heure en Illyrie, qu'il te souuienne que tu es sorty des Césars ; que le Senat t'enuoye ; que tu es mon neveu & ieune, & citoyen Romain. Ciceron escriuant à Cornelius, dit ; Resioüy toy puis que ie ne suis point malade, car de mesme ie seray ioyeux si tu te porte bien : En choses priuées & communes, desquelles la cognoissance ne peut porter preiudice, les lettres familièrement escrites sont fort agreables aux amis, d'un langage & stile priué & facile, qui n'aye rien de recherche & labouré, ny de feint & simulé, en mesmes termes que si on estoit assis, ou que l'on se promenast avec son amy, & monstrent que l'on n'escrit rien que l'on ne pense & que l'on ne vueille ; & faut faire difference de la qualité de nos lettres, comme de la diuersité de nos amitez ; car autrement nous baisons vne amie ; autrement nous embrassons nos enfans, avec telle moderation que l'on cognoist assez la diuersité de nos affections ; nous devons par honneur respondre aux lettres qui nous ont esté escrites ;

*Parler  
inconfide-  
remment  
est simpli-  
cité ; mais  
del'escri-  
re est be-  
sise.*

*230*  
 l'honneur  
 vient  
 que l'on  
 responde  
 aux let-  
 tres re-  
 çues.

si c'est par vn plus grand, nous le deuons par nécessité; si c'est vn pareil encore que ce soit de volonté, touttefois le deuoir nous y oblige; respondre à moindre que nous, vient de vertu & d'honnesteré. Alexandre escriuoit à celuy qui auoit charge de ses cheuaux; Iules Cesar à son lardinier; Tybere à Scarre son Meufnier; Senecque à son rentier; Paulus Æmilius escriuoit à son Bouuier en cette sorte, Iet'enuoye vn autre bœuf pour ioindre à l'autre blanc, & aussi la charruë que tu demandes, laboure bien ma terre, & faussioye bien ma vigne, cure bien les arbres, & ayes souuenance de la Deesse Ceres. Vne lettre missiue doit estre bien escritte, les lignes droittes, les lettres vnies & esgalles, le papier net, bien ployé & le cachet bien descouuert; car la prudence se monstre par ce que l'on escrit, & l'honnesteré en la maniere d'escrire, les gestes, contenance & desportemens d'vn chacun, donnent aussi grands argumens des mœurs & volonteiz, qui se peuvent remarquer par les moindres & plus petites choses: comme par exemple, celuy qui est sujet à l'impudicité sera cogneu par le marcher, le mouuement des mains, le regard des yeux, accompagné par quelque petit mot de responce assez remarquable: le mauuais sera cognu par la façon de rire, le visage effronté, avec l'habitude & action du corps, & en semblable de tous les autres vices, qui portent tousiours avec eux quelque demonstration exterieure, qui se peut cognoistre par ceux qui voudroient y regarder de prés, ou par les gestes, contenance, paroles, habillemens & autres signes & coniectures exterieures; & par les choses petites l'on peut donner iugement des autres plus gran-

*Le visage & la contenance, donnent grand argument des mœurs & du caractère.*



des, d'où a esté tiré ce prouerbe, cognoistre & iuger par le front; & dit Ciceron que le visage & le front est la porte del'esprit & de la volonté cachée & enfermée; comme aussi il dit en son premier liure des Offices, que les yeux sont les remarques des affections, & que par le haussement ou contraction des sourcils, on recognoist la colere, la douleur, ou la crainte d'un homme, & toutes les affections & passions de l'esprit de ioye & de plaisir, ou de tristesse; par ainsi chacun se doit commander en trois choses, à vn pas & marcher modeste, à vn visage composé, & en tous gestes conuenans à vn homme prudent.

Prenez peine de vous rendre adroit, & prendre plaisir à tous exercices dignes de vostre profession, & principalement ce qui est pour le fait des armes & de la guerre, où vostre vacation vous appelle, en laquelle vous deuez esperer avec le temps tout l'honneur & aduancemēt duquel vous vous redrez capable; & quand vous serez à la guerre, suiuez tousiours les plus vieux Capitaines qui ont le plus d'experience, & qui ont acquis le plus d'honneur & reputation; avec lesquels vous apprendrez les endroits où il faut monstrier sa valeur & courage, & ce que l'on y peut acquerir d'honneur; & avec les ieunes Capitaines il y aura souuentefois plus de temerité & presumption à apprendre que de vaillance & conduite, & quand dès le commencement l'on a appris & cogneu la bonne & sage conduite d'un Chef & Capitaine, l'on en retient tousiours apres l'instruction pour s'y gouverner & comporter avec mesme ordre; c'est ce qui donna la premiere reputation à Alexandre, car n'ayant que

*Prendre  
plaisir  
aux exer  
cices des  
armes.*

*Suivre à  
la guerre  
les vieux  
Capitai  
nes pour  
appren  
dre.*

*Alexandre ne  
bailloit  
les charges de ses  
armées  
qu'à  
vieils  
Capitaines.*

vingt & vn an quand son pere Philippe mourut; les ieunes gens avec lesquels il auoit esté nourry esperoient auoir les charges de l'armée, mais il choisit les vieux Capitaines qui auoient longuement seruy le pere; à celle fin qu'ils fussent non seulement gens de guerre, mais aussi Maistres de la discipline militaire, & ne bailloit aucune charge à son armée, sinon qu'à ceux qui estoient les plus vieux & experimentez; de sorte qu'il sembloit plustost que ce fust l'ordre & gouvernement d'un Senat que non pas d'une armée; quia esté cause de luy faire obtenir de si belles victoires; & de faire de si grandes conquestes: Et retenez de moy vne chose, que i'ay plus veu de guerre estât à la suite des armées, où i'ay esté employé; que ie n'en ay fait, n'estant pas appelé à cette profession, & qu'il ne faut pas legerement entreprendre à la guerre, comme font souuent les ieunes gens, poussez d'ardeur, de chaleur & courage; car en la faute qui se fait à la guerre, il n'y a plus apres de repentir; en toutes autres choses les fautes faites se peuuent corriger; mais en la guerre la peine suit incontinent celuy qui a failly, qui ne peut plus apres reparer le mal qui est adueni; qui est la raison qu'il y faut bien penser auparuât; & iamais en la guerre ne se doit dire, ie ne le pensois pas: Mais quand il y a vne bonne resolution prise avec vn bon & sage aduis, il vaut tousiours mieux assaillir, s'il est possible, que de se mettre sur la deffensive; car celuy qui assaille choisit son party, recognoist la force, l'ordre & le logis, & la contenance de l'ennemy, & l'heure qui est à propos pour attaquer; & celuy qui se deffend ne peut pas si bien sçauoir & recognoistre les forces de l'assaillant,

*D'assaillir à la guerre est le plus aduantageux.*

ny le dessein de son entreprise qui le met & laisse toujours en doute, & le retient de rien aduancer, encore que peut-estre il en eust occasion; & l'opinion de Scipion estoit qu'il y auoit tousiours plus de courage de bien combattre & vaincre à celuy qui entreprend, que non pas à celuy qui ne fait repousser & soustenir; & bien souuent il aduiant que celuy qui s'aduance au combat avec raison & resolution, est avec moins de danger que celuy qui pense estre plus seurement, en s'esloignant du lieu où se fait la charge, & s'il est apres remarqué par honte & deshonneur à ceux qui l'ont fait; Et deuez tousiours tenir en vostre cœur, qu'il vaut mieux mourir que viure avec honte, & qu'il est plus honorable de mourir en vne armée que non pas avec les dolices d'une maison; mais d'autre part il ne faut iamais sur tout que la presomption de la force, l'ardeur du courage pour acquerir de la gloire, la promptitude & legereté de volonté d'entreprendre, face perdre le iugement & se departir de la resolution prise auant que venir au combat, & de l'ordre qu'il y faut tenir; comme aussi ne faut pas que l'estonnement d'un accident suruenu sur le champ, face rien diminuer de la resolution & du iugement qu'il faut lors soudainement prendre selon que l'affaire le peut requérir, où lors il faut que le Chef de l'armée prenne par sa prudence de luy-mesme resolution, l'affaire ne donnant pas quelquefois temps & loisir de deliberer & prendre conseil d'autres Capitaines; sans toutefois rien mettre en hazard, sinon d'autant que l'honneur & le deuoir, avec l'occasion, le requiert; & faut referer du tout le viure & le mourir à l'exercice de vertu & de l'hon-

*Qu'il  
vaut  
mieux  
mourir  
que viure  
avec hon-  
te.*

*Qu'il  
faut re-  
ferer le  
vivre &  
le mourir  
à l'exer-  
cice de la  
vertu.*

*Le iuge-  
ment est  
plus re-  
quis à la  
guerre  
qu'à tous  
lieux.*

*Qu'il est  
requis à  
la guerre  
se conser-  
uer, puis  
apres as-  
saillir.*

neur; fuir la mort n'est point de soy reprehensible; moyennant que ce soit sans lascheté de cœur; aussi il n'est louable de l'attendre, ou s'y exposer precipitamment par vn mespris de la vie: c'est pourquoy le iugement est requis à la guerre plus qu'en tous lieux, & que tout homme sage doit regarder premierement à se bien deffendre & conseruer, & apres d'assaillir & ofenser son ennemy, selon que l'occasion & la raison de la guerre le peut permettre: Homere décrit toujours les plus vaillans hommes & les plus hardis, les mieux armez, quand il est temps de combattre; & ceux qui ont fait les Loix des Grecs punissent celuy qui iette & abandonne son bouclier, & non pas son espée ny sa lance; parce qu'il est premierement necessaire de penser à se conseruer, & puis d'assaillir, qui nous doit grandement faire blasmer beaucoup de ieunes gens qui sont à present, lesquels sans consideration s'exposent à toutes sortes de dangers, pensant s'en faire estimer dauantage, & qui croient aussi qu'ils seront tenus pour plus vaillans qu'ad ils iroient à la guerre sans estre armez, côme faisant paroistre vn mespris de tous perils & hazards: mais ils tombent en contraire opinion enuers les gens sages & experimentez, qui estimeront avec raison, ou que c'est faute de iugement & de cognoissance du danger auquel ils se hazardent mal à propos, ou qu'ils ne veulent pas s'auancer bien auant au combat, puis qu'ils n'y vont pas armez & en estat de le bien soustenir; & n'y a homme sage qui vueille entreprendre quelque chose que ce soit qu'il ne se mette & dispose en estat de le pouuoir bien faire; si quelqu'un voyant vne grande nuée &

forte pluye commencer, vouloit sortir du logis en pourpoint pour aller en quelque lieu, on tiendra pour certain qu'il veut retourner bien tost ; & que s'il vouloit aller loing, il se couvrirait d'un bon manteau contre la pluye: Et les vieux & experimentez Capitaines chasseront tousiours d'auprès d'eux ceux qui s'en approchent sans armes, puis qu'ils doiuent aller en lieu pour combattre, & non pas pour dancier ou baller; d'autant plus seroit à blasmer le Chef d'une armée ou conducteur de quelques forces, qui legerement exposerait sa personne en danger ; car il n'est pas non seulement nonchalant de sa vie, mais aussi de tous ceux qu'il conduit; desquels le salut depend de luy, & ayant soing de sa personne, il a soing aussi de tous ceux qui sont dessous luy. L'on fait vne comparaison d'une armée à vn corps humain, les avant-coureurs & cheuaux legers ressemblent aux mains, la gendarmerie aux jambes & aux cuisses, pour soustenir le corps, les bataillons des gens de pied à l'estomach, & le Capitaine & Chef de l'armée à la teste: & pour cette raison Timothée dist vn iour publicquement aux Atheniens, que tenant la ville de Samos assiegée, il eut grand honte de ce qu'un coup de trait tiré des murailles de la ville vint tomber tout aupres de luy, parce qu'il s'estoit trop aduancé en ieune homme, & plus hazardé qu'il ne conuenoit au Chef d'une armée, qui ne doit iamais se mettre au hazard, sinon qu'il soit tres-vtile & important que le Chef de l'armée s'expose au peril ; car lors il doit la teste baissée employer sa main & sa personne pour le bien & seruice de son Estat, & aduantage de tous ceux qui sont souz

*La com-  
paraison  
d'un ar-  
mée au  
corps hu-  
main*

*Qu'un  
Chef  
d'armée  
ou Capi-  
taine ne  
se doit  
hazarder  
que par  
nécessité  
en co-*

gnoissan-  
ce de  
grand ad-  
van tage.

Belle res-  
ponse de  
Scipion  
l'Afri-  
quain.

luy; mais iamais homme sage ne requerra que le Chef qui est pere & conducteur de tous fasse acte de soldat priué, qui ne pourroit seruir que d'un seul homme, & la perte seroit vniuerselle à tous les siens; surquoy vn iour Scipion l'Affriquain, estant blasmé de quelque vn de ce qu'il n'estoit bon, & ne s'aduançoit point au combat, fit vne belle responce: Que sa mere l'auoit engendré pour Empereur & Chef d'armée, & non pas pour Soldat combattant, qui estoit pour monstrier que la science de vaincre estoit en l'esprit & conduite d'un seul, & non pas en la force & aux armes d'un seul homme: Les Lusitains qui anciennement estoient estimez les plus vaillans & feroces entre les Espagnols, & qui dix ans durant combattirent contre les Romains à forces & victoires esgales, n'estoient iamais entr'eux vn Chef de leur armée qui fust fort vigoureux de membres & disposé, mais vn foible ou impuissant de sa personne; disant que la premiere partie d'un Capitaine estoit d'auoir la science de se bien garder, & par art & conduite d'euer le peril & danger; ce qui ne se pouuoit faire par vn Chef qui luy mesmes'exposoit au danger; d'autant que la victoire s'obtient plus tost par conseil & bonne conduite, que non pas par les armes; & Homere donne plus de louange à Vlisses qu'il appelle conducteur de guerre, que non pas à la vaillance d'Ajax, ny d'Achilles: Ne sont moins aussi à despriser les Chefs de guerre & les Capitaines, lesquels aux conseils qui se tiennent pour la guerre, sont plus soigneux de se faire estimer hardis que sages en conseil, & s'il se propose quelque entreprise hazardeuse & pleine de danger, ils n'osent mettre en auant le

le peril & inconuenient qui en peut aduenir, de peur  
 qu'on ne prenne opinion d'eux, que ce soit crainte &  
 faute de courage, laissant pour cette raison souuent  
 tomber l'armée en hazard d'une perilleuse entreprise,  
 encore qu'ils en ayent bien cognoissance; & preferent  
 en ce faisant l'opinion de valeur qu'ils desirent acquerir  
 à la conseruation & seureté d'une armée: comme  
 aussi il y a quelquesfois des vieux Capitaines qui pour  
 paroistre en conseil, plus suffisants en leurs opinions  
 que les autres, soustiennent des aduis plus pour la reputation  
 d'eux-mesmes, que pour le bien, vtilité & aduancement  
 de l'armée, qu'ils ont fait courir quelquesfois de grandes  
 fortunes pour cette raison: l'une des choses les plus  
 necessaires à la guerre, est que le Chef soit tousiours  
 bien aduertty; car les plus belles entreprises ne se  
 peuuent executer, sinon quand l'on sçait les forces de  
 l'ennemy & ses desseins; & pour cet effet ne faut  
 iamaïs reietter les aduis que l'on donne; mais les  
 rechercher & bien cōsiderer, & iuger avec la raison  
 & apparence; s'ils se trouuent veritables ils peuuent  
 grandement seruir; si au contraire ils ne se trouuent  
 certains, on y peut pouruoir & s'en aider selon l'occasion,  
 ou bien y adiouster foy, s'il n'y a apparence, ou qu'il  
 y ait soupçon de quelque desguisement & tromperie,  
 & en quelque sorte que ce soit ne peut estre que  
 tres-bon d'entendre tout ce que l'on peut d'aduis;  
 car en ce faisant on donne volonté à vn chacun de  
 venir rapporter ce qu'ils peuuent auoir appris, &  
 faute de l'auoir ainsi fait a esté quelquesfois cause  
 de faire perdre de grandes batailles, dont la memoire  
 nous en est encore recente, à la grande perte &

*Des Capitaines qui en conseil de guerre, regardent plus à paroistre vaillans à bien dire que non pas à bien conseiller.*

*L'aduantage que donnent les bons aduis à la guerre.*

*Ce que  
faisoient  
les Fran-  
çois an-  
cienne-  
ment pour  
auoir ad-  
uis à la  
guerre.*

ruine de cét Estat, qui est vne faute que les anciens François ne faisoient pas; car il est escrit d'eux qu'ils commettoient l'un des plus sages & aduisez de leur armée, pour arrester tous les passans par les chemins, pour apprendre tous les bruits & nouuelles de tous pais; qui est ce qu'ils appellent aujourd'huy prendre langue. Pirrus Roy des Epirothes, ayant trois armées en diuerses Prouinces estoit ordinairement aduertý de ce qui se faisoit, & en ses armées & aux Prouinces auxquelles il estoit, par le moyen des gens qui estoient à cheual, faisans grande diligence; qui fut,

*L'intro-  
duction  
des postes  
prises de  
Pirrus.*

*Les en-  
treprises  
des guer-  
res doiuent  
estre fort  
secretes.*

comme l'on dit, le commencement & introduction des postes; tout ainsi comme il faut estre bien curieux d'estre aduertý, il est aussi necessaire de prendre garde que le secret soit bien gardé; car iamais les grandes affaires ne succedent bien, quand auant l'effect ils sont descouuertes; & dit Suetone de Iule Cesar, que iamais on ne luy a ouy dire, demain nous ferós cela, & aujourd'huy cecy; mais seulement disoit, il nous faut à present faire telle chose, pour demain nous y aduise-rons; qui est ce que respondit Lucius Metellus à vn de ses Capitaines qui luy demandoit quand on donneroit la bataille; il luy fit response que si la chemise scauoit la moindre partie de son secret, qu'il la feroit brusler: les affaires de la guerre se doiuent bien conduire par plusieurs; mais la resolution s'en doit prendre secretement, & avec peu de gens; autrement le tout seroit aussi tost descouuert; & publié qu'il seroit conclud; & ce conseil le faut prendre avec des hommes anciens & experimentez, & qui soient prudens & non temeraires; & prendre garde de se deffier du



conseil des hommes, qui en leurs conseils sont opi- *Le con-*  
 niaftres, & aux effets temeraires; car il y a moins de *seil de*  
 mal à se conseruer en se retirant sans honte, que de se *ceux qui*  
 perdre temerairement; aussi la timidité des vns affoi- *sont opi-*  
 blit souuent le courage des autres, & celuy qui est *niaftres,*  
 remply de timidité est fort esloigné d'esperance, & *on qui*  
 celuy qui n'espere rien, n'a pas aussi le courage à la *sont crain-*  
 guerre de rien entreprendre & executer; & par ainsi *tifs, dan-*  
 le meilleur conseil est de se souzmettre tousiours à la *geroux à-*  
 raison, & ne s'abandonner point à la fortune & ha- *la guerre*  
 zard, quelque aduantage quel'on puisse auoir, mes- *comme*  
 me à la poursuite des victoires qui se doit faire avec *aussi des*  
 iugement; car la fortune de la guerre se change sou- *temerai-*  
 dainement, & souuent s'est veu des batailles gagnées *res.*  
 au commencement du combat, se tourner sur l'heure *Il n'y a*  
 mesme à la perte; car il n'y a chose en ce monde en la- *rien si*  
 quelle la fortune soit moins correspondante qu'au *variable*  
 fait de la guerre; il s'en lit plusieurs exemples, entr'au- *que la*  
 tre vn des derniers, du temps du Roy Louis XII. du- *fortune*  
 quel le neveu, Gaston de Foix, Duc de Nemours, *de la*  
 poursuivant la victoire à Rauenne, fut tué avec beau- *guerre.*  
 coup d'autres; de sorte que la victoire fut honteuse  
 & en laquelle se receut plus de perte & dom-  
 mage que de profit & aduancement: L'une des prin-  
 cipales parties d'un bon Chef & Capitaine, est le *Combien*  
 soing & la diligence, soit pour entreprendre, soit *la dili-*  
 pour se conseruer, & le nom de l'armée qui s'appelle *gence est*  
 exercite, est dit *ab exercitatione*, & le nom d'expedition *requisie à*  
 remarque la diligence requise à la guerre, & la prom- *la guerre.*  
 ptitude d'entreprendre avec toute diligence, danger  
 & trauail, aux entreprises qui se font pour conquerir;

*Alexandre auoit appris à ses gens de pied à marcher aussi tost que la cavallerie.*

*Combien la vigilance & le soing d'une bonne garde est requis.*

Nous voyons par les Commentaires de Cesar la diligence de laquelle il vsoit pour aduancer son armée à grandes iournées pour surprendre ses ennemis à l'improuiste; car il n'y a si grande force, laquelle n'estant preparée à la deffense, ne soit espouuentée, & facilement dissipée par vne venue inopinée de l'ennemy. Darius se pleignoit de la celerité d'Alexandre, qui faisoit marcher son armée de nuit & de iour, ne luy donnant aucun repos; & qu'il auoit appris à ses gens de pied de marcher aussi tost que la Cavalerie; le soing & la vigilance sont encore plus requis pour la conseruation; & pour cet effect faut suivre le conseil de Cambises, pere de Cyrus, Roy de Perse, lequel enquis comme il falloit bien garder les villes, respondit sagement; Si les gardes de la ville estiment n'estre iamais en seurété de leurs ennemis: car à la verité ce n'est pas assez d'auoir des armes, des munitions, de bonnes murailles, des tours bien flanquées, & fosses remplis d'eau, si ceux qui sont en garde ne sont esueillez, soigneux & diligens; car souuent il s'est veu des villes les plus fortes, auoir esté la nuit surprises, cependant que les gardes dormoient; qui est la cause que Platon refere que l'aduis de Socrates estoit que les meilleurs hommes & les plus riches de la ville estoient les plus propres & necessaires pour la garde, & que les gens de guerre las de trauail & fatigue, ayant bien beu & mangé, se laissent facilement aller au dormir, s'assurant de la force du lieu ou des armes, ou se remettant sur leurs compagnons, qui tous n'ont pas grandement à perdre à la ville: l'exemple nous en est laissé par le Capitole de Rome, où les Soldats qui le deffendoient

contre les François, s'ils n'eussent esté réueillez par vne oye qui commença à crier, entendant le bruit, c'estoit fait de la ville de Rome, & du nom des Romains, qui fit apres introduire à Rome des Magistrats, qui auoient la charge sur tous ceux qui veilloient, & qui estoient en garde, qu'ils eslisoient de chacun ordre des habitans, gens de bien, d'aage meur; ayans toute fois les forces du corps entieres & valides avec experience; lesquels Magistrats départoient les gardes, & puis les faisoient ietter au sort, à celle fin qu'ils ne sceussent ny le lieu, ny le temps qu'ils deussent estre en garde; & le principal precepte que l'on puisse auoir en guerre, c'est de ne iamais rien contemner & mespriser, & de se deffier de tout le mal qui pourroit aduenir; & n'a pas esté sans cause que l'on dit d'ancienneté que la mere du Capitaine qui est douteux & deffiant, ne pleure pas souuent; & semble que quand le Chef d'un armée dort, qu'il commet son armée au hazard, & à la fortune; comme nous a bien monsté Alexandre le Grand, lequel en sommeillant tenoit en sa main, le bras estant hors du liect, vne boulle d'argent, à celle fin que s'il dormoit trop fort il fust réueillé par la cheute & son de sa boulle; ce qu'il auoit appris des Gruës, du troupeau desquelles il y en a tousiours vne qui est en garde, & qui veille tenant vne pierre au pied pour estre refueillée par la cheute de la pierre: Et si ce grád Capitaine Thrasybulus Athenien en eust autant fait apres auoir acquis tant d'honneur, que d'auoir chassé trente Tyrans qui oppressoient sa patrie, il n'eust pas esté tué en sa tente par la sortie que les ennemis firent de la ville assiegée, lors qu'il commandoit

*Le principal aduis de la guerre est de se deffier de tout & ne rien mespriser.*

*Ce que faisoit Alexandre pour estre en perpetuelle garde en son armée.*

aux Atheniens en Sicile; ce qui aduint par faute de bonne garde en son armée, qui luy fit perdre la reputation qu'il auoit acquise; & autant en est-il aduenü à beaucoup d'autres de nostre temps, & entr'autres à celuy qui commandoit en la ville de Casal, qui fut ainsi surprise par Monsieur le Marechal de Brissac, qui fut par faute de bonne garde la nuit, vn iour de bonne chere: Pour les raisons cy-dessus desdrites, il y a quatre principales parties, qui sont requises à vn grand Capitaine, la cognoissance de l'art & discipline militaire; la vertu; l'autorité & la felicité; de la vertu du Capitaine doit proceder l'action & trauail, la forme & le courage au peril, l'industrie en l'action, la celerité en l'entreprise, & le conseil sur la preuoyance: Et quand vn Chef d'armée peut auoir ses qualitez l'on se peut assurer d'vne sage & vaillante conduite, qui est le principal, suiuant ce que Homere disoit, qu'il estoit plus seur d'auoir vne armée de cerfs à la conduite d'vn Lyon, que non pas vne armée de Lyons à la conduite d'vn cerf; qui est ce que dit Demades grand Orateur d'Athenes, apres la mort d'Alexandre, & qu'il voyoit l'armée des Macedoniés auoir les yeux creuez, cōme les Ciclopes; & le conseil que Epaminondas en mourant donnoit aux Thebains, estoit de faire la paix avec les Macedoniens, puis qu'ils n'auoient plus de Chef; & tout ainsi que les parties d'vn Capitaine sont considerables, aussi faut-il regarder ce qu'il faut à vn Soldat pour estre bien estimé; la premiere partie & deuoir, est d'obeïr à celuy qui luy commande; porter volontairement toute peine & trauail, avec tous hazards & dangers, tenir bien tousiours son rang en

*Quelles  
sont les  
parties  
d'un Ca-  
pitaine.*

*Quel est  
le deuoir  
d'un Sol-  
dat.*

combattant, prendre plaisir aux armes, sçauoir la discipline militaire, & preferer l'honneur & reputation à toutes choses : & en outre le Capitaine qui est en action & en guerre, est obligé par le commandement qu'il a sur les siens, de corriger & empescher les blasphemes, d'euitier les dommages qui se commettent iniustement, excuser les innocens, chastier les deshonnestes, payer les gens de guerre; deffendre le peuple, & garder qu'il ne soit saccagé & pillé, & entretenir la foy à tous, & aux ennemis mesmes; & quand vn Chef d'armée commence à cognoistre que ses Soldats deuiennent moins obeissans qu'ils n'ont auparauant accoustumé, ou qu'il ne seroit necessaire; c'est son deuoir & office de leur faire entreprendre quelque chose, encore que le fruit en deust demeurer inutile; car c'est assez gaigné que de les tenir en action, trauail & occupation d'esprit; d'autant qu'il n'y a rien si certain que tous vices d'oisiueté, & tous les deffauts du deuoir d'un chacun sont corrigez & amendez par l'action, qui entretient les esprits & les corps en leurs forces & deuoir, qui estoit cause que ce grand Marius, qui est l'un de ceux qui a le mieux sçeu discipliner ses Soldats durant que son armée hyuernoit en quelque lieu, il les faisoit ordinairement trauailler, quand ce n'eust esté qu'à faire & reparer vn chemin, trancher vne riuere, ou quelque autre œuvre publique, sans les laisser en repos, de peur qu'ils ne discontinuassent le trauail, & qu'ils n'oubliaissent leur discipline & obeissance; & pour cette raison furent appelez les Mulets de Marius, tant ils estoient accoustumez à porter toute sorte de trauail; & en voyons encore aujourdhuy l'exem-

ple du retranchement de la riniere du Rosne, auprès d'Arles, de l'Isle qui en fut faite, qui s'appelle encore auioird'huy la Camarque, du nom de Cajus Marius; que d'autres appellent les fossez de Marius, qui nous tesmoigne assez combien le trauail & occupation ordinaire est necessaire, pour tenir les Soldats en discipline; & combien aussi elle interrompt à tous, & empesche toutes sortes de vices; car le trop grand repos est impatient de soy-mesme, qui fait se laisser aller au vice, & entreprendre & bastir en son esprit des choses nouuelles, & le plus souuent pernicieuses; & pour cette cause accompagnez vous tousiours de gens & seruiteurs, qui soient gens de bien & experimentez, & qui vous soient fideles, n'estans point vicieux & querelleux; car autrement au lieu d'en estre bien suiuy & seruy à vn besoin & necessité, ils abandonneront leur Maistre, par faute de cœur & d'affection; & les autres peuuent estre si corrompus qu'ils pourroient estre pratiquez de quelqu'un, & encore outre le mal qui en peut aduenir, le Maistre en demeure tousiours avec honte & blasme; car il sera estimé tel & semblable qu'il aura reglé ses seruiteurs: Et ne faut iamais prendre assurance à la guerre d'estre bien & fidelement accompagné que de gens de bien, & qui ayent donné preuue de leur courage, valeur & fidelité, autrement ils feront souffrir vne honte à vne bonne occasion à celuy qui leur commande; & s'il aduient que entre ceux qui pourront estre souz vostre charge, il y en ait quelques vns qui ayent executé quelque chose de beau & digne de louange; ne permettez qu'il leur soit rien diminué de la gloire qui leur est due; & vous  
mesme

*Ne s'ac-  
compa-  
gner à la  
guerre  
que de  
gens de  
bien &  
fideles.*

mesme les loüez & donnez tesmoignage de leur merite deuant vn chacun; car c'est la principale recompense d'un homme de cœur & d'honneur, qui a bien fait, que de voir son merite recognu & loüé de son Capitaine, & si cela induit & inuite tous les autres compagnons à bien faire, esperant pareille loüange de leur valeur. Le temps passé pour recompense de quelque bel acte, l'on faisoit l'honneur de donner des diuersitez de Couronnes, ou d'accorder des honneurs, ou des triomphes selon la qualité des hommes de merite & seruices; & n'y a rien qui donne tant de courage de bien faire, que l'esperance de l'honneur; qui à fait dire au Poëte Simonides, que cette affection d'honneur est vn cruel tyran des hommes; parce qu'il les contraint cōme par force, de donner courage aux plus refroidis, & resueille les plus endormis, d'entreprendre toutes choses, quelque peine & danger qu'il y ait; & n'ya rien qui donne plus de cœur à vn homme de bien & de valeur, que la loüange de sa vertu: & si au contraire quelques vns de vostre compagnie, n'ont pas assez bien fait, comme vous le pourriez desirer, excusez doucement leurs fautes pour ne les desesperer, s'ils se voyent perdus d'honneur & de reputation; car il aduient quelquesfois que ceux qui ont grandement failly, recompensent apres leurs fautes par vn signalé seruice; si ce n'estoit qu'il y eust trahison ou infidelité, ou telle autre poltronnerie & lâcheté, qu'elle ne se püst honnêtement couvrir, encore le moins en parler est le meilleur: Ne permettez iamais ausli que par ceux qui despendent de vous, ny par autre, en ce que vous le pourrez empescher, il soit fait tort ou in-

*De loüer  
& tes-  
moigner  
l'honneur  
de celuy  
qui aura  
bien fait  
à la guer-  
re.*

*Le desir  
de l'hon-  
neur est  
vn cruel  
tyran  
des hom-  
mes.*

*Le Capitaine ne doit souffrir à aucun des siens de faire quelque mauvais tour & violence.*

*Le plus contraire à la guerre est le plus courtois à ceux qui le respectent.*

*Le courage & la valeur sont esloignez du vice.*

*Sans solde & payement les gens de guerre ne peuvent estre disciplinez.*

iure à ceux qui ne font point profession des armes ; & qui par leur âge, sexe, condition & qualité ne peuvent empêcher la force & violence d'autrui, prenant pour tesmoignage certain de peu de courage, celui qui veut offenser ceux qui sont desarmez ou sans deffense ; & celui qui a le plus de valeur & de courage à la guerre, ou à soutenir vn tort & iniure qu'on luy vouldroit faire, sera tousiours le plus honneste, doux & courtois à ceux qui avec honneur, respect, douceur & humilité, s'adressent à luy pour employer sa bonne grace & faueur ; & ne souffrez iamais que ceux sur lesquels vous aurez puissance, pillent & rançonnent aucunement le pauvre peuple : car outre la pitié qu'il y a, & la raison qui le deffend, le deffaut de police & de regle au commandement & conduite des gens de guerre, vient tousiours à la honte & deshonneur de celui qui leur commande ; & si deuez croire & tenir pour tout certain que le Soldat qui est pillart par raison doit estre estimé couïard ; car le courage & la valeur sont tousiours esloignez du vice ; aussi pour cette raison ne deuez iamais entreprendre la charge pour commander à quelques troupes que ce soit, s'ils ne sont satisfaites de leurs soldes & payemens : car il n'est pas possible que gens de guerre puissent estre bien reglez & disciplinez, si leur solden'est payée ; & dés long-temps il a esté dit que le Chef de guerre qui ne stipendie, & ne paye l'entretienement du Soldat, non seulement il permet, mais il semble qu'il luy commande de piller ; puis qu'il est necessaire que le Soldat viue & s'entretienne de ce qu'il doit auoir pour faire son deuoir ; & vaudroit bien mieux n'auoir aucune



charge que de commander à des gens qui ne seroient payez, & d'estre seulement suiuy des siens en bon équipage; ie n'adiouste point icy la façon de laquelle il faut assieger ou deffendre des villes, ny des lieux, lesquels il faut choisir pour camper vne armée, soit pour la seureté, soit pour la commodité des viures; le discours en seroit trop long, & y en a assez de liures imprimez; & aussi ne se peut bien cognoistre & apprendre que par experience; mais seulement vous dire en passant qu'il n'y a ville si forte qui ne se puisse gagner *Du siege d'une ville.* avec le temps & patience, par la prudente conduite de celuy qui assiege; ayant bien recogneu la ville, les hommes qui sont dedans, les munitions & provisions, ayant quantité de Pionniers, pour gagner pied à pied, & de bons Soldats bien patiens de peine & trauail, bien obeïssans, pour ne rien auancer du commandement qu'il leur sera fait, couuerts par bonnes trenchées, & bien conduits quand il est temps, sans rien hazarder legerement par des assauts mal à propos, comme souuent font les François; car aussi tost qu'ils sont repoussez, l'ardeur & violence de leur courage est fort refroidie, & les assiegez fort encouragez; & toutefois enquoy est cogneu la sagesse & moderation du Chef qui assiege, entre lesquels il y en a qui ont particuliere vertu; de laquelle ont quelquesfois esté louiez de grands Capitaines, comme Demetrius, *Demetrius expugnateur des villes.* auquel on donna ce tiltre d'honneur, d'expugneur des villes: il n'est pas aussi moins requis de bonne conduite & valeur à soustenir le siege & deffense des villes, pour bien establir les gardes, sçauoir bien faire vne saillie à propos, & retirer les hommes, prendre garde

*Ce qui  
est requis  
pour la  
d:ffense  
d'une  
ville.*

aux pratiques des habitans & des soldats, que l'ennemy n'ait point d'espions, pour cognoistre ce qui se fait à la ville, auoir de bons hommes & soldats, qui ayent esté autrefois assiegez, pour ne s'estonner point des furieuses batteries qui se font quelquesfois; auoir des Pionniers & autres Habitans de la ville pour reparer & faire retrenchemens, Chirurgiens pour penser incontinent les blesez, & sur tout donner bon ordre au mesnage & conseruation des munitions & viures, qui le plus souuent se baillent & consomment en abandon au commencement des sieges; & aussi tost que les poudres, boulets, viures & munitions defaillans, les Capitaines pensent estre excusés d'entrer en capitulation; mais le Chef qui commande à la ville, n'est pas excusé de la faute qu'il a commise en la prouidence & bon mesnage, ny pareillement celuy qui a la charge de l'artillerie, ny le Commissaire des viures, mais le plus grand blasme vient sur celuy qui commande, qui a deu pouruoir à tout: & pour cette cause anciennement à Rome ils eslissoient vn Magistrat qu'ils appelloient Prefect des viures & munitions, & encore aujourd'huy en Italie, la plus grande charge de leur armée, apres celuy qui commande, est le grand Prouidadour, qui a charge sur tous les viures & munitions de l'armée: car à la verité c'est ce qui est le plus necessaire pour l'entretienement d'une armée, ou le soustenement d'un siege; car où la faim presse, toute crainte & obeïssance est perdue, & n'y seruent, ny les armes, ny les Loix, ny commandemens, ny tous droits diuins & humains, qui est la raison pour laquelle il se faut bien donner de garde

*Quand  
la faim  
presse en  
une ar-  
mée, tou-  
te obeïf-  
sance est  
perdue.*

d'y tomber : Pour fin il se doit adiouſter que l'elo-  
quence eſt fort honneſte à vn Chef de guerre, &  
fouuent tres-neceſſaire pour s'en ſeruir, d'exciter ou  
retenir les Soldats à ce qui en eſt beſoin ; Ils ne fai-  
ſoient point à Athenes vn Chef d'armée qui ne fuſt  
fort eloquent ; & liſons combien l'eloquence a ſeruy

*L'elo-  
quence  
eſt honne-  
ſte & fort  
utile à vn  
chef d'ar-  
mee.*

à Iulés Ceſar en ſes grandes entrepriſes ; Si Dieu vous  
fauoriſe tant que d'auoir bien fait en quelque charge  
que vous aurez eüe, & d'en eſtre loüé de ceux qui vous  
aurôt aſſiſté, portât de vous teſmoignage honorable,  
ſi ne deuez vous pour cela vous en vanter aucu-  
nement ; mais faire contenance den'y penſer plus, com-  
me en choſe que vous ne tenez pas aſſez grande pour  
la volonté que vous en auez de faire mieux ; car quand  
parmy les gens de guerre ou autres, quelqu'un ſe van-  
te, il doit eſtre eſtimé n'auoir pas accouſtumé de faire  
quelque choſe de grand, & que c'eſt pluſtoſt par ha-  
zard que par bonne conduite & valeur, que la fortune  
luy a bien ſuccédé ; car la vertu & valeur conſiſte aux  
eſſects, & non aux paroles & vanteries ; & n'y a rien ſi

*Qu'il eſt  
mal hon-  
neſte de  
ſe vanter  
de ce que  
l'on a bien  
fait à la  
guerre.*

ridicule que les vanitez & vanteries, qui ne peuuent  
prouenir ſinon, ou de peu de cœur, ou de peu de iu-  
gement ; car il faut eſtimer que ceux deuant leſquels  
nous parlons, peuuent auoir cognoiſſance & expe-  
rience de ce que nous diſons, & qui iugeront vn  
homme vain & menteur, qui voudra aduancer ce qui  
n'eſt veritable ; ou bien de peu de cœur & valeur ce-  
luy qui ſe vante de peu de choſe, qui fait paroître aſ-  
ſez ſon inſuffiſance, dont il ſera pluſtoſt moqué que  
loüé, comme il le veut eſtre, & ſera eſtimé reſſembler  
à vn ballon enſlé, plein de vent, qui ſaute haut

*La vertu  
conſiſte  
aux eſſects  
& non  
aux pa-  
roles.*

quand il est remply & poussé, mais à la moindre ou-  
uerture le vent en sort & demeure le ballon tout plat;  
comme fait celuy qui se vante quand il trouue vn hō-  
me de iugemēt qui luy respond, demeurant tout court  
auec honte & moquerie de ceux qui sont presens &  
tesmoins deses vaines paroles; car quand vn Gentil-  
homme est arrogant, peu modeste & impatient, c'est  
argument d'estre peu sage & de mauuaise nature, &  
d'estre causeur, coūard & effeminé, car il n'appartient  
qu'aux femmes d'vser de la langue, & les hommes se  
doiuent aider del'espée & des effectz; qui est la respon-  
se que fit Demetrius à sa Dame Lamya qui luy demā-  
doit pourquoy il ne parloit guere de ses gestes estant  
en compagnie, & n'en mettoit des propos en auant,  
qui luy dit; Que l'office d'vne femme estoit de filer &  
parler, & celuy d'vn Cheualier de se faire & bien com-  
battre, quād l'on va aux armees: pour bien faire, celuy  
qui y veut receuoir del'honneur doit estre bien mon-  
té, de bons cheuaux & bien dressez, avec honneste es-  
quipage, & moyen de porter la despenſe à la suite des  
armees pour mieux entretenir près de soy des gens de  
bien & de valeur, qui puissent aider & seruir pour exe-  
cuter quelque bon effect, qui est le lieu où il est permis  
& estimé honorable d'y faire deffense plus que le reue-  
nu ne monte; puis qu'il est question de se faire paroî-  
stre, bien seruir, & acquerir de l'honneur; & le bon  
mesnage qu'un hōme sage fait en sa maison doit estre  
employé à vne si bone & hōneste occasiō, dont il sera  
tousiours loüé, pour apres faire peu de despenſe en sa  
maison, & remplacer celle qu'il aura faite trop grande  
à la suite de l'armée: Il ne faut obmettre qu'il est tres-

*Qu'il  
n'appar-  
tient que  
aux fem-  
mes d'v-  
ser de la  
langue,  
& les hō-  
mes de  
l'espée &  
des effectz.*

*Qu'il  
faut  
auoir de  
bons che-  
uaux &  
honneste  
equipage*

utile, & que les occasions le peuuent rendre necessaire à vn homme de guerre de bien sçauoir nager, car souuent on est contraint de passer les riuieres à nage, & mesmement en ce Royaume qui est plein de riuieres, plus que beaucoup d'autres: Ce qui peut grandement seruir pour entreprendre, & pour se conseruer; & nous lisons comme Iules Cesar a bien sçeu s'en aider passant les riuieres tout armé, & portant son espée & ses Cômentaires. Ce que les anciens estimoient si necessaire à vn homme de guerre, que quand ils vouloient par mespris appeller vn homme ignorant, & inutile en toutes choses; ils disoient par vn proverbe, qu'il ne sçauoit ny nager, ny les lettres, comme nous voyons que Suetone dit, quand il parle d'Auguste, qu'il auoit appris à ses neveux, les lettres, & à nager, & les autres rudiments & enseignemens de la ieunesse; & en la vie de Caligula, il est dit qu'il s'estoit assez rendu docile en tout, que toutefois il ne sçauoit pas nager, qui estoit comme vne principale partie qui luy deffailloit.

Ne cherchez iamais aduancement par voyes mau-  
 uaises, comme par vne galanterie & vaillantise de  
 Cour, vne fortune vicieuse, car ce sont tous incertains  
 appuis, sur lesquels ne se peut fonder aucune chose  
 stable; mais attendez les honneurs par les seruices,  
 labours & merites, & ne poursuuez les grandes char-  
 ges; car elles sont trop enuiées & difficiles à executer;  
 & le plus souuent apportent plus de mal que de bien  
 & contentement; dont l'on fait comparaison aux  
 grands arbres qui sont esleuez par dessus les autres,  
 qui sont plus sujets aux grands vents & tempestes,

*Ne cher-  
 cher ad-  
 uance-  
 ment par  
 voyes  
 mauuais-  
 se.  
 Les grâ-  
 des char-  
 ges les  
 plus su-  
 iettes à  
 fortune  
 & chan-  
 gement.*

comme le tonnerre tombe le plus souuent sur les hautes montagnes, mais en cela où Dieu vous appellera sans en faire poursuite indignement, ny trop ambitieusement; employez entierement vostre pouuoir, & la vies'il est besoin, en ce qui est de l'honneur de Dieu, de vostre deuoir, & contentement de vostre Roy; mais souuenez vous perpetuellement que quelque bien & faueur que vous puissiez auoir, de n'y mettre iamais vostre confiance; car le monde est trom-

*La fortune esleue quelques vns bien haut, pour les ruiner avec plus de honte; ce qui se cognoist par chacun iour aux plus grands, que l'on pense les plus asseurez en autorité, soit Rois, Princes, Gentils-hommes ou autres, ausquels neantmoins suruiennent ordinairement plus de mauuais accidens; & lors qu'il leur suruient quelque grande & aduantageuse faueur, c'est lors que la fortune les veut trôper, & qu'elle leur prepare cette embusche pour les surprendre, s'ils ne sont sages, fort retenus & moderez en leurs fortunes; car il est plus difficile de garder la modestie en prosperité, que non pas en fortune contraire: & iamais la fortune n'a tant fait de faueur à personne, qu'elle ne luy ait fait autant de mal ou de menace; qui estoit la raison que le Roy Philippe de Macedoine, ne receuoit iamais vne bonne nouuelle, qu'il ne priast les Dieux d'adoucir le mal qu'il attendoit en contr'eschange; qui a fait autresfois que les Peintres & les Poëtes ont depeint la fortune en beaucoup de sortes, & le commun a esté de la peindre aueugle, comme Cupidon, qui sont tous deux priuez de veüe & de iugement; & non pas*

*La modestie est plus difficile en la prosperité que non pas en aduersité.*

*Vne bonne fortune est tousiours accompagnée d'une maniere.*

pas

pas seulement la fortune est aveugle, mais aussi elle aveugle ceux qu'elle fauorise & embrasse; car il n'y a rien si intolerable qu'un fol bien fortuné; aussi d'autre part la bonne fortune est sœur & compagne de la bonne institution, persuasion & prouidence, comme dit Tite-liue en sa 4. Decade. Qui faisoit que le temps passé l'image de la fortune estoit mise à la chambre de l'Empereur, & incontinent apres sa mort elle estoit portée en la chambre de son successeur, pour leur estre mis tousiours deuant les yeux l'instabilité de leur puissance & autorité; car la condition des choses humaines est telle, qu'il faut par necessité qu'il y ait vicissitude en toutes choses, & pertuel changement, comme du beau-temps en la pluye, & du bon-heur en mal-heur, & la roué tourne tousiours du haut en bas; ce qui donna sujer à ce sage Roy d'Egypte Amasis, de quitter l'alliance de Polycrates Roy de Samye, parce qu'il estoit trop heureux, & que tout ce qu'il vouloit succedoit à son desir; telmoing le poisson que l'histoire dit auoir esté pris, au ventre duquel se trouua l'anneau de ce Roy qui l'auoit ietté en la mer pour le perdre, estimant Amasis qu'il falloit que cette trop heureuse fortune se changeast en quelque grád mal, côme il aduint bien tost apres, car il fut priué de son Royaume, & pendu ignominieusement: & ne voyons point de grands Empereurs, Capitaines, ny de toute sorte de qualitez d'hommes & femmes, qui en peu de temps ne sentent diuers differends, & fort contraires accidens de la fortune, comme nous en voyons assez d'exemples en ce Royaume, & deuons tenir pour veritable l'opinion de Solon, qu'il n'y a personne qui se

*La bonne fortune est sœur & compagne de la bonne institution & prouidence.*

*Le portrait de la fortune entièrement mis en la chambre des Empereurs.*

*Le trop grand heur est argumēt certain d'une mauuaise fortune prochaine.*

puisse estimer bien-heureux deuant la mort; car la fa-  
 ueur & felicité de ce monde est tousiours variable &  
 inconstante & pleine d'inquietude; d'elle-mesme elle  
 s'agit, elle tourmente l'esprit en plusieurs sortes; les  
 vns sur l'ambition & desir de grandeur; les autres sur  
 la jalousie ou vengeance; les autres sur l'auarice & ri-  
 chesse, & les autres sur les voluptez; elle ense les vns  
 de gloire, & amollit les autres; & comme est la natu-  
 re du vin, celuy qui n'en sçait moderément vser, il  
 perd & enyure celuy qui le boit; & le plus sou-  
 uent chacun court apres celuy que l'on estime heu-  
 reux & fauorisé, comme l'on va à vn lac pour prendre  
 & espuiser de l'eau, auquel chacun en prend à sa vo-  
 lonté; & apres se retirant celuy mesme qui en a pris,  
 ce qu'il a voulu, trouble l'eau en l'espuisant; aussi de  
 mesme l'on se moque le plus souuent des actions de  
 ceux qui sont fauorisez, encore que tous les iours l'on  
 en reçoie plaisir: mais la vertu, force & courage d'un  
 homme de bien & d'honneur, ne se peut mieux mon-  
 strer & cognoistre que quand il tombe en mauuaise  
 fortune & deffaveur; & ne se doit iamais encore per-  
 sonne estimer heureux, s'il n'a essayé & combattu la  
 mauuaise fortune; car la vertu & la force essayée est  
 tousiours plus ferme & pleine de vigueur: Et le Sol-  
 dat qui a souuent combattu, & qui a quelquesfois esté  
 blessé, résiste & se deffend beaucoup mieux; & souuen-  
 tesfois nostre mal-heur est plus plein d'opinion que  
 d'effect; qui nous doit plustost tousiours mieux faire  
 esperer que se faire mal-heureux auant le téps, encore  
 qu'il soit bon de preuoir & donner tout remede au  
 mal qui nous pourroit aduenir; & pour ces raisons, il

*La ver-  
 en & la  
 force es-  
 sayée, est  
 tousiours  
 plus fer-  
 me & as-  
 surée.*



faut dès la ieunesse apprendre & se resoudre à porter  
 esgallement & constamment tous les euenemēs & ac-  
 cidens de ce monde, soit de bonne fortune ou mauuai-  
 se, & en toutes nos actions vser de vertu, qui n'est  
 autre chose, sinon vne esgalité & mesme teneur de  
 bonne vie en toutes choses, conforme, semblable &  
 respondāte à soy-mesme, & que les paroles & les effets  
 se suiuent & accompagnēt; considerant ce que dit Ci-  
 ceron en ses Epistres, que nous deuons tousiours nous  
 souuenir estre nés hommes, & qu'avec cette Loy no-  
 stre vie est exposée à tous les euenemens de fortune, &  
 ne deuons ny pouuós refuser ny nous empescher de vi-  
 ure souz la condition en laquelle nous sommes nés &  
 mis en ce monde, la matiere de l'homme estant fluide  
 & caducque, sujette à tous hazards, & dangereux  
 euenemens; & ne deuons porter avec tant d'ennuy,  
 les facheux accidens qui nous suruiennent, lesquels  
 nous ne pouuons euitier par aucun conseil; nous re-  
 mettant en memoire tout ce qui est aduenu aux autres  
 deuant nous, nous trouuerons qu'il ne nous est rien  
 surueni de nouueau; & dit aussi en ses Tusculanes, que  
 c'est vne grande folie de se tourmenter inutilement  
 de douleur, quand la fascherie ne peut seruir ny re-  
 medier au mal; & deuons auoir cette resolution que  
 la verité & la raison nous commande de prendre, que  
 ne pouuons estre blasmez de rien, sinon que des fau-  
 tes qui viennent de nous mesmes; mais tous les autres  
 accidens de fortune nous les deuons porter avec tou-  
 te moderation & prudence, qui est le vray repos, tran-  
 quilité & seureté de l'esprit, quand il est bon, droit,  
 & magnanime, & qu'il est pourueu des autres parties

*S'accou-  
stumer  
dès la  
ieunesse à  
porter cō-  
stamment  
tous acci-  
dens.*

*Nous de-  
uons nous  
souuenir  
estre nés  
souz cette  
condition  
pour estre  
exposés à  
tous eue-  
nements  
de fortune.*

*Que ne  
pouuons  
estre blas-  
més d'au-  
cuns ac-  
cidens  
que de  
ceux qui  
aduen-  
nent par  
nos fau-  
tes.*

*Le de-  
noir d'un  
Gentil-  
homme  
d'hon-  
neur.*

requises à vn homme de bien & Gentil-homme d'honneur, qui est d'estre veritable, genereux, modeste à parler, liberal à faire plaisir, sobre à manger, pitoyable à pardonner, courageux à combattre, & patient en toutes aduersitez; qui se doit contenter en soy-mesme de ce qu'il peut auoir, mesprisant tous euenemens de fortune, & en ce faisant sa felicité ne depend point de la puissance d'autrui, mais sa naissance fera en luy & en la maison mesme, laquelle resolution est facile à prendre, quand dès le commencement on se persuade en l'esprit toute incertitude de faueur & felicité de ce monde, les changemens ordinaires, inconstances & legeretez accoustumées des Princes; & que faisant bien sans laisser aucune marque de reproche on viue avec eux, ayant vn pied dedans leurs Cours & l'autre dehors, comme l'on dit, & ne faire non plus d'estat de leur faueur, que si desia l'on n'estoit plus avec eux; & mesmement est estimé à

*D'une  
chose in-  
certaine  
n'en faire  
non plus  
d'estat  
que si elle  
n'estoit  
point.*

grand prudence, quand celuy qui est fort obligé à vne charge sujette à changement, & qui cognoist son Maistre leger & variable, de bastir sa retraite durant sa faueur, pour la rendre plus seure & honorable; car le sage doit regler sa vertu de sorte, que quand il luy suruient quelquemal, deffaveur, ou inconuenient, il ait tousiours cette force preste, avec son esprit resolu, pour avec la raison, respondre aux contradictions & empeschemens qui se presentent, comme vn bon & prudent Chef d'armée ordonne ses gens de guerre de telle façon, qu'au premier signal les gens de pied prennent d'eux-mesmes leur rang, où il leur a esté auparavant ordonné, & la Caualerie se range tout aussi

tost en bataille, & que chacun de l'armée prenne sa  
 place & se prepare à ce qu'il doit ; ainsi l'homme sage  
 est tousiours munny & prest à recevoir toutes sortes  
 d'assauts, & les soustient fort courageusement, soit  
 mal de santé, pauvreté, perte de biens, deffaveur, fas-  
 cheries & querelles ; & sans peur & crainte combattra  
 toutes les aduersitez ; & par la force de sa vertu toute  
 fascherie, moleste & iniure, seront opprimees & ob-  
 scuries, comme par la venue du Soleil toute obscuri-  
 té cesse & toutes sortes d'incommoditez ne paroif-  
 sent non plus que quand les broüillats & les pluyes  
 sont tombees dedans la mer, qui est la vertu que nous  
 appellons fortitude, qui rend l'habitude de l'esprit  
 plus esleué & excellent à porter esgallement tout l'e-  
 uenement des choses humaines, & celuy qui aura mis  
 sa principale force & assurance en la vertu, quelque  
 fortune & mal qui luy puisse aduenir, le portera pa-  
 tiamment iusques aux medifances secretes & cachées  
 de ses malueillans, qu'il faut mespriser, puis qu'ils ne  
 sont pas si gens de bien que de les dire ouuertement ;  
 & considerera qu'il n'y a hommetant soit-il vertueux  
 qui ne soit sujet d'estre blasme par les meschans &  
 malueillans, qui appelleront cruel celuy qui sera iuste,  
 mespriseront les pitoyables ; le liberal l'estimeront pro-  
 digue ; le bon mesnager le diront auaricieux ; le paci-  
 fique le tiendront pour couïard ; s'il est courageux le  
 reputeront querelleur ; de celuy qui est graue diront  
 qu'il est superbe ; s'il est affable qu'il est simple ; du so-  
 litaire l'estimeront hipocrite ; du ioyeux, diront qu'il  
 est dissolu : mais l'homme de bien, garny de vertu,  
 mespriserà toutes telles medifances & menteries ; &

*L'homme  
sage est  
presitom-  
iours à  
soustienir  
tous as-  
sauts de  
fortune  
comme  
un bon  
Capitai-  
ne à com-  
batre.*

*Qui a  
son assen-  
sance à la  
vertu,  
porte fort  
constam-  
ment tou-  
tes fortune-  
s.*

*Qu'il n'y  
a si homme  
de bien  
qui ne  
soit sujet  
à la ca-  
lommie &  
medifan-  
ce.*

*Faut  
mespriser  
les médi-  
sances  
quand ils  
ne sont  
verita-  
bles, qui  
sont  
à la honte  
de ceux  
qui les  
aduancent.*

s'arrestera ferme à ce qui est de l'honneur & de la raison, regardant à la seule vertu & aux effets, & non aux paroles qui sont vaines & inutiles; & qui aussi tost s'euanoüissent quand ils ne sont point veritables, à la honte & deshonneur de ceux qui les ont aduancees; au contraire en aduient à celui qui sagement ne peut prendre cette resolution; car par son imprudence & folie il n'a point de repos en son esprit, la peur luy vient de la teste, tout le corps luy tremble, au moindre peril qui se presente il s'effraye, tout luy apporte espouuementement, & est tousiours desgarny de toute resolution, & de tous remedes.

*Qu'il ne  
faut mes-  
priser les  
honnestes  
occasions  
d'acquie-  
rir de  
l'honneur*

Si les occasions se presentent pour acquerir de la faueur, honneur & aduancement, il ne les faut perdre & mespriser, & en laisser vne bonne & honneste occasion; ce seroit faute de courage, de valeur & entendement, & empescher à soy-mesme le cours d'une belle & honorable fortune, & se faire mal estimer d'un chacun faute de cœur, se deffiant en soy-mesme de ses merites & suffisances, de prescrire & enseigner les occasions quel'on en peut prendre, & les moyens quel'on en peut auoir, il seroit trop mal-aisé de les pouuoir môstrer & desduire, car elles se cognoissent à l'œil, & selon qu'elles se representent bonnes & honnestes; côme le Medecin ne peut bien cognoistre la maladie, que par la veüe des malades & touchement de la veine; & celui qui va à la guerre & au combat, prend le conseil & la resolution sur le champ; aussi faut-il quel'homme sage sçache prudemment vser des occasions qui se presentent, & ne craindre peine, trauail & subjection pour avec toute diligence paruenir à quelque but

d'honneur; car la crainte & deffiance ne peut toucher que les esprits de degenerans d'honneur, & ceux qui sont courageux & genereux sont nourris & entretenus par travail & vigilance, & ne fuir iamais la peine & labeur; mais au contraire la volonté leur accroist & le courage se fortifie par l'object des difficultez qui s'y opposent, & travaux qui se presentent; & encore que souvent au manient des charges il y ait autant de mal & desplaisir, comme de bien & contentement, qui feroit plustost desirer se retirer que continuer telle subjection & misere, il faut faire en cela comme l'on fait à l'endroit d'une amie qui est bien aymée, avec laquelle on est quelquesfois en querelle & courroux, mais pour cela l'on ne la hait pas, & l'amitié & affection surmonte la peine; & le petit courroux est le rafraichissement, & quelquesfois augmentation de l'amitié; aussi l'honneur & l'affection de s'acquérir dignement des charges, doit faire porter cette honnelle & volontaire subjection & travail, & se proposer tousiours deuant les yeux que le Magistrat, charge, & gouvernement, fait cognoistre le merite & valeur de l'homme, & aussi la vertu de l'homme fait dauantage estimer & honorer la charge; & deuous travailler de meriter l'honneur plus que de le procurer; de ne le desirer point ce seroit œuvre diuin & non humain; mais c'est assez fait que ne le poursuiure point ambitieusement, estimant illicite la charge & autorité qui s'acquiert par moyens illicites; car l'homme vertueux n'a iamais faute d'honneur; & ne se trouuent guere d'hommes venus aux honneurs par moyens illicites, comme par tyrannie, achat, pratique, ou autres voyes indignes,

*Ceux qui sont genereux & courageux sont entretenus par la vigilance & travail.*

*Meriter plustost l'honneur que le pourvoir.*

*Celui qui  
obtient les  
charges  
par voyes  
illicites,  
est le plus  
souuent  
ruiné par  
la mesme  
charge.*

*Plus  
d'honneur  
quelques  
fois de re-  
fuser les  
charges.  
que de les  
accepter.*

que par la mesme charge qu'ils ont poursuivie, ne leur soit advenu quelque grande infamie & deshonneur: nous en voyons l'exemple à Rome par les Empereurs Iules Cesar, Tybere, Caligula, Neron, Galba, Otho, Vitellius, & Domicien, desquels nous voyons le succez de leurs Empires, & les moyens par lesquels ils y estoient parvenus; au contraire il y en a qui ont acquis plus d'honneur en refusant les charges que s'ils les eussent acceptées; comme Quintus Cincinnatus, Scipion l'Africain, & Marcus Cato, eurent plus de louange du mespris qu'ils firent, & de l'excuse qu'ils prirent d'accepter les charges, qu'ils n'eurent d'honneur & reputation des victoires qu'ils avoient eues; car la victoire giste le plus souvent en la fortune, & le mespris de la charge d'honneur en la seule prudence. Plutarque aima mieux demeurer en exil avec Nerua qu'il aimoit, que d'estre avec Domicien Empereur de Rome en faueur; & parainsti la prudence requiert de considerer & prevoir avant que d'entreprendre, mesmes avant que d'accepter les charges, l'esperance quel'on y peut avoir de l'honneur & du bien, & les moyens d'y parvenir & de s'acquitter dignement des charges, s'il y a certitudes & raisons suffisantes pour esperer & tenter ce que l'on desire avoir, & si les difficultez qui y sont se peuvent surmonter; & au contraire si les empeschemens y sont si grands, peu de moyen d'excuter ce que l'on entreprend, & le peu d'esperance de le pouvoir bien maintenir, quand il seroit acquis, & de s'en acquitter avec honneur, il vaut bien mieux; il est plus seur & beaucoup plus honneste, faire cognoistre à vn chacun quel'on nel'a pas voulu entreprendre; car

il

il est trop honteux d'entreprendre quelque chose, & legerement s'en departir; & encore plus dangereux, d'opiniastrer à combattre vne chose qui ne peut bien & honnestement reüssir; car de l'un on est moqué & mesprisé, & de l'autre il s'ensuit, outre le regret de la peine perduë, aussi beaucoup d'autres facheuses traueses, qui laissent au bout quelquesfois des querelles, ce qui prouient d'une ambition demesurée, qui est vne folie & mal réglée cupidité de gloire, qui doit estre estimée fort miserable, & qui reduit les hommes en toute espee de mal & d'infidelité: Par ainsi le recours & asseuré moyen de la conduite de toutes nos actions, depend de la prudence & bonne volonté que nous auons, qui nous fait cognoistre ce qui est à faire, & ce qui se doit laisser, & nous donne le gouuernail du cours de nostre vie, parmy les vagues & tempestes, & nous rend vn bon & ferme conseil à vne infinité d'affaires, qui nous viennent à chacune heure, selon les diuers accidens du monde.

*Les bonnes actions des hommes se gouuernent toutes par prudence.*

Ily a six choses principales qu'il faut preuoir & considerer pour paruenir & se garantir s'il est possible, des maux qui le plus souuent nous peuuent aduenir; & pour bien conduire toutes nos actions, & viure sagement en ce monde: Les trois premieres sont de prendre garde de ne tomber en haine, enuie, & mespris; ce qui est tres-difficile de faire & d'en pouuoir donner aduis & conseil; car cela ne se peut bien cognoistre que selon les occasions qui se presentent, desquelles depend le iugement de la prudence de celuy qui regle & conduit ses actions; car le plus souuent il aduiet que quand on veut esuiter l'enuie ou la haine, on

*Qu'il y a six principales maux, desquels il faut se donner peine de se garantir.*

tombe en mespris; & qui veut & se donne peine de n'estre mesprise ( qui est le plus grand regret qu'un homme de courage scauroit recevoir ) il est sujet de tomber en l'enuie, & bien souuent en la haine, qui sont trois rochers fort dangereux & mauuais; car voulant esuiter l'un, il est mal-aisé que l'on ne retom-

*De l'enuie.*

*L'homme de bien, vertu & valeur est le plus exposé à l'enuie.*

be en l'autre: L'enuie est le plus ancien vice du monde & celuy duquel on vse le plus, & qui n'aura iamais fin, & souuent est plus grande l'inimitié, conceüe par enuie, que celle qui prouient par iniure; car l'iniure se peut oublier avec le temps; & le plus souuent l'enuie va en augmentant: & celuy qui est le plus homme de bien, le plus suffisant & de valeur, sera le plus exposé à l'enuie, & au contraire celuy qui sera le plus méchant sera le plus enuieux; si est-ce qu'il vaut mieux encore estre enuié des voisins & compagnons que d'estre à pitié à ses amis; & l'homme qui n'a aucuns enuieux, peut dire qu'il n'a aucun auantage de la fortune; qui est ce que dit Plutarque de Themistocles, lequel quelquefois enquis pourquoy il estoit triste, il respondit que c'estoit parce qu'il n'auoit fait en vingt-deux ans chose digne de memoire, puis que personne ne luy portoit aucune enuie: L'enuie est vne dangereuse peste, qui ruine les plus dignes & suffisans personnages, & les plus grands Estats; qui est la raison que les Poëtes par leurs fables, mettent l'enuie aux enfers, où elle se nourrit de serpens, viperes & hydres: Et le meilleur aduis qui se peut en cela donner, est tousiours de bien considerer les comencemens de toutes choses, car ils sont en nostre puissance, prudence & conduite; mais l'euénement depend de la



fortune; comme le bon Marinier peut preuoir, & donner ordre au commencement à tout ce qui est nécessaire pour la navigation, pour ne tomber à aucun danger de mer, mais ne peut promettre & assurer le passage & retour du nauire en seureté, qui souuent vient perir au port mesme; & celuy qui peut prendre le plus de preuoyance & assurance à tels inconueniens, est celuy qui se soubmet du tout à la raison; car la raison doit surmonter & soubmettre à soy toutes choses: & quand il aduiendrait autrement que par la raison, comme tous euenemens sont incertains & douteux, si est-ce que celuy qui a suiuy ce qu'il deuoit faire par la raison, doit estre plus estimé que celuy qui a eu bon succez, contre ce que la raison requeroit d'en iuger; & aduient souuent que la mauuaise fortune ne nous est pas si contraire, que nous mesme la cherchons pour y tomber; ce qui doit estre bien honteux à vn homme de iugement que de se laisser transporter hors destermes de la raisõ, qui doit estre le gouuernail & conduite de toutes nos entreprises, actions & portemens de nostre vie, qui est sujette à mesme iour de receuoir le bien & le mal, comme à la mer d'auoir le calme & la tempeste, & par vn mesme chemin d'auoir à vne mesme heure la poudre par la chaleur, & aussi tost la fange par la pluye qui suruient; & en tout se faut preparer pour n'estre en tous les accidens de ce mode surpris de trop de ioye ou de tristesse, & se porter esgallement en l'vn & l'autre d'vne mesme force, constance & teneur de volonté; car la vertu doit surmonter tous les bons & heureux, ou perilleux euenemens; bien faut recognoistre que nous ne pouuons pas em-

*Les commencemens de nos alios sont en nostre puissance, mais l'euenement depend de la fortune.*

*Faut suivre la raison qui est plus loüable que le succez.*

*Que l'on cherche par fois soy-mesme la mauuaise fortune.*

*Les premiers sentimens de nature ne sont en nostre puissance.*

pescher les sentimens de la nature, comme de la veuë & rencontre de nostre amy, que nous pensions estre perdu, de la conseruation de nostre patrie, de l'honneur, gloire & reputation de nous, de nos enfans & amis; & au contraire de nous émouuoir à la tristesse, & de nous facher de nostre maladie & douleur de corps, de la perte de nos amis & de nos enfans, de la calamité & ruine de nostre patrie, qui sont sentimens qui touchent les plus sages : car ce ne seroit pas vertu d'estre insensible de tous sentimens de nature & d'affection; mais le sage & prudent qui reçoit tels coups & assauts de passion, les ayant reçeus sçait bien aussi les vaincre, guerir & comprimer, & vser de sa vertu accoustumée, de porter tout courageusement, & ne s'estonner aux choses subites & naturelles; comme soudainement trouuer à ses pieds vn precipice, & marcher sur vn serpent, c'est chose semblable comme ceux qui s'esuanouïssent à voir sortir du sang de la playe de l'un de leurs amis, & toutefois ne craindroient point d'y exposer leur vie; ce qui prouient d'une certaine perturbation naturelle & commune à tous, mais non pas d'une mutation d'esprit & faute de courage; & par ainsi nous deuons accompagner toutes nos actions de iugement & de prudence, sans laquelle ne se peut prendre aucun bon conseil, qui nous enseigne de fuir & esuiter tout le mal que nous pouuons auoir & courir, soit d'enuie ou de haine, ou mespris, & de souffrir & porter courageusement ce que nous ne pouuons esuiter; ce qui se peut faire quand nous suiurons toujours la raison; car celuy qui en toutes ses actions se soumet & assujettit à la raison; il est conduit & gou-

*L'effet de la prudence.*

uerné par elle, & luy enseigne ce qui est bon d'entreprendre, & ce qui se doit laisser; laquelle raison croist & se rend tousiours par nostre action plus forte; car le propre de l'homme est la raison qui le rend différend, & par ce moyen dissemblable des autres animaux, qui ne peuuent estre raisonnables; & la raison veut que toutes nos actions soient accompagnées de prudence, qui est à dire le choix & la vraye election de ce qui est bon ou mauuais; que le Philosophe Appollophanes appelloit la seule vertu, de laquelle toutes les autres vertus dependoient, & qui en la seruant luy obéissoient: les autres trois maux & inconueniēs, dont nous deuons prendre peine de nous garantir & preseruer, sont les maladies, la pauureté & la violence des plus grands: pour les maladies, nous deuons nous garder & conseruer nostre santé, de laquelle en pouuons estre le meilleur Medecin nous mesme, par la cognoissance que nous pouuons prendre de nostre naturel mieux que tous autres, & sentir en nous mesme ce qui nous peut faire bien ou mal, ce que nos forces peuuent porter, & ce qui peut estre contraire à nostre naturel; à quoy sert beaucoup ce que de long-temps a esté dit: Qu'il faut de bonne heure deuenir vieux, qui est à dire que cependant que l'on a la force de ieunesse, & que l'on est encore entier de disposition & en vigueur, que l'on departe & modere les trauals de la ieunesse, avec tel soing & regard de la conseruation de la santé, que l'on puisse maintenir la vieillesse plus seine & avec moins d'incommodité; & peu profitent à l'homme les richesses, si premierement il n'a la santé; non plus qu'un bon liect ne sert de rien à celuy qui ne

*Toutes  
les vertus  
obéissent  
à la prudence.*

*Des maladies.*

peut dormir, & la bonne viande à celuy qui ne peut manger : Tous les bons Auteurs qui ont bien avec verité voulu escrire tous les principaux & certains effets de la Medecine pour bien conseruer la santé, n'en

*L'usage & seule medecine est d'vser de sobriété & d'viter les fascheries* remarquent que deux, que nous recognoissons par effet les plus asseurez pour conseruer la santé, à sçauoir vser de sobriété, & d'viter les fascheries ; car les viandes mauuaises ou excessiues, nous corrompent les humeurs, & les tristesses nous consomment iusques aux os, nous en voyons assez d'experiences ; Plutarque re-

*Platon disoit auoir trouué en Sicile un monstre de nature* cite que Platon retournant de Sicile fut enquis ce qu'il auoit veu, il respôdit auoir veu vn monstre de nature, qui mâgeoit & se saouloit deux fois par iour, qui estoit Denis le tyran, qui fut le premier qui introduit le dîner ; car auparavant l'on ne faisoit que le soupper au soir, sinon que les Hebreux mangeoient à midy, Hippocrates nous enseigne que ceux qui sont adonnez à leur bouche & à leur ventre, ne peuuent viure longuement, car leurs corps est trop plein de sang, dedans lequel les autres parties du corps sont plongees

*L'abondance du sang de ceux qui mangent beaucoup les rend malfeins.* comme dedans de la bouë ; & par mespris & honte les Lacedemoniens monstroient en pleins festins leurs vers, s'il auenoit qu'ils se fussent enyurez, pour faire paroistre leur turpitude ; & le mesme Hippocrates que l'on appelle le Prince des Medecins, & qui le premier a escrit de la Medecine, conseille le Medecin de ne prendre iamais charge du malade qui n'est point sobre & qui est de mauuais regime ; & aussi au malade de ne prendre point vn Medecin qui est mal fortuné : nous pouuons par nostre prouidence, sobriété & abstinence de vices & d'excez, non seulement entretenir no-

stre santé, mais prolonger nostre vie, comme fit Platon, lequel encore qu'il eust trauaillé beaucoup aux nauigations & aux peines & dangers qu'il auoit portez; si est-ce que sa diligente conseruation de sa santé le fit paruenir en l'age de quatre-vingt vn an, qui est ce qu'aucuns estiment estre le nombre d'année de la vie le plus parfait, qui est de neuf fois neuf: C'est chose qui est née avec nous de nous aimer nous-mesme, & d'auoir vn soin curieux de nostre corps, & avec affection de prendre garde à la conseruation de nostre santé, & faut aduoüer qu'il est commun & raisonnable de se conceder quelque chose d'indulgence & douceur en son corps; mais aussi il ne se faut tant demettre & asseruir, que nous en demeurions du tout assujettis à nous mesmes, & deuous nous y comporter de sorte que l'on cognoisse que nous ne viuons pas seulement pour le corps, ny pour le manger, mais que nous entretenons le corps pour viure, qui est vne sainte & veritable sentence de Socrates; & quand nous en auons trop d'amour & d'affection plus qu'il ne faut, nous sommes en l'inquietude de perpetuelle crainte & trauail, de continuelle sollicitude; & pour cetteraison faut auoir soing du corps seulement, autant qu'il est necessaire pour la conseruation de la santé; manger pour esteindre la faim & appetit; boire pour oster la soif; dormir pour donner repos au corps & aux yeux trauaillez de peines & de veilles, & de telle sorte faut traiter & nourrir le corps, qu'il soit fort obeïssant à l'esprit, qui est la plus excellente & parfaite chose que Dieu ait donnée aux hommes; car ceux qui obeïssent à leur ventre, nous les deuous mettre au

*Nous ne  
viuons  
pas pour  
manger,  
mais nous  
mangeons  
pour en-  
tretienir  
le corps.*

nombre des bestes, & non des hommes; & y en a de si sordides yurongnes & gourmands, qu'il les faut mettre au rang des morts, parce qu'ils veulent preuenir leur mort, se mettant hors du rang des hommes, comme dit Saluste contre ceux qui obéissent à leur ventre, qui veulent le rendre si insatiable, combien que la nature nous ait donné les corps si petits, peut sans vaincre & surmonter en voracite & gourmandise, les plus grandes & gourmandes bestes sauuages. Pour la conseruation de la santé, les exercices du corps sont tres-necessaires, & Pline dit que la digestion est plus vtile par l'exercice & par veiller, que non pas par le lict & trop dormir; car par les exercices les flegmes & humeurs grasses du corps se dissipent & euaporent, & l'agitation des membres les diminuent & consomment; mais aussi il faut que les exercices soient tels, & si moderez que la violence ne diminue point les forces du corps & de l'esprit, qui se nourrit & entretient par le labour & traual, de sorte toutefois que par interuale, luy soit donné repos; car comme dit Aristote, tout ainsi que le labour & traual ingenu & modéré, confirme le corps, & le rend plus fort & propre à porter le traual; aussi le trop grand exercice empesche la croissance du corps, & le trop grand traual peut affoiblir les membres & y apporter des gouttes & autres maladies, comme des varices, qui est vne enflure de veines aux iambes; ce qui aduint à Cajus Marius, pour s'estre nourry & traouillé trop rustiquement; Il est escrit de l'Empereur Aurelian, qui mourut en l'an de son aage septante six ans, que iamaïs n'auoit pris Medecine, ny n'auoit esté seigné, & ce qu'il faisoit pour la

conserua-

*L'exercice du corps n'est nécessaire pour la conseruation de la santé.*

*L'exercice doit estre modéré, car le trop grand traual affoiblit les membres*

conseruation de la santé, estoit que tous les ans il entro-  
 toit au bain, tous les mois il se prouuoit à vomir,  
 & ieusnoit vn iour toutes les semaines, & tous les iours  
 prenoit vne heure pour se pourmener; au contraire  
 l'Empereur Adrian ayant esté en sa ieunesse grand  
 mangeur, desfreiglé en son boire, & en sa vieillesse  
 deuint goutteux & fort sujet aux rhumes, & pour  
 cette raison auoit tousiours près de luy force Medecins  
 fort differens en opinions, comme ils ont ac-  
 coustumé, & qui luy firent prendre plusieurs medeci-  
 nes, dont il se trouua mal; & en mourant tesmoi-  
 gna à vn chacun que la multitude des Medecins l'auoit  
 fait mourir; & y a eu d'autresfois des Republiques  
 bien réglées qui ont chassé les Medecins; comme ils  
 furent par le Senat d'Athenes, bannis de toute la  
 Grece apres la mort d'Hippocrate, & se passa à Rome  
 plus de quatre cens ans qu'ils ne vouloiét receuoir des  
 Medecins; ils estimoiet en Grece que la science estoit  
 morte avec Hippocrate: Ce fut l'Empereur Auguste  
 qui premier se seruit de Medecin à Rome; pour vn  
 mal de sciaticque qu'il auoit; & depuis Neron & Galba  
 en amenerent grande quantité; mais depuis Titus  
 le bon Empereur les chassa de Rome, comme il fit  
 aussi les Orateurs; disant que les Orateurs corrompent  
 les bonnes coustumes, & que les Medecins estoient  
 ennemis de la santé, & cause de la pluspart des vices;  
 de sorte que beaucoup disent que la plus grande Me-  
 decine que l'on scauroit prendre, est de ne prendre  
 de Medecines qui seruent aux maladies qui sont lon-  
 gues, auxquelles la diette, regime, & patience seruent  
 plus que tout; mais cela ne doit pas auoir lieu, ny

*Combien  
l'Empe-  
reur Au-  
relian cō-  
serua lon-  
guement  
sa santé  
sans me-  
decines  
ny sei-  
gneurs.*

*Le tes-  
moignage  
d'Adrian  
Empe-  
reur, que  
les Me-  
decins l'a-  
uoient fait  
mourir.*

*Les Me-  
decins ont  
esté qua-  
tre cens  
ans auant  
que d'e-  
stre receus  
à Rome,  
& y fu-  
rent ap-  
pellez par  
Auguste.  
Que  
l'Empe-  
reur Ti-  
tus chassa  
les Me-  
decins &  
les Ora-  
teurs.*

estre obserué aux maladies aiguës & dangereuses; comme à vne pleuresie, squinancie, inflammation, ou apostume pestilentielle, fièvre chaude, apoplexie, frenésie ou autres semblables, où les remedes doiuent estre prompts, & le bon, prudent & experimenté Medecin, doit estre creu : La pauureté ne peut estre à celuy qui sçait bien vser du sien, & ne peut estre estimée pauure celuy qui vit cōtent de son bien, se conformant à ce qui luy est du tout necessaire pour l'entretènement de son corps & de sa vie; car le reste ne prouiet que de cupiditez vaines & delicieuses, qui sont souuent accompagnées de plus de mal que de bien & contentement; car qui vit à l'opinion d'autrui n'est iamais riche, quand vn plus riche & plus aisé en commodité que nous est proposé deuant nous; ne considerant pas qu'il nous faut peu pour l'entretènement de la nature, auquel le sage s'accōmode, se mocquant des occupations, peines & traüaux de ceux qui ne pensent qu'à s'enrichir; car celuy est estimé mieux iouissant de ses richesses qui en a le moins affaire; d'autant que celuy qui en a besoin, & qui est pressé pour la charge & des pense qu'il a à porter, est souuent en crainte d'en auoir faute; & personne ne peut iouir avec repos & plaisir du bien qu'il est contraint de rechercher & amasser avec peine & crainte, ny pareillement celuy qui ne sçait pas se contenter & bien vser du sien, & qui ne pense qu'à l'augmenter plus que la raison ne le requiert; car la pluspart des actions de sa vie sont employez en procez, calcul reddition de compte, ou en sollicitude & peine continuelle, & de Maistre & Seigneur qu'il peut & doit estre, il deuient Procureur,

*L'a pau-  
ureté.*

*Celuy qui  
a le moins  
affaire est  
estimé le  
plus riche*



Auditeur des Comptes & Solliciteur; & celuy qui est conduit de trop de desir d'augmenter son bien, & qui veut ce qu'il ne peut, il se tourmente en soy-mesme, sa volonté n'est plus libre & se rend esclau & cerf de son bien; & autant luy deffaut, ce qu'il a que ce qu'il n'a pas, & ressemblant à vn Hidropique, qui tant plus il boit il a soif; aussi celuy qui est tourmenté de cette passion d'auarice, plus il a de bien, moins reçoit de repos & contentement; en quoy nous en deuons vsfer, comme dit saint Paul, ainsi que si nous auions tout, & que nous ne possedassions rien; car la grandeur des biens & richesses, n'est pas la fin des maux & calamitez de ce mode; & la richesse ne cōsiste au bien, mais au contentement del'esprit; & celuy qui souhaite le plus, doit estre estimé le plus pauvre, & l'esprit qui est malade de desir, est aussi mal parmy les richesses qu'en la pauureté: tout ainsi qu'il n'y a point de difference si vn malade est couché dedans vn liét d'or, ou de bois; car en quelque liét que le malade soit couché & porté, son mal le suit par tout; Ce n'est pas que l'on doie dire que les richesses soient à mespriser, quand elles sont bien acquises par bōs, honnestes & licites moyens, sans l'injure & le mal d'autrui; & celuy-là se doit estimer bien-heureux qui peut se vanter; sa maison estant ouuerte à vn chacun, de dire quel'on regarde de tous costez en sa maison, si quelqu'un recognoist du sien & quelque chose luy appartenir, qu'il veut & consent qu'il soit pris & emporté, vrayement doit estre estimé tres-heureux & iustement riche; les actions de tous ses autres comportements estans conformes à cette voye si digne & loüable, il

*Celuy qui  
souhaite  
le plus est  
estimé le  
plus pau-  
vre.*

*Que la  
maison  
est bien  
rense qui  
n'est rem-  
plie du  
bien d'au-  
truy.*

*La richesse est le soutien de la guerre & l'ornement de la paix.*

*Les richesses donnent moyen de montrer la vertu.*

*Les biens mal acquis apportent mal-heur à ceux qui les possèdent.*

faut confesser que telles richesses sont grandement à desirer, sont viles & fort honnestes, & peuuent apporter beaucoup de commoditez, quand elles sont departies & employées en bós & vertueux vsages; car les richesses ont tousiours esté appellees le nerf & soutienement de la guerre, & l'entretienement & ornement de la paix, pourueu aussi que le Maistre qui les possède leur commande & les tiennne en seruitude, & qu'il en demeure tousiours le Maistre, Seigneur & libre possesseur; & que non pas luy se rende sujet & seruiteur de ses biens; car le sage ne met pas son cœur & toute son affection aux richesses, mais il les peut mieux aimer que non pas la pauureté; d'autant qu'elle luy peuuent donner plus de moyen & matiere d'expliquer sa vertu, & faire cognoistre sa temperance, liberalité, diligence & disposition de ses affaires; & s'il doit estimer & croire certainement que les choses bien acquises aussi se conseruent bien & se maintiennent à la succession de la posterité: Comme au contraire il a esté dit de long temps, que des choses mal acquises, peu souuent en iouit le troisieme heritier; ce que communément nous voyons aduenir, & que les biens qui sont mal & iniustement acquis apportent mal-heur à tous ceux, entre les mains desquels ils paruiennent; qui fut cause que le Senat de Rome, apres la mort de Calligula & de Neron qui auoient amassé des biens par tyrannie, ordonna que leurs biens & richesses fussent bruslez où iettez dedans le Tibre, de peur que les biens iniustement acquis ne portassent quelque grand mal-heur à ceux qui les possederoyent; comme autresfois il a esté dit de tous ceux

qui participerent au butin de l'or de Thoulouse, comme recite Aule Gelle & aussi du mal-heur du cheual de Sejan, duquel tous les Maistres qui le possedoient, romboient incontinent en quelque grand mal-heur; Qui me fait espérer mon fils, & ie prie Dieu qu'ainsi soit que vous soyiez bon dispenseur du peu de bié que ie vous pourray laisser, que ie vous puisse assurer auoir esté bien & iustement acquis, ou par succession de mes predecesseurs, ou par biens-faits, iuste & legitime recompense de nos Rois, pour mes longs & laborieux seruices, ou par mon mesnage & conduite de mes affaires priuées, n'y ayant aucun en ce monde qui puisse dire avec verité que ie luy aye fait aucun tort, ny que ie luy retienne rien du sien, mais bien en ay quitté beaucoup du mien à ceux ausquels j'auois affaire, ou à partager pour demeurer en paix & amitié, dont ie ne me repens pas, estant souuent plus vtile & honneste de quitter du sien bien à propos pour viure en repos, & content, que non pas de rechercher iusques au bout tout ce qui peut appartenir, & que l'on peut pretendre, d'où procede apres des querelles procez & fescheries, qui apportent à la fin plus de mal que de bien; mais aussi pour bien vser du bien que l'on peut auoir en iouissant du fruit, commodité & plaisir, du bien qui est acquis, il faut tousiours retenir la sentence de cette femme Sapho Lesbica, qui disoit que les richesses coniointes avec la vertu, rendoient la vie heureuse; & pareillement pour cét effet faut bien considerer & cognoistre que c'est, & quelle est la force de la pauvreté, & faire comme vn bon Empereur & Capitaine, qui durant la paix se prepare à la

*Les richesses coniointes à la vertu, rendent la vie heureuse.*

guerre, & le bon Soldat à tirer des armes, & à porter & patienter la peine & travail qui y est requis; car comme ce seroit à vn esprit debile & fort pusillanime ne pouuoir commander aux richesses; aussi seroit-ce vn esprit peu courageux, & de peu de valeur, s'il ne s'exerçoit à porter la pauureté quand il seroit necessaire, & si il ne sçauoit & s'accoustumoit à pouuoir viure heureux, encore qu'il ne fust plus riche, & porter la necessité selon quel'occasion le pourroit requérir; ou par la perte des biens, ou par vne prison, ou par siege de ville, tempeste de mer, passage de pais sterile, ou autres accidens qui peuuent suruenir; & se trouuent de grands personages qui parmy les richesses, biens & commoditez, ont voulu s'exercer & s'accoustumer à manger peu & des moindres viandes, & faire toutes choses, auxquelles la pauureté reduit pour s'accoustumer d'auoir cōmerce & familiarité avec la pauureté, & la pouuoir gaillardement porter quand l'occasion s'y presenteroit; & par ce moyen l'on fera tousiours plus seurement riche, quand l'on aura appris que c'est que de porter la pauureté, & en ce faisant l'esprit sera préparé aux choses les plus difficiles, & contre toutes les iniures de la fortune, qui ne nous surprendra point sans estre bien munis & preparez à porter avec courage tous euenemens; comme il est escrit d'vn nommé Capaucus, qu'encore qu'il fust grandement riche & opulent en tous biens, toutefois il n'en fut de rien plus insolent, & eust receu à grand honte si le plus pauvre homme de la ville de Thebaë se fust passé à moins que luy pour sa personne; estimant que celuy seul deuoit estre estimé riche qui possedoit les richesses.

*Fait s'ac-  
coustumer à  
porter la  
pauureté.*

*Celuy est  
plus seure-  
ment  
riche qui  
a appris  
comme il  
faut por-  
ter la  
pauureté.*

fes, sans crainte; ce qui ne se pouuoit faire sinon  
 qu'avec resolution d'en iouir, comme d'une chose  
 qui est fort sujette d'estre perduë & ruinée; & sans la-  
 quelle on s'est persuadé & accoustumé de pouuoir vi-  
 ure; Ces deux maux de maladie & de pauvreté ne nous  
 affligent point tant comme la violence & l'insolence  
 des grands, qui nous menassent par leur puissance de-  
 fordonnée. Les deux premiers maux sont naturels &  
 accoustumez, & ne nous apportent point tant de  
 crainte, frayeur & terreur à nos yeux & oreilles; mais  
 ce qui nous aduient par la puissance & violence d'au-  
 truy, nous vient avec grand bruit, crainte & eston-  
 nement, parce qu'il a porté avec soy toute sorte de  
 mal, violence & iniure qui peuuent tomber sur la teste  
 des hommes; & ne se faut estonner s'il se prend en  
 cela vne extrême frayeur, pour tant d'estranges maux  
 & cruautéz qui ont esté commises par ceux qui ont  
 voulu abuser de leur puissance & autorité; & par  
 ainsi chacun doit prendre peine de n'offenser aucun  
 s'il est possible, & sur tout ne prouoquer point le cour-  
 roux & colere des Rois & des Grands; car ce sont  
 Lyons qui deuorent ceux qui les picquent & irritent,  
 quand ils les rencontrent près d'eux en leur colere, &  
 en leur absence ne laissent de les offenser, en quelque  
 lieu qu'ils se puissent retirer: car l'on dit d'eux qu'ils  
 ont les mains bien longues; & combien qu'ils dissi-  
 mulent par fois leur colere, ils ne laissent pour cela  
 quelquesfois de vouloir mal & d'executer leur cour-  
 roux; quelquesfois le peuple est à craindre, quand il  
 a entrepris plus de puissance qu'il ne doit, lequel plus  
 souuent est comme vne beste sauuage, sans raison,

*Celuy  
 doit estre  
 estimé  
 riche qui  
 possède les  
 richesses  
 sans crain-  
 te.*

*De la  
 violence  
 des grands.*

*Le cour-  
 roux des  
 grands est  
 à crain-  
 dre.*

*Le peuple sert & obéit fort humblement, on bien commande avec cruauté.*  
*Les opinions du peuple sont variables.*

plein d'inconsideration & de furie; & de tout temps a esté dit du peuple, ou qu'il obéit & sert humblement, ou qu'auec grande cruauté il commande; & s'il ne se faut arrester aux faueurs & bien-veillances du peuple; car les opinions & affections en sont si lubriques & variables, qu'ils se changent non seulement de iour à autre, mais à peine durent-ils vne heure; à vne Republique ceux-là sont à craindre qui sont aimez & fauorisez du peuple, souz le nom duquel souuent ils exercent leurs haines, passions & vengeance, & en telles occasions & rencontres est tres-vtile de gagner qui peut, l'amitié & bien-veillance d'un chacun, & pour le moins faire en sorte que l'on n'ait point d'ennemis.

S'il aduient que l'on soit obligé par le deuoir d'une charge publique, de se mesler des affaires d'un qui ait autorité & puissance; il faut avec beaucoup de prudence prendre garde à se bien conduire; car la prosperité esleue le cœur & rend un peuple insolent, & l'aduersité le rend opiniastre, & quelquesfois desesperé; de sorte qu'on ne le peut conseiller ny reprendre, & encore que la remonstrance soit douce & vtile, si est-ce qu'elle ressemble au miel qui est de sa nature fort doux; & toutefois ne laisse d'apporter douleur quand il est appliqué dessus l'ulcere; & l'œil qui est malade regarde mieux les couleurs obscures que les luisantes; & en cela la trop rude seuerité de contreuenir en tout à la volété du peuple, n'est bõne aussi de se laisser aller facilement à l'erreur du peuple est un precipice fort dangereux, mais la voye du meilleur semble la meilleure, qui est de ceder aucunes fois au gré du peuple  
pour

pour le faire obeir ailleurs, leur accorder vne chose  
 plaisante pour en demander, & les faire acquiescer à  
 vne chose vtile, qui semble le moyen le plus salutaire  
 pour gouverner & regir vn peuple; & ceux qui pen-  
 sent par là seule raison & seuerité disposer le peuple à  
 obeir se trompent: comme Cato qui n'auoit pas la  
 nature ny les mœurs agreables à vn peuple pour se  
 faire aimer, & encore qu'il fust fort loué pour sa vertu,  
 si est-ce qu'en vn temps de diuision & partialitez, &  
 parmy les mœurs corrompuës; tels hommes ne sont  
 propre de s'entremettre au gouvernement des affaires,  
 & ressemblent aux fruiçts qui viennent hors de saison  
 qui se voyent volontiers, & sont louez, mais on n'en  
 vse point, comme recite Plutarque plus au long en  
 la vie de Phaucion; & le mieux que sçauoit faire celuy  
 qui veut commander & retenir vn peuple en paix &  
 obeissance, est de faire pouruoir aux Magistratures &  
 charges de la ville, de gens doux & de nature paisible,  
 & en reculer les remuans, seditieux & amateurs de  
 nouveautez; qui est le moyen de rompre les prati-  
 ques & habitude des seditieux, & leur faire apprend-  
 re vne autre vie esloignée du moyen qu'ils auoient  
 par leurs charges, d'auoir des intelligences & confe-  
 derations, & les bons & paisibles Magistrats ouurent  
 & monstrent le chemin au peuple d'vne façon de vi-  
 ure plus tranquille.

Les excez ne se commettent pas seulement aux  
 dereglemens des fonctions & actions du corps; mais  
 aussi quand l'on ne se commande pas assez fortement  
 & prudemment, en ce qui est des agitations & pas-  
 sions de l'esprit; car celuy qui n'est bien en repos en

*Ceder  
 quelques  
 fois au  
 peuple en  
 petite  
 chose pour  
 le faire  
 acquiescer  
 à de plus  
 grandes.  
 Le peuple  
 ne se con-  
 duit pas  
 toujours  
 par la  
 raison, ny  
 par la se-  
 uerité.*

*Establis-  
 aux char-  
 ges publi-  
 ques gens  
 paisibles.*

*Celuy est  
le plus  
malade  
qui ne  
peut com-  
mander à  
sa passion.*

*Les pas-  
sions qui  
se passent  
avec le  
temps, &  
les autres  
qui aug-  
mentent  
par le  
temps.*

soy-mesme, & qui ne peut commander en la passion de son ame; encore qu'il ait les forces de son corps grandes, & qu'il soit en bonne disposition & santé, si est-ce qu'il le faut estimer fort malade, comme vn furieux & frenetique; le corps peut estre fort & dispos, & toutefois ne sera pas estimé sain, ayant vne maladie pire & plus dangereuse que celle du corps, qui seroit plus facile à guerir; & entre toutes les passions qui peuuent entrer dedans l'esprit des hommes, il y en a deux qui sont les plus dangereuses, & qui apportent le plus de mal; tant parce qu'ils vont tousiours avec le temps en augmentant & empirant, qu'aussi que le mal qui en prouient offense & porte dommage à ceux qui en approchent; la pluspart des autres passions, vices & imperfections, chastient & font sentir le mal à ceux qui les commettent, & se passent d'eux mesmes avec le temps & l'aage; comme la passion d'amour, les plaisirs & voluptez de la ieunesse: mais la presumption qu'un homme prend de soy-mesme, croist & augmente tousiours avec le temps; & tant plus qu'un homme vieillit, plus se presume suffisant par dessus les autres; comme fait la colere, laquelle en la ieunesse on peut corriger, ou à tout le moins moderer, mais elle est de telle force & nature, que quand vne fois nous luy auons presté nostre volonté, il n'est plus apres à nostre puissance de l'empescher qu'elle ne nous possede & commande: & pour cette cause laissant les autres passions de l'esprit, ie n'en toucheray que ces deux, qui est de la presumption & de la colere: quant à l'une, nous deuons croire que l'un des plus grands maux auxquels nous sommes sujets de tomber,



est la gloire, presumption, & outrecuidance; en quoy nous voyons non seulement les ieunes, mais les plus vieux, les mieux nés, les plus nobles & courageux, & le plus souuent les plus grands, sujets à ce mal; & ceux qui ont esté fauorisez le plus de bonnes fortunes, felicitez & grandeurs, se laissent precipiter en ce mal plus auant que les autres, estimant auoir acquis plus de valeur, experience & suffisance, que ceux à qui ils ont affaire, qu'ils ont souuent accoustumé de mespriser, qui rend leurs ennemis mieux aduisez & plus industrieux à se deffendre; & apres selon que l'occasion leur en donne le moyen, plus diligens à combattre & ruiner leur ennemy qui les a au commencement mesprisez; nous en voyons assez d'experiences par les histoires, tant pour le general de la conduction des armes, que pour les querelles & combats particuliers; par lesquels nous trouuons le plus souuent que celui qui par presumption a mesprisé son ennemy, a esté deffait & vaincu. Ce grand Pompée disoit que frappant seulement du pied à terre les forces luy viendroient de tous costez, pour deffaire Iules Cesar; & toutefois Cesar le venant trouuer à Rome avec peu de gens, il le fit retirer soudainement, & apres le deffit avec toute la Noblesse & force de Rome. Le Consul de Rome Terentius Varro se promettoit incontinent de deffaire Annibal en ceste tournée de Cannes, mais il fut vaincu, & les Romains presque tous ruinez par la presumption de Varro, qui ne voulut croire le sage & bon aduis de son Collegue Paulus Æmilius; les histoires anciennes sont pleines de telles exemples; mais, il nous faut seulement considerer les nostres,

*De la  
presomp-  
tion &  
amour de  
soy-mes-  
me.*

*Ne faut  
iamais  
mespriser  
son enne-  
my.*

pource qu'elles nous touchent de plus près; & entr'autres comme les Rois & tous les hommes aussi, encore qu'ils ayent de bonnes & grandes perfections, si est-ce que quelquesfois, comme la nature ne peut estre parfaite, sont accompagnez de quelques imperfections, & entr'autres ceux de la maison de Valois, qui ont esté nos derniers Rois; ils ont tousiours esté cognus Princes pleins de courage & valeur, avec beaucoup d'autres belles parties; mais ayant quelque deffaut qui a esté sujet de tomber, à tous ceux de la famille, qui est la presumption & la legereté, dont en monstra le premier exemple Philippes de Valois, qui fut le premier de la branche & de la maison; lequel par presumption de sa valeur, & contre l'advis des plus sages de son armée, donna cette grande bataille d'Agincourt, en laquelle il y eut deux Roys & sept Princes tuez, & plus de quinze cens Gentils-hommes François; & luy contraint des'enfuir & de se retirer la nuit aux portes d'Amiens; de laquelle les habitans s'enquerans qui s'estoit, leur dit que c'estoit la fortune de la France & leur pauvre Roy, qui auoit esté vaincu, ce qui luy aduint à la poursuite du Comte d'Arthois, par la diligence & affection duquel il s'estoit assuré du Royaume de France: & neantmoins pour l'avoir depuis defavorisé se retira en Angleterre, & fut auteur de la bataille & victoire obtenüe par les Anglois au lieu de Crecy: de sorte que la presumption & la legereté de Philippes de Valois furent cause de sa ruine; son fils Iean qui fut Roy apres luy en vfa de mesme à la bataille de Poictiers, lequel ne voulant prendre les Anglois & le Prince de Galles à mercy, comme

*La fortune de  
Philippe  
de Valois*

estoit l'aduis de ses Capitaines, fut vaincu, pris prisonnier, & son fils, & ce qui restoit de la Noblesse ruez ou pris; de sorte que son successeur Charles, par nécessité il falut qu'il fust sage, n'ayant plus de gens ny d'argent pour soustenir la guerre, & la nécessité luy apporta autant de sagesse comme la presumption auoit fait de mal à ses predecesseurs; mais bien tost son fils Charles VI. tomba au mesme mal de presumption: *La prise du Roy Charles à la bataille de Poitiers. La sagesse du Roy Charles cinquiesme.*

car pour auoir eu en sa ieunesse quelque bon succez en ses affaires, & gagné quelques batailles en Flandres, voulut contre l'aduis de ceux de son Conseil entreprendre la guerre contre le Duc de Bretagne, qui se soubmettoit à toutes cōditions; mais en y allant sa maladie le prist qui luy dura le reste de sa vie, durât laquelle la diuision des Princes cuida ruiner la France; Et son fils Charles VII. qui fut reduit en grande nécessité, fit plus (n'vsant point de presumption, & se remettant du tout au Conseil des bons Capitaines, encore qu'il ne bougeast d'auec la belle Agnes) que n'auoient fait ses predecesseurs avec leur valeur en combattant, & fut appellé le Roy le bien seruy, parce que ses Capitaines voyans estre creus de luy, prenoient la peine de bien faire: Son fils Louis XI. entra incontinent au naturel de la presumption & de la legereté, mesprisant dès sa ieunesse son pere, qui n'alloit point à la guerre, & se retira avec le Duc de Bourgongne ennemy de son pere, qui l'entretint, honora & fauorisa en tout, & l'accompagna apres la mort de son pere pour se venir establir en son Royaume; mais depuis il ruina la maison de Bourgogne; & luy fut dit vn iour par le Seneschal de Normandie, le sieur de Brezé, qu'il auoit

*Le Roy le bien seruy Charles VII.*

vn cheual qui estoit bien fort, parce qu'il le portoit, & luy & son Conseil, voulant dire que le Roy ne croyoit que luy-mesme; dont bien tost apres'en trouua tres-mal: car tous les Princes & Officiers de sa Couronne luy firent la guerre souz le pretexte du bien public, & le reduirent en telle necessité qu'il fallut qu'il leur accordast indignement toutes choses; & lors cognoissant que sa presumption de valeur ne luy seruoit de rien, il eut recours à vne autre presumption cachée & dissimulée, qui estoit de croire ses opinions de luy seul, & conduisant toutes ses actions par finesse, déguisement & manquement de paroles & promesses; estant du depuis cogneu & descouuert, fut si fort méprisé & delaisé, non seulement des estrangers, mais aussi de ses subjects, qu'à la fin il fut contraint de tomber en cruauté, qui est l'issüe des Princes qui se laissent aller à leurs opinions & passions particulieres; & en fin il porta la peine qu'il s'estoit procurée: car en sa vieillesse il entra en telle deffiance d'un chacun, qu'il fut contraint de s'enfermer, comme en prison dans le Chasteau du Plessis, où il finit ses iours. Charles VIII. son fils a pareillement esté remarqué pour estre plus presomptueux que sage, & sa presumption fut causée par le bon heur de ses premieres exploits; mais ce bon-heur ne fut pas de grande durée, cōme appert par l'histoire du temps: Mais Louys Duc d'Orleans, qui fut son successeur, voyant en quoy auoient manqué ceux qu'il auoient precedé, & ayant couru beaucoup de fortunes, & enduré bien du mal, deuint sage, se proposant vne bonne & sage conduite, & cognoissant combien il estoit necessaire à vn sage Roy de se gou-

uernier par conseil & aduis, retint tous les bons & anciens seruiteurs près de luy, quoy qu'il eust receu de quelques vns bien du mal, respondant à ceux qui le persuadoient de tirer vengeance du mauuais traitement qu'il auoit receu, que ce n'estoit pas de la dignité d'un Roy de France de vanger les querelles faites à un Duc d'Orleans, voulant dire que n'estant plus Duc d'Orleans, il falloit seulement qu'il prist garde au bien de l'Estat, auquel il estoit paruenue; & comme ce bon Roy commença sagement, il continua de mesme les dix-sept années de son regne, se gouuernant par aduis & conseil, qu'il le fit regner heureusement, honoré & obey de tous, craint & redouté de tous ses voisins, & fut en fin appelé pere du peuple: toutefois encore retenant quelque petit du naturel de la race, esloigna à la fin de luy celuy qu'il auoit le mieux seruy, qui estoit le Marechal de Gyé; & en mesme temps rompit toutes ses alliances avec ses Princes voisins, dont il fut contraint entretenir cinq grandes armées, contre l'Empereur, les Venitiens, & Princes d'Italie, les Suisses, le Roy d'Espagne, & le Roy d'Angleterre, avec lequel à la fin il s'accorda, espousant la Reine Marie sa sœur; mais incontinent apres sa mort, François premier venant à la Couronne, reprit les mesmes humeurs & passions de presumption de ses predecesseurs, & fut fauorisé au commencement d'une bonne fortune, d'une victoire qu'il obtint contre les Suisses à Marignan, qui auoit esté par l'ordre dressé, charges departies, & moyens preparez par Louys son predecesseur, & n'en fut sinon que l'executeur; neantmoins en emporta grande reputation, laquelle toutefois luy

vint à beaucoup de mal: car cela luy augmenta de telle sorte la bonne opinion qu'il auoit de luy-mesme, que bien tost apres ne faisant plus de conte des Princes, quelques vns se retirerent hors de son Royaume & se ioignirent avec ceux qui luy faisoient la guerre, se plaignant que le Roy ne leur vouloit faire raison & iustice, comme fit Monsieur le Duc de Bourbon & le Cardinal du Liege, de la maison de la Marche; ce que le Roy mesprisant, ensemble les forces du Roy d'Espagne, contre l'aduis des anciens & vieux Capitaines, comme les sieurs de la Trimouille, de la Palisse & Capitaine Bayard, voulut donner la bataille dedans le parc de Pauie, où il fut rompu & luy pris prisonnier, & la pluspart des grands tuez ou pris prisonniers, & deuant quel'on fust contraint de combattre, tous ces

*Combien  
le conseil  
des vieux  
Capitai-  
nes est à  
estimer.*

trois vieux Capitaines, remonstrans au Roy le mal & danger qui y pouuoit estre, leur fit response qu'ils ne faisoient plus que resuer, & qu'il sembloit que le cœur leur faillist; à quoy luy fit response le Seigneur de la Trimouille aagé de soixante & quinze ans, & qui auoit commandé à beaucoup d'armées, depuis l'aage de vingt-cinq ans; qu'il feroit bien paroistre qu'il n'auoit pas faute de courage, mais qu'il y mourroit, & que le Roy perdrait la bataille; Ce qui aduint

*Combien  
il est dan-  
geroux de  
mespriser  
les aduis  
des vieux  
Capitai-  
nes.*

par la presumption du Roy, qui depuis fut mené prisonnier en Espagne, quitta le droit du Royaume de Naples, du Duché de Milan, la Souueraineté de Flandres, qu'il espouseroit la veufue du Roy de Portugal, sœur du Roy d'Espagne, payeroit deux millions d'or, restitueroit tous les biens de Monsieur de Bourbon, & de tous ceux qui l'auroient suiuy, & assisteroit

&

& fauoriferoit le Roy d'Espagne de ses moyens, pour le couronnement & iouissance de l'Empire, auquel il auoit esté esleu; Conditions qui ont esté cause de l'honneur, grandeur & puissance de la maison d'Autriche, & de la perte de la reputation de la France, qui bien tost apres aussi fut changée par l'opinion & volonté du Roy, & contre l'aduis de son Conseil & de ses Parlemens, en toutes les anciennes formes, & regles establies de tout temps, pour le bien & conseruation du Royaume, comme en l'ordre Ecclesiastique la Pragmatique Sanction fut reuocquée, & les elections des benefices ostées par le Concordat fait avec le Pape Leon; & bien-tost apres s'ensuiuit l'opinion de Luther, & la confession D'aufgebourg, qui commença en ce Royaume en quelques lieux: les prouisions des grandes charges & Estats de ce Royaume qui auoient accoustumé d'estre faites par merites & anciés seruices, furét incontinent faites aux ieunes fauoris de la Cour; les Estats de Iustice qui se donnoient auparauant par suffisance & prud'homme, vendus au plus offrant & moins suffisans; toutes fortes d'Edits & erections, nouvelles Offices pour auoir del'argent: L'ancien ordre des finances, par lequel les deniers du Roy auoient esté bien mesnagez, changez & ostez; & erigé la charge de Thresorier de l'espargne à la suite de la Cour, à celle fin que les plus clers deniers fussent donnez & deliurez à qui on vouloit. En fin toutes les bonnes mœurs, tant d'hommes que de femmes changez & corrompus, le bon mesnage par cimonie, & toute discipline & regle de Police, qui auoit esté sainctement gardée auparauant, fut alterée

*La cause de la grandeur de la maison d'Autriche.*

*Changement en l'ordre Ecclesiastique.*

*Prouision des grâds Estats.*

*Venalité des Estats de Iustice.*

*L'ordre des finances change & l'estat de Thresorier de l'espargne intro-*

& changées; & encore en telle introduction de mal, disoient que c'estoit la Cour de Noblesse, desprisant le Roy predecesseur, & flattant le Roy, qui de luy-mesme auoit assez bonne opinion de soy; les Dames luy disoient qu'il estoit bien plus beau que les autres Rois; les Poëtes qu'il entretenoit, pour bien dire de luy, disoient qu'il estoit fort sçauant & eloquent; & les ieunes Capitaines le faisoient fort vaillant, & qu'il auoit bien combattu deuant que d'estre pris à Pauie, qui luy augmentoit bien encore sa presumption naturelle, qui a apporté beaucoup de mal durant trente trois ans qu'il a regné, & de changement à l'ancien establisement de ce Royaume, & qui fit encore perdre les anciennes volontez & affections des bons subjets & seruiteurs François, fut que l'on cogneut le contraire de ce que faisoit le Roy son predecesseur, qui n'abandonnoit iamais & ne changeoit celuy qui l'auoit fidèlement seruy; ce que ne fit ledit Roy François, car ceux qu'il auoit le plus aimez, fauorisez & aduancez, ont tousiours esté à la fin les plus mal traittez & defauorisez, & mesmes ceux qui l'auoient le mieux seruy, dont il en a aussi receu beaucoup de mal & defauantage à ses affaires; comme il parut à feu Monsieur de Bourbon; qui estoit la mesme faute que fit le premier de la branche des Valois, qui apporta apres d'autres inconueniens; car les seruiteurs sages & bien aduisez cognoissant vn tel naturel variable, de leur Maistre, ne se pouuant assurer de luy, n'osent entreprendre beaucoup de choses qu'ils pourroient faire pour son service; & quelques autres se retirans du tout de seruir, sont demeurez du tout inutiles au public, les-



quels sanscela eussent fait de bons & signalez serui-  
ces. Ceux que ledit Roy François auoit les plus fauori-  
sez, estoient Monsieur le Connestable de Montmo-  
rency, & Admiral de Brion, & à la fin les defauorisa  
fort rudement au danger de leurs vies; auquel Fran-  
çois, succeda le Roy Henry, Prince de bonne nature,  
& qui eust fait des choses grandes, s'il eust rencontré  
des seruiteurs bien joints & vnis à le bien conseiller &  
seruir, & que par leur diuisiō ils n'eussent point troublé  
le Royaume: mais la faueur qu'il leur faisoit les a rédus  
si grands, & avec telle autorité, que tous les subjects  
de ce Royaume se sont partialisez pour les vns ou pour  
les autres, & pour rendre leur party plus fort, se sont  
aydez & fortifiez de la partialité de la Religion; &  
s'en sont faits Chefs d'une part & d'autre, qui a esté  
cause d'entretenir les guerres ciuiles, depuis trente  
ans en ce Royaume; dont les trois Rois fils du Roy  
Henry qui ont regné l'un apres l'autre, ont esté extré-  
mément trauaillez, & tout le temps de leur regne  
rendus pour cette cause pleins de troubles & calami-  
tez, qui a esté cause de rendre ce grand & opulent  
Royaume aussi ruiné & miserable, comme il auoit  
esté auparauant en repos & tranquillité, & en honneur  
& reputation parmy les nations estrangeres; & avec  
telles miseres a finy la branche de la maison de Valois,  
de laquelle a esté le dernier Henry III. qui estoit en  
ordre, le treisiesme Prince, qui auoit de belles, gran-  
des & loüables parties; si le mal-heur du temps & les  
partialitez engendrées de long-temps auparauant en  
ce Royaume, ne l'eussent empesché; qui est vn som-  
maire que j'ay bien voulu toucher de quelques actions

*Le mal  
qu'en-  
gendre la  
partialité  
des ser-  
uiteurs  
des Rois.*

particulieres de nos Rois; pour nous représenter que selon leur naturel & de portemens, le plus souuent les affaires de leur Estat succedent; & combien que ledit Roy Henry fust fort bon Prince, si est-ce que pour ne degenerer de la race, il chagea soudainement les affections qu'il portoit aux sieurs Dampierre, Deschenets Montmorean & du Marechal du Biez, qui l'appelloit son pere, & de la main duquel il auoit voulu estre Cheualier, comme le Roy Charles son fils aux sieurs Marechaux de Montmorency, Damp<sup>ville</sup> & de Cossé, & le Roy Henry son fils aux sieurs de Lignerolles, Villiquier, Belle-garde, le Gas, Saint Luc, de Ioyeule, Espernon, & infinité d'autres; & Monseigneur le Duc d'Anjou & d'Alençon son frere, des sieurs de Buffy, S<sup>ier</sup>, Feruaques & autres; de sorte que les plus sages de la maison de Valois ont esté fort variables en leurs affections, & sujets d'aimer trop leurs opinions particulieres; comme ainsi en aduient aux Seigneurs particuliers de quelques païs & terres, & mesmement en la famille d'un chacun, que selon qu'est le Maistre & le Seigneur en pareil, est le reste de la Seigneurie & famille; en quoy nous voyons combien est dangereux que toutes personnes de quelque qualité qu'ils soient, ou Rois, Princes, grands Seigneurs, ou autres, se laissent transporter en leurs passions & presomptions, qui auenglent tousiours la vraye cognoissance & le iugement de toutes choses; qui est vne maladie d'esprit, que nous appellons philasthie, qui est vne trop grande amour de soy-mesme, qui est grand tesmoignage de peu de sagesse; dont nous pouuons faire comparaison à vne partie

*Quelle  
est la ma-  
ladie  
d'esprit,  
de l'a-  
mour de  
soy-mes-  
me.*

du corps humain, qui font les yeux; lesquels encore que par la veüe & le regard, cognoissent & voyent toutes choses, si est-ce qu'ils ne se peuuent pas voir eux-mesmes, ny iuger quelle en est la couleur & la composition de nature: Nous voyons bien la paille en l'œil de nostre voisin, & ne voyons pas la poultre dedans le nostre. L'amour trop grand de nous mesmes nous aueugle, comme fait vne passion d'amour folle & demesurée, qui ne permet plus de cognoistre les imperfections de la personne que l'on aime; C'est ce que dit Horace, que les vices mesmes delectent ceux qui sont aueuglez de passion; comme Balbinus qui se delectoit au mal du polipus & puanteur du nez de son amie Agué; & les autres à la mauuaise senteur des esselles des femmes qu'ils aiment, tant a de force sur soy-mesme la passion de l'esprit, & l'opinion que l'on prend, encore que ce soit contre verité, qui est par trop faillir au premier precepte qui nous a esté baillé par les sages, & qui estoit escrit sur la porte du Temple Delphique, en tels termes: Cognoissez vous vous-mesme; qui est vn commandement de modestie & de mediocrité, de peur de ne conceuoir à nostre esprit des choses trop grandes & presomptueuses; aussi de ne nous demettre point en choses trop basses & indignes; car la plus grande peste & mal que nous puissions auoir, est de nous flatter nous-mesmes, & diminuer l'opinion que nous deuons auoir d'autrui; Socrates disoit que cette belle sentence venoit d'Appollo; Ouidel'attribuoit à Pithagoras, d'autres l'ont tirée d'Homere, comme de la grand mer, quand il dit que Hector combattoit tous ceux qui se presentoient à luy;

*Que la  
passion  
peruertit  
le iugement  
de  
la verité.*

*La res-  
ponse de  
l'Oracle  
de Del-  
phe, est se  
cognoistre  
soy-mes-  
me.*

toutefois il se reculoit de rencontrer, & auoir affaire à Ajax, comme le recognoissant plus fort que luy; d'où que ce soit que cette belle sentence soit procedée elle est diuine & parfaite; Le Philosophe Thales interrogé ce qu'il estimoit le plus difficile, respondit: Se cognoistre soy-mesme; & apres enquis ce qui estoit le plus facile, respondit: D'enseigner & conseiller vn autre; & la demande estant faite à vn autre Philosophe, depuis quand il auoit commencé à deuenir sage, luy dit: Que c'estoit depuis qu'il auoit commencé à se cognoistre; il est recité par Macrobe qu'un consultant l'Oracle de Delphe, par quel chemin il pouuoit venir à la felicité, luy fut respondu: Si vous pouuez vous bien cognoistre; ce que nous deuons prendre à plus forte raison, pour nous Chrestiens & nous bien cognoistre, qui est autant à dire que nous deuons cognoistre premierement Dieu qui nous a creez, & le croire de foy entiere & par bonnes œuures; cognoistre aussi nostre condition qui est mortelle, nostre qualité, & de quel lieu & parens nous sommes descendus, nostre profession, la qualité de nostre esprit & entendement, les forces de nostre corps, la santé & disposition, la suffisance que l'aage & experience des choses du monde nous peut auoir donnée, les amis, biens & moyens que nous pouuons auoir, & en tout prendre peine de ne nous flatter point, & de ne nous persuader point plus que nous ne deuons, encore que la nature nous y attire en cette amour & flatterie de nous mesmes; si ce n'est que la raison ne nous rende assez forts pour y resister; il y en a beaucoup qui conduisent toutes les actions de leur vie en ce monde, comme s'ils ne pen-

*La felicité est se pouuoir bien cognoistre.*

soient iamais à mourir, & à deuoir preparer le chemin à vne autre vie ; les vns s'estiment plus sages que les autres ; les autres plus nobles ; les autres se glorifient de leurs richesses ; & les autres des sciences qu'ils ont acquises, ne considerant pas qu'à la fin il y a l'ouuent plus de vanitez & de presumption, que de raison & de verité ; ceux qui mesprisent les autres par leurs noblesses, pour estre seulement descendus de grande & ancienne race, setrompent grandement, ne considerant pas assez que la Noblesse est vne ancienne dignité, descendue par la vertu des Majors, continuée à celui qui ne degenerate point des bonnes mœurs & merites de ses predecesseurs ; car celui qui par sa mauuaise vie & turpitude, delaisse la vertu des siens ; il merite plustost toute ignominie & iniure que non pas aucun tiltre d'honneur & de Noblesse ; & pour cette raison Aristote dit, que nous ne reuerons la Noblesse pour autre cause, sinon parce que nous estimons que des hommes qui sont les meilleurs, plus vertueux & genereux, doiuent sortir & descendre des enfans de plus de courage & valeur que non pas des autres ; & que d'un pigeon ne sortira point un Aigle ; & dit fort bien Iuuenal, qu'encore que les maisons soient pleines de vieux, anciens & enfumez portraicts des ancestres ; toutefois que la seule Noblesse est à la vertu. A Rome anciennement ils mettoient difference entre ceux qui estoient issus de quelque race ; ceux qui estoient issus de Siluius Torquatus, & de Fabritius, en faueur de ceux desquels ils estoient descendus, estoient preferez au Consulat en concurrence des autres ; comme aussi ceux qui estoient descendus de Li-

*Que c'est  
que la  
Noblesse.*

curgus en Lacedemone; & au contraire à Rome ceux qui estoient venus des Targins ou de Catilina n'estoient reçus en Offices publiques, estimant que ce n'estoit pas peu de gloire d'estre extraict de bonne race, & de ceux qui auoient bien seruy au public; les hommes sont comme les vins, dont les anciens sentent le gooust du terroir, les autres de la bonne vendange; aussi ce sont vertus de Noblesse, auoir bon cœur pour resister, generosité aux actions, douceur & honnesteté en propos, vigueur & force en l'exécution, clemence & bonté pour pardonner, ce qui ne se trouue pas souuent entre gens de bas estat & qualité. Il fut vn iour reproché à Marius en plein Senat, par vn nommé Syluanus, qu'il estoit trop ambitieux d'honneur, estant de si basse lignée qu'il estoit; à quoy respondit Marius, que Syluanus n'auoit en sa maison que des armoires peintes de ses predecesseurs, desquelles il auoit herité, mais queluy auoit les enseignes pendues en sa maison qu'il auoit gaignées: Il y en a qui prennent grande gloire & presumption pour les biens & richesses qu'ils ont, & s'en estiment bien plus grands & plus forts que les autres, mais ils s'abusent grandement, comme nous voyons par l'Histoire de Cresus Roy de Lydie, qui constituoit sa felicité à ses biens & thresors qu'il monstroït à Solon, qui sagement luy fit response que la condition de la vie humaine estoit sujette à infinies mutations, qui nous deffendoit de nous confier ou glorifier aux biens de ce monde, ny estimer la felicité d'un homme qui est encor en danger de changement; car le temps amene tous les iours de diuers accidens à l'homme, auxquels il n'auoit iamais

*La felicité d'un homme ne cōsiste aux richesses.*

mais

mais pensé; disant que celuy ne pouuoit estre estimé heureux qu'apres que certainement il estoit hors de tous dangers, qui ne peut estre qu'apres la mort; ce qui aduint audit Cresus, comme il luy auoit esté prédit; car ayant perdu la bataille contre Cyrus, & sa ville de Sardis prise, luy prisonnier, & monté sur le haut d'un bucher pour estre brulé, commença d'appeler trois fois Solon, dont Cyrus voulut entendre la raison; puis apres l'auoir sçeuë, luy sauua la vie, & le traitta humainement, considerant en soy-mesme les changemens & varietez de ce monde; & combien les bonnes fortunes, la presumption & la gloire sont souuent mal fondées, & apportent le plus de mal à la fin. Pour le regard des forces de nostre corps & bonne disposition, bien souuent nous nous y trompons; & la volonté que nous auons d'entreprendre, nous rend plus courageux que nous n'auons de force & de moyen, qui contraint souuent de laisser l'entreprise d'un bon œuvre imparfait, qui vient par faute de bien cognoistre nos forces; comme le plus souuent il aduient sur la suffisance, capacité & experience que les hommes se promettent d'auoir plus qu'ils n'ont; car peu de gens ont le iugement si bon, qu'ils ne s'abusent souuent aux graces que Dieu leur a données, & à la suffisance qu'ils estiment d'auoir acquise par leur estude, labeur & experience. Le ieune soldat se vante qu'il deuroit estre Capitaine; celuy qui a commandé quelque temps, pense qu'il seroit suffisant Mestre de Camp, ou Colonel, & quand il est venu en quelque degré de charge & honneur, se persuade qu'il seroit bon Chef d'armée; & toute fois au bout de

*De la  
presomp-  
tion de  
suffisance  
chacun  
en sa pro-  
fession.  
L'opi-  
nion du  
Soldat.*

R r r

*Le Courtisan.*

cinquante ans d'experience, celuy qui se promettoit toutes choses faciles au commencement, se trouue bien empesché à la fin, cognoissant mieux qu'il ne faisoit ce qui est necessaire pour estre bon Capitaine. Le Courtisan & negociateur d'affaires dès le premier voyage, ou ambassade qu'il a fait, se promet estre grâd personnage, fait bonne mine, parle peu, & encore ce qu'il parle n'est que des actions & deportemens des Rois, de leurs Cours & des Princes, comme s'il estoit leur compagnon; & qu'ils ne fissent rien que par son aduis; & au bout de trente ans de continuel seruice, recognoistra, s'il est sage, qu'il n'est encore qu'un escolier aux affaires d'Estat; desquelles la cognoissance change souuent par chacun iour, Autant en aduient-il à ceux qui font profession des lettres; celuy qui aura estudié en Theologie cinq ou six ans, babille hardiment, & alleguant vne douzaine de passages de la saincte Escriture, pense la mieux entendre que tous autres, dispute souuent pour soustenir l'opinion qu'il aura suiue, & peut-estre pour soustenir quelquesfois seulement le party, pour lequel il aura esté pratiqué, & à la fin de son aage il trouuera que les Conciles generaux ont esté bien empeschez à decider, ce qu'en sa ieunesse il trouuoit facile. Le Iurifconsulte au bout de

*Le Iurifconsulte.*

trois ou quatre ans des estudes par luy faites aux Vniuersitez, croit estre deuenu suffisant pour estre vn bon Conseiller ou President, & qu'il a toutes les Loix, Edicts & Ordonnances enfermées dedans son estomach: mais apres auoir esté receu à vn Parlement ou autre compagnie, au bout de dix ans il ne fait que commencer d'acquérir quelque suffisance, laquelle il



ne peut auoir qu'avec le temps, & par la cognoissance des actions & differens des hommes, & des fautes qu'ils commettent, qui luy doiuent estre representées par bonnes preuues, pour estre par luy iugées; ce qui ne pourroit estre bien fait auant que d'estre bien cogneu & experimenté par celuy qui le doit iuger. Le Medecin reuenant des estudes de Paris, ou de Mont-

*Le Me-*  
*decin.*

pellier, pense estre fort suffisant, ayant appris les termes de Medecine, commence à pratiquer, apres auoir veu le malade, luy touche le poux, regarde la langue, manie les costez du corps, visite l'vrine & les autres excremens, s'enquiert de la façon de viure du malade; & apres parlant bien Latin, en disant son opinion avec quelques petits mots de Grec entremeslez, alleguant quelque propriété des simples, des ingrediens & infusions, fait son recipé, ordonne clysteres, syrops, cataplasmes, de jonctions, de la rubarbe, & autres sortes de compositions de Medecines, ou des seignées selon la qualité des maladies; & apres quelque regle & regime de viure, & si la maladie continuë faut recommencer, n'ayant que cette science; & à la fin le dernier recours est aux diettes ou aux bains; & toutefois ce nouveau Medecin faisant bien le resolu, & apprenant bien souuent plus de l'estat de la maladie, par ceux qui gardent le malade, que par la cognoissance de la science; & toutefois se persuade à luy-mesme qu'il est vn grand Esculape, restaurateur de la santé de ceux qui l'appellent; mais à la fin confessera, s'il veut dire vray, que le iugement des maladies est fort incertain, & que peu souuent la prise des medecines profitent; mais au cōtraire qu'ils apportent sou-

*La bonne opinion que l'on prend du Medecin profite plus bien souvent que la medecine.*

uent plus de mal que la maladie mesme ; & dit Avicenne que la bonne opinion & esperance que le malade prend du Medecin, profitent plus communément que la medecine mesme, & qu'il faut tousiours louer la patience du malade, & la felicité du Medecin ; & se dit communément que le guerrier trouble le repos & tranquillité de sa patrie. Le Negociateur d'affaires trouble l'Estat ; le Theologien la conscience ; le Jurisconsulte les biens ; & le Medecin la santé : & pouvons dire que toutes les sortes de sciences, soit la plus belle, digne & louable chose qu'un homme ingenu, liberal & d'honneur puisse avoir, si est-ce que s'ils ne font moderez de iugement & de prudence, non seulement ne peuvent produire leurs bons & vertueux effects, mais la presumption & outrecuidance de ceux qui en abusent, apportent plus de mal que de bien ; qui fut cause que les deux Empereurs Valentinianus & Licinius, estimez ennemis des lettres, disoient qu'ils estoient plus dommageables qu'utiles, & les appelloient la peste & la ruine publique : mais ils se trompoient grandement ; car ils s'attachoint à l'abus, au mal & au vice de ceux qui n'en sçauent pas bien user, & non à la vertu, à la force & perfection que l'on peut acquerir par les lettres. Les grands personnages en ont si peu abusé & pris de folle presumption, qu'au contraire Socrates apres avoir penetré toutes les sciences, confessoit & disoit publiquement qu'il reconnoissoit ne rien sçavoir, qui est qu'il fut lors iugé par l'Oracle, qu'il estoit tres-sage ; car comme dit Platon, la moindre partie de ce que nous ignorons est plus grande que tout ce que nous sçavons : Saint

*Socrates ingé sage, parce qu'il reconnoissoit ne rien sçavoir.*

Paul dit qu'il faut chasser de l'Eglise ceux qui veulent  
 & pensent plus sçauoir qu'il ne faut; mais cela pro-  
 cede du vice, presumption & faute des hommes, &  
 non pas des lettres, qui sont les plus beaux ornemens  
 qu'un homme d'honneur peut auoir, les accompagnant  
 toujours de modestie & prudence; mais par la presomp-  
 tion nous tombons en tous maux, & le plus souuent  
 celuy qui est le plus ignorant, est le plus presomp-  
 tueux; qui conuient à ce que dit Terence, qu'il n'y  
 a rien si iniuste & déraisonnable qu'un ignorant; *Le plus  
presomp-  
tueux est  
ignorant.*  
 comme au contraire il n'y a rien si iuste & raisonnable  
 que celuy qui est sçauant, & qui sçait bien prendre ce  
 commandement sur soy-mesme, que d'vser de sa science,  
 avec toute prudence, moderation & modestie, &  
 mesmement de vouloir quelquesfois dissimuler ce  
 qu'il cognoist mieux sçauoir qu'un autre, & monstrier  
 vouloir apprendre de la suffisance d'autrui, ce qui sert  
 à se confirmer soy-mesme, quand l'on trouue l'opi-  
 nion d'un autre semblable à la sienne: & aussi il faut  
 croire qu'il n'y a homme si ignorant qu'en quelque  
 fait particulier il ne puisse auoir acquis cognoissance  
 plus qu'un autre; comme de long-temps il a esté dit  
 que le Jardinier peut quelquesfois dire quelque chose  
 de bon & fort à propos; nous auons appris par les  
 bestes mesmes beaucoup de choses que nous auons  
 en vſage: l'hyrondelle en bastissant son nid a appris *Les bestes  
ont appris  
beaucoup  
d'inven-  
tions avec  
hommes.*  
 aux premiers hommes à bastir des maisons; le Chien  
 trouue l'herbe propre à se vider; le Cerf à la guarison  
 de sa playe par manger du dictamen, & la Biche auan-  
 ce son part en sucçant les l'herbes; la Cigongne à se  
 purger par clystere; le Fourmy à mesnager & amasser;

les mouches à prendre vn chef & conducteur ; les grûes à tenir l'ordre & faire garde ; ainsi de plusieurs animaux qui ont chacun vne propriété particuliere : il peut aduenir aussi quelquesfois que la sagesse doit ceder à la temerité ; comme dit en Therence le bon vieillard de pere, parlant de son fils, que iamais il ne se proposoit & preferoit aux autres, qui est le moyen d'acquérir des amis & d'éuiter l'enuie ; car il n'y a rien qui fasse plus enuier vn homme que la presumption, encore qu'elle soit prise avec merite & raison ; comme nous voyons par exemple de ce bon Athenien Aristides, surnommé le Iuste, ayant sçeu qu'aucuns auoient dit au peuple qu'il le falloit bannir, demanda ce qu'il pouuoit auoir fait de meriter cette peine, luy qui estoit tel qu'il estoit, cogneu d'vn chacun ; luy fut respondu ; que c'estoit parce qu'il se mescognoissoit estre Aristides, & qu'il auoit voulu & permis estre appelé iuste par dessus tous les autres, qui estoit prendre trop de présomption de soy-mesme. Il y auroit beaucoup à deduire sur cet article, si ce n'estoit pour la logueur ; pour fin sera seulement adiousté qu'il n'y a rien si pernicieux à tous hommes, que la presumption & outre-cuidence, & principalement aux grands qui ont la puissance d'exécuter ce qu'ils veulent, & estiment le meilleur en leur opinion, qui a esté la ruine de beaucoup de Rois, Princes & autres, quand ils ont mesprisé les aduis & conseils que l'on leur a donné, n'estimant plus souuent aucune suffisance que la leur, & feroit à desirer que chacun eust tousiours deuant les yeux la belle opinion & sentence de ce grand Themistocles Athenien, lequel en l'aage de cent & sept ans

disoit qu'il ne faisoit que commencer à cognoistre, & bien iuger les choses & affaires de ce monde ; qui estoit pour faire cognoistre que ceux qui auoient moins de suffisance, d'âge & d'expérience que luy, estoient bien elloignez de les pouuoir bien cognoistre, & ceux qui auront pareille opinion seront tousjours les plus sages & les mieux aduisez ; car quand ils se desfirôt d'eux-mesmes, ils pourrôt chager leur opinion par vne meilleure qui leur sera proposée, ou bien par vn commun aduis auront raison de tenir leur opinion pour plus certaine, mieux approuuée & sans aucun doute ; & faut que chacun cognoisse son esprit & ses forces, & qu'il soit luy-mesme intégré & véritable iuge, & aspre Censeur, sans passion des bonnes ou mauuaises parties qu'il peut auoir, car les plus grands ont encore quelque deffaut. *Et Tite-live dit, que les Dieux n'ont iamais donné le tout à vn seul.* Annibal scauoit bien vaincre, mais il ne scauoit vser de la victoire ; les graces, vertus & felicitez sont différentes, & ne se rencontrent iamais à vn seul ; & n'y a aucun qui puisse estre sans quelque vice ou deffaut, & celuy qui en a le moins doit estre estimé le meilleur, comme dit Horace en sa troisieme Saryre.

Quant à la seconde passion d'esprit, de laquelle i'entens parler est celle de la colere, qui est l'un des vices de Nature, auquel vous deuez plustost vous commander ; car encore qu'il y en ait quelques vns qui ayent voulu dire que la colere est vn tesmoignage de naturel genereux, qui peut exciter les esprits en choses grandes, si est-ce qu'elle ne doit point estre estimée & louée, puis qu'elle met ceux qui tombent en cettere pas-

*Themistocles en l'age de ceui sept ans, disoit qu'il ne faisoit que commencer d'apprendre & bien cognoistre.*

*De la colere.*

*Que c'est  
que cho-  
lere.*

*Remar-  
ques ex-  
terieures  
de la  
cholere.*

sion hors de raison & de iugement; & faut empes-  
cher cette ennemie de raison d'entrer dès le commen-  
cement dedans l'esprit de ceux qui veulent demeurer  
sages & retenus; Aristides disoit que la cholere n'estoit  
autre chose qu'une inflammation de sang & une alte-  
ration de cœur; Paussidonius disoit que la colere  
n'estoit autre chose qu'une briefue folie; Ciceron dit  
que ce que les Latins appellent ire, les Grecs l'appel-  
lent desir de vengeance; Plutarque escrit que les de-  
pendences de la cholere sont ne croire le conseil de ses  
amis, estre subit, auoir le visage enflambé, s'aider  
promptement des mains, auoir la langue debridée,  
dire à chacun mot une malice, se courroucer pour pe-  
tite occasion, & ne vouloir entédre aucune raison; car  
la cholere est tenue pour une rage, fureur & frenesie,  
qui ne veut estre gouvernée ny regie, qui se courrouce  
à la verité, qui poursuit d'injurer ceux à qui elle s'adres-  
se, pleine d'inhumanité, exempte de toute raison, dis-  
cretion & iugement, qui fait demonstration de sa fu-  
reur par le front, par les yeux, par la couleur, le mar-  
cher, le geste, & tous autres deportemens du corps,  
qui remarquent une vraye perturbation d'esprit,  
changement & accession en nouvelle forme de beste  
brute; la plus dangeueuse peste qui puisse aduenir au  
genre humain, qui engendre les querelles priuées &  
tous mau. à une famille, les meurtres, les guerres, rui-  
nes de villes, & pertes d'Estats: le meilleur remede que  
peut apporter en cela celuy qui veut se conduire sage-  
ment, c'est de n'entrer point en contestation de paro-  
les, avec aucun quel qu'il soit; car si c'est avec un plus  
grand, seroit estimé folie & rage; si c'est un plus petit  
il

il est sordide & mal honneste; si c'est vn esgal en qualité l'euenement en est douteux, qui souuent laisse vne dangereuse querelle; & par ainsi faut tousiours penser à ce que l'on doit dire, auant que rien sorte de la bouche; & s'il y a quelque chose dite ou faite par vn autre, dont nous nous sentiôs iniuriez ou offensez; ce qui est en cela le plus necessaire, est la demeure & dilation pour y penser & en esclaireir la verité; & cependant cette premiere fumée est temperée, & la nuée obscure qui nous oste l'entendement est dissipée, qui apres nous permet de iuger sainement ce qui est bon de faire: ce qui ne pourroit plus se reuoker, si par cette premiere cholere il eust esté fait, ce qui pourra beaucoup seruir en cette moderation. Si nous nous remettôs de uât les yeux que c'est vn certain témoignage d'vn courage grand & genereux, de mespriser les offenses qui ne touchent point à l'honneur, l'aage doit excuser vn enfant, le sexe vne femme; la liberté se doit excuser en vn estranger, & à vn domestique la familiarité; si c'est nostre amy faut croire qu'il ne le pensoit pas, ou qu'il le fait à bonne fin; s'il est ennemy il a fait ce qu'il deuoit; si c'est vn plus sage ou vicil que nous, il luy faut par honneur ceder; s'il est fol ou mal aduisé, il luy faut remettre l'offense & en auoir pitié, & deuous croire qu'il n'y a si sage qui ne puisse quelquesfois faillir, & deuous excuser côme nous desirons estre excusés; car le plus souuent la colere fait plus de mal que l'iniure. Quand le Poëte Plaute veut louer le Dieu Mars, il dit qu'il est conioint par mariage avec Nerio, pour monstrier que la tranquillité d'esprit accompagne tousiours les gens forts & courageux, & appelle Nerio, quasi

*Le meilleur remede de la cholere est la demourance pour y penser.*

*La cholere doit estre esloignée de la force & du courage.*

*sine ira*, qui fut le blasme donné à Alexandre, pour auoir par cholere tué Clytus, lequel recognoissant la faute que la cholere luy auoit fait faire, tirant du corps de Clytus la mesme dague, dont il l'auoit tué, la voulut conuertir contre soy-mesme, s'il n'en eust esté empesché par ceux qui estoient presens; & tiennent les Philosophes que la cholere procede de molesse, delicateffé & foiblesse d'esprit; ce qui se peut cognoistre, par exemple, que nous voyons les malades plus choleres que les seins, les femmes plus que les hommes, les vieux plus que les ieunes, les miserables & affligez plus que les bien-heureux: & ceux qui sont fort seins & courageux, sont moins sujets à cette demesurée passion; il vous faut d'ocdes à present en vostre ieunesse cognoistre vostre naturel, & bien regler & composer vos esprits pendant qu'ils sont tendres & susceptibles de bonne instruction, & entretenir vos humeurs en toutes actions tranquilles & paisibles, mesmes en nourriture de viandes, & aux exercices qui soient propres à temperer ce naturel plein de chaleur; à quoy se doit oster le vin, ou pour le moins bien tremper & corriger, car il accroist & augmente la chaleur, & ne feroit qu'allumer dauantage le feu: & si de vostre naturel, comme a esté le mien & la plupart des miens, nous auons tous esté sujets à chaleurs de foye; à quoy le vin fort est bien mauuais: la repletion des viandes est mauuaise à tous, qui affoiblit l'esprit, avec le corps; le travail & l'exercice est necessaire, & toutefois sans lassitude, à celle fin que la chaleur de ieunesse se diminue, mais non pas qu'elle se consomme; quelques honnestes ieux & temperez recreent aussi, &

*Les personnes foibles, vieilles & malades, plus choleres que les autres.*



moderent les esprits, qui sont conseruez par ce moyen en meilleure disposition, car les maladies & douleurs du corps excitent la colere; comme font le trop grand travail, les veilles continuées long-temps; les nuits passées sans repos; les desirs de l'ame passionnée, comme d'amour, d'ambition, auarice, ou de vengeance; & tout ce qui peut nuire au corps ou à l'esprit rend l'esprit affligé & prompt à cholere; en tous passe-temps, jeux & combats, faut auoir courage de vaincre, mais empêcher de se courroucer; car il se faut tenir familier à ceux avec lesquels on iouë, pour apprendre de bonne heure en tous combats de vouloir vaincre, mais non pas de nuire, faire mal ou offenser en iouant; la louange apres auoir vaincu est tousiours bonne pour continuer la volonté de bien faire, mais il ne s'en faut pas trop esleuer & donner de gloire, de peur de prendre trop d'estime de soy, & mespriser les autres, qui donnent tousiours sujet de prouoquer la colere: les flatteries sont aussi dangereuses à la ieunesse; car incontinent on se persuade d'auoir meilleure fortune, plus de felicité, & estre plus grand que les autres, qui offensent ceux avec lesquels on hante; & par faute de sçauoir encore iuger que les biens de fortune sont si variables qu'ils se peuuent changer de iour à autre: La trop molle & delicate nourriture corrompt fort les esprits des ieunes gens, leur viure ne doit estre delicat; les habillemens doiuent estre communs, ne se faut separer du rang de ses compagnons, encore qu'ils soient moins en qualitez; & ne doit-on estre marry & courroucé quand l'on fait

*Les maladies & douleurs excitent la cholere.*

*En tous ieuX & combats de plaisir, faut apprendre à vaincre, & non pas à faire mal & offenser.*

*La delicate nourriture inuicorrupt les esprits.*

*Les per-  
sonnes pe-  
tites de  
taille plus  
choleres.*

quelque comparaison de feldits' compagnons ; l'on dit communément que les hommes petits de taille, sont plus aisez à se courroucer & fâcher que les autres ; les petites cheminées sont ordinairement plus fumeuses ; les petites harquebuses se lâchent plus promptement que les grandes & fortes ; aux chemins estroits on si perd & esgare plustost ; les habillemens estroits sont plustost rompus, & les hommes petits sont plustost en courroux : Le vous ay fait ce discours plus long à celle fin qu'il vous puisse seruir, & à vos enfans, qui peut-estre pourront tenir de vostre naturel, comme ie recognois quelque chose du mié en vous, en quoy i'ay esté sujet, si par la raison ie ne me fusse commandé de le forcer, & vous declareray priuément, puis que cette instruction doit demeurer particuliere & secrette à vous & aux autres, comme ie m'y suis conduit, le moyen que i'y ay tenu, & le fruit que i'en ay emporté : en quoy maintenant que vous deuez en aage pour commencer à le bien iuger, vous pouuez & deuez y prendre exemple : tous les iours apres m'estre retiré pour prendre le repos de la nuit ; & apres auoir prié Dieu & recogneue ce qui auoit esté fait le iour, & donné ordre à ce qui estoit à faire pour le lendemain, ie me remettois deuant les yeux, le bien ou le mal que ie pouuois auoir fait le iour, m'interrogeant moy-mesme, en quoy ce iour ie pouuois auoir guery mes maladies d'esprit, ce que ie pouuois auoir appris, en quoy i'auois esté rendu meilleur, & ce que i'auois gagné sur ma cholere & autres passions, pour me rendre plus moderé, l'esprit plus tranquille & reposé, voulant estre le iuge & censeur secret de mes

mœurs & actions, ne me voulant cacher & flatter à moy-mesme, ne me condamnant pas aussi seuerement pour mes fautes, mais me pardonnant facilement à moy-mesme, à la charge de n'y plus retourner; en ce faisant i'ay trouué qu'avec le temps i'appris à me commander, moderer & refroidir mes choleres, chaleurs & passions de l'esprit; & tant plus que i'ay eu d'experience des choses du monde, & que le vieil aage m'a apporté de iugement; i'ay d'autant plus considéré & appris que toutes les actions des homes, qui sont accompagnées de vertus, moderation & repos d'esprit, sont celles seules qui rendent la felicité & contentement; car nous deuons estimer vne grande brutalité d'employer nostre vie, qui est si briefue, en tourmens & passions cruelles d'esprit; & nos iours que nous pouuons employer, en ce qui est des Commandemens de Dieu, & en honnestes & plaisantes occupations, les conuertir en nostre mal & tourment, ou en la douleur & dommage d'autrui, dont nous acquérons des haines & inimitiez qui nous retiennent en peine & fascherie toute nostre, vie qui est si soudainement terminée par vne seule fièvre de trois iours, ou quelque autre accident plus prompt, & si laissons à nostre posterité des haines & querelles qui se terminent souuent par la ruine entiere d'une famille; & par ainsi cependant que nous viuons, entretenons l'amitié & bien-veillance d'un chacun, ne faisant tort, dommage ny iniure à personne, & ne donnons sujet de dire mal de nous apres nostre mort; en ce faisant nous viurons heureux & laisserons les nostres pleins d'amis, de repos, felicité, & tout contentement, & pas-

*Sera con-  
gnoistre  
& iuger  
soy mes-  
me.*

*Les seules  
actions de  
vertu,  
modera-  
tion &  
repos d'es-  
prit ap-  
portent  
felicité &  
contente-  
ment.*

ferons de ce monde, quand il plaira à Dieu nous appeller, avec descharge de nostre conscience & tres-grand repos d'esprit; mais l'oubliance de nos fautes & vices nous est fort commune; & ne voulons confesser & aduoüer nos fautes, comme celuy qui commence d'auoir & sentir les gouttes, l'appelle vne esmortion seulement; si la douleur augmente, dit que c'est vne petite fièvre, si les pieds & iointures luy font mal, cela se couure d'un effort en quelque exercice, où d'une blessure au pied; & enfin par la continuation & augmentation du mal, faut confesser la podagre formée & maladie des gouttes, qui se pouuoit peut-estre dès le commencement guerir ou moderer, si elle eust esté aduoüée & confessée; aussi la recognoissance de nos fautes faites dès le commencement, est vn iugement certain d'esperance de santé & de guerison; laquelle d'autant plus qu'elle s'est dissimulée & cachée, augmente & empire, & quand elle est connue & confessée se peut changer, corriger & nous deliurer de cette dangereuse maladie de vice, qui va tousiours en augmentant quand elle se continuë; & quand elle seroit du commencement intermittante seulement, si seroit-ce bonne esperance de santé; car à l'endroit de ceux qui sont fort malades, vne bonne intermission du mal est grand commencement de santé, qui peut bien tost apres s'enfuiure parfaite.

*La recognoissance des fautes est certain augement d'amen-*

Il a esté dit cy-deuant que ce seroit faute de courage, valeur & entendement de laisser passer les bonnes occasions d'acquérir de l'honneur & aduancement; aussi se seroit faillir en bon iugemēt de vouloir tousiours courir les fortunes incertaines, & les perilleux

euemens, & tous les iours hazarder de perdre ce que nous auons acquis depuis la ieunesse avec labour, honneur & reputation, & deuons suiure l'exemple des bons, vicils & sages Pilotés de mer, lesquels apres auoir beaucoup trauaillé, & couru diuerles fortunes; ne veulent pas à la fin mourir & estre submergez en la mer; mais veulent se retirer, reposer & mourir en quelque bon port de seureté, si les actes & vertueux deportemens des actions passées, ont apporté l'honneur, reputatió & la bien-veillance des gens de bien; celuy qui a acquis cét aduantage parmy les hommes, encore qu'il se retire en priué en sa maison, il ne demeure pourtant en tenebres, & sa reputation n'en sera diminuée: car le tesmoignage de la vertu & merite le suiuront & accomgagneront en quelque lieu qu'il se puisse cacher: telle retraite se peut prendre sans la haine d'aucun, & sans qu'il en doiué entrer aucun regret en l'esprit de celuy qui veut prendre ce repos, & s'il n'est suiuy de ceux qui auoient accoustumé de luy faire la cour, & de ceux qui pour la faueur se disoient ses amis; d'autant plus fera-il deschargé de l'importunité de ces donneurs de bon iour de Cour, qui ressemblent aux oyseaux de proye qui ne suiuent que le gibier, & aux mouches qui ne cherchent que la graisse, & qui se retirent aussi tost qu'ils n'en trouuent plus: & faut considerer si l'homme sage aimera mieux continuer à s'abandonner soy-mesme à toutes miseres & importunitéz, & souuent avec beaucoup d'indignitez, que de laisser ceux qui la plu'part ne le venoient caresser & suiure que pour leur seule commodité & profit: si la fortune a esleué celuy qui estant enuicilly

*La retraite d'un homme de vertu & de merite est toujours accompagnée d'honneur.*

au travail, attend encores quelque plus grande felicitée en continuant, quelle en peut estre la fin? Quand

*Aux cupiditez  
ambitieuses & des  
hommes  
n'y a iamais fin.*

sera-ce que l'on ne pourra plus rien souhaitter? car en nos cupiditez, l'une vient à naistre par la fin de l'autre; il n'y aura iamais terme, limité & finy en nos miseres, traux & seruitudes: mais par l'honneste retraite nous secouions ce fascheux joug de seruitude, donnons repos à nos traux, conseruons nostre santé, & lors prenons iugement plus asseuré de nos actions passées, & considerons plus exactement les presentes pour establir plus heureusement ce qui nous reste à viure: & encore que de prime face, cette demeure priuée n'apporte tant de faueur & de contentement en apparence; si est-ce qu'elle nous est beaucoup plus vtile, par l'exemple de ceux qui ayant bon appetit avec peu de viandes se treuuent rassasiez & contents; & ceux qui avec grande quantité de viandes, peu cuites & mal apprestées, demeurent affamez & non satisfaits: Et quand l'on se voudra representer combien l'on a pris de peine pour s'acquérir de l'aduancement des biens & autorité, & souuent inutilement; on doit estimer qu'il en faut plustost prendre pour s'acquérir du repos, & ne s'enuicillir dedans les tempestes & tumultes du monde, demeurant tousiours l'esprit

*Ce que  
l'on peut  
souhaitter  
de bien à son  
amy.*

enyuré & auégulé de toute raison: Ciceron escriuant à Attique, dit; quel amy ne peut souhaitter à son amy que trois choses, qu'il soit en santé, qu'il soit honoré, & non necessiteux; car l'homme qui a mediocrité pour passer sa vie, ne doit rien souhaitter dauantage en ce monde, quand la santé ne luy deffaut, & qu'il n'a point perdu son honneur, & quand la fortune donne d'autres

d'autres choses, & aduantages en grandeur, succede plus souuent à la ruine que non pas à l'honneur; & deuons remercier Dieu, & luy sommes d'autant obligez, d'estre eschappez de tant de perils & dangers, que souuent nous auons courus, comme pour les grands biens que iournellement il nous a faits: par ainsi le meilleur & plus assésuré conseil que l'on pourroit prendre, seroit que quand l'on passe soixante ans, mettre fin aux continuelstrauaux & extrauagans soucis, & mettre en œuure nos bonnes, & iustes deliberations, auxquelles il est bien temps de penser, puis que nous ne sçauons quand la mort nous viendra assaillir; puis que nous sommes venus iusques à cet aage exempts de perils & fortunes; & dit Platon en ses liures de la Republique, que la fortune est plus contraire à vn homme, auquel elle ne permet iouir de ce qu'il tient à son commandement, que non pas quand la fortune refuse ce que l'on poursuit d'auoir; & peut-on dire que celuy qui a rencontré ce qu'il cherchoit, & peut-estre mieux qu'il ne deuoit esperer, defaut en prudence, si de nouueau il remet au hazard la reputation & bien qu'il peut auoir acquis, & se priue luy-mesme du doux repos de sa maison; & ses ennemis ne luy sçauroient faire tant de mal comme il s'en procure de luy-mesme; ce que nous pouuons iuger par l'Adage que Erasme desduit plus au long; qui dit qu'il faut que celuy qui a esté honoré & bien fortuné demeure en sa maison, quand elle luy est amie, qui est à dire douce, paisible & tranquille, qui est la responce que les fables disent que fit la tortue au festin que Iupiter fit à toutes les sortes d'ani-

*Nous sommes autant obligez à Dieu, des dangers eschappez, que du bien qu'auons receu.*

*La fortune est plus contraire à celuy qui ne veut iouir de ce qu'il a, que nō pas quand elle est contraire à ce qu'il poursuit.*

*Celuy qui a receu honneur & bonne fortune doit demeurer*

*en sa  
maison.*

*Que c'est  
folie à ce-  
luy qui a  
le repos  
en sa  
maison  
le cher-  
cher ail-  
leurs.*

*Les  
grands  
biens &  
honneurs  
apportent  
souuent  
la ruine  
des mai-  
sons.*

maux, se courroussant que la tortuë estoit venuë trop tard; laquelle luy dit pour excuse, qu'elle portoit sa maison avec elle, & que c'estoit vne bonne demeure qu'une maison bien amie: L'Empereur Marc Aufelle escrit à son amy Pulion, que faire la guerre aux hommes est par fois gloire, mais la faire à la raison est tousiours attribuée à folie, qu'il y a beaucoup d'hommes sages, encore plus de fols: mais que le plus grand fol de tous les autres, est celuy qui ayant repos en sa maison, cherche avec fatigue & beaucoup de trauail, ce qu'il a avec facilité & commodité chez luy, & que souuent encore il ne trouue pas ailleurs: & vous diray vne chose, mon fils, que j'ay fort considérée, & la tiens pour tres-veritable, que ceux qui n'ont point limité & borné leurs desirs & volonte, de s'enrichir & augmenter, & qui ne se contentent point des charges, biens & richesses, selon leur qualité, maison & condition, ou selon leurs longs seruites & merites; qu'en fin si les grandes charges surpassent leurs merites, & les biens sont plus grands que leur qualité ne peut porter & souffrir, que le tout vient & tombe plustost au mal & ruine de celuy qui les possede, que non pas à son honneur, bien & aduantage; & voyons autant de maisons peries d'un trop grand fardeau de biens & d'honneurs, qui apportent l'enueie, & les ennemis mesmement en France, qui de tout temps y est sujette, que d'autres par mauuais mesnage & desordre; & doit estre le plus estimé celuy qui se contente des choses mediocres, que non pas celuy qui en poursuit & desire de plus grandes: car les biens mediocres sont vriles & bien assurez, &



les autres sont superflus, & bien souvent dommageables, comme nous voyons que la trop grande abondance & fertilité de bled en bonne année, fait vaser & rompre l'espy, & empesche que le fruit ne vienne à maturité; aussi la trop grande félicité vient & tombe tousiours en l'enuie des plus grands, ou à l'injure d'autrui, & bien souvent conuertie au mal de foy-mesme; & si nos desirs & volonteiz n'ont vne fin, & quelque but limité & bien réglé, nos cupiditez, ambitions & auarices s'estendent à l'infiny, & nous rendent si miserables qu'il n'y a plus de remede au tourment de nostre esprit, & au repos assuré de nostre vie. Par ainsi vous deuez vous contenter de mediocrité de biens, les conseruer & bien mesnager; & considerer qu'il y en a beaucoup qui auront autant meritè que vous, qui en ont toutefois bien moins, & qui ne laissent pas d'estre bien estimez & honorez pour leurs vertus; & deuez remercier Dieu qu'il vous a osté hors de necessité, & donné le moyen de faire, & exempté de ce qui est le plus fascheux à vn cœur genereux, de requerir & demander l'aide & secours de ses amis, & d'auoir de vous-mesme quelque moyen de depenser honnestement, pourueu que ce soit avec bon mesnage, qui est par le soing, conduite & affection de vos predecesseurs, qui vous en rend le fruit de la iouissance plus doux, que vous receuez par le labeur des vostres; & qui vous oblige d'autant plus aussi à conseruer à vos heritiers, ce que vous auez eu des vostres: mais encore est-il necessaire que pour en bien iouir vous acqueriez de l'honneur & reputation parmy le monde pour estre bien voulu & estimé de vos voisins,

*Qu'il se  
saut con-  
tenter de  
mediocri-  
té de biens.*

Pour bien  
jouir de  
son bien  
paisible-  
ment, il  
faut  
auoir ac-  
quis de  
l'honneur  
& repu-  
tation.

aimé, craint, & obey de vos subiects, & fidellement  
seruy de vos domestiques, enuers tous lesquels de-  
puis que quelqu'un tombe en mespris, il est moqué  
des vns & desobey des autres, & trompé & desrobé  
deses seruiteurs; c'est la plus ordinaire condition de  
la pluspart des hommes, lesquels, quelque reuolu-  
tion du temps qu'il y ait, retombent le plus souuent  
à ce but, & en telles maximes communes; car il ne suffit  
pas de se retirer en sa maison quand l'on cognoist que  
par les affaires du temps il est meilleur de ce faire, ou  
pour son bien particulier, ou que la santé & l'âge le re-  
quierét par raison; mais aussi pour y estre & demeurer  
en honneur, reputation, commodité & contentement,  
il faut en vser avec prudence & conduite, tant pour  
l'entretienement des voisins & amis, conseruation des  
subiects que du mesnage de la maison, autrement au  
lieu d'auoir recherché, & de penser auoir trouué repos  
pour sa retraite & contentement, il s'y trouueroit  
autant d'affaires, empeschemens & incommodi-  
tez, que parmy les tumultes & tempestes du  
monde.

Ce n'est pas assez de regarder à nostre repos, con-  
seruation de nostre autorité, personnes & biens,  
& s'estre retiré des affaires & grandes compa-  
gnies des hommes; car le principal est d'auoir  
touours soing du repos & tranquillité de nostre es-  
prit, & le composer de forte qu'il soit guaranty de  
toutes taches de mal, & plein d'une pure & parfaite  
volonté, en ce qui est premierement de l'honneur de  
Dieu, & à toutes honnestes & vertueuses actions de  
nostre vie; en ce faisant nous auons repos & tranquil-

lité entiere, & prendrons resolution en tout; & nous  
 faut garantir de toutes sortes de voluptez, qui sont  
 comme dit Ciceron de *senect.* le prenant de ce  
 qu'en dit Platon, alechement & amegon, qui retienn-  
 ent les hommes, comme le poisson est pris à la ligne,  
 lesquelles nous peuuent sembler au commencement  
 plaisantes & agreables; mais ils nous laissent apres vn *Les vo-*  
 regret & vn repentir; les vnes nous affoiblissent le *luprez*  
 corps, les autres nous apportent des maladies, *laissent*  
 quelques vnes des inquietudes d'esprit, les autres *consouirs*  
 des ardans & fascheux desirs, & cupiditez extré- *apres elles*  
 mes, qui nous ostent non seulement la santé du *un regret*  
 corps, mais tout le repos de l'ame, lequel nous ne  
 deuons attendre que de la vertu qui gist & ne de-  
 pend que de nous mesme, quand nous en voudrons  
 vsr; avec laquelle nous aurons toute tranquillité &  
 contentement, avec vne ferme & agreable resolu-  
 tion en tout: car les fautes qui ont esté faites, agitent  
 souuent l'esprit de ceux qui les ont commises; & au  
 contraire le ressouenir des choses bien faites, & la  
 conscience d'une bonne & honneste vie passée, est  
 fort douce & agreable, & peut elle seule nous don-  
 ner tout plaisir, repos & contentement; car c'est se  
 tromper que de l'esperer des voluptez, richesses, de  
 l'ambition, des honneurs, d'une faueur & suite de  
 Cour, d'une amie bien aimée, de l'ostentation des  
 lettres & estudes des sciences non profitables à l'es-  
 prit; car tels plaisirs ne sont que passe-temps trom-  
 peurs, & de peu de durée; comme vn yurongne ne  
 ressent qu'une heure son plaisir deshonneste, qui est  
 aussi-tost puny d'un long regret & repentir: comme

la faueur acquise avec beaucoup de trauail, peine & sollicitude est payée & recompensée d'une seule caresse & applaudissement de faueur & bonne chere, qui trois iours apres est passée; mais l'effect de la sagesse est tousiours accompagné d'un constant & egal plaisir & contentement, qui est par dessus tous les broüillards & tempestes du monde; comme en l'estat & machine du monde tout ce qui est par dessus la Lune est tousiours serain & tranquille; car le sage n'est iamais sans plaisir & contentement, & ce plaisir est né & engendré de la conscience, qui procede de la vertu; & celuy seul peut auoir plaisir qui est fort de courage, qui est iuste, & qui est temperé. Et au contraire celuy qui est fol ou mauuais, ne doit iamais croire pouuoir auoir plaisir; car celuy qui s'est trauaillé de vin, ou d'autres voluptez, & que le corps demeure trauaillé & affoibly d'excez, il crie comme me miserable, se sentant trompé du plaisir qu'il s'estoit promis, que lors il cognoissoit faux & trompeur; mais le plaisir qui suit la vertu, le Commandement de Dieu, & imite ceux qui suiuent le bon chemin, est tousiours agreable, demeure ferme, & n'est iamais interrompu; il est sans aucune crainte, iamais tourmenté de vaine esperance, & durant le iour & la nuit l'esprit demeure egal, plein de repos, de tout plaisir & contentement: car la fortune ne peut par quelque changemēt que ce soit oster le plaisir à celuy auquel la vertu l'a donné; & si il nous oste & de liure de crainte & peur de tout ce qui nous pourroit aduenir, mesme de la mort, à laquelle nous deuous apprendre dès nostre premiere ieunesse à nous resoudre, comme

chose souz la condition de laquelle nous sommes nés,  
 & ne pouuons esuiter, & par ainsi que ne deuons  
 craindre: car d'une chose qui est certaine, & dont ne  
 deuons douter, il ne la faut craindre, autrement ce  
 ne seroit mettre nostre vie en repos & tranquillité; &  
 deuons croire qu'il n'y a ny aage, ny lieu, ny temps  
 qui nous puisse garantir de cette loy naturelle, la plus-  
 part des enfans ne peuuent eschapper les maladies de  
 leurs premiers ans & delicate enfance: l'adolescencce  
 & ieunesse sont souuent emportez par la violence des  
 excez, où par les fortunes & hazards qu'ils courent,  
 par leurs forces & ferocitez, la grauité d'un aage  
 meur & sage ne les peut garantir: ceux qui vieillissent  
 ou qui approchent de maturité & de la fin de leur vie,  
 doiuent attendre la mort de iour à autre; & durant la  
 ieunesse faut apprendre à bien viure, & en la vieillesse  
 à bien mourir; & pour bien mourir il faut que ce soit  
 librement & constamment: tout ainsi que l'aage est  
 incertain, aussi est le lieu; car non seulement la guer-  
 re, ny les tempestes de la mer & hazardeux inconue-  
 niens des voyages, font perdre la vie des hommes;  
 mais aussi souuent les demeures que nous estimons  
 les plus assurées; chacun en sa maison est sujet à infinis  
 accidens, ou d'estre blesez ou tuez; & est en la puis-  
 sance d'un domestique ou autre, quand il vouldra ex-  
 poser sa vie, d'estre maistre de la vostre; vn edifice  
 peut tomber sur ceux qui y logent; la cheute d'un ton-  
 nerre peut faire mourir, la cheute d'un cheual, vne pe-  
 tite fièvre peut emporter; il y en a qui en riant & soup-  
 pânt meurent; d'autres ausquels le dormir continué  
 iusques à la mort; la picqueure d'un serpent peut sou-

*La mort  
 n'a ny  
 aage, ny  
 lieu, ny  
 temps li-  
 mité.*

dainement suffoquer: les voluptez & delices feront autant de mal que tous les trauaux que l'on peut prendre; & a esté dit il y a long temps, que les excez & gourmandises superflües, font plus mourir de gens que le cousteau & les armes: car les gourmands & superflus en viandes ont tousiours les cruditez en l'estomach, qui leur apportent aussi-tost vne mauuaise indisposition qui auance bien-tost apres leur mort: il n'y a point aussi de diuersité de temps, qui ne soit accompagné de pareils inconueniens, soit de froid, de chaud ou autre disposition de climat & region; de sorte que nos années ne sont point sceuës, ny par nous contées, & ne sçauons en quel lieu, ny en quel temps la mort nous attend, qui ne se retient par ordre d'aage non plus que toutes choses de ce monde qui sont nées souz la loy de mortalité; & la mort est vne mesme mort & esgalle à vn chaün, tres-asscurée, mais incertaine de l'aage, de la maniere, ny du lieu à laquelle nous deuons tousiours estre preparez: car la mort n'a point de pitié des larmes, semocque des pleurs, & se rit des grandes afflictions, qui ne pardonne ny aux grands, n'y aux ieunes, ny aux vieux; & lors que nous mourrons, il apparoitra ce que nous aurons fait, & quelle aura esté nostre vie, & n'y a que ceux-là qui meurent heureux, qui souuent pensent à mourir, & qui sont resolu de receuoir la mort franchement; car ceux qui sont entre la crainte de la mort & de l'esperance de la vie, ils sont miserables, estans en peine & trauail d'esprit ordinairement, comme n'ayant volonté & puissance de viure, & aussi ne sçachant mourir, & deuons considerer qu'il ne se passe

*En montrant cha-  
cun mou-  
stre quelle  
a esté sa  
vie.*

passe iour, qu'une partie de nostre vie ne soit diminuée & ostée, & n'y a en cela que la crainte & la peur qui nous estonne, comme aux enfans, quand on met vn masque deuant le visage, mais le masque leué c'est rendre à la personne & à la chose mesme la mesme face & verité; comme il est certain & veritable que le iour que nous viuons, nous le partageons avec la mort, & la derniere heure que nous laissons à viure ne nous donne pas la mort, mais consommela vie; & n'est pas moins à mespriser celuy qui rend sa vie pleine d'inquietude & misere par la crainte de la mort, que celuy qui court au deuant & desire la mort, par regret de viure; & ce que nous viuons n'est estimé qu'un point de vie, & encores moins qu'un point; & disoit encore que si la vie luy estoit doublée ne suffiroit pas à la moindre partie de la cognoissance d'une seule science; de sorte que la felicité ne consiste pas en la longueur de la vie, mais en l'usage de la vie; & celuy qui est mort en ieunesse avec beaucoup d'honneur, est estimé d'auoir longuement vescu, & ne deuous tant craindre & apprehender la mort, puis que c'est chose qui nous est certaine, que nous deuous nous persuader l'auoir experimentée, auant que nous fussions nés & mis en ce monde: car il faut estimer que la mort nous a precedé auant que nous fussions. L'effect estant en soy pareil, de n'auoir point esté, ou d'acheuer & finir d'estre; comme ce seroit ignorance d'estimer qu'il y eust difference en la lumiere d'un flambeau, quand il est esteint à ce qu'il est auant qu'il fust allumé; & deuous grandement louer celuy, & imiter son exemple qui n'a point de regret

V u

de bien mourir, encore qu'il peust viure; & deuons composer nostre vie, qu'une iournée soit telle, comme si elle estoit la dernière, & que sans tristesse nous pensions à la mort, auant qu'à la vie, pour receuoir librement ce qui est ordonné & est nécessaire; car c'est euitier vne partie du mal que de le porter resoluement, & au contraire estre fort miserable que de prendre avec contradiction, ce que la nécessité nous contraint; & par ainsi nous deuons continuellement penser, tant à nostre mort, qu'à la mort de ceux que nous aimons. Celuy qui desire viure plus que sa santé ne permet, & avec beaucoup d'incommodeitez, de vieillesse, mal & iniure, ressemble à vn yurongne, lequel apres auoir beu tout le vin d'un vaisseau, veut encore boire la lie du vin; & y en a bien peu en ce monde que la vieillesse ait conduit iusques à la fin sans iniures; mais si l'esprit est sans passion trauaillante, & que les sens du corps entretiennent l'esprit en repos; la vieillesse & la vie longue ne sont qu'à désirer; par ainsi qui veut viure d'une vie assurée & tranquille, il doit conformer son esprit à la patience de la mort, & aux trauaux de la vie; & ne deuons tant aimer nostre vie, ny aussi tant la mépriser, que nous ne portions d'un courage entier & resolu tout ce qui plaist à Dieu disposer de nous, aux volontez duquel nous deuons entierement nous confirmer; estimant que tout ce qu'il luy plaist ordonner de nous, n'est que pour nostre bien & aduantage, & que nous deuons estimer vne felicité, quand il nous oste des peines & miseres de ce trauaillant monde, pour nous appeller à vne vie celeste & eternelle, qui est beaucoup

*Celuy qui  
vie lon-  
guement  
ne peut  
estre &  
demeu-  
rer sans  
fortune.*



plus heureuse; & deuous croire que Dieu ne veut que les choses iustes, puisqu'il est luy-mesme la suprême Iustice, & ne deuous nous plaindre de tout ce qu'il plaist à Dieu ordonner de nous, encore que nous voyons le plus souuent aduenir aux plus gens de bien & de vertu, dauantage de mauuaises fortunes, afflictions, calamitez, ruines & maladies; & au contraire, plus de bien, faueur, prosperité & santé à gens mauuais & vicieux; ce que nous deuous estimer, proceder de la prouidence & bonté de Dieu, & pour nostre bien & salut; pour nous faire cognoistre nostre infirmité, & que nous ayons continuelle souuenance de nostre imbecilité & impuissance, sans nous esleuer & enfler de nos forces & moyens; comme nous lisons de Dauid & de saint Paul; mais nous faut referer tout à la puissance supreme de nostre bon Dieu, lequel nous deuous craindre, reuerer & aimer, pour le respect & consideration de luy seul; & non pas pour en demander & receuoir la récompense en ce monde; mais croire & nous assurer que d'autant que nous souffrons les peines, maux & travaux en nostre vie; d'autant plus aussi nous deuous esperer & attendre de bien & de gloire eternelle en l'autre monde, & vie celeste; & en cette vie mortelle ne deuous attendre, comme dit l'Ecclesiaste, que manger nostre pain en peine & en douleur; & disoit Socrates que la vie humaine n'estant qu'une peregrination, les sages doiuent se resioüir & chanter de liesse, quand ils approchent du but ineuitable d'icelle, & que l'ame enclose dedans le tabernacle du corps & des miseres de ce monde, est transferée en autre vie celeste, qui n'est

*Faut aimer & reuerer Dieu pour son respect de luy seul.*

qu'une permutation de mal en bien; & Cicéron mesme encore qu'il ne fust Chrestien en son liure de *senecté*: dit que l'ame qui est celeste, descendue du plus haut domicile, est transmise en terre, lieu qui est fort contraire à la Diuinité & à l'éternité, qui nous doit par toute raison faire oster la crainte de la mort: car celuy est bien miserable qui est venu iusques en la vieillesse, qui n'a appris en si longues années à bien mourir; puis qu'il doit cognoistre & esperer que son ame va en lieu pour y estre en beatitude éternelle. Le Philosophe Secundus disoit que la mort estoit vn sommeil éternel, vn espouuancement des riches, vn desir des pauures miserables, vne separation d'amis, vn voyage incertain, vn larron d'hommes, vn commencement de ceux qui vivent; & vne fin de ceux qui meurent; à laquelle selon le cours de mon âge i'espere estre appellé longuement deuant vous, où ie n'auray point de regret qu'ad il plaira à Dieu; mais si au parauant il ne luy plaist nous dōner vne bōne paix il me restera ce mal & ennuy, de voir que ie vous laisseray en ce monde en vn temps si plein de diuisions, guerres ciuiles, querelles & calamitez, auquel vous aurez beaucoup d'affaires à vous y bien gouuerner; mais i'espere que vous y prendrez peine d'y vser de toute prudence, & de l'aduis que ie vous donne, en ce que la raison vous fera cognoistre estre bon de suiure; car la diuersité des temps, apporte souuent les diuers & meilleurs iugemens des affaires.

Il ne reste plus qu'à vous dire mon aduis sur les particularitez de vostre famille & mesnage, & comme il me semble que deuez vous gouuerner en vostre mai-

*Doit estre  
estimé biē  
miserable  
celuy qui  
en sa  
vieillesse  
n'a appris  
à bien  
mourir.*

son & compagnies privées, avec lesquelles vous con- *La gou-*  
 uerserez ; & premierement avant toutes choses pre- *uernement*  
 nez diligemment garde qu'en vostre maison il ne soit *qu'il faut*  
 point vñé de blasphemes, ny le nom de Dieu inuocé *tenir en*  
 en vain, ny par les vostres, & encore beaucoup moins *la fa-*  
 par vous, affermant seulement par verité ce que vous *mille.*  
 direz, & pour le plus quand il sera besoin par le tes-  
 moignage de vostre foy, qui est le plus grand gage  
 que les hommes d'honneur puissent bailler ; & tenez  
 pour verité que iamais blasphemateur du nom de  
 Dieu ne peut prosperer ; car c'est trop grand blasphe-  
 me & faute de bon naturel d'vser d'un crime & pe-  
 ché auquel on se laisse aller par coustume & vñance  
 sans aucun plaisir, profit & commodité, ce qui n'est  
 pas aux autres pechez, qui tous apportent quelque  
 volupté avec eux ; encore qu'après ils en laissent vne  
 repentance : En second lieu il faut que vous qui estes  
 à present mon fils aîné, Dieu ayant voulu appeller  
 mon premier qu'il m'auoit donné, en quelque aage  
 que vous puissiez estre après ma mort, vous deuez non  
 seulement regarder pour vous, mais aussi estre soi-  
 gneux & affectionné au bien de vos freres & sœurs,  
 qui ne seront pourueus ou mariez, autant qu'au vo-  
 stre mesme, & deuez tenir ma place comme si vous  
 estiez le pere de tous ; ie vous ay fait prendre alliance *Comme*  
 avec vne tres-honneste Damoiselle, & vertueuse, fille *il faut se*  
 d'un tres-honorable Seigneur, & d'une Dame d'hon- *compor-*  
 neur & de vertu, de laquelle elle suiura si Dieu plaist *ter en*  
 le chemin d'honneur, & la nourriture qu'elle a prise ; *mariage.*  
 vous deuez l'aimer, cherir & honorer grandement,  
 & viure en vne amitié fort constante & fidelle avec

elle, sans luy donner iamais mauuais exemple, ny de vous, ny de pas vn de ceux de vostre famille, & ne luy donnez aussi aucun soubçon, ou jalousie, qui offense grandement les plus chastes & honnestes; faites-la tousiours bien accompagner d'honestes & sages femmes & Damoiselles près d'elle, & qui soient de bonne reputation; car il n'y a rien qui conforme plustost en vertu & honneur vne ieune femme que celles

*Combien  
les bonnes  
compa-  
gnies sont  
nécessai-  
res aux  
iennes  
femmes.*

qui l'accompagnent; qui sont instituées à la vertu; aussi qui plustost la gaste que celles qui ont mauuaise volonté: ne tenez iamais propos vicieux, ny ne permettez iamais qu'il en soit tenu deuant vostre femme; car les paroles donnent hardiesse de sçauoir; &

s'enquerir, de ce que les Dames d'honneur doiuent du tout ignorer, & leur doit estre du tout caché par pudeur & honte; car l'honneur des femmes est si delicat, que ce que les hommes avec leur liberté peuuent dire, n'est permis seulement aux femmes de le penser, encore moins d'en parler, ny aussi d'oïr & escouter des paroles legeres & mal honnestes, pour

*La femme est  
gardiëne  
de son hon-  
neur &  
de celuy  
de son  
mary.*

oster toute occasion de médifance: & doit tousiours vne femme de bien auoir deuant les yeux, qu'elle est gardiëne non seulement de son honneur, mais aussi de celuy de son mary; & pour cette cause, il faut sur tout qu'elle éuite tout soubçon; & le deuoir d'une femme mariée est de porter entierement amitié à son mary, l'estimant & honorant plus que tous

*Le de-  
voir d'une  
femme  
mariée.*

les autres hommes, d'estre patiente pour sçauoir endurer de son mary, prudente pour gouverner sa maison, mesnagere pour garder le bien, soigneuse de la nourriture des enfans, affable avec les voisins, par-

faite au point & fait d'honneur; aimant honneste compagnie, & grand ennemie des legeretez de ieunesse; comme aussi le mary de sa part doit estre discret en ses propos, de douce conuersation, fidelle en ce qui luy est confié, prudent en conseil; soigneux & diligent au bien de la maison; gracieux en sa famille; honorable & veritable à tous, affectionné au gouuernement de ses enfans, & recognoissant iustement les fideselles & bons seruices de ses domestiques, & n'est pas laisser aller au vice, & ne permettre qu'il y ait des viciieux à la maison; car iamais la famille où le vice regne ne prospere, qui est le iugement de Dieu, & ce que les hommes en voyent par experience: en priué vous deuez faire toute les demonstrations d'amitié & careffe à vostre femme, mais en public ou deuant vos domestiques mesmes, les careffes priuées du mary & de la femme viennent en risée, & si vne ieune femme s'accoustume par ce moyen à user de gestes, qui luy donnent apres plus de liberté de ce qui doit estre retenu par honnesteté & pudicité. Caton fit en cela vn iugement trop seuer, d'oster du Senat celuy qui auoit baisé sa femme en presence de sa fille, estimant deuoir iuger de l'honesteté du mariage: ce qu'en disoit l'Empeur *Aelius Commodus Verus*, qui disoit le nom de sa femme estre nom d'honneur, dignité & respect, & non pas de cupidité & volupié, ce que nous Chrestiens deuons estimer beaucoup dauantage, pour estre mis entre les Sacremens de nostre Eglise. Ne parlez aussi en priué, ny en public des vertus & perfections de vostre femme; car si vous en parlez en public, l'on s'en mocquera; & dit-on communément que iamais

*Le deuoir d'un homme marié.*

homme sage ne fit bon conte de sa femme; & si vous en parlez à quelqu'un en particulier, il luy pourra sembler que vous voulez bien qu'il sçache plus avant de ses perfections; ce qui a quelquesfois apres esté cause de donner des occasions de rechercher plus avant les bonnes graces d'une Dame; comme il se cognoist assez en ce qui aduint à Candaules Roy de Lydie, pour auoir voulu môstrer la beauté de sa femme à son amy Gyges; mais bien deuez vous seul à elle mesme luy faire cognoistre combien vous aimez & honorez ses vertus, luy proposant les Dames d'honneur qui parmy le monde ont laissé grande & honorable reputation; & en ce faisant vous la confirmerez toujours, & en la crainte de Dieu, & en l'honneur qu'elle doit auoir deuant les yeux, & en vostre parfaite

*Donner  
honnêtes  
occupations à  
une femme.*

amitié, ne voulant recognoistre que vous; donnez luy tousiours quelques honnestes occupations & plaisirs, & l'accoustumez peu à peu à prendre plaisir en son mesnage, à la cognoissance du reglement de la recepte & despenſe de vostre reuenu; luy faisant sentir la commodité & plaisir qu'elle en peut receuoir, comme quand elle aura quelque aduance & prouisiô deuant elle, lors vous luy achepterez quelque chose qu'elle prendra plaisir d'auoir, pour luy faire sentir & gôuster le fruit de son bon mesnage, & la louer de la soigneuse conseruation qu'elle en fera de

*De la disposition  
des meubles d'une maison.*

ses bagues, meubles, & autres choses qu'elle pourra auoir, qui sera tousiours la tenir en volonté de continuer, & luy occuper & retenir l'esprit en toutes choses honnestes: car c'est le deuoir d'une femme de s'y bien disposer, & mettre en ordre tous les meubles

d'une

d'une maison, & ce qui est le meilleur qu'il soit en toute sûreté, & que quand l'on en a affaire il se puisse promptement trouver; car autrement c'est autant qu'une pauvreté certaine que de chercher & désirer ce que l'on a chez soy, & d'ignorer le lieu où il peut estre, mais le meilleur est de ne dépendre gueres en meubles & en habillemens, car ils s'achètent chèrement & ne durent gueres, & si sont fort sujets d'estre perdus, mesmement en temps de troubles, ou bien à changer de façons, des habillemens des femmes, comme aussi quelquesfois des hommes: vous ne devez faillir à faire voir & cognoistre à vostre femme que le commandement que vous avez sur elle, comme mary, est officieux & plein d'amitié, & de douce & agreable conuersation; car il n'y a société plus naturelle & ciuile que la conioction du mariage, & l'instinct naturel de procuration avec le soing de conseruer ce qui en est produit, qui rend l'homme & la femme compagnons de la maison diuine & humaine; & tout ainsi qu'entre tous les animaux le mâle est le supérieur, comme estant le plus fort pour la deffense, pour porter le trauail, chercher le viure, deffendre la femelle, & les petits de toutes violences & oppressions; ainsi le mary doit prendre la charge & soing de tout ce qui est à faire hors la maison; & la femme de ce qui est à faire en la maison, à celle fin que le soing & aide soit mutuel selon la qualité & conuenance du sexe; & selon l'obligation de la reciproque amitié, promise par vn serment & Sacrement si solennel, pour estre conioints d'un mesme lien de fidélité; dont en est venu le nom de *Coniugum*, & pour

*Le com-  
mande-  
ment d'un  
mary sur  
sa femme  
doit estre  
officieux  
& plein  
d'amitié.*

*Le reci-  
proque  
lien de  
mariage.*

estre confors & compagnons, appelle *consortium*; car comme l'un est le pere de la famille, l'autre est aussi la mere de la mesme famille, qui nous fait paroistre l'un ion & correspondance au gouvernement de la mesme maison: comme aussi s'appelle le mariage *Con-nubium*, & le nom de nopces en est issu; car le nom de *nubere* enuers les Anciens, est à dire *operire attegere*; dont Varro, dit *nubes* auoir esté dites *quod cælum tegant*, & se peut faire que de là la ceremonie en l'Eglise a esté introduite de couvrir d'un linge les deux mariez, mary & femme, pour monstrier qu'ils sont couuerts de mesme manteau d'obligation & fidelité; faites pareillement cognoistre à vostre femme que vous aimez, estimez & honorez ses parens comme les vostres mesmes, & luy donnerez occasion d'en faire autant des vostres; ce qui est fort *neccessaire* pour la conseruation de la mutuelle amitié, qui est bien mieux continuée quand les parens communs demeurent tousiours bons amis, & en ce que vous leur pourrez faire plaisir, vous deuez vous y employer, & estimer que l'on ne sçauroit tant faire pour soy, pour ses enfans & conseruation de sa famille, que de donner auancement à ses parens en tout ce que l'on peut; car ils sont ioints & interessez au mesme bien & conseruation de la famille; d'autant que l'effect du mariage qui se contracte est pour conioindre non seulement les corps, mais aussi les parens, amis, seruiteurs & domestiques, les biens, richesses, & tous moyens qu'il faut ioindre, & mesler ensemble, au commun bien & aduantage des deux conioints par mariage; & le principal est de faire bonne election entre les parens,

Le mariage doit  
conser-  
uer les  
amitiés  
des parens.



des plus gens de bien & de bon naturel, qui n'oublent point les biens-faits; car aux maisons honnestes, & de gens d'honneur, les freres, nepueus, cousins & autres proches parens, doiuent estre bien receus; & s'il y en a quelques vns si importuns & fascheux, & si indiscrets en leurs propos & actions, le remede est de les moins hanter que l'on pourra; & toutefois les secourir en necessité en ce qui se peut faire honnestement: Quand Dieu vous aura donné des enfans, faites les bien nourrir & instituer, & monstrez vous y fort soigneux; car vous donnerez exemple à vostre femme d'en auoir le mesme soing, & les faire toujours nourrir près d'elle, & donnerez aussi volonté à ceux qui en auront la charge, d'en estre plus diligens: Il est du deuoir du pere, faire que ses enfans soient dénommez de quelque honneste nom au Baptisme, par honnestes Parrains, gens de bien & d'honneur; car la dignité du nom apporte quelque recommandation à l'enfant, & luy donne exemple pour imiter la vertu de celuy duquel il porte le nom, & qu'aussi faut que la mere soit soigneuse d'auoir de bonnes Nourrices qui mangent de bonnes viandes, d'autant que le laiët en est procréé, & en retient la substance, & qu'ils s'abstiennent de boire du vin, qui eschauffe le laiët & fait tort à l'enfant qui est de luy-mesme plein de chaleurs; & quand les enfans malles sortent des mains des femmes qui les nourrirent, doiuent par la diligence des peres estre bien instruits & gouvernez par Precepteurs & gouverneurs sages & vertueux; car tousiours les marques de cette premiere institution demeurent imprimées en l'esprit des enfans, comme

*Pour la  
nourritu-  
re des en-  
fans.*

souuent aussi fait le langage, s'il y en a quelques vns  
prés d'eux qui parlent mal, & s'il y a quelque defaut à  
cette premiere nourriture de l'enfant, l'on l'attribue  
toufiours au pere: car l'on dit communément que le  
fils est tel que le pere qui l'a institué, & les filles suiuent  
ordinairement le naturel, instruction & exemple de la  
mere, à laquelle l'on estime toufiours qu'elles doiuent  
resembler: Nous lisons en Plutarque en son liure des  
femmes Illustres, qu'il y a des femmes qui ont tant  
aimé leurs maris, & aussi des maris qui ont tant aimé  
leurs femmes que les vns n'ont pas voulu viure apres  
les autres: Porcia fille de Marcus Cato, laquelle  
ayant sçeu son mary Brutus auoir esté vaincu & tué,  
ne se pouuant tuer elle mesme apres son mary, pour  
l'empeschement qu'en faisoient ses amis, pour tes-  
moigner l'affection qu'elle portoit à son mary, ne  
pouuant faire autre chose pour se tuer, prit des char-  
bôs en sa bouche & les auala: Et aussi vn iour la mesme  
Porcia voyant que l'on loüoit vne femme, fit taire vn  
chacun, en disant que la femme qui se remarie secon-  
dement, ne peut estre heureuse, ny estimée de bon-  
nes mœurs, ny pudique: Cornelia mere de Gracchus  
reietta le mariage du Roy Ptolomée; disât qu'il estoit  
plus honorable de demeurer vefue que d'estre Reine,  
& qu'il falloit qu'une honneste femme estimast que  
son premier mary fust toufiours enuie, & l'auoir en  
affection, comme s'il estoit seulement allé à la guerre,  
ou ailleurs: Pareillement il se lit d'un mary nommé  
Plaucus, qui commandoit à cinquante Nauires, & à  
son retour d'Asie, arriué à Tarente, sa femme nom-  
mée Orestilla, qui l'auoit accompagné, mourut, de

laquelle les obseques faites, le mary se tua d'une dague, à celle fin que son corps fust conioint dedans le feu, avec celui de sa femme, qui sont effects d'une extrême amitié : & par ainsi la pudicité d'une femme la rend estimée & honorée d'un chacun, tres-agreable aux parens qui sçauent que le sang de leur race n'est point vitié; la rend aussi fort recommandable aux enfans qui ne doiuent rougir quand on parle de leur mere, ny faire doute de leur pere, & si ne craint-on contention à la maison, ny mauuaise reputation ailleurs, pour laquelle il faut prendre querelle ou combat.

Prenez plaisir quand vous pourrez auoir des heures à commodité, de lire les histoires, tant estrangeres que de ce Royaume, ou autres bons liures, qui vous donneront iugement pour la cognoissance & exemple des choses passées: Ce qui peut à present seruir pour le bien del'estat, auquel vous estes né & demeurant, pour le seruice de vostre Roy, & pour vostre honneur & reputation; & si apprendrez par la lecture des liures, à bien dire & parler, quand l'on a cét honneur d'estre appelé en quelque Conseil de guerre ou ailleurs: Et disoit Aristote que celui qui ignore les histoires est tousiours enfant; & par ainsi doit estre esloigné du gouuernement d'un Estat; & doit estre appelée l'histoire la Maistresse de la vie, la cognoissance & institution de toutes actions, des entreprises des grands Rois & Capitaines, leur conseil & conduite, & l'euénement de leurs desseins, avec la description des temps & des lieux; comme vne viue peinture representée deuant les yeux; & pour auoir

*De la lecture des histoires.*

plus de volonté d'y prendre plaisir, auez vn grand aduantage, car ie vous laisseray si Dieu plaist bonne prouision de liures, memoires & instructions, des choses les plus rares qui se sont faites & passées en ce Royaume; dont vous pourrez grandement vous seruir aux occasions qui se presenteront; d'autant que les bons & plus asseurez conseils se prennent par ce que l'on cognoist estre aduenu aux autres; & n'y a rien qui donne plus de courage de bien faire, que l'exemple de l'honneur & louange que les autres ont acquis; & ne peut rien aduenir si nouueau & estrange, qu'un Capitaine qui a veu les histoires n'y soit bien préparé à y donner remede; ce qui ne se peut si bien donner par preceptes, comme il se lit par les mouuemens des histoires, qui representent toutes les actions passées, & n'aurez iamais chose qui vous continuë si longuement le plaisir que la lecture des bons liures, car tous les autres plaisirs ont leur aage, le temps, & le lieu; mais la lecture est fort vtile & honorable à l'adolescence, resioüit grandement la vieillesse, apporte ornement aux prosperitez, donne refuge & soulagement aux aduersitez, donne grand plaisir en la maison, & en la vieillesse qui a sonné la retraitte de toutes voluptez, contentions & cupiditez, apporte tout contentement & repos d'esprit; & encore qu'il y ait quelques liures portant le nom d'histoires qui ne contiennent verité, comme Xenophon en sa Cyropédie, si est-ce qu'elle sert grandement à vn ieune homme pour son institution, ayant escrit l'exéple d'un bon Prince; selon que Cyrus & les autres Princes doiuent estre; & encore que l'histoire ne doiue

*Nul plaisir si longuement continué que de la lecture des liures.*

contenir que verité, si est-ce que tels mensonges ne  
 sont pas à blâmer, puisque ce sont inuentions qui  
 seruent à la persuation de l'honnesteté & vertu: Il y en  
 a qui prennent beaucoup de plaisir à lire des fables,  
 mais ils doiuent beaucoup plustost chercher la co-  
 gnoissance des choses grandes, & de ce qui s'est passé  
 entre les actions des hommes, où il se trouue beau-  
 coup de choses dignes & admirables; & tout ce qui  
 nous sert d'exemple à bien honnestement & heureu-  
 sement viure, nous doit estre bien plus en recomman-  
 dation, comme dit Ciceron en ses Offices; & d'au-  
 tant que i'ay mis peine d'amasser beaucoup de bons  
 & rares liures, i'aurois trop de regret qu'ils ne fussent  
 fort soigneusement conseruez, qui est chose dont  
 vous ferez grandement loué, & pouuez auoir veu  
 par vos liures, comme cette belle Bibliotheque de  
 Marcus Anthonius, & celle de Ptolomée Roy d'E-  
 gypte ont esté estimées; & prenez garde que le lieu le  
 plus propre pour la Bibliotheque doit estre ouuert  
 du costé del'Orient, parce que la force des yeux desire  
 la lecture du matin; & si avec l'Orient le costé du  
 Septentrion peut estre ouuert, les liures en seront  
 bien mieux conseruez, car le vent de Septentrion pu-  
 rifie & nettoye, & au contraire l'Occident & le Midy  
 engendrent des teignes & autres corruptions, qui  
 effacent l'escriture, & gastent & corrompent le par-  
 chemin & papier, & de peur de l'humidité, les mu-  
 railles doiuent estre lambrissées, & le plus qu'elles  
 pourront estre ornées de vert, il profite à la veüe: il est  
 bien seant & honneste de faire voir vostre Bibliothe-  
 que à vos amis qui cognoissent les liures, & qui y

*De la Bi-  
 bliothe-  
 que.*

prennent plaisir, mais ne leur accordez d'en emporter quelques vns, ny mesmement par prest; car beaucoup estiment qu'il n'est pas deshonneste de retenir vn liure, qui pourroit estre cause de vous en faire perdre les meilleurs; & n'y a rié de tous mes meubles que j'aye en plus grande & singuliere recommandation: Mais ie vous donneray aduis qu'à la lecture des liures, vous ne ferez pas comme ceux qui ont mauuais estomach, qui prennent diuersité de viandes, & aussitost les remettent; & par ainsi nulle ne peut profiter, pour la nourriture du corps; aussi faut-il à la lecture s'arrester ferme & stable à quelque bon Auteur, & en tirer la substance pour en nourrir l'esprit, & fidellement l'imprimer & conseruer en la memoire, encore que ce soit avec peine & moins de plaisir: que si vous lisez diuers liures, si est-ce qu'il faut croire que comme la variable & differente lecture delecte & donne plaisir; aussi celle qui est certaine & limitée, profite & est plus vtile; & comme celuy qui veut aller en quelque lieu, s'il prend diuers chemins ne paruient avec certitude au lieu auquel il tend, mais est sujet souuent à s'égarer & déuoyer; ainsi en adient de celuy qui ne fait que courir & s'égarer en la superficie de la lecture des liures; & ne deuez vous estonner que voulant cognoistre & approfondir ce qui est necessaire pour la science, iugement & memoire du liure auquel vous serez arresté, vous y trouuerez des difficultez qui vous faschent & donnent peine; car le remede en cela est d'auoir quelqu'un qui monstre & fasse entendre ce que l'on ne peut cognoistre du premier coup de soy-mesme; & la pluspart des esprits sont fort differens

*La lecture  
variable delecte,  
mais la certaine  
ne profite,*

différens, les vns sont prompts & faciles, les autres sont plus lents & pesans, & toutefois non moins à estimer: car il est plus louable à celuy qui fait & grave vne mesme chose en matiere & sujet plus dur & difficile, & la terre la plus sterile, deuiant bonne & fertile par le continuel labourage; aussi le fondement d'un bastiment ietté & bien assuré dedans un marais est plus penible & fascheux, mais plus loué & estimé que celuy qui est basti sur vne terre ferme; & qui reçoit dès la premiere main toute sorte de matiere en œuvre; aussi est bien plus à estimer celuy qui avec difficulté iette les fondemens de la science, la cognoissance en est plus certaine, le iugement meilleur, & la memoire plus assurée; de sorte que celuy qui se pense aduantage par la promptitude de nature, est apres esgal, & bien souuent surmonté par celuy qui paruiant avec peine à mesme but, qui apres en a la memoire meilleure: & si le plus souuent il adient que ceux qui sont les moins prompts à conceuoir, sont les plus assurez en iugement: Il y a vn Philosophé qui dit qu'entre les ieunes gens, il y a trois sortes de naturels: les premiers qui sont si heureusement nés, que d'une bonté & aduantage de nature sans aucun aide, ils se font eux-mêmes le chemin à la vertu & à l'honneur; les autres qui ont besoing de l'aide d'autrui, qui d'eux-mêmes ne pourroient assez bien faire; mais qui suivent bien l'exemple qui leur sera donnée; il y en a aussi d'une autre troisieme sorte de genre d'hommes, lesquels il ne faut rejeter, & auxquels non seulement il faut exemple & conduite, mais aussi admonition & contrainte, & qui toutefois

à la fin ne laissent de paruenir à grand fruit & ne méritent pas moins de louange pour auoir forcé, la rudesse & malignité de leur naturel; mais il faut bien prendre garde à celuy duquel l'on fait election pour conducteur, ou pour seruir d'exemple, & ne prendre pas celuy qui avec vne precipitation de paroles, alleguant forces lieux communs pour enseigner, seruir d'exemple, ou contraindre, mais celuy qui par les actions de sa vie monstre l'effect, & rend preuue de ce qu'il a enseigné se deuoir faire, & qui n'a esté trouué contreuenir à ce qu'il a deffendu de faire.

*Del hon-  
neur qui  
se doit  
aux gens  
d'Eglise,  
à la vieil-  
lesse &  
aux  
Magi-  
strats.*

Estimez & honorez tousiours la vieillesse, les gens d'Eglise, les Magistrats & superieurs, & le semblable vous sera rendu quand vous deuiendrez vieux, avec le mesme honneur & obeïssance par vos subjets & inferieurs; & en toutes Republiques & Estats bien ordonnez, la ieunesse a tousiours porté toute reuerence à la vieillesse, soubmission, crainte & honneur, aux Ministres de l'Eglise, & aux choses sacrées, respect & obeïssance aux Magistrats: Tous les Legislateurs, Solon, Licurgus, Prometheus, & Numa Pompilius, combien qu'ils ayent esté differens en beaucoup de choses; si est-ce qu'ils ont cōuenu en trois poincts, à sçauoir quel'on adorast les Dieux, que l'on eust pitié des pauures, & que tout homme portast honneur aux Anciens; de sorte que par le passé l'on portoit tant de reuerence aux vieillards, que quasi comme Dieux ils estoient adorez & tenus au lieu de peres: Le Philosophe Panthée interrogé par vn de Thebes, ce qu'il falloit faire pour bien gouuerner vn Estat, respondit qu'il falloit que les vieux gouuernassent, les ieunes



allassent à la guerre, & que les femmes menagassent en la maison, qui est vn prudent aduis, pour estre bien suiuy; mais ce n'est pas assez d'estre vieil de beaucoup d'années, qui n'accompagne aussi la vieillesse de prudence; car celuy qui n'est vieil que par raconter ses ans, il pourra trouuer quelqu'un qui pourra aussi conter ses vices: Le Magistrat est estimé la Loy viue, qui est le conseruateur du bien, & repos general & particulier; executeur de la Loy escrete, qui de soy demeureroit muette, & comme morte & inutile, s'il n'y auoit vn bon & sage executeur, qui doit estre vieil & expérimenté, parce que la raison, le conseil & la sentence, ne peuent estre qu'en la vieillesse & experience, comme dit Ciceron *in Catone*, d'où le nom de Senat a pris sa denomination, & les Senateurs ont esté appelez peres, comme les gens d'Eglise ont esté appelez Anciens, pour estre d'autant plus honorez pour le respect de la vieillesse qui de tout temps a esté venerable en toutes Nations; & principalement quand les actions de la ieunesse ont esté vertueuses & louables. Le temps passé à la rencontre du Consul ou du Preteur, il falloit qu'un chacun portast tout honneur & reuerence, descourir la teste, descendre de cheual, se retirer du chemin, & toute autre soubmission d'obeïssance, encore que ce fussent les plus grands, parce que l'honneur se rendoit à la dignité & au degré du Magistrat.

En temps de paix prenez les exercices d'un Gentil-  
homme, comme à picquer des cheuaux, courir la  
bague, tirer des armes, aller à la chasse, voltiger, sau-  
ter, danser, iouer à la paume, au pailmail, & tous

*Les exerci-  
ces de la  
maison  
durant la  
paix.*

autres exercices honnestes, qui rendent vn homme plus adroit, les armes mieux à la main & plus robuste pour porter la peine, fatigue & trauail necessaire à la guerre; car où l'esprit demeure endormy, languissant & faineant, le corps n'en peut estre robuste & valide; & souuent se trouue à la guerre que ceux qui sont de corps & de taille plus foible & delicate, le rendent plus courageux & adroits que les plus grands & les plus forts; & par le moyen de l'exercice & trauail accoustumé. Pour cette raison les Lacedemoniens nourrissoient leurs enfans aux champs, pour les accoustumer au trauail, coucher la nuict dehors le logis, endurer le froid, le chaud, la poudre, la peine de la course & de la chasse, de luitter, de ietter la barre, combattre tous nuds, & tous autres violens exercices qui rendent l'homme plus fort & plus adroit; de là aduint que les ieunes Lacedemoniens nourris de cette façon, combien qu'ils fussent peu en nombre, toutefois subjuguèrent bien-tost toute la Grece, qui estoit demeurée languissante aux voluptez, & sans exercices de trauail: Iules Cesar accoustumoit les ieunes Romains à faire exercice des armes en leurs maisons. La premiere louange & bonne esperance de valeur, que donna Scipion en son enfance, estoit qu'il cherchoit toutes sortes de peines, de trauail & d'exercices; aussi la premiere partie d'un grand Capitaine est qu'il soit patient de trauail, de froid, de chaud, de veilles, de faim, de soif, & de toutes sortes d'incommoditez & de labeur, & pour mieux seruir de sa personne & donner exemple à tous les autres, pour estre plus patiens à faire le semblable; il y a aussi quelques hon-

*Nourri-  
ture des  
enfans  
aux  
champs.*

*S'accou-  
stumer  
des la  
ieunesse  
à tous  
exerci-  
ces.*

nestes ieux & occupations & passe-temps, qui donnent plaisir au repos de la maison, comme il est fort honneste & loüable à vn Gentil-homme, d'aimer & de sçauoir la musique, sçauoir chanter, & iouer du luth; il y a aussi quelques ieux accoustumez, comme les eschets, les dames, le triquetrac & les cartes; mais il se faut donner de garde de iouer iamais grand jeu; car ils se font plustost par auarice que par plaisir; & ont souuent esté cause de ruiner les maisons, & les esprits de ceux qui s'y mettent trop auant; & souuenez vous tousiours en iouant que vous ne vous accoustumez iamais à tromper; car encore que ce soit par ieu & risée au commencement, si est-ce qu'on s'y laisse apres aller par coustume, qui est chose mal honneste, & qui donne mauuaise opinion de celuy qui le fait; & qui engendre aussi bien souuent des querelles qu'il faut demesler avec la vie: Quant aux habillemens, il en faut vser modestement, & des plus communs, selon sa qualité, & selon les lieux & le temps; car les habillemens bigarrez, extraordinaires & non communs aux autres, donnent tesmoignage d'un esprit bigarre & non commun des autres, qui est vne mauuaise opinion; & tout ainsi que l'habillement honneste selon la personne, la qualité, l'aage, le temps & le lieu, monstre la dignité, authorité & iugement; aussi celuy qui est trop exquis & mal conuenable à l'aage ou au temps, ne sert pas d'ornement au corps, mais descouure l'esprit de celuy qui en vse.

*Le grand ieu d'angereux, & ne faut iamais s'y tromper en iouant.*

*Pour les habillemens.*

Tenez vostre despenſe bien reglée selon vostre reuenu, & faut commencer de bonne heure son mes-

*Pour le reglemēt de la des-*

*pense de  
la mai-  
son.*

nage, & la regle que l'on y veut mettre pour bien conseruer & vſer du ſien; car de long temps il a eſté dit que la parſimonie trop tardieue ne ſert pas aſſez, & n'eſt ſuffiſante de réparer les fautes qui auroient auparauant eſté faites, mais dès le commencement que l'on vient à iouir de ſon bien, il faut ſi bien ſ'y regler, que la recepte au bout de l'an, monte touſiours plus d'un tiers, que la deſpenſe, tant ordinaire que extraordinaire; & faire en ſorte que le tiers du reuenu demeure clair & bon entre vos mains; d'autant qu'il ſuruiuent touſiours des charges & deſpenſes inopinées & non preuëes; & pour cét effect voyez le plus ſouuent que vous pourrez l'eſcrouë de voſtre deſpenſe, à tout le moins ne faillez de l'arreſter au bout de chacun mois; & l'eſtat general de voſtre recepte & deſpenſe au bout de l'an, ne remettant iamais année ſur année, de peur de conſuſion, de laquelle apres il eſt trop mal-aiſé d'en ſortir; & ceux qui ont beaucoup de bien, & en deſpendent trop peu, ſont appelez auares; & celuy qui deſpend plus qui n'a de reuenu eſt appellé fol; il faut compaſſer ſa deſpenſe à la recepte, & que tout marche, & ſoit conduit de meſme meſure; & n'eſtre du nombre de ceux qui ont plus de peine par la vente & engagement de leurs biens, pour entretenir leurs folles deſpenſes, que par ſageſſe & bon meſnage gouverner leur maiſon; auſſi ne faut tomber à l'auarice, de ne ſçauoir bien vſer honneſtement du ſien; car les deux extremitéz rendent vn homme fort miſerable, & vous prie de croire vne choſe pour tres-certaine, que quiconque ne donne ordre de bonne heure au meſnage de ſa maiſon, outre

*Compas.  
ſer la deſ-  
penſe avec  
la recepte*

ce qu'il est reduit en perpetuelle peine & misere, & mesme avec honte pour luy defaillir souuent le tout, & ce qui luy est le plus necessaire & honnestes, il est aussi tenu parmy le monde en peu d'estime, & pour vn homme de peu de iugement & conduite; & que les Rois, Princes & Seigneurs doutent de les employer, & de leur donner charges, desquelles il est vray semblable qu'ils ne se pourroient acquitter, puis qu'en sa famille mesme en laquelle il a tout commandement & disposition, il ne le peut faire, & n'y sçait mettre la regle & conduite, & si n'y aura amy ny voisin bien aduisé qui vueille frequenter priuement avec celuy qui n'a point mis d'ordre & de regle en sa maison, duquel au lieu d'une douce & plaisante conuersation, il ne pourroit receuoir que charge & incommodité; & la fin de ce mauuais mesnage & desordre, outre la peine en laquelle on se met, & la honte qu'on en recoit en tous lieux, apres l'on en tombe en vne si extrême necessité, que celuy qui est reduit en vne captiuité si miserable, est contraint de ne pouuoir plus tenir ny foy ny parole, & encore pis faire des actes de vilennie, tromperie & meschanceté, dont s'ensuit la perte de l'honneur, & quelques fois de la vie; & la chose qu'il faut regarder en son mesnage premierement, est de bien conseruer & maintenir le bien qui est acquis, qui n'est pas moindre louange que d'en acquerir de nouueau; car l'acquerueur est estimé pour son bon mesnage & accroissement de bien; mais celuy qui ne conserue le bien acquis, est moqué & estimé homme de peu de iugement & de valeur; & si le plus souuent ceux qui sont trop affectionnez à ac-

*Qui ne  
peut bien  
regler sa  
maison  
n'est ca-  
pable d'  
plus grã-  
de char-  
ge.*

*Celuy  
qui est  
necessi-  
teux, peu  
sonnent  
garde sa  
foy.*

querir, se mettent d'ailleurs en tant de peine & en arriere, que l'ordre & conduite de leur bon mesnage en demeure fort discontinué & interrompu; comme ie l'ay experimenté en moy-mesme, qui en demeure à present fort endebté & chargé de rentes; toutefois ne faut perdre l'occasion si elle se presente, d'acheter ce qui est à commodité grande, tant parce que peut-estre vne autre fois il ne se pourroit recouurer; qu'aussi que l'on donne bonne opinion aux voisins, quand on acquiert, & quel'on n'entreprend pas si tost sur celuy qui se veut accroistre, que sur celuy qui montre se contenter dece qu'il a, qui est tenu de moindre courage:

*Ce qui se doit faire au-  
vant la  
paix.*

Durant la paix tenez tousiours quelques bons cheu-  
aux de seruices près de vous, pour vous en seruir  
quand vous en aurez besoin, & pour prendre plaisir  
quelques fois à monter dessus, & les picquer vous  
mesme; & quelque quantité de courtaux, selon que  
vostre despen-  
se & bon mesnage le pourra permettre,  
& qui vous seront necessaires, & non dauantage; &  
quelque peu de chiens & d'oyseaux, & seulement ce  
dont on ne se peut passer communément pour le plai-  
sir d'un Gentil-homme: car si vous croyez quelques  
vns de vos voisins ou seruiteurs qui aiment & pren-  
nent plaisir à la chasse, pourueu qu'il ne leur couste  
rien, vous feront entendre que c'est grande gloire d'y  
faire grande despen-  
se, dont toutefois se moqueront

*Nombre  
reglé de  
bons ser-  
uiteurs,  
& se ser-  
uir de  
vieux.*

à part, & diront que vous faites, comme celuy qui se  
fit luy-mesme manger à ses chiens: Ayez nombre re-  
glé de bons seruiteurs, bien choisis & gens de bien, &  
ce qui vous sera necessaire; & rétez tousiours les  
vieux seruiteurs s'il est possible, qui auront tousiours

plus

plus de fidelité & d'affection à la maison & famille, en laquelle ils auront esté nourris, que non pas les autres; montrez leur bon visage, & les traitez bien pour les seruices qu'ils ont faits à vos predecesseurs, & pour ceux que deuez esperer qu'ils vous feront; car si vous ne recognoissez les vieux seruiteurs, vous en seriez blasmé d'un chacun, & ne donneriez pas occasion & volonté aux ieunes de vous bien seruir; mais prenez garde qu'il y a quelquesfois des seruiteurs qui ne cherchent que leur fortune, bien & aduancement, pour laisser leur Maistre quand ils auront fait leurs affaires, ou qu'ils verront qu'ils n'en pourront plus tirer profit, sans auoir autre affection à l'honneur & conseruation du bien de leurdit Maistre; les deportemens desquels vous feront bien tost iuger de leurs intentions, pourueu que l'affection de vostre ieunesse vous puisse permettre d'en iuger sainement, sans vous laisser tromper par flatterie; car vous deuez estimer que les seruiteurs qui flattent leur Maistre, le veulent tromper, & que c'est comme vn serpent que l'on nourrit dedans son sein; & croyez certainement que ceux qui louent leurs Maistres en sa presence, qui parlent de ses biens ou aduantages, qu'ils se veulent insinuer, en ce faisant en sa bonne grace, ou qu'ils luy sont ennemis, ou qu'ils le veulent deuenir: Il faut aussi bien traiter ses seruiteurs, & les recompenser selon leurs seruices & merites; mais ne faut retenir ceux qui sont querelleux, ou que l'on recognoist qui rapportent ce qui se fait de particulier en la maison; car ils pourroient apres rapporter & s'entendre plus auant avec d'autres; & faut prendre garde à ceux

*Ce qui se doit faire pour les seruiteurs.*

*Les seruiteurs qui flattent leurs Maistres le veulent tromper.*

*Prendre  
garde  
aux ser-  
uiteurs  
qui sont  
prompts  
à despen-  
dre pour  
leur  
Maistre  
& auari-  
cieux  
pour eux.*

qui sont liberaux pour leur Maistre, prompts à faire dependre, & auaricieux pour eux; car cela fait cognoistre qu'ils n'ont pas grande affection au bien du Maistre, puis que c'est contre leur naturel: l'honneur du Maistre aussi requiert de ne donner iamais tant de credit & puissance à vn seruiteur, qu'il prenne opinion, ou qu'il vueille acquerir reputation de posseder du tout son Maistre; car incontinent ledit seruiteur en abuse, & se mocque-t'on du Maistre qui n'est pas tenu pour fort habile homme, puis qu'il se captive luy-mesme, & se priue de son autorité, telle que le

*Qu'il  
faut re-  
tenir  
l'autori-  
té que le  
Maistre  
doit auoir  
sur ses  
serui-  
teurs.*

Maistre sage doit retenir sur le seruiteur, qu'il faut bien aimer & traiter, estant vertueux & fidele; mais ne luy monstrez tant de familiarité & priuauté, qu'il en puisse prendre occasion de mespriser & desobeïr son Maistre; & deuons viure avec nos inferieurs domestiques & seruiteurs, comme nous desirons que nos Superieurs ou Maistres viuent avec nous, qui n'est pas sans cause que les Anciens ont appellé les Maistres & Seigneurs des maisons, peres de familles, & seruiteurs les familiers & domestiques, qui est pour en vser & seruir familièrement & amiablement, & d'en vser comme d'hommes, & non comme de bestes, avec consideration qu'ils sont procrez & mis en ce monde comme nous, pour sans distinction de personne, esgalement aimer, honorer & adorer nostre seul Dieu, seruir nostre Roy, garder nostre mesme Loy, habiter vn pareil pais, craindre & attendre vne mesme mort, & souuent nous voyons que ceux qui sont inferieurs & seruiteurs, deuiennent plus grands, & à commander à ceux qui ont esté leurs

*Com-  
me il  
faut que  
vn Mai-  
stre vsé  
de ses ser-  
uiteurs.*



Maistres ; & devons estimer les hommes par leurs mœurs , capacitez & suffisances , & non point par leurs ministères ou condition basse , en laquelle ils sont nés , qui se peut changer par bonne conduite & dexterité , ou par changement de fortune , & diuers accidens de ce monde ; & dit-on communément que tous les Rois sont venus de seruiteurs , & beaucoup de seruiteurs descendus des Rois , & que la longue variation & diuersité des temps a tout mélé & confondu ensemble ; & ne nous fait pas plus estimer par les gens sages , les remarques & portraicts enfumez de nos predecesseurs ; car il n'y a rien à nostre gloire que ce qui vient de nous mesme ; & celuy seul doit estre estimé noble & genereux , qui compose sa nature & ses actions à la vertu ; & doit par ainsi se contenter le Maistre sage & bien aduisé d'estre aimé , craint & seruy du seruiteur , car Dieu mesme se contente de ses creatures ; & l'amour & affection ne se peuuent bien conioindre avec la seule crainte , & si bien souuent le seruiteur qui est bien né , & bien resolu en sa condition , est plus libre d'esprit & content , que celuy qui est son Maistre , sujet à seruir à de plus grands que luy , desquels il n'est assez dignement traité & fauorisé ; & se trouue bien peu de personnes qui ne soient subjectes , ou à l'ambition , ou à l'auarice , ou à la volupté & plaisir , & tous sans aucuns excepter sont subjects à la crainte ; & n'y a seruitude si fascheuse & honteuse que la volontaire ; & qui voudra bien regarder , encore que les Rois ayent toute puissance , & mesmement l'autorité de donner liberté à leurs subjects , si ne peuuent-ils la prendre pour eux ; & com-

*La variété des temps a changé la condition des plus grands & des petits.*

*Qu'il n'y a seruitude si fascheuse & honteuse que la volontaire.*

bien qu'ils soient Seigneurs de tous, si est-ce qu'ils se rendent prisonniers de leurs subjects mesmes; car ils ne mangent, dorment, ny marchent qu'avec gardes, & se constituent eux mesmes prisonniers volontairement; combien que leur intention soit de commander;

*De l'affection des Maistres aux seruiteurs, et de la fidelité des seruiteurs aux Maistres*

Il se trouue des exemples de bons & fideles seruiteurs, comme aussi des Maistres, qui ont mieux aimé souffrir mal que de laisser ses seruiteurs en danger; Marcus Anthonius grand Orateur, estant prest d'estre conuaincu d'un crime capital, le seruiteur aimamieux se laisser affliger de toutes sortes de tourmens, que de rien descouurir du secret de son Maistre; aussi est escrit d'un nommé Plotius Plaucus, lequel estant condamné, & s'estant absenté & caché près de Salerne, ses seruiteurs se laisserent rompre en leurs membres, plustost que de descouurir le lieu où estoit leur Maistre, iusques à ce que Plaucus meu de pitié du tourment de ses seruiteurs, sortit luy-mesme du lieu où il estoit caché, & porta sa teste à ceux qui la cherchoient, pour deliurer ses seruiteurs: Il ya vn autre

*Cruel exemple d'un seruiteur.*

exemple d'un cruel seruiteur, lequel se voulant vanger de son Maistre, qui le battoit incessamment, prit deux petits enfans de son Maistre, l'un aagé d'un an, & l'autre de deux, les porta sur vne haute tour, d'où appellant son Maistre, & luy disant qu'il receust ses enfans entre ses bras, apres les auoir frappez & tuez contre la muraille, les ietta aussi-tost au pere, & luy se precipita apres, de peur de venir vif en la puissance du Maistre, qui sont tous exemples de Maistres & de seruiteurs, qui meritent d'estre considerées, dont pour maxime en la conduite de vostre mesnage, re-

gardez soigneusement à bien conseruer vostre reuenu, ou par ferme, ou par recepte, selon que vous trouuerez vostre reuenu bien mesnagé, & vos droits bien conseruez; vsez de prouisions en temps & en saison bien faites, mais aussi bien gardées & departies; car autrement estant en la maison, seroient plus faciles a estre despenduës: Ne vous mettez aussi souuent extraordinairement en despenſe, soit pour l'ordinaire de bouche ou pour auoir grand train & suite; car l'ordinaire de bouche, qui recommence tous les matins, est celle qui vient à la plus grand charge, & si le lendemain n'en demeure rien, & n'en a-t'on plus de souuenance; & n'y a biens si grands que la despenſe excessiue de bouche qui est ordinaire, ne dissipe & ruine, & qu'elle ne fasse entrer dedans le ventre; les exemples nous en sont fort communs, & encore apres l'on en est mocqué & mesprisé: comme vn nommé Fabius, lequel apres auoir perdu, & mangé tout son bien par friandises, fut appelé par mespris, Fabius Gurges, qui fut vn dit facétieux de Diogenes, lequel voyant la maison d'vn friand & gourmand exposée en vente, dit qu'il l'auoit bien cogneu que cette maison assiegée par le vin & les viandes, bien tost vaumiroit son Maistre: Iules Cesar fit vne Loy somptuaire, par laquelle non seulement, statua certaine mode de viure, mais establit des Inquisiteurs pour faire punir ceux qui vendroient & acheteroient les viandes deffenduës; mais ses successeurs ne la garderent pas; mesmement Vitellius qui fut tant adonné à tout luxe, que quatre fois le iour il mangeoit & dispoſoit sa table, pour faire manger, dont

*Combien la despenſe de bouche vient à grand charge.*

*Disfacétieux de Diogenes d'vn friand & gourmand*

*Des Loix somptuaires.*

il fut fort méprisé; car il faut qu'un Empereur ait le soing qu'en vne Cité libre & bien réglée, les viures soient de communes viandes, & que les Citoyens soient pleins de frugalité, qui sont de grandes loüanges qui en ont esté données à Ponponius Atticus, & à Scipion l'Africain; Homere quand il parle du conuiue & festin que Agamenon fit aux Princes de Grece, il dit qu'il leur donna à manger du derriere

*Epicure disoit que il se faisoit con-  
senter de choux &  
de pommes, & que les  
viandes delicates  
donnoient plus de  
peine à les recon-  
uer que de volupté  
à les manger.*

*Comme Auguste se com-  
portoit en viures,  
meubles & habil-  
lemens.*

d'un bœuf; Epicure même, professeur de volupté, dit qu'il faut manger des choux & des pommes, & autres faciles viandes à recouurer; car les autres sont difficiles d'auoir, & donnent plus de peine à les auoir & acheter, que de plaisir & volupté à les manger: Il y auoit aussi pour la Loy Somptuaire à Rome la Loy Æmilia; nous deuous prendre pour exemple que ce grand Empereur Auguste se contenoit de choses mediocres, comme s'il eust esté à vne vie priuée en meubles communs, habillemens faits à la maison par sa femme & ses filles, & ne mangeoit que du pain du commun, & de l'ordinaire de sa maison; l'Empereur Adrian garda tousiours la nourriture militaire, & se contenoit de manger du lard & du fromage; & quand il alloit à la chasse ne beuuoit que de l'eau, habillé fort simplement; Vaspasien ne demandoit viande que ce qu'il trouuoit fortuitement; comme aussi faisoient les Empereurs Commodus & Seuerus: Il est escrit de Iules Cesar qu'un iour à la ville de Milan, Valerius Leo son hoste luy donnant à soupper, fut seruy à table de quelques asperges, où il fut mis au lieu de bonne huile, d'autre huile qui n'estoit bonne; dont toutefois en voulut manger sans faire sem-

blant de rien, tenant ses amis qui en parloient; & leur dit que c'estoit plus grand incivilité d'en parler que ce n'auoit esté d'en seruir; Apius Claudius, Tribun du peuple Romain, fit vne Loy contre le luxe des Sénateurs, qui ordonnoit qu'un Sénateur ne pourroit auoir vn Nauire de plus de trois cens tonneaux de charge, qui deuoit suffire à porter les fruits procédant de son reuenü, dont il se deuoit nourrir & sa famille; n'estimant pas honneste au Sénateur l'usage de la marchandise, pour oster la suspicion d'un gain & profit deshonneste; car les Anciens n'estimoient pas celuy estre bon pere de famille qui achetoit ce que sa terre pouuoit porter & produire; & qu'à vne terre bien cultiuée les fruits succedoient les vns aux autres; de sorte que par toutes les saisons de l'année la terre d'un bon mesnager n'estoit iamais sans fruit, & n'est bien seant, ny le deuoir d'un homme sage & bon mesnager le requiert, de se promettre de trouuer ailleurs du moyen & secours en sa despenſe de son reuenü ordinaire, ce qu'il ne peut esperer avec honneur que des biens-faits, & dons des Rois & des Princes; mais tels dons sont fort rares, & si quand on en reçoit apres beaucoup de longs seruices, il se trouue que c'est bien tard & avec beaucoup de difficultez; & que le profit que l'on en reçoit à la fin n'est point si grand que monte la despenſe qu'on a faite à les attendre; vous n'avez que faire d'entrer en despenſe de bastimens, ayant assez de maisons & commodément basties pour vous; car la despenſe qui s'y fait est grande, & si est fort remarquée & sujette à l'enuie des grands quand on les veut imiter & suiure; & ceux qui

*Qui il est plus incivil de se plaindre d'un traitement de table, qu'il est mal honneste à celui qui le fait.*

*Que tout usage de marchandise est mal honneste à un homme d'honneur pour oster toute suspicion d'un gain deshonneste.*

*Celui qui est sage doit faire estat de son reuenü certain sans s'attendre d'ailleurs.*

*Qu'il faut esuiter la despenſe des bastimens.*

sont esgaux ou moindres sont ialoux & marris, quand l'on fait plus qu'ils ne veulent, ou peuuent faire, qui est vne enuie de tout temps plus commune en France qu'en tout autre païs, & suffit d'entretenir les bastimés & principalement les plus necessaires; car le moins quel'on peut bastir est le meilleur, d'autant que c'est doucement se consommer & ruiner, & se faire soy-mesme la guerre, & apporter le dommage, qui est vne despenſe en laquelle on se laisse plaisamment aller; mais apres elle apporte grand incommodité & déplaisir, qui est la cause que Plutarque recite que Marcus Crassus disoit qu'il ne falloit point faire la guerre à celuy qui bastissoit, & qu'il se destruisoit & ruinoit assez luy-mesme; & combien que la richesse de Crassus fust estimée quatre millions d'or, toutefois pour cette raison ne voulut iamais bastir; ie n'entens pas que si vous auez cét honneur d'auoir chez vous quelque Prince ou autre Seigneur de qualité, que vous ne le receuiez & traittiez honorablemēt, selon leur qualité & grandeur, & que vous n'ayez d'honnestes meubles, le logis commode, & de vos amis, voisins & seruiteurs pour vous accompagner; de sorte qu'il puisse cognoistre que c'est pour leur seul respect, que vous faites cettre despenſe, & non que vous vſiez souuent de cette façon; car non seulement ils ne vous en scauroient aucun gré, mais plustost en auroient enuie & s'en mocqueroient, & si estimeroient de vous que par faute de bon iugement, vous ne pourriez vous cognoistre & mesurer; & en autres occasions que vous auriez affaire de leur aide & faueur, vous les trouueriez moins prompts à vous estimer & donner se-

cours,

*Bastir est  
se faire à  
soy-mes-  
me la  
guerre.*

*Recevoir  
et trait-  
ter hono-  
rablemēt  
ceux qui  
viennent  
visiter.*

cours; par ainsi contentez vous de la suite & despenſe ordinaire, eſgale à voſtre qualité, de baſtimens communs, de meubles honneſtes, d'habillemens accouſtumez ſelô voſtre rang, & le lieu où vous vous trouuerez; & en ce faiſant outre la grande despenſe que vous eſpargnerez, vous en ſerez eſtimé plus ſage, & dauantage loué, moins enuié, & conſequamment plus aimé; l'entretienement de vos iardins & allées, *L'honneur de despenſe en iardinage & agriculture.* n'eſt pas de grande despenſe, & vous donnera plaifir & à vos amis qui vous iront viſiter, & ſi le ſoin & affection duiardinage a touſiours eſté louable & vtile à toutes fortes de gens d'honneur; & de grands perſonnages ont eſcrit de la choſeruſtique, & des façons de bien planter, ſemer & cultiuer; comme ce grand Marcus Cato, Cenſorius, Terencius, Varro, Columella, Pline & autres qui en ont eſcrit, & laiſſé vne grande recommandation d'honneur à la poſterité; ce que monſtrèrent bien les Romains, quand ils appellerent à eux du labour, Quintus Cincinnatus, qui le creèrent Dictateur, qui en ſeize iours vainquit les ennemis, & luy en fut octroyé le triomphe; & auſſi-toſt apres remit la Dictature, & s'en retourna paracheuer ce qu'il luy reſtoit à faire de ſon labour: autant en fit Fabricius apres auoir vaincu Pyrrhus & Marcus Curius Adentatus, apres auoir deſſait les Sabins, & eſtimoient ces bons & grands Capitaines, que la demeure des champs eſtoit plus militaire, & que les trois choſes les plus neceſſaires à l'homme y eſtoient à meilleur marché, à ſçauoir la nourriture, l'habitation & le veſtement; qui eſt ce que dit Virgile, que les Agriculteurs ſeroient trop heureux, ſ'ils pouuoient reco-

*L'exemple de ceux qui ont preſeré le meſnage & la viueruſtique aux charmes publics & honneurs.*

*Qu'il  
n'est hon-  
neste de  
parler de  
ses biens.*

gnoistre leur bien; pour fin de cét article ie vous prie de vous souuenir perpetuellement de ne parler iamais en compagnie de vostre bien, & de vos maisons, meubles ou argent, si vous estes si bon mesnager que d'en auoir; car il n'appartient qu'à Marchans à parler de leurs biens, ou à gens de basse condition, qui n'ont pas le cœur, ny le moyen d'accroistre ce qu'ils ont; & quand quelques vns en parlent en presence de ceux qui sont sages & bien aduisez, ils montrent & font doucement paroistre que les biens & autres choses qu'ils peuuent auoir sont petits, ou à tout le moins mediocres, qui fait paroistre & iuger à vn chacun qu'ils sont nés & issus de bon lieu, & qu'ils ont la volonté & assez de cœur d'en auoir d'auantage.

*De la liberalité.*

*Qu'il  
faut estre  
bon mes-  
nager  
pour user  
& conti-  
nuer la*

Le bon mesnage n'est point contraire, & ne doit point empeschier la liberalité, qui est fort honneste à vn Gentil-homme, pourueu que ce soit à l'endroit de ce que nous sommes tenus & obligez, ou au bien-fait & aumosne enuers les pauvres, ou à la iuste recompense des seruices receus, ou bien à l'endroit auquel il y ait de l'honneur & reputation à acquerir; car il ne faut rien espargner en ce qui est de l'honneur, du deuoir, & de la necessité; aussi pour se conseruer le moyen de le pouuoir faire, & s'en reseruer au besoing d'vser de la vraye liberalité, il est necessaire d'vser de bon mesnage & d'espargne, & d'auoir tousiours deuant soy dequoy se pouuoir seruir au besoing & à vne honneste occasion de liberalité, & la pouuoir continuer; car tout homme qui demeure en arriere de ses affaires & endetté, ne peut estre liberal;



car il ne peut estre estimé auoir rien à luy, qu'il ne soit *liberalité* premierement quitte, & ne seroit pas estimé liberalité que de donner & disposer ce qui n'est pas à luy; & au contraire celuy qui est en aduance, & a commodité deuant soy, toutes les entreprises, mesnages & affaires luy succedent heureusement, & a grand moyen de monstrier cette vertu de liberalité, & en bien vser, qui est lors le plus grand contentement qu'un homme de cœur & d'honneur pourroit receuoir, qui est vnereponse qui fut faire par vn grand personnage, disant qu'il ne portoit point d'enuie à la condition des Rois & des grands; sinon, que d'autant qu'ils pouuoient aider & bien faire à beaucoup quand ils vouloient: Plutarque escrit qu'Alexandre en la compagnie de plusieurs Philosophes qui disputoient deuant luy, leur dit; Croyez mes amis qu'il n'y a en ce monde vn plaisir esgal que d'auoir pour donner & pour despendre: Il est escrit de l'Empereur Titus, fils de Vaspasien, qu'un iour en souppant il se souuint de n'auoir ce iour là gratifié aucun, qui luy fit dire tout haut qu'il regrettoit d'auoir perdu le iour; & à la verité doit estre bien plus agreable à vn esprit genereux de gratifier & faire plaisir, que non pas de le receuoir; car par l'un nous obligeons les autres à nous, & par l'autre nous obligeons nostre liberté à autry; mais en vlsant de liberalité, le tout est de bien regarder celuy que nous obligeons; car c'est perdre le bien & plaisir que d'en gratifier celuy qui en est indigne.

*La condition des Rois ne se doit enuier pour le moyen qu'ils ont d'obliger beaucoup d'hommes.*

*Que c'est perdre un bien-fait de le conferer à un indigne.*

L'une des choses à laquelle plus soigneusement faut auoir esgard, pour se conseruer & maintenir en bonne opinion & bien-veillance d'un chacun, & la

*Comme  
il se faut  
compor-  
ter aux  
compa-  
gnies pri-  
uées.*

*La cour-  
toisie est  
le fonde-  
ment de  
la tran-  
quillité de  
la vie.*

*L'hon-  
nesteté &  
courtoisie  
attire l'a-  
mitié  
d'un cha-  
cun.*

*La gloire  
& arro-  
gance ne  
tombe  
qu'en  
esprits*

façon dont il est bon se comporter en toutes compa-  
gnies ; il a esté dit comme l'on en doit vser près des  
Rois & Princes, & aussi en la guerre & en sa famille ; &  
il est aussi besoin bien prendre garde d'entretenir les  
compagnies priuées , auxquelles on se trouue avec  
tout honneur & courtoisie ; car selon qu'on se fait  
aimer & estimer, incontinent la reputation en court  
parmy les voisins ; & puis aussi tost parmy tout le  
monde ; car la courtoisie est le fondement de la vie  
tranquille, qui est la seule bonne partie qui defaillloit  
à Iules Cesar, quand il vint à l'Empire, qui a aussi esté  
la plus grande cause de l'auancement de sa mort, pour  
le mescontentement que receuoient les Senateurs de  
ce qu'il ne les saluoit & receuoit courtoisement en sa  
maison, quand ils l'alloient voir, qui augmenta la  
volonté des Conjurateurs ; & au contraire Auguste  
rendoit tousiours aux Senateurs le mesme honneur &  
courtoisie qu'ils luy faisoient ; & n'y a rien qui entre-  
tienne plus les amis que la courtoisie & honnesteté,  
& qui mitige & appaise plus les ennemis : L'une des  
principales parties qui fit tant aimer l'Empereur Tite,  
estoit la courtoisie qui appelloit les Anciens peres, les  
ieunes hommes, compagnons, les estrangers, parens,  
& les amis priuez freres, qui le fit bien aimer des  
estrangers, & honorer & bien seruir des siens. La pre-  
miere regle qu'il faut tenir en tous lieux où l'on se  
trouue, c'est de se comporter modestement ; car il  
n'y a rien qui generalement desplaist plus à tous que  
la gloire, arrogance & presumption, qui ne tom-  
be sinon és esprits ignorans, ou gens de basse con-  
dition enrichis, qui mesurent toutes choses aux

biens & moyens, charges, credits & authoritez que l'on peut auoir; & au contraire celuy qui est bien né, & de bon lieu, & qui a l'esprit bien composé, doit considerer que les hommes sages ne se mentent que par la raison, honnesteté & courtoisie; car celuy qui n'est point en la puissance d'autrui, cognôissant vne contenance rude, sauuage, ou superbe, laisse incontinent celuy qui porte certe bonne mine, & s'en despart, comme d'une personne intolérable, de la compagnie duquel on doit plus attendre de rigueur & mescontentement que d'honnesteté & de plaisir; & s'en retirant de cette façon, l'opinion n'en demeure pas seulement à celuy qui l'a conceue, mais aussi il l'imprime telle enuers ses amis; de sorte que bien tost le glorieux est delaisé, & abandonné d'un chacun, moqué bien souuent de tous; & quelques fois s'en trouuent d'autres qui ne l'ont pas moins touché de vaine gloire, qui de gayeté de cœur recherchent les occasions de les attaquer de querelles; car l'autorité d'un Seigneur, ou autre, ne consiste pas à parler rudement & arrogamment, ou à faire rentir des gens deuant soy descouuerts; Mais à bien faire & sagement gouverner ce que l'on a en charge; au contraire celuy qui est doux, honneste & courtois, se fait aimer d'un chacun, la compagnie & conuersation en est agreable & desirée de tous; il est assisté & suivi de ceux desquels il se fait aimer; & tout ainsi comme il a fait à ses amis des honnestetez & bons offices, il en reçoit aussi d'eux, quand il le veut, & qu'il en a besoing; & pour cét effect faut considerer que ceux avec lesquels on honte, ou sont plus grands ou es-

*ignorans  
ou de bas-  
se condi-  
tion.*

*Il ne faut  
esperer  
que mes-  
contente-  
ment de  
hanter  
avec ce-  
luy qui  
est mal  
courtois.*

*Il est  
vray  
que  
celuy  
qui  
est  
doux  
est  
aimé  
de  
tous.*

*Le deuoir  
d'un ho-  
me sage  
enuers  
toutes  
manieres  
de gens.*

gaulx ou moindres; aux plus grands & aux plus vieux, c'est nostre deuoir de leur defferer & les honorer, & que toutes nos actions & deportemens soient toujours en leur endroit avec le respect qu'il leur est deu; & se trompent grandement ceux qui pour se faire compagnons en public, & fort priuez avec les plus grands, se pensent dauantage faire estimer: car plustost ils en sont méprisez, comme semescognoissant de la qualité qu'ils sont en quelque priuauté que nous puissent montrer les grands, si treuuent-ils mauvais en leur cœur quand l'on abuse & que l'on se veut faire, comme ils disent, leur compagnon. Si ceux avec lesquels nous hantons sont nos esgaulx, ils n'ont que faire d'endurer de nos impertinentes façons de faire, & actions mal agreables, qui ne leur peuuent venir qu'à peine, & desplaisir de les porter, qui feroit esloigner de nous non seulement nos voisins, mais aussi nos parens & autres qui sont obligez de nous porter amitié; & deuons prendre pour maxime generale, & tres-certaine que celuy qui veut estre aimé doit premierement aimer, & celuy qui desire plaisir, courtoisie, & faueur d'aucun, il le doit prouoquer par mesmes honnestetez & offices; car la raison veut que nous ne deuions attendre de personne que ce que nous faisons à vn autre, encores bien souuent nous plantons & semons en terre sterile & ingrate; mais il faut faire comme les bons Laboureurs qui sement fort bien leurs champs à celle fin que combien qu'une bonne partie de la semente soit pourrie en terre, partie mangée par les oyseaux, que toute fois la moindre partie venant à frui & surmonte la peine, &

*Celuy qui  
desire  
amitié  
doit ren-  
dre pa-  
reils offi-  
ces.*

dépense; aussi en aduient-il de mesme, quand nous entretenons beaucoup d'amis, encore que la moindre partie demeure constante au deuoir d'amitié; si est-ce que cette semence de plaisirs faits à beaucoup de gens ne demeure point perdue par la reconnaissance de la moindre partie, & pour le regard de ceux qui nous hantent qui sont moins que nous en rang, qualité, ou en biens, si est-ce que pour cela nous ne les deuons moins estimer, puis qu'ils ne dependent de nous que de leur bonne & pure volonté; & d'autant plus se sentiront obligez quand vn plus grand qu'eux leur fera demonstration de priuauté & amitié, & volontairement rendront autant de subjection, aide & secours, que s'ils estoient domestiques; & par ainsi celuy qui est sage, qui veut viure en reputation & honneur en ce monde, & demeurer fort d'amis, doit prendre peine d'attirer les homes de toutes qualitez, à l'aimer par toutes sortes d'honnestetez & bons offices, & selon les humeurs & volontez, honnestetez d'un chacun; s'accommodant à les entretenir; & combien qu'il y ait quelquesfois des esprits bigearres & mal-aisez à manier; d'autant plus il y aura de louange pour celuy qui le pourra faire, & s'en sentira plus obligé, celuy qui cognoist son naturel rude & difficile; & qui plus est quand dès la ieunesse on prend cette habitude de le vouloir faire, l'on s'apprend & enseigne soy-mesme par patience & sage conduite, à reduire les grands à bien-veillance, les esgaux en bonne amitié, & les moindres en affection d'aider ou seruir, & dauantage on se rend soy-mesme capable & digne, non seulement de viure & se

*Celuy qui  
est prudent  
doit attirer &  
obliger  
un cha-  
cun à  
l'aimer.*

comporter parmy toutes sortes de gens ; mais aussi de bien conduire & commander , soit en la guerre ou en quelque autre entreprise ; i'adiousteray qu'encores que les enfans & seruiteurs domestiques soient par tous deuoirs tres-obligez d'honorer & seruir le Maistre à qui ils doiuent toute obeïssance ; si est-ce que quand on vse à leur endroit d'un doux & honneste commandement , ils sont beaucoup plus affectionnez & prôpts à rendre le seruice qu'ils doiuent ; & ne faut vser de rigueur sinô enuers ceux qui ont le naturel si mauuais , qu'ils sont priuez de toute bôté , hôneur & iugement : en toute compagnie estrangere , en laquelle vn homme sage se treuve , doit defferer non seulement aux Grands ; mais par courtoisie à ceux qui sont esgaux , comme au marcher , seance à table , & autres lieux qui sont indifferens , où il ne va de l'honneur , ny du rang que chacun doit selon sa qualité par raison tenir ; car tels endroits où il iroit de l'honneur , il vaudroit mieux ne s'y treuver point , que de laisser perdre le rang qui est deub par hôneur ; & depuis que l'on a acquis parmy les hommes reputation d'honneur & de vertu , & de ne chercher point par gloire & ambition les premiers passages & premieres seances de tables ; sans que l'on s'ingere les premiers lieux sont tousiours offerts ; & si quelqu'un entreprend legerement , il en est plustost moqué que prisé ; & semble vne mariée de village que l'on met au bout de la table ; car vn lourdaud est tousiours moqué , & d'autant plus qu'il se met en lieu apparent : & vn singe est tousiours singe encore qu'il fust habillé de pourpre : En tous les propos qui sont ouuerts à table

*Le doux & honneste commandement, oblige plus que la rigueur.*

*Celuy qui s'ingere sans raison de prendre les premiers lieux est moqué d'un chascun.*

table ou ailleurs; en compagnie il faut parler fort retenu, tant parce que c'est le premier telmoignage de sagesse d'un homme, quand il parle peu, & principalement en la ieunesse; qu'ainsi qu'il est tres-mal aisé de parler beaucoup sans offenser quelqu'un; & ne faut guere aussi parler en public de ses affaires privées, ny des affaires d'autrui, dont on ne se doit meller, & encores moins des affaires de l'Estat des Rois & Princes, qui a fait tort à beaucoup de gens d'en parler plus qu'ils nedeuoient; mais bien est honnestes'il vient à propos de quelque ancienne histoire, poésie, ou de quelque pais auquel on a esté, d'en parler modestement après y auoir pensé & sans contredit, s'il aucun de la compagnie en vouloit entrer en dispute; & si se parle de quelque bataille ou rencontre qui aura esté faite, il n'est bon d'en parler beaucoup, de peur d'offenser les vns & donner ialousie aux autres qui s'y sont treuuez; des batailles anciennes, dont il n'y a plus de viuans de ceux qui ont combattu; ny de leurs parens, le mal ne peut estre tel, aussi ne faut iamais parler de dire & représenter la querelle ou le combat de quelqu'un; car encore qu'on die la verité, il y aura toujours l'un ou l'autre offensé du rapport qui s'en fait; ny pareillement se faut aduancer de dire & conter quelques nouuelles, car encore qu'elles fussent veritables, si est-ce qu'elles peuuent déplaire à quelques vns, & si elles ne se trouuent vrayes, l'auteur est tenu ou pour homme de mauuaise creance, ou pour les auoir inuentées luy-mesme; & sur toutes choses se faut bien garder de parler au desauantage des femmes; encore que chacun en parlast à la verité; car outre qu'il est

*De parler peu en compagnie.*

*No parler en compagnie que de propos communs, & qu'ils ne puissent offenser personne.*

*Celui qui s'aduaçe à conter des nouuelles, est sujet ou à desplaire, ou à estre ironné menteur.*

*De ne  
parler ia-  
mais au  
deſauan-  
tage des  
femmes.*

*S'accom-  
moder  
aux pa-  
roles qui  
ſe tien-  
nent en  
compa-  
gnie.*

tres-mal honneſte à vn Gentil-homme de parler mal des Dames, tousiours les plus faſcheuſes querelles ſont venues à l'occaſion des femmes; qui toſt ou tard ſe vengent de ceux qui ont mal parlé d'elles; il faut & le de- uoir le requiert, d'accommoder ſes paroles & diſcours ſelon les perſonnes avec leſquelles on ſe trouue; & meſme en ouurir le propos, ſelon ce qu'il eſt le plus propre à leur profeſſion; & en ce qu'on eſtime qu'ils prennent plus à plaiſir de parler; comme au gendar- me durant la guerre, luy en tenir propos durant la paix, parler de chaffe, chiens & oyſeaux à ceux qui y prennent plaiſir; de cheuaux à ceux qui les aiment; à ceux qui ont voyagé de diuerſes nations, & de leurs mœurs; aux gens de lettres leur monſtrer que l'on n'en eſt pas ignorant; de Geometrie, Architecture, fortifications & autres deſſeings de guerre, à ceux qui en voudront ouurir le propos; de iardinage, & d'autre meſnage à ceux qui y prendront plaiſir; & toutefois en faut parler de ſorte, & avec telle mode- ſtie de toutes choſes, que l'on faſſe eſtimer en ſçauoir dauantage que l'on en dit, & ne dire & repeter deux fois vne choſe en vne meſme compagnie, mais au contraire à la continuation d'un propos dire choſes diuerſes & de bien en mieux à l'exemple des bons Peintres qui gardent les meilleures peintures à mon- ſtrer les dernières; aux Dames il leur faut tenir propos honneſtes & plaiſans, & de ce qu'ils ont accouſtumé de deuifer entr'elles, ſans y meſſer ce qui eſt des actions & deportemens des hommes; iettant & entre-me- lant quelques fois quelques petits traits gentils & fa- cieux, & toutefois honneſtes, ſans picquer ny atta-



quer personne; & ne faire pas cōme ceux qui aiment micux perdre vn amy qu'un bon mot pour faire rire vne compagnie, pensant en estre plus estimez, mais ils se trompent bien fort; car le plus souuent en riant on se mocque d'eux-mesmes, & si les sages qui se trouvent en cette compagnie fuiront apres vn tel brocarder, de peur d'en estre eux-mesmes vne autrefois picquez: Il est aussi necessaire de bien prendre garde & ne se mocquer iamais de personne, ny de paroles, ny par gestes, ny autrement; car la mocquerie tombe tousiours à la fin sur celuy qui l'auance: car celuy qui dit mal d'autrui, doit certainement attendre que l'on dira aussi mal de luy; & celuy qui dit ce qu'il ne deueroit, entendra dire de luy ce qu'il ne voudroit; & ne se peut-on mocquer de personne sinon de la qualité du corps, ou de l'esprit, ou bien pour quelques actions & paroles, qui ne sont pas assez bien receuës, si ce n'est qu'on se vueille mocquer pour le deffaut du corps, remercions Dieu de ce qu'il luy a pleu que nous soyons nés sans deffaut, & considerons qu'il en peut aduenir autant ou plus à nos enfans, parens & amis, & peut estre à nous-mesme, par quelque blesseure ou accident de maladie; & souuent il aduient que celuy qui est le plus imparfait, & manque au corps, & à la taille, est micux accompagné de vertu, perfection & entendement, qui sera aussi loüable à vne tel corps qu'à vn plus beau par apparence de l'exterieur; si c'est pour le regard de l'esprit qu'on se vueille mocquer de quelqu'un qui ne soit si capable que sont ceux avec lesquels il hante, il se peut faire qu'en quel qu'autre chose de particulier il aura plus de suffisance

*Se bien donner de garde de picquer aucun de paroles.*

*L'ami-difance & mocquerie fort dangeuse qui tombent sur celuy qui les auance. Celuy qui dit ce que il ne deueroit en- tendre apres ce qu'il ne voudroit.*

*Souuent le plus imparfait de corps est accompagné de plus de vertu & perfection*

& perfection, & deuons croire qu'il n'y a si ignorant qu'il n'ait quelque cognoissance en perfection particuliere, duquel nous pouuons en cela apprendre de luy, si pour les actions qui ne sont si courtoises, ciuiles, & à la mode de la Cour, comme l'on dit, on se veut mocquer, l'on doit estimer que celuy qui semble de façon rude, parmy les mignons & gentils courtisans, a souuent plus de valeur & de courage que les autres; & quelquesfois telles gens ont bien battu ceux qu'ils cognoissent se mocquer d'eux, ou de leurs façons de faire, de leurs habillemens ou de leurs langages, qui n'estoit assez bien ornez en paroles affectées; & n'y a rien qui fasse tant haïr vn ieune homme que quand il est conneu pour mocqueur, duquel aussi on se mocque plus, & qui soit plus sujet à receuoir des querelles & iniures; & au contraire celuy qui comporte doucement les actions & façons d'un chacun, & qui mesme excuse si quelqu'un en veut parler, se fait aimer de tous, & louer grandement; & si par l'object de ce qu'il cognoist n'auoir pas assez bien fait, ou dit par celuy duquel on se mocque, il se confirme luy-mesme à bien faire: ceux qui vous viennent visiter en vostre maison doiuent estre receus honorablement selon leurs qualitez; & par demonstrations exterieures de bonnes volontez & courtoisies, & par traitement honneste & bien disposé, selon celuy qui suruiuent; & selon le temps & le lieu: car en la reception qui est faite en la maison l'on cognoist l'entendement & conduite du Maistre, & celuy qui en part en bonne opinion & content, en louë le Maistre & l'estime son amy; & encores qu'il y fust venu quelqu'un.

*Le moc-  
queur est  
sujet à  
querelle  
& à moc-  
querie.*

*En la re-  
ception  
qui se fait  
en la  
maison  
l'on co-  
gnoist l'e-*

qui auparauant ne fust amy, si est-ce puis qu'il vient le chercher en sa maison, il faut luy faire bonne chere comme s'il estoit amy, qu'il le contraindra apres en estre party d'en dire bié & d'en deuenir amy; & tous les domestiques & seruiteurs doiuent estre instruits à bien & honnestement receuoir tous ceux qui viennent en la maison, sans qu'ils fassent cognoistre par leurs paroles & contenancees que l'on y recoiue quelqu'un à regret, ny des Maistres ny des seruiteurs, qui le plus souuent en font plustost courir le bruiet que le Maistre, & sur tout quand il y a des Dames il en faut estre plus curieux, soit de courtoisie de logis ou de traitement; car elles ont accoustumé d'estre tousiours plus courtoisement receuës & traittées; & n'est iamais mal-seant à un homme d'honneur de quelque qualité qu'il puisse estre de remettre quelque chose du lieu qu'il doit tenir en la reception de ceux qui priuement le viennent voir en la maison: ailleurs où il doit commander, il ne doit rien oublier de son lieu & rang pour son authorité; ce que dessus est dit pour les receptions qu'il faut faire pour ceux qui vous pourront venir visiter en vostre maison; mais le moins que vous pourrez faire de festins, & conuier de grandes assemblées sera le meilleur, non seulement pour la grande dépense qu'il y faut employer pour les bien faire; mais aussi bien souuent de telles assemblées il en demeure plus de mécontentement, ou d'enuie, que de bienveillance & amitié; d'autant qu'il y en a tousiours quelques uns qui n'ont point esté priez qui le prennent à mépris & iniure; & d'autres de ceux qui s'y sont trouuez qui ne se contentent pas du lieu, rang, seance, & logis qu'on

tende-  
ment dit  
Maistre.

Que tous  
les serui-  
teurs doi-  
uent estre  
instruits  
à l'honne-  
ste recep-  
tion des  
estran-  
gers.

Il est bien  
seant à  
un hom-  
me d'hon-  
neur de  
remettre  
quelque  
chose de  
son rang  
à l'édroit  
de ceux  
qui pri-  
uement le  
viennent  
visiter.

Le moins  
que l'on  
peut faire  
assemblée  
de grands  
festins est  
le meilleur.

leur a baillé, & quelquesfois le moindre de leurs seruiteurs leur fait trouuer tout mauuais; & quelques vns aussi marris s'ils ont opinion que l'on aye fait meilleure chere à vn autre qu'à eux; & bien souuent aduient que tant plus qu'on s'est mis en peine de bien honorablement traiter vne compagnie, il y a des voisins qui en sont enuieux, parce qu'ils ne voudroient ou ne le pourroient faire, & si est ordinaire en grand compagnie que quelques vns par risée iettent quelquesfois quelques propos en auant, qui sont mal receus d'aucuns, & qui donnent occasion de faire des querelles, qui ne viennent pas seulement sur ceux qui en sont auteurs, mais aussi sur le Maistre de la maison, encore qu'il fasse le mieux qu'il pourra: ie laisse le soing, peine & traual qu'il faut prendre, en laquelle il faut que le Maistre de la maison vse d'aussi grande diligence, comme si c'estoit à la conduite d'une grande entreprise, pour rendre content tout ceux qui s'y seront trouuez; toutefois si l'occasion se presente par honneur de faire grande assemblée, ou pour quelques nopces, ou la venue de quelque Prince & Seigneur de qualité, qui vous fera cét honneur de vous aller voir, ou pour l'assemblée de quelques parens & amis qui choisiront le lieu à se trouuer chez vous pour cōposer quelque querelle ou differend, il faut prendre peine de bien & honorablement recevoir ceux qui vous iront voir, les traiter & festiner le mieux qu'il se pourra; & le moindre nombre de gens qu'il y aura, moins y aura de confusion; & ne faut pas faire lors comme ceux qui autresfois ont voulu gagner reputation de faire des festins de gran-

*Il est requis au tant de soing à l'honneur & reception qui se fait en la maison comme en la conduite d'une grande entreprise.*

de despense pour en estre plus estimez, comme l'on dit de Lucullus, lequel dónant seulement à soupper à deux, & donnant charge seulement d'apprester le soupper à la sale d'Apollo, fit vne despense fort extrême, comme faisoit Anthonius; & aussi Cleopatra, en faisant fondre & detremper sa grosse perle, pour monstrier la despense qu'elle faisoit; comme aussi ont fait tant d'autres Empereurs de Rome, qui ont esté si excessifs outre mesure en tels festins, dont plustost ils en ont emporté blasme que loüange; par ainsi ne faut pas tant regarder à la grande despense, aux festins que l'on fait, comme à les rendre & preparer bien nettement & proprement, de viandes bien choisies, & qui puissent delecter & donner plaisir à ceux qui les mangent; donner bon ordre au seruice de table & sans bruit, les entremets bien à propos, & les fruiçts & sallades bien faites, & choisies selon la saison, & sur tout qu'il y aye diuersité de bons vins, & le pain bien bon, blanc & bien cuit, avec les issuës de patisserie, confitures & laiçtages selon le temps; surquoy il y a quatre choses principalement à prendre garde; la premiere, les personnes qui sont conuiees à celle fin qu'ils soient seruiés selon leurs qualitez, le lieu où l'on mange bien choisi, selon le chaud ou froid qu'il peut faire, le temps qui soit propre & commode, auquel on se puisse resioür, sans qu'il y ait sujet d'en estre diuertý par le mal-heur & calamité d'une fascherie publique; l'autre est que l'appareil du festin soit honneste & bien disposé, & que les charges de ceux qui ont seruy soient bien departies, à gens & bons officiers, diligens à s'acquitter de ce

*Ce qui est honneste de faire pour un festin.*

*Les quatre principales choses qui sont à regarder pour faire un festin.*

qu'ils auront en charge, sans aucun bruit, ny mon-  
 strer qu'ils se treuvent empeschez à ce qu'ils auront  
 affaire; mais sur tout la courtoisie, honneste recep-  
 tion, & l'entretènement de paroles plaisantes &  
 agreables, sans offenser aucun, sont plus necessaires  
 pour contéter les conuiez que toute autre chose que  
 l'on pourroit faire: La mulique de bons & doux in-  
 strumens, quand on se trouue en lieu de le pouuoir  
 faire est fort agreable à vne compagnie; commeaussi  
 il faut bien prendre garde que les Chambres soient  
 bien accommodées selon la qualité des personnes; &  
 que les seruiteurs mesmes soient bien receus & trait-  
 tez selon que le lieu le peut permettre; car le plus  
 souuent ce sont ceux qui en content apres le plus, ou  
 pour louer ou blasmer ce qui aura esté fait en la com-  
 pagnie, ce qu'ils font bien souuent sans autre confi-  
 deration, que selon qu'ils auront esté, ou bien ou mal  
 receus, sans regarder si le Maistre aura eu occasion  
 de se contenter; ce sont toutes particularitez qu'il ne  
 faut negliger, ausquelles les gens bien aduisez, & qui  
 ont hanté parmy les Princes & couru parmy le mon-  
 de, sçauent bien regarder, & donnent apres tesmoi-  
 gnage de la suffisance du Maistre par la conduite qu'il  
 donne en sa maison, par laquelle l'on cognoist par  
 le soing qu'il y prend & ordre qu'il y donne qu'il est  
 digne de conduire & commander à plus grande cho-  
 se; & deuons tenir pour maxime tres-certaine que  
 celuy qui en la ieunesse ne se rend fort sujet d'entre-  
 tenir & se rendre agreable en toutes compagnies où  
 il se trouue, pour se faire aimer & estimer, qu'à grand  
 peine en sa vie pourra il acquerir beaucoup d'hon-  
 neur

*La mu-  
 sique fort  
 agreable  
 en com-  
 pagnie.*

*Celuy qui  
 ne prend  
 peine de  
 se f. ir:  
 aimer,  
 iamaïs ne*

neur & de bien-veillance, ny paruenir en charge <sup>paruen-</sup>  
grande & honorable qu'on ne peut acquerir qu'auec <sup>dra à</sup>  
beaucoup de subjection, bien-veillance de beau- <sup>grand</sup>  
coup de gens, & resmoignage de merites & suffi- <sup>charge.</sup>  
sance.

Viuez ie vous prie doucement avec vos voisins, <sup>Combien</sup>  
defferez par honneur à ceux qui sont plus grands que <sup>est neces-</sup>  
vous, entretenez en amitié ceux qui sont esgaux, & <sup>saire l'a-</sup>  
vsez de courtoisie aux Gentils-hommes vos voisins, <sup>mitié des</sup>  
qui sont moindres en qualité, ou en biens, que vous <sup>voisins.</sup>  
en ce faisant vous serez aimé de tous, vous receurez  
plaisir de leur conuersation & voisinage, & si serez à  
vn besoin fort d'amis, qui seront près de vous à toutes  
heures, comme vous ne pourriez pas faire estat d'estre  
à point nommé secouru de vos autres amis qui ne se-  
roient pas vos voisins; & y auoit vn Ancien qui disoit <sup>Le se-</sup>  
que les amis qui demeurent loing, ne doiuent estre <sup>cours des</sup>  
estimez amis, qui seroit toutefois vne opinion fort <sup>voisins est</sup>  
esloignée de toute raison & honnesteté; mais elle a <sup>plus prop</sup>  
esté dite parce que l'absence fait souuent oublier les <sup>que des</sup>  
amis, & que par le voisinage & frequentation les <sup>amis qui</sup>  
fruits de l'amitié sont bien plus plaisans, & les bons <sup>sont esloi-</sup>  
& mutuels offices rendus plus souuent. Terence dit <sup>gne.</sup>  
que la principale amitié est au voisinage, & quand  
vous aurez le moyen de leur faire plaisir vous deuez  
vous y employer en tout ce que vous pourrez, & le  
plaisir estant fait ne vous en vantez point, ny le pu- <sup>Qu'il ne</sup>  
bliez aucunement; car vn plaisir fait qui est public, <sup>faut ia-</sup>  
par celuy mesme qui en est autheur, est estimé quel- <sup>mais se</sup>  
que espee de reproche, & celuy qui l'a receu ne s'en <sup>vant</sup>  
a fait, <sup>du plaisir</sup>  
<sup>que l'on</sup>  
<sup>a fait,</sup>

sont plus obligé; mais s'il est homme de bien & d'honneur, il le publie & tesmoigne luy-mesme, & s'il n'en parle point, il fait cognoistre qu'il ne merite pas que l'on s'employe vne autre fois pour luy; car il faut toujours se souuenir & dire par honneur les plaisirs que l'on a reçeus, qui donne volonté à vn chacun d'en pouuoir faire autant à celuy qui le recognoist; car le deffaut de recognoissance & l'ingratitude, est grand-mét à blasmer; & n'y a rien qui fasse plus mal estimer vn hôme, & auque l tous les gés de bié desirent moins auoir affaire, que quand quelqu'un est recogneu pour oublier le plaisir qu'il reçoit, qui est vn vice tres-deshoneste & vilain, qui deuroit estre puny, comme faisoient anciennement les Perles; car l'homme ingrat prouoque les Dieux à le chastier, & les hommes à le haïr; mais pour celuy qui fait le plaisir à vn autre, il n'est pas honeste des'en vanter, parcequ'il semble qu'on n'a pas accoustumé d'en faire; ou bien sil'on en a fait, que l'on n'a pas volonté de continuer.

*On il est  
bonnest  
de publier  
le plaisir  
que l'on  
a reçu.*

*L'ingra-  
titude  
estoit an-  
ciennement pu-  
nie.*

*Comme  
il faut se  
compor-  
ter enuers  
les vas-  
saux &  
sujets.*

Les vassaux & subjects d'un Seigneur doiuent estre bien traittez & conseruez, car l'obligation est mutuelle & reciproque des vns aux autres; & tout ainsi que le vassal doit la foy & l'hommage, & le subject l'obeissance & prestation des deuoirs, aussi le Seigneur doit à vn l'entretienement de l'hommage & de la fidelité, & au subiect la protection & conseruation de toute foulle & oppression; qui sera cause en ce faisant de bien faire aimer le Seigneur, & de le faire honorer & obeïr. Et ne faut iamais vser de violence sur



les subiects, car telle voye est trop esloignée de raison, & de la façon que doit tenir vn Gentil-homme d'honneur; & y en a quelques vns qui se sont tant oubliez, qu'ils ont esté cause eux-mesmes de se faire tuer par leurs subiects, mesme qu'ils ne pouuoient plus porter leur cruel commandement & violence; & croyez que la vraye obeïssance & la plus seure vient del'amour & bien-veillance & non de la crainte; & ne laissez de tousiours bien conseruer les droicts de vos terres, par les moyens iustes, legitimes & accoustumez par nos Loix du Royaume, laissant cela plustost à traiter à vos officiers & seruiteurs, gens de bien, que non pas de le faire vous mesme; car leur deuoir les oblige de parler plus franchement que vous ne voudriez faire vous mesme, sinon qu'au besoin, encore que vous deuez estre instruit, & sçauoir exactement tout ce que vosdits Officiers feront pour les retenir en deuoir & diligence; car autrement les bons seruiteurs deuient pareilleux, & les mauuais prendroient hardiesse de faire pis: si ce n'estoit que quelque voisin ou subiect mal aduisé voulust de brauerie entreprendre sur vos droicts, car en ce cas il s'y faut opposer, pour ne le permettre; d'autant qu'en le souffrant à l'un, seroit donner hardiesse à l'autre de suiure la mesme entreprise, & si vos Officiers, de crainte d'en faire leurs querelles priuées, se laisseroient facilement aller à la volonté de ceux qui veulent entreprendre. Quand vous serez demeurant en vostre maison enquerez vous diligemment quelle iustice vos Officiers feront à vos subiects, car les

*La vraye  
obeïssance  
vient  
de l'a-  
mour &  
bien-veil-  
lance.*

*Se faut  
opposer  
aux voi-  
sins qui  
par bra-  
uerie  
voudroient  
entre-  
prendre.*

*Faire bon iustice aux subjets.*

*Les Seigneurs ne doivent abuser de l'autorité qu'ils ont sur leurs subjets, & prendre plus de droit que il ne leur appartient.*

*Faut apprendre aux subjets à*

Seigneurs qui ont haute iustice sont tenus de la faire sainctement administrer à leursdits subjets, & empêcher qu'il ne soit fait tort, injure ny outrage à aucun, favoriser les bons, chastier les mauuais, empêcher que ceux qui sont debiteurs de cens, rentes dîmes, champarts, quez, coruées, & autres deuoirs & recognoissances, ne soient molestez & pourfuiuis, de payer plus qu'ils ne doiuent, comme nous voyons auourd'huy beaucoup de Seigneurs grâdemét abuser de la iustice, par autorité qu'ils ont sur leursdits subjets; car outre ce que la raison & equité ne permet de demâder & presser les subjets de payer plus qu'ils ne doiuent; c'est aussi le seul moyen d'en conseruer la bien-veillance & obeïssance volontaire, desquels le Seigneur est obligé à la protection; comme ils sont de leur part tenus d'obeïr, respecter & honorer leur Seigneur, & aux payemens des deuoirs accoustumez & iustement deus; & quand les Seigneurs font le contraire, & qu'ils veulent exiger plus qu'il ne faut, & traittent leurs subjets par menaces, par force & contrainte, ils font chose tres-iniuste, & bien souuent les contraignent d'entrer en tel desespoir, que perdant toute amitié & respect d'obeïssance ils entrent aussi-tost en haine, & quelquesfois en conjurations contre leur Seigneur mesme, quand ils se rendent à leur endroit trop rudes & intolerables; & le plus bel enseignement qu'on sçauroit prendre pour bien contenir les subjets en tout deuoir, il leur faut apprendre à bien viure, premierement à craindre Dieu, & que le Seigneur mesme leur monstre tout bon exem-

ple, assistant à l'Eglise le plus souuent qu'il pourra, <sup>bien vi-</sup>  
 qu'il fasse punir les blasphemateurs, & bien chastier <sup>ure.</sup>  
 ceux qui font mal; car le Seigneur apprenant à bien  
 viure, ne sçauoit mieux les contenir en l'obeïssance  
 que Dieu commande de rendre à leur superieur &  
 Seigneur; car c'est la coustume & le naturel des sub-  
 jets de prendre exemple sur leurs Seigneurs; lesquels  
 aussi estans mauuais & vicieux faillent plus pour  
 l'exemple qu'ils donnent, que par la faute mesme  
 qu'ils commettent; car les subjects se persuadent aisé-  
 ment ne commettre point de faute quand ils ne font <sup>Le sub-</sup>  
 pis que leur Seigneur; & les seruiteurs & subjects sui- <sup>jet prend</sup>  
 uront plustost l'exemple des œuvres du Seigneur, que <sup>exemple</sup>  
 non pas les propos & remonstrances qu'il leur pourra <sup>sur le Sei-</sup>  
 faire; & n'est pas assez de bien traiter & soulager les <sup>gneur.</sup>  
 subjects, & bien payer & recompenser les seruiteurs,  
 si on ne les apprend & contraint d'estre vertueux; &  
 à bien seruir Dieu, & bien obseruer ses Commande-  
 mens, ce qui se doit premierement faire que de seruir  
 le Maistre & Seigneur de la maison; S'il y a quelques  
 pauvres gens entre les subjects qui soient reduits en <sup>Secourir</sup>  
 necessité, ou de maladie, ou de pauvreté, la raison re- <sup>les pau-</sup>  
 quiert que le Seigneur leur aide & secoure, & aussi <sup>res sub-</sup>  
 qu'il embrasse la deffense & conseruation de tous, <sup>jects.</sup>  
 pour ne les laisser traualier & opprimer par ceux qui  
 voudroient entreprendre sur eux, ou par gens de  
 guerre passans, & mal-viuans, ou par voisins temera-  
 res, qui souuent ont accoustumé d'entreprendre sur  
 des pauvres payfans desarmez, quand ils voyent qu'ils  
 sont denuez de tout aide & faueur; & pareillement

*La ri-  
chesse des  
subjects  
est le bien  
du Sei-  
gneur.*

doit le Seigneur contenir tous ses subjects en paix, repos & bonne vnion, & faire cesser entr'eux toutes querelles, débats & procez, qui souuent par opinia-  
streté sont cause de les ruiner, & doit estimer le Sei-  
gneur bien aduisé que la richesse de ses subjects, leur bien & reposest le sien mesme, & si en sera tousiours estimé & honoré d'un chacun, & demeurera beaucoup plus content en sa maison, aimé, honoré & obey de seldits subjects, qui prendront à plaisir de rechercher tous moyens de luy faire seruice, recognoissant que tout leur bien & conseruation en despend.

*Les en-  
fants ren-  
dent aux  
peres ce  
qu'ils ont  
fait aux  
leurs.*

Pour fin souuenez vous perpetuellement, mon fils, d'honorer tousiours la memoire & souuenance de vos predecesseurs, & ne permettez iamais qu'on die aucun mal d'eux, car cela toucheroit à vostre honneur; & croyez fermement que vos enfans vous rendront le mesme tesmoignage d'honneur que vous aurez fait à vos predecesseurs, la vertu & merite desquels vous doit tousiours seruir d'exemple, pour estre plus induit à les suiure, & à tousiours bien faire; & Solon entre ses belles Loix qu'il a laissées, ordonna qu'il falloit perpetuellement honorer la memoire de ceux qui estoient decedez, & les reuerer cōme saincts & les estimer tels; punir griefuement ceux qui en voudroient mesdire; & que c'estoit vn crime inexpiable de violer les sepultures, auxquelles les Anciens portoient plus d'honneur aux moindres sepultures de ceux qui auoient vescu & qui estoient morts en reputation d'honneur, qu'ils ne faisoient cas des grands Palais de ceux qui estoient mal estimez; & si le deuoir & la raison nous oblige d'ho-

*Combien  
ancienne-  
ment les  
seigneu-  
res estoient  
honorées.*

norer la memoire de ceux qui ont vescu avec honneur  
 encore que nous ne les ayons point cogneus; d'autant  
 plus y sommes obligez, de ceux desquels nous sômes  
 descendus, puis que nous sommes participans de leur  
 gloire & hôneur qu'ils ont laissée, & que nous deuons  
 tousiours auoir deuant les yeux pour nous seruir d'e-  
 xemple; Prenez conseil en vos affaires de vos plus pro-  
 ches parés que vous ayez, & de ceux qui ont tousiours  
 esté des meilleurs amis de vostre maison, & aussi des  
 anciens seruiteurs, desquels la fidelité est approuuée  
 par le temps & les effets; conseruez tousiours par tous  
 bons offices d'amitié les anciens & bons amis de vous  
 & des vôtres, desquels l'amitié, conseil & iugement,  
 sont plus certains & fideles que de tous autres. Il y au-  
 roit encore beaucoup d'autre chose à vous donner ad-  
 uis; mais l'âge & l'experience vous en pourront donner  
 cognoissance, & seulement pour cette heure ie vous  
 coniureray, & vous ordonneray de demeurer tousiours  
 en ce qui est du principal d'un homme de bien, qui est  
 de viure en la crainte de Dieu, & en l'obseruation de  
 ses Commandemens; de ne vous departir iamais des  
 preceptes de l'Eglise, & de la Religion en laquelle ie  
 vous ay nourry, & des ordonances qui ont esté & se-  
 ront faites par les Conciles & assemblées de l'Eglise,  
 hors laquelle n'y a point de salut, & de repos de con-  
 science, de demeurer tousiours ferme & constant en  
 la conseruation de l'Estat & obeïssance de vostre Roy,  
 & à l'entretienement de l'amitié de vos parens & amis,  
 & d'aimer parfaitement, & cherir vostre femme, ce  
 qui vous apportera tousiours bon-heur à vostre  
 maison, & de prendre vos freres & vos sœurs

Auoir  
 tousiours  
 deuant les  
 yeux les  
 actions  
 loiables  
 de nos  
 predeces-  
 seurs.

Prendre  
 conseil  
 des vieux  
 parés qui  
 se sont  
 tousiours  
 monstrez  
 plus amis.

574      I N S T R U C T I O N D E M O N S I E U R  
qui en auront besoin en vostre protection, comme  
vos enfans mesmes, lesquels quand Dieu vous en au-  
ra donné vous ferez nourrir, & instituer avec la mes-  
me façon & regle que ie vous en donne aduis cy-des-  
sus: & en ce faisant Dieu vous conseruera & tiendra  
en sa grace, en l'honneur & reputation des hommes,  
& en la conseruation & prosperité de vostre fa-  
mille.



A V T R E



A V T R E

# I N S T R V C T I O N

## F A I T E P A R M O N S I E V R

L E C H A N C E L I E R A M A D A M E  
L A M A R Q V I S E D E N E S L E  
sa fille aînée.



O V T ainsi que ie laisse par instruction à mon fils aîné, la façon & l'ordre qu'il a à tenir & à se conduire en sa ieunesse; aussi vous veux-ic laisser par aduis comme il me semble que vous deuez vous comporter en tout honneur & reputation, en l'obeissance du mary que Dieu vous a donné, en la puissance duquel, combien que vous y soyez mise par toutes les Loix diuines & humaines. Si est-ce que pour auoir plus d'experience que ne peut encores auoir vostre mary; ie seray bien aise de vous laisser à tous deux mon aduis, qui ne peut rendre qu'au bien & honneur de tous deux, à l'entretienement de vostre amitié, & à la conseruation de vos amis & de vos biens, & quand vous y prendrez garde dès vostre ieunesse vous en acquerrez d'autant plus de reputation, & vous sera apres plus facile à continuer ce que vous aurez bien commencé; prenez tousiours, ma fille, deuant les yeux, pour le premier establissement de vostre vie,

D D d d

ce qui est de l'honneur & crainte de Dieu & observation de ses saints Commandemens ; car avec cette volonté vous ne pouvez plus faillir, & entrez au sentier de tout l'honneur & reputation que vous pouvez acquérir en ce monde, avec l'esperance d'une vie plus heureuse, qui est éternelle ; vous avez devant les yeux l'exemple d'une vertueuse & deuote mere, qui a tant laissé de tesmoignage d'honneur & de vertu apres sa mort, & encore que vous fussiez jeune, & n'ayant atteint l'age de dix ans quand elle est decedée ; si est-ce que Dieu vous a donné assez d'esprit & iugement pour auoir desia en ce bon aage appris d'elle (prés de laquelle vous estiez, & qui vous aimoit parfaitement ) combien elle auoit de deuotion, respect, & reuerence en tout ce qui estoit des Commandemens de Dieu, & à l'observation de toutes choses ordonnées par l'Eglise, qui est ce qu'elle a tousiours gardé & suiuy depuis son enfance ; qui luy a aussi donné la volonté & le moyen de conduire toutes les autres actions & deportemens, avec toute integrité, chasteté, honneur & vertu qu'une Dame peut auoir. Ce vous est vn beau miroir deuant les yeux, & vn grand aduantage sur les autres, qui sont contrains souuent de rougir quand ils oyent parler de leurs meres, avec moins de respect qu'ils ne desireroient, estimant comme il est veritable que l'honneur ou la honte des meres touche viuement à la reputation des filles, qui sont tousiours en commune opinion parmy le monde, deuoir retenir beaucoup de mœurs & volonteés des meres : Apres ce qui est du Commandement de Dieu, la premiere chose que



vous deuez, c'est l'obeïssance que vous estes obligé rendre à vostre mary, que vous deuez plus qu'à pere & à mere, l'aimant parfaitement & luy portant l'honneur & respect tel que toute femme de bien & d'honneur doit à son mary, qu'elle doit tenir & estimer pour son Chef, Seigneur & Patron; vous deuez aussi aimer & honorer ses parens & amis, cherir & favoriser ceux que vous cognoissez luy estre bôs seruiteurs, aimant le bien & honneur de sa maison & famille; soyez tousiours soigneuse de la santé de vostre mary, comme de ce qui vous touche le plus; le diuertissant par amitié & douceur le plus que vous pourrez de toutes choses que vous cognoissez luy pouuoir faire, & n'offenser sa dispositiō & santé, & s'il aduient qu'il soit malade, rendez luy subjection à le secourir & traitter plus que vous ne feriez vous-mesme si vous estiez malade; regardez tousiours à luy conseiller & donner aduis de tout ce qui est de son honneur & reputatiō, & qu'il ne cognoisse point, ny luy ny d'autre, que le desir que vous auez d'estre aupres de luy, le puisse empescher ou diuertir à les entreprendre, ce qui luy peut seruir à l'occroissement de son honneur; & le plus grand contentement que sçauroit auoir vne femme sage & bien aduisée, est de cognoistre que son mary soit en prix, estimé, & bonne opinion des Rois, Princes, Seigneurs, & autres, qui ne sert pas seulement à l'accroissement des honneurs & dignitez; mais aussi au respect & honneur plus grand, que chacun porte au mary, & consequamment apres à la femme: Que iamais ne sorte de vostre bouche parole qui ne soit honneste, chaste & vertueuse, non seule-

ment en compagnie, mais avec vostre mary, mesmes quelque priuauté que vous ayez avec luy; & ne permettez iamais en ce que vous pourrez qu'en vostre presence il soit tenu des propos deshonnestes, & quand vous ne le pourrez empescher honnestement, retirez vous plustost; car l'opinion en est commune à tous, que les femmes qui prennent plaisir à entendre des paroles lasciuues, ne sont pas esloignees de volonté d'entendre parler d'autres choses deshonnestes; & toute femme de bien ne doit pas seulement estre sans faute, mais doit esuiter le moindre soupçon & deffiance d'un chacun; Ne donnez iamais permission à homme quel qu'il soit de vous parler en priué & en secret; car quiconque ne veut parler que des choses permises & honnestes ne doit point douter de parler haut & en public; & quand les hommes cognoissent que la femme permet de parler en secret, ils prennent la hardiesse apres d'entreprendre de parler plus auant: Fuyez sur tout, ma fille, la compagnie des femmes mal estimees, en mauuaise reputation, & ne permettez iamais d'en tenir près de vous, quelque amitié & affection que vous leur puissiez porter; car vous seriez tousiours estimée telle, comme seront les femmes qui vous seruent & accompagnent; & s'il faut que vous vous trouuiez en compagnie où il y ait quelque remarque, & dont vous ayez ouy parler en mal, ne soyez pas si peu discrete de le cognoistre, ny d'en parler aucunement; mais approchez vous inconrinent, & entretenez celle de la compagnie dont vous aurez ouy dire plus de bien & d'honneur, & par là chacun iugera que vous chercherez vostre

semblable ; & croyez qu'il n'y a rien si dangereux auprès des femmes de bien ; qui corrompent tant les mœurs de celles qui sont bien nées ; qui altèrent tant les bonnes volontez & résolutions de bien vivre ; qui interrompe tant les honnestes amitez & bons menages de ceux qui sont mariez , que les femmes qui ont volonté de se gouverner mal ; tant pour les mauvais artifices dont ils sçauent vser , que pour le desir qu'ils ont de rendre leurs semblables , celles qui sont estimees les plus honnestes & vertueuses , quand avec permission & commandement de vostre mary , vous ferez avec les Reines qui vous ont fait cét honneur de vous prendre en leur Estat , ou avec d'autres Princesses & Dames de qualité , tenez vous tousiours le plus près d'elles que vous pourrez , au lieu & rang neantmoins qui vous est deu , sans vouloir rien laisser perdre de ce qui est du lieu que vous deuez tenir ; car vous feriez tort à vostre mary , & à vous ; mais aussi n'entreprenez pas plus que ce qui vous est deu , car ce ne seroit que querelles avec d'autres Dames , & seriez estimée par ce moyen incompatible avec les Grands : en ce que vous cognoissez que vostre seruice sera agreable aux Reines , rendez vous y subiecte à les seruir ; & quelque honneur & faueur qu'elles vous puissent faire de parler priuéement à vous , ne vous oubliez iamais de deuoir & respect que vous leur deuez , leur parlant tousiours avec la reuerence qui leur est deuë ; & si vous entendez quelque chose de leurs secrets & volontez , n'en parlez iamais à qui que ce soit , fust-ce à vostre mary mesme ; & d'autant plus y deuez vous penser , que l'on a opinion que les femmes ne se peu-

uent taire quand ils ſçauent quelque choſe; ne vous meſlez point des querelles, quand vous verrez que entre les Dames ou autres femmes & filles il y aura quelques choſes entr'elles à démefler, & ſ'il vous en eſt parlé d'une part ou d'autre, perſuadez touſiours l'amitié & l'union, autrement retirez vous de leurs querelles; & ſi vous voyez qu'en voſtre preſence quelqu'une des Dames vueille meſdire ou faire quelque mauuais rapport, ſoit d'hommes ou d'autres femmes, ne dites mot en quelque forte que ce ſoit, & ne reſpondez non plus que ſi vous n'auiez rien ouy: Soyez touſiours quand vous irez, ſoit chez les Reines ou ailleurs, bien & honneſtement accompagnée d'hommes, femmes & filles, & principalement tenez touſiours quelque vieil Gentil-homme, & quelque Dame d'honneur aagée près de vous; car près des ieunes Dames, les vieux ſont mieux ſeans, qui ſont cognoiſtre leur bonne & honneſte conduite & compagnie; & d'autant que c'eſt choſe où les Dames mettent vne partie de leur ſoin qu'à leurs habillemens & parures, & principalement à la Cour; en telles choſes il faut regarder à ne faire trop plus qu'on ne doit, & auſſi à eſtre dignement ſelon ſa qualité, de retenir routes les vieilles façons d'habillemens; aux ieunes il ſemble que ce ſoit par affection pour contrefaire la ſage plus que l'aage ne permet; d'auoir auſſi des premiers habillemens en façon nouuelle, c'eſt teſmoinage de legereté, & de trop grande curioſité, qui donne ſouſçon, apres d'autres volontez legeres; de forte qu'en telles choſes la mediocrité eſt la plus loüable, & d'uſer d'habillemens, & des façons les plus

receuës & accoustumez par le temps; enquoy ne faut faire prouision & grande despenſe, puis que c'eſt la couſtume de France qu'en peu de temps le commun vſage ſe change: Quand vous ſerez aux maiſons & Seigneuries de voſtre mary, prenez garde à bien & honneſtement receuoir ceux qui vous iront viſiter, & à les entretenir ſelon le lieu & le rang qu'ils tiennent, ſelon la parenté qu'ils atouchent à voſtre mary, & auſſi ſelon l'aage; eſtimant qu'il n'y a Gentil-homme ny Dame qui vous aille viſiter, qu'au party de là s'en retournant en ſa maiſon, ne porte telmoignage de vous, & vous louë, ou s'en plaigne ſelon la bonne chere & honneſte reception que vous luy aurez faite, & en peu de temps ſelon le contentement qu'en auront ceux qui vous verront & qui vous auront honneſtement reçeuë, vous ſerez louëe & eſtimée de tous vos voiſins; & apres, cela ſ'eſpandra par tout, qui eſt le but là où vne Dame d'honneur doit tendre, qui eſt d'eſtre louëe, eſtimée & honorée d'un chacun; faites cas principalement des parens & parentes de voſtre mary, auſquels vous deuez porter plus de reſpect qu'à tous autres; tant pour l'honneur que vous deuez à tout ce qui touche à voſtre mary, que pour eſtre de bonne, grande & ancienne maiſon; faites vous aimer auſſi des vaffaux & ſubjects des terres de voſtre mary, les faiſant bien traiter, ſoulager & conſeruer en tout ce que vous pourrez; ſoit par priere que vous en ferez à voſtre mary, quand il ſera prié, ou par les autres moyens que vous pourrez auoir en ſon abſence, & en ce faiſant vous ſerez aimée, louée, & vous rendront grande obeïſſance & reſpect;

Considérez, ie vous prie, que vous estes entrée en vne bonne & grande maison, mais pleine d'affaires, & en laquelle par cy-deuant y a eu beaucoup de mauuais meſnage, où i'ay eſperé quand ie vous en ay fait prendre l'alliance, qu'il ſe pourroit donner ordre par la conduite d'un bon & réglé meſnage, qui ſoit tel que la deſpenſe ne paſſe point la recepte ; mais au contraire qu'il demeure tous les ans quelque choſe de bon, pour ſuruenir à ce qu'il peut arriuer inopinément, autrement vous ne conſerueriez iamais voſtre maison vous ſeriez en vne continuelle peine, & faiſie de voſtre reuenu, & chacun courroit à vous conſtituer & mettre encores en conſuſion & deſordre, pour vous faire vendre ou engager vos terres, & demeurer en neceſſité, abandonnée de tous les voſtres, meſpriſée & mocquée d'un chacun de n'auoir ſçeu donner ordre à viure honorablement, avec vn ſi beau & grand reuenu ; & au contraire ſi vous prenez cœur à bien conduire les affaires de voſtre maison, & à perſuader voſtre mary de ſe moderer en deſpenſe, & de ſe régler ſelon ſon reuenu, vous receurez cét honneur d'auoir remis cette bonne maison, voſtre mary qui en ſentira la commodité le premier, vous en aimera & eſtimera dauantage, vous en ſerez louée de tous ſes parens, chacun en dira beaucoup de bien de vous, & les amis & ſeruiteurs de cette maison beniront l'heure que vous y eſtes entrée, pour vn ſi bon eſſet, & vous-meſme en voſtre vieilleſſe receurez & le fruiſſez & la commodité de la peine que vous aurez priſe, & rendrez les enfans que Dieu vous donnera, ſ'il luy plaist, tres-heureux & obligez à vous, quand dans leur

enfance


enfance il leur sera mis en cognoissance : que ce sera vous qui aurez restauré la maison & conserué leur bien, & qui aurez disposé par vostre honnesteté & sagesse vostre mary à ce qui estoit de la conseruation de son bien. Prenez donc courage, ma fille, en vne chose si louable qui vous est si utile & necessaire; & croyez vostre pere, qui vous ayme plus que vous ne faites vous mesmes, qui cognoist mieux ce qui vous est honneste & necessaire, & vous louerez Dieu quelque iour que vous en sentirez le fruit de l'auoir creu, & suiuy son aduis: aidez-vous à si bon effet des vieux seruiteurs de la maison, que vous sçaurez gens de bien & fideles, qui prefereront le seruice du maistre à leur commodité particuliere; & considerez tousiours particulièrement toutes leurs actions & deportemens, car les effets donnent certain iugement du tout, & ne vous sera que bien honneste d'implorer l'aide de vos parens & amis quand ils vous pourront aider à faciliter vos affaires par leur faueur & recommandation; car vous ne deuez iamais emprunter de vos amis, lesquels peuuent auoir des affaires de leur costé comme vous en auez de vostre part, & la requeste est mal honneste de prier de ses amis de se descouurir pour couvrir vn autre. Tenez vostre despenſe bien reglée, & telle quelle puisse durer: & les plus aduisez la font petite quand ils sont seuls, pour la faire plus honorable quand il suruiuent compagnie: & si vous estes seule, vostre mary estant allé en quelque voyage, il ne vous sera que bien honorable de faire petite despenſe, pour faire connoistre l'enuie que vous auez d'acquitter la maison, & la bien regler à l'aduenir. Quand Dieu vous

aura donné des enfans, faites les bien nourrir, & près de vous, car rien n'en peut estre plus soigneux que vous mesmes en la premiere enfance, où ils ont sur tout besoin de la presence de la mere : & quand ils deuiendront plus grands, prenez peine de les bien faire instituer en la crainte de Dieu, en vne obeïssance, & en toutes choses honnestes & de vertu : entretenir tousiours vne bonne & parfaite amitié entre vostre mary & vos freres & sœurs, lesquels se peuuent aider & seruir les vns aux autres ; & i'espere nourrir vos freres en sorte que vous n'en receurez point de charge, mais que tout plaisir, amitié & contentement : qui vous fera tousiours la plus grande consolation que vous sçauriez auoir ; comme la chose que vous deuez le plus aimer apres vostre mary & moy *qui suis vostre pere* : prenez donc ce conseil, ma fille, comme de la personne de ce monde qui vous aime le plus, qui a le plus de soucy de vostre honneur & reputation, & qui desire le plus vostre bien, avec toute prosperité & contentement.

F I N.



## Au Lecteur.

 *ES Memoires ayant esté imprimez en l'absence de celuy qui auoit charge d'y prendre garde, contrainct d'entreprendre un voyage, cela a esté cause qu'il y a eu une transposition de quatre fucillets, mesmement de la piece qui commence la page 203. Et outre se sont glissées quelques fautes, en l'orthographe d'aucuns noms propres, ce qui est icy corrigé Et redressé au mieux qu'il a esté possible.*

---


### Fautes suruenues en l'Impression.

**P**Age 6. ligne 12. rayez, & audit pais de Bretagne; ligne 15. lisez d'Auray, ligne 22. Vejul, lisez Vuil, & ainsi aux autres endroits. Page 10. li 5. lisez, & arriua; ligne 10. sortez, lisez sortis. Page 14. ligne 2. Chanfrauf, lisez Chanfreau, & ainsi aux autres lieux. Page 20. lig. 28. lisez Port de Pille. Page 32. l. 8. lisez de Sanfac, & l. 9. lisez d'Varty. Page 35. l. 26. lisez Tanchin. Page 36. l. 19. lisez Sauuo. Page 42. l. 22. lisez d'Eclimont. Page 53. l. 18. à Riom, lisez à Clermont. Page 68. l. 25. lisez Cleruant. Page 89. l. 24. & 25. Bagny, lisez Poigny. Page 91. l. 20. & 28. lisez Reclainuille. Page 98. l. 13. Mars, lisez May. Page 101. l. 30. rayez ayant esté, & lisez, fut sur le point d'estre. Page 102. l. 19. Gié, lisez Beiz. Page 104. l. 9. Boissoris, lisez Boiff-front. Page 107. ligne 22. Cochetillet, lisez de Cocheffillet. Page 106. l. 13. lisez Nonancourt. Page 108. l. 23. haut, lisez seau. Page 115. l. 22. Saint Lionard, lisez Saint Gouard. Page 131. l. 29. d'Aumale, lisez de Nemours. P. 147. l. 21. Rourg, lisez Rouuray, & ainsi en la page suivante. Page 153. ligne dernière, lisez Richardot, & ainsi aux pages suivantes. Page 154. l. 14. Roquemont, lisez de la Cour. Page 164. l. 12. Amboise, lisez Amblise, & ligne 22. lisez Vaugrenant. P. 165. l. 4. Maistre, lisez Messire. Page 166. l. 8. lisez Gondy quiluy, & l. 9. mias lisez mais. Page 167. l. 29. emporterent, lisez assiegerent. Page 167. l. 13. lisez un homme d'Orleans. Page 170. l. 10. commencement, lisez cou-

sentement. Page 181. l. 8. lisez Nantes. Page 184. l. 29. Baudrois, lisez Baudouin.  
 Page 185. l. 13. rayez & ledit sieur du Perron nommé à l'Euesché d'Eureux avec  
 lui. Page 187. l. 11. & 12. desdits sieurs, lisez dudit sieur de Neuers enuoyé expres  
 à cet effect, & l. 27. s'auantager, lisez l'auancer. Page 191. l. 19. Euesque, lisez  
 Archeuesque. Page 201. l. 27. rayez jallent le sieur du Perron nommé à l'Euesché  
 d'Eureux à Rome, pour y poursuire & auancer le reste en son temps. Page  
 203. il faut transposer ce fueillet, qui commence ARTICLES, & les quatre fueil-  
 lets suiuaus avec les deux premieres lignes de la page 213. & inserer lesdits cinq  
 fueillets en la page 252. apres la ligne neuf qui finit 1596. ~~Page 213. l. 7. recherches,~~  
 lisez choisir. Page 215. l. 16. & 17. lisez Ponleuoy, & ainsi aux autres endroits.  
 Page 220. l. 13. du sieur l'Huillier Procureur des Marchands d'icelle, & l'Anglois  
 Elcheuin, quitous quatre firent. Page 223. l. 29. d'Encra, lisez de Ibara. Page  
 229. l. 8. Quitteur, lisez Recteur. Page 251. l. 3. & 4. le sieur du Perron nommé  
 à l'Euesché d'Eureux avec, & l. 5. apres le mot Romaine, lisez lequel avec le  
 sieur du Perron nommé à l'Euesché d'Eureux depuis. Page 252. l. 20. lisez Pon-  
 leuoy, & p. 253. l. 8. lisez aussi Ponleuoy. Page 257. l. 16. lisez Vigner nommé la  
 Pante, lisez Viguier nommé Calaut. Page 263. l. 22. lisez Hernand Teille, &  
 de mesme page 264. & p. 265. l. 2. & l. 7. & p. 67. l. 1. & l. 23. vn nommé de  
 l'Espargie, lisez & celui de l'Espargie. P. 68. l. 14. lisez Hernand Teille,  
 Page 270. l. 5. de Mont, lisez de Monenegre. Page 275. l. 7. lisez munitions.  
 Page 279. l. 1. oncle, lisez parent, & l. 3. frere, lisez & encore parent du Duc de  
 Florence. Page 281. l. 30. Richardet, lisez Richardot, & ainsi p. 285. l. 11. p. 280.  
 l. 20. de Vilape, lisez Velasque. Page 299. l. 1. son frere, lisez son oncle. Page  
 310. l. 9. Marguerite, lisez Catherine. Page 311. l. 9. apres Vicomtesse, lisez de  
 Limoges. Page 320. l. 3. frere, lisez pere. Page 332. l. 16. affection, lisez affliction.  
 Page 333. l. 13. Bassac, lisez Balsac. Page 337. l. 3. lisez Pontleuoy, & ainsi aux au-  
 tres lieux. Page 349. Fehsian, lisez Falaiseau, & de mesme en la p. 351. p. 398. l. 15.  
 lisez Philosophe. Page 466. l. 23. lisez nerfs. Page 480. l. 15. & 16. Agincourt,  
 lisez de Crecy, & en la mesme ligne 16. deux Rois, lisez vn Roy. Page 488. l. 4.  
 apres Henry, adioustez deuxiesme, ligne 17. lisez Monmoreau, ligne 10.  
 Dampnelle, lisez Damuille, & ligne 11. apres Henry, adioustez troisieme, &  
 ligne 12. lisez Villequier, ligne 15. Siuter, lisez Simier. Page 491. l. 11. lisez ma-  
 jeurs. Page 517. l. 20. n'auoir, lisez audir.

# GENEALOGIE DE LA MAISON DES HVRAVLTS,

DE LAQUELLE SONT SORTIS LES  
Seigneurs de Saint Denis, de Vibraye, d'Huriel, de  
Cheuerny, du Marais, de Veuil, de Bel-esbat,  
de Bois-raillé, d'Auneux, & autres.



LES ARMES DE LA MAISON DES  
HVRAVLTS sont d'Or, à la Croix plainne d'azur, cantonnée  
de quatre ombres de Soleils de gueules.



A P A R I S,

Chez PIERRE BILLAINE, rue Saint Jacques, à la  
Bonne-Foy, deuant Saint Yues.

M. DC. XXXVI.

AVEC PRIVILEGE DV ROY.

# TABLE GENEALOGIQUE

## DE LA MAISON DES HVRAVLT.

1. JEAN HVRAVLT I. du nom, Cheualier.

2. PHILIPPES HVRAVLT I. du nom.

3. RAOVL HVRAVLT,  
I. du nom.

PHILIPPES HVRAVLT II. du nom.

4. JEAN HVRAVLT II. Seigneur de  
sainct Denis.

5. JEAN HVRAVLT III. du nom, Sei-  
gneur de S. Denis & de la Grange.

6. DENIS HVRAVLT I. du nom,  
Seigneur de S. Denis.

RAOVL HVRAVLT Seigneur  
de la Grange, duquel sont sor-  
ties les Branches de Vibraye,  
de Cheuerny & de Veuil.

7. JEAN HVRAVLT IIII. du nom,  
Seigneur de S. Denis.

8. DENIS HVRAVLT II. du nom, Seigneur de S. Denis.

9. IACQUES HVRAVLT I. du  
nom, Seigneur de S. De-  
nis, & de Ville-luyfant.

MARIE.  
JEANNE.  
IACQUELINE.

LOUISE.  
SOVLAIN.

10. IACQUES HV- LOUIS S.  
RAVLT II. de Ville-  
du nom, Sei- luyfant.  
gneur de S. Denis.

DENIS, nommé RAOVL,  
Euesque d'Or-  
leans.

IACQUELINE.  
ELISABETH.  
MARIE.  
ANNE.

LOUISE.

IVDITH.

11. ANNE HVRAVLT Seigneur de S. Denis.


MARGVERITE.

12. ANNE HVRAVLT II. du nom.

MARGVERITE.



BRANCHE  
DES SEIGNEURS  
DE SAINT DENIS  
ET DE VILLE-LVISANT.

1.  EAN HVRAVLT I. du nom, Cheualier, viuoit souz Philippes le Bel Roy de France, & seruit en ses guerres Iean II. du nom Duc de Bretagne, qui le fit son pensionnaire, & en mourant, par son Testament fait en la ville de Lyon l'an 1305. luy donna pour ses fideles seruices vne somme de deniers. Il appert de ce Testament, & des quittances données par IEAN HVRAVLT, du legs qui luy fut fait, & de sa pension, au Tresor des Chartres de Bretagne; lesquelles quittances sont seellées de ses Armes, composées d'une Croix & de quatre Soleils, qui sont les mesmes que ceste famille porte encores à present. La posterité de ce IEAN HVRAVLT, & les diuerses Branches qui sont sorties de luy, comme d'une féconde Tige, ont esté tirées, tant de la preuue que PHILIPPES HVRAVLT Comte de Cheuerny, Chancelier de France fit, lors qu'en l'an 1578. il fut receu Commandeur, & Chancelier de l'Ordre du S. Esprit, que de plusieurs tiltres domestiques & autres, & de quelques Registres des Cours Souueraines, Chambres des Comptes, bonnes Histoires, & autres preuues authentiques.

2. PHILIPPES HVRAVLT I. du nom, Cheualier, fils de IEAN HVRAVLT sus-mentionné, suiuit le party de Charles de Blois Duc de Bretagne, nepueu du Roy Philippes de Valois, aux guerres qu'il eut cōtre Iean Comte de Montfort & contre les Anglois, & mourut avec le mesme Duc Charles

4 *Genealogie de la Maison*  
à la bataillë d'Auray l'an 1364. laissant les deux enfans qui se voyent en suite.

3. **RAOVL HVRAVLT**, Cheualier.

3. **PHILIPPES HVRAVLT II.** du nom, Escuyer, continua la posterité masculine de ceste Maison.

3. **RAOVL HVRAVLT** Cheualier, fils aîné de **PHILIPPES I.** du nom, apres la mort du Duc Charles, seruit Jean de Montfort Duc de Bretagne IIII. du nom, surnommé le Conquerant, & luy iura & bailla sa promesse d'alliance & de serment de fidelité, avec plusieurs autres des principaux Barons & Cheualiers de Bretagne, pour le seruir à la conqueste du Duché. Ceste promesse est au Tresor des Chartes de Bretagne en date de l'an 1379. & scellée des Armes de **RAOVL HVRAVLT**, telles que ses pere & ayeul **PHILIPPES** & **JEAN HVRAVLT** les portoient, comme il a esté dit.

3. **PHILIPPES HVRAVLT II.** du nom, Escuyer, Seigneur de S. Denis sur Loire, & de la Grange en Solongne, fils puîné de **PHILIPPES HVRAVLT I.** du nom, se retira en France apres la mort de Charles de Blois Duc de Bretagne, fut Capitaine de la ville & Chasteau de Blois, & mourut l'an 1374. Il est enterré en l'Abbaye de Bourg-moyen, où il fonda vne Chappelle. Il appert de sa Noblesse, & d'aucuns de ses descendans, par les lettres parentes que le Roy Charles VII. oütroya l'an 1430. à **DENIS HVRAVLT** Seigneur de S. Denis l'un de ses successeurs; par vn Extraict de la Chambre des Comptes de Blois, & outre par quelques Sepultures qui se voyent es Eglises de S. Denis & de Bourg-moyen.

4. **JEAN HVRAVLT II.** du nom, Seigneur de saint Denis & de la Grange, fils de **PHILIPPES HVRAVLT II.** du nom, en l'an 1404. rendit vn adueu à Louis fils de France, Duc d'Orleans & Comte de Blois, frere du Roy Charles VI. Il fut aussi enterré en l'Abbaie de Bourg-moyen, près du mesme **PHILIPPES HVRAVLT** son pere.

5. **I**EAN HVRAVLT III. du nom (en son ieune aage sur-nommé Ieanin) Escuyer Seigneur de saint Denis & de la Grange, fils de Iean II. cy-dessus remarqué, laissa les deux enfans qui se voyent nommez en suite, l'un & l'autre ayant laissé vne longue posterité; laquelle s'est estenduë en diuerses Branches.

6. DENIS HVRAVLT, Seigneur de S. Denis.

6. RAOVL HVRAVLT, Seigneur de la Grange, la lignée duquel, dont procedent les Branches de Vibraye & de Cheuerny, sera deduite apres celle de son frere aîné qui est cy-dessous représenté.

6. **D**ENIS HVRAVLT I. du nom, Seigneur de S. Denis, fils aîné de IEAN HVRAVLT III. du nom, Seigneur du mesme lieu, accompagna ce grand & valeureux Chef de guerre Iean Bastard d'Orleans Comte de Dunois, fils naturel de Louïs de France Duc d'Orleans, aux guerres contre les Anglois, comme il se void par les lettres patentes sus-mencionnées du Roy Charles VII. de l'an 1430.

7. **I**EAN HVRAVLT IV. du nom, Seigneur de S. Denis, fils de DENIS HVRAVLT I. du nom, fut Maistre d'Hostel de Charles Duc d'Orleans & de Milan, pere du Roy Louïs XII. & receut l'honneur de la sepulture dans l'Eglise de sa Seigneurie de S. Denis. Il fut conioint par mariage avec I E A N N E DE REFUGE, fille de Raoul de Refuge, Cheualier, Chancelier & Intendant general des Finances du mesme Duc d'Orleans, & de Marie Cadier son espouse. Le decès du mesme Seigneur de S. Denis aduint l'an 1487. Ses enfans firent partage en l'annee suiuite, entre lesquels se remarque celuy qui suit.

DE REFUGE.

D'argent à deux fasces de gueules, chargées de deux touleures, ou giures d'azur, affiontees, posées en pal, & brochante sur le tout.

8. **D**ENIS HVRAVLT II. du nom, Seigneur de S. Denis, fils de I E A N IV. & de Ieanne de Refuge sa femme, rendit vn adueu à Louïs Duc d'Orleans l'an 1495. & fut Capitaine de la ville & Chasteau de Blois; Il deceda enuiron l'an 1538. delaisant vn fils & cinq filles, remarquez en suite.

9. IACQUES HVRAVLT I. du nom, Seigneur de S. Denis continua la posterité de ceste Branche.

9. MARIE HVRAVLT fut alliée par mariage en premieres nopces avec le sieur de Monuilliers; & en secondes avec le sieur de la Caille.

---

BERNARD  
CHAMPIGNY

Escartelé au 1. &  
4. de sable au  
Roc d'argent, au  
1. & 3. d'argent  
au Roc de sable,  
sur le tout d'azur  
à la fleur de lys  
d'or.

9. IEANNE HVRAVLT femme de Iean Bernard, Escuyer Seigneur de Champigny & de Bretignoles; D'eux sortit Iean Bernard Seigneur des mesmes lieux, qui espousa Ieanne de la Ramée, fille du sieur du Plessis Henault. Louis Bernard Escuyer Seigneur de Champigny leur fils fut marié avec Ieanne de Gottié fille de Iean de Gottié Seigneur de Ville-neuve la Guiard, & d'eux est issu Louis de Bernard, Cheualier Seigneur de Champigny, lequel de Claude Camus de Pontcarré sa femme a eu Nicolas de Bernard.

---

DE  
MALHERBES.

9. IACQUELINE HVRAVLT espousa René de Malherbes sieur de Pouilly.

---

DV RV.

9. LOVYSE HVRAVLT femme de François du Ru, sieur de Mesneü.

---

DE VILLE-  
BRESME.

D'or au Dragon  
ailé de gueules  
mêlé de mesme.

9. SOVLAIN HVRAVLT fut coniointe par mariage avec Claude de Ville-bresme, Cheualier Seigneur de Fougères & de Boissay.

---

HVRAVLT.

Comme cy-de-  
uant.

9. IACQUES HVRAVLT I. du nom, Cheualier Seigneur de S. Denis & de Ville-luisant, fils de Denis Hurault II. du nom, espousa (apres dispense obtenüe) MARIE HVRAVLT sa parente, fille de Raoul Hurault II. du nom, Seigneur de Cheuerny, & de Marie de Beaune sa femme. De ce mariage sortirent huit enfans, à sçauoir

10. IACQUES HVRAVLT II. du nom, Cheualier Seigneur de S. Denis, a eu lignee.

10. LOVIS HVRAVLT, Cheualier Seigneur de Ville-luisant, duquel sera parlé plus amplement cy-apres.



10. DENIS HVRAVL Abbé de la Pelisse & du Brueil fut en l'an 1584. nommé par le Roy Henry III. à l'Euesché d'Orleans, & donné pour coadiuteur à Mathurin de la Saussaye qui en estoit Euesque; mais il ne fut sacré, & ceda son droit au mesme Euesché à Germain Vailant de Guelis, Abbé de Pimpont, Conseiller au Parlement de Paris.

10. RAOVL HVRAVL Abbé de Claire-fontaine.

10. IACQUELINE HVRAVL espousa Estienne de Cremeur Escuyer Sieur de Gast près de Gallardon.

---

DE  
CREMEUR.

10. ELIZABETH HVRAVL fut mariee deux fois; premierement avec Philippes le Comte, sieur d'Ambeuille, puis avec Jean le Moyon sieur de Brunelles.

---

LE COMTE.

---

LE MOYON.

10. MARIE HVRAVL fut alliee avec René sieur du Fai.

---

DV FAY.

10. ANNE HVRAVL Abbessse de Leauue près Chartres.

10. **I**ACQUES HVRAVL II. du nom, Cheualier Seigneur de S. Denis, fils aîné de Jacques I. du nom & de Marie Hurault sa femme, fut conioint par mariage en l'an 1582. avec DEBORA DE GVERCHY, fille de Georges de Guerchy Seigneur de Vaux près la ville de Melun, & de Jacqueline de Silly son espouse. Apres le decés de ce IACQUES HVRAVL auenu en l'an 1600. la Dame de S. Denis sa veufue espousa en l'an 1602. Georges de Fesnieres Cheualier Seigneur de Morainuille, & en eut des enfans. Ceux de son premier espoux sont remarquez en suite.

---

DE  
GVERCHY.

D'or à trois pals  
de gueulles au  
chef d'or coupé  
de gueulles.

11. ANNE HVRAVL Cheualier Seigneur de S. Denis.

11. N. HVRAVL.

11. MARGVERITE HVRAVL femme de N. Sublet, Seigneur de Hebercourt.

11. **A**NNE HVRAVL I. du nom, Cheualier Seigneur de S. Denis fils de Jacques Hurault II. du nom aussi Seigneur du mesme lieu, prit alliance avec MARIE CHAVVET, de laquelle il a eu plusieurs enfans, entr'autres vn fils & vne fille qui suivent.

---

CHAVVET.

12. ANNE HVRAVL II. du nom.

12. MARGVERITE HVRAVL femme du sieur de Rochembauld près de Vendosme.

10. **L**OVIS HVRAVL Cheualier Seigneur de Ville-luisant, fils puisné de Iacques Hurault I. du nom, Seigneur de S. Denis, & de Marie Hurault sa femme, rendit de signalez seruices au Roy Henry III. qui l'honora d'une charge de Mestre de Camp d'un Regiment. Il accompagna Monsieur le Duc de Joyeuse, Pair & Admiral de France, Lieutenant general du Roy en l'armée conduite en Poitou contre ceux de la Religion pretenduë reformée, se trouua & combattit à la deffaire des troupes rebelles à la Mothe S. Eloy; s'estant avec le Marquis de Nesle son allié, & autres Seigneurs mis à pied pour combattre & forcer les barricades. Depuis, ce Seigneur qui estoit en garnison au Chasteau de Lassay au pais du Maine pour le seruice du Roy, fut mal-heureusement assassiné dans l'Eglise de ce lieu par ceux qui auoient dessein sur la place, le 15. Iuin 1589. Il auoit espousé IVDITH DE CHAVVIGNY, sortie de la Maison de Chauuigny & de Bois-front au mesme pais du Maine; Il en laissa deux filles, qui sont cy-dessouz remarquées. La mesme Dame de Ville-luisant espousa en secondes nopces Iean de Madaillan, Cheualier, Seigneur de Montataire, Lieutenant de la compagnie de Gens-d'armes de Monseigneur Henry de Bourbon II. du nom Prince de Condé.

DE  
CHAVVIGNY.

D'Hermes à  
la fasce de deux  
pieces de gueules,  
& trois  
tourteaux de  
mesme en chef.

11. LOVISE HVRAVL femme du sieur Palot Conseiller du Roy en son Conseil d'Etat.

11. IDITH HVRAVL femme du sieur de la Bretonniere.

SVITE

BRANCHES  
DES SEIGNEURS  
DE LA GRANGE,  
des Marquis  
DE VIBRAYE;  
& des Barons  
D'HVRIEL  
Des Comtes de CHEVERNY & de  
LIMOVS.



*Les Seigneurs de la GRANGE, comme puisnez de la Maison des HVRAVLTS, briserent leurs Armes d'une Coquille d'argent sur le haut de la Croix d'azur : Laquelle brisure ou difference fut depuis laissée par les Comtes de CHEVERNY, qui prirent les Armes plaines.*

# SVITE DE LA TABLE GENEALOGIQUE DE LA MAISON DES HVRAVLTS.

5. JEAN HVRAVL III. du nom  
Seigneur de S. Denis.

6. DENIS HVRAVL du- RAOVL HVRAVL I. du nom,  
quel sont issus les autres Seigneurs de la Grange en Soulongne.  
Seigneurs de S. Denis.

7. IACQUES HVRAVL I. du nom, Seigneur de la Grange, de Cheuerny, & de Vibraye. JEAN HVRAVL, Seigneur de Bois-taillé, duquel sont issus les autres Seign. de Bois-taillé, de Bel-esbat & d'Auneux.

8. RAOVL HVRAVL II. du nom, Seign. de Cheuerny. IACQUES Euesque d'Aurun. PHILIP- LIP- PES. JEAN Sci- gneur de Vueil. MARIE. CATHERINE. JEANNE.

9. IACQUES DENIS JEAN. PHILIPPES HV- MARIE.  
Seigneur HVRAVL Comte de  
de Vibraye Baron RAOVL. Cheuerny, Chan- JEANNE.  
II. du nom. d'Huriel. celier de France.


10. ANNE DENTS MARIE. HENRY PHILIP- LOUIS MARGVE-  
HVR. nommé HVR. PES Euef- Comte RITE.  
Baron Euesque Côtéde que de de Li- ANNE.  
d'Hu- d'Or- Che- Char- mours. CATHER.  
riel. leans. uerny. tres.

11. IACQUES CATHE- HENRY PHILIP- MARC VERITE-  
III. du nom RINE. HVR. PES ANNE.  
Marquis de Baron HVR. ANGELIQUE.  
Vibraye.

12. N. HVRAVL  
Baron d'Huriel.



BRANCHE  
DES SEIGNEURS  
DE LA GRANGE,  
DES MARQUIS DE VIBRAYE,  
ET DES BARONS D'HURIEL.

6.  AOV L HVRAYLT I. nom, Escuier Seigneur de la Grange en Solongne, Maistre d'Hostel de Charles Duc d'Orleans, pere du Roy Louis XII. estoit fils puisné de Jean Hurault troisieme du nom, Seigneur de S. Denis; & fut pere des deux enfans, qui sont cy-apres remarquez: Il brisa ses Armes d'une Coquille d'argent sur le haut de la Croix d'azur, comme estant forté d'un puisné de la Maison.

7. IACQUES HVRAYLT Seigneur de la Grange & de Cheuerny, eut lignée.

7. JEAN HVRAYLT Seigneur de Bois-taillé, la posterité duquel se verra deduite apres celle de Jacques son frere aîné.

7. IACQUES HVRAYLT I. du nom, Cheualier, Seigneur de la Grange, de Cheuerny, de Vibraye, de Vueil, & Baron d'Huriel, fut en ses ieunes ans au service de Charles fils de France Duc de Berry, frere du Roy Louis XI. qui le retira aussi à son service apres la mort du Duc Charles, comme fit le Roy Louis XII. lequel l'establit Gouverneur du Comté de Blois. Il acquit la Baronnie d'Huriel, fonda l'Eglise de S. Jacques de la ville de Blois, où il est enterré; & fut

employé en de grandes & honorables charges & Ambassades, mesmement vers les Suisses, ayant le premier moyenné leur alliance avec la France, & dextrement negocié ce secours estranger. Il fut aussi General de France souz le mesme Roy Louis XII. l'un des quatre de son Conseil, & Surintendant des Finances. Son decés aduint le 25. iour d'Octobre l'an 1517. estant aagé de 80. ans. Il fut conioint par mariage avec MARIE GARANDEAV, fille de Pierre Garandeau, sieur de la Haudumiere & de la Lucerie, & de Jeanne le Masse sa femme. Elle deceda en la mesme ville de Blois le 8. d'Aoust l'an 1503. laissant le Seigneur de la Grange son mary pere de quatre fils & de trois filles, à sçauoir

GARANDEAV

D'argent à l'Ancre de sable, petite en pal.

8. RAOVL HVRAVLT II. du nom, Seigneur de Cheuerny continua la lignée de ceste Maison.
8. IACQUES HVRAVLT fut esleu & nommé Euesque d'Authun en Bourgogne enuiron l'an 1512. Il mourut à Blois au mois de Iuin 1546. apres auoir tenu trente-quatre ans le Siege Episcopal. Le sieur du Bellay en ses Memoires represente la disgrace qu'il eut, ayant esté soupçonné d'auoir participé aux conseils de Charles de Bourbon Connestable de France, quand il sortit de France; & adiousté, que depuis le Roy François I. luy pardonna, & le remit en ses biens. Il fut aussi Abbé de S. Lomer de Blois & de S. Estienne de Dijon; & eut pour successeur en l'Euesché d'Autun, Hippolyte d'Est Prince de la Maison de Ferrare.
8. PHILIPPES HVRAVLT Abbé de Marmonstier lez Tours, de Bourgueil en Anjou, de S. Nicolas d'Angers & de S. Pierre de Sens: Il viuoit en l'an 1555. & fut parrain de son neveu le Comte de Cheuerny Chancelier de France.
8. JEAN HVRAVLT Seigneur de Vucil, duquel sera parlé plus amplement cy-apres en son lieu.
8. MARIE HVRAVLT fut cōiointe par mariage en l'an 1512.

avec LOUIS D'ESTAMPES Cheualier Seigneur de Valençay en Berry, Bailly & Gouverneur de Blois, fils de Robert d'Estâpes, Seigneur de Salebris, Seneschal de Bourbonnois. De cette alliance sortirent trois enfans, à sçauoir Jacques d'Estâpes, Cheualier Seigneur de Valççay, lequel de Ieanne Bernard, fille de Iean Bernard, Cheualier Seigneur d'Estiau en Anjou, & de Louïse Brethe, a eu pour fils Iean d'Estampes Seigneur de Valççay, d'Estiau & de Longué, Cheualier des Ordres du Roy, Conseiller en ses Conseils, Capitaine de cinquante hommes d'armes des Ordonnances, lequel de Sarra de Happlaincourt sa femme, fille de Iean, Seigneur de Happlaincourt, & de Barbe d'Ognies, a procréé six fils & trois filles, à sçauoir: Jacques d'Estampes, Seigneur de Valençay, qui suit: Leonor d'Estampes Euesque de Chartres & Abbé de Bourgueil: Louis d'Estampes, Seigneur d'Estiau tué pour le seruice du Roy au siege de Montauban: Achilles d'Estampes Commandeur & Grand Croix de Malte, esleu General de l'Armée de l'Ordre par terre en l'an 1635, dit le Cheualier de Valençay: Iean d'Estampes, Conseiller du Roy en ses Conseils, & Maistre des Requestes de l'Hostel de sa Majesté, & President au Grand Conseil, qui a espousé N. le Gruel, fille du sieur de Moruille, dont il a trois filles: Claude d'Estampes, Baron du Lis, mort ieune. Elisabeth d'Estampes deuiexime femme de Louis de la Chastre, Baron de la Maison-fort, Marechal de France, dont est issuë Louïse Henriette de la Chastre femme de François de Valois Comte d'Alais. Charlotte d'Estampes, espouse de Pierre Brullard Cheualier, Marquis de Puisieux, Secrétaire d'Etat. Marguerite d'Estampes, femme de Michel de Beauclerc, Baron d'Acheres, Commandeur, Preuost & Maistre des Ceremonies des Ordres du Roy.

Jacques d'Estâpes, Seign. de Valençay & de Happlaincourt, Cheualier des Ordres du Roy, Lieutenant Colonel de la Cavalerie legere, Gouverneur de Calais & de Montpellier, a espousé Louïse de Ioigny fille d'Oudard de Ioigny Seigneur de Belle-brune & de Ieanne de Mo-

b iiij

D'ESTAMPES;

D'azur à deux  
Girons d'or mis  
en cheuron; au  
chef d'argent,  
chargé de trois  
Coutonnes de  
guculles.

rainuillier. De cette alliance sont sortis les enfans qui suivent, à sçavoir, Jean d'Estampes Baron de Valençay; qui fut tué au siege de Priuas, & a laissé deux filles. Dominique d'Estampes, Seigneur d'Happlaincourt, conducteur du Ban & arriere-ban des Prouinces de Berry, Blaisois, Orleannois & autres. Henry d'Estampes Cheualier de Malthe, Commandeur de Metz. Sarra d'Estampes, decedée en ieunesse. Charlotte d'Estampes Religieuse à Faren-moustier. Leonord d'Estampes.

---

DE  
PONCHER.

D'or au chevron  
de gueules, brisé  
en pointe d'une  
celle de More,  
tortillée d'argët.  
le chevron ac-  
compagné de  
trois Coquilles  
de sable. 1. c.

---

DES  
MOVLINS.

8. CATHERINE HVRAVL, fille puînée de Jacques Hurault I. du nom, fut femme de JEAN DE PONCHER, Cheualier Seigneur de Limours & de Bretauourt, General des Finances; duquel mariage sortirent Estienne de Poncher Archeuesque de Tours, & Nicolas de Poncher sieur de Chanfreau, President en la Chambre des Comptes à Paris, regnant François I. mort sans enfans, & Marguerite de Poncher femme de JACQUES HVRAVL Seigneur de Vibraye, comme il sera veu cy-apres plus particulièrement.

8. JEANNE HVRAVL femme de JEAN DES MOVLINS, Conseiller & Secretaire du Roy, Maison & Couronne de France.

8. **R**AOVL HVRAVL II. du nom, Cheualier Seigneur de Cheuerny, de la Grange, de Cour sur Loire, de Vibraye, & Baron d'Huriel, General de France, fils aîné de Jacques Hurault, Seigneur de la Grange, mourut en Italie deuant la ville de Naples, au mois d'Aoust 1527. dans le camp de Monsieur de Lautrec Odet de Foix, Lieutenant general du Roy François I. Son corps fut inhumé dans l'Eglise des Jacobins de Padouë: mais depuis il fut transporté en France, & déposé dans la Chapelle de Cheuerny, par le soin & la pieté de son fils Philippes Hurault Comte de Cheuerny, Chancelier de France. RAOVL espousa MARIE de BEAVNE, fille de Jacques de Beaulne Baron de Sainblançay, Vicomte de Tours, & de Jeanne Ruzé sa femme. Laquelle Dame de Cheuerny mourut en l'an mil cinq cens soixante sept, ayant

---

DE  
BEAVNE.

De gueules au  
chevron d'argët,  
accompagné de  
trois Besans d'or,  
1. en chef, 1. en  
pointe.



atrain vn long aage, & delaissant cinq fils & deux filles cy-deffouz representez.

9. IACQUES HVRAVLT deuxiesme du nom, Seigneur de Vibraye, Cheualier de l'Ordre du Roy, & son Maistre d'Hostel, espousa (comme il a esté dit, apres dispense) MARGVERITE DE PONCHER fille de Iean de Poncher Seigneur de Bretau-court & de Catherine Hurault sa femme. Ceste Dame de Vibraye auoit de grands biens, estant Dame des Terres & Seigneuries d'Escumont, de Bretau-court, du Tremblay, de Chanfreau, & autres, desquelles elle disposa en faueur de son beau-frere, & cousin germain le Seigneur Comte de Cheuerny Chancelier de France. Elle mourut le 28. iour de Nouembre 1580. Le sieur de Vibraye son mary estant aagé de 74. ans deceda le 2. iour de May l'an 1588. & se voyant sans enfans institua son heritier IACQUES HVRAVLT son petit neveu, fils de Denis Baron d'Huriel son frere.

---

D E.  
PONCHER.

Comme cy-def-  
sus.

9. IEAN HVRAVLT Prieur de Montiers.

9. RAOVL HVRAVLT Prieur de Montcreau-faut-Yonne.

9. DENIS HVRAVLT, Baron d'Huriel, continua la lignee de ceste famille.

9. PHELIPPES HVRAVLT, Comte de Cheuerny, Chancelier de France, a aussi eu la posterité qui sera deduite apres celle de Denis son frere.

9. MARIE HVRAVLT femme de IACQUES HVRAVLT, Cheualier Seigneur de Saint Denis, comme il a esté cy-deuant remarqué plus particulièrement.

---

HVRAVLT.

Comme cy-def-  
sus.

9. IEANNE HVRAVLT espousa LOVIS LE VENDOSMOIS Seigneur d'Alcray.

---

L E  
VANDOMOIS;

D'Hermiers

Chef de gucules, chargé de trois fasces d'or,

DE LA  
BOISSIERE.

9. **D**ENIS HVRAVLT, Cheualier, Baron d'Huriel, & Seigneur de Preçy, quatriesme fils de Raoul Hurault deuxiesme du nom, Seigneur de Cheuerny, & de Marie de Beaune sa femme, prist alliance par mariage avec **GABRIELE DE LA BOISSIERE** Dame de Preçy, & eut deux fils & vne fille, dont lbs noms se voyent en suite.

10. **ANNE HVRAVLT** Baron d'Huriel.

10. **DENIS HVRAVLT** Abbé de la Pelisse, du Breuil, & de la Trope.

LE ROUX,  
DE LA RO-  
CHE DES  
AVBIERS.

Gironné d'argent  
& de sable, de  
huit pièces.

10. **MARIE HVRAVLT** espousa au mois de May 1575. **CHARLES LE ROUX**, Cheualier de l'Ordre du Roy, Gentil-homme ordinaire de sa Chambre, Seigneur de la Roche des Aubiers, fils de Louis le Roux, Cheualier, & de Renée de Morainuillier de la Maison de Maule.

De ceste alliance sont sortis **Louis le Roux** qui suit, **Charles le Roux**, Abbé de Saint Iean en Vallée lez Chartres, **Emanuel le Roux**, sieur des Aubiers, premier Escuyer de Monseigneur le Prince de Condé, **Philippes le Roux**, Prieur de Couron, **Marie le Roux** femme de **Iean Petit**, Escuyer S<sup>r</sup> de la Guidoché en Poitou, & de **S. Amand**, qui en a eu plusieurs enfans; **Anne le Roux**, espouse d'**Anthoine Mesnard**, Cheualier sieur de Tousse-prés; **Ieanne le Roux**, Religieuse en l'Abbaye des Clerets, près Nogent le Rotrou; **Elizabeth le Roux**, femme de **René d'Arfac**, Escuyer sieur du Chefne, & de **Ternay en Loudunois**; **Marguerite le Roux**, Religieuse à Fonteuraud; **Suzanne le Roux** espousa **René de Racapé**, Seigneur de Magnane en Anjou.

**Louis le Roux**, Cheualier, Seigneur de la Baussonniere en Anjou, **Guidon de la Compagnie de Gens d'armes d'Urban de Laual**, Seigneur de Bois-dauphin, Marechal de France, fils aîné de **Charles le Roux**, & de **MARIE HVRAVLT** sa femme, prist alliance avec  
Auoye

Auoÿe Iaillard fille d'Anthoine Iaillard Seigneur de la Belotiere en Poictou.

10. **A**NNE HVRAVLT Cheualier Baron d'Huriel, fils aîné de Denis Hurault & de Gabrielle de la Boissiere, fut conioint par mariage avec LOUISE DE HARVILLE, fille d'Esprit de Haruille, Cheualier Seigneur de Palaiseau, Baron de Ninuile, & de Catherine de Leuis, sortie des Comtes de Charlus, son espouse, de laquelle alliance furent procreéz vn fils & vne fille cy apres nommez. Ce Baron d'Huriel fut tué d'vne arquebusade l'an 1586. en faisant seruice au Roy, & portant les armes au siege de Saluagnac en Languedoc, où il auoit fuiuy Monsieur le Duc de Joyeuse Pair & Admiral de France, Lieutenant General de sa Maieité en l'armée qui assiegeoit ceste place sur ceux de la Religion pretenduë reformée. Il receut l'honneur de la sepulture dans l'Eglise de Vibraye.

HARVILLE  
PALAISEAV.

De gueules à la  
Croix d'argent,  
chargée de cinq  
Coquilles de sa-  
ble.

11. JACQUES HVRAVLT Cheualier, Marquis de Vibraye, & Baron d'Huriel.

11. CATHERINE HVRAVLT fut alliée à HONORAT DE BOUCHET Baron de Sourches le Vahier au pais du Maine, qui estoit fils de François de Bouchet Seigneur & Baron du mesme lieu, & de Sidoine du Plessis Liancourt; Les enfans sortis du mariage de CATHERINE HVRAVLT furent, Jean de Bouchet Marquis de Sourches, & Seigneur de Verdigny, lequel de Marie de Neuellet son espouse, a procréé Dominique de Bouchet, Abbé de Troüard, Iulian de Bouchet Seigneur d'Espineu, Anne de Bouchet femme de René de Sauuestre Cheualier Seigneur de Clisson en Poictou, fils de Barthelemy de Sauuestre, Cheualier Seigneur du mesme lieu & de Renée Heruier, duquel mariage sont issus cinq enfans, à sçauoir René de Sauuestre Baron des Morhes, Jacques, Bernard Anne, François, & Catherine de Sauuestre.

DE  
BOUCHET,  
SOVRCHES.

D'argent à la  
fascée de deux  
pièces de sable.

Ieanne de Bouchet sœur d'Anne a espousé Odet de Riants, Cheualier Baron de Villeray au Perche, dont est issu vn fils de mesme nom.

c

CATHERINE HVRAVLT Dame de Sourches deceda le  
12. de Decembre 1633. Honorat de Bouchet son mary  
estoit decede deux ans auparauant.

II. **I**ACQUES HVRAVLT Marquis de Vibraye, & Baron d'Huriel par la succession de Jacques Hurault son grandoncle, qui l'institua son heritier, comme il a esté dit, est fils d'Anne Hurault Baron d'Huriel & de Louise de Haruille sa femme. Il n'a manqué aux occasions qui se sont presentées, de rendre ses devoirs pour le service de son Prince. Il a pour epouse ANNE DE VASSE' fille de Lancelot Groignet de Vassé Cheualier des Ordres du Roy, & Seigneur de Vassé, Baron de la Roche-mabile, & de François de Gondy, fille d'Albert de Gondy Duc de Rais, Pair & Marechal de France, & de Claude Catherine de Clermont, son espouse, duquel mariage est issu vn fils iusques à present 1636.

DE VASSE'.

D'or à la fasce  
de trois pieces  
d'azur.

12. **N**.....HVRAVLT Baron d'Huriel.





BRANCHE  
DES COMTES DE  
CHEVERNY ET  
DE LIMOURS.

9.



**HILIPPES HVRAVLT** Comte de Cheu-  
erny & de Limours, Seigneur de la Gran-  
ge, d'Esclimont, de Gallardon, de Bretau-  
cour & du Tremblay; fut Cheualier &  
Commandeur de l'Ordre du saint Esprit,  
Chancelier de France & des Ordes du

Roy, Gouverneur & Lieutenant General pour sa Maieité és  
Duchez d'Orleans & de Chartres, & és Pais & Comtez de  
Dunois, Blaisois, Amboise, & Lodunois.

Il estoit cinquiesme & dernier fils de **RAOVL HVRAVLT**  
Seigneur de Cheuerny & de Marie de Beaune sa femme, &  
nasquit le 25. iour de Mars, feste de l'Annoñciation de no-  
stre Dame l'an 1528. Ses rares merites, & la grande experien-  
ce qu'il auoit aux affaires publiques, l'esleuerent à tant de  
grandes Charges; comme auparauant il auoit esté à celles de  
Conseiller en la Cour (qu'il eut par la demission de Michel  
de l'Hospital, qui fut depuis Chancelier de France.) de Mai-  
stre des Requestes de l'Hostel du Roy Charles neufiesme,  
& de Chancelier d'Anjou, & de Pologne souz Henry III.  
Auquel Prince, pendant le sejour qu'il fit en ce Royaume  
estranger, la Couronne de France escheut par le decés du  
mesme Roy son frere. Mais auparauant qu'il fust de retour  
aucuns factieux, fauorisez des plus Grands de l'Estat, proie-  
terent d'empescher son establissement. Ce fut en vne si im-  
portante occasion, que le Seigneur de Cheuerny rendit tant

c ij

de notables seruices, ayant dextrement rompu les trames ourdies contré sa Maiefté, qu'elle estima ne pouuoir plus dignement recognoistre vn si fidele seruiteur, qu'en l'honorant des eminentes dignitez de Garde des Sceaux; puis de Chancelier de France. Il fut pourueu de ceste cy l'an 1583. par la mort du Cardinal de Birague.

Les affaires espineuses & difficiles, qui suivirent la funeste Journée des Barricades, donnerent des ombrages au Roy d'aucuns de ses principaux Officiers, bien que tres-fideles. De ce nombre fut le Seigneur de Cheuerny, qui tomba en la disgrace de sa Maiefté, & eut commandement de se retirer dás sa maison. Il y demeura iusques à l'an 1590. que le Roy HENRY LE GRAND, d'immortelle memoire, le restitua en la fondion de sa charge, en laquelle il continua de seruir tres-vtilement, & en autres occurrences; Mesme par ses grands soins le Roy eut vne bonne issue du siege de la ville de Chartres, detenuë par ses subiects rebelles. Il ne rendit moindres deuoirs en l'heureuse reduction de la ville de Paris, où il eut des emplois tres-honorables, pour y mettre l'ordre requis apres tant de confusions, & y restablit le Parlement, & autres Compagnies Souueraines, qui auoient esté interdites.

En fin, apres auoir attein l'age de soixante & douze ans il finit le cours de sa vie le 29. iour de Iuillet 1599. en son Chasteau de Cheuerny, où il estoit nay; & fut inhumé dans la Chappelle du mesme lieu. Lors de la pompe funebre & du seruice solemnel qu'on luy fit dans l'Eglise des Augustins de Paris le dixiesme iour de Decembre en ce mesme an, Iules Cesar Bulenger Docteur en Theologie & Predicateur ordinaire du Roy celebra par vne Oraison funebre ses vertus & rares qualitez, & monstra, qu'avec beaucoup de prudence & d'integrité il auoit, par l'espace de plus de vingt ans, tenu les Sceaux de France. De faict, ceste louange ne luy peut estre déniée, qu'il ne permist point (en tant qu'il luy fust possible) que les droicts de la Couronne fussent alterez. Sa memoire est d'ailleurs recommandable, pour auoir esté de tres-facile accès, & fauorisé les gens de lettres & de vertu, s'estant rendu fort officieux en leur endroict. Il auoit pour Deuise l'Estoile de Vesper qui paroissoit dans vn Ciel lumineux, dont

le corps estoit pour ame ces mots, CERTAT MAIORIBVS ASTRIS.

Dès le 13. iour de May 1566. il fut allié par mariage avec ANNE DE THOU, fille aînée de Christophle de Thou, Cheualier Seigneur de Celi & de Bon-ciel, premier President en la Cour de Parlement de Paris, & de Jacqueline de Tuleu sa femme. La mort de ceste Dame Comtesse de Cheuerny aduint l'an 1584 le 27. iour de Iuillet. Ce grand Prelat Renaud de Beaune Archeuesque de Bourges fit son Oraison funebre, & representa les bonnes conditions dont elle estoit ornée. Les sept enfans qu'elle eut de son mariage, se voyent remarquez en suite.

DE THOU.

D'argent au chevron de sable, accompagnue de trois branches à miel de mesme, deux en chef & une en pointe.

10. HENRY HVRAVLT Seigneur d'Esclimont naquit à Paris le 24. de Septembre 1572. fut tenu sur les fonds de Baptisme par le Roy Henry III. estant Duc d'Angjou, & par le Roy de Nauarre, qui depuis a esté Roy de France, souz le nom de Henry le Grand, & Claude de France Duchesse de Lorraine. Mais il mourut au Chasteau de Vibraye en l'age de 18. mois.

10. HENRY HVRAVLT Comte de Cheuerny a continué la posterité de ceste Maison.

10. PHILIPPES HVRAVLT fut Euesque de Chartres apres le decés de Nicolas de Thou son grand oncle maternel, adueu en l'an 1598. Il fut aussi Abbé de Pont-leuoy, de S. Pere & de Bonneual, & premier Aumosnier de la Roine Marie de Medecis mere du Roy. Il estoit nay le 19. de Septembre 1579. René Cardinal de Birague Chancelier de France, & Jacques Seigneur de Maignon Marechal de France furent ses parrains, & la Damoiselle de Vaudemont sœur de Louïse de Lorraine Roine de France, fut marraine. Il deceda le 27. iour de May 1620. & fut inhumé dans son Eglise de Bonneual. Leonor d'Estampes de la Maison de Valençay son parent, luy succeda en l'Euesché de Chartres.

10. LOVIS HVRAVLT Comte de Limours, Vicomte

# Genealogie de la Maison

du Tremblay, Baron d'Huriel, Conseiller du Roy en ses Conseils d'Estat & Priué, & Bailly de Chartres, naquit le 17. de Iuillet 1584. & furent ses parrains Louis de Rohan Prince de Guemené, & Guy de Laval Marquis de Nesle, & sa marraine la Comtesse d'Aubijoux. Il a espousé ISABEL D'ESCOUBLEAV, fille de François d'Escoubleau, Cheualier, Seigneur de Sourdis, marquis d'Alluye, & d'Isabel Babou de la maison de la Bourdaisiere, sa femme; de laquelle alliance ne sont sortis aucuns enfans.

D'ESCOV-  
BLEAV.  
SOVRDIS.

D'aruz party de  
gneules à la bade  
d'or, brochant  
sur le tout.

10. MARGVERITE HURAVLT, née à Paris le 21. iour d'Aoust 1574. fut tenuë sur les fonds de Baptême par Christophle de Thou premier President en la Cour de Parlement de Paris son ayeul maternel, & par Marguerite de Poncher, espouse de Jacques Hurault, Cheualier Seigneur de Vibraye son oncle. Elle a esté mariée trois fois.

LAVAL  
NESE.

D'or à la Croix  
de gueules, char-  
gée de cinq Co-  
quilles d'argent  
cantonnée de 16.  
alerions d'azur.

En premieres nopces elle espousa en l'an 1585. GUY DE LAVAL Marquis de Nesle & Comte de Joigny, qui estoit fils vnique de Iean de Laval, marquis de Nesle & de Renée de Rohan sa femme. Ce ieune Seigneur mourut au liët d'honneur, des griefues blessures qu'il receut à la bataille d'Yury, apres y auoir courageusement combattu à la veuë de son Roy. Son décès aduint le 12. iour d'Auril 1590. sans laisser enfans, sa veufue demeura Dame des Seigneuries de maille & de Roche-corbon en Touraine, qu'elle eut pour ses conuentions matrimoniales, & fut douairiere du Comté de Joigny, avec six mil liures de rente.

En seconde alliance elle espousa dans la ville de Chartres en l'an 1593. ANNE D'ANGLVRE, Seigneur de Giury, Baron de Beauuais & de Boursaut, & Comte de Tancarville, Lieutenant du Roy au Gouvernement de Brie, & maistre de Camp de la Caualerie

ANGLVRE,  
GIVRY.

Escartelé au 1.  
d'argent au Lyon  
de gueules, cou-  
ronné, armé &

lampassé d'or: au 2. de gueules à 3. pals de vair au chef d'or, chargé d'une merlette de sable. Au 3. d'or à trois Chabots de gueules. Au 4. d'argent à 3. Lyons de gueules sur le tout d'Anglure, qui est d'or, decoupé de gueule, en triangle, à sonnettes d'argent sursemées.



legere de France, Gentil-homme doüé de tres-rares conditions; Aussi ayant acquis vne grande reputation au fait des armes, & en plusieurs occasions fait signaler sa valeur; en fin, comme en l'an 1594. il faisoit porter vne piece de batrie au siege de Laon, voulant reconnoistre vn flanc de la ville, il y receut vn coup de mousquet, duquel il mourut sur la place, au grand regret du Roy, & de tous les bons François. Son corps fut porté inhumer en la Chappelle de son chasteau de Beauuais en Brie. Il laissa vn fils portant son nom, qui mourut en bas aage.

Letroisieme mariage que contracta MARGVERITE HVRAVL fut avec ARNAULD DANGEREUX, Seigneur de Beaupuy, qui a pris qualité de Comte de Maillé, comme a fait le fils vnique sorti de leur alliance. Elle mourut à Paris le 13. de Iuin 1614. estant aagée de quarante ans, & fut inhumée dans l'Eglise des Celestins de la mesme ville.

DANGEREUX  
BEAUPUY.

Escartelé, au 1.  
d'or à deux va-  
ches passantes  
de gueules ac-  
cortées, accol-  
lées, & clarinées  
d'azur; Au 2. &

3. de gueules à 4. armandes ou otelles d'argent; au 4. d'azur à 3. Rocs d'or. 1. & 1. sur le tout d'azur au Lyon d'or avec vn lambel de 4. pieces d'argent.

10. ANNE HVRAVL nasquit à Cheuerny en l'an 1577. le quatriesme iour de Iuin. Ses parrains & marraines furent Iacques Hurault, Seigneur de Vibraye son oncle paternel, & les Dames de Valençay & de Fougeres. Elle a esté mariée premierement en l'an 1592. le douzieme iour du mois de Septembre, en la ville de Chartres, avec GILBERT DE LA TREMOILLE, Marquis de Royan, Seigneur d'Ollonne & d'Aspremont, Cheualier des Ordres du Roy, Capitaine des cent Gentilshommes de la maison de sa Maiesté, & grand Seneschal de Poictou: Il estoit fils de Georges de la Tremouille, Baron de Royan, pareillement Seneschal de

LA  
TREMOILLE,  
ROYAN.

Couppé de huit  
pieces. Au 1. du  
chef, d'Orléans  
qui est de France  
au lambel d'ar-  
gent. Au 2. de

Milan, qui est d'argent à la guise d'azur à l'issant de gueules. Au 3. de Bourbon, qui est de France au baston de gueules. Au 4. de Bretagne, semé d'Hermines. Au 1. de la pointe de Sauoye, qui est de gueules à la Croix d'argent. Au 2. de Luxembourg, au Lyon d'argent couronné de gueules. Au 3. de Coitivy, qui est fasce d'or & de sable de six pieces. Au huitiesme de Lual, d'or à la Croix de gueules, chargée de cinq coquilles d'argent, & cantonnée de quatre alerions d'azur. Et sur la tour de la Tremouille, qui est d'or au cheuron de gueules, accompagné de trois Aiglettes d'azur.

*Genealogie de la Maison*

Poictou & de Magdelaine de Luxembourg, sorcie de la Branche de Martigues, sa femme.

De ce premier mariage furent procreéz trois fils & deux filles, à sçauoir Philippes de la Tremoille, Marquis de Royan, duquel est parlé cy-apres.

Gilbert de la Tremoille, Abbé de Chambon:

Georges de la Tremoille, Cheualier de Malthe:

Catherine de la Tremoille, coadiutrice de Chârlotte de Nassau, de la maison des Princes d'Oranges, Abbesse de sainte Croix de Poictiers, sa parente;

Marie-Marguerite de la Tremoille, Abbesse du Lys près de Melun.

D<sup>e</sup> Philippes de la Tremoille, Marquis de Royan; Comte d'Ollone, & Baron d'Aspremont, grand Seneschal de Poictou, & de Magdeleine de Chanron, sa femme, fille de Michel de Chanron, Conseiller du Roy en ses Conseils d'Etat & priué, sont issus plusieurs enfans.

Après le decés de Gilbert de la Tremoille, Marquis de Royan, sa vesue ANNE HVRAVLT espousa en secondes nopces CHARLES Marquis de ROSTAIN, Comte de la Guerche, fils de Tristan aussi Marquis de Rostain, & de François Roberter. De ceste dernière alliance sont issus quatre enfans:

Louis de Rostain Comte de la Guerche,

François de Rostain, Baron de Brou,

Marguerite & Renée de Rostain.

ANNE HVRAVLT leur mere deceda en la ville de Paris l'an 1635. estant aagée de cinquante-deux ans.

10. CATHERINE HVRAVLT, troisiéme fille de Philippes Hurault Chancelier de France, née le troisiéme de Iuillet 1583. eut pour marraine Marguerite de France Reine de Navarre, sœur du Roy Henry III. & pour parrain Charles de Lorraine Euesque de Mets. Elle espousa en premieres nopces VIRGINAL D'ESCOVBLEAV, Marquis d'Alluye, & Comte de la Chapelle, decédé sans enfans, & en secondes nopces AN-

THOINE

---

**ROSTAIN.**

D'azur à vne fasce d'or, & vne roüe de huit rais, de meisme en pointe.

---

**ESCOVBLEAV**

Comme cy-dessus.

ANTHOINE Seigneur d'AVMONT, Chevalier des Ordres du Roy, Marquis de Nolet, Baron de Molimont & d'Estrabonne, Gouverneur de Boulogne & du pais de Boulonois, regnant Louys le Iuste, fils aîné de Jean Seigneur d'Aumont, Marschal de France, & d'Anthoinette Chabot sa femme, duquel mariage ne sortirent non plus des enfans : Ceste Dame d'Aumont deceda à la Roquette près de Paris le 13. iour d'Auril 1615. estant aagée de 32. ans.

10. **HENRY HVRAULT** Comte de Cheuerny, Seigneur d'Escrimont, de Gallardon, de Bretaucour, & du Tremblay; Capitaine de cent hommes d'armes des Ordonnances du Roy, Gouverneur pour sa Maïesté des ville de Chartres & des pais Chartrain & Blaisois, & Lieutenant General au Gouvernement d'Orleans, Bailly de Chartres, fils aîné de Philippes Hurault Comte de Cheuerny, Chancelier de France, & d'Anne de Thou sa femme, nasquit le 13. iour d'Aoust l'an 1575. & eut pour parrain le Roy Henry III. qui luy donna son nom, & pour marraine la Roine Catherine de Medicis mere de sa Maïesté. Il a dignement seruy les Rois Henry le Grand & Louis le Iuste en plusieurs occasions, aux guerres qu'ils ont eues contre leurs subiects rebelles, & contre les Estrangers. Il a esté marié deux fois; La premiere le 27. de Feurier 1588. à Paigny en Bourgongne, avec FRANÇOISE CHABOT fille de Leonor Chabot Comte de Charny & de Buzançois, grand Escuyer de France, & Lieutenant general pour le Roy au Gouvernement de Bourgongne, & de François de Rie sa femme. Ceste Dame Comtesse de Cheuerny deceda en l'an 1602. sans enfans. En secondes nopces le mesme Comte a espousé MARIE GAILLARD fille du Seigneur de la Moriniere, de laquelle il a eu six enfans, cy apres remarquez,

CHABOT,  
CHARNY.

Escartelé au 1. & 4. d'or à 3. Chabots de gueules. Au 2. de Luxembourg cy-deuant blasonné. Au 3. de Baux, qui est de gueules à l'Estroile de seize rais d'argent.

GAILLARD.

sa fesse de gueules, accompagnée de trois fuesilles de chesne de sinople posées en fasce : 1. en chef, & vne en pointe.

D'argent à la

II. **MARC ANTHOINE HVRAULT** mort ieune en l'an 1616.

d

II. HENRY HVRAVLT Baron d'Esclimont nay en l'an 1617.

II. PHILIPPES HVRAVLT Baron de Bretaucour a eue ce nom en memoire de son ayeul paternel Chancelier de France.

DE  
DAILLON.

D'azur à la Croix  
engreslée d'ar-  
gent.

II. MARCVERITE HVRAVLT femme d'ERASME DE DAILLON Cheualier, Comte de Briançon, l'un des fils de François de Daillon Comte du Lude, Marquis d'Illiers, & de François de Schomberg son espouse, sœur de Gaspard de Schomberg Comte de Nantueil, Marechal de France.

II. ANNE HVRAVLT.

II. ANGELIQUE HVRAVLT.



BRANCHES  
DES SEIGNEURS  
DE VVEIL,  
&  
DU MARAIS,  
Sortis puisnez de la Branche  
DE CHEVERNY.

SVITE DE LA  
TABLE GENEALOGIQUE  
DE LA MAISON DES HVRAVLTS.

7. IACQUES HVRAVLT, Seigneur de la Grange, de Cheuerny & de Vibraye.

8. RAOVL HVRAVLT, Seigneur de Vibraye & de Cheuerny.	IEAN HVRAVLT I. du nom Seigneur de Vucil & du Marais.
--	--

9. IACQUES HVRAVLT Seigneur du Marais & de Vucil.	IAC- QVE- LINE.	IEAN- NE.	AN- NE.	IEAN HVRAVLT II. du nom, Seigneur de Vucil.
---	-----------------------	--------------	------------	---

10. RENE'	FRAN- çois	IAC- QUES.	IAQVE- LINE.	CHRI- sto-	CLAV- de	LOVIS	MARIE.
Seign.				PHLE	Sei-	Sei-	CATHE-
de bou	HVR.	IEAN.	FRAN-		gneur	gneur	RINE.
uille.	Sci-	LOVIS	ÇOISE.	Sei-	gneur	de	ELIZA-
	gneur		CLAV-	gneur	de	Vucil	BETH.
	duma-		DE.	de	Vucil.		
	rais.		MARIE.	Vucil.			

11. PHILIPPES HVRAVLT Seigneur du Marais.	MARIE HVRAVLT.
--	-------------------


CLAYDE HVR. Seigneur de Vucil.	MAGDELAINE HVRAVLT.
--------------------------------------	------------------------

BRANCHE

# DES SEIGNEVRS

## DE VVEIL, ET

### DV MARAIS.

8.  **E**AN HVRAVLt premier du nom, Cheualier, Seigneur de Vueil & du Marais, Maistre des Requestes ordinaire de l'Hostel du Roy, fut quatriesme fils de Jacques Hurault Seigneur de la Grange & de Cheuerny, & de Marie Garandeau sa femme. Il a esté marié trois fois.

La premiere avec JEANNE DE PONCHER, fille de Louis de Poncher Seigneur de Lezigny & de Limours, General des Finances, & de Robine le Gendre sa femme, duquel mariage sortit vne fille, qui est cy-apres remarquée en son lieu.

---

DE  
PONCHER.

Comme cy-  
dessus.

En second mariage ce Seigneur de Vueil espousa, en l'an mil cinq cens vingt-quatre, JEANNE RAGVIER, fille du Seigneur de la Mothe Raguier, dont il a eu vn fils & deux filles; Ceste Maison de Raguier a aussi esté alliée à celles de Dinteville, de Berhune, du Plessis Perrigny, de Monceaux & autres anciennes.

---

RAGVIER.

D'argent au  
Sautoir de sable;  
cantonné de  
quatre perdriz  
au naturel.

Entroiesme alliance JEAN HVRAVLt eut à femme ANNE BRETHER, Dame de Longué & de Cherigny, fille de René Brethe, Conseiller & Maistre d'Hostel de la Reine de France Anne de Bretagne, & veufue de Iean Bernard Seigneur d'Estiau, duquel est issüe Jeanne Bernard, mariée en la Maison d'Estampes-Valençay, comme nous auons remarqué. De ce dernier mariage est issu vn fils.

---

BRETHER.

D'azur au Sautoir d'argent,  
cantonné de  
trois d'or.

## ROBERTET.

D'azur à la Bâde  
d'or, chargée  
d'un demy vol de  
sable; accom-  
pagnée de trois  
étoiles d'or,  
deux en chef, &  
une en pointe.

9. I AQUELINE HVRAVLT Dame de Minçy, sortie de la première alliance de JEAN HVRAVLT Seigneur de Vucil, fut mariée en l'an 1530. avec FRANÇOIS ROBERTET Chevalier, Baron de Brou, & de la Guerche, Bailly du Palais à Paris, l'un des fils puînés de Florimond Robertet Baron d'Alluye, de Bury & de Brou, & Seigneur de la Guerche, seul Secrétaire d'Etat des Rois Charles VIII. Louis XII. & François I. au commencement de son regne, sous lequel Roy il fut aussi Surintendant des Finances.

De ce mariage sortit François Robertet, femme de Tristan, Marquis de Rostain, Chevalier des Ordres du Roy, & Lieutenant de sa Majesté es provinces de l'Isle de France & de Brie, duquel mariage sont issus un fils & deux filles, à sçavoir,

Charles Marquis de Rostain, Comte de la Guerche & Baron de Brou, allié en la Maison de HVRAVLT CHEVERNY, comme nous auons dit, a eu pour sœur,

Marguerite de Rostain, femme en premières nocces de Pierre de Leuis Baron de Cosan, dont n'y eut enfans; & en secondes, de Gilbert de Serpens, Seigneur de Gondras, qui en procrea une fille, femme du sieur de Roche-bonne; En troisièmes nocces Marguerite de Rostain espousa Pierre Baron de Flageac en Auvergne, de laquelle dernière alliance sont issus quatre filles; entr'autres Louise de Flageac, femme de Christophle, Marquis d'Allegre, & Marguerite de Flageac espouse de N. Comte d'Apcher, puis d'Emanuel de Crussol Duc d'Uzés, Pair de France.

Anne de Rostain, sœur de Marguerite, espousa premièrement René d'Escoubleau, Chevalier, sieur de Sourdis & de la Chappelle-Bertrand, dont il a eu Tristan d'Escoubleau, qui a suivi l'Estat Ecclesiastique; René d'Escoubleau, Seigneur de Sourdis, marié en la maison de Barbesieres; Jacques d'Escoubleau, Marquis de Sourdis, qui a espousé Antoinette de Bretagne, de la Maison de Vertus, veuve de René du Bellay Prince d'Yvetot, & Marquis de Thouarcé. Les autres en-



fans sont Pierre d'Escoubleau ; Anthoine d'Escoubleau, Seigneur de la Chappelle, & Georges d'Escoubleau, Baron d'Aunoy.

Charlotte d'Escoubleau leur sœur a esté alliée par mariage avec Charles de Maillé, Marquis de Carman, qui en a eut trois fils ; à sçavoir, Donatien de Maillé, Marquis de Carman ; Leonor-Charles de Maillé Comte de la Roche, & Anthoine de Maillé.

9. IACQUES HVRAVLt Seigneur du Marais & de Vueil fut procréé du second mariage de Jean Hurault, Seigneur de Vueil. Sa descendance est cy-apres descrite.

9. JEANNE HVRAVLt pareillement sortie du second mariage, a esté femme de RENE' Seigneur de ROCHFORD la Croisette, Baron de Fioles, Chevalier des Ordres du Roy, Capitaine de cinquante hommes d'armes des Ordonnances, & Lieutenant General pour sa Maiesté es pais Blaisois, Amboise & Lodunois, troisieme fils de Jean de Rochefort, Baron de Pluvault & de la Croisette, & d'Anthoinette de Chasteauneuf sa femme ; Ce Jean eut pour pere Guy de Rochefort, Chancelier de France, regnants Charles VIII. & Louis XII. Du mariage de René Seigneur de Rochefort avec JEANNE HVRAVLt sortirent quatre fils, à sçavoir,

ROCHFORD  
CROISETE.

D'azur, semé de  
Billettes d'or au  
chef d'argent,  
chargé d'un Lyon  
Leopardé de  
gueules.

Jean de Rochefort Baron de Fiole & de la Croisette, lequel ne laissa enfans d'Anne de Sautour sa femme.

Anne de Rochefort, Seigneur de Marueil.

Anthoine de Rochefort Baron de Frolois.

René de Rochefort, Chevalier de Malthe, fut tué à l'assaut de Verdun pendant les troubles.

Anne de Rochefort, Seigneur de Marueil, fut Baron de Fioles & de la Croisette, apres le décès de Jean de Rochefort son frere aîné. De son mariage avec Charlotte de Sautour, il a eu, entr'autres enfans, deux filles, lesquelles se voyent en suite.

Magdelaine de Rochefort, femme de Charles de Brouilly, Seigneur de Mefuillier, fils de François de Brouilly, Seigneur de Mefuillier, & de Louïse de Haluuin, de la Maison de Piennes, duquel mariage est issu vn fils, Marquis de Piennes, qui a espousé N. de Harcourt, fille de Iacques de Harcourt Marquis de Beuueron, & de Leonor Chabor, de la Maison de Iarnacsa femme.

Aymée-Françoise de Rochefort, fille puisnée de Anne de Rochefort, Baron de Fiolles, a espousé Nicolas de Brichanteau, Marquis de Nangis, Cheualier des Ordres du Roy, Conseiller en ses Conseils d'Estat & Priué, & Capitaine de cinquante hommes d'armes des Ordonnances, qui en a eu des enfans.

GARNEVE-  
NOY,  
dit CARNA-  
VALET.

Vaizé d'or & de  
gueules, au fiâc  
quartier de.....

9. ANNE HVRAULT fille puisnée de Iean Hurault Seigneur de Vucil & de Ieanne Raguier, espousa FRANÇOIS DE CARNEVENOY, dit de CARNAVALET, Cheualier, natif du pais de Bretagne, qui estoit Escuyer de la grande Escurie du Roy Charles IX. Il fut aussi Gouverneur du Roy Henry III. en sa ieunesse, & acquit la reputation de Gentil-homme fort sage & vertueux. Son décès aduint à Paris en l'an 1571. au 52. de son aage, ne laissant aucuns enfans; Son corps fut inhumé dans l'Eglise de saint Germain de l'Auxerrois, où l'on void vn Epiraphe Latin dressé à sa memoire par Philippes Hurault Seigneur de Cheuerny, depuis Chancelier de France, son allié, avec lequel il auoit contracté vne fort estroite amitié.

9. JEAN HVRAULT deuxiesme du nom, Seigneur de Vucil, issu du troisieme mariage de Iean Hurault Seigneur de Vucil, aura son Eloge apres ceux des enfans de François son neveu, Seigneur du Marais.

9. IACQUES HVRAULT, Seigneur du Marais, de Vucil, des Loges, & de Chateau-pers, Conseiller du Roy en ses Conseils d'Estat & Priué, & Maistre d'Hostel de sa Maiesté, estoit fils aîné de Iean Hurault. Seigneur des mesmes lieux

lieux, & de Jeanne Raguier sa seconde femme. Il fut allié par mariage avec MARIE HERBELOT, fille de Nicolas Herbelot Seigneur de Ferrieres, General de France, & de Catherine de Poncher sa femme, dont il eut neuf enfans, à sçavoir,

HERBELOT,  
FERRIERES.

D'argent bastonné de sable au chef d'or, chargé de trois Coquilles de sable.

10. RENE' HVRAVLT, Seigneur de Bouville en partie, puis du Marais, espousa MARGVERITE OLIVIER, fille de Iean Oliuier, Cheualier Seigneur de Leuville, & de Susanne de Chabannes sa femme, & petite fille de François Oliuier, Chancelier de France.

OLIVIER,  
LEVVILLE.

D'azur à six bezans d'or 3. 1. 1. au chef d'argent chargé d'un lion

naissant de sable armé & lampasé de gueules; escartelé d'or à trois bandes de gueules; la deuxième chargée de trois estoiles d'argent.

10. IACQUES HVRAVLT Seigneur de la Boissiere.

10. FRANÇOIS HVRAVLT Seigneur de Chasteau-pers & du Marais, procrea les deux enfans qui se verront cy-apres.

10. JEAN HVRAVLT Seigneur de..... mourut au camp deuant Lagny, faisant service au Roy Henry III.

10. LOUIS HVRAVLT Seigneur de la Boissiere deceda à Mantes, estant aussi au service de sa Maicsté.

10. IAQVELINE HVRAVLT femme d'ANNE DE L'HOSPITAL, Cheualier, Baron & Vicomte de Vaux, Seigneur de S. Mesme & de Meneuille, Bailly de Dourdan, fils aîné de René de l'Hospital, Seigneur de S. Mesme, & de Louise de Montmirail sa femme. Ils estoient issus de la Maison des Marquis de Choisy & de Vitry. Anne de l'Hospital mourut l'an 1620. laissant pour fils Jacques de l'Hospital Vicomte de Vaux, & Seigneur de S. Mesme.

L'HOSPITAL.  
S. MESME.

De gueules au Cocq d'argent, creste barbelé, & membre d'or.

10. FRANÇOISE HVRAVLT femme d'AMOS DV TEXIER, DV TEXIER;

Cheualier, Seigneur de Brijs, de Maisons & du Bois-en-cour, qui en eut trois filles, à sçauoir, Anne du Texier femme de Charles Ripault, Seigneur de Vely, N. du Texier, femme de Michel Ferrand, Conseiller du Roy en la Cour de Parlement de Paris, & Magdelaine du Texier, femme du Baron de Monbrun.

DE ROUCY,  
SISSONNE

D'or au Lyon  
d'azur. armé &  
lampassé de  
gueules.

10. CLAUDE HVRAVLt espousa le 2. Iuin 1597. CHARLES DE ROUCY, Cheualier Seigneur de Sissonne, fils de Nicolas de Roucy, Cheualier Seigneur du mesme lieu, & de Magdelaine de Lamet sa femme. Ils estoient issus de la Maison des Comtes de Roucy en Champagne.

10. MARIE HVRAVLt Abbessé du Lieu-nostre-Dame.

COCHEFI-  
LET,  
VAUCÉLAS.

D'argent à deux  
Leopards de  
gueules.

10. FRANÇOIS HVRAVLt Cheualier, Seigneur de Chasteau-pers & du Marais, Maistre des Requestes de l'Hostel du Roy, troisiésme fils de Jacques Hurault, Seigneur du Marais & de Vueil, espousa RACHEL de COCHEFIET, fille de Jacques de Cochefilet, Cheualier Seigneur de Vaucelas près d'Estampes, & de Marie Arbaleste sa femme, sœur d'André de Cochefilet, Cheualier des Ordres du Roy, Côte de Vauuineux, & Baron de Vaucelas, Conseiller d'Estat, Capitaine de cinquante hommes d'armes, & Ambassadeur en Espagne; De François Hurault & de son espouse sont issus deux enfans. Ce Seigneur de Chasteau-pers fut blessé en vne rencontre près d'Orleans pendant les troubles de la Ligue enuiron l'an 1590. & mourut six iours apres. La Dame sa vesue fut alliée en secondes nopces avec MAXIMILIAN DE BETHUNE Duc de Suilly, & Marquis de Rosny, Pair, Marechal, Grand Maistre del' Artillerie, & Surintendant des Finances de France, duquel elle a aussi laissé des enfans. Ceux qu'elle eut du premier liét sont,

11. PHILIPPES HVRAVLt Cheualier, Seigneur du Marais, lequel eut ce nom en memoire de Philippes Hurault Comte de Cheuerny, Chancelier de France son parent. Il fut tué au siege du Pont de Cé en Aniou le sep-

tielme iour d'Aouſt l'an 1620. faiſant ſeruice au Roy,  
& ne fut marié.

11. MARIE HVRAVLТ femme de PHILIPES ESCHALLARD, Cheualier Baron de la Boullaye en Poiſtou, Gouverneur de la ville de Fontenay le Comte, fils de Charles Baron de la Boullaye, & de Marie du Fou, de la maiſon du Vigean, ſa femme. Ce Baron de la Boullaye, eſpoux de Marie Hurault, deceda en la ville de Loudun l'an 1616. delaiſſant pour fils, entr'autres enfans, maximilian Eſchallard, marquis de la Boullaye, maiſtre de Camp d'un Regiment, qui de n'agueres a eſté allié par mariage dans la maiſon des Ducs de Boüillon la marck.

ESCHALLARD,  
LA  
BOVLAÏE.

D'azur au cheu-  
ron d'or.

12. JEAN HVRAVLТ deuxieſme du nom, Seigneur de Vueil, de Cherigny & des Oufches en Touraine, maiſtre des Requeſtes ordinaire de l'Hoſtel du Roy, dernier fils de Iean Hurault, Seigneur de Vueil & du marais, & d'Anne Brethe ſa troiſieſme femme, fut marié deux fois. La premiere avec CATHERINE ALEGRIN, fille de Louis Alegrin, Seigneur de Valence & de S. Germain, Conſeiller en Parlement, & de Louiſe Briçonnet ſa femme. De ce mariage ſortirent deux fils & trois filles, cy-apres remarquez.

ALEGRIN.

D'argent party  
de gueules à la  
Croix ancrée &  
partie de meſme,  
del'un en l'autre.

En ſecondes nopces JEAN HVRAVLТ eſpouſa SUSANNE DE CONSTANT fille de Louis de Constant, Sieur de Fonper-tuis près de Bois-gency, dont il eut vn fils. Ce Seigneur de Vueil deceda le 25. iour de Septembre 1620. eſtant aagé de 84. ans. Ses enfans du premier liſt ſont,

DE  
CONSTANT.

10. CHRISTOPLE HVRAVLТ Seigneur de Vueil, Conſeiller en la Cour de Parlement; eut à femme CLAVDE DE BERVLLE, ſœur de Pierre Cardinal de Berulle, General de la Congregation de l'Oratoire de IESVS, & de Iean de Berulle Conſeiller du Roy en ſes Conſeils, maiſtre des Requeſtes ordinaire de ſon Hoſtel, & Procureur General de la Roine Marie de Medicis, mere du Roy. Ils eſtoient enfans de Claude de Berulle Conſeiller du Roy en la Cour de Parlement, & de

DE BERVLLE.

De gueules au  
cheu-ron d'or, ac-  
compagné de  
trois eſtoiles ou  
molettes de  
meſme.

Louise Seguiet, fille de Pierre Seguiet President en la mesme Cour, & tante paternelle de Pierre Seguiet son petit fils Chancelier de France. Christophle Hurault mourut à Gonneffe près Paris l'an 1606. sans laisser enfans; Il gist dans l'Eglise des Blancs-manteaux de la mesme ville.

COICAVLT,  
LA RIVIERE.

D'azur à vn oiseau de Paradis d'or, accompagné de trois estoiles d'argent, deux en chef & vne en pointe.

DE VOYER,  
D'ARGEN-  
SON.

D'azur à deux Lyons d'or passans.

DE ROUGE-  
MONT.

DE PROISY.

De sable à trois Lyons d'argent.

DE MON-  
TAYMER.

10. CLAUDE HURAVLT, Sieur de Cherigny, puis de Vucil, duquel sera parlé cy-apres.

10. MARIE HURAVLT fut alliée par mariage avec JACQUES COICAVLT, Sieur de la Riviere, Aduocat en la Cour de Parlement de Paris, duquel mariage est issu René Coicault leur fils.

10. CATHERINE HURAVLT, Religieuse à S. Anthoine des Champs lez Paris.

10. ELISABETH HURAVLT, femme de PIERRE DE VOYER, Cheualier, Seigneur d'Argenson, Bailly de Touraine de la maison des Vicomtes de Paumy. De ceste alliance est issu René de Voyer, aussi Seigneur d'Argenson, Maître des Requestes ordinaire de l'Hostel du Roy, qui a espousé N. le Tellier.

10. LOUIS HURAVLT Seigneur de Vucil en partie, issu du mariage de Iean Hurault, & de Susanne de Constant sa deuxiesme femme, a espousé en l'an 1635. la fille du sieur de ROUGEMONT, de Bois-gency.

10. CLAUDE HURAVLT I. du nom, Cheualier, Seigneur de Cherigny, puis de Vucil par la succession de Christophle Hurault son frere aîné, decédé sans enfans. L'un & l'autre estoient fils de Iean Hurault aussi second du nom, Seigneur de Vucil, & de Catherine Alegrin sa femme.

Le mesme CLAUDE HURAVLT a esté allié par mariage avec MAGDELEINE DE PROISY, fille de N. de Proisy, Baron de la Baume en Picardie, près la ville de Laon; & deceda en l'an 1630. le 17. iour de Septembre, delaisant plusieurs enfans, entr'autres les deux qui suiuent.

11. CLAUDE HURAVLT II. du nom Seigneur de Vucil.

11. MAGDELENE HURAVLT espousa en l'an 1633. CHARLES DE MONTAUMER, Cheualier Seigneur de Grandchamp en Brie.

BRANCHES  
DES SEIGNEURS  
DE BOIS-TAILLÉ,  
DE BEL-ESBAT,  
&  
D'AVNEUX.



*Ceux de BEL-ESBAT, comme estans sortis puisnez de la  
Maison des HERRAULTS, portoient pour brisure, & diffé-  
rence des plaines Armes, une Hermine d'argent sur le haut  
de la Croix d'azur.*

SVITE DE LA  
TABLE GENEALOGIQUE  
DE LA MAISON DES HVRAVLTS.

6. RAOVL HVRAVLT, premier du nom, Seigneur de la Grange.

7. JACQUES HVRAVLT, Sci- JEAN HVRAVLT I. du nom  
gneur de la Grange, & de Seigneur de Bois-taillé, de Bel-  
Cheuerny. esbat & de Maïsse.

8. <u>ROBERT</u>	<u>JEAN</u>	<u>NICOLAS Hv-</u>	<u>MARGVERITE</u>
<u>HVRAVLT</u>	<u>Abbé</u>	<u>RAVLT Seigneur</u>	<u>MACDELAINE.</u>
<u>Abbé de</u>	<u>de</u>	<u>de Bois-taillé, &amp;</u>	<u>LOUISE.</u>
<u>S. Martin</u>	<u>Mo-</u>	<u>de Bel-esbat.</u>	<u>MARIE.</u>
<u>d'Autun.</u>	<u>igny.</u>		<u>JEANNE.</u>

9. ROBERT JEAN HVRAVLT, deuxiesme ANDRE', Sci-  
HVRAVLT du nom, Seigneur de Bois- gneur de  
Seigneur de taillé. Maïsse.  
Bel-esbat &  
de Vignay. JEAN III. FRANÇOIS.

10. <u>CHARLES</u>	<u>MICHEL HVR.</u>	<u>ROBERT Baron</u>	<u>PAVL HVR.</u>	
<u>Sieur de</u>	<u>DEL'HOSPITAL</u>	<u>d'Auncux.</u>	<u>Archeuesque</u>	2.
<u>Bel-ébat.</u>	<u>Sieur du Fai &amp;</u>		<u>d'Aix.</u>	fil-
	<u>de Bel-esbat.</u>	<u>PHILIP- AN-</u>	<u>JEAN.</u>	les.
		<u>PES. DRÉ.</u>	<u>FRANÇOIS.</u>	

11. PIERRE HVRAVLT de l'Hospi- GVY HVRAVLT de l'Hospital,  
tal, Sieur de Bel-esbat. Archeuesque d'Aix.

12. HENRY HVRAVLT de l'Hospital, Seigneur de Bel-esbat.





BRANCHE  
DES SEIGNEURS  
DE BOIS-TAILLÉ,  
DE BEL-ESBAT,  
ET D'AVNEUX.

7.



**I**EAN HURAVLT premier du nom, Chevalier, Seigneur de Bois-taillé, de Bel-esbat, de Juuify & de Maïsse, fils puîné de Raoul Hurault premier du nom, Seigneur de la Grange, & de Cheuerny, fut pourueu de la dignité de premier President en la Cour des Aydes à Paris enuiron l'an 1500. par le decés de Jean le Visle, Cheualier Sieur d'Arfy, & l'exerça iusques en l'an 1505. Il auoit auparauant esté Chancelier de Louis Duc d'Orleans, qui fut depuis le Roy Louis XII. L'alliance par mariage qu'il prit, fut avec GVILMETTE DE GVETTEVILLE, issuë de mesme famille que Robert de Guetteville, Conseiller du Roy en sa Cour de Parlement de Paris, qui eut pour fils Leon de Guetteville, Cheualier, Vicomte de Corbeil, & Seigneur de Tigery. I E A N H V R A V L T Seigneur de Bois taillé & sa femme furent inhumez dans l'Eglise de Sainte Marine à Paris; Leurs huit enfans sont cy-dessouz remarquez.

GVETTE-  
VILLE.

D'argent, semé  
de Chauffe-trap-  
pes de sable.

8. ROBERT HURAVLT Grand Archidiacre en l'Eglise d'Autun, & Abbé de saint Martin de la mesme ville.

8. JEAN HVRAVLT Abbé de Morigny près la ville d'Estampes, deceda le dernier iour d'Aoust 1560.

8. NICOLAS HVRAVLT Seigneur de Bois-taillé, de Maiffes & de Bel-esbat, eut lignée.

---

AVRILLOT.

D'argent à trois  
Trefles de sinople  
en chef; 1.  
en pointe, & vne  
trefle de More  
mise en cœur,  
surbillée d'argée.

8. MARGVERITE HVRAVLT espousa PIERRE AVRILLOT Secrétaire du Roy. Il y a eu des Conseillers en la Cour de Parlement de Paris, de ceste Maison d'Aurillot; De laquelle est pareillement issu Nicolas Aurillot Sieur de Champlastreux, qui espousa Perrette de Vaude-rar, de la Maison des Barons de Persan.

8. MAGDELEINE HVRAVLT, Religieuse au Monastere des Filles-Dieu de Paris.

---

LOTIN.

Eschiquetted'ar-  
gent & d'azur,

8. LOUISE HVRAVLT, femme de ROBERT LOTIN, Conseiller du Roy en la Cour des Aydes à Paris, qui en eut Guillaume Lotin, Sieur de Charain, Maître des Comptes, lequel de Ieanne Bochart, de la Maison de Champigny sa femme, laissa fils & fille; le fils fut Guillaume Lotin, President aux Enquestes, qui de Magdelaine Morin son espouse, eut trois fils: à sçavoir François & André Lotin, Conseillers en Parlement, & Nicolas Lotin, Conseiller au grand Conseil. Isabel Lotin, fille de Guillaume Lotin, & de Ieanne Bochart, espousa François de Lauzon, Conseiller aux Requestes du Palais de la Cour de Parlement de Paris, & en eut entr'autres enfans, Iean de Lauzon, Conseiller du Roy en ses Conseils, Maître des Requestes ordinaire de l'Hostel de sa Maiesté, & President au Grand Conseil.

---

LE ROUX.

8. MARIE HVRAVLT fut alliée avec JACQUES LE ROUX, Conseiller en la Cour de Parlement de Paris.

8. JEANNE

8. JEANNE HYRAULT femme de FRANÇOIS DE MORVILLIERS, sieur du Brueil & de Linieres, aussi Conseiller en la Cour de Parlement; duquel mariage sortit Geneviefue de Moruilliers femme de FRANÇOIS MIRON, Seigneur de Beauvoir & de Linieres, lequel en procrea huit enfans, qui sont remarquez en suite.

MORVILLIERS.

D'argent à la Layon sanglier de sable.

Iean Miron, Abbé de Saint Iean, & Aumosnier du Roy.

Gabriel Miron, Seigneur de Beauvoir, duquel est cy-apres plus amplement parlé.

Robert Miron, Cheualier, Seigneur de Chenailles, Conseiller d'Estat, Intendant & Controlleur general des finances, & Intendant de l'Ordre du S. Esprit, ne laissa enfans de Marie Vallée sa femme.

François Miron General de France en Bretagne, laissa quatre filles.

Pierre Miron, Cheualier, Sieur de Malabry, Baron de Cremaille, Bailly & Gouverneur de Chartres, lequel de Denise de Saint Prest sa femme, eut Isabelle Miron femme de Tristan l'Hermite, sieur de Souliers.

Marc Miron, Sieur de l'Hermitage, Conseiller d'Estat, & premier Medecin du Roy Henry III. eut la lignée, qui sera cy-apres deduite.

Michel Miron, Prieur de S. Iean des Grecs, & Aumosnier du Roy.

Marie Miron, femme de Iean Arnaud, Lieutenant general au siege d'Angoumois.

Gabriel Miron, Sieur de Beauvoir, de Linieres & du Tremblay, Conseiller en Parlement, puis Lieutenant Civil à Paris, & Conseiller d'Estat, laissa cinq enfans de Magdelaine Bastonneau sa femme, qui furent,

François Miron, Seigneur de Bonnes & de Gille Voisin, duquel est parlé en son lieu.

Robert Miron, Seigneur du Tremblay cy-apres mentionné.

Marguerite Miron, femme d'Anthoine Rancher, Sieur de la Foucaudiere, Maistre des Requestes de l'Hostel du Roy, puis President aux Enquestes de la Cour de Parlement de Paris ; elle mourut sans enfans.

Magdelaine Miron, femme de Nicolas Choart, Sieur de Magny, Correcteur en la Chambre des Comptes.

Geneuiefue Miron espousa Jacques de Pommereu, Escuyer sieur de la Bretefche & de Vaux-martin, qui en a eu François de Pomeru, sieur de Vaux-martin, Conseiller du Roy en ses Conseils d'Estat & Priué, Maistre des Requestes de son Hostel, & President au grand Conseil.

Gabrielle Miron, femme de Iosias Pajot, Maistre des Comptes à Paris.

François Miron, Cheualier, Seigneur de Bonnes, & de Gilles-voisin, Conseiller du Roy en ses Conseils, Maistre des Requestes, President au Grand Conseil, Chancelier de Monseigneur le Dauphin, fut aussi Lieutenant Ciuil, & Preuost des Marchands à Paris; il espousa Marie Briffon, fille de Barnabé Briffon President en la Cour de Parlement, & vesue d'Edme Jean de la Chambre, Baron de Ruffey. De ceste alliance est issu,

Iean Miron, Seigneur de Bonnes, Conseiller au Grand Conseil, qui a espousé N. de Baillon, fille du sieur des Forges, Conseiller du Roy & Maistre ordinaire en sa Chambre des Comptes à Paris.

Robert Miron, Cheualier, Seigneur du Tremblay, Conseiller du Roy en ses Conseils, second fils de Gabriel Miron, Lieutenant Ciuil, & de Magdelaine Bastonneau, a esté premierement Conseiller en Parlement, puis President aux Requestes, Preuost des Marchands à Paris, Ambassadeur en Suisse, & Intendant de la Iustice, police & finances en Languedoc. Il a espousé Marguerite Brethe fille de Jacques Brethe, Seigneur de Boinuilliers, Conseiller & Se-

cretaire des Commandemens de la Roine Elizabeth d'Austriche femme du Roy Charles neufiesme, dont il a eu les enfans qui suiuent; à sçauoir Jacques Miron Conseiller en la Cour des Aydes, qui a esté marié avec Anne Charpentier fille de Michel Charpentier, Conseiller du Roy en ses Conseils, President au Parlement de Mets, & premier President au Conseil Souuerain de Nancy, & d'Elisabeth Mulot sa femme.

Robert Miron, Sieur du Tremblay, Conseiller du Roy, Correcteur ordinaire en la Chambre des Comptes à Paris.

Louis Miron Prieur de Goussainuille.

Charles Miron Cheualier de Malthe.

Marie Miron, femme d'Anthoine de Vassès, Sieur du Mesnil, Controllleur general des Restes.

Marguerite Miron, femme de Christophle l'Eschassier, Maistre ordinaire en la Chambre des Comptes à Paris.

François Miron Conseiller du Roy, & General de France en Bretagne, fils puisné de François Miron, & de Geneuiefue de Moruilliers, a espousé Renée Chezebien, & en a eu les quatre filles qui suiuent,

Louise Miron femme de Trajan de la Couffaye, Sieur de la Porte, President des Comptes en Bretagne.

Françoise Miron espousa Charles Heuë, Baron de Courfon, Conseiller au grand Conseil, puis Conseiller d'Estat.

Marie Miron, femme de Charles Gouffier Comte de Carauas & de Passauant, l'un des fils de Claude Gouffier Duc de Rotianois, & Marquis de Boify, Grand Escuyer de France. De ceste alliance sont sortis Charles Gouffier Comte de Carauas, decédé sans enfans, & Louis Gouffier aussi Comte de Carauas, qui a espousé vne fille de la Maison de Gaucour.

Renée Miron, alliée par mariage avec Charles le Comte, sieur de Montauglan, Tresorier de France en la Generalité de Paris.

# Genealogie de la Maison

Marc Miron, Seigneur de l'Hermitage, Conseiller d'Estat, premier Medecin du Roy Henry III. sixiesme fils de François Miron sieur de Beauvoir, & de Genevieve de Moruilliers, espousa Marie Gentian, & eut les enfans qui suivent,

Marc Miron Cheualier, sieur de la Ferriere, Grand Maistre des eaux & forests en Normandie, espousa Marie le Picard, de laquelle il n'a eu enfans.

Charles Miron Euesque d'Angers, puis Archeuesque de Lyon, Primat des Gaules.

Louis Miron maistre d'Hostel du Roy, & maistre des Comptes en Bretagne, a laissé plusieurs enfans de Louisa Beau-clerc sa femme.

Henry Miron Cheualier de Mathe.

François Miron sieur de la Chaut, decedé sans lignée.

Marie Miron, femme de Louis le Febvre Seigneur de Caumartin, Garde des Sceaux de France, qui en a eu plusieurs enfans, entr'autres François le Febvre de Caumartin Euesque d'Amiens.

Magdelaine Miron Religieuse.

ALEGRIN.

Comme cy-dessus.

MAILLARD.

D'argent au Ly6 de sable, accompagné de trois maillets de guerres, 2 en chef, & 1 en pointe.

3. **N**ICOLAS HURAVIT, Seigneur de Bois-taillé, de Maïsse, de Bel-esbat, de Iuvisy & du Mesnil Aubin, Conseiller en la Cour de Parlement de Paris, fut vn des plus grands Senateurs de son temps: Il estoit troisieme fils de Iean Hurault Seigneur de Bois-taillé, & de Guillemette de Guetteuille son espouse. En premieres nopces il fut marié avec CLAUDE ALEGRIN fille de Iacques Alegrin sieur de Dian & de Blaines, dont il n'eut enfans; & en secondes avec ANNS MAILLARD, fille de Gilles Maillard, Conseiller en la mesme Cour de Parlement, & de Ieanne Boucher sa femme, duquel second mariage il eut trois enfans remarquez en suite, & deceda au mois de Iuin l'an 1560. Son corps fut inhumé dans l'Abbaie de Morigny près d'Estampes.

9. **R**OBERT HURAVIT Seigneur de Bel-esbat, duquel sera parlé plus amplement cy-apres.

9. JEAN HURAVLT Seigneur de Bois-taillé eut aussi des enfans.

9. ANDRÉ HURAVLT, Seigneur de Maiffe, Conseiller du Roy en ses Conseils, par deux fois Ambassadeur à Venise, estoit tres bien versé en la cognoissance des affaires d'Estat, orné de prudence, de doctrine, & d'experience, & comme tel employé en plusieurs importantes negociations, tant dedans que dehors le Royaume, souz les Rois Charles IX. Henry III. & HENRY LE GRAND, qui l'estimoit pour son merite & sa fidelité. Il estoit encore à Venise lors des grands troubles de France excitez l'an 1589. auquel temps apres la mort de Henry III. il disposa les Senateurs de ceste Republique à recognoistre incontinent pour Roy legitime le mesme Prince Henry le Grand, & à continuer avec sa Majesté l'estroite Alliance contractée depuis si long temps entre la France & Venise. En fin ce digne Ambassadeur & Conseiller d'Estat, termina le cours de sa vie en l'an 1607. son corps fut inhumé en l'Abbaye de Monigny.

La premiere de ses deux femmes RENEE BOILEVE, BOILEVE.  
estoit sœur de N. Boilée Lieutenant general au siege Presidial d'Angers, qui se disoit issu d'Estienne Boilée, D'azur à la fasce d'argent, accompagnée de trois Croix d'or en sautoir, deux en chef & une en pointe.  
le Roy saint Louis, & de Jean Boilée qui fut en la guerre de Hongrie contre les Turcs l'an mil trois cens quatre-vingt seize.

La seconde femme d'André Hurault fut CATHERINE HELIN, fille de N. Helin & de Jeanne le Clerc dite Cortier, laquelle estoit fille de Jacques le Clerc, dit Cottier, sieur d'Aunay & de Nonneville, & sœur d'Anthoinette le Clerc, qui espousa Jean Hurault second du nom Seigneur de Bois-taillé, comme nous dirons cy-apres. De ces deux alliances le Seigneur de Maiffe ne laissa aucuns enfans.

9. **ROBERT HVRAVLT** Seigneur de Bel-esbat, de Valleggrand, de Bus & de Vignay, Maistre des Requestes de l'Hôtel du Roy, & Chancelier de Marguerite de France, Duchesse de Sauoye, estoit fils aîné de Nicolas Hurault, Seigneur de Bois-taillé & d'Anne Maillard sa femme.

**L'HOSPITAL.**

D'azur à la Tour  
d'argent plantée  
sur vn Rocher de  
meisme; au chef  
cousu de gueules  
chargé de trois  
Estoilles d'or.

Il espousa **MAGDELAINE DE L'HOSPITAL** fille vniue de Michel de l'Hospital Chancelier de France, & de Marie Morin sa femme. Elle estoit heritiere des Seigneuries de Bus, de Vignay, de Valleggrand, d'Auneux, & du Fai, & eut du Seigneur de Bel-esbat son espoux huit enfans, qui prirent avec leur surnom de **HVRAVLT**, celui de **L'HOSPITAL**, lequel auoit esté rendu tant illustre par la vertu & le nom de ce grand Chancelier l'yn des ornemens de la France. Ses enfans furent,

10. **CHARLES HVRAVLT**, de **L'HOSPITAL**, Cheualier, Seigneur de Bel-esbat, Capitaine d'une Compagnie de Gens-d'armes, fut tué au siege de Chartres l'an 1591. faisant seruice au Roy Henry le Grand, & ne prit aucune alliance par mariage.

10. **MICHEL HVRAVLT DE L'HOSPITAL**, Seigneur du Fai & de Bel-esbat, Chancelier de Nauarre est cy apres mentionné plus particulièrement.

10. **ROBERT HVRAVLT DE L'HOSPITAL** Baron d'Auneux donna commencement à la branche qui porta ce nom; il en sera traité en son lieu.

10. **PAVL HVRAVLT DE L'HOSPITAL** Archeuesque d'Aix, fut dès l'an 1595. nommé par le Roy Henry le Grand à ceste Prelature; en laquelle il fit paroistre la viuacité de son esprit & son eloquence, par plusieurs doctes Predications, & en autres actions publiques; mesmement lors qu'en l'an 1619. il loua par vne Oraison funebre l'Empereur Mathias, dans l'Eglise Cathedrale de Paris, au seruice & pompes funebres, que le Roy Louis XIII. ordonna estre faites à cét Empereur, proche parent de la Reine sa mere.



Le mesme Archeuesque d'Aix a aussi remporté la louange, que luy donne vn Autheur de ce temps, d'auoir esté grand defenseur des droicts de l'Eglise, & de l'autorité Episcopale. Son decés aduint à Paris au mois de Septembre 1624. apres auoir tenu enuiron vingt-deux ans le siege Archiepiscopal, auquel succeda, par sa demission, GUY HVRAVL DE L'HOSPITAL son neveu, comme nous dirons.

10. I E A N H V R A V L T D E L' H O S P I T A L, Seigneur de Gomeruille Fai, Gentil-homme ordinaire de la Chambre du Roy, espousa LOUISE D'ALONVILLE, fille de François Seigneur d'Oysonuille en Beauffe, Cheualier de l'Ordre du Roy, Gouverneur d'Estampes, & Lieutenant de la Compagnie de cinquante hommes d'armes de Paul Chabot Seigneur de Clairvaux; & de Ieanne du Monceau sa femme. Aucuns enfans ne sortirent de ce mariage.

---

D'ALONVILLE.

D'argent à la fasce de deux pieces de sable.

10. F R A N Ç O I S H V R A V L T D E L' H O S P I T A L Seigneur de Vignay, sixiesme fils de Robert Hurault, fut employé par Henry le Grand en Leuant, vers le Grand Seigneur, & en Italie, & mourut à l'age de 22. ans.

10. M A R G V E R I T E H V R A V L T D E L' H O S P I T A L fut alliée par mariage avec I E A N D E G O N T A V L D D E B I R O N, Cheualier, Baron de Salignac, Conseiller du Roy en ses Conseils d'Estat & Priué, Capitaine de cinquante hommes d'armes des Ordonnances, Marechal de ses Camps & Armées, & Ambassadeur pour sa Maiesté en Leuant, à la porte du Grand Seigneur: Il estoit issu de mesme famille que les deux renommez Marechaux de France, Armand & Charles de Gontauld de Biron, pere & fils, & rendit plusieurs signalez seruices au Roy Henry le Grand.

---

D E  
GONTAULD  
DE BIRON.

Escarcelé d'or & de gueules en banniere.

De son mariage avec MARGVERITE HVRAVL DE L'HOSPITAL sortirent vn fils & cinq filles; à sçauoir, François de Gontauld de Biron, Baron de Salignac; Marie de Gontauld Religieuse en l'Abbaye de

Font-étrauld. Catherine de Gontauld prit aussi le voile de Religieuse en l'Abbaie de la Sainte Trinité de Poitiers: Les autres filles furent Anne, Magdelaine & Louise de Gontauld.

10. MARIE HVRAULT DE L'HOSPITAL deuxiesme fille de Robert Hurault Seigneur de Bel-esbat, espousa LOVIS DE LA RIVIERE, Seigneur de Cheny, duquel mariage ne furent procréés aucuns enfans.

DE LA RIVIERE,  
CHENY.

10. MICHEL HVRAULT DE L'HOSPITAL, Cheualier, Seigneur du Faï, & de Bel-esbat, Chancelier de Nauarre, fils aîné de Robert Hurault Seigneur de Bel-esbat & de Magdelaine de l'Hospital sa femme, donna dès sa plus tendre ieunesse tant d'esperance de luy, que le Chancelier de l'Hospital son ayeul maternel & son parrain luy rendit des tesmoignages d'une singuliere affection: Ce grand personnage preuoyant par vn solide iugement, qu'il seroit vn iour l'une des lumieres de sa famille, comme il aduint. Car pendant les guerres ciuiles ayant suiuy le party & la fortune du Roy Henry le Grand, lors seulement Roy de Nauarre, sa Maïesté recognut qu'il estoit doué de plusieurs rares parties, & ayant des preues de son experience non commune au maniement des affaires d'Estat, l'enuoya son Ambassadeur aux Pais-bas, en Angleterre & en Alemaigne vers aucuns Princes ses alliez: puis le fit son Chancelier: Et comme ce genereux Seigneur auoit heureusement ioint les lettres avec les armes; aussi continua-t'il de seruir tres-vtilement, ayant par ses excellens & libres Discours, qui furent publiez sur les affaires du temps, puissamment defendu la iuste cause de ces deux grands Monarques Henry III. & Henry le Grand, contre les entreprisedes de leurs ennemis, & ceux de l'Estat.

Depuis, le mesme Seigneur du Faï, capable de toutes choses grandes, s'estant porté dans les actions militaires, lors du siege de Rouën, en l'an 1592. le Roy luy donna commandement sur quelques vaisseaux armez, puis en suite luy confia le gou-

le gouvernement de la place de Quille-bœuf en Normandie. Il la fit diligemment fortifier pour la rendre des meilleures de la Prouince, afin d'incommoder ceux de Rouën, rebelles à sa Maiefté. Mais la violence d'une maladie, qui le surprit en celieu, fut si grande, qu'elle le porta dans le tombeau en ceste mesme année 1592. Il receut les honneurs de la sepulture à Bel-esbat.

OLYMPE DV FAVR son espouse estoit fille de cét autre grand Genie du sçavoir & de prudence Guy du Faur Seigneur de Pibrac, President en la Cour de Parlement de Paris, & Chancelier de Monsieur le Duc d'Anjou frere du Roy Henry III. & de la Reine Marguerite leur sœur. Cette Dame du Fai eut pour mere Anne de Custos, femme du mesme Seigneur de Pibrac; la Famille duquel se rendit celebre en l'Eglise, aux armes, & aux grandes Charges de la Justice. Pierre du Faur son pere fut President au Parlement de Tolose, & le frere puîné d'iceluy, Michel du Faur, obtint pareille dignité, & outre celle de Chancelier de l'Infante de Portugal. Entre plusieurs enfans que cestuy-cy laissa, fut Pierre du Faur, Cheualier, Seigneur de S. Iory premier President au mesme Parlement de Tolose, personnage qui estoit aussi grandement estimé autant pour sa prud'hommeie que singuliere doctrine. Son fils Baron de S. Iory a espousé la sœur du Comte de Biulé de la maison de Cardaillac en Languedoc. Des quatre freres du mesme Guy du Faur Seigneur de Pibrac, Pierre fut Euesque de la Vaur, Louis Seigneur de Gratsins, Chancelier de Navarre, Arnaud Seigneur de Puiols premier Gentil-homme de la Chambre du Roy Henry le Grand, lors seulement Roy de Navarre, & Charles du Faur, lequel, comme plusieurs autres de ceste maison, a esté honoré de la charge de President au Parlement de Tolose.

DE MICHEL HVRAVLT DE L'HOSPITAL, & de son espouse OLYMPE DV FAVR, sortirent les deux fils & la fille qui se voyent en suite.

II. PIERRE HVRAVLT DE L'HOSPITAL Seigneur de Bel-esbat, sera mentionné cy-apres.

DV FAVR  
PIBRAC.

D'azur à deux  
fascés d'or, ac-  
compagnés de  
six bezans d'ar-  
gent, 3. en chef,  
& 3. en pointe.

II. GUY HVRAULT DE L'HOSPITAL fut Archeuesque d'Aix apres son oncle Paul, qui luy resigna ceste Prelature des l'an 1618. Mais six ans apres qu'il eut pris en main le baston Pastoral, il fut contraint de le quitter par la mort qui luy aduint à Paris le troisieme iour de Decembre 1625. lors de l'Assemblée du Clergé. Il fut inhumé dans l'Eglise de Bel-esbat. Alphonse du Pleffis de Richelieu luy succeda en l'Archeuesché d'Aix, & depuis a esté aussi Archeuesque de Lyon, Grand Aumosnier de France, & Cardinal du S. Siege.

II. MAGDELAINE HVRAULT DE L'HOSPITAL decedée en ieunesse.

II. PIERRE HVRAULT DE L'HOSPITAL Seigneur de Bel esbat, Maistre des Requestes ordinaire de l'Hostel du Roy, & Conseiller en ses Conseils d'Estat & Privé, fils aîné de Michel Hurault de l'Hospital Seigneur du Faï, & d'Olympe du Faur son espouse, suiuant les genereuses traces de ses Illustres ayeuls, se rendit recommandable par sa vertu, & son erudition non commune, & autres bonnes parties qui reluisoient en luy; Il deceda à S. Germain en Laye au mois de Iuillet 1623. laissant de CLAIRE DE GESSE sa femme fillé d'André de Gessé, & d'Anthoinette de Madron son espouse, les six enfans qui sont cy-dessous remarquez.

DE GESSE

12. HENRY HVRAULT DE L'HOSPITAL Seigneur de Bel-esbat, Conseiller du Roy en la Cour de Parlement de Paris.

12. PAVL HVRAULT DE L'HOSPITAL Seigneur du Faï.

12. JEAN BAPT. HVRAULT DE L'HOSPITAL, Cheualier de Malthe.

12. GUY HVRAULT DE L'HOSPITAL.

DE CHOISY.

12. JEANNE HVRAULT DE L'HOSPITAL, allée par mariage avec JEAN DE CHOIST, Maistre des Requestes ordinaire del'Hostel du Roy.

12. MARGVERITE HVRAULT DE L'HOSPITAL.

# BARONS D'AVNEUX.

10.



ROBERT HURAVLT DE L'HOSPITAL Baron d'Auneux, & Seigneur de Vignay, troisieme fils de Robert Hurault Seigneur de Bel-esbar, & de Magdelaine de l'Hospital sa femme, espousa ESPERANCE

PERROT.

deux fils & vne fille. Plusieurs de ceste Maison de Perrot (descendüe de Marguerite de Thou, tante paternelle de Christophle de Thou premier President en la Cour de Parlement de Paris) ont esté honorez, comme ils sont encores à present, des dignitez de Presidens & Conseillers en la mesme Cour de Parlement. Ce Seigneur Baron d'Auneux deceda en l'an 1625. Ses trois enfans sont cy-dessous remarquez.

D'azur à deux Croissans d'argent addossiez, l'un montant, l'autre renuersé, au chef d'or, chargé de trois Aiglettes, esployees de sable.

11. PHILIPPES HURAVLT DE L'HOSPITAL Seigneur de Vignay, duquel est parlé cy-apres.

11. ANDRE' HURAVLT DE L'HOSPITAL Baron d'Auneux.

11. IDE HURAVLT DE L'HOSPITAL a esté marié avec PAUL D'ORTHE sieur de la Falaise.

D'ORTHE  
LA  
FALAISE.

11. PHILIPPES HURAVLT DE L'HOSPITAL Seigneur de Vignay, fils aîné de Robert Baron d'Auneux, & d'Esperance Perrot sa femme, a pris alliance par mariage avec N. L'ALEMAN, dont il a eu des enfans, à sçauoir,

L'ALEMAN.

12. N. HURAVLT DE L'HOSPITAL.

12. Autres enfans.



SVITE DE LA BRANCHE  
**DES SEIGNEURS**  
**DE BOIS-TAILLÉ,**  
 ET DE BONNES.



9. **JEAN HURAVLT II.** du nom, Seigneur de Bois-taillé, & de Bourré, Maître des Requestes del' Hostel du Roy, Conseiller en les Conseils d'Estat & Priuë, Ambassadeur pour sa Maiesté en Constantinople & à Venise, deuxiesme fils de Nicolas Hurault Seigneur de Bois-taillé, & d'Anne Maillard sa femme, mourut en l'an 1582. allant Ambassadeur en Angleterre pour le Roy Henry III. & delaisant trois enfans d'ANTHOINETTE le Clerc, dite Cortier sa femme, qui estoit fille de Jacques le Clerc, dit Cortier, Sieur d'Aunay & de Nonneuille. Elle deceda le cinquiesme iour du mois de May en l'an 1572. Le Seigneur de Bois-taillé son mary fut inhumé en l'Abbaye de Morigny.

LE CLERC,  
 dite COTTIER

D'argent au che-  
 uron d'azur, ac-  
 compagné de  
 trois roses de  
 gueules, pointées  
 ou boutonnées  
 d'or 1. 1.

10. **JEAN HURAVLT III.** du nom Seigneur de Bois-taillé.

10. **FRANÇOIS HURAVLT** Seigneur de Bonnes, dont les enfans se verront apres ceux de Jean Hurault son frere aîné.

DE CVGNAC,  
 IMONVILLE.

Gironné d'argët,  
 & de gueules, de  
 huit pieces.

10. **ANNE HURAVLT** femme de **PAUL DE CVGNAC**, Cheualier, Baron d'Imonuille en Beaussé; duquel mariage sont issus treize enfans; à sçauoir, Paul de Cugnac, mort à l'aage de vingt ans.

Louïs de Cugnac Cheualier de Malthe.

François de Cugnac Baron d'Imonuille, duquel est parlé cy-apres.

Charles de Cugnac mort au siege de Mont-pellier.

Philippes de Cugnac Seigneur de Rouure, Chanoine en l'Eglise de Chartres.

André de Cugnac Religieux au Monastere de Marmontier lez Tours.

Gabriel de Cugnac Sieur de Richaruille.

Marie de Cugnac, femme d'Edme de Prunelé sieur de Meninuille.

Anne de Cugnac espouse de Charles de Poiloue sieur de Fouuille.

Ieanne de Cugnac espousa Hierosme de Luc sieur de Fontenay.

Françoise de Cugnac mariée avec Alexandre de Forctoy, Escuyer sieur du Bois-de-villiers.

Elisabeth de Cugnac Religieuse au Conuent de Glatigny en Berry.

Louise de Cugnac.

François de Cugnac Cheualier, Baron d'Imonuille troisieme fils de Paul de Cugnac a espouse Louise de Pauiot fille de Charles de Pauiot Cheualier, Seigneur de Boissy le sec, & de Marie de Roche-choüart sa femme. De ceste alliance est issu François de Cugnac.

ANNE HVRAVLT Dame d'Imonuille, mere de tous ces enfans, deceda le 18. de Septembre 1633. & gist à Imonuille; Paul de Cugnac son mary estant deputé de la Noblesse du païs Chartrain en l'Assemblée des Estats generaux tenus à Paris l'an 1615. il y mourut au mesme an, & fut inhumé dans le chœur de l'Eglise de S. Estienne du Mont.

10. JEAN HVRAVLT II. du nom, Seigneur de Boi-taillé, Mespuis & Val-puifieux, fils aîné de Jean Hurault I. du nom, aussi Seigneur de Bois-taillé, & d'Anthoinette le Clerc sa femme, fut marié avec MARGVERITE BOVRDIN, fille de Gilles Bourdin Seigneur d'Assy, Procureur General en la

BOVRDIN.

D'azur au chevron d'argent, à 3. testes de Daim d'or, 1. en chef affrontées, & une en pointe.

Cour de Parlement de Paris, & d'Isabeau Fusée son épouse. Ce Seigneur d'Assy estoit issu d'un Secrétaire d'Estat & des Commandemens, & de la sœur de Jean Brinon Chancelier d'Alençon, & premier Président au Parlement de Rouën; & ayant succédé à Noël Brulart son beau-frère, en la charge de Procureur General, il l'exerça avec une grande réputation de doctrine & de probité. Le Seigneur de Bois-taillé son gendre deceda l'an 1630. étant fort âgé, & fut enterré avec sa femme en la Chapelle des Brinons de l'Eglise de S. Seuerin à Paris. Leurs enfans se voyent remarquez en suite.

## II. JEAN HURAVLT decedé en ieunesse.

### MELIAND.

D'azur à la Croix d'or, cantonnée au 1. & 4. quartier d'un Aigle de mesme, au 2. & 3. d'une ruche à miel aussi d'or.

II. GENEVIEVE HURAVLT, a esté alliée par mariage avec BLAISE MELIAND Cheualier, Seigneur d'Egligny, Conseiller du Roy en ses Conseils d'Estat & Priue, qui fut enuoyé Ambassadeur en Suisse par le Roy Louys XIII. l'an 1635. apres s'estre dignement acquitté de la charge de Président aux Enquestes de la Cour de Parlement de Paris, qu'il exerça par quelques années.

### DE BREANT.

De gueules à six macles d'or 3. 2. 1.

II. MARIE HURAVLT femme de LOUIS de BREANT, Cheualier, Seigneur de la Roche & de Bonseil, Escuyer du Roy.

II. ELISABETH HURAVLT decedée en bas aage.

### DE LA TRANCHEE.

D'azur au Cheuron d'or, accompagné de 3. Trèfles d'argent, 2. en chef, & 1. en pointe.

10. FRANÇOIS HURAVLT Escuyer, Seigneur de Bonnes & de Dampierre en Brie, fils puîné de Jean Hurault I. du nom, Seigneur de Bois-taillé, & d'Anthoinette le Clerc sa femme, espousa ELISABETH DE LA TRANCHEE, dont il a eus quatre enfans qui sont cy-dessous nommez.

II. FRANÇOIS HURAVLT mort en ieunesse.

### DE VEILLARD.

II. ELISABETH HURAVLT femme de CHARLES DE VEILLARD Escuyer, sieur de la Chaisne, Bailly & Gouverneur d'Estampes.


II. DIANE HURAVLT.

II. MARGVERITE HURAVLT.



# TABLE DES MAISONS

## alliées par mariage avec celle des HYRAVLTS.

<b>A</b>			
 Vmont.	page 25.	La Caille.	6.
Anglure-Giury.	22.	Coicaut-la Riviere.	36.
Alonuille.	47.	Le Comte.	7.
Alegrin.	44.	Constant-Fontpertuis.	35.
l'Aleman.	51.	Creneur.	7.
Aurillot.	40.	<b>D</b>	
<b>B</b>		D Aillon-du Lude.	26.
B Ouchet-Soutches.	17.	Dangereux-Beaupuy.	23.
B Beaune-Samblançay.	14.	<b>E</b>	
Bernard-Champigny.	6.	E Scoubleau-Sourdis.	22. 24.
Berulle.	35.	E Eschalard-la Boulaye.	35.
Boilève.	45.	E Estampes-Valançay.	13.
La Boissiere.	16.	<b>F</b>	
Bourdin.	53.	Du F Aur-Pibrac.	49.
Breant.	54.	Du Fai.	7.
Brethe.	29.	<b>G</b>	
La Bretonniere.	8.	G Ontauld-Biron.	47.
<b>C</b>		G Gaillard.	25.
C Habor-Charny.	25.	Garandeau.	12.
C Carnualet.	32.	Gessè.	50.
Cochefilet-Vaugelas.	34.	Guerchy.	7.
Cugnac-Immonuille.	52.	Guetteuille.	39.
Chauuigny-Boisfront.	8.	<b>H</b>	
Choisy.	50.	H Arnille-Palaiscau.	17.
Chauuet.	7.	H Helin.	45.
Le Clerc.	52.	Herbelot-Ferrieres.	33.
		l'Hospital S. Mesme.	ibidem.

l'Hospital, autre famille.

**L** Aual-Nesse.  
Lotin.

**M** Aillard.  
Mal-herbes.

Meliand.  
Montaumer.  
Moruilliers.  
Monuilliers.  
Des Moulins.  
Moyon.

**O** Liurier Leuville.  
Orthe-la Falaise.

**P** Roisy-la Bauuc.  
Poncher.  
Perrot.  
Palot.

**R** Aguyer la Mothe.  
Refuge.  
La Riuiere-Cheny.

46. Roberter. 30.  
Rocheport-Croisette. 31.

22. Rochembaud. 8.

40. Roucy-Sissonne. 34.  
Rostain. 24.

44. Rougemont. 36.

6. LE Roux de la Roche des Au-  
biers. 16.

36. Le Roux, autre famille. 40.

41. Du Ru. 6.

7. **S**  
14. **S** Vbler. 7.  
7.

**T**  
33.  
51. La **T** Remoille Royan. 23.  
Du Texier-Brijs. 33.

36. De Thou. 21.

14. 15. 29. La Trenchée. 54.

51. **V**  
8. V Assé. 18.

29. Voyer d'Argenson. 36.

5. Le Vendomois. 15.

48. Veillard. 54.

Villebrefme. 6.

F I N.





XXX VII. 83



